

Khuddakanikāye Abhidhammapiṭake

Dhammasaṅgaṇīpāliyā saṁvaṇṇanā

Bhadantamahābuddhaghosattherena katā

ATṬHASĀLINĪ-ATṬHAKATHĀ



Buddhavasse 2552

Marammavasse 1370

AD. 2008

Romanized from Myanmar version published in 1963

© Buddhasāsana Society

Aṭṭhakathā Series 48

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṇa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ° ṁ

VOWELS IN COMBINATION

-၁ ြ = ā ၀ = i ၀ = ī ၂ - ၂ = u ၂ - ၂ = ū - = e -၁ ြ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ င ဝ ṅgha	ဏ ဏ ṅtha	ဈ ဈ dhya	ဠ ဠ pla	လ လ lla
ကက kka	ဠ ဠ cca	ဏ ဏ ṅḍa	ဠ ဠ dhva	ဠ ဠ pba	လ လ lya
ကျ kya	ဠ ဠ ccha	ဏ ဏ ṅṇa	ဠ ဠ nta	ဠ ဠ bbha	လ လ lha
ကြိ kri	ဠ ဠ jja	ဏ ဏ ṅha	ဠ ဠ ntva	ဠ ဠ bya	ဂ ဝ vha
ကက kla	ဠ ဠ jjha	ဏ ဏ tta	ဠ ဠ ntha	ဠ ဠ bra	ဠ ဠ sta
ကက kva	ည ည ṅṅa	ဏ ဏ ttha	ဠ ဠ nda	ဠ ဠ mpa	ဠ ဠ stra
ဈ ဈ khya	ည ည ṅṅha	ဏ ဏ tva	ဠ ဠ ndra	ဠ ဠ mpha	ဠ ဠ sna
ဠ ဠ khva	ည ည ṅṅca	ဏ ဏ tya	ဠ ဠ ndha	ဠ ဠ mba	ဠ ဠ sya
ဂ ဝ gga	ဠ ဠ ṅṅcha	ကြိ ကြိ tra	ဠ ဠ nna	ဠ ဠ mbha	ဠ ဠ ssa
ဠ ဠ ggha	ည ည ṅṅja	ဠ ဠ dda	ဠ ဠ nya	ဠ ဠ mma	ဠ ဠ sma
ဈ ဈ gya	ည ည ṅṅjha	ဠ ဠ ddha	ဠ ဠ nha	ဠ ဠ mya	ဠ ဠ sva
ကြိ ကြိ gra	ဠ ဠ ṅṅṅta	ဠ ဠ dya	ဠ ဠ ppa	ဠ ဠ mha	ဠ ဠ hma
က က ṅka	ည ည ṅṅṅtha	ကြိ ကြိ dra	ဠ ဠ ppha	ဠ ဠ yya	ဠ ဠ hva
ခ ဠ ṅkha	ည ည ṅṅṅḍa	ဠ ဠ dva	ဠ ဠ pya	ဠ ဠ yha	ဠ ဠ ḷha
ဂ ṅ nga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Nidānakathā

Sirimatā amhākaṃ Buddhena Bhagavatā Arahatā Sammāsambuddhena sakalalokapatthaṭamahākaruṇāsinehasiniddhahadayena sabbattha appaṭihatasabbaññūtanāvarenaḍiṇāṇobhāsasamujjalitena sanarāmaralokagurunā sadevakassa lokassa atthāya hitāya sukhāya dhammo ca vinayo ca desito pañṇatto, so pariyaṭṭipattipattipattivedhavasena vibhatesu tīsu saddhammesu pariyaṭṭisaddhammo nāma, tadeva ca sāsaṇaṭṭhitiyā pamāṇaṃ, satiyeva hi tasmīṃ itare uppajjanti, nāsati, vuttaṇhetam **Aṅguttaraṭṭhakathāyaṃ**— (Am-Ṭṭha 1. 72 piṭṭhe)

“Suttantesu asantesu, pamuṭṭhe vinayamhi ca.

Tamo bhavissati loko, sūriye atthaṅgate yathā.

Suttante rakkhite sante, paṭipatti hoti rakkhitā.

Paṭipattiyam ṭhito dhīro, yogakkhemā na dhamṣati”ti.

Teneva ca saddhammaciraṭṭhitikāmino theravarā Mahākassapādayo pariyaṭṭisaddhammasaṅkhātāṃ Tepiṭakāṃ Buddhavacanāṃ saṅgītimāropetvā Buddhasāsaṇaṃ saṃrakkhīṃsu, taṃkālikā ca rājāno saddhammābhivuddhikāmaṃ tesāṃ saṅgītikārānaṃanubalappadānena sahāyattamupāgamuṃ.

Tathā hi catūhādhikatimāsapariniḅbute Bhagavati Mahākassapattherappamukhehi pañcahi arahantasatehi Rājagahe **paṭhamā dhammasaṅgīti** katā rañño Māgadhasa Ajātasattuno visesaṅgahamādāya.

Vassasatapariniḅbute ca Bhagavati Mahāyasattherappamukhehi sattahi arahantasatehi Vesāliyaṃ **dutiyā dhammasaṅgīti** katā, tadā ca Kālāsoko mahīpati tesāṃ sahāyattamupāgato.

Tathāgatapariniḅbānato pana dvinnāṃ vassasatānamupari pañcattimśatime vasse Mahāmoggaliputtatissattherappamukhehi arahantasahashehi Pāṭaliputte **tatiyā dhammasaṅgīti** katā sakalalokapatthaṭayasassa Dhammāsokassa bhūpatino niratisayānuggaham laddhāna.

Sammāsambuddhapariniḅbutito pana catunnaṃ vassasatānamupari paṇṇāse vasse Laṅkādiṇe Vaṭṭagāmaṇirājino kāle Mātulajanapade Ālokaleṇe **catutthī dhammasaṅgīti** katā pañcahi arahantasatehi Mahādhammarakkhitattherappamukhehi, yā loke “pothakāropanasāṅgīti”ti pākaṭā.

Buddhavasṣe pana catussatādhikadvisahassānamupari pannarasamasāṅkhyāṃ sampatte imasmimṇi Marammaraṭṭhe **Mindonnā**massa mahādhammarājino kāle Mandalay itipākaṭe Ratanāpuñjanagare **pañcamī dhammasaṅgīti** katā catussatādhikadvisahassattherehi Dakkhiṇārāmaṃvāsītipīṭakadharabhadantaṇāgarattherappamukhehi tasseva rañño anavasesānuggahamādāya, yā loke “selakkharāropanasāṅgīti”ti vuccati.

Itthaṃ sudāṃ Buddhassa Bhagavato sāsanaṃ iddhañceva hoti phītañca vitthārikāṃ bāhujaññaṃ puthubhūtaṃ yāvajjatanā.

Cirakālato panetaṃ Buddhavacanaṃ lekhaṇaparamparāya ceva muddaṇaparamparāya ca anekakkhattuṃ parivattiyābhatāṃ na sakkā dāni vattuṃ “paṭhamadutiyatatiyādīsāṅgītimāropitākāreṇeva sabbaso parisuddhaṃ”ti, aññadatthu paṇādhunikapotthakesu saṃvijjamānehi kehici paṃādālekhaḁdīsāṅgītakhalitādhikaparibhaṭṭhapāṭhehi malīnamevetāṃ, tathā hi nāñādesiyapotthakesu aññamaññaṃ saṃsandiyaṃānesu anekā visadisapāṭhā dissanti.

Tatoyeva ca Buddhavacanassa suparisuddhabhāvakāmino mahātherā sasatthantarapīṭakattayakovidā dhammavinayaṃ vācentāyeva te khalitādhikaparibhaṭṭhapāṭhe disvā evaṃ samacintesuṃ kathesuṃ ca—

“Advayavādino suparisuddhavacanassa tassa Bhagavato pāvācanaṃ advayaṃ suparisuddhaṃ nimmalamevassa, imesu pana pāvācanapotthakesu aññamaññaṃ visadisā ceva aparisuddhā ca pāṭhā dissanti, nissāṃsayāṃ kho ayameva mūlapāṭho, yo nesāṃ yuttisampanno, tadañño pana paṃādālekhaṇapāṭhoyeva, tādisā ca dissanti ādhunikapāvācanapotthakesu kismiñci kismiñci ṭhāne.

Kāmañcetedāni na tāva bahutarā, yāva yathābhūtaṃ Pāḁiyā atthaṃ paṭisedheyyuṃ, etarahi pana asodhiyaṃānā te gacchante gacchante

kāle bahutarā bahutarā jāyeyyūṃ, taṃkālikā ca pacchimā janā te sodhetuṃ asamatthā yathādhippetāṃ Pāḷiyā atthāṃ na sammā jāneyyūṃ, evamete saddhammassa sammosāya antaradhānāya saṃvatteyyūṃ.

Vuttaṃ hetāṃ **Āṅguttaranikāye**— (Am 1. 60 piṭṭhe)

‘Dveme bhikkhave dhammā saddhammassa sammosāya antaradhānāya saṃvattanti, katame dve, dunnikkhittaṃ ca padabyañjanaṃ attho ca dunnīto, dunnikkhittassa bhikkhave padabyañjanassa atthopi dunnayo hoti, ime kho bhikkhave dve dhammā saddhammassa sammosāya antaradhānāya saṃvattanti’ ti.

Yaṃnūna mayāṃ te sodhetvā nimmalaṃ parisuddhaṃ Buddhavacanaṃ sampatiṭṭhāpeyyāma, tadassa saddhammaciraṭṭhitiyā bahujanahitāya bahujanasukhāya ca, taṃ pana na sukaraṃ sampādetuṃ aññatra dhammikaṛājūnāmanuggahenā” ti.

Sā paṇāyaṃ kathā patthaṭā sādhujanaparamparāya, sutā ca **U Nu** nāmadheyyaggamahāmacappamukhehi Marammaratṭhissarehi, sutvāna te evaṃ samacintesuṃ sammantayīṃsu ca “na kho panetaṃ amhākaṃ patirūpaṃ, ye mayāṃ pubbakehi dhammikehi dhammarājūhi samanuggahitassa Buddhasāsanassa parihānikāraṇaṃ passamānāyeva ajjupekkhitvā appossukkā vihareyyāma, yaṃnūna mayāṃ sāsānopakārupāye sampādetvā visesato ca ādhunikapāvācanapotthakesu dissamāne saṃsayaṭṭhāniye pamādalekhapāṭhe saṃsodhetukāmānaṃ mahātherānaṃ ajjhāsayaṃ paripūretvā Buddhasāsanāṃ anuggaṇheyyāma” ti, atha te sabbepi sāsānānuggahāya katasanniṭṭhānā ahesuṃ.

Anuggahitukāmehipi ca tehi na sakkā āṇāya kātuṃ vinā mahājanacchandasañjātopadesena, mahājanappatinidhibhūtā hi etarahi Marammikā rājāno, upadeso ca santhāgārasamitiyaṃ mahājanappatinidhibhūtānaṃ matisajīvānaṃ chandeneva samuppajjati, tasmā Buddhasāsanānuggahāya santhāgārasamitiyaṃ ekaṃ dhammupadesaṃ paññāpetvā **Buddhasāsanasamiti** nāma mahāsamiti samuṭṭhāpitā. Tassā kho pana samitiyā sabhāpati hoti *Thadosirīsudhammopādhidhārī* **Sir U Thwin** vhayo mahāseṭṭhi, upasabhāpati pana *Thadosirīsudhammopādhidhārī* yeva **U Thein Maung** vhayo padhānaḍḍavinicchayamandiramhi mahākkhadassādhipati, sabbakammavidhāyako pana

hitadharo *Thadomahāsa*resīthūpādhiko **U Chan Htun**vhayo upadesikādhīpatipadhānanīvedimahāmantī. Bhaṇḍuppādako pana raṭṭhissarānaṃ patinidhibhūto **U Win** nāmadheyyo sāsanaṭṭhānikamahāmatto.

Atha te Buddhasāsanasamitikā “yāyeva kho panatthāya samuṭṭhāpitāyaṃ samiti, tadatthamidāni visesato kāhāmā”ti Marammaraṭṭhebbhipākaṭaḡaḡasamudayasamudite tattha tattha padhānanāyakabhūte paropaṇṇāsamahāthere dīghadassino nimantiya evamārocesuṃ “ayaṃ bhante amhākaṃ Buddhasāsanamahāsamiti Buddhasāsanānuggahatthāyeva raṭṭhissarānaṃ dhammupadesena samuṭṭhāpitā, sacedāni bhante pubbe viya dhammasaṅgītiṃ katvā sāsanaṃ paggaṇhituṃ yujjeyya, mahātherā ca tathā kātumiccheyyūṃ, vissatthāva bhante karontu, mayaṃ tattha kāyañāṇapaccayabalehi niravasesaṃ byāvaṭā bhavissāmā”ti.

Atha kho te mahātherā “dhammasaṅgītiṃ karissāmā”ti katasanniṭṭhānā evaṃ pativedesuṃ “kattabbāyevesā dhammasaṅgīti, nesā na kattabbā, tasmā mayaṃ dāni piṭakapotthakāni pañcamasaṅgītisilālekhāya samānetvā tāniyeva sarīraṃ katvā Pāḷisaṃsodhanapubbaṅgamaṃ dhammasaṅgītiṃ kassāma, yāya ādhunikapotthakesu paramparāparivattanavasena sañjātā pamādalekhaṇā ca nirākarīyissanti, visodhitaṅca suparisuddhaṃ pāvacaṇamūlaṃ labhitvā taṃ muddāpetvā sakalaloke nānāraṭṭhesu nānādesesu byāpanavasena Buddhasāsanassa ciraṭṭhiti ca sādhiyissati, sabbe ca Theravādīkā raṭṭhā Marammaraṭṭhasahitā ekato hutvā Buddhasāsanāṃ abhūtapubbapaggahena paggaṇhituṃ labhissanti, sā ca purimikā pañca saṅgītiyo upanidhāya **chaṭṭhasaṅgīti** nāma bhavissati, taṅca sabbaṃ bhavissati bahujaṇahitāya bahujaṇasukhāya atthāya hitāya sukhāya devamanussānaṃ, bahūni panettha āvassakakiccāni paṭikacceva samādapetabbāni tumhākamāyattāni, tasmā saṅgītikālavavattānādīkiccaṃ tumhākaṃyeva bhāro hotū”ti.

Atha te Buddhasāsanasamitikā sāsanaṭṭhānikānaṃ mahātherānaṃ chandaṅca ruciṅca samādāya ovādaṅca sirasā sampaṭicchitvā therānaṃ ceva attano ca kattabbakiccānaṃ pariniṭṭhānasamayaṃ sallakkhetvā “ayaṃ chaṭṭhasaṅgīti Sammāsambuddhapariniṭṭhānato catussatādhīkānaṃ dvinnaṃ vassasahassānamupari

aṭṭhanavutime vasse vesākhapuṇṇamito paṭṭhāya ārabhitabbā, dve ca vassāni kattabbā, pañcannaṃ ca sāsanaṃvassasahassānamupaḍḍhavasve vesākhapuṇṇamiyaṃyeva pariniṭṭhāpetabbā”ti saṅgītikālaṃ vavatthapesuṃ.

Tato paṭṭhāya ca te punappunaṃ sannipatitvā sammantayitvā saṅgītiyā pubbakiccesu nirantaraṃ byāvaṭṭaṃ honti, “mahantaṃ kho Jinasāsanaṃ mahatiyāyevetaṃ pūjāya pūjanīyaṃ”ti mantvā tehi kārapitāni mahantamahantāni sāsanaṃmandirāni, tattha saṅgītiṃ kurumānassa bhikkhusaṃghassa sukhasannisaṃjattamaṃ sannipātaṭṭhānabhūtaṃ mahantaṃ saṅgītiṃmandiraṃ Yangon nāma rājadhāniyaṃ **Sirīmaṅgalatthale Kaba Aye** (Lokasāma) nāmakassa cetiyassa āsanne selapabbataguḥāvesena kārapitaṃ tibhūmakāṃ pāyaso silā-iṭṭhakāyomaṃ, evaṃ mahantampetaṃ ekasaṃvacchareneva pariniṭṭhāpitaṃ iddhiyā maññe nimmitaṃ, taṅca bahi ṭhatvā apekkhattaṃ sayamaṃjātaselapabbato viya dissati, anto pavisitvā olokayataṃ pana olokitolokitaṭṭhānato dassanīyaṃ pāsādikaṃ ramaṇīyaṃ atittikameva hutvā devavimānaṃmiva khāyati. Tassa panāvidūre aḍḍhateyyānaṃ saṅgītikārabhikkhusahassānaṃ nivāsappahonakā cattāro iṭṭhakamayā mahāpāsādā ceva iṭṭhakamayāyeva bhojanamahāsālā ca mahāsīmāpāsādādayo ca muddaṇayantasālā ca tatheva kārapitā.

Mahātherāpi ca “saṅgītikiccaṃ nāma therādheyyaṃ, therānaṃ ovādeneva kattabbaṃ, na vinā tena, tasmā bhikkhusaṃghassa ceva upāsakānaṃca sabbampi saṅgītipaṭibaddhamovādaṃ dātum bhavitabbamettha ovādadāyakaṃsaṃghasabhāyapī”ti Marammaraṭṭhadhajūpame aggamahāpaṇḍitopādhidhārino ca raṭṭhovādācariyasammate ca raṭṭhavinayadharasammate ca aññe cābhipākaṭagarubhāvanīyādiguṇagaṇasamaṅginoti parosataṃ nāyakamahāthere uccinitvā “chaṭṭhasaṅgīti-ovādācariyaṃghanāyakaṃsabhaṃ” nāmekāṃ padhānamahāsaṃghasabhāṃ patiṭṭhāpesuṃ, te ca nāyakamahātherā Sambuddhavacanaratanākarapārage vividhasatthantaragahanāsaṅgacārīne therānuthere pañcavīsatiṃmatte samuccinitvā “chaṭṭhasaṅgītidhurandharasabhā”ti ca sammantitvā tassā sabhāya bhāraṃ niyyātesuṃ sabbāni saṅgītipaṭibaddhakiccāni saṃvidahitum. Te ca saṅgītidhurandharasabhikā therā sakalamarammaraṭṭhe **Nyaung Yan Sayadaw**ti abhipākaṭaṃ “Aggamahāpaṇḍito” pādhiṇā ceva “Abhidhajamaḥāraṭṭhagurū” pādhiṇā cāti

dvīhi Marammaraṭṭhissarasamappitopādhīhi virājitam jātiyā āsītivassikam upasampadāya saṭṭhivassam “Bhadantarevatam” nāma mahātheravaram sabhāpatiṃ katvā Tepiṭake Buddhavacane ceva nānāsatthesu ca kovide dhammācariyakavipadappatte bhikkhū uccinitvā aṭṭhadasādivaggavasena parosatam Pāḷivisodhakavagge ceva sambahule ca paṭivisodhakavagge bandhāpetvā visodhanappaṭivisodhanehi Buddhavacanam suparisuddhattam paṭipāpetvā dhammasaṅgītimakamsu yathā tam porāṇakasāṅgītikārā.

Evam saṅgītimāropitassa Tepiṭakassa Buddhavacanassa atthasaṃvaṇṇanābhūtā Aṭṭhakathāyo ca saṃvijjanti manoramāya tantinayānucchavikāya bhāsāya Ācariyabuddhaghosādīhi theravarehi katā.

Tāsampi Aṭṭhakathānam sadesīyamūlehi ceva videsīyamūlehi ca saṃsanditvā Tepiṭakassa viya Buddhavacanassa visodhanappaṭivisodhanavasena mahātherā pāvacanadassino saṃvaṇṇanākovidā pāṭhasodhanamakamsu.

Icevamaṭṭhakathāyo ca pamādakhalitādhika paribhaṭṭhapāṭhānam nirākaraṇavasena visodhitā ceva paṭivisodhitā ca hutvā Buddhasāsanamuddaṇayantālaye samappitā suṭṭhu muddāpaṇāya.

Muddāpaṇakāle ca Piṭakattayamuddāpaṇe viya mahātheravarā mūlasodheyypattapāṭhakehi gahaṭṭhapaṇḍitehi ceva dhammācariyabhikkhupaṇḍitehi ca anekavāram parisodhitam osānasodheyypattam paṭivisodhitamūlapotthakena ceva aññehi sadesa desantarika Aṭṭhakathāpotthakehi ca vividhabyākaraṇādisatthehi ca punappunam saṃsandetvā suvisada paribyattakaṇḍavāra vākyaccheda saṅketatañca sampāpetvā mahatā parissamena osānasodhanamakamsu.

Evametāsampi ca suvisodhitānam Aṭṭhakathānam saṅgītibhāranitthārakā mahātherā nikhilamarammaraṭṭhe **Maso Yein Sayadawti** abhipākaṭam “Aggamahāpaṇḍito” pādhinā ceva “Abhidhajamahāraṭṭhagurū” pādhinā cāti dvīhi Marammaraṭṭhissarasamappitopādhīhi virājitam jātiyā chasattativassikam upasampadāya chappaññāsavassam “Bhadantasūriyābhivamsam” nāma mahātheravaram sabhāpatiṃ katvā chaṭṭhasaṅgītikārakapariyāpannehi therānutherehi saṅgamma paṭhanatthāya samārabhimsu yathā tam chaṭṭhasaṅgītidhammasaṅgāyanākāle.

Evametāsaṃ Aṭṭhakathānaṃ saṃsodhana-muddāpaṇa-sampañhanesu
 karīyamānesu raṭṭhissaragaṇe aggamahāmacco **U Nu** nāmadheyyo
 mahāsayo ceva Buddhasāsanasamitiyaṃ sampati bhaṇḍuppādako
 raṭṭhissarānaṃ patinidhibhūto **U Basaw** nāmadheyyo
 sāsanaṭṭhānikamahāmatto cāti-imepi taṃkiccasampādanāya Pāḷisaṅgītikāle
 viya mahussāhena byāvaṭṭā honti.

Icevametāpi Aṭṭhakathāyo theravādīnekāyikavibudhappamukhānaṃ
 satthāgamaratanālayasāragāhīnaṃ veyyākaraṇakesarīnaṃ
 accantanimmalañānavārīnā paridhovitā saṅgamma ca paṭhitā, tā
 vibudhappavarekagocarā vimuttirasassādāyiniyo Piṭakattayassatthānaṃ
 paribyattaṃ pakāsentīyo ciraṃ vilasantiyo lokatthasiddhiṃ sādhayantūti.

Tenetaṃ vuccati—

1. Mūlakam pariyaṭṭhiva, sāsanaṃ Mahesino.
 Pariyaṭṭhivamāṇā hi, ciraṃ saddhammasaṅgīhiti.
2. Tasmā taṃ rakkhituṃ therā, dhammasaṅgāhaka purā.
 Rājāno upanissāya, akaṃsu dhammasaṅgahe.
3. **Paṭhamam** dhammasaṅgītiṃ, **Ajātasattur**ājino.
 Anuggahena katvāna, pālayuṃ Jinasāsanam.
4. **Dutiyaṃ** tu tathā katvā, **Kālāsokassa** rājino.
 Kāle tamupanissāya, pālayuṃ Jinasāsanam.
5. **Tatiyaṃ**pica katvāna, **Dhammāsokassa** rājino.
 Anuggahena Buddhassa, sāsanaṃ abhipālayuṃ.
6. **Catutthim** pana Laṅkāyaṃ, **Vaṭṭagāmaṇir**ājino.
 Kālamhi potthakāruḷham, katvāna pālayuṃ tathā.
7. Imasmiṃ Marammaraṭṭhepi, **Mindonnāma** narādhipaṃ.
 Rajjaṃ samanussāntaṃ, ratanattayamāmakam.
8. Sannissāya mahātherā, thirasīlā guṇākarā.
Pañcamim dhammasaṅgītiṃ, karontā sāsanaṭṭhitiṃ.

9. Patthayantā likhāpetvā, silāpaṭṭesu peṭakaṃ.
Vāyāmena mahantena, pālayuṃ Jinasāsanāṃ.
10. Itthaṃ purā mahātherā, rājāno cāpi dhammikā.
Sāsanāṃ paripālesuṃ, jīvitāṃ viya attano.
11. Tathāpi khalitādāni, dissanti Piṭakattaye.
Paramparāya lekhāya, sañjātā muddaṇena ca.
12. Disvāna te mahātherā, vācentāva Tipeṭakaṃ.
Vuccamānanayenevaṃ, cintesuṃ mantayimsu ca.
13. “Katvāna sādhukaṃ gantha-suddhikaṃ sāsānāyukaṃ.
Yaṃnūna dhammasaṅgītiṃ, kareyyāma mayāṃ” iti.
14. Etamatthaṃ suṇitvāna, **U Nu** nāma mahāsayo.
Marammavisaye **agga-mahāmaccadhurandharo**.
15. “Sāsānāyattakiccāni, sampādentā visesato.
Saṅgītiyañca therānaṃ, sampūrentā manorathāṃ.
16. Yathā rakkhimsu porāṇā, surājāno tathā mayāṃ.
Saṃrakkheyyāma Sambuddha-sāsanāṃ” iti cintiya.
17. Mahāmaccehi aññehi, saṅgamehi ca mantiya.
Suppatiṭṭhāpayitvāna, **Buddhasāsana**saṅgamaṃ.
18. Mahātherānamādāya, chandaṃ idha nivāsinaṃ.
Aññesu Sīhaḷādīsu, videsesu ca vāsinaṃ.
19. Kāretvā dhammasaṅgītiṃ, sodhetvā Satthusāsanāṃ.
Saddhammānuggahatthāya, karaṃ daḷhaparakkamaṃ.
20. **Sirīmaṅgalavikhyāte**, thalasmim pavare subhe.
Cetiyaśāvidūramhi, **Kaba Aye** itisaññino.
21. Guhāvesena kāretvā, mahāsaṅgītimandiraṃ.
Āvāsādiñca bhikkhūnaṃ, kāresi muddaṇālayaṃ.
22. Ganthasaṃsodhanaṃ dhamma-saṅgītiyā tu paṇḍitā.
Mahātheravarākaṃsu, satimantā punappunaṃ.

23. Muddāpente ca passivā, mahātherehi pañcahi.
Sodheyyapattamosānam, nimmalattam supāpitam.
24. Katvā suvisadam Buddha-bhāsitam Piṭakattayam.
Yathā muddāpitam āsi, sāsanattham Mahesino.
25. Tathā Aṭṭhakathāyo ca, samsodhetvā punappunam.
Suṭṭhu muddāpitā honti, sabbalokatthasiddhiyāti.

Atthasālinī-atthakathā

Mātikā		Piṭṭhaṅka
	Ganthārambhakathā	
Nidānakathā	...	3
	1. Cittuppādakaṇḍa	
Tikamātikāpadavaṇṇanā	...	79
Dukamātikāpadavaṇṇanā	...	89
Suttantikadukamātikāpadavaṇṇanā	...	93
Kāmāvacarakusalapadabhājanīya	...	97
Kāmāvacarakusaladvāarakathā	...	123
Dhammuddesavāarakathā	...	150
Niddesavāarakathā	...	180
Koṭṭhāsavāravaṇṇanā	...	196
Puññakiriyavatthādikathā	...	201
Rūpāvacarakusalavaṇṇanā	...	207
Arūpāvacarakusalavaṇṇanā	...	245
Tebhūmakakusalavaṇṇanā	...	257
Lokuttarakusalavaṇṇanā	...	258
Akusalapada dhammuddesavāarakathā	...	289
Niddesavāarakathā	...	294
Abyākatapada ahetukakusalavipāka	...	303
Aṭṭhamahāvīpākacittavaṇṇanā	...	306
Vīpākuddhāarakathā	...	307
Rūpāvacarārūpāvacaravīpākakathā	...	327
Lokuttaravīpākakathā	...	328

Mātikā			Piṭṭhaṅka
Akusalavipākakathā	331
Kiriyābyākatavaṇṇanā	331
2. Rūpakaṇḍa			
Uddesavaṇṇanā	335
Rūpavibhatti ekakaniddesavaṇṇanā	342
Dukaniddesavaṇṇanā	344
Catukkaniddesavaṇṇanā	373
Pañcakaniddesavaṇṇanā	374
Chakkādiniddesavaṇṇanā	374
Navakādiniddesavaṇṇanā	375
Pakiṇṇakakathā	375
3. Nikkhepakāṇḍa			
Tikanikkhepakathā	379
Dukanikkhepakathā	394
Suttantikadukanikkhepakathā	418
4. Aṭṭhakathākaṇḍa			
Tika-atthuddhāravaṇṇanā	437
Duka-atthuddhāravaṇṇanā	451
Nigamanakathā	453

Aṭṭhasāliniyā Dhammasaṅgaha-aṭṭhakathāya mātikā niṭṭhitā.

Abhidhammapiṭaka

Aṭṭhasālinī-aṭṭhakathā

Namo tassa Bhagavato Arahato Sammāsambuddhassa.

Ganthārambhakathā

1. Karuṇā viya sattesu, paññā yassa Mahesino.
Ñeyyadhammesu sabbesu, pavattittha yathārucci.
2. Dayāya tāya sattesu, samussāhitamānaso.
Pāṭihirāvasānamhi, vasanto tidasālaye.
3. Pāricchattakamūlamhi, Paṇḍukambalanāmake.
Silāsane sannisinno, ādiccova Yugandhare.
4. Cakkavāḷasahasseehi, dasahāgamma sabbaso.
Sannisinnena devānaṃ, gaṇena parivārīto.
5. Mātaraṃ pamukhaṃ katvā, tassā paññāya tejasā.
Abhidhammakathāmaggaṃ, devānaṃ sampavattayi.
6. Tassa pāde namassitvā, Sambuddhassa sirīmato.
Saddhammañcassa pūjetvā, katvā saṃghassa cañjalīm.
7. Nipaccakārassetassa, katassa ratanattaye.
Ānubhāvena sosetvā, antarāye asesato.
8. Visuddhācārasīlena, nipuṇāmalabuddhinā.
Bhikkhunā Buddhaghosena, sakkaccaṃ abhiyācito.

9. Yaṃ devadevo devānaṃ, desetvā nayato puna.
Therassa Sāriputtassa, samācikkhi Vināyako.
10. Anotattadahe katvā, upaṭṭhānaṃ Mahesino.
Yañca sutvāna so thero, āharitvā mahītaṃ.
11. Bhikkhūnaṃ payirudāhāsi, ito bhikkhūhi dhārito.
Saṅgītikāle saṅgīto, vedehamuninā puna.
12. Tassa gambhīraññāchi¹, ogāḷhassa abhiñhaso.
Nānānavicittassa, abhidhammassa ādito.
13. Yā Mahākassapādīhi, vasīhiṭṭhakathā purā.
Saṅgītā anusāngītā, pacchāpi ca isīhi yā.
14. Ābhatā pana therana, Mahindenetamuttamaṃ.
Yā dīpaṃ dīpavāsīnaṃ, bhāsāya abhisāṅkhatā.
15. Apanetvā tato bhāsaṃ, Tambapaṇṇinivāsīnaṃ.
Āropayitvā niddosaṃ, bhāsaṃ tantinayānugaṃ.
16. Nikāyantaraḷaddhīhi, asammaṣsaṃ anākulaṃ.
Mahāvihāravāsīnaṃ, dipayanto vinicchayaṃ.
17. Atthaṃ pakāsayissāmi, Āgamaṭṭhakathāsūpi.
Gahetabbaṃ gahetvāna, tosayanto vicakkhaṇe.
18. Kammaṭṭhānāni sabbāni, cariyābhiññā vipassanā.
Visuddhimagge panidaṃ, yasmā sabbāṃ pakāsitāṃ.
19. Tasmā taṃ aggahetvāna, sakalāyapi tantiyā.
Padānukkamato eva, karissāmatthavaṇṇanaṃ.
20. Iti me bhāsamānassa, abhidhammakathaṃ imaṃ.
Avikkhittā nisāmetha, dullabhā hi ayaṃ kathāti.

1. Gambhīraññāṇena (Sī)

Nidānakathā

Tattha¹ kenatṭhena **abhidhammo**? Dhammāṭirekadhammavisesatṭhena. Atirekavisesatthadīpako hettha abhisaddo “bālḥā me dukkhā vedanā abhikkamanti, no paṭikkamanti² abhikkantavaṇṇā”ti-ādīsu³ viya. Tasmā yathā samussitesu bahūsu chattesu ceva dhajesu ca yaṃ atirekappamāṇaṃ, visesavaṇṇasaṅghānaṅca chattaṃ, taṃ aticchattanti vuccati. Yo atirekappamāṇo, nānāviraḡavaṇṇavisesasampanno ca dhajo, so atidhajoti vuccati. Yathā ca ekato sannipatitesu bahūsu rājakumāresu ceva devesu ca yo jātibhogayasa-issariyādisampattīhi atirekatāro ceva visesavantatāro ca rājakumāro, so atirājakumāroti vuccati. Yo āyu vaṇṇa issariya yasa sampatti-ādīhi atirekatāro ceva visesavantatāro ca devo, so atidevoti vuccati. Tathārūpo brahmāpi atibrahmāti vuccati. Evameva ayampi dhammo dhammāṭirekadhammavisesatṭhena **abhidhammoti** vuccati.

Suttantaṅhi patvā pañcakkhandhā ekadeseneva vibhattā, na nippadesena. Abhidhammaṃ patvā pana suttantabhājanīya-abhidhammabhājanīyapaṅhapucchakanayānaṃ vasena nippadesato vibhattā. Tathā dvādasāyatanāni, aṭṭhārasa dhātuyo, cattāri saccāni, bāvīsatiṅdriyāni, dvādasapadiko paccayākāro. Kevalaṅhi Indriyavibhaṅge suttantabhājanīyaṃ natthi, paccayākāre ca paṅhapucchakaṃ natthi. Suttantaṅca patvā cattāro satipaṭṭhānā ekadeseneva vibhattā, na nippadesena. Abhidhammaṃ patvā pana tiṅṅampi nayānaṃ vasena nippadesatova⁴ vibhattā. Tathā cattāri sammappadhānāni, cattāro iddhipādā, satta bojḡhaṅgā, ariyo aṭṭhaṅgiko maggo, cattāri jhānāni, catasso appamaññāyo, pañca sikkhāpadāni, catasso paṭisambhidā. Kevalaṅhettha Sikkhāpadavibhaṅge suttantabhājanīyaṃ natthi. Suttantaṃ patvā ca ṅāṇaṃ ekadeseneva vibhattaṃ, na nippadesena. Tathā kilesā. Abhidhammaṃ patvā pana “ekavidhena ṅāṇavatthū”ti-ādinā⁵ nayena mātikaṃ ṭhapetvā

1. Tattha abhidhammoti (Sī, Syā)

2. Ma 3. 302-8; Saṃ 3. 71 piṭṭhāsu.

3. Saṃ 1. 1 piṭṭhādīsu.

4. Nippadesato (Sī, Syā)

5. Abhi 2. 323 piṭṭhe.

nippadesatova vibhattaṃ. Tathā ekakato paṭṭhāya anekehi nayehi kilesā. Suttantaṃ patvā ca bhūmantaraparicchedo¹ ekadeseneva vibhatto, na nippadesena. Abhidhammaṃ pana patvā tiṇṇampi nayānaṃ vasena bhūmantaraparicchedo nippadesatova vibhatto. Evaṃ dhammātirekadhammavisesaṭṭhena abhidhammoti veditabbo.

Pakaraṇaparicchedato panesa

Dhammasaṅgaṇīvibhaṅgadhātukathāpuggalapaññattikathāvatthuyamakapaṭṭhānānaṃ sattannaṃ pakaraṇānaṃ vasena ṭhito. Ayamettha ācariyānaṃ samānakathā. Vitaṇḍavādī panāha “Kathāvatthu kasmā gahitaṃ, nanu Sammāsambuddhassa parinibbānato aṭṭhārasavassādhikāni dve vassasatāni atikkamitvā **Moggaliputtatissattherenetaṃ** thapitaṃ? Tasmā sāvaka bhāsitaṭṭhā chaddetha nan”ti. Kim pana chappakaraṇāni abhidhammoti. Evaṃ na vadāmīti. Atha kim vadesīti. Satta pakaraṇānīti. Kataraṃ gahetvā satta karosīti², mahādhammahadayaṃ nāma atthi, etena saha sattāti. Mahādhammahadaye apubbaṃ natthi, katipayāva pañhavārā avasesā, Kathāvatthunāva saddhiṃ sattāti. No Kathāvatthunā, Mahādhātukathā nāma atthi, tāya saddhiṃ sattāti. Mahādhātukathāyaṃ apubbaṃ natthi, appamattikāva tanti avasesā, Kathāvatthunāva saddhiṃ sattāti.

Sammāsambuddho hi satta pakaraṇāni desento Kathāvatthum patvā yā esā puggalavāre³ tāva catūsu pañhesu dvinnam pañcakānaṃ vasena aṭṭhamukhā vādayutti⁴, taṃ ādim katvā sabbakathāmaggesu asampunṇabhāṇavāramattāya Pāḷiyā mātikaṃ ṭhapesi. Sā panesā “puggalo upalabbhati saccikaṭṭhaparamatthenāti? Āmantā. Yo saccikaṭṭho paramattho, tato so puggalo upalabbhati saccikaṭṭhaparamatthenāti? Nahevaṃ vattabbe. Ājānāhi niggaḥaṃ -pa-. Puggalo nupalabbhati saccikaṭṭhaparamatthenāti? Āmantā. Yo saccikaṭṭho paramattho, tato so puggalo nupalabbhati saccikaṭṭhaparamatthenāti? Nahevaṃ vattabbe. Ājānāhi niggaḥaṃ -pa-. Sabbattha puggalo upalabbhati. Sabbattha puggalo nupalabbhati. Sabbadā puggalo upalabbhati. Sabbadā puggalo nupalabbhati. Sabbesu puggalo upalabbhati. Sabbesu puggalo nupalabbhati saccikaṭṭhaparamatthenā”ti⁵ evaṃ paṭṭhamam vādam

1. Bhummantaraparicchedo (Sī, Syā)

2. Karontīti (Sī)

3. Puggalavāde (Sī, Syā)

4. Aṭṭhamukhavādayutti (Syā, Ka)

5. Abhi 4. 1, 10 piṭṭhesu.

nissāya paṭhamam niggaham. Dutiyam nissāya dutiyam -pa- aṭṭhamam nissāya aṭṭhamam niggaham dassentena Satthārā ṭhapitā. Iminā nayena sabbattha mātikāṭhapanam veditabbam. Tam panetam mātikam ṭhapento imam disvā ṭhapesi—“mama parinibbānato aṭṭhārasavassādhikānam dvinnam vassasatānam matthake **Moggaliputtatissatthero** nāma bhikkhu bhikkhusahassamajjhe nisinno sakavāde pañca suttasatāni, paravāde pañcāti suttasahassam samodhānetvā Dīghanikāyappamaṇam Kathāvattuppakaraṇam bhājessatī”¹ti.

Moggaliputtatissattheropi idam pakaraṇam desento na attano ñāṇena desesi, Satthārā pana dinnanayena ṭhapitamātikāya desesi. Iti Satthārā dinnanayena ṭhapitamātikāya desitattā sakalampetam pakaraṇam Buddhahāsitateva nāma jātam. Yathā kim? Yathā madhupiṇḍikasuttantādīni. Madhupiṇḍikasuttantasmīhi Bhagavā “yatoniḍānam bhikkhu purisam papañcasaññāsankhā samudācaranti, ettha ce natthi abhinanditabbam abhivaditabbam ajjhositabbam, esevanto rāgānusayānan”¹ti¹ mātikam ṭhapetvā utthāyāsana vihāram pāvīsi.

Dhammappaṭiggāhakā bhikkhū **Mahākaccānattheram** upasaṅkamitvā Dasabalena ṭhapitamātikāya attham pucchimsu. Thero pucchitamattakeneva akathetvā Dasabalassa apacitidassanattham “seyyathāpi āvuso puriso sārattiko sārāgavesī”²ti² sāropamam āharitvā sāraruḅkko viya Bhagavā, sākḥāpalāsasadisā savakā. So hāvuso Bhagavā jānam jānāti, passam passati cakkhubhūto ñāṇabhūto dhammabhūto brahmabhūto vattā pavattā atthassa ninnetā amatassa dātā Dhammassāmī Tathāgatoti Satthāram thometvā punappunam therehi yācīto Satthārā ṭhapitamātikāya attham vibhajitvā “ākaṅkhamānā ca pana tumhe āyasmanto Bhagavantamyeva upasaṅkamitvā etamattham paṭipuccheyyātha, sace sabbaññutaññāṇena saddhim samsandiyamānam sameti, gaṇheyyātha. No ce, mā gaṇhitthā”²ti iminā adhippāyena “yathā vo Bhagavā byākaroti, tathā nam dhāreyyātha”²ti vatvā uyyojesi.

1. Ma 1. 156 piṭṭhe.

2. Ma 1. 157 piṭṭhe.

Te Satthāraṃ upasaṅkamitvā pucchimsu. Satthā “dukkathitaṃ Kaccānenā”ti avatvā suvaṇṇāliṅgaṃ ussāpento viya gīvaṃ unnāmetvā supupphitasatapattasassirikaṃ mahāmukhaṃ pūrento brahmassaraṃ nicchāretvā “sādhu sādhu”ti therassa sādhu-kāraṃ datvā “paṇḍito bhikkhave Mahākaccāno, mahāpaṇṇo bhikkhave Mahākaccāno, maṃ cepi tumhe bhikkhave etamatthaṃ paṭipuccheyyātha, ahampi taṃ evamevaṃ byākareyyaṃ, yathā taṃ Mahākaccānena byākatan”ti¹ āha.

Evaṃ Satthārā anumoditakālato paṭṭhāya ca pana sakalaṃ suttaṃ Buddhahāsitaṃ nāma jātaṃ. **Ānandattherādīhi** vitthāritasuttasuppi eseva nayo. Evameva Sammāsambuddho satta pakaraṇāni desento Kathāvattthuṃ patvā vuttanayena mātikaṃ ṭhapesi. Ṭhapento ca pana imaṃ addasa—

“Mama parinibbānato aṭṭhārasavassādhikānaṃ dvinnaṃ vassasatānaṃ matthake **Moggaliputtatissatthero** nāma bhikkhu bhikkhusahassa majjhe nisinno sakavāde pañca suttasatāni, paravāde pañcāti suttasahassaṃ samodhānetvā Dīghanikayappamaṇaṃ Kathāvattthupakaraṇaṃ bhājessatī”ti.

Moggaliputtatissattheropi imaṃ pakaraṇaṃ desento na attano ñāṇena desesi, Satthārā pana dinnanayena ṭhapitamātikāya desesi. Iti Satthārā dinnanayena ṭhapitamātikāya desitattā sakalampetaṃ pakaraṇaṃ Buddhahāsitameva jātaṃ. Evaṃ Kathāvattthunāva saddhiṃ satta pakaraṇāni abhidhammo nāma.

Tattha **Dhammasaṅgaṇīpakaraṇe** catasso vibhattiyo cittavibhatti, rūpavibhatti, nikkheparāsi, atthuddhāroti. Tattha kāmāvacarakusalato aṭṭha, akusalato dvādasa, kusalavipākato soḷasa, akusalavipākato satta, kiriyato ekādasa, rūpāvacarakusalato pañca, vipākato pañca, kiriyato pañca, arūpāvacarakusalato cattāri, vipākato cattāri, kiriyato cattāri, lokuttarakusalato cattāri, vipākato cattārīti ekūnanavuti cittāni cittavibhatti nāma. **Cittuppādakaṇḍanti**pi etasseva nāmaṃ. Taṃ vācanāmagatto atirekachabhāṇavāraṃ, vitthāriyamānaṃ pana anantamaparimāṇaṃ hoti.

1. Ma 1. 161 piṭṭhe.

Tadanantaram “ekavidhena, duvidhenā”ti-ādinā nayena mātikam ṭhapetvā vitthārena vibhajitvā dassitā rūpavibhatti nāma. **Rūpakaṇḍantipi** etasseva nāmam. Tam vācanāmagгато atirekadvibhāṇavāram, vitthāriyamānam pana anantamaparimānam hoti.

Tadanantaram mūlato khandhato dvārato bhūmito atthato dhammato nāmato liṅgatoti evam mūlādīhi¹ nikkhipitvā desito nikkheparāsi nāma. So—

Mūlato khandhato cāpi, dvārato cāpi bhūmito.
Atthato dhammato cāpi, nāmato cāpi liṅgato.
Nikkhipitvā desitattā, nikkhepoti pavuccati.

Nikkhepakaṇḍantipi tasseva nāmam. Tam vācanāmagгато timattabhāṇavāram, vitthāriyamānam pana anantamaparimānam hoti.

Tadanantaram pana Tepiṭakassa Buddhavacanassa atthuddhārabhūtam yāva saraṇadukā nikkhittam **Aṭṭhakathākaṇḍam** nāma, yato mahāpakaraṇiyā bhikkhū mahāpakaraṇe gaṇanacāram asallakkhentā gaṇanacāram² samānenti. Tam vācanāmagгато dvimattabhāṇavāram, vitthāriyamānam pana anantamaparimānam hoti.

Iti sakalampi Dhammasaṅgaṇīpakaraṇam vācanāmagгато atirekaterasamattabhāṇavāram, vitthāriyamānam pana anantamaparimānam hoti. Evametaṃ—

Cittavibhatti rūpaṅca, nikkhepo atthajotanā.
Gambhīram nipuṇam ṭhānam, tampi Buddhena desitam.

Tadanantaram **Vibhaṅgappakaraṇam** nāma. Tam “Khandhavibhaṅgo Āyatanavibhaṅgo Dhātuvibhaṅgo Saccavibhaṅgo Indriyavibhaṅgo Paccayākāravibhaṅgo Satipaṭṭhānavibhaṅgo Sammappadhānavibhaṅgo Iddhipādavibhaṅgo Bojjhaṅgavibhaṅgo Maggaṅgavibhaṅgo³ Jhānavibhaṅgo Appamaññāvibhaṅgo Sikkhāpadavibhaṅgo Paṭisambhidāvibhaṅgo Ñānavibhaṅgo Khuddakavatthuvibhaṅgo Dhammahadayavibhaṅgo”ti aṭṭhārasavidhena vibhattam.

1. Mūlādīni (Sī, Ka)

2. Gaṇanavāram (Sī), gaṇanam (Syā)

3. Maggavibhaṅgo (Sī, Syā)

Tattha Khandhavibhaṅgo suttantabhājanīya-abhidhammabhājanīyapañhapucchakānaṃ vasena tidhā vibhatto. So vācanāmagгато pañcamattabhāṇavāro, vitthāriyamāno pana ananto aparimāṇo hoti. Tato paraṃ Āyatanavibhaṅgādayopi eteheva tihi nayehi vibhattā. Tesu Āyatanavibhaṅgo vācanāmagгато atirekabhāṇavāro. Dhātuvibhaṅgo dvimattabhāṇavāro. Tathā Saccavibhaṅgo. Indriyavibhaṅgo suttantabhājanīyaṃ natthi. Vācanāmagгато panesa atirekabhāṇavāramatto. Paccayākāravibhaṅgo chamattabhāṇavāro. Pañhapucchakaṃ panettha natthi. Satipaṭṭhānavibhaṅgo atirekabhāṇavāramatto. Tathā sammappadhāna-iddhipādabojjhaṅgamaggaṅgavibhaṅgā. Jhānavibhaṅgo dvibhāṇavāramatto. Appamaññāvibhaṅgo atirekabhāṇavāramatto. Sikkhāpadavibhaṅgepi suttantabhājanīyaṃ natthi. Vācanāmagгато panesa atirekabhāṇavāramatto. Tathā Paṭisambhidāvibhaṅgo. Ñānavibhaṅgo dasavidhena vibhatto. Vācanāmagгато panesa timattabhāṇavāro. Khuddakavatthuvibhaṅgopi dasavidhena vibhatto. Vācanāmagгато panesatimattabhāṇavāro. Dhammahadayavibhaṅgo tividhena vibhatto. Vācanāmagгато panesa atirekadvibhāṇavāramatto. Sabbepi vitthāriyamānā anantā aparimāṇā honti. Evametaṃ Vibhaṅgappakaranāṃ vācanāmagгато pañcatimsamattabhāṇavāraṃ, vitthārato pana anantamaparimāṇaṃ hoti.

Tadanantaraṃ **Dhātukathāpakaraṇaṃ** nāma. Taṃ “saṅgaho asaṅgaho, saṅgahitena asaṅgahitaṃ, asaṅgahitena saṅgahitaṃ, saṅgahitena saṅgahitaṃ, asaṅgahitena asaṅgahitaṃ, sampayogo vippayogo, sampayuttana vippayuttaṃ, vippayuttana sampayuttaṃ, sampayuttana sampayuttaṃ, vippayuttana vippayuttaṃ, saṅgahitena sampayuttaṃ vippayuttaṃ, sampayuttana saṅgahitaṃ asaṅgahitaṃ, asaṅgahitena sampayuttaṃ vippayuttaṃ, vippayuttana saṅgahitaṃ asaṅgahitaṃ”ti cuddasavidhena vibhattaṃ. Taṃ vācanāmagгато atirekachabhāṇavāramattaṃ, vitthāriyamānaṃ pana anantamaparimāṇaṃ hoti.

Tadanantaraṃ **Puggalapaññatti** nāma. Sā “Khandhapaññatti Āyatanapaññatti Dhātupaññatti Saccapaññatti Indriyapaññatti Puggalapaññatti”ti chabbidhena vibhattā. Sā vācanāmagгато atirekapañcabhāṇavārā, vitthāriyamānā pana anantā aparimāṇāva hoti.

Tadanantaram **Kathāvattthuppakaraṇam** nāma. Tam “sakavāde pañca suttasatāni, paravāde pañcā”ti suttasahassam samodhānetvā vibhattam. Tam vācanāmagгато idāni potthake likhitam aggahetvā saṅgīti-āropitanayena Dīghanikāyappamāṇam, vitthāriyamānam pana anantamaparimāṇam hoti.

Tadanantaram **Yamakaṃ** nāma. Tam “Mūlayamakaṃ Khandhayamakaṃ Āyatanayamakaṃ Dhātuyamakaṃ Saccayamakaṃ Saṅkhārayamakaṃ Anusayayamakaṃ Cittayamakaṃ Dhammayamakaṃ Indriyayamakaṃ”ti dasavidhena vibhattam. Tam vācanāmagгато vīsabhāṇavārasatam¹, vitthārato pana anantamaparimāṇam hoti.

Tadanantaram **Mahāpakaraṇam** nāma. **Paṭṭhānantipi** tasseva nāmam. Tam “hetupaccayo ārammaṇapaccayo adhipatipaccayo anantarapaccayo samanantarapaccayo saha-jātapaccayo aññamaññapaccayo nissayapaccayo upanissayapaccayo purejātapaccayo pacchājātapaccayo āsevanapaccayo, kammappaccayo vipākappaccayo āhārapaccayo indriyapaccayo jhānapaccayo maggapaccayo sampayuttapaccayo vippayuttapaccayo atthipaccayo natthipaccayo vīgatappaccayo avīgatappaccayo”ti paccayavasena tāva catuvīsatividhena vibhattam.

Imasmim pana ṭhāne paṭṭhānam samānetabbam—Kusalattikādayo hi dvāvīsati tikā nāma. Hetū dhammā, nahetū dhammā -pa-. Saraṇā dhammā, araṇā dhammāti ime satam dukā. Aparepi vijjābhāgino dhammā, avijjābhāgino dhammā -pa-. Khaye nānam, anuppāde nānanti dvācattālīsa suttantikadukā nāma. Tesu dvāvīsati tikā satam dukāti ayam āhaccabhāsītā Jinavacanabhūtā Sabbaññubuddhena desitā sattannaṃ pakaraṇānam mātikā nāma.

Athāpare dvācattālīsa suttantikadukā kutopabhavā kena ṭhapitā kena desitāti. **Dhammasenāpatisāriputtattherappabhavā**, tena ṭhapitā tena desitāti. Ime ṭhapento pana thero na sāmukkaṃsikena attano nāṇena ṭhapesi. Ekuttariyam pana Ekanipātadukanipātasāṅgīti Dasuttarasuttantehi samodhānetvā ābhīdhammikattherānam suttantaṃ patvā akilamattham ṭhapitā. Te panete ekasmim Nikkhepakaṇḍeyeva

1. Vīsam bhāṇavārasatam (Sī)

matthakam̐ pāpetvā vibhattā, sesatṭhānesu yāva saraṇadukā abhidhammo vibhatto.

Sammāsambuddhena hi anulomapaṭṭhāne dvāvīsati tike nissāya **Tikapatṭhānam̐** nāma niddiṭṭham̐. Sataṃ duke nissāya **Dukapatṭhānam̐** nāma niddiṭṭham̐. Tato param̐ dvāvīsati tike gahetvā dukasate pakkhipitvā **Dukatikapatṭhānam̐** nāma dassitaṃ. Tato param̐ dukasataṃ gahetvā dvāvīsatiyā tikesu pakkhipitvā **Tikadukapatṭhānam̐** nāma dassitaṃ. Tike pana tikesuyeva pakkhipitvā **Tikatikapatṭhānam̐** nāma dassitaṃ. Duke ca dukesuyeva pakkhipitvā **Dukadukapatṭhānam̐** nāma dassitaṃ. Evaṃ—

Tikañca paṭṭhānavaram̐ dukuttamam̐,
Dukatikañceva tikadukañca.
Tikatikañceva dukadukañca,
Cha **Anulomamhi** nayā sugambhīrāti¹.

Paccanīyapaṭṭhānepi dvāvīsati tike nissāya **Tikapatṭhānam̐** nāma, dukasataṃ nissāya **Dukapatṭhānam̐** nāma, dvāvīsati tike dukasate pakkhipitvā **Dukatikapatṭhānam̐** nāma, dukasataṃ dvāvīsatiyā tikesu pakkhipitvā **Tikadukapatṭhānam̐** nāma, tike tikesuyeva pakkhipitvā **Tikatikapatṭhānam̐** nāma, duke dukesuyeva pakkhipitvā **Dukadukapatṭhānam̐** nāmati Paccanīyepi chahi nayehi paṭṭhānam̐ niddiṭṭham̐. Tena vuttam—

Tikañca paṭṭhānavaram̐ dukuttamam̐,
Dukatikañceva tikadukañca.
Tikatikañceva dukadukañca,
Cha **Paccanīyamhi** nayā sugambhīrāti².

Tato param̐ Anulomapaccanīyepi etenava upāyena cha nāyā dassitā. Tenāha—

Tikañca Paṭṭhānavaram̐ dukuttamam̐,
Dukatikañceva tikadukañca.
Tikatikañceva dukadukañca,
Cha **Anulomapaccanīyamhi** nayā sugambhīrāti³.

1. Abhi 8. 15 piṭṭhe Paṭṭhāne.

2. Abhi 8. 16 piṭṭhe.

3. Abhi 8. 17 piṭṭhe.

Tadanantaram Paccanīyānulomepi etheva chahi nayehi niddiṭṭham.
Tenāha—

Tikañca Paṭṭhānavaram dukuttamam,
Dukatikañceva tikadukañca.
Tikatikañceva dukadukañca,
Cha **Paccanīyānulomamhi** nayā sugambhīrāti¹.

Evam Anulome cha Paṭṭhānāni, Paṭilome cha, Anulomapaccanīye cha,
Paccanīyānulome cha Paṭṭhānānīti idam
catuvīsatisamantapaṭṭhānasamodhānam Paṭṭhānam Mahāpakaraṇam nāma.

Idāni imassa abhidhammassa gambhīrabhāvavijānanattham **cattāro**
sāgarā veditabbā saṃsārasāgaro, jalasāgaro, nayasāgaro, nāṇasāgaroti.
Tattha **saṃsārasāgaro** nāma—

Khandhānañca paṭipāṭi, dhātu-āyatanāna ca.
Abbochinnam vattamānā, saṃsāroti pavuccatīti

Evam vuttam saṃsāravaṭṭam. Svāyam yasmā imesam sattānam
upattiyā purimā koṭi na paññāyati. Ettakānañhi vassasatānam vā
vassasahassānam vā vassasatasahassānam vā kappasatānam vā
kappasahassānam vā kappasatasahassānam vā matthake sattā uppannā, tato
pubbe nāhesunti vā, asukassa nāma rañño kāle uppannā, asukassa
Buddhassa kāle uppannā, tato pubbe nāhesunti vā ayam paricchedo natthi.
²“Purimā bhikkhave koṭi na paññāyati avijjāya ito pubbe avijjā nāhosi, atha
pacchā samabhavī”ti³ iminā pana nayena saṃsārasāgaro anamataggo².

Mahāsamuddo pana **jalasāgaro** nāmāti veditabbo. so
caturāsītiyojanasahassagambhīro. Tattha udakassa ālhakasatehi vā
ālhakasahashehi vā ālhakasatasahashehi vā pamāṇam nāma

1. Abhi 8. 18 piṭṭhe Paṭṭhāne.

2-2. Tasmā “purimā bhikkhave -pa- samabhavī”ti iminā nayena anamataggo. (?)

Svāyam yasmā na paññāyati, tasmā anamataggovāti hi sambandho.

3. Am 3. 346 piṭṭhe.

natthi, atha kho asaṅkhyeyyo appameyyo mahā-udakakkhandhotveva saṅkyaṃ¹ gacchati. Ayaṃ jalasāgaro nāma.

Katamo **anayasāgaro**? Tepiṭakaṃ Buddhavacanaṃ. Dvepi hi tantiyo paccavekkhantānaṃ saddhāsampannānaṃ pasādabahulānaṃ ñāṇuttarānaṃ kulaputtānaṃ anantaṃ pītisomanassaṃ uppajjati. Katamā dve? Vinayañca abhidhammañca. Vinayadharabhikkhūnañhi vinayatantiṃ paccavekkhantānaṃ “dosānurūpaṃ sikkhāpadapaññāpanaṃ nāma ‘imasim dose imasim vitikkame idaṃ nāma hoti’ ti sikkhāpadapaññāpanaṃ aññesaṃ avisayo, Buddhānameva visayo” ti, uttarimanussadhammapeyyālaṃ paccavekkhantānaṃ, nīlapeyyālaṃ paccavekkhantānaṃ, sañcarittapeyyālaṃ paccavekkhantānaṃ anantaṃ pītisomanassaṃ uppajjati. Ābhidhammikabhikkhūnaṃpi “khandantaraṃ āyatanantaraṃ dhātvantaraṃ indriyantaraṃ balabojjhaṅgakammavipākantaraṃ rūpārūpaparicchedaṃ saṅhasukhumadhammaṃ gaganatale tārakarūpāni gaṇhanto viya rūpārūpadhamme pabbaṃ pabbaṃ koṭṭhāsaṃ koṭṭhāsaṃ katvā vibhajanto dassesi vata no Sathā” ti abhidhammatantiṃ paccavekkhantānaṃ anantaṃ pītisomanassaṃ uppajjati.

Evam uppattiyā panassa idaṃ vatthupi veditabbaṃ—
Mahāgatigamiya² **tissadattatthero** kira nāma “mahābodhiṃ vandissāmī” ti paratīraṃ gacchanto nāvāya uparitale nisinno mahāsamuddaṃ olokesi. Athassa tasmim samaye neva paratīraṃ paññāyittha, na orimatīraṃ. Ūmivegappabhedasamuggatajalacuṇṇaparikiṇṇo pana pasāritarajatapaṭṭasumanapupphasantharasadiso mahāsamuddova paññāyittha. So “kim nu kho mahāsamuddassa ūmivego balavā, udāhu catuvīsati ppabhede samantapaṭṭhāne nayamukhaṃ balavan” ti cintesi. Athassa mahāsamudde paricchedo paññāyati. Ayañhi heṭṭhā mahāpathaviyā paricchinno, upari ākāseṇa, ekato cakkavāḷapabbatena, ekato velantena paricchinno. Samantapaṭṭhānassa pana paricchedo na paññāyatīti saṅhasukhumadhammaṃ paccavekkhantassa balavapīti uppannā, so pītiṃ vikkhambhetvā vipassanaṃ vaḍḍhetvā yathānisinnova sabbakilese khepetvā aggaphale arahatte patiṭṭhāya udānaṃ udānesi—

1. Saṅkhaṃ (Sī)

2. Mahāgatimbaya (Sī)

Attheva gambhīragataṃ sudubbudhaṃ,
 Sayāṃ abhiññāya sahetusambhavaṃ.
 Yathānupubbaṃ nikhilena desitaṃ,
 Mahesinā rūpagataṃva passatīti.

Ayaṃ nayasāgaro nāma.

Katamo **ñāṇasāgaro**? Sabbaññutaññāṇaṃ ñāṇasāgaro nāma. “Ayaṃ saṃsārasāgaro nāma, ayaṃ jalasāgaro nāma, ayaṃ nayasāgaro nāmā”ti hi aññena na sakkā jānituṃ, sabbaññutaññāṇeneva sakkā jānituntī sabbaññutaññāṇaṃ ñāṇasāgaro nāma. Imesu catūsu sāgaresu imasmim̐ thāne nayasāgaro adhippeto. Imañhi Sabbaññubuddhāva paṭivijjhanti.

Ayampi Bhagavā bodhimūle nisinno imaṃ paṭivijjhivā “imaṃ vata me dhammaṃ esantassa gavesantassa kappasatasahassādhikāni cattāri asaṅkheyyāni¹ vītivattāni, atha me imasmim̐ pallaṅke nisinnena diyaḍḍhakilesasahassaṃ khepetvā ayaṃ dhammo paṭividdo”ti paṭividdhadhammaṃ paccavekkhanto sattāhaṃ ekapallaṅkena nisīdi. Tato tamhā pallaṅkā vuṭṭhāya “imasmim̐ vata me pallaṅke sabbaññutaññāṇaṃ paṭividdhan”ti animisehi cakkhūhi sattāhaṃ pallaṅkaṃ olokeno aṭṭhāsi. Tato devatānaṃ “ajjāpi nuna siddhatthassa kattabbakiccaṃ atthi, pallaṅkasmiñhi ālayaṃ na vijahatī”ti parivitaḅko udapādi.

Satthā devatānaṃ vitakkaṃ ñatvā tāvadeva tāsāṃ vitakkavūpasamanatthaṃ vehāsaṃ abbhuggantvā yamakapāṭihāriyaṃ dassesi. Mahābodhipallaṅkasmiṃ hi katapāṭihāriyaṅca ñāṭisamāgame katapāṭihāriyaṅca pāthikaputtasamāgame² katapāṭihāriyaṅca sabbaṃ kaṇḍambarukkhamūle³ katayamakapāṭihāriyasadisameva ahoṣi. Evaṃ yamakapāṭihāriyaṃ katvā pallaṅkassa thitaṭṭhānassa ca antare ākāṣato oruyha sattāhaṃ caṅkamaṃ. Imesu ca ekavīsatiyā divasesu ekadivasepi Satthu sarīrato rasmiyo na nikkhantā.

Catutthe pana sattāhe pacchimuttarāya disāya ratanaghare nisīdi. Ratanagharaṃ nāma neva sattaratanamayaṃ gehaṃ, sattannaṃ pana pakaraṇānaṃ

1. Asaṅkheyyāni (Sī)

2. Pāṭhikaputtasamāgame (Sī), pāṭiyaputtasamāgame (Syā) Dī 3. 12, 22 piṭṭhesu passitabbaṃ.

3. Gaṇḍambarukkhamūle (Sī, Syā)

sammasitaṭṭhānaṃ “**ratanagharan**”ti veditabbaṃ. Tattha Dhammasaṅgaṇiṃ sammasantassāpi sarīrato rasmiyo na nikkhantā. Vibhaṅgappakaraṇaṃ, Dhātukathaṃ Puggalapaññattiṃ, Kathāvatthuppakaraṇaṃ, Yamakappakaraṇaṃ sammasantassāpi sarīrato rasmiyo na nikkhantā. Yadā pana Mahāpakaraṇaṃ oruyha “hetupaccayo ārammaṇapaccayo -pa-avigatapaccayo”ti sammasanaṃ ārabhi, athassa catuvīsatisamantapaṭṭhānaṃ sammasantassa ekantato sabbaññutaññāṇaṃ Mahāpakaraṇeyeva okāsaṃ labhi. Yathā hi Timirapiṅgalamahāmaccho caturāsītiyojanasahassagambhīre mahāsamuddeyeva okāsaṃ labhati, evameva sabbaññutaññāṇaṃ ekantato Mahāpakaraṇeyeva okāsaṃ labhi.

Satthu evaṃ laddhokāseṇa sabbaññutaññāṇeṇa yathāsukhaṃ saṅhasukhumadhammaṃ sammasantassa sārīrato nīla pīta lohitoḍāta mañjittṭha¹ pabhassaravasena chabbaṅṅarasmiyo nikkhamiṃsu. Kesamassūhi ceva akkhīnaṅca nīlaṭṭhānehi **nīlarasmiyo** nikkhamiṃsu, yāsaṃ vasena gaganatalaṃ añjanacuṅṅasamokiṅṅaṃ viya, umāpupphanīluppaladasañchannaṃ viya, vītipatantamaṇitālavaṅṅaṃ viya, sampasāritamecakapaṭaṃ viya ca ahosi.

Chavito ceva akkhīnaṅca pītaṭṭhānehi **pītarasmiyo** nikkhamiṃsu, yāsaṃ vasena disābhāgā suvaṅṅarasadhārābhisiṅcamānā² viya, suvaṅṅapaṭapasāritā viya, kuṅkumacuṅṅakaṅikārapupphasamparikiṅṅā viya ca virocīṃsu.

Maṃsalohitehi ceva akkhīnaṅca rattaṭṭhānehi **lohitarasmiyo** nikkhamiṃsu, yāsaṃ vasena disābhāgā cīnapiṭṭhacuṅṅarañjita viya, supakkalākḥārasasiṅcamānā viya, rattakambalaparikkhitā viya, jayasumanapāribhaddakabandhujīvakakusumasamparikiṅṅā viya ca virocīṃsu.

Aṭṭhīhi ceva dantehi ca akkhīnaṅca setaṭṭhānehi **odātarasmiyo** nikkhamiṃsu, yāsaṃ vasena disābhāgā rajataghatehi āsiṅcamānakhīradhārāsamparikiṅṅā viya, sampasāritarajatapaṭṭavitānā viya, vītipatantarajatatālavaṅṅā viya, kundakumudasinduvārasumanamallikādikusumasañchannā viya ca virocīṃsu.

1. Mañjettṭha (Sī)

2. Suvaṅṅadhārānisiṅcamānā (Ka), suvaṅṅarasadhārāhi siṅcamānā (Sī)

Mañjīṭṭhapabhassarā pana tamhā tamhā sarīrappadesā nikkhamiṃsu. Iti tā chabbaṇṇarasmiyo nikkhamitvā ghanamahāpathaviṃ gaṇhiṃsu.

Catunahutādhikadvijojanasatasahassabahalā mahāpathavī middhantasuvaṇṇapiṇḍi viya ahoṣi. Atha mahāpathaviṃ bhinditvā heṭṭhā udakaṃ gaṇhiṃsu. Pathavisandhāraḥkaṃ aṭṭhanahutādhikacatuvojanasatasahassabahalaṃ udakaṃ suvaṇṇakalasehi āsiṅcamānavilīnasuvaṇṇaṃ viya ahoṣi. Udakaṃ vinivijjhivā vātaṃ aggahesuṃ. Chanahutādhikanavayojanasatasahassabahalo vāto samussitasuvaṇṇakkhandho viya ahoṣi. Vātaṃ vinivijjhivā heṭṭhā ajaṭākāsaṃ pakkhandiṃsu.

* Uparibhāgena uggantvāpi Cātumahārājike gaṇhiṃsu. Te vinivijjhivā Tāvatiṃse, tato Yāme, tato Tusite, tato Nimmānaratī, tato Paranimmitavasavattī, tato nava brahmaloke, tato Vehapphale, tato pañca Suddhāvāse vinivijjhivā cattāro āruppe gaṇhiṃsu. Cattāro ca āruppe vinivijjhivā ajaṭākāsaṃ pakkhandiṃsu.

Tiriyabhāgehi anantā lokadhātuyo pakkhandiṃsu. Ettakesu ṭhānesu candamhi candappabhā natthi, sūriye¹ sūriyappabhā natthi, tāraḥkarūpesu tāraḥkarūpappabhā natthi, devatānaṃ uyyānavimānakapparukkhesu ceva sarīresu ca ābharaṇesu cāti sabbattha pabhā natthi. Tisahassimahāsahassilokadhātuyyā² ālokapharaṇasamattho mahābrahmāpi sūriyuggamane khajjopanako viya ahoṣi. Candasūriyatāraḥkarūpadevatuyyāna³ vimānakapparukkhaṇaṃ paricchadamattakameva paññāyittha. Ettakaṃ ṭhānaṃ Buddharasmīhiyeva ajjhotthataṃ ahoṣi. Ayañca neva Buddhānaṃ adhiṭṭhānidhhi, na bhāvanāmayiddhi. Saṅhasukhumadhammaṃ pana sammasato Lokanāthassa lohitaṃ pasīdi, vatthurūpaṃ pasīdi, chavivaṇṇo pasīdi, cittasamuṭṭhānā vaṇṇadhātu samantā asītihatthamatte padese niccalāva aṭṭhāsi. Iminā nīhārena sattāhaṃ sammasi.

Satta rattindivāni sammasitadhammo kittako ahoṣīti? Ananto aparimāṇo ahoṣi. Ayam tāva manasādesanā nāma. Sattā pana evaṃ sattāhaṃ manasā cintitadhammaṃ vicībhedaṃ katvā desento

* Ma-Ṭṭha 2. 90 piṭṭhepi passitabbaṃ.

2. ...dhātuyo (Syā, Ka)

1. Suriye (Sī, Syā)

3. ...devuyyāna (Ka)

vassasatenapi vassasahassenapi vassasatasahassenapi matthakaṃ pāpetvā desetuṃ na sakkotīti na vattabbaṃ. Aparabhāgepi hi Tathāgato Tāvatisabhavane pāricchattakamūle Paṇḍukambalasilāyaṃ dasasahassacakkavāḷadevatānaṃ majje nisinno mātaraṃ kāyasakkhim katvā “kusalā dhammā akusalā dhammā abyākatā dhammā”ti dhammaṃ desento satabhāgena sahasabhāgena satasahassabhāgena dhammantarā dhammantaraṃ saṅkamitvā saṅkamitvāva desesi. Tayo māse nirantaraṃ pavattitadesanā vegena pavattā ākāsaṅgā viya, adhomukhaṭṭhapita-udakaghaṭā nikkhanta-udakadhārā viya ca hutvā anantā aparimāṇā ahoṣi.

Buddhānañhi bhattānumodanakālepi thokaṃ vaḍḍhetvā anumodentānaṃ desanā Dighamajjhimanikāyappamāṇā hoti. Pacchābhattaṃ pana sampattaparīsāya dhammaṃ desentānaṃ desanā Saṃyutta-aṅguttarikadvemahānikāyappamāṇāva hoti. Kasmā? Buddhānañhi bhavaṅgaparivāso lahuco, dantāvaraṇaṃ suphusitaṃ¹, mukhādānaṃ siliṭṭhaṃ, jivhā mudukā, saro madhuro, vacanaṃ lahuparivattaṃ, tasmā taṃ muhuttaṃ desitadhammopi ettako hoti. Temāsaṃ desitadhammo pana ananto aparimāṇoyeva.

Ānandatthero hi bahussuto Tipiṭakadharo pañcadasa gāthā sahasāni saṭṭhi padasahassāni latāpupphāni ākaḍḍhanto viya ṭhitapadeneva ṭhatvā gaṇhāti vā vāceti vā deseti vā. Ettako therassa eko uddesamaggo nāma hoti. Therassa hi anupadaṃ uddesaṃ dadamāno añño dātuṃ na sakkoti, na sampāpuṇāti, Sammāsambuddhova sampāpuṇeyya. Evaṃ adhimattasatimā adhimattagatimā adhimattadhitimā sāvako Satthārā temāsaṃ iminā nīharena desitadesanaṃ vassasataṃ vassasahassaṃ uggaṇhantopi matthakaṃ pāpetuṃ na sakkoti.

Evaṃ temāsaṃ nirantaraṃ desentassa pana Tathāgatassa kabaḷikārāhārappaṭibaddhaṃ upādinnakasarīraṃ kathaṃ yāpesīti? Paṭijagganeneva. Buddhānañhi so so kālo suvavathhito supericchinno supaccakko. Tasmā Bhagavā dhammaṃ desentova manussaloke kālaṃ oloketi. So

1. Suphassitaṃ (Sī)

bhikkhācāravelaṃ sallakkhetvā nimmitabuddhaṃ māpetvā “imassa civaraggahaṇaṃ pattaggahaṇaṃ sarakutti ākappo ca evarūpo nāma hotu, ettakaṃ nāma dhammaṃ desetū”ti adhiṭṭhāya pattacīvaramādāya Anotattadahaṃ gacchati. Devatā nāgalatādantakaṭṭhaṃ denti. Taṃ khāditvā Anotattadahe sarīraṃ paṭijaggitvā manosilātale ṭhito surattadupaṭṭaṃ nivāsetvā cīvaraṃ pārupitvā Cātumahārājadattiyaṃ selamayaṃ pattam ādāya Uttarakurum gacchati. Tato piṇḍapātaṃ āharitvā Anotattadahaṭṭhāre nisinnō taṃ paribhuñjitvā divāvihārā candanavanaṃ gacchati.

Dhammasenāpatisāriputtattheropi tattha gantvā Sammāsambuddhassa vattaṃ katvā ekamantaṃ nisīdati. Athassa Satthā nayaṃ deti “Sāriputta ettako dhammo mayā desito”ti ācikkhati. Evaṃ Sammāsambuddhe nayaṃ dente paṭisambhidāppattassa aggasāvakassa velante ṭhatvā hatthaṃ pasāretvā dassitasamuddasadiṣaṃ nayadānaṃ hoti. Therassāpi nayasatena nayasahassena nayasatasahassena Bhagavatā desitadhammo upaṭṭhātiyeva.

Satthā divāvihāraṃ nisīditvā dhammaṃ desetum kāya velāya gacchatīti? Sāvattvivāsīnaṃ kulaputtānaṃ sampattānaṃ dhammadeśanavelā nāma atthi, tāya velāya gacchati. Dhammaṃ desetvā gacchantāṃ vā āgacchantāṃ vā ke jānanti, ke na jānantīti? Mahesakkhā devatā jānanti, appesakkhā devatā na jānanti. Kasmā na jānantīti? Sammāsambuddhassa vā nimmitabuddhassa vā rasmi-ādīsu nānattābhāvā. Ubhinnampi hi tesāṃ rasmīsu vā saresu vā vacanesu vā nānattaṃ natthi.

Sāriputtattheropi Satthārā desitaṃ desitaṃ dhammaṃ āharitvā attano saddhivihārikānaṃ pañcannaṃ bhikkhusatānaṃ desesi. Tesāṃ ayaṃ pubbayogo—te kira Kassapadasabalassa kāle khuddakavagguliyoniyaṃ nibbattā pabbhāre olambantā dvinnaṃ ābhidhammikabhikkhūnaṃ abhidhammaṃ sajjhāyantaṃ sare nimittaṃ gahetvā kaṇhapakkhasukkapakkhe ajhānitvāpi sare nimittaggāhamattakeneva kālaṃ katvā devaloke nibbatīmsu, ekaṃ Buddhantaṃ devaloke vasitvā tasmim kāle manussaloke nibbattā hamakapāṭihāriye pasīditvā therassa santike pabbajīmsu. Thero Satthārā desitaṃ desitaṃ dhammaṃ āharitvā tesāṃ desesi. Sammāsambuddhassa

abhidhammadesanāpariyosānañca tesam bhikkhunaṃ sattappakaraṇa-
uggahaṇaṇca ekappahāreneva ahosi.

Abhidhamme vācanāmaggo nāma **Sāriputttattherappabhavo**,
Mahāpakaraṇe gaṇanacāropi¹ thereneva ṭhapito. Thero hi “iminā nīhārena
dhammantaraṃ amakkhetvāva sukhaṃ gaḥetuṃ, dhāretuṃ, pariyāpuṇituṃ,
vācetuṇca pahotī”ti gaṇanacāraṃ² ṭhapesi. Evaṃ sante therova
paṭhamataraṃ ābhidhammiko hotīti? Na hoti, Sammāsambuddhova
paṭhamataraṃ ābhidhammiko. So hi naṃ Mahābodhipallaṅke nisīditvā
paṭivijjhi. Buddho hutvā ca pana sattāhaṃ ekapallaṅkena nisinno udānaṃ
udānesi—

“Yadā have pātubhavanti dhammā,
Ātāpino jhāyato brāhmaṇassa.
Athassa kaṅkhā vapayanti sabbā,
Yato pajānāti sahetudhammaṃ.

Yadā have pātubhavanti dhammā,
Ātāpino jhāyato brāhmaṇassa.
Athassa kaṅkhā vapayanti sabbā,
Yato khayam paccayānaṃ avedi.

Yadā have pātubhavanti dhammā,
Ātāpino jhāyato brāhmaṇassa.
Vidhūpayam tiṭṭhati mārasenaṃ,
Sūriyova obhāsayaṃantalikkhaṃ”ti³.

Idaṃ **paṭhamabuddhavacanaṃ** nāma. Dhammapadabhāṅakā pana—

“Anekajātisaṃsāraṃ, sandhāvissaṃ anibbisaṃ.
Gahakāraṃ⁴ gavesanto, dukkhā jāti punappunaṃ.
Gahakāraka diṭṭhosi, puna gehaṃ na kāhasi.
Sabbā te phāsukā bhaggā, gahakūṭam visaṅkhataṃ⁵.
Visaṅkhāragataṃ cittaṃ, taṇhānaṃ khayamajjāgā”ti⁶.

Idaṃ **paṭhamabuddhavacanaṃ** nāmāti vadanti.

1. Gaṇanavāropi (Sī, Syā) 2. Gaṇanavāraṃ (Sī, Syā) 3. Vi 3. 2; Khu 1. 79 piṭṭhesu.

4. Gahakārakaṃ (Sī)

5. Visaṅkhitaṃ (Sī)

6. Khu 1. 36 Dhammapade.

Yamakasālānamantare nipannena parinibbānasamaye “handa dāni bhikkhave āmantayāmi vo, vayadhammā saṅkhārā, appamādena sampādehā”¹ti vuttavacanam **pacchimabuddhavacanam** nāma.

Ubhinnamantare pañcacattālīsa vassāni pupphadāmaṃ ganthentena viya, ratanāvalim āvunantena viya ca kathito amatappakāsano² saddhammo **majjhimbuddhavacanam** nāma.

Tam sabbampi saṅgayhamānam piṭakato **tīṇi piṭakāni** honti, nikāyato **pañca nikāyā**, aṅgato **navāṅgāni**, dhammakkhandhato **catuṣāsītiddhammakkhandhasahassāni**. Katham? Sabbampi hetam piṭakato Vinayapiṭakam Suttantapiṭakam Abhidhammapiṭakanti tippabhedameva hoti. Tattha ubhayāni pātimokkhāni, dve vibhaṅgā, dvāvīsati khandhakā, soḷasa parivārāti idam **Vinayapiṭakam** nāma. Brahmajālādicatuttiṃsasuttasaṅgaho Dīghanikāyo, Mūlapariyāyasuttādidiyaḍḍhasata dvesuttasaṅgaho Majjhimanikāyo, Oghatarasuttādisattasuttasahassa sattasata dvāsaṭṭhi suttasaṅgaho Saṃyuttanikāyo, Cittapariyādānasuttādinavasuttasahassapañcasatasattapaññāsasuttasaṅgaho Aṅguttaranikāyo, Khuddakapāṭhadhammapada-udāna-
itivuttakasuttanipātavimānavatthupetavatthutheragāthātherīgāthā-jātakaniddesapaṭisambhidā-
apadānabuddhavaṃsacariyāpiṭakavasena pannarasappabhedo Khuddakanikāyoti idam **Suttantapiṭakam** nāma. Dhammasaṅgaṇī-ādīni satta pakaraṇāni **Abhidhammapiṭakam** nāma. Tattha—

Vividhavisesanayattā, vinayanato ceva kāyavācānam.

Vinayatthavidūhi ayam, vinayo “vinayo”ti akkhāto.

Vividhā hi ettha pañcavidhapātimokkhuddesapārājikādisatta-
āpattikkhandhamātikāvibhaṅgādippabhedā nayā, visesabhūtā ca
dalhīkammasithilakaraṇappayojanā anupaññattinayā, kāyikavācasika-
ajjhācāranisedhanato cesa kayam, vācañca vineti. Tasmā vividhanayattā,
visesanayattā, kāyavācānañca vinayanato ayam vinayo “vinayo”ti akkhāto.
Tenetametassa vacanattakosallattham vuttam—

1. Dī 2. 128 piṭṭhe.

2. Amatappakāsako (Sī)

“Vividhavisesanayattā, vinayanato ceva kāyavācānaṃ.
Vinayatthavidūhi ayaṃ, vinayo ‘vinayo’ti akkhāto”ti.

Itaraṃ pana—

Atthānaṃ sūcanato, suvuttato savanatotha sūdanato.
Suttāṇā suttasabhā-gato ca “suttan”ti¹ akkhātaṃ.

Taṃhi attatthaparattādhedhe atthe sūceti, suvuttā cettha atthā
veneyyajjhāsayanulomena vuttattā. Savati cetam atthe sassamiva phalaṃ,
pasavatīti vuttam hoti. Sūdati cetam dhenu viya khīraṃ, paggharatīti vuttam
hoti. Suṭṭhu ca ne tāyati, rakkhatīti vuttam hoti. Suttasabhāgañcetaṃ, yathā
hi tacchakānaṃ suttam pamāṇaṃ hoti, evametampi viññūnaṃ. Yathā ca
suttana saṅgahitāni pupphāni na vikiriyaṃ na viddhamāsīyanti, evametena
saṅgahitā atthā. Tenetametassa vacanatthakosallattham vuttam—

“Atthānaṃ sūcanato, suvuttato savanatotha sūdanato.
Suttāṇā suttasabhā-gato ca ‘suttan’ti akkhātan”ti.

Abhidhammassa vacanattho vuttoyeva. Aparo nayo—

Yaṃ ettha vuḍḍhimanto, salakkhaṇā pūjita paricchinnā.
Vuttādhikā ca dhammā, abhidhammo tena akkhāto.

Ayaṃ hi abhisaddo vuḍḍhilakkhaṇa² pūjita paricchinnādhikesu dissati.
Tathā hesa “bāḷhā me dukkhā vedanā abhikkamanti, no paṭikkamanti”ti-
ādīsu³ vuḍḍhiyaṃ āgato. “Yā tā rattiyo abhiññātā abhilakkhitā”ti-ādīsu⁴
lakkhaṇe. “Rājābhiraṇṇā manujindo”ti-ādīsu⁵ pūjite. “Paṭibalo vinetum
abhidhamme abhivinaye”ti-ādīsu⁶ paricchinne, aññamaññaṣaṅkaravirahite
dhamme ca vinaye cāti vuttam hoti. “Abhikkantena vaṇṇena”ti-ādīsu⁷
adhike.

1. Suttam suttanti (Sī, Syā)

3. Ma 3. 302-8; Saṃ 3. 71 piṭṭhādīsu.

5. Ma 2. 351; Khu 1. 368 piṭṭhe.

2. Salakkhaṇa (Sī)

4. Ma 1. 25 piṭṭhe.

6. Vi 3. 97 piṭṭhe.

7. Khu 2. 10 piṭṭhe.

Ettha ca “rūpūpapattiyā maggaṃ bhāveti mettāsahagatena cetasā ekaṃ disaṃ pharitvā viharatī”ti-ādinā¹ nayena vuḍḍhimantopi dhammā vuttā. “Rūpārammaṇaṃ vā saddārammaṇaṃ vā”ti-ādinā² nayena ārammaṇādihi lakkhaṇiyattā salakkhaṇāpi. “Sekkhā dhammā, asekkhā dhammā, lokuttarā dhammā”ti-ādinā³ nayena pūjitāpi, pūjārahātī adhippāyo. “Phasso hoti, vedanā hotī”ti-ādinā² nayena sabhāvaparicchinnattā paricchinnāpi. “Mahaggaṭā dhammā, appamāṇā dhammā, anuttarā dhammā”ti-ādinā⁴ nayena adhikāpi dhammā vuttā. Tenetametassa vacanattakosallatthaṃ vuttaṃ—

“Yaṃ ettha vuḍḍhimanto, salakkhaṇā pūjitā paricchinnā.
Vuttādhikā ca dhammā, abhidhammo tena akkhāto”ti.

Yaṃ panettha avasiṭṭhaṃ, taṃ—

Piṭakaṃ piṭakatthavidū, pariyattibhājanatthato⁵ āhu.
Tena samodhānetvā, tayopi vinayādayo ñeyyā.

Pariyattipi hi “mā piṭakasampadānenā”ti-ādīsu⁶ piṭakanti vuccati. “Atha puriso āgaccheyya kudālapiṭakaṃ ādāyā”ti-ādīsu⁷ yaṃkiñci bhājanampi. Tasmā piṭakaṃ piṭakatthavidū pariyattibhājanatthato āhu.

Idāni tena samodhānetvā tayopi vinayādayo ñeyyāti tena evaṃ duvidhatthena piṭakasaddena saha samāsaṃ katvā vinayo ca so piṭakañca pariyattibhāvato, tassa tassa atthassa bhājanato cāti Vinayapiṭakaṃ. Yathāvutteneva nayena suttantañca taṃ piṭakañcāti Suttantapiṭakaṃ. Abhidhammo ca so piṭakañcāti Abhidhammapiṭakanti evamete tayopi vinayādayo ñeyyā.

Evaṃ ñatvā ca punapi tesveva piṭakesu nānappakāraḥkosallatthaṃ—

Desanāsāsanakathā-bhedaṃ tesu yathārahaṃ.
Sikkhāpahānagambhīra-bhāvañca paridīpaye.
Pariyattibhedaṃ sampattim, vipattiñcāpi yaṃ yahim.
Pāpuṇāti yathā bhikkhu, tampi sabbaṃ vibhāvaye.

1. Abhi 1. 44 piṭṭhādīsu. 2. Abhi 1. 17 piṭṭhe. 3. Abhi 1. 2, 5 piṭṭhesu.

4. Abhi 1. 2, 13 piṭṭhesu.

5. Pariyattibhājanatthato (Sī, Syā)

6. Am 1. 189 piṭṭhādīsu.

7. Ma 1. 178; Am 1. 208 piṭṭhesu.

Tatrāyaṃ paridīpanā, vibhāvanā ca—etāni hi tīṇi piṭakāni yathākkamaṃ āṇāvohāraparamatthadesanā,
yathāparādhayathānulomayathādhammasāsanāni,
saṃvarāsaṃvaradiṭṭhiviniveṭhananāmarūpaparicchedakathāti ca vuccanti.

Ettha hi Vinayapiṭakaṃ āṇārahena Bhagavatā āṇābhullato desitattā **āṇādesanā**, Suttantapiṭakaṃ vohārakusalena Bhagavatā vohārabāhullato desitattā **vohāradesanā**, Abhidhammapiṭakaṃ paramatthakusalena Bhagavatā paramatthabāhullato desitattā **paramatthadesanā**ti vuccati.

Tathā paṭhamaṃ ye te pacurāparādhā sattā, te yathāparādhamaṃ ettha sāsītāti **yathāparādhasāsanam**, dutiyaṃ
aneakajjhāsayaṇusayacariyādhimuttikā sattā yathānulomaṃ ettha sāsītāti **yathānulomasāsanam**, tatiyaṃ dhammapuñjamatte “ahaṃ mamā”tisaññino
sattā yathādhammaṃ ettha sāsītāti **yathādhammasāsananti** vuccati.

Tathā paṭhamaṃ ajjhācārapaṭipakkhabhūto saṃvarāsaṃvaro ettha kathitoti **saṃvarāsaṃvarakathā**, **saṃvarāsaṃvaroti** khuddako ceva mahanto
ca saṃvarāsaṃvaro kammākammaṃ viya ca phalāphalaṃ viya ca, dutiyaṃ
dvāsaṭṭhidiṭṭhipaṭipakkhabhūtā diṭṭhiviniveṭhanā ettha kathitāti
diṭṭhiviniveṭhanakathā, tatiyaṃ rāgādipaṭipakkhabhūto nāmarūpaparicchedo
ettha kathitoti **nāmarūpaparicchedakathā**ti vuccati.

Tīsupi cetesu tisso sikkhā, tīṇi pahānāni¹, catubbidho ca gambhīrabhāvo
veditabbo. Tathā hi Vinayapiṭake visesena **adhisīlasikkhā** vuttā,
Suttantapiṭake **adhicittasikkhā**, Abhidhammapiṭake **adhipaññāsikkhā**.

Vinayapiṭake ca **vītikamappahānam** kilesānam, vītikamapaṭipakkhattā
sīlassa, Suttantapiṭake **pariyuṭṭhānappahānam**, pariyuṭṭhānapaṭipakkhattā
samādhissa, Abhidhammapiṭake **anusayappahānam**, anusayapaṭipakkhattā
paññāya.

1. Pahānāni (Sī)

Paṭhame ca **tadaṅgappahānam** kilesānaṃ, itaresu **vikkhambhanasamucchedappahānāni**. Paṭhame ca **duccaritasāṅkilesassa** pahānam, itaresu **taṅhādīṭṭhisāṅkilesānam** pahānam.

Ekamekasmiñcetta catubbidhopi dhammatthadesanāpaṭivedhagambhīrabhāvo veditabbo. Tattha **dhammoti** tanti¹, **atthoti** tassāyevattho, **desanāti** tassā manasā vavatthāpitāya tantiyā² desanā, **paṭivedhoti** tantiyā, tanti-atthassa³ ca yathābhūtāvabodho. Tīsupi cetesu ete dhammatthadesanāpaṭivedhā yasmā sasādīhi viya mahāsamuddo mandabuddhīhi dukkhogāhā⁴, alabbhaneyyapaṭiṭṭhā ca, tasmā gambhīrā. Evaṃ ekamekasmiṃ ettha catubbidhopi gambhīrabhāvo veditabbo.

Aparo nayo. **Dhammoti** hetu, vuttañhetam “hetumhi ñāṇam dhammapaṭisambhidā”ti⁵. **Atthoti** hetuphalam, vuttañhetam “hetuphale ñāṇam atthapaṭisambhidā”ti⁵. **Desanāti** paññatti, yathādhammam dhammābhilāpoti adhippāyo. Anulomapaṭilomasāṅkhepavittārādivasena vā kathanam. **Paṭivedhoti** abhisamayo. So ca lokiya lokuttaro visayato, asammohato ca atthānurūpaṃ dhammesu, dhammānurūpaṃ atthesu, paññattipathānurūpaṃ paññattisu avabodho. Tesam tesam vā tattha tattha vuttadhammānam paṭivijjhitabbo salakkhaṇasaṅkhāto aviparītasabhāvo.

Idāni yasmā etesu piṭakesu yaṃ yaṃ dhammajātam vā atthajātam vā, yā cāyam yathā yathā ñāpetabbo attho sotūnam ñāṇassa abhimukho hoti, tathā tathā tadatthajotikā desanā, yo cettha aviparītāvabodhasaṅkhāto paṭivedho, tesam tesam vā dhammānam paṭivijjhitabbo salakkhaṇasaṅkhāto aviparītasabhāvo, sabbampetaṃ anupacitakusalasambhārehi duppaññehi sasādīhi viya mahāsamuddo dukkhogāham, alabbhaneyyapaṭiṭṭhāñca, tasmā gambhīram. Evampi ekamekasmiṃ ettha catubbidhopi gambhīrabhāvo veditabbo. Ettāvata ca—

Desanāsāsanakathā-bhedam tesu yathāraham.

Sikkhāpahānagambhī-bhāvañca paridīpayeti—

Ayam gāthā vuttatthā hoti.

1. Dhammoti Pāli (Vi-Ṭṭha 1. 18 piṭṭhe) 2. Pāliya (Ka) 3. Pāliya Pāli-atthassa (Ka)

4. Dukkhogāḷā (Syā, Ka)

5. Abhi 2. 307piṭṭhe.

Pariyattibhedam sampattim, vipattiñcāpi yaṃ yaḥim.
Pāpuṇāti yathā bhikkhu, tampi sabbam vibhāvayeti—

Ettha pana tīsu piṭakesu tividho **pariyattibhedo** daṭṭhabbo. Tisso hi pariyattiyo alagaddūpamā, nissaraṇatthā, bhaṇḍāgārikapariyattīti.

Tattha yā duggahitā, upārambhādi hetu pariyāpuṭā, ayaṃ **alagaddūpamā**. Yaṃ sandhāya vuttam—“seyyathāpi bhikkhave puriso alagaddatthiko alagaddagavesī alagaddapariyesanam caramāno, so passeyya mahantam alagaddam tamenam bhoge vā naṅguṭṭhe vā gaṇheyya, tassa so alagaddo paṭiparivattitvā¹ hatthe vā bāhāya vā aññatarasmim vā aṅgapaccange ḍamseyya. So tatonidānam maraṇam vā nigaccheyya maraṇamattam vā dukkham. Tam kissa hetu? Duggahitattā bhikkhave alagaddassa. Evameva kho bhikkhave idhekacce moghapurisā dhammam pariyāpuṇanti suttam -pa-vedallam. Te tam dhammam pariyāpuṇitvā tesam dhammānam paññāya attham na upaparikkhanti, tesam te dhammā paññāya attham anupaparikkhatam na nijjhānam khamanti, te upārambhānisamsā ceva dhammam pariyāpuṇanti itivādappamokkhānisamsā ca. Yassa catthāya dhammam pariyāpuṇanti, tañcassa attham nānubhonti. Tesam te dhammā duggahitā dīgharattam ahitāya dukkhāya samvattanti. Tam kissa hetu? Duggahitattā bhikkhave dhammānan”²ti.

Yā pana suggahitā, sīlakkhandhādipāripūrimyeva ākaṅkhamānena pariyāpuṭā, na upārambhādi hetu, ayaṃ **nissaraṇatthā**. Yaṃ sandhāya vuttam—“tesam te dhammā suggahitā dīgharattam hitāya sukhāya samvattanti. Tam kissa hetu? Suggahitattā bhikkhave dhammānan”³ti.

Yaṃ pana pariññātakhandho pahīnakilesa bhāvitamaggo paṭividdhākuppo sacchikatanirodho khīṇāsavo kevalam pavenipālanatthāya vaṃsānurakkhaṇatthāya pariyāpuṇāti, ayaṃ **bhaṇḍāgārikapariyattīti**.

Vinaye pana suppaṭipanno bhikkhu sīlasampadam nissāya tisso vijjā pāpuṇāti tāsamyeva ca tattha pabhedavacanato. Sutte suppaṭipanno samādhisampadam nissāya chaḷabhiññā pāpuṇāti tāsamyeva ca tattha pabhedavacanato. Abhidhamme suppaṭipanno paññāsampadam nissāya catasso

1. Parivattitvā (Ka)

2. Ma 1. 186 piṭṭhe.

3. Ma 1. 187 piṭṭhe.

paṭisambhidā pāpuṇāti tāsāñca tattheva pabhedavacanato. Evametesu
suppaṭipanno yathākkamena imaṃ
vijjāttayachaḷabhiññācatupaṭisambhidāppabhedam sampattim pāpuṇāti.

Vinaye pana duppaṭipanno anuññātasukhasamphassa-
attharaṇapāvuraṇādiphassasāmaññato paṭikkhittesu upādinna-kaphassādīsu
anavajjasaññī hoti. Vuttañhetam—“tathāham Bhagavatā dhammam desitam
ājānāmi, yathā yeme antarāyikā dhammā vuttā Bhagavatā, te paṭisevato
nālam antarāyāyā”¹. Tato dussīlabhāvaṃ pāpuṇāti. Sutte duppaṭipanno
“cattārome bhikkhave puggalā santo samvijjamānā lokasmin”²ti-ādīsu²
adhippāyaṃ ajānanto duggahitaṃ gaṇhāti. Yaṃ sandhāya vuttaṃ—“attanā
duggahitena amhe ceva abbhācikkhati, attānañca khanati, bahuñca apuññaṃ
pasavati”³. Tato micchādīṭṭhitaṃ pāpuṇāti. Abhidhamme duppaṭipanno
dhammacintaṃ atidhāvanto acinteyyānīpi cinteti, tato cittakkhepaṃ
pāpuṇāti. Vuttañhetam—“cattārimāni bhikkhave acinteyyāni na
cintetabbāni, yāni cintento ummādassa vighātassa bhāgi assā”⁴. Evametesu
duppaṭipanno yathākkamena imaṃ
dussīlabhāvamicchādīṭṭhitācittakkhepappabhedam vipattim pāpuṇātīti.
Ettāvata ca—

Pariyattibhedam sampattim, vipattiñcāpi yaṃ yaṃ.
Pāpuṇāti yathā bhikkhu, tampi sabbam vibhāvayeti—

Ayampi gāthā vuttatthā hoti. Evaṃ nānappakārato piṭakāni ñatvā tesam
vasena sabbampetaṃ saṅgayhamānaṃ tīni piṭakāni honti.

Katham nikāyato pañca nikāyāti? Sabbameva hetam Dīghanikāyo
Majjhimanikāyo Saṃyuttanikāyo Aṅguttaranikāyo Khuddakanikāyoti
pañcappabhedam hoti. Tattha katamo **Dīghanikāyo**? Tivaggasaṅgahāni
Brahmajālādīni catuttimsa suttāni.

Catuttimseva suttantā, tivaggo yassa saṅgaho.
Esa Dīghanikāyoti, paṭhamo anulomiko.

1. Vi 2. 175; Ma 1. 182 piṭṭhesu.

3. Vi 2. 177; Ma 1. 185 piṭṭhesu.

2. Am 1. 311 piṭṭhādīsu.

4. Am 1. 392 piṭṭhe.

Kasmā panesa Dīghanikāyoti vuccati? Dīghappamāṇānaṃ suttānaṃ samūhato, nivāsato ca. Samūhanivāsā hi nikāyoti vuccanti. “Nāhaṃ bhikkhave aññaṃ ekanikāyampi samanupassāmi evaṃ cittaṃ, yathayidaṃ bhikkhave tiracchānagatā pāṇā¹. Poṇikanikāyo cikkhallikanikāyo”² evamādīni cettha sādhakāni sāsanaṭo lokato ca. Evaṃ sesānampi nikāyabhāve vacanatto veditabbo.

Katamo **Majjhimanikāyo**? Majjhimmappamāṇāni pañcadasavaggasaṅghāni Mūlapariyāyasuttādīni diyaḍḍhasataṃ, dve ca suttāni.

Diyaḍḍhasatasuttantā, dve ca suttāni yattha so.
Nikāyo majjhimo pañca-dasavaggapariggaho.

Katamo **Saṃyuttanikāyo**? Devatāsaṃyuttādivasena ʘhitāni Oghataraṇādīni³ satta suttasahassāni, satta ca suttasatāni, dvāsaṭṭhi ca suttāni.

Satta suttasahassāni, satta suttasatāni ca.
Dvāsaṭṭhi ceva suttantā, eso saṃyuttasaṅgho.

Katamo **Aṅguttaranikāyo**? Ekeka-aṅgātirekavasena, ʘhitāni Cittapariyādānādīni nava suttasahassāni, pañca suttasatāni, sattapaññāsaṅgha suttāni.

Nava suttasahassāni, pañca suttasatāni ca.
Sattapaññāsasuttāni, saṅkhyā aṅguttare ayaṃ.

Katamo **Khuddakanikāyo**? Sakalaṃ Vinayapiṭakaṃ, Abhidhammapiṭakaṃ, Khuddakapāṭhadhammapadādayo ca pubbe dassitā pañcadasappahedā ʘhapetvā cattāro nikāye avasesaṃ Buddhavacananti.

ʘhapetvā caturopete, nikāye dīgha-ādike.
Tadaññaṃ Buddhavacanaṃ, nikāyo khuddako matoti.

Evaṃ nikāyato pañca nikāyā honti.

1. Saṃ 2. 123 piṭṭhe.

2. Pāṇinināmake Sakkatābyākaraṇe.

3. Oghataraṇasuttādīni (Sī)

Katham̄ aṅgavasena navaṅgānīti? Sabbameva hidam̄ Suttam̄ Geyyam̄ Veyyākaraṇam̄ Gāthā Udānam̄ Itivuttakam̄ Jātakam̄ Abbhutadhammam̄ Vedallanti navappabhedam̄ hoti. Tattha Ubhatovibhaṅganiddesakhandhakaparivārā, Suttanipātemaṅgalasuttaratanasuttanālakasuttatuvattakasuttāni, aññampi ca suttanāmakaṃ Tathāgatavacanam̄ “**Suttan**”ti veditabbam̄. Sabbampi Sagāthakam̄ Suttam̄ “**Geyyan**”ti veditabbam̄, visesena Saṃyuttanikāye sakalopi Sagāthāvaggo¹. Sakalampi Abhidhammapiṭakam̄, niggāthakam̄ suttam̄, yañca aññampi aṭṭhahi aṅgehi asaṅgahitam̄ Buddhavacanam̄, tam̄ “**Veyyākaraṇan**”ti veditabbam̄. Dhammapadam̄, Theragāthā, Therīgāthā, Suttanipāte nosuttanāmikā suddhikagāthā ca “**Gāthā**”ti veditabbā. Somanassañānamayikagāthappaṭisaṃyuttā dvāsīti suttantā “**Udānan**”ti veditabbam̄. “Vuttam̄ hetam̄ Bhagavatā”ti² ādinayappavattā dasuttarasatasuttantā “**Itivuttakan**”ti veditabbam̄. Apaṇṇakajātakādīni paññāsādhiḱāni pañca jātakasatāni “**Jātakan**”ti veditabbam̄. “Cattārome bhikkhave acchariyā abbhutā dhammā Ānande”ti-ādinayappavattā³ sabbepi acchiriya-abbhutadhammappaṭisaṃyuttā suttantā “**Abbhutadhamman**”ti veditabbam̄. Cūḷavedallamahāvedallasammādiṭṭhisakkapañhasaṅkhāra-bhājanīyamahāpuṇṇamasuttādayo sabbepi vedañca tuṭṭhiñca laddhā laddhā pucchitasuttantā “**Vedallan**”ti veditabbam̄. Evametam̄ aṅgato navaṅgāni.

Katham̄ dhammakkhandhato caturāsīti dhammakkhandhasahassānīti? Sabbameva hidam̄ Buddhavacanam̄—

“Dvāsīti⁴ Buddhato gaṇhim̄, dve sahasāni bhikkhuto.
Caturāsīti sahasāni, ye me dhammā pavattino”ti⁵—

Evam̄ paridīpitadhammakkhandhavasena caturāsītisahassappabhedam̄ hoti. Tattha ekānusandhikam̄ suttam̄ eko dhammakkhandho. Yam̄ anekānusandhikam̄, tattha anusandhivasena dhammakkhandhagaṇanā. Gāthābandhesu pañhapucchanaṃ eko dhammakkhandho, vissajjanaṃ eko. Abhidhamme ekamekaṃ tikadukabhājanam̄, ekamekañca cittavārabhājanam̄ eko⁶ dhammakkhandho. Vinaye atthi vatthu, atthi mātikā, atthi padabhājanīyam̄, atthi āpatti, atthi anāpatti,

1. Sagāthakavaggo (Sī, Syā)
3. Dī 2. 119; Aṃ 1. 448 piṭṭhesu.
5. Khu 2. 347 Theragāthāyam̄.

2. Khu 1. 195 piṭṭhādīsu.
4. Dvāsītīm̄ (Sī)
6. Ekameko (Ka)

atthi antarāpatti, atthi tikacchedo. Tattha ekameko koṭṭhāso ekameko dhammakkhandhoti veditabbo. Evaṃ dhammakkhandhato caturāsīti dhammakkhandhasahassāni.

Evaṃetaṃ sabbampi Buddhavacanaṃ pañcasatikasaṅgītikāle saṅgāyantaena Mahākassapappamukhena vasīgaṇena “ayaṃ dhammo, ayaṃ vinayo, idaṃ paṭhamabuddhavacanaṃ, idaṃ majjhimbuddhavacanaṃ, idaṃ pacchimabuddhavacanaṃ, idaṃ Vinayapiṭakaṃ, idaṃ Suttantapiṭakaṃ, idaṃ Abhidhammapiṭakaṃ, ayaṃ Dīghanikāyo -pa- ayaṃ Khuddakanikāyo, imāni suttādīni navaṅgāni, imāni caturāsīti dhammakkhandhasahassāni”ti imaṃ pabhedam vavatthapetvāva saṅgītaṃ. Na kevalaṅca imameva, aññampi uddānasaṅgaha vaggasaṅgaha peyyālasaṅgaha ekanipātadukanipātādi nipātasāṅgaha saṃyuttasaṅgaha paṇṇāsasaṅgahādi anekavidham tīsu piṭakesu sandissamānaṃ saṅgahapabhedam vavatthapetvāva sattahi māsehi saṅgītaṃ.

Saṅgītipariyosāne cassa “idaṃ Mahākassapattherena Dasabalassa sāsanaṃ pañcavassasahassaparimāṇakālaṃ pavattanasamattham katan”ti sañjātappamodā sādhuṅkārāṃ viya dadamānā ayaṃ mahāpathavī udakapariyantaṃ katvā anekappakāraṃ kampi saṅkampi sampakampi sampavedhi, anekāni ca acchariyāni pāturaheṣuṃ.

Evaṃ saṅgīte panettha ayaṃ abhidhammo piṭakato Abhidhammapiṭakaṃ, nikāyato Khuddakanikāyo, aṅgato Veyyākaraṇaṃ, dhammakkhandhato katipayāni dhammakkhandhasahassāni honti.

Taṃ dhārayantesu bhikkhūsu pubbe eko bhikkhu sabbasāmayikaparisāya nisīditvā abhidhammato suttam āharitvā dhammam kathento “rūpakkhandho abyākato, cattāro khandhā siyā kusalā siyā akusalā siyā abyākatā. Dasāyatanā abyākatā, dve āyatanā siyā kusalā siyā akusalā siyā abyākatā. Soḷasa dhātuyo abyākatā, dve dhātuyo siyā kusalā siyā akusalā siyā abyākatā. Samudayasaccaṃ akusalaṃ, maggasaccaṃ kusalaṃ, nirodhasaccaṃ abyākataṃ, dukkhasaccaṃ siyā kusalaṃ siyā akusalaṃ siyā abyākataṃ. Dasindriyā abyākatā, domanassindriyaṃ akusalaṃ, anaññātaññassāmītindriyaṃ kusalaṃ, cattāri indriyāni siyā kusalā siyā abyākatā,

cha indriyāni siyā kusalā siyā akusalā siyā abyākatā”ti dhammakatham
kathesi.

Tasmim ṭhāne eko bhikkhu nisinno “dhammakathika tvaṃ Sineruṃ
parikkhipanto viya dīghasuttaṃ āharasi, kim suttam nāmetan”ti āha.
Abhidhammasuttam nāma āvusoti. Abhidhammasuttam kasmā āharasi, kim
aññaṃ Buddhabhāsitaṃ suttam āharitum na vaṭṭatīti? Abhidhammo kena
bhāsitoti? Na eso Buddhabhāsitoti. Kim pana te āvuso Vinayapiṭakam
uggahitanti? Na uggahitaṃ āvusoti. Avinayadhāritāya maññe tvaṃ ajānanto
evaṃ vadesīti. Vinayamattameva āvuso uggahitanti. Tampi te duggahitaṃ,
parisapariyante nisīditvā niddāyantena uggahitaṃ bhavissati, tumhādise hi¹
pabbājento vā upasampādentō vā sātisāro hoti. Kim kāraṇā?
Vinayamattassapi duggahitattā. Vuttañhetam tattha “anāpatti na
vivaṇṇetukāmo ‘iṅgha tāva āvuso suttantaṃ vā gāthāyo vā abhidhammaṃ
vā pariyāpuṇassu, pacchāpi vinayaṃ pariyāpuṇissasi’ti² bhaṇati. ‘Suttante
okāsaṃ kārapetvā abhidhammaṃ vā vinayaṃ vā pucchati, abhidhamme
okāsaṃ kārapetvā suttantaṃ vā vinayaṃ vā pucchati, vinaye okāsaṃ
kārapetvā suttantaṃ vā abhidhammaṃ vā pucchati’ti³. Tvaṃ pana
ettakampi na jānāsīti. Ettakenapi paravādī niggaḥito hoti.

Mahāgosiṅgasuttaṃ pana itopi balavataṃ, tatra hi Dhammasenāpati
Sāriputtathero⁴ aññaṃaññaṃ pucchitapañhaṅca vissajjanaṅca ārocetum
Satthu santikaṃ gantvā Mahāmoggallānattherasa vissajjanaṃ ārocento⁵
“idhāvuso Sāriputta dve bhikkhū abhidhammakatham kathenti, te
aññaṃaññaṃ pañhaṃ pucchanti, aññaṃaññaṃ pañhaṃ puṭṭhā vissajjenti,
no ca saṃsārenti⁶, dhammī ca nesaṃ kathāpavattinī hoti. Evarūpena kho
āvuso Sāriputta bhikkhunā gosiṅgasālavanaṃ sobheyyā”ti⁷ āha. Satthā
“ābhidhammikā nāma mama sāsane paribāhirā”ti avatvā
suvaṇṇāliṅgasadisam gīvaṃ unnāmetvā puṇṇacandasassirikaṃ
mahāmukhaṃ pūretvā brahmaghosam nicchārento “sādhu

1. Tumhādisehi (Ka), tumhādiso hi (?)

2. Vi 2. 189 piṭṭhe.

3. Vi 2. 460 piṭṭhe.

4. Dhammasenāpatimhi Sāriputtathero (Ka)

5. Ārocento (Ka)

6. Saṃsārenti (Ka)

7. Ma 1. 297 piṭṭhe.

sādhū Sāriputtā”ti Mahāmogallānattherassa sādhu-kāraṃ datvā “yathā taṃ Moggallāno ca sammā byākaramāno byākareyya, Moggallāno hi Sāriputta dhammakathiko”ti¹ āha. Ābhidhammikabhikkhūyeva kira dhammakathikā nāma, avasesā dhammakathaṃ kathentāpi na dhammakathikā. Kasmā? Te hi dhammakathaṃ kathentā kammantaraṃ vipākantaraṃ rūpārūpaparicchedaṃ dhammantaraṃ āloletvā kathenti, ābhidhammikā pana dhammantaraṃ na āloleti. Tasmā ābhidhammiko bhikkhu dhammaṃ kathetu vā mā vā, pucchitakāle pana pañhaṃ kathessatīti ayameva² ekantadhammakathiko nāma hoti. Idaṃ sandhāya Satthā sādhu-kāraṃ datvā “sukathitaṃ Moggallānenā”ti āha.

Abhidhammaṃ paṭibāhento imasmiṃ Jinacakke pahāraṃ deti, sabbaññutaññānaṃ paṭibāhati, Satthu vesārajjaññānaṃ paṭinivatteti, sotukāmaṃ parisāṃ visāṃvādeti, ariyamagge āvaraṇaṃ bandhati, aṭṭhārasasu bhedakaravatthūsu ekasmiṃ sandissati, ukkhepanīyakammatajjanīyakammāraho³ hoti, taṃ taṃ kammaṃ katvā uyyojetabbo “gaccha vighāsādo hutvā jīvissasī”ti.

Athāpi evaṃ vadeyya “sace abhidhammo Buddhabhāsito, yathā anekesu suttasahassesu ‘ekaṃ samayaṃ Bhagavā Rājagahe viharatī’ti-ādinā nayena nidānaṃ sajjitaṃ, evamassāpi nidānaṃ sajjitaṃ bhavēyyā”ti. So “Jātakasuttanipātadhammapadādīnaṃ evarūpaṃ nidānaṃ natthi, na cetāni na Buddhabhāsitanī”ti paṭikkhipitvā uttaripi evaṃ vattabbo “paṇḍita abhidhammo nāmesa Sabbaññubuddhānaṃyeva visayo, na aññesaṃ visayo. Buddhānañhi okkanti pākaṭā, abhijāti pākaṭā, abhisambodhi pākaṭā, dhammacakkappavattanaṃ pākaṭaṃ, yamakapāṭihāriyaṃ pākaṭaṃ, tivikkamo⁴ pākaṭo, devaloke desitabhāvo pākaṭo, devorohanaṃ pākaṭaṃ. Yathā nāma cakkavattirañño hatthirātanaṃ vā assarātanaṃ vā thenetvā yānake yojetvā vicāraṇaṃ nāma aṭṭhānaṃ akāraṇaṃ, cakkaratanaṃ vā pana thenetvā palālasakaṭe olambitvā vicāraṇaṃ nāma aṭṭhānaṃ akāraṇaṃ, yojanappamāṇaṃ obhāsanāsamatthaṃ maṇiratanaṃ vā pana kappāsapacchiyaṃ pakkhipitvā

1. Ma 1. 279 piṭṭhe.

2. Ayameva kira (Sī)

3. Ukkhepaniyakammaniyasakammatajjanīyakammāraho (Sī, Syā)

4. Tidivakkamo (Syā), divikkamo (Ka)

vaḷañjanaṃ nāma aṭṭhānaṃ akāraṇaṃ. Kasmā? Rājārahabhaṇḍatāya. Evameva abhidhammo nāma na aññesaṃ visayo, Sabbaññubuddhānaṃyeva visayo, tesāṃ vasena desatābbadesanā. Buddhānañhi okkanti pākaṭā -pa-devorohanaṃ pākaṭaṃ, abhidhammassa nidānakiccaṃ nāma nitthi paṇḍitā”ti. Na hi sakkā evaṃ vutte paravādinā sahadhammikaṃ udāharaṇaṃ udāharitum.

Maṇḍalārāmaṃvāsī **Tissabhūtitthero** pana “mahābodhinidāno esa abhidhammo nāmā”ti dassetuṃ “yena svāhaṃ bhikkhave vihārena paṭhamābhisambuddho viharāmi, tassa padesena vihāsin”ti imaṃ Padesavihārasuttantaṃ¹ āharitvā kathesi. Dasavidho hi padeso nāma khandhapadeso āyatanapadeso dhātupadeso saccapadeso indriyapadeso paccayākārapadeso satipaṭṭhānapadeso jhānapadeso nāmapadeso dhammapadesoti. Tesu Satthā Mahābodhimaṇḍe pañcakkhandhe nippadesena paṭivijjhi, imaṃ temāsaṃ vedanākkhandhavaseneva vihāsi. Dvādasāyatanāni aṭṭhārasa dhātuyo nippadesena paṭivijjhi, imaṃ temāsaṃ dhammāyatane vedanāvasena, dhammadhātuyaṅca vedanāvaseneva vihāsi. Cattāri saccāni nippadesena paṭivijjhi, imaṃ temāsaṃ dukkhasacce vedanāvaseneva vihāsi. Bāvīsatiṅdriyāni nippadesena paṭivijjhi, imaṃ temāsaṃ vedanāpañcaka² indriyavasena vihāsi. Dvādasapadikaṃ paccayākāraṇaṃ nippadesena paṭivijjhi, imaṃ temāsaṃ phassapaccayā vedanāvaseneva vihāsi. Cattāro satipaṭṭhāne nippadesena paṭivijjhi, imaṃ temāsaṃ vedanāsatipaṭṭhānavaseneva vihāsi. Cattāri jhānāni nippadesena paṭivijjhi, imaṃ temāsaṃ jhānaṅgesu vedanāvaseneva vihāsi. Nāmaṃ nippadesena paṭivijjhi, imaṃ temāsaṃ tattha vedanāvaseneva vihāsi. Dhamme nippadesena paṭivijjhi, imaṃ temāsaṃ vedanāttikavaseneva vihāsīti evaṃ thero Padesavihārasuttantavasena abhidhammassa nidānaṃ kathesi.

Gāmaṃvāsī **Sumanadevatthero** pana heṭṭhālohapāsāde dhammaṃ parivattento “ayaṃ paravādī bāhā paggayha araññe kandanto viya, asakkhikaṃ aḍḍaṃ³ karonto viya ca abhidhamme nidānassa atthibhāvampi na jānāti”ti vatvā nidānaṃ kathento evamāha “ekaṃ samayaṃ Bhagavā devesu viharati Tāvatiṃsesu pāricchattakamūle Paṇḍukambalasilāyaṃ. Tatra kho Bhagavā

1. Saṃ 3. 11 piṭṭhe.

2. Vedanāpañcake (Sī, Syā)

3. Aṭṭaṃ (Sī)

devānaṃ Tāvatiṃsānaṃ abhidhammakathaṃ kathesi ‘kusalā dhammā akusalā dhammā abyākatā dhammā’¹ti”.

Aññesu pana suttesu ekameva nidānaṃ, abhidhamme **dve nidānāni** adhigamanidānaṃca desanānidānaṃca. Tattha **adhigamanidānaṃ** Dīpaṅkaradasabalato paṭṭhāya yāva Mahābodhipallāṅkā veditabbaṃ. **Desanānidānaṃ** yāva dhammacakkappavattanā. Evaṃ ubhayanidānasampannassa panassa abhidhammassa nidānakosallatthaṃ idaṃ tāva **pañhakkammaṃ**¹ veditabbaṃ “ayaṃ abhidhammo nāma kena pabhāvito, kattha paripācīto, kattha adhigato, kadā adhigato, kena adhigato, kattha vicīto, kadā vicīto, kena vicīto, kattha desīto, kassatthāya desīto, kimatthaṃ desīto, kehi paṭṭiggaḥīto, ke sikkhanti, ke sikkhitasikkhā, ke dhārenti, kassa vacanaṃ, kenābhatō”²ti.

Tatridaṃ **vissajjanaṃ**—**kena pabhāvīto** bodhi-abhinīhārasaddhāya pabhāvito. **Kattha paripācīto** adḍhachakkesu jātakasattesu. **Kattha adhigatō** bodhimūle. **Kadā adhigatō** visākhāpuṇṇamāsīyaṃ. **Kenādhigatō** Sabbaññubuddhena. **Kattha vicīto** Bodhimaṇḍe. **Kadā vicīto** ratanagharasattāhe. **Kena vicīto** Sabbaññubuddhena. **Kattha desīto** devesu Tāvatiṃsesu. **Kassatthāya desīto** devatānaṃ. **Kimatthaṃ desīto** caturōghaniddharaṇatthaṃ. **Kehehi paṭṭiggaḥīto** devehi. **Ke sikkhantīti** sekkhā ca puthujjanakalyāṇā ca. **Ke sikkhitasikkhāti** arahanto khīṇāsavā. **Ke dhārentīti** yesaṃ vattati², te dhārenti. **Kassa vacananti** Bhagavato vacanaṃ Arahato Sammāsambuddhassa. **Kenābhatōti** ācariyaparamparāya.

Ayañhi Sāriputtatthero Bhaddaji Sobhito Piyajāli Piyapālo Piyadassī Kosiyaputto Siggavo Sandeho Moggaliputto Sudatto Dhammiyo Dāsako Soṇako Revatōti evamādīhi yāva tatiyaṅgītikālā ābhatō, tato uddhaṃ tesamīyeva sissānusisschīti evaṃ tāva Jambudīpatale ācariyaparamparāya ābhatō. Imaṃ pana dīpaṃ—

1. Pañhakkammaṃ (Ka)

2. Vattanti (sabbattha)

Tato Mahindo Iṭṭiyo, Uttiyo Sambalo tathā.
Paṇḍito Bhaddanāmo ca, ete nāgā mahāpaññā.

Jambudīpā idhāgatāti¹.

Imehi mahānāgehi ābhato, tato uddham tesamīveva
sissānusissasāṅkhātāya ācariyaparamparāya yāvajjatanakālā ābhato.

Sumedhakathā

Evam ābhatassa panassa yaṃ taṃ **Dīpaṅkaradasabalato** paṭṭhāya yāva
Mahābodhipallaṅkā adhigamanidānaṃ, yāva dhammacakkappavattanā
desanānidānaṅca vuttam, tassa āvibhāvattham ayaṃ anupubbikathā
veditabbā.

Ito kira kappasatasahassādhikānaṃ catunnaṃ asaṅkhyeyyānaṃ
matthake Amaravatī nāma nagaraṃ ahosi, tattha **Sumedho** nāma brāhmaṇo
paṭivasati ubhato sujāto mātito ca pitito ca saṃsuddhagahaṇiko yāva sattamā
kulaparivaṭṭā akkhito anupakuṭṭho jātivādēna abhirūpo dassanīyo pāsādiko
paramāya vaṇṇapokkharatāya samannāgato. So aññaṃ kammaṃ akatvā
brāhmaṇasippameva uggaṇhi. Tassa daharakāleyeva mātāpitaro
kālamakaṃsu. Athassa rāsivaḍḍhako amacco āyapotthakaṃ āharitvā
suvaṇṇarajatamaṇimuttādīpūrīte gabbhe vivaritvā “ettakaṃ te kumāra mātu
santakaṃ, ettakaṃ pitu santakaṃ, ettakā ayyakapayyakānaṃ² santakā”ti
yāva sattamā kulaparivaṭṭā dhanam ācikkhitvā “etaṃ paṭipajjāhi”ti āha.
Sumedhapaṇḍito cintesi “imaṃ dhanam saṃharitvā mayham
pitupitāmahādayo paralokaṃ gacchantā ekakahāpaṇampi gahetvā na gatā,
mayā pana gahetvā gamanakāraṇam kātuṃ vaṭṭatī”ti, so rañño ārocetvā
nagare bherim carāpetvā mahājanassa dānam datvā tāpasapabbajjam
pabbaji. Imasmim pana ṭhāne **Sumedhakathā** kathetabbā. Vuttañhetam
Buddhavaṃse³—

“Kappe ca satasahasse, caturo ca asaṅkhiye.

Amaram nāma nagaram, dassaneyyam manoramam.

1. Vi 5. 3, 6 piṭṭhādīsu. 2. Ayyakapeyyakānaṃ (Sī), ayyaka-ayyika-ayyikānaṃ (Syā)

3. Khu 4. 306 Buddhavaṃse.

Dasahi saddehi avivittaṃ, annapānasamāyutaṃ.
 Hatthisaddaṃ assasaddaṃ, bherisaṅkharathāni ca.
 Khādatha pivatha ceva, annapānena ghositaṃ.

 Nagaraṃ sabbaṅgasampannaṃ, sabbakammamupāgataṃ.
 Sattaratanasampannaṃ, nānājanasamākulaṃ.
 Samiddhaṃ devanagaraṃva, āvāsaṃ puññakammaṃ.

 Nagare Amaravatiyā, Sumedho nāma brāhmaṇo.
 Anekakoṭṭisannicayo, pahūtadhanadhaññavā.
 Ajjhāyako mantadharo, tiṇṇaṃ vedāna pāragū.
 Lakkhaṇe itihāse ca, sadhamme pāramaṃ gato.

 Rahogato nisīditvā, evaṃ cintesahaṃ tadā.
 Dukkho punabbhavo nāma, sarīrassa ca bhedanaṃ. ()¹

 Jātidhammo jarādhammo, byādhidhammo sahaṃ² tadā.
 Ajaraṃ amataṃ khemaṃ, pariyesissāmi nibbutiṃ.

 Yaṃnūnimaṃ pūtikāyaṃ, nānākuṇapapūritaṃ.
 Chaḍḍayitvāna gaccheyyaṃ, anapekkho anattiko.

 Atthi hehiti so maggo, na so sakkā na hetuye.
 Pariyesissāmi taṃ maggaṃ, bhavato parimuttiiyā.

 Yathāpi dukkhe vijjante, sukhaṃ nāmapi vijjati.
 Evaṃ bhava vijjamāne, vibhavopi icchitabbako.

 Yathāpi uṇhe vijjante, aparam³ vijjati sītaṃ.
 Evaṃ tividhaggi vijjante, nibbānaṃ icchitabbakaṃ.

 Yathāpi pāpe vijjante, kalyāṇamapi vijjati.
 Evameva jāti vijjante, ajātipicchitabbakaṃ.

1. (Sammohamaraṇaṃ dukkhaṃ, jarāya abhimaddanaṃ) Sabbattha
 Buddhavaṃsapāli-aṭṭhakathāsu pana natthi.

2. Cahāṃ (Sī, Syā)

3. Aparampi (Ka)

Yathā gūthagato puriso, taḷākam̐ disvāna pūritam̐.
 Na gavesati tam̐ taḷākam̐, na doso taḷākassa so.
 Evaṃ kilesamaladhove¹, vijjante amatantaḷe.
 Na gavesati tam̐ taḷākam̐, na doso amatantaḷe.
 Yathā arīhi pariruddho, vijjante gamanampathe.
 Na palāyati so puriso, na doso añjasassa so.
 Evaṃ kilesapariruddho, vijjamāne sive pathe.
 Na gavesati tam̐ maggam̐, na doso sivamañjase.
 Yathāpi byādhito puriso, vijjamāne tikicchake.
 Na tikicchāpeti tam̐ byādhiṃ, na doso so tikicchake.
 Evaṃ kilesabyādhīhi, dukkhito paripīḷito.
 Na gavesati tam̐ ācariyam̐, na doso so vināyake.
 Yathāpi kuṇapam̐ puriso, kaṇṭhe baddham̐¹ jigucchiya.
 Mocayitvāna gaccheyya, sukhī serī sayamvasī.
 Tathevimaṃ pūtikāyam̐, nānākuṇapasañcayam̐.
 Chaḍḍayitvāna gaccheyyam̐, anapekkho anattthiko.
 Yathā uccāraṭṭhānamhi, karīsam̐ naranāriyo.
 Chaḍḍayitvāna gacchanti, anapekkhā anattthikā.
 Evamevāham̐ imam̐ kāyam̐, nānākuṇapapūritam̐.
 Chaḍḍayitvāna gacchissam̐, vaccam̐ katvā yathā kuṭim̐.
 Yathāpi jajjaram̐ nāvam̐, paluggam̐ udagāhinim̐.
 Sāmī chaḍḍetvā gacchanti, anapekkhā anattthikā.
 Evamevāham̐ imam̐ kāyam̐, navacchiddam̐ dhuvassavam̐.
 Chaḍḍayitvāna gacchissam̐, jiṇṇanāvam̐va sāmikā.
 Yathāpi² puriso corehi, gacchanto bhaṇḍamādiya.
 Bhaṇḍacchedabhayam̐ disvā, chaḍḍayitvāna gacchati.

1. Kilesamaladhovam̐ (Buddhavam̐se 307 piṭṭhe.) 2. Baddham̐ (Syā) 3. Yathā (Ka)

Evameva ayaṃ kāyo, mahācorasamo viya.
 Pahāyimaṃ gamissāmi, kusalacchedanābhayā.
 Evāhaṃ cintayitvāna, nekakoṭisataṃ dhanam.
 Nāthānāthānaṃ datvāna, Himavantamupāgamim.
 Himavantassāvidūre, Dhammiko¹ nāma pabbato.
 Assamo sukato mayhaṃ, paṇṇasālā sumāpitā.
 Caṅkamaṃ tattha māpesim, pañcadosavivajjitam.
 Aṭṭhaguṇasamupetaṃ, abhiññābalaṃ māharim.
 Sāṭakaṃ pajahim tattha, navadosamupāgataṃ.
 Vākacīraṃ nivāsesim, dvādasaguṇamupāgataṃ.
 Aṭṭhadosasamākiṇṇam, pajahim paṇṇasālakaṃ.
 Upāgamim rukkhamaṃ, guṇe² dasahupāgataṃ.
 Vāpitaṃ ropitaṃ dhaññaṃ, pajahim niravasesato.
 Anekaguṇasampannaṃ, pavattaphalamādiyaṃ.
 Tatthappadhānaṃ padahim, nisajjaṭṭhānacaṅkame.
 Abbhantaramhi sattāhe, abhiññābala pāpuṇinti³.

Tattha **assamo sukato mayhaṃ, paṇṇasālā sumāpitā**ti imissā Pāḷiyā Sumedhapaṇḍitena assamapaṇṇasālācaṅkamā sahatthā māpitā viya vuttā, ayaṃ panettha attho—Mahāsattañhi “Himavantaṃ ajjhogāhetvā ajja Dhammikapabbataṃ pavisissāmī”ti nikkhantaṃ disvā Sakko Devānamindo Vissakammadevaputtaṃ⁴ āmantesi “gaccha tāta, ayaṃ Sumedhapaṇḍito ‘pabbajissāmī’ti nikkhanto, etassa vasanaṭṭhānaṃ māpehi”ti. So tassa vacanaṃ sampaṭicchitvā ramaṇīyaṃ assamaṃ suguttaṃ paṇṇasālaṃ, manoramaṃ caṅkamaṃ ca māpesi. Bhagavā pana tadā attano puññānubhāvena nipphanam⁵ taṃ assamapadaṃ sandhāya “Sāriputta tasmim Dhammikapabbate—

1. Dhammako (Sī)

2. Guṇchi (Sī, Syā)

3. Abhiññābalaṃ pāpuṇinti (Sī) Buddhavaṃse 309 piṭṭhepassitabbaṃ.

4. Visukammadevaputtaṃ (Ka)

5. Buddhaṃvaṃsa-Ṭṭha 90 piṭṭhe.

Assamo sukato mayhaṃ, paṇṇasālā sumāpitā.
Caṅkamaṃ tattha māpesiṃ, pañcadosavivajjitan”ti—

āha. Tattha **assamo sukato mayhanti** sukato mayā. **Paṇṇasālā sumāpitāti** paṇṇacchadanā¹ sālāpi me sumāpitā ahosi.

Pañcadosavivajjitantī pañcime caṅkamadosā nāma thaddhavisamatā, antorukkhatā, gahanacchannatā, atisambādhatā, ativisālatāti. Thaddhavisamabhūmibhāgasmiñhi caṅkame caṅkamantassa pādā rujjanti, phoṭā uṭṭhahanti, cittaṃ ekaggataṃ na labhati, kammaṭṭhānaṃ vipajjati. Mudusamatale pana phāsuvihāraṃ āgamma kammaṭṭhānaṃ sampajjati. Tasmā thaddhavisamabhūmibhāgatā eko dosoti veditabbo. Caṅkamanassa anto vā majjhe vā koṭiyaṃ vā rukkhe sati pamādamāgamma caṅkamantassa nalātaṃ vā sīsaṃ vā paṭihaññatīti antorukkhatā dutiyo doso. Tiṇalatādīgahanacchanne caṅkame caṅkamanto andhakāraṇelāyaṃ uragādike pāṇe akkamitvā vā māreti, tehi vā daṭṭho dukkhaṃ āpajjati gahanacchannatā tatiyo doso. Atisambādhe caṅkame vitthārato ratanike vā aḍḍharatanike vā caṅkamantassa paricchede pakkhalitvā nakhāpi aṅguliyo bhijjantīti atisambādhatā catuttho doso. Ativisāle caṅkame caṅkamantassa cittaṃ vidhāvati, ekaggataṃ na labhatīti ativisālatā pañcamo doso. Puthulato pana diyaḍḍharatanā dvīsu passesu ratanamatta-anucaṅkamaṃ dīghato saṭṭhihatthaṃ mudutalaṃ samavippakiṇṇavālukaṃ caṅkamaṃ vaṭṭati, cetiyagirimhi Dīpappasādakamahāmahindattherassa caṅkamaṃ viya, tādīsaṃ taṃ ahosi. Tenāha “caṅkamaṃ tattha māpesiṃ, pañcadosavivajjitan”ti.

Aṭṭhaguṇasamupetanti aṭṭhahi samaṇasukhehi upetaṃ. Aṭṭhimāni samaṇasukhāni nāma dhanadhaññapariggahābhāvo, anavajjapiṇḍa² pariyesanabhāvo, nibbutapiṇḍabhuñjanabhāvo, raṭṭhaṃ pīletvā dhanasāraṃ vā sīsakahāpaṇādīni vā gaṇhantesu rājakulesu raṭṭhapīḷanakilesābhāvo, upakaraṇesu nicchandarāgabhāvo, coravilope nibbhayabhāvo, rājarājamahāmaccehi asaṃsaṭṭhabhāvo, catūsu disāsu appaṭihatabhāvoti. Idam vuttam

1. Paṇṇacchannā (Ka)

2. Anavajjapiṇḍapāta (Sī)

hoti “yathā tasmim̐ assame vasantena sakkā honti¹ imāni aṭṭha samaṇasukhāni vinditum, evaṃ aṭṭhaguṇasamupetaṃ taṃ assamaṃ māpesin”ti.

Abhiññābalaṃāharinti pacchā tasmim̐ assame vasanto kaṣiṇaparikkammaṃ katvā, abhiññānaṅca samāpattīnaṅca uppādanatthāya aniccato dukkhato vipassanaṃ ārabhitvā thāmapattaṃ vipassanābalaṃ āharim̐. Yathā tasmim̐ vasanto taṃ balaṃ āharitum̐ sakkomi, evaṃ taṃ assamaṃ tassa abhiññatthāya vipassanābalassa anucchavikaṃ katvā māpesinti attho.

Sāṭakaṃ pajahim̐ tattha, navadosamupāgatanti etthāyaṃ anupubbikathā, tadā kira kuṭileṇacaṅkamādipaṭimaṇḍitaṃ pupphūpagaphalūpagarukkhasañchannaṃ ramaṇīyaṃ madhurasalilāsayaṃ apagatavālamigabhimsanakasakuṇaṃ pavivekakkhamaṃ assamaṃ māpetvā alaṅkātacaṅkamassa ubhosu antesu ālambanaphalakaṃ saṃvidhāya nisīdanatthāya caṅkamavemajjhe samatalaṃ muggavaṇṇasilaṃ māpetvā antopaṇṇasālāyaṃ jaṭamaṇḍalavākacīratidaṇḍakuṇḍikādike tāpasaparikkhāre maṇḍape pānīyaghaṭa² pānīyasaṅkhapānīyasarāvāni aggisālāyaṃ aṅgārapalladāru-ādīnīti evaṃ yaṃ yaṃ pabbajitānaṃ upakārāya saṃvattati, taṃ taṃ sabbaṃ māpetvā paṇṇasālāya bhittiyaṃ “ye keci pabbajitukāmā ime parikkhāre gahetvā pabbajantū”ti akkharāni chinditvā devalokameva gate Vissakammadevaputte Sumedhapaṇḍito Himavantapāde girikandarānusārena attano nivāsanānurūpaṃ phāsukaṭṭhānaṃ olokento naḍīnivattane vissakammanimmitaṃ sakkadattiyaṃ ramaṇīyaṃ assamaṃ disvā caṅkamakoṭim̐ gantvā padavalaṅjaṃ apassanto “dhuvaṃ pabbajitā dhuragāme bhikkhaṃ pariyesitvā kilantarūpā āgantvā paṇṇasālāya pavisitvā nisinnā bhavissanti”ti cintetvā thokaṃ āgametvā “atīviya cirāyanti, jānissāmi”ti paṇṇasālakuṭidvāraṃ vivaritvā anto pavisitvā ito cito ca olokento mahābhittiyaṃ akkharāni vācetvā “mayhaṃ kappiyaparikkhārā ete, ime gahetvā pabbajissāmi”ti attanā nivatthapārutaṃ sāṭakayugaṃ pajahi. Tenāha “sāṭakaṃ pajahim̐ tatthā”ti. Evaṃ pavitṭho ahaṃ Sāriputta tassaṃ paṇṇasālāyaṃ sāṭakaṃ pajahim̐.

1. Hoti (Ka)

2. Pānīyakūṭa (Sī)

Navadosamupāgatanti sāṭakam pajahanto nava dose disvā pajahinti dīpeti. Tāpasapabbajjam pabbajitānam hi¹ saṭakasmim nava dosā upaṭṭhahanti. Tesu tassa mahagghabhāvo eko doso, parapaṭibaddhatāya uppajjanabhāvo eko, paribhogena lahum² kilissanabhāvo eko, kiliṭṭho hi³ dhovitabbo ca rajitabbo ca hoti, paribhogena lahukam⁴ jīraṇabhāvo eko, jiṇṇassa hi tunnam vā aggaḷadānam vā kātabbam hoti. Punapariyesanāya durabhisambhavabhāvo eko, tapasapabbajjāya asārubbabhāvo eko, paccatthikānam sādharmaṇabhāvo eko, yathā hi nam paccatthikā na gaṇhanti, evam gopetabbo hoti. Paribhuñjantassa vibhūsanatṭhānabhāvo eko, gahetvā carantassa khandhabhāramahicchabhāvo ekoti.

Vākacīram nivāsesinti tadā aham Sāriputta ime nava dose disvā sāṭakam pahāya vākacīram nivāsesim, muñjatiṇam hīram hīram katvā ganthetvā katham vākacīram nivāsanapārūpanatthāya ādiyinti attho.

Dvādasaguṇamupāgatanti dvādasahi ānisaṃsehi samannāgataṃ, vākacīrasmiñhi dvādasānisaṃsā—appaggham sundaram kappiyanti ayam tava eko ānisaṃso, sahatthā katum sakkāti ayam dutiyo, paribhogena saṇikam kilissati, dhoviyamānepi papañjo natthīti ayam tatiyo, paribhogena jiṇṇepi sibbitabbābhāvo catuttho, puna pariyesantassa sukkena karaṇabhāvo pañcamo, tāpasapabbajjāya sārubbabhāvo chaṭṭho, paccatthikānam nirupabhogabhāvo⁵ sattamo, paribhuñjantassa vibhūsanatṭhānābhāvo aṭṭhamo, dhāraṇe sallahukabhāvo navamo, cīvarapaccaye appicchabhāvo dasamo, vākuppattiyā dhammika-anavajjabhāvo ekādasamo, vākacīre natṭhepi anapekkhabhāvo dvādasamoti.

Aṭṭhadosasamākiṇṇam, pajahim paṇṇasālakanti katham pajahim? So kira varasāṭakayugam omuñcanto cīvaravamse laggitam anojapupphadāmasadisam rattavākacīram gahetvā nivāsetvā tassupari aparam suvaṇṇavaṇṇam vākacīram paridahitvā punnāgapupphasantharasadisam sakhuram ajinacammaṃ ekamsam katvā

1. Tāpasapabbajitānam hi (Ka)

2. Lahukam (Ka)

3. Kiliṭṭhe ca (Si), kiliṭṭho ca (Ka)

4. Idam padam Si-Syā-potthakesu natthi.

5. Nipparibhogabhāvo (Syā)

jaṭāmaṇḍalaṃ paṭimuñcivā cūḷāya saddhiṃ niccalabhāvakarāṇatthaṃ
 sārasūciṃ pavesetvā muttājālasadisāya sikkāya pāvāḷavaṇṇaṃ kuṇḍikaṃ
 odahitvā tīsu ṭhānesu vaṅkakājaṃ ādāya ekissā¹ kājakoṭiyā kuṇḍikaṃ,
 ekissā aṅkusaka² pacchitidaṇḍakādīni olaggetvā khārikājaṃ³ aṃse katvā
 dakkhiṇena hatthena kattaradaṇḍaṃ gahetvā paṇṇasālato nikkhamitvā
 saṭṭhihatthe mahācaṅkame aparāparaṃ caṅkamanto attano vesam oloketvā
 “mayhaṃ manoratho matthakaṃ patto, sobhati vata me pabbajjā,
 Buddhapaccekabuddhādīhi sabbehipi dhīrapurisehi vaṇṇitā thomitā ayaṃ
 pabbajjā nāma, pahīnaṃ me gihibandhanaṃ, nikkhantosmi nekkhammaṃ,
 laddhā me uttamapabbajjā, karissāmi samaṇadhammaṃ, labhissāmi
 aggaphalasukhaṃ”ti ussahajāto khārikājaṃ otāretvā caṅkamavemajjhe
 muggavaṇṇasilāpaṭṭe suvaṇṇapaṭimā viya nisinno divasabhāgaṃ vītināmetvā
 sāyanhasamayaṃ paṇṇasālaṃ pavisitvā bidalamaṅcakapassee⁴
 kaṭṭhattharikāya nipanno sarīraṃ utuṃ gāhāpetvā balavapaccūse pabujjhitvā
 attano āgamaṇaṃ āvajjesi “ahaṃ gharāvāse ādīnavaṃ disvā amitabhogaṃ
 anantayasaṃ pahāya araṅṅaṃ pavisitvā nekkhamagavesako⁵ hutvā
 pabbajito, itodāni paṭṭhāya pamādacāraṃ carituṃ na vaṭṭati, pavivekaṅhi
 pahāya vicarantaṃ micchāvitakkamakkhikā khādanti, idāni mayā
 pavivekamanubrūhetuṃ vaḍḍati, ahaṅhi gharāvāsaṃ palibhodhato disvā⁶
 nikkhanto, ayaṅca manāpā paṇṇasālā, beluvapakkavaṇṇā paribhaṇḍakata
 bhūmi, rajatavaṇṇā setabhittiyo, kapotapādavaṇṇaṃ paṇṇacchadanaṃ,
 vicittattharaṇavaṇṇo bidalamaṅcako, nivāsaphāsukaṃ vasanaṭṭhānaṃ, na
 etto atirekatarā viya me gehasampadā paññāyati”ti paṇṇasālāya dose
 vicinanto aṭṭha dose passi.

Paṇṇasālāparibhogasmiṅhi aṭṭha ādīnavā—mahāsamārambhena⁷
 dabbasambhāre samodhānetvā karaṇapariyesanabhāvo eko ādīnavo,
 tiṇapaṇṇamattikāsu patitāsu tāsāṃ punappunaṃ ṭhapetabbatāya

1. Ekissāya (Ka)

2. Aṅkusa (Sī)

3. Khāribhāraṃ (Sī)

4. Biralamaṅcakapassee (Ka)

5. Nekkhammaṃ gavesanto (Sī)

6. Gharāvāsapalibhodhato ādīnavaṃ disvā (Ka), gharāvāsapalibodhaṃ disvā (Syā)

7. Mahāsambhārena (Ka) Buddhavaṃsa-Ṭṭha 99 piṭṭhepi.

nibaddhajagganabhāvo dutiyo, senāsanam nāma mahallakassa pāpuṇāti, avelāya vuṭṭhāpiyamānassa cittekaggatā na hotīti uṭṭhāpanīyabhāvo tatiyo, sītuṇhapaṭighātena kāyassa sukhumālakaraṇabhāvo catuttho, geham pavitṭhena yamkiñci pāpam sakkā kātunti garahapaṭicchādanabhāvo pañcama, “mayhan”ti pariggahakaraṇabhāvo chaṭṭho, gehassa atthibhāvo nāmesa dutiyakavāso viyāti sattamo, ūkāmaṅgula¹gharagoḷikādīnam sādharmaṇatāya bahusādharmaṇabhāvo aṭṭhamoti ime aṭṭha ādīnave disvā mahāsatto paṇṇasālam pajahi. Tenāha “aṭṭhadosasamākiṇṇam, pajahim paṇṇasālayan”ti.

Upāgamim rukkhamūlam, guṇe dasahupāgatanti channam paṭikkhipitvā dasahi guṇehi upetaṃ rukkhamūlam upāgatosmīti vadati.

Tatrima dasa guṇā—appasamārambhata² eko guṇo, upagamanamattameva hi tattha hotīti. Appaṭijagganatā dutiyo, tañhi sammatṭhampi asammattṭhampi paribhogaphāsukam hotiyeva. Anuṭṭhāpanīyabhāvo tatiyo, garaham nappaṭicchādeti, tattha hi pāpam karonto lajjatīti garahāya appaṭicchādanabhāvo catutto, abbhokāsāvāso viya kāyam na santhambhetīti kāyassa asanthambhanabhāvo pañcama, pariggahakaraṇabhāvo chaṭṭho, gehālayapaṭikkhepo sattamo, bahusādharmaṇagehe viya “paṭijaggissāmi nam, nikkhamathā”ti nīharaṇabhāvo aṭṭhamo, vasantassa sappītikabhāvo navamo, rukkhamūlasenāsanassa gatagataṭṭhāne sulabhatāya anapekkhabhāvo dasamoti, ime dasa guṇe disvā rukkhamūlam upāgatosmīti vadati.

Imāni ettakāni kāraṇāni sallakkhetvā mahāsatto punadivase bhikkhāya gāmam pāvisi. Athassa sampattagāme manussā mahantena ussāhena bhikkham adamsu. So bhattakiccam niṭṭhāpetvā assamam āgamma nisīditvā cintesi “nāham ‘āhāram na labhāmī”ti pabbajito, siniddhāhāro nāmesa mānamadapurisamade vaḍḍheti, āhāramūlakassa dukkhassa anto natthi, yamnūnāham vāpitaṃ ropitaṃ dhaññanibbattakam āhāram pajahitvā pavattaphalabhajano³ bhavyeyan”ti. So tato paṭṭhāya

1. Ūkāmaṅkuṇa (Sī)

2. Appasambhāratā (Ka)

3. ...bhojī (Sī)

tathā katvā ghaṭento vāyamanto sattāhabbhantareyeva aṭṭha samāpattiyo,
pañca ca abhiññāyo nibbatesi. Tena vuttaṃ—

“Vāpitaṃ ropitaṃ dhaññaṃ, pajahiṃ niravasesato.
Anekagaṇasampannaṃ, pavattaphalamādiyim.

Tatthappadhānaṃ padahiṃ, nisajjaṭṭhānacaṅkame.
Abbhantaramhi sattāhe, abhiññābala pāpuṇiṃ”ti.

Evaṃ me siddhipattassa, vasībhūṭassa sāsane.
Dīpaṅkaro nāma Jino, uppajji Lokanāyako.

Uppajjante ca jāyante, bujjhante dhammadesane.
Caturō nimitte nāddasaṃ, jhānaratisamappito.

Paccantadesavisaye, nimantetvā Tathāgataṃ.
Tassa āgamaṃ maggaṃ, sodhenti tuṭṭhamānasā.

Ahaṃ tena samayena, nikkhamitvā sakassamā.
Dhunanto vākacīrāni, gacchāmi ambare tadā.

Vedajātaṃ janaṃ disvā, tuṭṭhahaṭṭhaṃ pamoditaṃ.
Orohitvāna gaganā, manusse pucchi tāvade.

“Tuṭṭhahaṭṭho pamudito, vedajāto mahājano.
Kassa sodhīyati maggā, añjasaṃ vaṭumāyanaṃ”.

Te me puṭṭhā viyākāmsu “Buddho loka anuttaro.
Dīpaṅkaro nāma Jino, uppajji Lokanāyako.
Tassa sodhīyati maggo, añjasaṃ vaṭumāyanaṃ.

“Buddho”tivacanaṃ¹ sutvāna, pīti uppajji tāvade.
“Buddho Buddho”ti kathayanto, somanassaṃ pavedayim.

Tattha ṭhatvā vicintesiṃ, tuṭṭho samviggamānaso.
“Idha bījāni ropissaṃ, khaṇo ve mā upaccagā”.

Yadi Buddhassa sodhetha, ekokāsaṃ dadātha me.
Ahampi sodhayissāmi, añjasaṃ vaṭumāyanaṃ.

1. Buddhoti nāmaṃ (Ka) Khu 4. 309 Buddhavaṃse passitabbaṃ.

Adaṃsu te mamokāsaṃ, sodhetuṃ añjasaṃ tadā.
“Buddho Buddho”ti cintento, maggaṃ sodhemahaṃ tadā.

Aniṭṭhite mamokāse, Dīpaṅkaro Mahāmuni.
Catūhi satahassehi, chaḷabhiññehi tādihi.
Khīṇāsavehi vimalehi, paṭipajji añjasaṃ Jino.

Paccuggamaṇā vattanti, vajjanti bheriyo bahū.
Āmoditā naramarū, sādhuḷāraṃ pavattayūṃ.

Devā manusse passanti, manussāpi ca devatā.
Ubhopi te pañjalikā, anuyantathāgataṃ.

Devā dibbehi turiyehi, manussā mānusehi ca¹.
Ubhopi te vajjayantā, anuyanti Tathāgataṃ.

Dibbaṃ mandāraṇaṃ pupphaṃ, padumaṃ pārichattakaṃ.
Disodisaṃ okiranti, ākāsaṇabhagatā marū².

Dibbaṃ candanacuṇṇaṇca, varagandhaṇca kevalaṃ.
Disodisaṃ okiranti, ākāsaṇabhagatā marū.

Campakaṃ saralaṃ nīpaṃ, nāgapunnāgaketakaṃ.
Disodisaṃ ukkhipanti, bhūmitalagatā narā.

Kese muñcitvāhaṃ tattha, vākacīraṇca cammakāṃ.
Kalale pattharivāna, avakujjo nipajjahaṃ.

Akkamitvāna maṃ Buddho, saha sissehi gacchatu.
Mā naṃ kalale akkamittha³, hitāya me bhavissati.

Pathaviyaṃ nipannassa, evaṃ me āsi cetaso.
“Icchamāno ahaṃ ajja, kilese ghātiyāmaham⁴.”

Kiṃ me aññātaṇvesena, dhammaṃ sacchikatenidha.
Sabbaññutaṃ pāpuṇitvā, Buddho hessaṃ sadevake.

1. Mānussakehi ca (Syā, Ka) 2. Ākāsaṇa gatā marū (Syā, Ka) 3. Akkamittho (Sī)
4. Ghātissāmaham (Sī, Syā) jhāpaye mama (Jātaka-Ṭṭha 1. 17 piṭṭhe) Mūlaṭṭikā 25 piṭṭhe
passitabbā. Jhāpiyāmaham (Maṇidīpa)

Kiṃ me ekena tiṇṇena, purisena thāmadassinā.
 Sabbaññutaṃ pāpuṇitvā, santāressaṃ sadevakaṃ.
 Iminā me adhikārena, katena purisuttame.
 Sabbaññutaṃ pāpuṇitvā, tāremi janataṃ bahuṃ.
 Samsārasotaṃ chinditvā, viddhaṃsetvā tayo bhave.
 Dhammanāvaṃ samāruyha, santāressaṃ sadevakaṃ”.
 Dīpaṅkaro Lokavidū, āhutīnaṃ paṭiggaho.
 Ussīsake maṃ ṭhatvāna, idaṃ vacanamabravi.
 “Passatha imaṃ tāpasāṃ, jaṭilaṃ uggatāpanaṃ.
 Aparimeyye ito kappe, Buddho loke bhavissati.
 Ahu Kapilavhayā rammā, nikkhamitvā Tathāgato.
 Padhānaṃ padahitvāna, katvā dukkarakārikaṃ.
 Ajaṇṇarukkhamūle, nisīditvā Tathāgato.
 Tattha pāyāsaṃ paggayha¹, Nerañjaramupehiti.
 Nerañjarāya tīraṃhi, pāyāsaṃ ada so Jino.
 Paṭiyattavaramaggena, bodhimūlamupehiti.
 Tato padakkhiṇaṃ katvā, Bodhimaṇḍaṃ anuttaro².
 Assattharukkhamūlamhi, bujjhissati mahāyaso.
 Imassa janikā mātā, Māyā nāma bhavissati.
 Pitā Suddhodano nāma, ayaṃ hessati Gotamo.
 Anāsavā vītaragā, santacittā samāhitā.
 Kolito Upatisso ca, aggā hessanti sāvakā.
 Ānando nāmupaṭṭhāko, upaṭṭhissatimaṃ Jinaṃ.
 Khemā Uppalavaṇṇā ca, aggā hessanti sāvikā.
 Anāsavā vītarāgā, santacittā samāhitā.

1. Pāyāsamaggayha (Sī) Khu 4. 311 Buddhavaṃse passitabbaṃ.

2. Anuttaraṃ (Syā, Ka)

Bodhi tassa Bhagavato, assatthoti pavuccati.
 Citto ca Hatthālavako, aggā hessantupaṭṭhakā.
 Uttarā Nandamātā ca, aggā hessantupaṭṭhikā”.
 Idam sutvāna vacanam, asamassa Mahesino.
 Āmoditā naramarū, Buddhabījam kira¹ ayam.
 Ukkuṭṭhisaddā vattanti, apphoṭenti² hasanti ca.
 Katañjalī namassanti, dasasahassī sadevakā.
 Yadimassa Lokanāthassa, virajjhissāma sāsanam.
 Anāgatamhi addhāne, hessāma sammukhā imam.
 Yathā manussā nadim tarantā, paṭittham virajjhiya.
 Heṭṭhā titthe gahetvāna, uttaranti Mahānadim.
 Evameva mayam sabbe, yadi muñcāmimam Jinam.
 Anāgatamhi addhāne, hessāma sammukhā imam.
 Dīpaṅkaro Lokavidū, āhutīnam paṭiggaho.
 Mama kammam pakittetvā, dakkhiṇam pādamuddhari.
 Ye tatthāsum jinaputtā, sabbe³ padakkhiṇamakamsu mam.
 Narā nāgā ca gandhabbā⁴, abhivādetvāna pakkamam.
 Dassanam me atikkante, sasamghe Lokanāyake.
⁵Haṭṭhatuṭṭhena cittena, āsanā vuṭṭhahim tadā⁵.
 Sukhena sukhito homi, pāmojjena pamodito.
 Pītiyā ca abhissanno, pallaṅkam ābhujim tadā.
 Pallaṅkena nisīditvā, evam cintesaham tadā.
 “Vasībhūto aham jhāne, abhiññāpāramim gato.

1. Buddhabījaṅkuro (Sī, Syā)

2. Apphoṭenti (Sī)

3. Idam padaṃ Buddhavaṃse natthi.

4. Devā manussā asurā ca (Buddhavaṃse 312 piṭṭhe.)

5-5. Sayanā vuṭṭhahitvāna, pallaṅkam ābhujim tadā. (Buddhavaṃse 312 piṭṭhe.)

Dasasahasilokamhi¹, isayo natthi me samā.
 Asamo iddhidhammesu, alabhiṃ īdisaṃ sukhaṃ”.
 Pallaṅkābhujane mayhaṃ, dasasahassādhivāsino².
 Mahānādaṃ pavattesuṃ, dhuvaṃ Buddho bhavissasi.
 Yā pubbe bodhisattānaṃ, pallaṅkavaramābhujē.
 Nimittāni padissanti, tāni ajja padissare.
 Sītaṃ byapagataṃ hoti, uṇhañca upasammati.
 Tāni ajja padissanti, dhuvaṃ Buddho bhavissasi.
 Dasasahassī lokadhātū, nissaddā honti nirākulā.
 Tāni ajja padissanti, dhuvaṃ Buddho bhavissasi.
 Mahāvātā na vāyanti, na sandanti savantiyo.
 Tāni ajja padissanti, dhuvaṃ Buddho bhavissasi.
 Thalajā dakajā³ pupphā, sabbe pupphanti tāvade.
 Tepajja pupphitā sabbe, dhuvaṃ Buddho bhavissasi.
 Latā vā yadi vā rukkhā, phalabhārā honti tāvade.
 Tepajja phalitā sabbe, dhuvaṃ Buddho bhavissasi.
 Ākāsaṭṭhā ca bhūmaṭṭhā⁴, ratanā jotanti tāvade.
 Tepajja ratanā jotanti, dhuvaṃ Buddho bhavissasi.
 Mānussakā⁵ca dibbā ca, turiyā vajjanti tāvade.
 Tepajjubho abhiravanti, dhuvaṃ Buddho bhavissasi.
 Vicittapupphā gaganā, abhivassanti tāvade.
 Tepi ajja pavassanti, dhuvaṃ Buddho bhavissasi.
 Mahāsamuddo ābhujati, dasasahassī pakampati.
 Tepajjubho abhiravanti, dhuvaṃ Buddho bhavissasi.

1. Sāhassikamhi lokamhi (Sī, Syā), sāhassiyamhi lokamhi (Buddhavaṃse 312 piṭṭhe.)

2. Dasasahassivāsino (Syā, Ka)

3. Jalajā (Sī, Syā)

4. Bhummaṭṭhā (Sī, Syā)

5. Mānusakā (Sī)

Nirayepi dasasahassee, aggī nibbanti tāvade.
 Tepajja nibbutā aggī, dhuvan̄m Buddho bhavissasi.
 Vimalo hoti sūriyo, sabbā dissanti tārakā.
 Tepi ajja padissanti, dhuvan̄m Buddho bhavissasi.
 Anovaṭṭhena¹ udakaṃ, mahiyā ubbhijji tāvade.
 Tampajjubbhijjate mahiyā, dhuvan̄m Buddho bhavissasi.
 Tārāgaṇā virocanti, nakkhattā gaganamaṇḍale.
 Visākhā candimāyuttā, dhuvan̄m Buddho bhavissasi.
 Bilāsayā darīsayā, nikkhamanti sakāsayā.
 Tepajja āsayā chuddhā, dhuvan̄m Buddho bhavissasi.
 Na hoti arati sattānaṃ, santuṭṭhā honti tāvade.
 Tepajja sabbe santuṭṭhā, dhuvan̄m Buddho bhavissasi.
 Rogā tadupasammanti, jighacchā ca vinassati.
 Tānipajja padissanti, dhuvan̄m Buddho bhavissasi.
 Rāgo tadā tanu hoti, doso moho vinassati.
 Tepajja vigatā sabbe, dhuvan̄m Buddho bhavissasi.
 Bhayaṃ tadā na bhavati, ajjapetaṃ padissati.
 Tena liṅgena jānāma, dhuvan̄m Buddho bhavissasi.
 Rajo'nuddhaṃsati uddhaṃ, ajjapetaṃ padissati.
 Tena liṅgena jānāma, dhuvan̄m Buddho bhavissasi.
 Aniṭṭhagandho pakkamati, dibbagandho pavāyati.
 Sopajja vāyati gandho, dhuvan̄m Buddho bhavissasi.
 Sabbe devā padissanti, ṭhapayitvā arūpino.
 Tepajja sabbe dissanti, dhuvan̄m Buddho bhavissasi.
 Yāvatā nirayā nāma, sabbe dissanti tāvade.
 Tepajja sabbe dissanti, dhuvan̄m Buddho bhavissasi.

1. Anovuṭṭhena (Syā, Ka)

Kuṭṭā¹ kavāṭā selā ca, na hontāvaraṇā tadā.
 Ākāśabhūtā tepajja, dhuvan̄m Buddho bhavissasi.
 Cutī ca upapatti ca, khaṇe tasmim̄ na vijjati.
 Tānipajja padissanti, dhuvan̄m Buddho bhavissasi.
 Daḷham paggaṇha vīriyam̄, mā nivatta abhikkama.
 Mayampetaṃ vijānāma, dhuvan̄m Buddho bhavissasi.
 Buddhassa vacanaṃ sutvā, dasasahassīna cūbhayaṃ.
 Tuṭṭhahaṭṭho pamodito, evaṃ cintesahaṃ tadā.
 Advejjhavacanā Buddā, amoghavacanā Jinā.
 Vitathaṃ natthi Buddhānaṃ, dhuvan̄m Buddho bhavāmahaṃ.
 Yathā khittaraṃ nabhe leḍḍu, dhuvan̄m patati bhūmiyaṃ.
 Tatheva Buddhaseṭṭhānaṃ, vacanaṃ dhuvasassataṃ.
 Yathāpi sabbasattānaṃ, maraṇaṃ dhuvasassataṃ.
 Tatheva Buddhaseṭṭhānaṃ, vacanaṃ dhuvasassataṃ.
 Yathā rattikkhaye patte, sūriyuggamaṃ² dhuvan̄m.
 Tatheva Buddhaseṭṭhānaṃ, vacanaṃ dhuvasassataṃ.
 Yathā nikkhantasayassa, sīhassa nadanaṃ dhuvan̄m.
 Tatheva Buddhaseṭṭhānaṃ, vacanaṃ dhuvasassataṃ.
 Yathā āpannasattānaṃ, bhāramoropanaṃ dhuvan̄m.
 Tatheva Buddhaseṭṭhānaṃ, vacanaṃ dhuvasassataṃ.
 Handa Buddhakare dhamme, vicināmi ito cito.
 Uddhaṃ adho dasa disā, yāvatā dhammadhātuyā.
 Vicinanto tadā dakkhim̄, paṭhamaṃ **dānapāramim̄**.
 Pubbakehi Mahesīhi, anuciṇṇaṃ mahāpathaṃ.
 Imaṃ tvaṃ paṭhamaṃ tāva, daḷham katvā samādiya.
 Dānapāramitaṃ gaccha, yadi bodhim̄ pattumicchasi.

1. Kuḍḍā (Sī) Buddhavaṃse 314 piṭṭhe passitabbaṃ.

2. Suriyassuggamaṃ (Sī)

Yathāpi kumbho sampuṇṇo, yassa kassaci adhokato.
Vamate'vu'dakam̐ nissesam̐, na tattha parirakkhati.

Tatheva yācake disvā, hīnamukkaṭṭhamajjhime.
Dadāhi dānam̐ nissesam̐, kumbho viya adhokato.

Na hete ettakāyeva, Buddhadhammā bhavissare.
Aññepi vicinissāmi, ye dhammā bodhipācanā.

Vicinanto tadā dakkhim̐, dutiyam̐ **sīlapāramim̐**.
Pubbakehi Mahesīhi, āsevanisevitam̐.

Imam̐ tvam̐ dutiyam̐ tāva, dalham̐ katvā samādiya.
Sīlaparamitam̐ gaccha, yadi bodhim̐ pattumicchasi.

Yathāpi camarī vālam̐, kismiñci paṭilaggitam̐.
Upeti maraṇam̐ tattha, na vikopeti vāladhim̐.

Tatheva catūsu bhūmīsu, sīlāni paripūraya.
Parirakkha sadā sīlam̐, camarī viya vāladhim̐.

Na hete ettakāyeva, Buddhadhammā bhavissare.
Aññepi vicinissāmi, ye dhammā bodhipācanā.

Vicinanto tadā dakkhim̐, tatiyam̐ **nekkhammapāramim̐**.
Pubbakehi Mahesīhi, āsevanisevitam̐.

Imam̐ tvam̐ tatiyam̐ tāva, dalham̐ katvā samādiya.
Nekkhammapāramitam̐¹ gaccha, yadi bodhim̐ pattumicchasi.

Yathā andughare puriso, ciravutto dukhaṭṭito.
Na tattha rāgam̐ janeti, muttimeva gavesati.

Tatheva tvam̐ sabbabhava, passa andugharam̐ viya.
Nekkhammābhimukho hohi, bhavato parimuttiyā.

Na hete ettakāyeva, Buddhadhammā bhavissare.
Aññepi vicinissāmi, ye dhammā bodhipācanā.

1. Nekkhammapāramim̐ (Sī)

Vicinanto tadā dakkhiṃ, catuttham **paññāpāramiṃ**.

Pubbakehi Mahesīhi, āsevanisevitaṃ.

Imaṃ tvaṃ catuttham tāva, daḷham katvā samādiya.

Paññāpāramitaṃ gaccha, yadi bodhiṃ pattumicchasi.

Yathāpi bhikkhu bhikkhanto, hīnamukkaṭṭhamajjhime.

Kulāni na vivajjento, evaṃ labhati yāpanaṃ.

Tatheva tvaṃ sabbakālaṃ, paripuccham Buddhaṃ janaṃ.

Paññāpāramitaṃ gantvā, sambhodhiṃ pāpuṇissasi.

Na hete ettakāyeva, Buddhadhammā bhavissare.

Aññepi vicinissāmi, ye dhammā bodhipācanā.

Vicinanto tadā dakkhiṃ, pañcamaṃ **viriyapāramiṃ**.

Pubbakehi Mahesīhi, āsevanisevitaṃ.

Imaṃ tvaṃ pañcamaṃ tāva, daḷham katvā samādiya.

Viriyapāramitaṃ gaccha, yadi bodhiṃ pattumicchasi.

Yathāpi sīho migarājā, nisajjaṭṭhānacaṅkame.

Alīnavīriyo hoti, paggahitamano sadā.

Tatheva tvaṃ sabbabhava, paggaṇha vīriyaṃ daḷham.

Viriyapāramitaṃ gantvā, sambodhiṃ pāpuṇissasi.

Na hete ettakāyeva, Buddhadhammā bhavissare.

Aññepi vicinissāmi, ye dhammā bodhipācanā.

Vicinanto tadā dakkhiṃ, chaṭṭhamaṃ **khantipāramiṃ**.

Pubbakehi Mahesīhi, āsevanisevitaṃ.

Imaṃ tvaṃ chaṭṭhamaṃ tāva, daḷham katvā samādiya.

Tattha advejjhamānaso, sambodhiṃ pāpuṇissasi.

Yathāpi pathavī nāma, sucimpi asucimpi ca.

Sabbaṃ sahati nikkhepaṃ, na karoti paṭighaṃ tayā¹.

1. Paṭighaṃ dayam (Sī) Buddhavaṃse 317 piṭṭhe passitabbaṃ.

Tatheva tvampi sabbesaṃ, sammānāvamaṇakkhamo¹.

Khantipāramitaṃ gantvā, sambodhiṃ pāpuṇissasi.

Na hete ettakāyeva, Buddhadhammā bhavissare.

Aññepi vicinissāmi, ye dhammā bodhipācanā.

Vicinanto tadā dakkhiṃ, sattamaṃ **saccapāramiṃ**.

Pubbakehi Mahesīhi, āsevanisevitaṃ.

Imaṃ tvaṃ sattamaṃ tāva, daḷhaṃ katvā samādiya.

Tattha advejjhavacano, sambodhiṃ pāpuṇissasi.

Yathāpi osadhī nāma, tulābhūtā sadevake.

Samaye utuvasse vā, na vokkamati²vīthito.

Tatheva tvampi saccesu, mā vokkamasi³ vīthito.

Saccapāramitaṃ gantvā, sambodhiṃ pāpuṇissasi.

Na hete ettakāyeva, Buddhadhammā bhavissare.

Aññepi vicinissāmi, ye dhammā bodhipācanā.

Vicinanto tadā dakkhiṃ, aṭṭhamaṃ **adhiṭṭhānapāramiṃ**.

Pubbakehi Mahesīhi, āsevanisevitaṃ.

Imaṃ tvaṃ aṭṭhamaṃ tāva, daḷhaṃ katvā samādiya.

Tattha tvaṃ acalo hutvā, sambodhiṃ pāpuṇissasi.

Yathāpi pabbato selo, acalo suppatiṭṭhito.

Na kampati bhusavātehi, sakaṭṭhāneva tiṭṭhati.

Tatheva tvampi adhiṭṭhāne, sabbadā acalo bhava.

Adhiṭṭhānapāramitaṃ gantvā, sambodhiṃ pāpuṇissasi.

Na hete ettakāyeva, Buddhadhammā bhavissare.

Aññepi vicinissāmi, ye dhammā bodhipācanā.

Vicinanto tadā dakkhiṃ, navamaṃ **mettāpāramiṃ**.

Pubbakehi Mahesīhi, āsevanisevitaṃ.

1. Sammānavimānakkhamo (Ka)

2. Na okkamati (Sī)

3. Mā okkami hi (Sī), mā vokkama hi (Buddhavaṃse 318 piṭṭhe.)

Imaṃ tvaṃ navamaṃ tāva, daḷhaṃ katvā samādiya.
Mettāya asamo hohi, yadi bodhiṃ pattumicchasi.

Yathāpi udakaṃ nāma, kalyāṇe pāpake jane.
Samaṃ pharati sītena, pavāheti rajomalaṃ.

Tatheva tvampi hitāhite, samaṃ mettāya bhāvaya.
Mettāpāramitaṃ gantvā, sambodhiṃ pāpuṇissasi.

Na hete ettakāyeva, Buddhadhammā bhavissare.
Aññepi vicinissāmi, ye dhammā bodhipācanā.

Vicinanto tadā dakkhiṃ, dasamaṃ **upekkhāpāramiṃ**.
Pubbakehi Mahesīhi, āsevitānisevitaṃ.

Imaṃ tvaṃ dasamaṃ tāva, daḷhaṃ katvā samādiya.
Tulābhūto daḷho hutvā, sambodhiṃ pāpuṇissasi.

Yathāpi pathavī nāma, nikkhittaṃ asuciṃ suciṃ.
Upekkhati ubhopete, kopānunayavajjitā.

Tatheva tvampi sukhadukkhe, tulābhūto sadā bhava.
Upekkhāpāramitaṃ gantvā, sambodhiṃ pāpuṇissasi.

Ettakāyeva te loke, ye dhammā bodhipācanā.
Tatuddham¹ natthi aññatra, daḷhaṃ tattha patiṭṭhaha.

Ime dhamme sammasato, sabhāvarasalakkhaṇe².
Dhammatejena vasudhā, dasasahassī pakampatha.

Calatā ravatī³ pathavī, ucchuyantaṃva pīḷitaṃ.
Telayante yathā cakkaṃ, evaṃ kampaṭi medinī⁴.

Yāvataṃ parisā āsi, Buddhassa parivesane.
Pavedhamānā sā tattha, mucchitā sesi bhūmiyā.

1. Taduddham (Sī) Buddhavaṃse 319 piṭṭhe passitabbaṃ.

2. Sabhāvarasalakkhaṇe (Sī, Buddhavaṃse ca) Mūlaṭikā 25 piṭṭhe passitabbā.

3. Calatī ravatī (Sī, Syā, Buddhavaṃse ca)

4. Medanī (Ka)

Ghaṭānekasahassāni, kumbhīnañca satā bahū.
 Sañcuṇṇamathitā tattha, aññamaññaṃ paghaṭṭitā¹.
 Ubbiggā tasitā bhītā, bhantā byathitamānasā².
 Mahājanā samāgamma, Dīpaṅkaramupāgamum.
 Kim bhavissati lokassa, kalyāṇamatha pāpakam.
 Sabbo upadduto loko, taṃ vinodehi cakkhuma.
 Tesam tadā saññāpesi, Dīpaṅkaro Mahāmuni.
 Vissatthā hotha mā bhātha³, imasmim pathavikampane.
 Yamahaṃ ajja byākāsim, Buddho loke bhavissati.
 Eso sammasati dhammaṃ, pubbakam jinasevitam.
 Tassa sammasato dhammaṃ, Buddhabhūmim asesato.
 Tenāhaṃ kampitā pathavī, dasasahassī sadevake.
 Buddhassa vacanam sutvā, mano nibbāyi tāvade.
 Sabbe maṃ upasaṅkamma, punāpi abhivandisum⁴.
 Samādayitvā Buddhaguṇam, dalham katvāna mānasam.
 Dīpaṅkaram namassitvā, āsanā vuṭṭhahim tadā.
 Dibbam mānusakam puppham, devā mānusakā ubho.
 Samokiranti pupphehi, cuṭṭhahantassa āsanā.
 Vedayanti ca te sotthim, devā mānusakā ubho.
 Mahantaṃ patthitaṃ tuyham, taṃ labhassu yathicchitam.
 Sabbītiyo vivajjantu, soko rogo vinassatu.
 Mā te bhavantvantarāyā⁵, phusa khippam bodhimuttamaṃ.
 Yathāpi samaye patte, pupphanti pupphino dumā.
 Tatheva tvaṃ Mahāvīra, Buddhaññaṇena pupphasu.

1. Aññamaññūpaghaṭṭitā (Sī) Buddhavaṃse 319 piṭṭhe passitabbaṃ.

2. Byaṭṭhitamanasā (Syā), byadhitamanasā (Ka)

3. Bhetha (Buddhavaṃse), bhāyatha (Syā)

4. Abhivādayum (Sī)

5. Mā te bhavantvantarāyo (Sī, Syā)

Yathā ye keci Sambuddhā, pūrayuṃ dasapāramī.
 Tatheva tvaṃ Mahāvīra, pūrehi¹ dasapāramī.

Yathā ye keci Sambuddhā, Bodhimaṇḍamhi bujjhare.
 Tatheva tvaṃ Mahāvīra, bujjhassu jinabodhiyaṃ.

Yathā ye keci Sambuddhā, dhammacakkaṃ pavattayūṃ.
 Tatheva tvaṃ Mahāvīra, dhammacakkaṃ pavattaya².

Puṇṇamāye³ yathā cando, parisuddho virocati.
 Tatheva tvaṃ puṇṇamano, viroca dasasahassiyaṃ.

Rāhumutto yathā sūriyo, tāpena atirocati.
 Tatheva lokā muccitvā, viroca siriyā tuvaṃ.

Yathā yā kāci nadiyo, osaranti mahodadhiṃ.
 Evaṃ sadevakā lokā, osarantu tavantike.

Tehi thutappasattho⁴ so, dasa dhamme samādiya.
 Te dhamme paripūrento, pavanaṃ pāvisī tadā.

Sumedhakathā niṭṭhitā.

Tadā te bhojayitvāna, sasaṃghaṃ lokanāyakaṃ.
 Upagacchum⁵ saraṇaṃ tassa, Dīpaṅkarassa Satthuno.

Saraṇāgamane kañci, nivesesi Tathāgato.
 Kañci pañcasu sīlesu, sīle dasavidhe paraṃ.

Kassaci deti sāmāññaṃ, caturo phalamuttame.
 Kassaci asame dhamme, deti so paṭisambhidā.

Kassaci varasamāpattiyo, aṭṭha deti narāsabho.
 Tisso kassaci vijjāyo, chaḷabhiññā pavecchati.

1. Pūraya (Buddhavaṃse 320 piṭṭhe) 2. Pavattasu (Ka) 3. Puṇṇamāyaṃ (Syā)

4. Thutippasattho (Sī, Syā)

5. Upagañchum (Sī, Syā)

Tena yogena janakāyaṃ, ovadati Mahāmuni.
 Tena vitthārikam¹ āsi, Lokanāthassa sāsanaṃ.
 Mahāhanusabhakkhandho, Dīpaṅkarasanāmakō.
 Bahū jane tārayati, parimoceti duggatiṃ.
 Bodhaneyyaṃ janam disvā, satasahassepī yojane.
 Khaṇena upagantvāna, bodheti taṃ mahāmuni.
 Paṭhamābhisamaye Buddho, koṭisatamabodhayi.
 Dutiyābhisamaye Nātho, navutikoṭimabodhayi².
 Yadā ca devabhavanamhi, Buddho dhammadesayi.
 Navutikoṭisahasānaṃ, tatiyābhisamayo ahu.
 Sannipātā tayo āsum, Dīpaṅkarassa Satthuno.
 Koṭisatasahasānaṃ, paṭhamo āsi samāgamo.
 Puna nāradakūṭamhi, pavivekagate Jine.
 Khīṇāsavā vītamalā, samimsu satakoṭiyo.
 Yamhi kāle³ Mahāvīro, Sudassanasiluccaye.
 Nacutikoṭisahasseehi, pavāresi Mahāmuni⁴.
 Aham tena samayena, Jaṭilo uggatāpano.
 Antalikkhamhi caraṇo, pañcābhiññāsu pāragu⁵.
 Dasavīsasahasānaṃ, dhammābhisamayo ahu.
 Ekadvinnam abhisamayā⁶, gaṇanāto asaṅkhiyā⁶.
 Vitthārikam bāhujaññaṃ, iddham phītam ahū tadā.
 Dīpaṅkarassa Bhagavato, sāsanaṃ suvisodhitam.
 Cattāri satasahasāni, chaḷabhiññā mahiddhikā.
 Dīpaṅkaram lokavidum, parivārenti sabbadā.

1. Vitthāritam (Sī, Syā, Ka)

3. Yadā vasi (Sī, Syā)

5. Ayam gāthā Buddhavaṃse 322 piṭṭhe natthi.

2. Satasahasam abodhayi (Ka)

4. Tadā muni (Sī, Syā)

6. Abhisamayo, asaṅkhiyo (Sī, Syā)

Ye keci tena samayena, jahanti mānusaṃ bhavaṃ.
Appattamānasā sekhā, garahitā bhavanti te.

Supupphitaṃ pāvacaṇaṃ, arahantehi tādihi.
Khīṇāsavehi vimalehi, upasobhati sadevake¹.

Nagaraṃ Rammavatī nāma, Sudevo nāma khattiyo.
Sumedhā nāma janikā, Dīpaṅkarassa Satthuno.

Sumaṅgalo ca Tisso ca, ahesuṃ aggasāvaka.
Sāgato² nāmupaṭṭhāko, Dīpaṅkarassa Satthuno.

Nandā ceva Sunandā ca, ahesuṃ aggasāvika.
Bodhi tassa Bhagavato, pipphalīti pavuccati.

Asītihatthamubbedho, Dīpaṅkaro Mahāmuni.
Sobhati dīparukkhova, sālarājāva pupphito³.
Pabhā vidhāvati tassa, samantā dvādasayoJane⁴.

Satasahassavassāni, āyu tassa Mahesino.
Tāvataṃ tiṭṭhamāno so, tāresi janataṃ bahum.

Jotayitvāna saddhammaṃ, santāretvā mahājanam.
Jalivā aggikkhandhova, nibbuto so sasāvako.

Sā ca iddhi so ca yaso, tāni ca pādesu cakkaratanāni.
Sabbam tamantarahitam⁵, nanu rittā sabbasaṅkhārāti.

Dīpaṅkarassa Bhagavato aparabhāge ekaṃ asaṅkhyeyyaṃ atikkamitvā
Koṇḍañño nāma Satthā udapādi. Tassāpi tayo sāvakasannipātā ahesuṃ.
Paṭhamasannipāte koṭisatasahassaṃ, dutiye koṭisahassaṃ, tatiye
navutikoṭiyo.

Tadā bodhisatto **Vijitāvī** nāma cakkavattī⁶ hutvā
koṭisatasahassasaṅkhassa Buddhappamukhassa bhikkhusaṅghassa
mahādānaṃ adāsi. Satthā bodhisattaṃ “Buddho bhavissatī”ti byākaritvā
dhammaṃ desesi. So

1. Sabbadā (Buddhavaṃse 322 piṭṭhe)

3. Phullito (Buddhavaṃse)

5. Samantarahitam (Sī, Syā)

2. Sobhito (Ka)

4. Idam pādadvayaṃ Buddhavaṃ natthi.

6. Cakkavatti (Syā, Ka)

Satthu dhammakatham sutvā rajjam niyyātetvā pabbaji. So tīṇi piṭakāni uggahetvā aṭṭha samāpattiyo, pañca ca abhiññāyo uppādetvā aparihīnajjhāno brahmaloke nibbatti. Koṇḍaññabuddhassa pana Rammavatī nāma nagaram, Sunando nāma khattiyo pitā, Sujātā nāma mātā, Bhaddo ca Subhaddo ca dve aggasāvaka, Anuruddho nāma upaṭṭhako, Tissā ca Upatissā ca dve aggasāvika, sālakalyāṇī bodhi, aṭṭhāsītihatthubbedham sarīram, vassasatasahassam āyuppanānam ahoṣi.

Tassa aparabhāge ekaṃ asaṅkhyeyyam atikkamitvā ekasmiṃyeva kappe cattāro Buddhā nibbattimsu **Maṅgalo Sumanō Revato Sobhitoti. Maṅgalassa** pana Bhagavato tīsu sāvakasannipātesu paṭhamasannipāte koṭisatasahassabhikkhū ahesum. Dutiye koṭisahasam. Tatiye navutikoṭiyo. Vemātikabhātā panassa² Ānandakumāro nāma navutikoṭisaṅkhyāya parisāya saddhim dhammasavanatthāya Satthu santikam agamāsi, Satthā tassa anupubbim katham kathesi. So saddhim parisāya saha paṭisambhidāhi arahattam pāpuṇi. Satthā tesam kulaputtānam pubbacariyakam olokento iddhimayapattacīvarassa upanissayam disvā dakkhiṇattham pasāretvā “etha bhikkhavo”ti āha. Sabbe taṅkhaṇāññeva iddhimayapattacīvaradharā saṭṭhivassikattherā² viya ākappasampannā hutvā Satthāram vanditvā parivārayimsu. Ayamassa tatiyo sāvakasannipāto ahoṣi.

Yathā pana aññesam Buddhānam samantā asītihatthappamāṇāyeva sarīrappabhā hoti, na evam tassa. Tassa pana Bhagavato sarīrappabhā niccakālam dasasahasilokadhātuṃ pharitvā aṭṭhāsi. Rukkhapathavīpabbatasamuddādayo antamaso ukkhaliyādīni upādāya suvaṇṇapaṭa³ pariyonaddhā viya ahesum. Āyuppanānam panassa navutivassasahassāni ahoṣi. Ettakam kālam candimasūriyādayo attano pabhāya virocitum nāsakkhimsu, rattindivaparicchedo na paññayittha. Divā sūriyālokena viya sattā niccam Buddhālokeneva vicarimsu. Sāyam pupphitānam kusumānam⁴, pāto ravanakasakuṇānañca⁵ vasena loko rattindivaparicchedam

1. Kirassa (Syā, Ka)

2. Saṭṭhivassatherā (Sī)

3. Suvaṇṇapaṭa (Ka)

4. Pupphanakusumānam (Sī)

5. Ravanakasakuṇādīnañca (Sī)

sallakkhesi. Kim pana aññesaṃ Buddhānaṃ ayamānubhāvo natthīti? No natthi, tepi hi ākaṅkhamānā dasasahassim vā lokadhātum, tato vā bhiyyo ābhāya phareyyum. Maṅgalassa pana Bhagavato pubbatthanāvasena aññesaṃ byāmapabhā viya sarīrappabhā niccaveva dasasahasilokadhātum pharivā aṭṭhāsi.

So kira bodhisattacariyakāle Vessantarasadise attabhāve ṭhito saputtadāro Vaṅkapabbatasadise pabbate vasi. Atheko Kharadāṭhiko nāma yakkho mahāpurisassa dānājḥāsayatam sutvā brāhmaṇavaṇṇena upasaṅkamtivā Mahāsattam dve dārake yāci. Mahāsatto “dadāmi brāhmaṇassa puttake”ti haṭṭhapahaṭṭho udakapariyantam pathavim kampento dvepi dārake adāsi. Yakkho caṅkamanakoṭiyam ālambanaphalakam nissāya ṭhatvā passantasseva mahāsattassa muḷālakalāpaṃ¹ viya dve dārake khādi. Mahāpurisassa yakkham oloketvā vivaṭamatte² aggijālam viya lohitadhāram uggiramānam tassa mukham disvāpi kesaggamattampi domanassam nuppajji,”suddinam vata me dānan”ti cintayato panassa sarīre mahantam pītisomanassam udapādi. So “imassa me³ nissandena anāgate imināva nīhārena sarīrato rasmiyo nikkhamantū”ti patthanam akāsi. Tassa tam patthanam nissāya Buddhabhūtassa sarīrato rasmiyo nikkhamitvā ettakam ṭhānam pharimsu.

Aparampissa pubbaciritam atthi. So kira bodhisattakāle ekassa Buddhassa cetiyam disvā “imassa Buddhassa mayā jīvitam pariccajitum vaṭṭati”ti daṇḍakadīpikāveṭṭhananiyāmena sakalasarīram veṭṭhāpetvā ratanamattamakulam⁴ satasahassagghanikam suvaṇṇapātim sappissa pūrāpetvā tattha sahasavaṭṭiyo jālāpetvā tam sīsenādāya sakalasarīram jālāpetvā cetiyam padakkhiṇam karonto sakalarattim vītināmesi. Evam yāva aruṇuggamanā vāyamantassāpissa lomakūpamattampi usumam na gaṇhi, padumagabbham pavīṭṭhakālo viya ahosi. Dhammo hi nāmesa attānam rakkhantam rakkhati. Tenāha Bhagavā—

1. Mūlakalāpaṃ (Syā, Ka)

3. Iminā (Sī, Ka)

2. Mukhe vivaṭamatte (Syā, Ka)

4. ...makuṭa (Syā)

Dhammo have rakkhati dhammacāriṃ,
 Dhammo suciṇṇo sukhamāvahāti.
 Esānisamso dhamme suciṇṇe,
 Na duggatiṃ gacchati dhammacārīti¹.

Imassāpi kammaṣṣa nissandena tassa Bhagavato sarīrobhāso
 dasasahassilokadhātum pharivā aṭṭhāsi.

Tadā amhākaṃ bodhisatto **Suruci** nāma brāhmaṇo hutvā “Satthāraṃ
 nimantessāmi”ti upasaṅkamitvā madhuradhammakathāṃ sutvā “sve
 mayhaṃ bhikkhaṃ gaṇhatha bhante”ti āha. Brāhmaṇa kittakehi te bhikkhūhi
 atthoti, kittakā pana vo bhante parivārā bhikkhūti. Tadā Satthu
 paṭhamasannipātoyeva hoti. Tasmā “koṭisatasahassan”ti āha. “Bhante
 sabbehipi saddhiṃ mayhaṃ bhikkhaṃ gaṇhathā”ti āha. Satthā adhivāsesi.
 Brāhmaṇo svātanāya nimantetvā gehaṃ gacchanto cintesi “ahaṃ ettakānaṃ
 bhikkhūnaṃ yāgubhattavattadhāni dātum no na sakkomi, nisīdanaṭṭhānaṃ
 pana kathaṃ bhavissati”ti. Tassa sā cintā caturāsītiyojanasahassamatthake
 ṭhitassa devaraṇṇo Paṇḍukambalasilāsanassa uṇhabhāvaṃ janesi. Sakko “ko
 nu kho maṃ imasmā ṭhānā cāvetukāmo”ti dibbacakkhunā olokento
 Mahāpurisaṃ disvā “ayaṃ Suruci brāhmaṇo Buddhappamukhaṃ
 bhikkhusaṅghaṃ nimantetvā nisīdanaṭṭhānatthāya cintesi, mayāpi tattha
 gantvā puñṇakoṭṭhāsaṃ gahetuṃ vaṭṭati”ti vaḍḍakivaṇṇaṃ nimminivā
 vāsipharasuhattho mahāpurisassa purato pāturaḥosi. So “atthi nu kho kassaci
 bhatiyā kattabbakiccaṃ”ti āha. Māhāpuriso taṃ disvā “kiṃ kammaṃ
 karissasī”ti āha. Mama ajānanasippaṃ nāma natthi, gehaṃ vā maṇḍapaṃ vā
 yo yaṃ kāreti, tassa taṃ kātum jānāmīti. Tena hi mayhaṃ kammaṃ atthīti.
 Kiṃ ayyāti. Svātanāya me koṭisatasahassabhikkhūnimantitā, tesaṃ
 nisīdanamaṇḍapaṃ karissasīti. Ahaṃ nāma kareyyaṃ, sace me bhatiṃ
 dātum sakkhissathāti. Sakkhissāmi tātāti. “Sādhu karissāmi”ti gantvā ekaṃ
 padesaṃ olokesi.

1. Khu 2. 272; Khu 5. 215, 357 piṭṭhesu.

Dvādasaterasayojanappamāṇo padeso kaṣiṇamaṇḍalaṃ viya samatalo ahosi. So “ettake thāne sattaratanamayo maṇḍapo uṭṭhahatū”ti cintetvā olokesi. Tāvadeva pathaviṃ bhinditvā maṇḍapo uṭṭhahi. Tassa suvaṇṇamayesu thambhesu rajatamayā ghaṭakā ahesuṃ, rajatamayesu thambhesu suvaṇṇamayā, maṇiṭṭhambhesu pavālamayā, pavālatthambhesu maṇimayā, sattaratanamayesu thambhesu sattaratanamayāva ghaṭakā ahesuṃ. Tato “maṇḍapassa antarantare¹ kiṅkiṇikajālaṃ olambatū”ti olokesi. Saha olokaneneva kiṅkiṇikajālaṃ olambi, yassa mandavāteritassa pañcaṅgikasessa tūriyassa madhurasaddo niggacchati.

Dibbasaṅgītivattanakālo viya ahosi. “Antarantarā gandhadāmamālādāmāni olambantū”ti cintesi. Tāvadeva dāmāni olambiṃsu.

“Koṭisatasahassasaṅkhyānaṃ bhikkhūnaṃ āsanāni ca ādhārakāni ca pathaviṃ bhinditvā uṭṭhahantū”ti cintesi. Tāvadeva uṭṭhahiṃsu. “Koṇe koṇe² ekekā udakacāṭiyo uṭṭhahantū”ti cintesi, tāvadeva udakacāṭiyo uṭṭhahiṃsu. Ettakaṃ māpetvā brāhmaṇassa santikaṃ gantvā “ehi ayya tava maṇḍapaṃ oloketvā mayhaṃ bhatim dehi”ti āha. Mahāpuriso gantvā maṇḍapaṃ olokesi. Oloketassevassa sakalasarīraṃ pañcavaṇṇāya pītiyā niraṇṭaraṃ phuṭaṃ ahosi. Athassa maṇḍapaṃ oloketvā etadahosi “nāyaṃ maṇḍapo manussabhūtena kato, mayhaṃ pana ajjhāsayaṃ mayhaṃ guṇaṃ āgamma addhā Sakkassa bhavanaṃ uṇhaṃ ahosi, tato Sakkena devaraṇṇā ayaṃ maṇḍapo kārito bhavissati”ti. “Na kho pana me yuttaṃ evarūpe maṇḍape ekadivasamiyeva dānaṃ dātuṃ, sattāhaṃ dassāmi”ti cintesi.

Bāhirakadānaṃhi tattakampi samānaṃ bodhisattānaṃ tuṭṭhiṃ kātuṃ na sakkoti. Alaṅkatasīsaṃ pana chinditvā añjita-akkhīni uppāṭetvā, hadayamaṃsaṃ vā uppāṭetvā dinnakāle bodhisattānaṃ cāgaṃ nissāya tuṭṭhi nāma hoti. Amhākampi hi bodhisattassa **Sivijātake** devasikaṃ pañcasatasahassakahāpaṇāni vissajjetvā catūsu nagaradvāresu, majjhe nagare ca dānaṃ dadantassa taṃ dānaṃ tuṭṭhiṃ uppādetuṃ nāsakkhi. Yadā panassa brāhmaṇavaṇṇena āgantvā Sakko devarājā akkhīni yāci, tadā tāni

1. Antantena (Ka), antantare (Syā, Ka)

2. Koṇesu koṇesu (Ka)

uppāṭetvā dadamānasseva hāso uppajji, kesaggamattampi cittassa aññathattaṃ nāhosi. Evaṃ dānaṃ nissāya bodhisattānaṃ titti nāma natthi. Tasmā sopi mahāpuriso “sattāhaṃ mayā koṭisatasahassasaṅkyānaṃ bhikkhūnaṃ dānaṃ dātuṃ vaṭṭati”ti cintentvā tasmim̐ maṇḍape Buddhappamukhaṃ bhikkhusaṅghaṃ nisīdāpetvā sattāhaṃ gavapānaṃ nāma¹ adāsi. **Gavapānanti** mahante mahante kolambe² khīrassa pūretvā uddhanesu āropetvā ghanapākapakke khīre thoke taṇḍule pakkhipitvā pakkamadhusakkaracuṅṅasappihi abhisaṅkhataṃ bhojanaṃ vuccati. Manussāyeva pana parivisitum̐ nāsakkhimsu, devāpi ekantarikā hutvā parivisimsu. Dvādasaterasayojanappamāṇaṃ ṭhānampi bhikkhū gaṇhitum̐ nappahotiyeva. Te pana bhikkhū attano ānubhāvena nisīdim̐su. Pariyosānadivase sabbabhikkhūnaṃ pattāni dhovāpetvā bhesajjathāya sappinavanītatelamadhuphāṇitānaṃ pūretvā ticīvarehi saddhim̐ adāsi. Saṅghanavakabhikkhunā laddhaticīvarasāṭakā satasahassagghanikā ahesum̐. Satthā anumodanaṃ karonto “ayaṃ puriso evarūpaṃ mahādānaṃ adāsi, ko nu kho bhavissati”ti upadhārento “anāgate kappasatasahassādhikānaṃ dvinnam̐ asaṅkhyeyyānaṃ matthake Gotamo nāma Buddho bhavissati”ti disvā mahāpurisaṃ āmantetvā “taṃ ettakaṃ nāma kālaṃ atikkamitvā Gotamo nāma Buddho bhivissasi”ti byākāsi.

Mahāpuriso byākaraṇaṃ sutvā “ahaṃ kira Buddho bhavissāmi, ko me gharāvāsena attho, pabbajissāmi”ti cintentvā tathārūpaṃ sampattim̐ kheḷapiṇḍaṃ viya pahāya Satthu santike pabbaji. Pabbajitvā ca Buddhavacanaṃ uggaṇhitvā abhiññā, samāpattiyo ca nibbattetvā āyupariyosāne³ brahmaloke nibbatti.

Maṅgalassa pana Bhagavato Uttaraṃ nāma nagaraṃ ahoṣi, pitāpi Uttaro nāma khattiyo, mātāpi Uttarā nāma, Sudevo ca Dhammaseno ca dve aggasāvakā, Pālito nāma upaṭṭhāko, Sīvalā ca Asokā ca dve aggasāvikā, nāgarukkho bodhi, aṭṭhāsītihatthubbedhaṃ sarīraṃ ahoṣi. Navutivassasahassāni ṭhatvā parinibbute pana tasmim̐

1. Gavapānaṃ nāma dānaṃ (Sī) Jātaka-Ṭṭha 1. 41piṭṭhepi. 2. Koḷumbe (Syā, Ka)

3. Āyūhapariyosāne (Syā, Ka)

ekappahāreneva dasacakkavāḷasahassāni ekandhakārāni ahesuṃ.
Sabbacakkavāḷesu manussānaṃ mahantaṃ ārodanaparidevanaṃ ahosi.

Evam dasasahassilokadhātum andhakāraṃ katvā parinibbutassa tassa Bhagavato aparabhāge **Sumano** nāma Satthā udapādi. Tassāpi tayo sāvakasannipātā. Paṭhamasannipāte koṭisatasahassabhikkhū ahesuṃ. Dutīye kañcanapabbatamhi navutikoṭisahasāni, tatiye asītikoṭisahasāni. Tadā mahāsatto **Atulo** nāma nāgarājā ahosi mahiddhiko mahānubhāvo, so “Buddho uppannā”ti sutvā nātisaṃghaparivuto nāgabhavanā nikkhamitvā koṭisatasahassabhikkhuparivārassa tassa Bhagavato dibbatūriyehi upahāraṃ kārāpetvā mahādānaṃ pavattetvā paccekaṃ dussayugāni datvā saraṇesu patiṭṭhāsi. Sopi naṃ Satthā “anāgate Buddho bhavissasī”ti byākāsi.

Tassa Bhagavato nagaraṃ Mekhalaṃ nāma ahosi, Sudatto nāma rājā pitā, Sirimā nāma mātā, Saraṇo ca Bhāvitatto ca dve aggasāvakā, Udeno nāma upaṭṭhāko, Soṇā ca Upasoṇā ca dve aggasāvikā, nāgarukkhova bodhi, navutihatthubbedhaṃ sarīraṃ, navutiyeva vassasahasāni āyuppamāṇaṃ ahosīti.

Tassa aparabhāge **Revato** nāma Satthā udapādi. Tassāpi tayo sāvakasannipātā ahesuṃ, paṭhamasannipāte gaṇanā nāma natthi, dutīye koṭisatasahassabhikkhū ahesuṃ, tathā tatiye. Tadā bodhisatto **Atidevo** nāma brāhmaṇo hutvā Satthu dhammadesanaṃ sutvā saraṇesu patiṭṭhāya sirasmim añjalim ṭhapetvā tassa Satthuno kilesappahāne vaṇṇaṃ vatvā uttarāsaṅgena pūjamakāsi. Sopi naṃ “Buddho bhavissasī”ti byākāsi.

Tassa pana Bhagavato nagaraṃ Sudhaññavatī nāma ahosi, pitā Vipulo nāma khattiyō, mātāpi Vipulā nāma, Varuṇo ca Brahmadevo ca dve aggasāvakā, Sambhavo nāma upaṭṭhāko, Bhaddā ca Subhaddā ca dve aggasāvikā, nāgarukkhova bodhi, sarīraṃ asītihatthubbedhaṃ ahosi, āyu saṭṭhi vassasahasānīti.

Tassa aparabhāge **Sobhito** nāma Satthā udapādi. Tassāpi tayo sāvakasannipātā, paṭhamasannipāte koṭisatabhikkhū ahesuṃ, dutiye navutikoṭiyo, tatiye asītikotiyo. Tadā bodhisatto **Ajito** nāma brāhmaṇo hutvā Satthu dhammadesanaṃ sutvā saraṇesu paṭiṭṭhāya Buddhappamukhassa bhikkhusaṃghassa mahādānaṃ adāsi. Sopi naṃ “Buddho bhavissasī”ti byākāsi.

Tassa pana Bhagavato nagaraṃ Sudhammaṃ nāma ahosi, pitā Sudhammo nāma rājā, mātāpi Sudhammā nāma, Asamo ca Sunetto ca dve aggasāvakā, Anomo nāma upaṭṭhāko, Nakulā ca Sujātā ca dve aggasāvikā, nāgarukkhova bodhi, aṭṭhapaṇṇāsahatthubbedham sarīraṃ ahosi, navuti vassasahassāni āyuppamaṇanti.

Tassa aparabhāge ekaṃ asaṅkhyeyyaṃ atikkamitvā ekasmiṃyeva kappe tayo Buddhā nibbattiṃsu **Anomadassī, Padumo, Nāradoti. Anomadassissa** Bhagavato tayo sāvakasannipātā, paṭhame aṭṭhabhikkhusatasahassāni ahesuṃ, dutiye satta, tatiye cha. Tadā bodhisatto eko **yakkhasenāpati** ahosi mahiddhiko mahānubhāvo anekakoṭisatasahassānaṃ yakkhānaṃ adhipati. So “Buddho uppanno”ti sutvā āgantvā Buddhappamukhassa bhikkhusaṃghassa mahādānaṃ adāsi. Satthāpi naṃ “anāgate Buddho bhavissasī”ti byākāsi.

Anomadassissa pana Bhagavato Candavatī nāma nagaraṃ ahosi, Yasavā nāma rājā pitā, Yasodharā nāma mātā, Nisabho ca Anomo ca dve aggasāvakā, Varuṇo nāma upaṭṭhāko, Sundarī ca Sumanā ca dve aggasāvikā, ajjunarukkho bodhi, sarīraṃ aṭṭhapaṇṇāsahatthubbedham ahosi, vassasatasahassāni āyūti.

Tassa aparabhāge **Padumo** nāma Satthā udapādi. Tassāpi tayo sāvakasannipātā, paṭhamasannipāte koṭisatasahassabhikkhū ahesuṃ, dutiye tīṇi satasahassāni, tatiye agāmake araṇṇe mahāvanasaṇḍavāsīnaṃ bhikkhūnaṃ dve satasahassāni. Tadā Tathāgate tasmīṃyeva vanasaṇḍe vasante bodhisatto **sīho** hutvā Satthāraṃ nirodhasamāpattisamāpannaṃ disvā pasannacitto vanditvā padakkhiṇaṃ

katvā pītisomanassajāto tikkhattum sīhanādaṃ naditvā sattāhaṃ
 Buddhārammaṇaṃ pītiṃ avijahitvā pītisukheneva gocarāya apakkamitvā
 jīvitapariccāgaṃ katvā payirupāsamāno aṭṭhāsi. Satthā sattāhaccayena
 nirodhā vuṭṭhito sīhaṃ oloketvā “bhikkhusaṃghepi cittaṃ pasādetvā
 saṃghaṃ vandissatī”ti “bhikkhusaṃgho āgacchatū”ti cintesi. Bhikkhū
 tāvadeva āgamimsu. Sīho saṃghe cittaṃ pasādeti. Satthā tassa mānaṃ
 oloketvā “anāgate Buddho bhavissasī”ti byākāsi.

Padumassa pana Bhagavato Campakaṃ nāma nagaraṃ ahoṣi, Asama
 nāma rājā pitā, mātā Asamā nāma, Sālo ca Upasālo ca dve aggasāvaka,
 Vuruṇo nāma upaṭṭhāko, Rāmā ca Surāmā ca dve aggasāvika, soṇarukkho
 nāma bodhi, aṭṭhapaṇṇāsahatthubbedhaṃ sarīraṃ ahoṣi, āyu
 vassasatasahassanti.

Tassa aparabhāge **Nārado** nāma Satthā udapādi. Tassāpi tayo
 sāvakasannipātā, paṭhamasannipāte koṭisatasahassabhikkhū ahesuṃ, dutiye
 navutikoṭisahassāni, tatiye asītkoṭisahassāni. Tadā **bodhisatto isipabbajjaṃ**
 pabbajitvā pañcasu abhiññāsu, aṭṭhasu ca samāpattīsu ciṇṇavasī hutvā
 Buddhappamukhassa bhikkhusaṃghassa mahādānaṃ datvā lohitaandanena
 pūjamakāsi, sopi naṃ “anāgate Buddho bhavissasī”ti byākāsi.

Tassa pana Bhagavato Dhaññavatī nāma nagaraṃ ahoṣi, Sudevo nāma
 khattiyo pitā, Anomā nāma mātā, Bhaddasālo ca Jitamitto ca dve
 aggasāvaka, Vāsiṭṭho nāma upaṭṭhāko, Uttarā ca Phaggunī ca dve
 aggasāvika, mahāsoṇarukkho bodhi, sarīraṃ aṭṭhāsītihatthubbedhaṃ ahoṣi,
 navuti vassasahassāni āyūti.

Nāradabuddhassa pana aparabhāge ekaṃ asaṅkhyeyyaṃ atikkamitvā ito
 satasahassakappamatthake ekasmiṃ kappe ekova **Padumuttaro** nāma
 Buddho udapādi. Tassāpi tayo sāvakasannipātā, paṭhamasannipāte
 koṭisatasahassabhikkhū ahesuṃ, dutiye Vebhārapabbate navutikoṭisahassāni,
 tatiye asītkoṭisahassāni. Tadā bodhisatto **Jaṭilo** nāma mahāraṭṭhiyo hutvā
 Buddhappamukhassa bhikkhusaṃghassa sacīvaraṃ

dānaṃ adāsi. Sopi naṃ “anāgate Buddho bhavissasī”ti byākāsi.
Padumuttarassa pana Bhagavato kāle titthiyā nāma nāhesuṃ, sabbe
devamanussā Buddhameva saraṇamakāmsu.

Tassa nagaraṃ Hamsavatī nāma ahosi, pitā Ānando nāma khattiyo,
mātā Sujātā nāma, Devalo¹ ca Sujāto ca dve aggasāvaka, Sumano nāma
upaṭṭhāko, Amitā ca Asamā ca dve aggasāvikā, salalarukkho bodhi, sarīraṃ
aṭṭhāsītihatthubbedhaṃ ahosi, sarīrapabhā samantato dvādasa yojanāni
gaṇhi, vassasatasahassaṃ āyūti.

Tassa aparabhāge sattatikappasahassāni² atikkamivā (Ito
tiṃsakappasahassamatthake)³ **Sumedho** ca **Sujāto** cāti ekasmiṃ kappe dve
Buddhā nibbattiṃsu. Sumedhassāpi tayo sāvakasannipātā, paṭhamasannipāte
Sudassananagare koṭisatakhiṇāsavā ahesuṃ, dutiye navutikoṭiyo, tatiye
asītikoṭiyo. Tadā bodhisatto **Uttaro** nāma brāhmaṇamaṇavo hutvā nidahivā
ṭhapitamyeva asītikoṭidhanaṃ vissajjetvā Buddhappamukhassa
bhikkhusaṃghassa mahādānaṃ datvā dhammaṃ sutvā saraṇesu patiṭṭhāya
nikkhamivā pabbaji. Sopi naṃ “anāgate Buddho bhavissasī”ti byākāsi.

Sumedhassa Bhagavato Sudassanaṃ nāma nagaraṃ ahosi, Sudatto nāma
rājā pitā, mātāpi Sudattā nāma, Saraṇo ca Sabbakāmo ca dve aggasāvaka,
Sāgaro nāma upaṭṭhāko, Rāmā ca Surāmā ca dve aggasāvikā,
mahānīparukkho⁴ bodhi, sarīraṃ aṭṭhāsītihatthubbedhaṃ ahosi, āyu navuti
vassasahassāni.

Tassa aparabhāge **Sujāto** nāma Sathā udapādi. Tassāpi tayo
sāvakasannipātā, paṭhamasannipāte saṭṭhi bhikkhusatasahassāni

-
1. Devilo (Ka) 345 piṭṭhe Buddhavaṃse passitabbaṃ.
 2. Tiṃsakappasahassāni (sabbattha) Buddhavaṃsapāḷi-aṭṭhakathāhi saṃsandetabbaṃ.
 3. () Sabbatthapi na dissati. Buddhavaṃsapāḷiṇca Padumuttarabuddhavaṃse 234
piṭṭhe vuttaṭṭhakathāvacanaṇca nissāya paṭipūritamidaṃ padadvayaṃ.
 4. Mahānimbarukkho (Syā, Ka)

Ahesum, dutiye paññāsaṃ, tatiye cattālisaṃ. Tadā bodhisatto **cakkavattirājā** hutvā “Buddho uppanno”ti sutvā upasaṅkamtivā dhammaṃ sutvā Buddhappamukhassa bhikkhusaṅghassa saddhim sattahi ratanchi catumahādīparajjam datvā Satthu santike pabbaji. Sakalaraṭṭhavāsino raṭṭhuppādaṃ gahetvā ārāmikakiccaṃ sādhentā Buddhappamukhassa bhikkhusaṅghassa niccaṃ mahādānaṃ adamsu. Sopi naṃ Satthā byākāsi.

Tassa Bhagavato nagaraṃ Sumaṅgalaṃ nāma ahosi, Uggato nāma rājā pitā, Pabhāvatī nāma mātā, Sudassano ca Sudevo ca dve aggasāvakā, Nārado nāma upaṭṭhāko, Nāgā ca Nāgasamālā ca dve aggasāvikā, mahāveḷurukkho¹ bodhi, so kira mandacchiddo ghanakkhandho upariniggatāhi mahāsākhāhi morapiñchakalāpo viya virocittha. Tassa Bhagavato sarīraṃ paññāsahatthubbedhaṃ ahosi, āyu navuti vassasahassānīti.

Tassa aparabhāge ito aṭṭhārasakappasatamatthake ekasmiṃ kappe **Piyadassī, Atthadassī, Dhammadassī**ti tayo Buddhā nibbattimsu. **Piyadassissāpi** tayo sāvakasannipātā. Paṭhame koṭṭisatasahassabhikkhū ahesum, dutiye navutikoṭṭiyo, tatiye asītikoṭṭiyo. Tadā bodhisatto **Kassapo** nāma māṇavo tiṇṇaṃ vedānaṃ pāraṅgato hutvā Satthu dhammadeśanaṃ sutvā koṭṭisatasahassadhanapariccāgena saṅghārāmaṃ kāretvā saraṇesu ca sīlesu ca patiṭṭhāsi. Atha naṃ Satthā “aṭṭhārasakappasataccayena Buddho bhavissasī”ti byākāsi.

Tassa Bhagavato Anomaṃ nāma nagaraṃ ahosi, pitā Sudinno nāma rājā, mātā Candā nāma, Pālito ca Sabbadassī ca dve aggasāvakā, Sobhito nāma upaṭṭhāko, Sujātā ca dhammadinnā ca dve aggasāvikā, kakudharukkho² bodhi, sarīraṃ asītihatthubbedhaṃ ahosi, navuti vassasahassāni āyūti.

Tassa aparabhāge **Atthadassī** nāma Bhagavā udapādi. Tassāpi tayo sāvakasannipātā. Paṭhame aṭṭhanavuti bhikkhusatasahassāni ahesum, dutiye aṭṭhāsītisahassāni, tathā tatiye. Tadā bodhisatto

1. Mahāveṇurukkho (Sī)

2. Piyaṅgurukkho (bahūsu) 352 piṭṭhe Buddhavaṃse Jātaka-Ṭṭha 1. 47 piṭṭhe ca passitabbaṃ.

Susīmo nāma mahiddhiko tāpaso hutvā devalokato mandāravapuppacchattaṃ āharitvā Satthāraṃ pūjesi. Sopi naṃ Satthā byākāsi.

Tassa Bhagavato Sobhanaṃ nāma nagaraṃ ahosi, Sāgaro nāma rājā pitā, Sudassanā nāma mātā, Santo ca Upasanto ca dve aggasāvaka, Abhayo nāma upaṭṭhāko, Dhammā ca Sudhammā ca dve aggasāvika, campakarukkho bodhi, sarīraṃ asītihatthubbedhaṃ ahosi, sarīrapabhā samantato sabbakālaṃ yojanamattaṃ pharitvā aṭṭhāsi, āyu vassasatasahassanti.

Tassa aparabhāge **Dhammadassī** nāma Satthā udapādi. Tassāpi tayo sāvakasannipātā. Paṭhamasannipāte koṭisatabhikkhū¹ ahesuṃ, dutiye navutikoṭiyo², tatiye asītikoṭiyo. Tadā bodhisatto **Sakko devarājā** hutvā dibbagandhapupphehi ca dibbatūriyehi ca pūjamākāsi. Sopi naṃ Satthā byākāsi.

Tassa Bhagavato Saraṇaṃ nāma nagaraṃ ahosi, pitā Saraṇo nāma rājā, mātā Sunandā nāma, Padumo ca Phussadevo ca dve aggasāvaka, Sunetto nāma upaṭṭhāko, Khemā ca Sabbanāmā³ ca dve aggasāvika, rattaṅkurarukkho⁴ bodhi, “Kakudharukkho”⁵tipi “Bimbijālo”⁵tipi vuccati, sarīraṃ panassa asītihatthubbedhaṃ ahosi, vassasatasahassaṃ āyūti.

Tassa aparabhāge ito catunavutikappamatthake ekasmiṃ kappe ekova **Siddhattho** nāma Buddho udapādi. Tassāpi tayo sāvakasannipātā. Paṭhamasannipāte koṭisatasahassabhikkhū ahesuṃ, dutiye navutikoṭiyo, tatiye asītikoṭiyo. Tadā bodhisatto uggatejo abhiññābalasampanno **Maṅgalo** nāma tāpaso hutvā mahājambuphalaṃ āharitvā Tathāgatassa adāsi. Satthā taṃ phalaṃ paribhuñjitvā “catunavutikappamatthake Buddho bhavissasi”^{ti} bodhisattaṃ byākāsi.

1. Koṭisatasahassabhikkhū (Buddhavaṃse 355 piṭṭhe)

2. Sattatikoṭiyo (Sī, Syā)

3. Saccaṇāmā (Sī, Syā)

4. Rattakuravakarukkho (Sī), rattaṅkuravakarukkho (Syā)

5. Bimbajālotipi (Ka)

Tassa Bhagavato nagaram̄ Vebhāram̄ nāma ahosi, pitā Jayaseno nāma rājā, mātā Suphassā nāma, Sambalo ca Sumitto ca dve aggasāvaka, Revato nāma upaṭṭhāko, Sīvalā ca Surāmā ca dve aggasāvika, kaṇikārarukkhā bodhi, sarīram̄ saṭṭhihatthubbedham̄ ahosi, vassasatasahassam̄ āyūti.

Tassa aparabhāge ito dvenavutikappamatthake **Tisso, Phussoti** ekasmim̄ kappe dve Buddhā nibbattimsu. **Tissassa** pana Bhagavato tayo sāvakasannipātā. Paṭhamasannipāte bhikkhūnam̄ koṭisatam̄ ahosi, dutiye navutikoṭiyo, tatiye asītikotiyo. Tadā bodhisatto mahābhogo mahāyaso **Sujāto** nāma khattiyo hutvā isipabbajjam̄ pabbajitvā mahiddhikabhāvam̄ patvā “Buddho uppanno”ti sutvā dībbamandāravapadumapāricchattakapupphāni ādāya catuparisamajjhe gacchantam̄ Tathāgataṃ pūjesi, ākāse pupphavitānam̄ hutvā aṭṭhāsi. Sopi nam̄ Satthā “ito dvenavutikappamatthake¹ Buddho bhavissasī”ti byākāsi.

Tassa Bhagavato Khemam̄ nāma nagaram̄ ahosi, pitā Janasandho nāma khattiyo, mātā Padumā nāma, Brahmadevo ca Udayo ca dve aggasāvaka, Samaṅgo² nāma upaṭṭhāko, Phussā ca Sudattā ca dve aggasāvika, asanarukkho bodhi, sarīram̄ saṭṭhihatthubbedham̄ ahosi, vassasatasahassam̄ āyūti.

Tassa aparabhāge **Phusso** nāma Satthā udapādi. Tassāpi tayo sāvakasannipātā, paṭhamasannipāte saṭṭhi bhikkhusatasahassāni ahesum̄, dutiye paṇṇāsa, tatiye dvattimsa. Tadā bodhisatto **Vijitāvī** nāma khattiyo hutvā mahārajjam̄ pahāya Satthu santike pabbajitvā tīṇi piṭakāni uggahetvā mahājanassa dhammakatham̄ kathesi. Sīlapāramiṇca pūresi. Sopi nam̄ “Buddho bhavissasī”ti byākāsi.

Tassa Bhagavato Kāsī nāma nagaram̄ ahosi, Jayaseno nāma rājā pitā, Sirimā nāma mātā, Surakkhito ca Dhammaseno ca dve aggasāvaka, Sabhiyo nāma upaṭṭhāko, Cālā ca Upacālā ca dve

1. Dvinavutikappe (Sī) 2. Sumaṅgalo (Ka) 360 piṭṭhe Buddhavaṃse passitabbarim̄.

aggasāvikā, āmalakarukkho bodhi, sarīraṃ aṭṭhapaṇṇāsahatthubbedhaṃ ahosi, navuti vassasahassāni āyūti.

Tassa aparabhāge ito ekanavutikappe **Vipassī** nāma Bhagavā udapādi. Tassāpi tayo sāvakasannipātā, paṭhamasannipāte aṭṭhasaṭṭhi bhikkhusatasahassāni ahesuṃ, dutiye ekasatasahassāni, tatiye asīti sahasassāni. Tadā bodhisatto mahiddhiko mahānubhāvo **Atulo** nāma nāgarājā hutvā sattaratanakhacitaṃ sovaṇṇamayāni mahāpīṭhaṃ Bhagavato adāsi. Sopi naṃ Satthā “ito ekanavutikappe Buddhho bhavissasī”ti byākāsi.

Tassa Bhagavato Bandhumatī nāma nagaraṃ ahosi, Bandhumā nāma rājā pitā, Bandhumatī nāma mātā, Khaṇḍo ca Tisso ca dve aggasāvakā, Asoko nāma upaṭṭhāko, Candā ca Candamittā ca dve aggasāvikā, pāṭalirukkho¹ bodhi, sarīraṃ asītihatthubbedhaṃ ahosi, sarīrappabhā sadā satta yojanāni pharivā aṭṭhāsi, asīti vassasahassāni āyūti.

Tassa aparabhāge ito ekatimsakappe **Sikhī, Vessabhū** cāti dve Buddhā ahesuṃ. **Sikhissāpi** Bhagavato tayo sāvakasannipātā, paṭhamasannipāte bhikkhusatasahassāni ahosi, dutiye asītisahasassāni, tatiye sattati. Tadā bodhisatto **Arindamo** nāma rājā hutvā Buddhappamukhassa bhikkhusaṃghassa sacīvaraṃ mahādānaṃ pavattetvā sattaratanapaṭimaṇḍitaṃ hatthiratanāni datvā hatthippamāṇāni katvā kappiyabhaṇḍāni adāsi. Sopi naṃ “ito ekatimsakappe Buddhho bhavissasī”ti byākāsi.

Tassa pana Bhagavato Aruṇavatī nāma nagaraṃ ahosi, Aruṇo nāma Khattiyo pitā, Pabhāvatī nāma mātā, Abhibhū ca Sambhavo ca dve aggasāvakā, Khemaṅkaro nāma upaṭṭhāko, Sakhilā ca Padumā ca dve aggasāvikā, puṇḍarīkarukkho bodhi, sarīraṃ sattatihathubbedhaṃ ahosi, sarīrappabhā yojanattayaṃ pharivā aṭṭhāsi, sattati vassasahassāni āyūti.

Tassa aparabhāge **Vessabhū** nāma Satthā udapādi. Tassāpi tayo sāvakasannipātā, paṭhamasannipāte asīti bhikkhusahasassāni ahesuṃ,

1. Pāṭalirukkho (Sī)

dutiye sattati, tatiye saṭṭhi. Tadā bodhisatto **Sudassano** nāma rājā hutvā Buddhappamukhassa bhikkhusaṅghassa sacīvaram mahādānam datvā Satthu santike pabbajitvā ācāraguṇasampanno Buddharatane cittikārapītibahulo ahoṣi. Sopi nam “īto ekatimse kappe Buddho bhavissasī”ti byākāsi.

Tassa pana Bhagavato Anomaṃ nāma nagaram ahoṣi, Suppatīto nāma rājā pitā, Yasavatī nāma mātā, Soṇo ca Uttaro ca dve aggasāvaka, Upasanto nāma upaṭṭhāko, Dāmā ca Samālā ca dve aggasāvikā, sālārukkho bodhi, sarīram saṭṭhihatthubbedham ahoṣi, saṭṭhi vassasahassāni āyūti.

Tassa aparabhāge imasmim kappe cattāro Buddhā nibbattā **Kakusandho, Koṇāgamano, Kassapo, amhākaṃ Bhagavāti. Kakusandhassa** Bhagavato eko sāvakasannipāto, tattha cattālīsa bhikkhusahassāni ahesum. Tadā bodhisatto **Khemo** nāma rājā hutvā Buddhappamukhassa bhikkhusaṅghassa sapattacīvaram mahādānañceva añjanādibhesajjāni ca datvā Satthu dhammadesanaṃ sutvā pabbaji. Sopi nam Satthā byākāsi.

Kakusandhassa pana Bhagavato Khemaṃ nāma nagaram ahoṣi, Aggidatto nāma brāhmaṇo pitā, Visākhā nāma brāhmaṇī mātā, Vidhuro ca Sañjīvo ca dve aggasāvaka, Buddhijo nāma upaṭṭhāko, Sāmā ca Campā¹ ca dve aggasāvikā, mahāsīrisarukkho bodhi, sarīram cattālīsahatthubbedham ahoṣi, cattālīsa vassasahassāni āyūti.

Tassa aparabhāge **Koṇāgamano** nāma Satthā udapādi. Tassāpi eko sāvakasannipāto, tattha timsa bhikkhusahassāni ahesum. Tadā bodhisatto **Pabbato** nāma rājā hutvā amaccagaṇaparivuto Satthu santikaṃ gantvā dhammadesanaṃ sutvā Buddhappamukham bhikkhusaṅgham nimantetvā mahādānam pavattetvā pattuṇṇacīnapaṭṭakoseyyakambaladukulāni ceva suvaṇṇapādukaṅca² datvā Satthu santike pabbaji. Sopi nam Satthā byākāsi.

Tassa Bhagavato Sobhavatī nāma nagaram ahoṣi, Yaññadatto nāma brāhmaṇo pitā, Uttarā nāma brāhmaṇī mātā, Bhiyyaso ca

1. Rambhā (Ka) Buddhavaṃse 372 piṭṭhe, Jātaka-Ṭṭha 1. 51 piṭṭhe ca passitabbari.

2. Suvaṇṇapaṭṭakaṅca (Sī), suvaṇṇapaṭṭakaṅca (Syā, Ka)

Uttaro ca dve aggasāvakā, Soṭṭhijo nāma upaṭṭhāko, Samuddā ca Uttarā ca dve aggasāvikā, udumbararukkho bodhi, sarīraṃ timsahatthubbedham ahoṣi, timsa vassasahassāni āyūti.

Tassa aparabhāge **Kassapo** nāma Satthā udapādi. Tassāpi ekova sāvakasannipāto, tattha vīsati bhikkhusahassāni ahesuṃ. Tadā bodhisatto **Jotipālo** nāma māṇavo tiṇṇaṃ vedānaṃ pāragū bhūmiyañceva antalikkhe ca pākaṭo Ghaṭikārassa kumbhakārassa mitto ahoṣi, so tena saddhiṃ Satthāraṃ upasaṅkamtivā dhammakathaṃ sutvā pabbajitvā¹ āradhavīriyo tīṇi piṭakāni uggahetvā vattāvattasampattiyā² Buddhasāsanāṃ sobhesi. Sopi naṃ Satthā byākāsi.

Tassa Bhagavato jātanagaraṃ Bārāṇasī nāma ahoṣi, Brahmadatto nāma brāhmaṇo pitā, Dhanavatī³ nāma brāhmaṇī mātā, Tisso ca Bhāradvājo ca dve aggasāvakā, Sabbamitto nāma upaṭṭhāko, Anuḷā⁴ ca Uruvelā⁵ ca dve aggasāvikā, nigrodharukkho bodhi, sarīraṃ vīsatihatthubbedham ahoṣi, vīsati vassasahassāni āyūti.

Tassa pana Bhagavato orabhāge ṭhapetvā imāṃ Sammāsambuddham añño Buddho nāma natthi. Iti **Dīpaṅkarādīnaṃ catuvīsatiyā Buddhānaṃ** santike laddhabyākaraṇo pana bodhisatto ye’ nena—

“Manussattaṃ liṅgasampatti, hetu Satthāradassanaṃ.
Pabbajjā guṇasampatti, adhikāro ca chandatā.
Aṭṭhadhammasamodhānā, abhinīhāro samijjhatī”⁶—

Ime aṭṭha dhammaṃ samodhānetvā Dīpaṅkarapādamūle katābhinihārena “handa Buddhakare dhamme vicināmi ito cito”⁷ti ussāham katvā “vicinanto tadā dakkhiṃ, paṭhamāṃ dānapāramin”⁷ti dānapāramitādayo Buddhakarā dhammā⁷ diṭṭhā, te pūrento yāva Vessantarattabhāvā āgami. Āgacchanto ca ye te katābhinihārānaṃ bodhisattānaṃ ānisaṃsā saṃvaṇṇitā—

1. Pasīditvā pabbajitvā (Sī)

2. Vattasampattiyā (Sī, Syā) Jātaka-Ṭṭha 1. 52 piṭṭhe passitabbaṃ. 3. Candavatī (Sī)

4. Aruṇā (Syā)

5. Uruvelā (Syā)

6. Khu 4. 311 piṭṭhe Buddhavaṃse.

7. Buddhakārakadhammā (Sī, Syā)

* “Evaṃ sabbaṅgasampannā, bodhiyā niyatā narā.
 Samsaram dīghamaddhānam, kappakoṭisatehipi.
 Avīcimhi nuppajjanti, tathā lokantaresu ca.
 Nijjhāmatanḥā khuppiṭāsā, na honti Kālakañjikā¹.
 Na honti khuddakā pāṇā, uppajjantāpi duggatim.
 Jāyamānā manussesu, jaccandhā na bhavanti te.
 Sotavekallatā natthi, na bhavanti mūgapakkhikā.
 Itthibhāvaṃ na gacchanti, ubhatobyañjanapaṇḍakā.
 Na bhavanti pariyāpannā, bodhiyā niyatā narā.
 Mutṭā ānantarikehi, sabbattha suddhagocarā.
 Micchādīṭṭhim na sevanti, kammakiriyadassanā.
 Vasamānāpi saggesu, asaṅṅam² nupapajjare.
 Suddhāvāsesu devesu, hetu nāma na vijjati.
 Nekkhammaninnā sappurisā, visamnyuttā bhavābhave.
 Caranti lokatthacariyāyo³, pūrenti⁴ sabbapāramī”ti.

Te ānisaṃse adhigantvāva āgato. Pāramiyo pūrentassa ca tassa Akitti⁵brāhmaṇakāle Saṅkhabrāhmaṇakāle Dhanañcayarājakāle Mahāsudassanarājakāle Mahāgovindakāle Nimimahārājakāle Candakumārakāle Visayhasettḥikāle Sivirājakāle Vessantararājakāleti dānapāramitāya pūritattabhāvānam parimāṇam nāma natthi. Ekantena panassa Sasapaṇḍitajātakāle—

“Bhikkhāya upagataṃ disvā, sakattānam pariccajīm.
 Dānena me samo natthi, esā me dānapāramī”ti⁶—

Evaṃ attapariccāgam karontassa **dānapāramitā** paramatthaparamī nāma⁷ jātā.

1. Kālakañjikā (Sī), Kālakañcikā (Ka) 2. Asaṅṅam (Syā) 3. Lokatthacariyāya (Sī)

4. Pūrentā (Ka)

5. Akatti (Ka)

6. Khu 4. 398 Cariyāpiṭake.

7. Paramatthapāramitā nāma (Sī, Syā)

* Apadāna-Ṭṭhā 1. 55; Jātaka-Ṭṭhā 1. 53; Buddhavaṃsa-Ṭṭhā 316; Cariyāpiṭaka-Ṭṭhā 321 piṭṭhādīsu.

Tāthā Sīlavanāgarājakāle Campeyyanāgarājakāle Bhūridattanāgarājakāle Chaddantanāgarājakāle Jayaddisarājaputtakāle Alīnasattukumārakāleti sīlapāramitāya pūritattabhāvānaṃ parimāṇaṃ nāma natthi. Ekantena panassa Saṅkhapālaajātakāle—

“Sūlehipi vijjhiyanto, koṭṭiyantopi sattihi¹.
Bhojaputte na kuppāmi, esā me sīlapāramī”²—

Evam attapariccāgaṃ karontassa **sīlapāramitā** paramatthapāramī nāma jātā.

Tathā Somanassakumārakāle Hatthipālakumārakāle Ayogharapaṇḍitakāleti mahārajjam pahāya nekkhammapāramitāya pūritattabhāvānaṃ parimāṇaṃ nāma natthi. Ekantena panassa Cūlasutasomajātakāle—

“Mahārajjam hatthagataṃ, khelaṇḍaṃva chaḍḍayim.
Cajato na hoti laganam, esā me nekkhammapāramī”^{ti}—

Evam nissaṅgatāya rajjam chaḍḍetvā nikkhantassa **nekkhammapāramitā** paramatthapāramī nāma jātā.

Tathā Vidhurapaṇḍitakāle Mahāgovindapaṇḍitakāle Kudālapaṇḍitakāle Arakapaṇḍitakāle Bodhiparibbājakakāle Mahosadhapaṇḍitakāleti paññāpāramitāya pūritattabhāvānaṃ parimāṇaṃ nāma natthi. Ekantena panassa Sattubhastajātake Senakapaṇḍitakāle—

“Paññāya vicinantoḥam, brāhmaṇaṃ mocayim dukhā.
Paññāya me samo natthi, esā me paññāpāramī”^{ti}—

Antobhastagataṃ sappam dassentassa **paññāpāramitā** paramatthapāramī nāma jātā.

Tathā vīriyapāramitādīnampi pūritattabhāvānaṃ parimāṇaṃ nāma natthi. Ekantena panassa Mahājanakajātake—

“Atīradassī jalamaṃjhe, hatā sabbeva mānūsā.
Cittassa aññathā natthi, esā me vīriyapāramī”^{ti}—

1. Sūlehi vijjhayantepi, koṭṭiyantepi sattihi (Sī) 2. Khu 4. 407 piṭṭhe Cariyāpiṭṭake.

evaṃ mahāsamuddaṃ tarantassa **vīriyapāramitā** paramatthapāramī nāma jātā.

Khantivādījātake—

“Acetanāṃva koṭṭente, tiṇhena¹ pharasunā mamaṃ.
Kāsirāje na kuppāmi, esā me khantipāramī”ti—

Evam acetanabhāvena viya mahādukkhaṃ adhivāsentassa **khantipāramitā** paramatthapāramī nāma jātā.

Mahāsutasomajātake—

“Saccavācaṃ anurakkhanto, cajitvā mama jīvitāṃ.
Mocesim ekasatāṃ khattiye, esā me saccapāramī”ti—

Evam jīvitāṃ cajitvā saccamanurakkhantassa **saccapāramitā** paramatthapāramī nāma jātā.

Mūgapakkhajātake—

“Mātā pitā na me dessā, napi dessāṃ mahāyasaṃ².
Sabbaññutaṃ piyaṃ mayhaṃ, tasmā vatamadhiṭṭhahin”ti—

Evam jīvitāṃ cajitvā vataṃ adhiṭṭhantassa **adhiṭṭhānapāramitā** paramatthapāramī nāma jātā.

Ekarājajātake³—

“Na ma koci uttasati, napihaṃ bhāyāmi kassaci.
Mettābalenupatthaddho, ramāmi pavane tadā”ti⁴—

Evam jīvitāṃ anapaloketvā mettāyantassa **mettāpāramitā** paramatthapāramī nāma jātā.

1. Tikkhena (Ka)

2. Attā me na ca dessiyo (Khu 4. 413 Cariyāpiṭake)

3. Evameva sabbattha, Suvanṇasāmacariyāpiṭakeyeva pana ayam gāthā dissati.

4. Khu 4. 418 piṭṭhe Cariyāpiṭake.

Lomahaṃsajātake—

“Susāne seyyaṃ kappemi, chavaṭṭhikaṃ upanidhāyaṃ.
Gāmaṇḍalā¹ upāgantvā, rūpaṃ dassenti’ nappakan”ti—

Evam gāmadārakesu niṭṭhubhanādīhi ceva mālāgandhūpahārādīhi ca sukhadukkhāṃ uppādentesu pi upekkhānaṃ anativattentassa **upekkhāpāramitā** paramatthapāramī nāma jātā. Ayamettha saṅkhepo, vitthārato panesa attho Cariyāpiṭakato gahetabbo.

Evam pāramiyo pūretvā Vessantarattabhāve ṭhito—

“Acetanāyaṃ pathavī, aviññāya sukhaṃ dukhaṃ.
Sāpi dānabalā mayhaṃ, sattakkhattuṃ pakampathā”ti²—

Evam mahāpathavīkampanāni³ mahāpuññāni katvā āyupariyosāne⁴ tato cuto Tusitabhavane nibbatti, tattha aññe deve dasahi ṭhānehi adhigaṇhitvā “yāvātāyukaṃ dibbasampattiṃ anubhavanto manussagaṇanāya ()⁵ idāni sattahi divasehi āyukkhayaṃ pāpuṇissatī”ti vatthāni kilissanti, mālā milāyanti, kacchehi sedā muccanti, kāye vevaṇṇiyaṃ okkamati, devo devāsane na saṅṭhahatīti imesu pañcasu pubbanimittesu uppannesu tāni dīsvā “suññā vata bho saggā bhavissanti”ti samvegajātāhi devatāhi mahāsattassa pūritapāramibhāvaṃ ṇatvā “imasmim idāni aññaṃ devalokaṃ anupagantvā manussaloke uppajjitvā Buddhabhāvaṃ patte puññāni katvā cutā cutā manussā devalokaṃ paripūressanti”ti cintetvā—

“Yadāhaṃ Tusite kāye, Santusito⁶ nāmahaṃ tadā.
Dasasahassī samāgantvā, yācanti pañjalī mamaṃ.
Kālo kho te⁷ Mahāvīra, uppajja mātukucchiyaṃ.
Sadevakaṃ tārayanto, bujjhassu amataṃ padan”ti⁸.

1. Gomaṇḍalā (Sī), gāmamaṇḍalā (Syā) Khu 4. 419 piṭṭhe passitabbaṃ

2. Khu 4. 396 piṭṭhe.

3. Mahāpathavīkampanādīkāraṇāni (Ka)

4. Āyūhapariyosāne (Syā, Ka)

5. (Sattṭhivassasatasahassādhikāni sattapaññāsakoṭṭiya) (Syā, Ka)

6. Santussito (Ka)

7. Kāloyaṃ te (Sī) Kālo deva (Ka)

8. Khu 4. 305 piṭṭhe Buddhavaṃse.

Evam Buddhabhāvatthāya āyācito kālaṃ dīpaṃ desaṃ kulaṃ janettiyā āyupparimāṇanti¹ imāni * **pañca mahāvilocanāni** viloketvā katasanniṭṭhāno tato cuto Sakyarājakule paṭisandhiṃ gahetvā tatha mahāsampattiyā parihariyamāno² anukkamena bhadravayobbanam anupāpuṇi. Imasmim antare “sato sampajāno Ānanda bodhisatto Tusitā kāyā cavitvā mātukucchim okkamī”ti-ādīnam³ suttapadānañceva tesam Aṭṭhakathāya ca vasena vitthāro veditabbo.

So tiṇṇam utūnam anucchavikesu tīsu pāsādesu devalokasirim viya rajjasirim anubhavamāno uyyānakīlaya gamanasamaye anukkamena jīṇṇabyādhimatasankhāte tayo devadūte disvā sañjātasamvego nivattitvā catutthavāre pabbajitam disvā “sādhu pabbajjā”ti pabbajjāya rucim uppādetvā uyyānam gantvā tatha divasabhāgam khepetvā maṅgalapokkharāṇīre nisinno kappakavesam gahetvā āgatena Vissakammena devaputtana alaṅkatapaṭiyatto Rāhulabhaddassa jātasāsanam sutvā puttasinēhassa balavabhāvam ṇātvā “yāva idam bandhanam na vaḍḍhati, tāvadeva nam chindissāmī”ti cintetvā sāyam nagaram pavisanto—

“Nibbutā nūna sā mātā, nibbuto nūna so pitā.

Nibbutā nūna sā nārī, yassāyam īdiso patī”ti—⁴

Kisāgotamiyā nāma pitucchādhītāya bhāsitam imam gātham sutvā “aham imāya nibbutapadam sāvito”ti gīvato satahassagghanikam muttāhāram muñcitvā tassā pesetvā attano bhavanam pavisitvā sirisayane nisinno niddāvasena nāṭakānam vippakāram disvā nibbinnahadayo Channam utthāpetvā Kaṇḍakam⁵ āharāpetvā Kaṇḍakam āruyha Channasahāyova dasahassilokadhātudevātāhi kataparivāro mahābhinnikkhamanam nikkhamitvā teneva rattāvasesena tīṇi mahārajjāni atikkamma Anomānadīre pabbajitvā anukkamena Rājagham gantvā tatha piṇḍāya caritvā Paṇḍavapabbatapabbhāre nisinno Magadharājena rajjena nimantiyamāno tam paṭikkhipitvā sabbaññutam patvā tassa vijitam āgamanatthāya tena

1. Āyupparimāṇanti (Sī)

2. Paridhāriyamāno (Syā)

3. Ma 3. 161 piṭṭhe.

4. Buddhavaṃsa-Ṭṭha 328; Dhammapada-Ṭṭha 1. 54; Apadāna-Ṭṭha 1. 73; Jātaka-Ṭṭha 1. 71 piṭṭhesupi.

5. Kanthakam (Sī), Kaṇṭhakam (Syā)

* Buddhavaṃsa-Ṭṭha 3; Jātaka-Ṭṭha 1. 57; Apadāna-Ṭṭha 1. 59 piṭṭhesupi.

gahitapaṭiñño āḷārañca udakañca¹ upasaṅkamitvā tesam santike
 adhigatavisesena aparituṭṭho chabbassāni mahāpadhānam padahitvā
 visākhāpuṇṇamadivase pātova Senānigame² Sujātāya dinnam pāyāsam
 paribhuñjitvā Nerañjarāya nadiyā suvaṇṇapātīm pavāhetvā Nerañjarāya tīre
 mahāvanasaṅde nānāsamāpatīhi divasabhāgam vītināmetvā sāyanhasamaye
 Sottiyena³ dinnam aṭṭhatīṇamuṭṭhim gahetvā Kāḷena nāgarājena
 abhitthutaḅḅo Bodhimaṅḅam āruyha tiṇāni santharivā “na tāvimam
 pallaṅkam bhindissāmi, yāva me na anupādāya āsavehi cittaṃ
 vimuccissati”ti paṭiñṇam katvā pācīnadisābhimukho nisīditvā sūriye
 anatthaṅgamiteyeva⁴ mārabalam vidhamitvā paṭhamayāme
 pubbenivāsāñṇam, majjhimayāme cutūpapātañṇam patvā
 pacchimayāmvāsane
 dasabalacatuvesārajjādisabbabuddhaḅḅapaṭimaṅḅitam Sabbañṇutañṇāṇam
 paṭivijjhantoyeva imaṃ abhidhammanayasamuddam adhigañchi. Evamassa
adhigamanidānam veditabbam.

Evam adhigatābhidhammo ekapallaṅkena nisinnasattāham,
 animisasattāham, caṅkamanasattāhañca atikkamitvā catutthe sattāhe
 sayambhūñṇādhigamena adhigatam abhidhammam vicinitvā aparānipi
 Ajapālamucalindarājāyatanesu tīṇi sattāhāni vītināmetvā aṭṭhame sattāhe
 Ajapālanigrodharukkhamūle nisinno dhammagambhīratāpaccavekkhaṇena
 appossukkataṃ āpajjamāno dasasahassimahābrahmaparivārena⁵
 Sahapatibrahmunā āyācitadhammadesano Buddhacakkhunā lokam
 oloketvā brahmuno ajjhesanam ādāya “kassa nu kho aham paṭhamam
 dhammam deseyyam”ti olokeno Āḷārudakānam kālaṅkatabhāvam ṇatvā
 pañcavaggiyānam bhikkhūnam bahūpakāratam anussaritvā uṭṭhāyāsānā
 Kāsipuram gacchanto antarāmagge Upakena saddhim mantetvā
 āsāḷhīpuṇṇamadivase Isipatane migadāye pañcavaggiyānam bhikkhūnam
 vasanaṭṭhānam patvā te ananucchavikena samudācārena samudācarante
 sañṇāpetvā dhammacakkaṃ pavattento Añṇāsikoṇḅaṇṇattherappamukhā⁶
 aṭṭhārasa brahmakotiyo amatapānam pāyesi. Evam yāva
 dhammacakkappavattanā

1. Uddakañca (Sī, Syā)Ma 1. 222 piṭṭhe passitabbam.

3. Sotthiyena (sabbattha)

5. Dasasahassamahābrahmaparivārena (Syā)

6. Añṇākoṇḅaṇṇa... (Sī, Syā), Añṇātaḅḅaṇṇa... (Ka)

2. Senānigame (Sī)

4. Anattamiteyeva (Sī)

desanānidānaṃ veditabbaṃ. Ayamettha saṅkhepo. Vitthāro pana sāṭhakathānaṃ **Ariyapariyesana**¹ **pabbajjasuttādīnaṃ**²vasena veditabbo.

Evam adhigamanidānadesanānidānasampannessa panassa abhidhammassa aparānīpi dūrenidānaṃ, avidūrenidānaṃ, santikenidānanti tīṇi nidānāni. Tattha Dīpaṅkarapādamūlato paṭṭhāya yāva Tusitapurā **dūrenidānaṃ** veditabbaṃ. Tusitapurato paṭṭhāya yāva Bodhimaṇḍā **avidūrenidānaṃ**. “Ekaṃ samayaṃ Bhagavā devesu viharati Tāvatisesū pāricchattakamūle Paṇḍukambalasilāyaṃ. Tatra kho Bhagavā devānaṃ Tāvatisānaṃ abhidhammakathaṃ kathesi”ti idamassa **santikenidānaṃ**. Ayaṃ tāva nidānakatā.

Nidānakathā niṭṭhitā.

1. Ma 1. 217 piṭṭhe.

2. Khu 1. 340 piṭṭhe Suttanipāte.

1. Cittuppādakaṇḍa

Tikamātikāpadavaṇṇanā

Idāni

“Iti me bhāsamānassa, abhidhammakathaṃ imaṃ.
Avikkhittā nisāmetha, dullabhā hi ayaṃ kathā”ti.

Evam paṭiññātāya abhidhammakathāya kathanokāso sampatto. Tattha yasmā abhidhammo nāma Dhammasaṅgaṇī-ādīni sattappakaraṇāni, Dhammasaṅgaṇīpi¹ Cittuppādakaṇḍādīnaṃ vasena cattāri kaṇḍāni, Cittuppādakaṇḍampi mātikāpadabhājanīyavasena duvidham, tattha mātikā ādi, sāpi tikamātikā dukamātikāti duvidhā, tattha tikamātikā ādi, tikamātikāyapi kusalattikaṃ, kusalattikepi “kusalā dhammā”ti idaṃ padaṃ, tasmā—

Ito paṭṭhāya gambhīraṃ, abhidhammakathaṃ imaṃ.
Vuccamānaṃ nisāmetha, ekaggā sādhu sādhavoti.

1. “Kusalā dhammā, akusalā dhammā, abyākatā dhammā”ti ayaṃ tāva ādipadena laddhanāmo kusalattiko nāma. “Sukhāya vedanāya sampayuttā dhammā, dukkhāya vedanāya sampayuttā dhammā, adukkhamasukhāya vedanāya sampayuttā dhammā”ti ayaṃ sabbapadehi laddhanāmo vedanāttiko nāma. Evam ādipadavasena vā sabbapadavasena vā sabbesampi tikadukānaṃ nāmaṃ veditabbaṃ. Sabbeva cete pañcadasahi paricchedehi vavathitā. Tikānañhi eko paricchedo, dukānaṃ catuddasa. “Hetū dhammā, na hetū dhammā”ti-ādayo hi cha dukā ganthato ca atthato ca aññamaññasambandhena kaṇṇikā viya ghaṭā viya hutvā ṭhitattā “Hetugocchako”ti vuccati. Tato apare “sappaccayā dhammā, appaccayā dhammā”ti-ādayo satta dukā aññamaññaṃ asambandhā kevalaṃ dukasāmaññato uccinitvā uccinitvā visum visum gocchakantare ṭhapitattā, aññehi ca mahantaradukehi cūlakattā “Cūlantaradukā”ti² veditabbā. Tato paraṃ āsavadukādīnaṃ channaṃ vasena

1. Dhammasaṅgaṇīyāpi (Syā)

2. Cullakattā “Cullantaradukā”ti (Sī)

āsavagocchako, tathā saṃyojanadukādīnaṃ vasena saṃyojanagocchako, tathā gantha-oghayoganīvaraṇadukādīnaṃ vasena gantha-oghayoganīvaraṇagocchakā. Parāmāsadukādīnaṃ pañcannaṃ vasena parāmāsagocchakoti sabbepi satta gocchakā veditabbā. Tato paraṃ “sārammaṇā dhammā”ti-ādayo catuddasa mahantaradukā nāma. Tato upādānadukādayo cha dukā upādānagocchako nāma. Tato kilesadukādayo aṭṭha dukā kilesagocchako nāma. Tato paraṃ dassanenapahātabbadukādayo aṭṭhārassa dukā abhidhammamātikāya pariyosāne ṭhapitattā piṭṭhidukā nāma. “Vijjābhāgino dhammā, avijjābhāgino dhammā”ti-ādayo pana dvācattālīsa dukā suttantikadukā nāma. Evaṃ sabbepete pañcadasahi paricchedehi vavatthitāti veditabbā.

Evaṃ vavatthitā panete sappadesanippadesavasena dve¹ koṭṭhāsā honti. Tesu hi nava tikā, ekasattati ca dukā sappadesānaṃ rūpārūpadhammānaṃ parigahitattā sappadesā nāma. Avasesā terasa tikā, ekasattati ca dukā nippadesā nāma. Tattha tikesu tāva vedanāttiko vitakkattiko pītittiko uppannattiko atītattiko cattāro ārammaṇattikāti ime nava tikā sappadesā nāma. Dukesu hetugocchakādīnaṃ upādānagocchakapariyosānānaṃ navannaṃ gocchakānaṃ pariyosāne tayo tayo dukā, kilesagocchakapariyosāne cattāro dukā, cittasampayuttā dhammā cittavippayuttā dhammā, cittasaṃsaṭṭhā dhammā cittavisaṃsaṭṭhā dhammāti dve mahantaradukā, Suttantikadukesu adhivacanadukānaṃ niruttidukānaṃ paññattidukānaṃ nāmarūpadukanti ime cattāro duke ṭhepetvā avasesā aṭṭhatimsa dukā cāti ete sappadesā nāma. Vuttāvasesā tikadukā sabbepi nippadesāti veditabbā.

Idāni “kusalā dhammā”ti-ādīnaṃ mātikāpadānaṃ ayaṃanupubbapadavaṇṇanā. **Kusalasaddo** tāva ārogya anavajja cheka sukhavipākesu dissati. Ayañhi “kacci nu bhoto kusalaṃ, kacci bhoto anāmayan”ti-ādīsu² ārogye dissati. “Katamo pana bhante kāyasamācāro kusalo, yo kho mahārāja kāyasamācāro anavajjo”ti³ ca “aparaṃ pana bhante

1. Dveva (Sī)

2. Khu 5. 327; Khu 6. 77 piṭṭhādīsu.

3. Ma 2. 318 piṭṭhe.

etadānuttariyaṃ¹, yathā Bhagavā dhammaṃ deseti kusalesu dhammesū”ti² ca evamādīsu anavajje. “Kusalo tvaṃ rathassa aṅgapaccaṅgānaṃ³, kusalā naccagītassa, sikkhitā cāturitthiyo”ti-ādīsu⁴ cheke. “Kusalānaṃ bhikkhave dhammānaṃ samādānāhetu⁵, kusalassa kammaṃsa katattā upacitattā”ti-ādīsu⁶ sukhavipāke. Svāyamidha ārogyepi anavajjepi sukhavipākepi vattati.

Dhammasaddo panāyaṃ pariyattihetugūṇanissattanijjīvatādīsu dissati. Ayañhi “dhammaṃ pariyāpuṇāti suttam geyyan”ti-ādīsu⁷ pariyattiyam dissati. “Hetumhi ñāṇaṃ dhammapaṭisambhidā”ti-ādīsu⁸ hetumhi.

“Na hi dhammo adhammo ca, ubho samavipākino.

Adhammo nirayaṃ neti, dhammo pāpeti suggatin”ti⁹—

Ādīsu guṇe. “Tasmiṃ kho pana samaye dhammā honti¹⁰, dhammesu dhammānupassī viharatī”ti-ādīsu¹¹ nissattanijjīvatāyaṃ. Svāyamidhāpi nissattanijjīvatāyameva vattati.

Vacanaṭṭho panettha kucchite pāpake dhamme salayanti calayanti kampaṇṭi viddhamsentīti **kusalā**. Kucchitena vā ākārena sayantīti kusā, te akusalasaṅkhāte kuse lunanti chindantīti **kusalā**. Kucchitānaṃ vā sānato tanukaraṇato osānakaraṇato ñāṇaṃ kusaṃ nāma, tena kusena lātabbāti **kusalā**, gahetabbā pavattetabbāti attho. Yathā vā kusā ubhayabhāgagataṃ hatthappadesaṃ lunanti, evamimepi uppannānuppannabhāvena ubhayabhāgagataṃ kilesapakkhaṃ lunanti, tasmā kusā viya lunantītipi **kusalā**. Attano pana sabhāvaṃ dhārentīti **dhammā**. Dhāriyanti¹² vā paccayehi, dhāriyanti vā yathāsabhāvatoti **dhammā**. Na kusalā **akusalā**, mittapaṭipakkhā amittā viya, lobhādipaṭipakkhā alobhādayo viya ca kusalapaṭipakkhāti attho. Na byākatāti **abyākatā**, kusalākusalabhāvena akathitāti attho. Tesu

1. Etadanuttariyaṃ (Sī) 2. Dī 3. 84 piṭṭhe. 3. Ma 2. 58 piṭṭhe.
 4. Khu 6. 156 piṭṭhe. 5. Dī 3. 48 piṭṭhe. 6. Abhi 1. 104 piṭṭhādīsu.
 7. Am 1. 417piṭṭhādīsu. 8. Abhi 2. 307 piṭṭhe. 9. Khu 2. 272; Khu 5. 357 piṭṭhesu.
 10. Abhi 1. 35 piṭṭhe. 11. Dī 2. 231 piṭṭhe. 12. Dhariyanti (Syā)

pana anavajjasukhavipākalakkhaṇā kusalā, sāvajjadukkhavipākalakkhaṇā akusalā, avipākalakkhaṇā abyākatā.

Kim panetāni “kusalāti vā dhammāti vā”ti-ādīni ekatthāni, udāhu nānatthānīti? Kiñcetha yadi tāva ekatthāni, “kusalā dhammā”ti idam “kusalā kusalā”tivuttasadisam hoti. Atha nānatthāni, tikadukānam chakkacatukkabhāvo āpajjati, padānañca asambandho.

Yathā hi “kusalā rūpaṃ cakkhumā”ti vutte atthavasena aññamaññaṃ anolokentānaṃ padānaṃ na koci sambandho, evamidhāpi padānaṃ asambandho āpajjati, bubbāparasambandharahitāni ca padāni nippayojanāni nāma honti. Yāpi cesā parato “katame dhammā kusalā”ti pucchā, tāyapi saddhiṃ virodho āpajjati. Neva hi dhammā kusalā, atha ca panidam vuccati “katame dhammā kusalā”ti. Aparo nayo, yadi etāni ekatthāni tiṇṇaṃ dhammānaṃ ekattā kusalādīnampi ekattaṃ āpajjati. Kusalādīparānañhi tiṇṇampi dhammānaṃ dhammabhāvena ekattaṃ. Tasmā dhammattayena saddhiṃ atthato ninnānatthānaṃ kusalādīnampi ekattaṃ āpajjati “yadeva kusalam, taṃ akusalam, taṃ abyākatan”ti. Athāpi tiṇṇaṃ dhammānaṃ ekattaṃ na sampañicchatha, “añño¹ kusalaparo dhammo, añño akusalaparo dhammo, añño abyākataparo dhammo”ti vadatha. Evaṃ sante dhammo nāma bhāvo, bhāvato ca añño abhāvoti kusalaparā bhāvasaṅkhātā dhammā añño akusalaparo dhammo abhāvo siyā, tathā abyākataparo, tehi ca añño kusalaparopi. Evaṃ abhāvattaṃ āpannehi dhammehi anaññe kusalādayopi abhāvāyeva siyunti.

Sabbametaṃ akāraṇaṃ. Kasmā? Yathānumativohārasiddhito. Vohāro hi yathā yathā atthesu anumato sampañicchito, tathā tatheva siddho. Na cāyaṃ “kusalā dhammā”ti-ādīsu kusalapubbo dhammābhilāpo, dhammaparo ca kusalābhilāpo yathā “kusalā kusalā”ti, evaṃ attano atthavisesābhāvena paṇḍitehi sampañicchito, na ca kusalārūpaṃakkhumāsaddā viya aññamaññaṃ anolokitatthabhāvena. Kusalasaddo panettha anavajjasukhavipākasāṅkhātassa

1. Añño ca (Sī)

atthassa jotakabhāvena sampañcchito, akusalasaddo
 sāvajjadukkhavipākatthajotakattena, abyākatasaddo avipākatthajotakattena,
 dhammasaddo sabhāvadhāraṇādi-atthajotakattena. So etesaṃ
 aññatarānantare vuccamāno attano atthasāmaññaṃ dīpeti. Sabbeva hi ete
 sabhāvadhāraṇādinā lakkhaṇena dhammā. Kusalādisaddā cāpi
 dhammasaddassa purato vuccamānā attano attano atthavisesaṃ tassa dīpenti.
 Dhammo hi kusalo vā hoti akusalo vā abyākato vā. Evamete visuṃ visuṃ
 vuccamānā attano attano atthamattadīpakattena sampañcchitā.
 Dhammasaddena saha vuccamānā attano attano atthasāmaññaṃ,
 atthavisesaṃ vā dīpakattena loke paṇḍitehi sampañcchitā. Tasmā
 yadetamettha ekatthanānāttathaṃ vikappetvā dosāropanakāraṇaṃ vuttaṃ,
 sabbametaṃ akāraṇaṃ. Ayaṃ tāva kusalattikassa anupubbapadavaṇṇanā.
 Imināva nayena sesatikadukānampi nayo veditabbo. Ito paraṃ pana
 visesamattameva vakkhāma.

2. Sukhāya vedanāyāti-ādīsu sukhasaddo tāva

sukhavedanāsukhamūlasukhārammaṇasukhahetusukhapaccayaṭṭhāna-
 abyābajjhanibbānādīsu dissati. Ayañhi “sukhassa ca pahānā”ti-ādīsu¹
 sukhavedanāyaṃ dissati. “Sukho Buddānaṃ uppādo². Sukhā virāgatā
 loke”ti-ādīsu³ sukhamūle. “Yasmā ca kho Mahāli rūpaṃ sukhaṃ
 sukhanupatitaṃ sukhāvakkantaṃ”ti-ādīsu⁴ sukhārammaṇe. “Sukhassetaṃ
 bhikkhave adhivacanaṃ yadidaṃ puññānī”ti-ādīsu⁵ sukahetumhi.
 “Yāvañcidaṃ bhikkhave na sukaraṃ akkhānena pāpuṇitum, yāva sukhā
 saggā⁶. Na te sukhaṃ pajānanti, ye na passanti nandananti”ādīsu⁷
 sukhapaccayaṭṭhāne. “Diṭṭhidhammasukhavihārā ete dhammā”ti-ādīsu⁸
 abyābajjhe. “Nibbānaṃ paramaṃ sukhaṃ”ti-ādīsu⁹ nibbāne. Idha panāyaṃ
 sukhavedanāyameva daṭṭhabbo. **Vedanāsaddo** “viditā vedanā uppajjantī”ti-
 ādīsu¹⁰ vedayitasmim̐ yeva vattati.

1. Dī 1. 71; Abhi 1. 45 piṭṭhedīsu.

3. Khu 1. 88; Vi 3. 4 piṭṭhesu.

5. Am̐ 2. 465 piṭṭhe.

7. Saṃ 1. 6 piṭṭhe.

9. Khu 1. 43 Dhammapade.

2. Khu 1. 42 Dhammapade.

4. Saṃ 2. 57. 58 piṭṭhesu.

6. Ma 3. 210 piṭṭhe.

8. Ma 1. 49 piṭṭhe.

10. Ma 3. 165 piṭṭhādīsu.

Dukkhasaddo

dukkhavedanādukkhavatthudukkhārammaṇadukkhapaccayadukkhapaccayaṭṭhānādīsu dissati. Ayañhi “dukkhassa ca pahānā”ti-ādīsu dukkhavedanāyaṃ dissati. “Jātipi dukkhā”ti-ādīsu¹ dukkhavatthusmiṃ. “Yasmā ca kho Mahāli rūpaṃ dukkhaṃ dukkhānupatitaṃ dukkhāvakkantaṃ”ti-ādīsu dukkhārammaṇe. “Dukkho pāpassa uccayo”ti-ādīsu² dukkhapaccaye. “Yāvañcidaṃ bhikkhave na sukaraṃ akkhānena pāpuṇitum, yāva dukkhā nirayā”ti-ādīsu³ dukkhapaccayaṭṭhāne. Idha pañāyaṃ dukkhavedanāyameva daṭṭhabbo.

Vacanattho panettha sukhayatīti **sukhā**, dukkhayatīti **dukkhā**, na dukkhā na sukhāti **adukkhamasukhā**. Makāro padasandhivasena vutto. Sabbāpi ārammaṇarasam vedayanti⁴ anubhavanti **vedanā**. Tāsu iṭṭhānubhavanalakkhaṇā sukhā. Anīṭṭhānubhavanalakkhaṇā dukkhā. Ubhayaviparītānubhavanalakkhaṇā adukkhamasukhā. Yopanāyaṃ tīsupi padesu sampayuttasaddo, tassattho samam pakārehi yuttāti **sampayuttā**. Katārehi pakārehīti? Ekuppādatādīhi. “Natthi keci dhammā kehici dhammehi sampayuttāti. Āmantā”ti⁵ hi imassa pañhassa paṭikkhepe “nanu atthi keci dhammā kehici dhammehi sahaḡatā sahaḡatā saṃsaṭṭhā ekuppāda ekanirodhā ekavatthukā ekārammaṇā”ti⁵ evam ekuppādatādīnam vasena sampayogattho vutto. Iti imehi ekuppādatādīhi samam pakārehi yuttāti **sampayuttā**.

3. **Vipākattike** aññamaññavisiṭṭhānam kusalākusalānam pakāti **vipākā**, vipakkabhāvamāpannānam arūpadhammānametaṃ adhivacanam. **Vipākadhammadhammāti** vipākasabhāvadhammā, yathā jātijarāsabhāvā jātijarāpakatikā sattā “jātidhammā jarādhammā”ti vuccanti, evam vipākajanakaṭṭhena vipākasabhāvā vipākapakatikā dhammāti attho. Tatiyapadam ubhayasabhāvapaṭikkhepavasena vuttam.

4. **Upādinnupādāniyattike** ārammaṇakaraṇavasena taṇhādīṭṭhihi⁶ upetena kammunā ādinnā phalabhāvena gahitāti **upādinna**⁷,

1. Dī 2. 243; Abhi 2. 104 piṭṭhādīsu.

3. Ma 3. 205 piṭṭhe.

6. Taṇhādīhi (Sī, Syā)

4. Vedayanti (Sī)

2. Khu 1. 30 Dhammapade.

5. Abhi 4. 25 piṭṭhe.

7. Upādiṇṇā (Sī)

ārammaṇabhāvaṃ upagantvā upādānasambandhena upādānānaṃ hitāti **upādāniyā**, upādānassa ārammaṇapaccayabhūtānametaṃ adhivacanaṃ. Upādinnā ca te upādāniyā cāti **upādinupādāniyā**, sāsavakammanibbattānaṃ rūpārūpadhammānametaṃ adhivacanaṃ. Iti iminā nayena sesapadadvayepi paṭisedhasahito attho veditabbo.

5. **Samkiliṭṭhasamkilesikattike** samkilesetīti **samkilesa**, vibādhati upatāpeti cāti attho. Samkilesena samannāgatāti **samkiliṭṭhā**. Attānaṃ ārammaṇaṃ katvā pavattanena samkilesaṃ arahanti, samkilese vā niyuttā tassa ārammaṇabhāvānatikkamanatoti **samkilesikā**, samkilesassa ārammaṇapaccayabhūtānametaṃ amivacanaṃ. Samkiliṭṭhā ca te samkilesikā cāti **samkiliṭṭhasamkilesikā**. Sesapadadvayampi purimattike vuttanayeneva veditabbaṃ.

6. **Vitakkattike** sampayogavasena pavattamānena saha vitakkena **savitakkā**. Saha vicārena **savicārā**. Savitakkā ca te savicārā cāti **savitakkasavicārā**. Ubhayarahitā **avitakka-avicārā**. Vitakkavicāresu vicārova mattā pamāṇaṃ etesanti **vicāramattā**, vicārato uttari vitakkena saddhiṃ sampayogaṃ na gacchantīti attho. Avitakkā ca te vicāramattā cāti **avitakkavicāramattā**.

7. **Pītittike** pītiyā saha ekuppādādibhāvaṃ gatāti **pītisahagatā**, pītisampayuttāti attho. Sesapadadvayepi eseva nayo. **Upekkhāti** cettha adukkhamasukhā vedanā vuttā, sā hi sukhadukkhākārappavattiṃ upekkhati, majjhattākārasaṅghitattā tenākārena pavattatīti **upekkhā**. Iti vedanāttikato padadvayameva gahetvā nippītikassa sukhasa sappītikasukhato visesadassanavasena ayaṃ tiko vutto.

8. **Dassanattike** **dassanenāti** sotāpattimaggena. So hi paṭhamamā nibbānaṃ dassanato “**dassanan**”ti vutto. Gotrabhu pana kiñcāpi paṭhamataraṃ passati, yathā pana rañño santikaṃ kenacideva karaṇīyena āgato¹ puriso dūratova rathikāya carantaṃ hatthikkhandhagataṃ rājanānaṃ disvāpi “**diṭṭho**

1. Dūrāgato (Ka)

te rājā”ti puṭṭho disvāpi kattabbakiccassa akatattā “na passāmī”ti āha, evameva nibbānaṃ disvāpi kattabbassa kilesappahānassābhāvā na “dassanan”ti vuccati, tañhi ñāṇaṃ maggassa āvajjanaṭṭhāne tiṭṭhati.

Bhāvanāyāti sesamaggattayena, sesamaggattayañhi paṭhamamaggena diṭṭhasmiṃyeva dhamme bhāvanāvasena uppajjati, adiṭṭhapubbaṃ kiñci na passati, tasmā “bhāvanā”ti vuccati. Tatiyapadaṃ ubhayapaṭikkhepavasena vuttaṃ.

9. **Tadanantarattike** dassanena pahātabo hetu etesanti **dassanena pahātabbahetukā**. Dutiya-padepi eseva nayo. Tatiya-pade “neva dassanena na bhāvanāya pahātabbo hetu etesan”ti evamatthaṃ aggahetvā “neva dassanena na bhāvanāya pahātabbo hetu etesaṃ atthī”ti evamattho gahetabbo. Itarathā hi ahētukānaṃ aggahaṇaṃ bhaveyya, hetuyeva hi tesāṃ natthi, yo dassanabhāvanāhi pahātabbo siyā. Sahetukesupi hetuvajjānaṃ pahānaṃ āpajjati, na hetūnaṃ. Hetuyeva hi etesaṃ neva dassanena na bhāvanāya pahātabboti vutto, na te dhammā. Ubhayampi cetāṃ anadhippetāṃ. Tasmā neva dassanena na bhāvanāya pahātabbo hetu etesaṃ atthīti **nevadassanena nabhāvanāya pahātabbahetukā**ti ayamattho gahetabbo.

10. **Ācayagāmittike** kammakilesehi āciyaṭṭi **ācayo**, paṭisandhicutigatippavattānaṃ etaṃ nāmaṃ. Tassa kāraṇaṃ hutvā nipphādanabhāvena taṃ ācayaṃ gacchanti, yassa vā pavattanti, taṃ puggalaṃ yathāvuttameva ācayaṃ gamentīti **ācayagāmino**, sāsavakusalākusalānaṃ etaṃ adhivacanaṃ. Tato eva ācayasaṅkhātā cayā apētattā nibbānaṃ apētaṃ cayāti apacayo, taṃ ārammaṇaṃ katvā pavattanato apacayaṃ gacchantīti **apacayagāmino**, ariyamaggānametaṃ adhivacanaṃ. Api ca pākāraṃ iṭṭhakavaḍḍhakī viya pavattaṃ ācinantā gacchantīti ācayagāmino, tena citaṃ citaṃ iṭṭhakaṃ viddhaṃsayamāno puriso viya tadeva pavattaṃ apacinantā gacchantīti **apacayagāmino**. Tatiyapadaṃ ubhayapaṭikkhepena vuttaṃ.

11. **Sekkhattike** tīsu sikkhāsu jātāti **sekkhā**, sattannaṃ sekkhānaṃ eteti **sekkhā**, apariyositasikkhattā sayameva sikkhantīti

sekkhā. Upari sikkhitabbābhāvato na sekkhāti **asekkhā**, vuḍḍhippattā vā sekkhātīpi asekkhā, arahattaphaladhammānaṃ etaṃ adhivacanaṃ. Tatiyapadaṃ ubhayapaṭikkhepena vuttaṃ.

12. **Parittattike** samantato khaṇḍitattā appamattakaṃ parittanti vuccati, “parittāṃ gomayapiṇḍan”ti-ādīsu¹ viya, imepi appānubhāvātāya parittā viyāti **parittā**, kāmāvacaradhammānametaṃ adhivacanaṃ. Kilesavikkhambhanasamatthatāya, vipulaphalatāya, dīghasantānatāya ca mahantabhāvaṃ gatā, mahantehi vā uḷāracchandavīriyacittapaññehi gatā paṭipannātipi **mahaggatā**. Pamāṇakarā dhammā rāgādayo pamāṇaṃ nāma, ārammaṇato vā sampayogato vā natthi etesaṃ pamāṇaṃ, pamāṇassa ca paṭipakkāti **appamāṇā**.

13. **Parittārammaṇattike** parittāṃ ārammaṇaṃ etesanti **parittārammaṇā**. Sesapadadvayepi eseva nayo.

14. **Hīnattike** hīnāti lāmakā akusalā dhammā. Hīnappaṇītānaṃ majjhe bhavāti **majjhimā**, avasesā tebhūmakā dhammā. Uttamaṭṭhena, atappaṭṭhena ca **paṇītā**, lokuttarā dhammā.

15. **Micchattattike** “hitasukhāvahā me bhavissanti”ti evaṃ āsīsītāpi tathā abhāvato, “asubhādīsuyeva subhan”ti-ādiviparītappavattito ca micchāsabhāvāti **micchattā**, vipākādāne sati khandhabhedānantameva vipākādānato **niyatā**, micchattā ca te niyatā cāti **micchattaniyatā**. Vuttaviparītena atthena sammā sabhāvāti **sammattā**, sammattā ca te niyatā ca anantameva phaladānenāti² **sammattaniyatā**. Ubhayathāpi na niyatāti **aniyatā**.

16. **Maggārammaṇattike** nibbānaṃ maggati gavesati, kilese vā mārento gacchatīti maggo, maggo ārammaṇaṃ etesanti **maggārammaṇā**. Aṭṭhaṅgikopi maggo paccayaṭṭhena etesaṃ hetūti **maggahetukā**. Maggasampayuttā vā hetū, magge vā hetūti maggahetū, te etesaṃ

1. Saṃ 2. 117 piṭṭhe.

2. Phaladānaniyamenāti (Ka)

hetūtipi **magga**hetukā. Sammādiṭṭhi sayam maggo ceva hetu ca, iti maggo hetu etesantipi **magga**hetukā. Abhibhavitvā pavattanaṭṭhena maggo adhipati etesanti **maggā**dhipatino.

17. **Uppannattike** uppādato paṭṭhāya yāva bhaṅgā uddham paṇṇā gatā pavattāti **uppannā**. Na uppannāti **anuppannā**. Pariniṭṭhitakāraṇekadesattā avassam uppajjissantīti **uppādino**.

18. **Atītattike** attano sabhāvaṃ, uppādādikkhaṇaṃ vā patvā atikkantāni **atītā**. Tadubhayampi na āgatāti **anāgatā**. Tam tam kāraṇaṃ paṭicca uppannāti **paccuppannā**.

19. **Anantarattike** atītaṃ ārammaṇaṃ etesanti **atītārammaṇā**. Sesapadadvayepi eśeva nayo.

20. **Ajjhattattike** “evaṃ pavattamānā mayam attāti gahaṇaṃ gamissāmā”ti iminā viya adhippāyena attānaṃ adhikāraṃ katvā pavattāti **ajjhattā**. Ajjhattasaddo panāyaṃ gocarajjhatte niyakajjhatte ajjhatajjhatte visayajjhatteti catūsu atthesu dissati. “Tenānanda bhikkhunā tasmimyeva puramasmiṃ samādhinimutte ajjhattameva cittaṃ saṅghapetabbaṃ¹ ajjhattarato samāhito”ti-ādīsu² hi ayaṃ gocarajjhatte dissati. “Ajjhattam sampasādanaṃ³, ajjhattaṃ vā dhammesu dhammānupassī viharatī”ti-ādīsu⁴ niyakajjhatte. “Cha ajjhattikāni āyatanāni”ti-ādīsu⁵ ajjhatajjhatte. “Ayaṃ kho panānanda vihāro Tathāgatenā abhisambuddho yadidaṃ sabbanimittānaṃ amanasikārā ajjhattaṃ suññataṃ upasampajja viharatī”ti-ādīsu⁶ visayajjhatte, issariyaṭṭhāneti attho. Phalasaṃpatti hi Buddhānaṃ issariyaṭṭhānaṃ nāma. Idha pana niyakajjhatte adhippeto. Tasmā attano santāne pavattā pāṭipuggalikā dhammā ajjhattāti veditabbā. Tato bāhirabhūtā⁷ pana indriyabaddhā vā anindriyabaddhā vā **bahiddhā** nāma. Tatiyapadaṃ tadubhayavasena vuttaṃ.

1. Ma 3. 154 piṭṭhe.

2. Khu 1. 65 piṭṭhe.

3. Dī 1. 70; Abhi 1. 44piṭṭhādīsu.

4. Dī 2. 230 piṭṭhāsu.

5. Ma 3. 258 piṭṭhe.

6. Ma 3. 153 piṭṭhe.

7. Bahibhūtā (Sī, Syā)

21. Anantarattiko teyeva tippakārepi dhamme ārammaṇaṃ katvā pavattanavasena vutto.

22. **Sanidassanattike** daṭṭhabbabbhāvasaṅkhātena saha nidassanenāti **sanidassanā**, paṭihananabhāvasaṅkhātena saha paṭighenāti **sappaṭighā**, sanidassanā ca te sappaṭighā cāti **sanidassanasappaṭighā**. Natthi etesaṃ daṭṭhabbabbhāvasaṅkhātaṃ nidassananti **anidassanā**, anidassanā ca te vuttanayeneva sappaṭighā cāti **anidassanasappaṭighā**. Tatiyapadaṃ ubhayapaṭikkhepena vuttaṃ. Ayaṃ tāva tikamātikāya anupubbapadavaṇṇanā.

Tikamātikāpadavaṇṇanā niṭṭhitā.

Dukamātikāpadavaṇṇanā

1-6. Dukamātikāyaṃ pana tikesu anāgatapadavaṇṇanaṃyeva karissāma. **Hetugocchake** tāva **hetudhammā**ti mūlaṭṭhena hetusaṅkhātā dhammā, “hetū dhammā”ti pi pāṭho. **Na hetū**ti tesameva paṭikkhepavacanaṃ. Sampayogato pavattena saha hetunāti **sahetukā**. Tatheva pavatto natthi etesaṃ hetūti **ahetukā**. Ekuppādādītāya hetunā sampayuttāti **hetusampayuttā**. Hetunā vippayuttāti **hetuvippayuttā**. Imesaṃ dvinnampi dukānaṃ kiñcāpi atthato nānattaṃ natthi, desanāvilāsenā, pana tathā bujjhantānaṃ vā puggalānaṃ ajjhāsaya vasena vuttā. Tato paraṃ paṭhamadukaṃ dutiyatatiyehi saddhim yojetvā tesāṃ “hetū na hetū”ti-ādīnaṃ¹ padānaṃ vasena yathāsambhavato aparepi tayo dukā vuttā. Tattha yatheva “hetū ceva dhammā sahetukā cā”ti idampi. Yathā ca “sahetukā ceva dhammā na ca hetū”ti etaṃ sambhavati, tathā “ahetukā ceva dhammā na ca hetū”ti idampi. Hetusampayuttadukena saddhim yojanāyapi eveda nayo.

Tatra yadetaṃ “na hetu dhammā sahetukāpi ahetukāpi”ti siddhe “na hetū kho pana dhammā”ti atirittaṃ “kho panā”ti padaṃ vuttaṃ, tassa

1. Hetu nahetu-ādīnaṃ (Sī)

vasena ayaṃ atirekattho saṅgahitoti veditabbo. Kathaṃ? Na kevalaṃ nahetudhammāva, atha kho aññepi, sahetukā-ahetukā-iccheva, atha kho aññathāpīti. Idaṃ vuttaṃ hoti, “yatheva hi na hetū dhammā sahetukāpi ahetukāpi, evaṃ hetū dhammā sahetukāpi ahetukāpi. Yathā ca na hetū dhammā sahetukāpi ahetukāpi, evaṃ na hetū dhammā hetusampayuttāpi hetuvippayuttāpi”ti.

7-13. **Cūlantaradukesu** attano nipphādakena saha paccayenāti **sappaccayā**. Natthi etesaṃ uppāde vā ṭhitiyaṃ vā paccayoti **appaccayā**. Paccayehi samāgantvā katāti **saṅkhatā**. Na saṅkhatāti **asaṅkhatā**. Avinibbhogavasena rūpaṃ etesaṃ atthīti **rūpino**. Tathāvidhaṃ natthi etesaṃ rūpanti **arūpino**. Ruppānalakkhaṇaṃ vā rūpaṃ, taṃ etesaṃ atthīti **rūpino**. Na rūpino **arūpino**. **Lokiyā dhammāti loko** vuccati lujjanapalujjanaṭṭhena vaṭṭaṃ, tasmīṃ pariyāpannabhāvena loke niyuttāti **lokīyā**. Tato uttiṇṇāti **uttarā**, loke aparīyāpannabhāvena lokato uttarāti **lokuttarā**. **Kenaci viññeyyāti** cakkhuvīññāṇādīsu kenaci ekena cakkhuvīññāṇena vā sotavīññāṇena vā vijānitabbā. **Kenaci na viññeyyāti** teneva cakkhuvīññāṇena vā sotavīññāṇena vā na vijānitabbā. Evaṃ sante dvinnampi padānaṃ atthanānattato duko hoti.

14-19. **Āsavagocchake** āsavantīti **āsavā**, cakkhutopi -pa- manatopi sandanti, pavattantīti vuttaṃ hoti. Dhammato yāva gotrabhuṃ, okāśato yāva bhavaggaṃ savantīti vā **āsavā**, ete dhamme etaṅca okāśaṃ antokarivā pavattantīti attho. Antokaraṇattho hi ayaṃ **ā-kāro**. Cirapārīvāsiyaṭṭhena madirādayo āsavā, āsavā viyātipi **āsavā**. Lokasmiṃhi cirapārīvāsikā madirādayo āsavāti vuccanti. Yadi ca cirapārīvāsiyaṭṭhena āsavā, eteyeva bhavitumarahanti. Vuttaṅghetaṃ “purimā bhikkhave koṭi na paññāyati avijjāya ‘ito pubbe avijjā nāhosī’ti” ādi¹. Āyataṃ vā saṃsāradukkhaṃ savanti pasavantītipi **āsavā**. Tato aññe **no āsavā** nāma. Attānaṃ ārammaṇaṃ katvā

1. Am 3. 346 piṭṭhe.

pavattehi saha āsavehīti **sāsavā**. Evaṃ pavattamānā natthi etesaṃ āsavāti **anāsavā**. Sesam hetugocchake vuttanayena veditabbaṃ. Ayaṃ pana viseso, yathā tattha “na hetū kho pana dhammā sahetukāpi, ahelikāpi”ti ayaṃ osānaduko paṭhamadukassa dutiyapadaṃ ādimhi ṭhapetvā vutto, evaṃ idha “no āsavā kho pana dhammā sāsavāpi, anāsavāpi”ti na vutto. Kiñcāpi na vutto, atha kho ayañca añño ca bhedo tattha vuttanayeneva veditabbo.

20-25. **Samyojanagocchake** yassa samvijjanti, taṃ puggalaṃ vaṭṭasmiṃ samyojenti bandhantīti **samyojanā**. Tato aññe **no samyojanā** nāma. Ārammaṇabhāvaṃ upagantvā samyojanasambandhanena¹ samyojanānaṃ hitāti **samyojaniyā**, samyojanassa ārammaṇapaccayabhūtānaṃ etaṃ adhivacanaṃ. Na samyojaniyā **asamyojaniyā**. Sesam hetugocchake vuttanayeneva yojetabbaṃ.

26-31. **Ganthagocchake** yassa samvijjanti, taṃ cutipaṭisandhivasena vaṭṭasmiṃ ganthenti ghaṭentīti **ganthā**. Tato aññe **no ganthā**. Ārammaṇakaraṇavasena ganthehi ganthitabbāti **ganthaniyā**. Sesam hetugocchake vuttanayeneva yojetabbaṃ. Yathā ca idha, evaṃ ito paresupi vuttāvasesam tattha tattha vuttanayeneva veditabbaṃ.

32-37. **Oghagocchake** yassa samvijjanti, taṃ vaṭṭasmiṃyeva ohananti osīdāpentīti **oghā**. Ārammaṇaṃ katvā atikkamanīyato oghehi atikkamitabbāti **oghaniyā**. Oghānaṃ ārammaṇadhammā eva veditabbā.

38-43. **Yogagocchake** vaṭṭasmiṃ yojentīti **yogā**. **Yoganiyā** oghaniyā viya veditabbā.

44-49. **Nīvaraṇagocchake** cittaṃ nīvaranti pariyonandhantīti **nīvaraṇā**. **Nīvaraṇiyā** samyojaniyā viya veditabbā.

1. Samyojanasamvaḍḍhanena (Sī)

50-54. **Parāmāsagocchake** dhammānaṃ yathābhūtaṃ aniccādi-ākāraṃ atikkamitvā niccanti-ādivasena pavattamānā parato āmasantīti **parāmāsā**. Parāmāsēhi ārammaṇakaraṇavasena parāmaṭṭhattā **parāmaṭṭhā**.

55-68. **Mahantaradukesu** ārammaṇaṃ aggahetvā appavattito saha ārammaṇenāti **sārammaṇā**. Natthi etesaṃ ārammaṇanti **anārammaṇā**. Cintanaṭṭhena **cittā**, vicittaṭṭhena vā **cittā**. Avippayogavasena cetasi niyuttāti **cetasikā**. Nirantarabhāvūpagamanatāya uppādato yāva bhaṅgā cittena saṃsaṭṭhāti **cittasaṃsaṭṭhā**. Ekato vattamānāpi nirantarabhāvaṃ anupagamanatāya cittena viṣaṃsaṭṭhāti **cattaviṣaṃsaṭṭhā**. Samuṭṭhahanti etenāti samuṭṭhānaṃ, cittaṃ samuṭṭhānaṃ etesanti **cittasamuṭṭhānā**. Saha bhavantīti sahabhuno, cittena sahabhuno **cittasahabhuno**. Anuparivattantīti anuparivattino. Kim anuparivattanti? Cittaṃ. Cittassa anuparivattino **cittānuparivattino**. Cittasaṃsaṭṭhā ca te cittasamuṭṭhānā cāti **cittasaṃsaṭṭhasamuṭṭhānā**. Cittasaṃsaṭṭhā ca te cittasamuṭṭhānā ca cittasahabhuno eva cāti **cittasaṃsaṭṭhānasahabhuno**. Cittasaṃsaṭṭhā ca te cittasamuṭṭhānā ca cittānuparivattino eva cāti **cittasaṃsaṭṭhasamuṭṭhānānuparivattino**. Sesāni sabbapādāni vuttapadānaṃ paṭikkhepavasena veditabbāni. Ajjhatajjhattaṃ sandhāya ajjhattattike vuttavasena ajjhattāva **ajjhattikā**. Tato bahibhūtāti **bāhirā**. Upādiyanteva bhūtāni, na bhūtāni viya upādiyantīti **upādā**. Na upādiyantevāti **no-upādā**.

69-74. **Upādānagocchake** bhusaṃ ādiyantīti **upādānā**, daḥhaggāhaṃ gaṇhantīti attho. Tato aññe **no-upādānā**.

75-82. **Kilesagocchake** saṃkiliṭṭhattike vuttanayeneva attho veditabbo.

83-100. **Piṭṭhidukesu** kāme avacarantīti **kāmāvacarā**. Rūpe avacarantīti **rūpāvacarā**. Arūpe avacarantīti **arūpāvacarā**. Ayamettha saṅkhepo, vitthāro pana parato āvi bhavissati. Tebhūmakavaṭṭe pariyāpannā antogadhāti **pariyāpannā**. Tasmim na pariyāpannāti **apariyāpannā**. Vaṭṭamūlaṃ chindantā nibbānaṃ ārammaṇaṃ katvā vaṭṭato niyyantīti **niyyānikā**.

Iminā lakkhaṇena na niyyantīti **aniyyānikā**. Cutiyā vā attano vā pavattiyā anantaram phaladāne niyatattā **niyatā**. Tathā aniyatattā **aniyatā**. Aññe dhamme uttaranti pajahantīti **uttarā**, attānaṃ uttaritum samatthehi saha uttarehīti **sa-uttarā**. Natthi etesaṃ uttarāti **anuttarā**. Raṇanti etehīti **raṇā**, yehi abhibhūtā sattā nānappakārena kandanti paridevanti, tesam rāgādīnaṃ etaṃ adhivacanaṃ. Sampayogavasena pahānekaṭṭhatāvasena ca saha raṇehīti **saraṇā**. Tenākārena natthi etesaṃ raṇāti **araṇā**.

Suttantikadukamātikāpadavaṇṇanā

101-108. Suttantikadukesu sampayogavasena vijjaṃ bhajantīti **vijjābhāgino**, vijjābhāge vijjakoṭṭhāse vattantītipi **vijjābhāgino**. Tattha vipassanāñāṇaṃ manomayiddhi cha abhiññāti aṭṭha vijjā. Purimena atthena tāhi sampayuttadhammāpi vājābhāgino, pacchimena atthena tāsu yā kāci ekā vijjā vijjā¹. Sesā vijjābhāginoti evaṃ vijjāpi vijjāya sampayuttadhammāpi vijjābhāginotveva veditabbā. Idha pana sampayuttadhammāva adhippetā. Sampayogavaseneva avijjaṃ bhajantīti **avijjābhāgino**, avijjābhāge avijjakoṭṭhāse vattantītipi **avijjābhāgino**. Tattha dukkhapaṭicchādakaṃ tamo samudayādiṭṭhācchādakanti catasso avijjā. Purimanayeneva tāhi sampayuttadhammāpi avijjābhāgino. Tāsu² yā kāci ekā avijjā avijjā, sesā avijjābhāginoti evaṃ avijjāpi avijjāya sampayuttadhammāpi avijjābhāginotveva veditabbā. Idha pana sampayuttadhammāva adhippetā.

Puna anajjhottharaṇabhāvena kilesandhakāraṃ viddhaṃsetum asamatthatāya vijju upamā etesanti **vijjūpamā**. Nissesaṃ viddhaṃsanasamatthatāya vajiraṃ upamā etesanti **vajirūpamā**. Bālesu ṭhitattā yattha ṭhitā tadupacārena **bālā**. Paṇḍitesu ṭhitattā **paṇḍitā**. Bālakarattā vā **bālā**. Paṇḍitakarattā **paṇḍitā**. Kaṇhāti kālakā, cittassa apabhassarabhāvakaraṇā. **Sukkāti**

1. Ekā vijjā (Ka)

2. Pacchimena atthena tāsu (Sī)

odātā, cittassa pabhassarabhāvakaraṇā. Kaṇhābhijātihetuto vā **kaṇhā**.
Sukkābhijātihetuto **sukkā**. Idha ceva samparāye ca tapentīti¹ **tapanīyā**. Na
tapanīyā **atapanīyā**.

Adhivacanadukādayo tayo atthato ninnānākaraṇā, byañjanamevettha
nānam. Sirivaḍḍhako dhanavaḍḍhakoti-ādayo hi vacanamattameva
adhikāraṃ katvā pavattā **adhivacanā** nāma, adhivacanānam pathā
adhivacanapathā. “Abhisankharontīti kho bhikkhave tasmā saṅkhārā”²
evam niddhāretvā sahetukaṃ katvā vuccamānā abhilāpā **nirutti** nāma.
Niruttināṃ pathā **niruttipathā**. “Takko vitakko, saṅkappo”³ evam tena tena
pakārena ñāpanato **paññatti** nāma, paññattīnam pathā **paññattipathā**. Ettha ca
ekaṃ dukkaṃ vatvāpi itaresaṃ vacane payojanaṃ Hetugocchake
vuttanayeneva veditabbaṃ.

109-118. **Nāmarūpaduke** nāmakaraṇaṭṭhena, nāmanaṭṭhena,
nāmanaṭṭhena ca **nāmaṃ**. Ruppanaṭṭhena **rūpaṃ**. Ayamettha saṅkhepo,
vitthāro pana **nikkhepakaṇḍe**⁴ āvi bhavissati. **Avijjāti** dukkhādīsu aññāṇaṃ.
Bhavataṇhāti bhavapattanaṃ. **Bhavaditṭhīti** bhavo vuccati sassataṃ,
sassatavasena uppajjanaditṭhi. “Sassato attā ca loko cā”⁵ti pavattā ditṭhi
sassataditṭhi. “Ucchijjissati”⁶ti pavattā ditṭhi **ucchedaditṭhi**. “Antavā”⁷ti
pavattā ditṭhi **antavādītṭhi**. “Anantavā”⁸ti pavattā ditṭhi **anantavādītṭhi**.
Pubbantaṃ anugatā ditṭhi **pubbantānudītṭhi**. Aparantaṃ anugatā ditṭhi
aparantānudītṭhi. **Ahirikanti** “yaṃ na hiriyati hiriyitabbenā”⁹ti⁵ evam
vitthārīto nillajjātā. **Anottappanti** “yaṃ na ottappati ottappitabbenā”¹⁰ti⁵ evam
vitthārīto abhāyanaka-ākāro. Hiriyānā **hirī**. Ottappanā⁶ **ottappanā**.
Dovacassatādīsu dukkhaṃ vaco etasmim vippaṭikūlagāhimhi
vipaccanikasāte anādare puggaleti **dubbaco**, tassa kammaṃ **dovacassaṃ**,
tassa bhāvo **dovacassatā**. Pāpā assaddhādayo puggalā etassa mittāti
pāpamitto, tassa bhāvo **pāpamittatā**. **Sovacassatā ca kalyāṇamittatā** ca
vuttapaṭipakkhanayena veditabbā.

1. Tapanīti (Syā)

2. Saṃ 2. 72 piṭṭhe.

3. Abhi 1. 18 piṭṭhādīsu.

4. Upāri 421 piṭṭhe.

5. Abhi 1. 94 piṭṭhe.

6. Ottapanā (Sī)

119-123. “Pañcapi āpattikkhandhā āpattiyo, sattapi āpattikkhandhā āpattiyo”¹ evaṃ vuttāsu āpattīsu kusalābhāvo **āpattikusalatā**. Tāhi āpattīhi vuṭṭhāne kusalabhāvo **āpattivuṭṭhānakusalatā**. Samāpattīsu kusalabhāvo **samāpattikusalatā**, samāpattīnaṃ appanāparicchedapaññāyetaṃ adhivacanaṃ. Samāpattīti vuṭṭhāne kusalabhāvo **samāpattivuṭṭhānakusalatā**. Aṭṭhārasasu dhātūsu kusalabhāvo **dhātukusalatā**. Tāsāmyeva dhātūnaṃ manasikāre kusalabhāvo **manasikārakusalatā**. Cakkhāyatanādīsū kusalabhāvo **āyatanakusalatā**. Dvādasāṅge paṭiccasamuppāde kusalabhāvo **paṭiccasamuppādakusalatā**. Tasmim̐ tasmim̐ ṭhāne kusalabhāvo **ṭhānakusalatā**, ṭhānanti kāraṇaṃ vuccati. Tasmim̐hi tadāyattavuttitāya phalaṃ tiṭṭhati nāma, tasmā “**ṭhānan**”²ti vuttaṃ. Aṭṭhāne kusalabhāvo **aṭṭhānakusalatā**.

124-134. Ujubhāvo **ajjavo**. Mudubhāvo **maddavo**. Adhivāsanaśākhāto khamanabhāvo **khanti**. Suratassa bhāvo **soraccam̐**. Sammodakamudubhāvasaśākhāto sakhilabhāvo **sākhalyam̐**. Yathā parehi saddhim̐ attano chiddam̐ na hoti, evaṃ dhammāmisehi paṭisantharaṇaṃ **paṭisanthāro**². Indriyasam̐varabhedasaśākhāto manacchaṭṭhesu indriyesu aguttadvārabhāvo **indriyesu aguttadvāratā**. Paṭiggahaṇaparibhogavasena bhojane mattam̐ ajānanabhāvo **bhojane amattaññutā**. Anantaraduko vuttapaṭipakkhanayena veditabbo. Sativippavāsasaśākhāto muṭṭhassatibhāvo **muṭṭhassaccam̐**. Asampajānabhāvo **asampajāññam̐**. Saratīti **sati**. Sampajānātīti **sampajāññam̐**. Appaṭisaśākhāne akampanaṭṭhena paṭisaśākhānaśākhātāṃ balaṃ **paṭisaśākhānabalaṃ**. Vīriyasīsena satta bojjhaṅge bhāventassa uppannaṃ balaṃ **bhāvanābalaṃ**. Paccanīkadhamme sametīti **samatho**. Aniccādivasena vividhena ākārena passatīti **vipassanā**. Samathova taṃ ākāraṃ gahetvā puna pavattetabbassa samathassa nimittavasena **samathanimittam̐**. Paggāhanimittepi eseva nayo. Sampayuttadhamme paggaṇhātīti **paggāho**. Na vikkipatīti **avikkhepo**.

135-142. Sīlavināsikā asaṃvarasaśākhātā sīlassa vipatti **sīlavipatti**. Sammādiṭṭhivināsikā micchādiṭṭhisāśākhātā diṭṭhiyā vipatti **diṭṭhivipatti**.

1. Abhi 1. 258 piṭṭhe.

2. Paṭisandharaṇaṃ paṭisandhāro (Ka)

soraccameva sīlassa sampādanato sīlaparipūraṇato sīlassa sampadāti **sīlasampadā**. Diṭṭhipāripūribhūtaṃ ñāṇaṃ diṭṭhiyā sampadāti **diṭṭhisampadā**. Visuddhibhāvaṃ sampattā sīlasaṅkhātā sīlassa visuddhi **sīlavisuddhi**. **Nibbāna**saṅkhātāṃ visuddhiṃ pāpetuṃ samatthā dassana¹saṅkhātā diṭṭhiyā visuddhi **diṭṭhivisuddhi**. **Diṭṭhivisuddhi kho pana yathādiṭṭhissa ca padhānanti** kammassakataññāṇādisaṅkhātā diṭṭhivisuddhi ceva yathādiṭṭhissa ca anurūpadiṭṭhissa kalyāṇadiṭṭhissa taṃsampayuttameva padhānaṃ. **Samvegoti** jāti-ādīni paṭicca uppannabhaya¹saṅkhātāṃ samvijjanaṃ¹. **Samvejaniyaṭṭhānanti** samvegajana¹kaṃ jāti-ādikāraṇaṃ. **Samvigassa ca yonisopadhānanti** evaṃ samvegajātassa upāyapadhānaṃ. **Asantuṭṭhitā ca kusalesu dhammesūti** kusaladhammapūraṇe asantuṭṭhibhāvo. **Appaṭi vānitā ca padhānasminti** arahattaṃ apatvā padhānasmim̐ anivattana¹tā anosakkanatā. Vijānana¹to **vijjā**. Vimuccana¹to **vumutti**. **Khaye ñāṇanti** kilesakkhaya¹ka¹re ariyamagge ñāṇaṃ. **Anuppāde ñāṇanti** paṭisandhivasena anuppā¹dabhūte taṃtaṃmaggavajjhakilesānaṃ anuppā¹dapariyosāne uppanne ariyaphale ñāṇaṃ. Ayaṃ mātikāya anupubbapada¹vannaṃ.

Dukamātikāpadavaṇṇanā niṭṭhitā.

1. Samvejanaṃ (Syā, Ka)

Kāmāvacarakusalapadabhājanīya

1. Idāni yathāni nikkhittāya mātikāya saṅgahite dhamme pabhedato dassetuṃ “**katame dhammā kusalā**”ti idaṃ padabhājanīyaṃ āradham. Tattha yadetaṃ “yasmim̐ samaye kāmāvacaraṃ kusalaṃ cittaṃ uppannaṃ hotī”ti paṭhamaṃ kāmāvacarakusalaṃ dassitaṃ, tassa tāva niddese dhammavavatthānavāro saṅgahavāro suññatavāroti tayo mahāvārā honti. Tesu dhammavavatthānavāro uddesaniddesavasena dvidhā ṭhito, tesu uddesavārassa pucchā samayaniddeso dhammuddeso appanāti cattāro paricchedā. Tesu **katame dhammā kusalā**ti ayaṃ pucchā nāma. **Yasmim̐ samaye kāmāvacaraṃ -pa-**. **Tasmim̐ samayeti** ayaṃ samayaniddeso nāma. **Phasso hoti -pa- avikkhepo hotī**ti ayaṃ dhammuddeso nāma. **Ye vā pana tasmim̐ samaye aññepi atthi paṭiccasamuppannā arūpino dhammā, ime dhammā kusalā**ti ayaṃ appanā nāma.

Evam̐ catūhi paricchedehi ṭhitassa uddesavārassa yvāyaṃ paṭhamo pucchāparicchedo. Tattha “katame dhammā kusalā”ti ayaṃ kathetukamyatāpucchā.

Pañcavidhā hi pucchā adiṭṭhajotanāpucchā diṭṭhasamsandanāpucchā vimaticchedanāpucchā anumatipucchā kathetukamyatāpucchāti. Tāsaṃ idaṃ nānattham—

¹Katamā adiṭṭhajotanāpucchā? Pakatīyā lakkhaṇaṃ aññātaṃ hoti adiṭṭhaṃ atulitaṃ atīritaṃ avibhūtaṃ avibhāvitaṃ, tassa ñāṇāya dassanāya tulanāya tīraṇāya vibhūtatthāya vibhāvanatthāya pañhaṃ pucchati. Ayaṃ adiṭṭhajotanāpucchā.

Katāmā diṭṭhasamsandanāpucchā? Pakatīyā lakkhaṇaṃ ñātaṃ hoti diṭṭhaṃ tulitaṃ tīritaṃ vibhūtaṃ vibhāvitaṃ, so aññehi paṇḍitehi saddhim̐ samsandanatthāya pañhaṃ pucchati. Ayaṃ diṭṭhasamsandanāpucchā.

1. Khu 7. 263; Khu 8. 50 piṭṭhādisu.

2. Vibhūtāya (Sī, Syā, Ka) Khu 8. 50 Cūlaniddesena samsanditabbaṃ.

Katamā vimaticchedanāpucchā? Pakatīyā saṁsayapakkhando¹ hoti vimatipakkhando dvelhakaajāto “evaṁ nu kho, nanu kho, kiṁ nu kho, kathaṁ nu kho”ti, so vimaticchedanattāya pañhaṁ pucchati. Ayaṁ vimaticchedanāpucchā.

Katamā anumati-pucchā? Bhagavā bhikkhūnaṁ anumatiyā pañhaṁ pucchati “taṁ kiṁ maññatha bhikkhave rūpaṁ niccaṁ vā aniccaṁvā”ti. Aniccaṁ bhante. Yaṁ paṇāniccaṁ, dukkhaṁ vā taṁ sukhaṁ vāti. Dukkhaṁ bhante. Yaṁ paṇāniccaṁ dukkhaṁ vipariṇāmadhammaṁ, lallaṁ nu taṁ samanupassitum “etaṁ mama, esohamasmi, eso me attā”ti. Nohetaṁ bhanteti². Ayaṁ anumati-pucchā.

Katamā kathetukamyatāpucchā? Bhagavā bhikkhūnaṁ kathetukamyatāya pañhaṁ pucchati “cattārome bhikkhave satipaṭṭhānā. Katame cattāro”ti³. Ayaṁ kathetukamyatāpucchāti.

Tattha Buddhānaṁ purimā tisso pucchā natthi, kasmā? Buddhānañhi tīsu addhāsu kiñci saṅkhataṁ addhāvimuttaṁ vā asaṅkhataṁ adiṭṭhaṁ anaññātaṁ ajotitaṁ atulitaṁ atīritaṁ avibhūtaṁ avibhāvitaṁ nāma natthi, tena tesāṁ adiṭṭhajotanāpucchā natthi. Yaṁ pana Bhagavatā attano ñāṇena paṭividdhaṁ, tassa aññena samaṇena vā brāhmaṇena vā devena vā mārena vā brahmunā vā saddhiṁ saṁsandanakiccaṁ natthi, tenassa diṭṭhasaṁsandanāpucchā natthi. Yasmā panesa akathaṁkathī tiṇṇavicikicco sabbadhammesu vihatasaṁsayo, tenassa vimaticchedanāpucchā natthi. Itarā pana dve pucchā Bhagavato atthi. Tāsu ayaṁ “kathetukamyatāpucchā”ti veditabbā.

Tattha “**katame**”tipadena niddisitabbadhamme pucchati, “dhammā kusalā”ti hi vacanamattena “kiṁ katā, kiṁ vā karontī”ti na sakkā ñātum. “Katame”ti vutte pana tesāṁ puṭṭhabhāvo paññāyati, tena vuttam “katametipadena niddisitabbadhamme pucchati”ti. “**Dhammā kusalo**”tipadadvayena pucchāya puṭṭhadhamme dasseti, tesāṁ attho heṭṭhā pakāsitova.

Kasmā panettha mātīkāyaṁ viya “kusalā dhammā”ti avatvā “dhammā kusalā”ti padānukkamo katoti. Pabhedato dhammānaṁ desanaṁ dīpetvā pabhedavantadassanatthaṁ. Imasmiñhi abhidhamme dhammāva desetabbā, te ca kusalādīhi pabhedehi anekappabhedā, tasmā dhammāyeva idha

1. Saṁsayapakkhanto (Sī, Syā)

2. Saṁ 2. 73; Vi 3. 19 piṭṭhedīsu.

3. Dī 2. 230 piṭṭhādīsu.

desetabbā. Nāyaṃ vohāradesanā, te ca anekappabhedato desetabbā, na dhammamattato. Pabhedato hi desanā ghanavinibbhogapaṭisambhidāññāvahā hotīti “kusalā dhammā”ti evaṃ pabhedato dhammānaṃ desanaṃ dīpetvā idāni ye tena pabhedena desetabbā dhammā, te dassetuṃ ayaṃ “**katame dhammā kusalā**”ti padānukkamo katoti vedītabbo. Pabhedavantesu hi dassitesu pabhedo dassiyamāno yujjati, suviññeyyo ca hotīti.

Idāni **yasmiṃ samaye kāmāvacaraṃ kusalaṃ cittanti** ettha—

Samaye niddisi cittaṃ, cittena samayaṃ Muni.

Niyametvāna dīpetuṃ, dhamme tattha pabhedato.

“Yasmiṃ samaye kāmāvacaraṃ kusalaṃ cittaṃ”ti hi niddisanto Bhagavā samaye cittaṃ niddisi. Kim kāraṇā? Tena samayanīyamitena cittena pariyoṣāne “tasmīṃ samaye”ti evaṃ samayaṃ niyametvāna atha vijjamaṇepi samayanānante yasmiṃ samaye cittaṃ, tasmīṃ yeva samaye phasso hoti vedanā hotīti evaṃ tasmīṃ cittaniyamite samaye ete santatisamūhakkiccārammaṇaḥnavasena duranubodhappabhede phassavedanādayo dhamme bodhetunti attho.

Idāni **yasmiṃ samayeti**-ādīsu ayamanupubbapadavaṇṇanā—**yasmiṃti** aniyamato bhummaniddeso. **Samayeti** aniyamaniddiṭṭhaparidīpanaṃ. Ettāvataṃ aniyamato samayo niddiṭṭho hoti. Tattha **samayasaddo**—

Samavāye khaṇe kāle, samūhe hetu diṭṭhisu.

Paṭilābhe pahāne ca, paṭivedhe ca dissati.

Tathā hissa “appeva nāma svepi upasaṅkameyyāma kālañca samayañca upādāyā”ti¹ evamādīsu samavāyo attho. “Ekova kho bhikkhave khaṇo ca samayo ca brahmacariyavāsāyā”ti-ādīsu² khaṇo. “Uṇhasamayo pariḷāhasamayo”ti-ādīsu³ kālo. “Mahāsamayo pavanasmin”ti-ādīsu⁴ samūho. “Samayopi kho te Bhaddāli appaṭividdho

1. Dī 1. 188 piṭṭhe.

3. Vi 2. 155 piṭṭhe.

2. Aṃ 3. 61 piṭṭhe.

4. Dī 2. 201 piṭṭhe.

ahosi, Bhagavā kho Sāvattṭhiyaṃ viharati, Bhagavāpi maṃ jānissati
 ‘Bhaddāli nāma bhikkhu Satthusāsane sikkhāya aparipūrakārī’ti. Ayampi
 kho te Bhaddāli samayo appaṭividdho ahoṣī”ti-ādīsu¹ hetu. “Tena kho pana
 samayena uggāhamāno paribbājako samaṇamuṇḍikāputto²
 samayappavādake Tindukācīre ekasālake Mallikāya ārāme paṭivasatī”ti-
 ādīsu³ diṭṭhi.

“Diṭṭhe dhamme ca yo attho, yo cattho samparāyiko.
 Atthābhisamayā dhīro, paṇḍitoti pavuccatī”ti—

Ādīsu⁴ paṭilābho. “Sammā mānābhisamayā antamakāsi dukkhassā”ti-
 ādīsu⁵ pahānaṃ. “Dukkhassa pīḷanaṭṭho saṅkhatatṭho santāpaṭṭho
 vipariṇāmatṭho abhisamayatṭho”ti-ādīsu⁶ paṭivedho. Evamanekesu
 samayesu—

Samavāyo khaṇo kālo, samūho hetuyeva ca.
 Ete pañcapi viññeyyā, samayā idha viññunā.

“Yasmiṃ samaye kāmāvacaraṃ kusalan”ti imasmiñhi kusalādhikāre
 tesu navasu samayesu ete samavāyādayo pañca samayā paṇḍitena veditabbā.

Tesu paccayasāmaggī, samavāyo, khaṇo pana.
 Ekova navamo ñeyyo, cakkāni caturopi vā.

Yā hi esā sādḥāraṇaphalanipphādakattena saṅṅhitā paccayānaṃ
 sāmaggī, sā idha “samavāyo”ti nātabbā. “Ekova kho bhikkhave khaṇo ca
 samayo ca brahmacariyavāsāyā”ti⁷ evaṃ vutto pana navamova khaṇo “eko
 khaṇo”ti veditabbo. Yāni vā panetāni “cattārimāni bhikkhave cakkāni, yehi
 samannāgatānaṃ devamanussānaṃ catucakkaṃ vattatī”ti ettha
 patirūpadesavāso, sappurisūpanissayo, attasammāpaṇidhi, pubbe ca
 katapuññatāti⁸ cattāri cakkāni vuttāni,

1. Ma 2. 102 piṭṭhe.

3. Ma 2. 214 piṭṭhe.

5. Ma 1. 15 piṭṭhe.

7. Am 3. 61 piṭṭhe.

2. Samaṇamuṇḍikāputto (Sī)

4. Saṃ 1. 90 piṭṭhe.

6. Khu 9. 293 Paṭisambhidāmagge.

8. Am 1. 341 piṭṭhe.

etāni vā¹ ekajjhaṃ katvā okāsaṭṭhena “khaṇo”ti veditabbāni². Tāni hi kusaluppattiyā okāsabhūtāni.

Evam samavāyañca khaṇañca ñatvā itaresu—

Tam tam upādāya paññatto, kālo vohāramattako.

Puñjo phassādiddhammānaṃ, samūhoti vibhāvito.

“Cittakālo rūpakālo”ti-ādinā hi nayena dhamme vā “atīto anāgato”ti-ādinā nayena dhammavuttiṃ vā “bījakālo aṅkurakālo”ti-ādinā nayena dhammapaṭipāṭiṃ vā “uppādakālo jarākālo”ti-ādinā nayena dhammalakkhaṇaṃ vā “vedīyanakālo sañjānanakālo”ti-ādinā nayena dhammakiccaṃ vā “nhānakālo³ pānakālo”ti-ādinā nayena sattakiccaṃ vā “gamanakālo ṭhānakālo”ti-ādinā nayena iriyāpathaṃ vā “pubbaṅho sāyanho divā rattī”ti-ādinā nayena candimasūriyādiparivattanaṃ vā “aḍḍhamāso māso”ti-ādinā nayena ahorattādisaṅkhātāṃ kālasañcayāṃ vāti evaṃ tam tam upādāya paññatto kālo nāma. So panesa sabhāvato avijjamānattā paññattimattako evāti veditabbo. Yo panesa phassavedanādīnaṃ dhammānaṃ puñjo, so idha “samūho”ti vibhāvito. Evaṃ kālasamūhepi ñatvā itaro pana—

Hetūti paccayovettha, tassa dvārasena vā.

Anekabhāvo viññeyyo, paccayānaṃ vasena vā.

Ettha hi paccayova hetu nāma. Tassa dvārānaṃ vā paccayānaṃ vā vasena anekabhāvo veditabbo. Kathaṃ? Cakkhudvārādīsu hi uppajjamānānaṃ cakkhuvīññāṇādīnaṃ cakkhurūpa-ālokamanasikārādayo paccayā. **Māhāpakaraṇe** ca “hetupaccayo ārammaṇapaccayo”ti-ādinā nayena catuvīsati paccayā vuttā, tesu ṭhapetvā vipākapaccayañca pacchājātapaccayañca sesā kusaladhammānaṃ paccayā hontiyeva. Te sabbepi idha hetūti adhippetā. Evamassa iminā dvārasena vā paccayavasena vā anekabhāvo

1. Tāni vā pana (Sī), tāni vā (Syā), tāni (?) 2. Veditabbo (Sī) 3. Nahānakālo (Sī, Syā)

veditabbo. Evamete samavāyādayo pañca atthā idha samayasaddena pariggahitāti veditabbā.

Kasmā pana etesu yaṃkiñci ekaṃ apariggahetvā sabbesaṃ pariggaho katoti? Tena tena tassa tassa atthavisesassa dīpanato. Etesu hi samavāyasaṅkhāto samayo anekahetuto vuttiṃ dīpeti. Tena ekakāraṇavādo paṭisedhito hoti. Samavāyo ca nāma sādharmaṇaphalanipphādane aññamaññāpekkho hoti. Tasmā “eko kattā nāma natthī”ti imampi attham dīpeti, sabhāvena hi kāraṇe sati kāraṇantarāpekkhā ayuttāti. Evaṃ ekassa kassaci kārakassa abhāvādīpanena “sayamkataṃ sukhadukkhā”ti-ādi paṭisedhitam hoti.

Tattha siyā “yaṃ vuttaṃ ‘anekahetuto vuttaṃ dīpeti’ti, taṃ na yuttaṃ. Kim kāraṇā? Asāmaggiyaṃ ahētūnaṃ sāmaggīyampi ahētubhāvāpattito, na hi ekasmiṃ andhe daṭṭhuṃ asakkonte andhasataṃ passatī”ti. No na yuttaṃ. Sādharmaṇaphalanipphādakattena¹ hi ṭhitabhāvo sāmaggī, na anekesaṃ samodhānamattaṃ, na ca andhānaṃ dassanaṃ nāma sādharmaṇaphalaṃ. Kasmā, andhasate satipi tassa abhāvato. Cakkhādīnaṃ pana taṃ sādharmaṇaphalaṃ, tesaṃ bhāve bhāvato. Asāmaggiyaṃ ahētūnampi ca sāmaggīyaṃ hetubhāvo siddo. Svāyaṃ asāmaggiyaṃ phalābhāvena, sāmaggīyañcassa bhāvena veditabbo, cakkhādīnañhi vekalle cakkhuviññāḍīnaṃ abhāvo, avekalle ca bhāvo paccakkhasiddho lokassāti. Ayaṃ tāva samavāyasaṅkhātena samayena attho dīpito.

Yo panesa aṭṭhahi akkhaṇehi parivajjito navamo khaṇo, patirūpadesavāsādiko ca catucakkasaṅkhāto okāsaṭṭhena khaṇo vutto, so manussattabuddhuppādasaddhammaṭṭhiti-ādikaṃ² khaṇasāmaggīṃ vinā natthi, manussattādīnañca kāṇakacchapopamādīhi³ dullabhabhāvo. Iti khaṇassa dullabhataṃ suṭṭhutaṃ khaṇāyattaṃ lokuttaradhammānaṃ upakārabhūtaṃ kusalaṃ

1. Sādharmaṇaphalanipphādakaṭṭhena (Ka)

2. Manussattabuddhuppādasammādiṭṭhi-ādikaṃ (Sī),

manussattabuddhuppādasaddhammasavanasammādiṭṭhi-ādikaṃ (Syā)

3. Ma 3. 207 piṭṭhe.

dullabhameva. Evametesu khaṇasaṅkhāto samayo kusaluppattiyā dullabhabhāvaṃ dīpeti. Evaṃ dīpentena anena adhigatakhaṇānaṃ khaṇāyattasseva tassa kusalassa ananuṭṭhānena moghakhaṇaṃ kurumānānaṃ pamādavihāro paṭisedhito hoti. Ayaṃ khaṇasaṅkhātena samayena attho dīpito.

Yo panetassa kusalacittassa pavattikālo nāma hoti, so atiparitto, sā cassa atiparittatā “yathā ca bhikkhave tassa purisassa javo, yathā ca candimasūriyānaṃ javo, yathā ca yā devatā candimasūriyānaṃ purato dhāvanti, tāsāṃ devatānaṃ javo, tato sīghataraṃ āyusaṅkhārā khīyanti”¹ ti imassa suttassa Aṭṭhakathāvasena vedītabbā. Tatra hi so rūpaṅgavindriyassa tāva parittako kālo vutto. Yāva paṭuppannaṃ² rūpaṃ tiṭṭhati, tāva soḷasa cittāni uppajjitvā bhijjanti. Iti tesāṃ kālaparittatāya upamāpi natthi. Tenevāha “yāvañcidaṃ bhikkhave upamāpi na sukarā, yāva lahu-parivattaṃ cittaṃ”³ ti. Evametesu kālasaṅkhāto samayo kusalacittappavattikālassa atiparittataṃ dīpeti. Evaṃ dīpentena cānena atiparittakālatāya vijjulatobhāsenā⁴ muttāvuṇaṇaṃ viya duppaṭivijjhamidaṃ cittaṃ, tasmā etassa paṭivedhe mahā-ussāho ca ādaro ca kattabboti ovādo vinno hoti. Ayaṃ kālasaṅkhātena samayena attho dīpito.

Samūhasaṅkhāto pana samayo anekesaṃ sahuppattiṃ dīpeti. Phassādīnaṃhi dhammānaṃ puñjo “samūho”⁵ ti vutto. Tasmīṃca uppajjamānaṃ cittaṃ saha tehi dhammehi uppajjatīti anekesaṃ sahuppatti dīpitā. Evaṃ dīpentena cānena ekasseva dhammassa uppatti paṭisedhitā hoti, ayaṃ samūhasaṅkhātena samayena attho dīpito.

Hetusaṅkhāto pana samayo parāyattavuttitaṃ dīpeti. “Yasmiṃ samaye”⁶ ti hi padassa yasmā “yasmiṃ hetumhi sati uppannaṃ hoti”⁷ ti ayamattho, tasmā hetumhi sati pavattito parāyattavuttitā dīpitā.

1. Saṃ 1. 465piṭṭhe.

2. Paccuppannaṃ (Syā), panuppannaṃ (Sī)

3. Am 1. 9 piṭṭhe.

4. Vijjutobhāsenā (Sī, Syā)

Evam dīpentena cānena dhammānaṃ savasavattitābhimāno paṭisedhito hoti, ayaṃ hetusaṅkhātena samayena attho dīpito.

Tattha **yasmim̐ samayeti** kālasaṅkhātassa samayassa vasena yasmim̐ kāleti attho, samūhasaṅkhātassa yasmim̐ samūheti, khaṇasamavāyahetusaṅkhātānaṃ yasmim̐ khaṇe sati, yāya sāmaggīyā sati, yamhi hetumhi sati kāmāvacaraṃ kusalaṃ cittaṃ uppannaṃ hoti, tasmim̐ yeva sati phassādayopīti ayamatto veditabbo. Adhikaraṇaṅhi kālasaṅkhāto samūhasaṅkhāto ca samayo tattha vuttadhammānanti adhikaraṇavasenettha bhumbaṃ, khaṇasamavāyahetusaṅkhātassa ca samayassa bhāvena tesāṃ bhāvo lakkhīyatīti bhāvenabhāvalakkhaṇavasenettha bhumbaṃ.

Kāmāvacaranti “katame dhammā kāmāvacarā, heṭṭhato Avīcinirayaṃ, uparito Paranimmitavasavattim̐ pariyaṅtaṃ katvā”ti-ādinā¹ nayena vuttesu kāmāvacaradhammesu pariyaṅpannaṃ. Tatrāyaṃ vacanattho—uddānato dve kāmā vatthukāmo ca kilesakāmo ca. Tattha kilesakāmo atthato chandarāgo va, vatthukāmo tebhūmakavaṭṭaṃ. Kilesakāmo cettha kāmetīti **kāmo**, itaro pana kāmiyatīti **kāmo**. Yasmim̐ pana padese duvidhopeso kāmo pavattivasena avacarati, so catunnaṃ apāyānaṃ, manussānaṃ, channaṅca deva lokānaṃ vasena ekādasavidho padeso “kāmo ettha avacarati”ti **kāmāvacaro** sasatthāvacaro viya. Yathā hi yasmim̐ padese sasatthā purisā avacaranti, so vijjamānesupi aññesu dvipadacatuppadesu avacarantesu tesāṃ abhilakkhitattā “sasatthāvacaro”tveva vuccati. Evam̐ vijjamānesupi aññesu rūpāvacarādīsū tattha avacarantesu tesāṃ abhilakkhitattā ayaṃ padeso “kāma vacaro”tveva vuccati. Svāyaṃ yathā rūpabhavo rūpaṃ, evam̐ uttarapadalopaṃ katvā “kāmo”tveva vuccati. Evamidaṃ cittaṃ imasmim̐ ekādasapadesasaṅkhāte kāme avacarati **kāmāvacaraṃ**.

Kiñcāpi hi etaṃ rūpārūpabhavesu avacarati, yathā pana saṅgāme avacaraṇato “saṅgāmāvacaro”ti laddhanāmako nāgo nagare carantopi “saṅgāmāvacaro”tveva vuccati. Thalajalacarā ca pāṇā

1. Abhi 1. 253 piṭṭhe.

athale, ajale ca ṭhitāpi “thalacarā jalacarā”tveva vuccanti. Evamidam aññattha avacarantampi kāmāvacaramevāti veditabban.

Ārammaṇakaraṇavasena vā ettha kāmo avacaratītipi **kāmāvacaram**. Kāmañcesa rūpārūpāvacaresupi avacarati. Yathā pana “vadatīti vaccho, mahiyam setīti mahimso”ti vutte na sattā yattakā vadanti, mahiyam vā senti, sabbesam tam nāmam hoti, evamsampadamidam veditabban. Apica kāmabhavasāṅkhāte kāme paṭisandhim avacāretītipi **kāmāvacaram**.

Kusalanti kucchitānam salanādīhi atthehi kusalam. Apica ārogyaṭṭhena, anavajjaṭṭhena, kosallasambhūtaṭṭhena ca kusalam, yatheva hi “kacci nu bhoto kusalan”ti¹ rūpakāye anāturatāya agelaññena nibyādhitāya ārogyaṭṭhena kusalam vuttam. Evam arūpadhammepi kilesāturatāya, kilesagelaññassa ca kilesabyādhipino abhāvena ārogyaṭṭhena kusalam veditabban. Kilesavajjassa, pana kilesadosassa, kilesadarathassa ca abhāvā anavajjaṭṭhena kusalam, kosallam vuccati paññā, kosallato sambhūtattā kosallasambhūtaṭṭhena kusalam.

Ñāṇasampayuttam tāva evam hotu, ñāṇavippayuttam kathanti? Tampi ruḷhīsaddena kusalameva, yathā hi tālapaṇṇehi akatvā kilañjādīhi katampi tamсарikkhattā ruḷhīsaddena “tālavaṇṇan”tveva vuccati, evam ñāṇavippayuttampi “kusalan”tveva veditabban. Nippariyāyena pana ñāṇasampayuttam ārogyaṭṭhena anavajjaṭṭhena kosallasambhūtaṭṭhenāti tividhenapi “kusalan”ti nāmam labhati, ñāṇavippayuttam duvidheneva. Iti yañca jātakapariyāyena yañca bāhitikasuttapariyāyena yañca abhidhammapariyāyena kusalam kathitam, sabbam tam tīhipi atthehi imasmim citte labbhati.

Tadetaṃ lakkhaṇādivasena anavajjasukhavipākalakkhaṇam, akusalaviddhamśanarasam, vodānapaccupaṭṭhānam, yonisomanasikārapadaṭṭhānam. Avajjapaṭipakkhattā vā anavajjalakkhaṇameva kusalam, vodānabhāvarasam, iṭṭhavipākapaccupaṭṭhānam, yathāvuttapadaṭṭhānameva. Lakkhaṇādīsu hi tesam tesam dhammānam sabhāvo vā yathāvuttapadaṭṭhānameva. Lakkhaṇādīsu hi tesam tesam dhammānam sabhāvo vā sāmāññam vā **lakkhaṇam** nāma, kiccaṃ vā sampatti vā **raso** nāma, upaṭṭhānakāro vā phalam vā **paccupaṭṭhānam** nāma. Āsannakāraṇam **padaṭṭhānam** nāma. Iti yattha yattha lakkhaṇādīni vakkhāma, tattha tattha imināva nayena tesam nānattam veditabban.

1. Khu 5. 327; Khu 6. 77 piṭṭhādīsu.

Cittanti ārammaṇaṃ cintetīti cittaṃ, vijānātīti attho, yasmā vā cittanti sabbacittasādhāraṇo esa saddo, tasmā yadettha lokiyakusalākusalakiriyacittam, taṃ javanavīthivasena attano santānaṃ cinotīti cittaṃ, vipākaṃ kammakilesehi citanti cittaṃ, apica sabbampi yathānurūpatto cittatāya cittaṃ, cittakaraṇatāya cittanti evampettha¹ attho veditabbo. Tattha yasmā aññadeva sarāgaṃ cittaṃ, aññaṃ sadosaṃ, aññaṃ samohaṃ, aññaṃ kāmāvacaraṃ, aññaṃ rūpāvacarādibhedam, aññaṃ rūpārammaṇaṃ, aññaṃ saddādi-ārammaṇaṃ, rūpārammaṇesu cāpi aññaṃ nīlārammaṇaṃ, aññaṃ pītādi-ārammaṇaṃ, saddādi-ārammaṇesupi eseva nayo. Sabbesupi cetesu aññaṃ hīnaṃ, aññaṃ majjhimaṃ, aññaṃ paṇītaṃ. Hīnādīsupi aññaṃ chandādhipeyyaṃ, aññaṃ vīriyādhipeyyaṃ, aññaṃ cittādhipeyyaṃ, aññaṃ vīmaṃsādhipeyyaṃ, tasmā assa imesaṃ sampayuttabhūmi-ārammaṇahīnamajjimapaṇītādhipeyyaṃ vasena cittatā veditabbā. Kāmañcetta ekameva evaṃ cittaṃ na hoti, cittānaṃ pana antogadhattā etesu yaṃkiñci ekampi cittatāya “cittan”ti vattuṃ vaṭṭati. Evaṃ tāva cittatāya cittaṃ.

Kathaṃ cittakaraṇatāyāti? Lokasmiñhi cittakammato uttari aññaṃ cittaṃ nāma natthi, tasmimpi caraṇaṃ nāma cittaṃ aticittameva² hoti. Taṃ karontānaṃ cittakārānaṃ “evaṃvidhāni ettha rūpāni kātabbāni”ti cittasaññaṃ uppajjati, tāya cittasaññāya lekhāgahanarañjana-ujjotanavattanādinipphādikā cittakiriyā uppajjanti. Tato caraṇasaṅkhāte citte aññataraṃ vicittarūpaṃ nipphajjati. Tato “imassa rūpassa upari idaṃ hotu, heṭṭhā idaṃ, ubhayapasse idaṃ”ti cintetvā yathācintitena kamena³ sesacittarūpanipphādanaṃ hoti. Evaṃ yaṃkiñci loke vicittaṃ sippajātaṃ, sabbaṃ taṃ citteneva karīyati. Evaṃ imāya karaṇavicittatāya tassa tassa citassa nipphādakaṃ cittampi tatheva cittaṃ hoti. Yathācintitassa vā anavasesassa anipphajjanato⁴ tatopi cittameva cittataraṃ. Tenāha Bhagavā—

“Diṭṭhaṃ vo bhikkhave caraṇaṃ nāma cittanti. Evaṃ bhante.

Tampi kho bhikkhave caraṇaṃ nāma cittaṃ citteneva cintitaṃ, tenapi kho bhikkhave caraṇena cittaṃ cittaṃyeva cittataraṃ”ti⁵.

1. Evamettha (Syā, Ka)

2. Adhicittameva (Ka)

3. Kammena (Syā, Ka)

4. Abhinipphajjanato (Sī, Syā)

5. Saṃ 2. 123 piṭṭhe.

Tathā yadetaṃ devamanussanirayatiracchānabhedāsu gatīsu
 kammaliṅgasaññāvohārādibhedāṃ ajjhattikaṃ cittaṃ, tampi cittakatameva.
 Kāyakammādibhedāñhi dāna sīla vihimsāsāṭṭheyyādinayappavattaṃ
 kusalākusalakammaṃ cittanippḥāditāṃ kammanānattaṃ, kammanānatteneva
 ca tāsu tāsu gatīsu hatthapādakaṇṇa-udaragīvāmukhādisaṅṭhānabhinnāṃ
 liṅganānattaṃ, liṅganānattato yathāgahitasāṅṭhānavasena “ayaṃ itthī, ayaṃ
 puriso”ti uppajjamānāya saññāya saññānānattaṃ, saññānānattato
 saññānurūpena “itthī”ti vā “puriso”ti vā voharantānaṃ vohāranānattaṃ,
 vohāranānattavasena pana yasmā “itthī bhavissāmi, puriso bhavissāmi,
 khattiyo bhavissāmi, brāhmaṇo bhavissāmi”ti evaṃ tassa tassa attabhāvassa
 janakaṃ kammaṃ kariyati, tasmā vohāranānattato kammanānattaṃ, taṃ
 paṇetaṃ kammanānattaṃ yathāpatthitaṃ bhavaṃ nibbattaṃ yasmā
 gativasena nibbatteti, tasmā kammanānattato gatinānataṃ,
 kammanānatteneva ca tesaṃ tesaṃ sattānaṃ tassā tassā gatiyā
 apādakadvipādakādītā, tassā tassā upapattiyā uccanīcādītā, tasmim tasmim
 attabhāve suvaṇṇadubbaṇṇādītā, lokadhammesu lābhālābhādītā ca
 paññāyati. Tasmā sabbametaṃ devamanussanirayatiracchānabhedāsu gatīsu
 kammaliṅgasaññāvohārādibhedāṃ ajjhattikaṃ cittaṃ citteneva katanti
 veditabbaṃ. Svāyamattho imassa **saṅgīti-anāruḷhassa** suttassa vasena
 veditabbo. Vuttañhetā—

“Kammanānattaputhuttappabhedavavattānavasena
 liṅganānattaputhuttappabhedavavattānaṃ bhavati,
 liṅganānattaputhuttappabhedavavattānavasena
 saññānānattaputhuttappabhedavavattānaṃ bhavati,
 saññānānattaputhuttappabhedavavattānavasena
 vohāranānattaputhuttappabhedavavattānaṃ bhavati,
 vohāranānattaputhuttappabhedavavattānavasena
 kammanānattaputhuttappabhedavavattānaṃ bhavati, kammanānākaraṇaṃ
 paṭicca sattānaṃ gatiyā nānākaraṇaṃ paññāyati apadā dvipadā catuppadā
 bahuppadā rūpino arūpino saññino asaññino nevasaññināsaññino,
 kammanānākaraṇaṃ paṭicca sattānaṃ upapattiyā nānākaraṇaṃ paññāyati
 uccanīcatā hīnappaṇītātā sugataduggatātā,

kammanānākaraṇaṃ paṭicca sattānaṃ attabhāve nānākaraṇaṃ paññāyati
 suvaṇṇadubbaṇṇatā sujātadujjātataṃ susaṅghitadussaṅghitā,
 kammanānākaraṇaṃ paṭicca sattānaṃ lokadhamme nānākaraṇaṃ paññāyati
 lābhālābhe yasāyase nindāpasamsāyaṃ sukhadukkhe”ti.

Aparampi vuttaṃ—

“Kammato liṅgato ceva, liṅgasaññā pavattare.
 Saññāto bhedaṃ gacchanti, itthāyaṃ purisoti vā.

Kammunā¹ vattate² loko, kammunā vattate pajā.
 Kammanibandhanā sattā, rathassaṅgiva yāyato³.

Kammena kittiṃ labhate pasamsaṃ,
 Kammena jāniṃca vadhaṃca bandhaṃ.
 Taṃ kammanānākaraṇaṃ viditvā,
 Kasmā vade ‘natthi kamman’ti loke⁴.

Kammassakā māṇava sattā kammadāyādā kammayon
 ikammabandhū kammaṇiṣaraṇā, kammaṃ satte vibhajati yadidaṃ
 hīnapaṇitātāyā”ti⁵.

Evam imāya karaṇacittatāyapi cittassa cittatā veditabbā. Sabbānipi hi
 etāni vicitrāni citteneva katāni. Aladdhokāsassa pana cittassa, yaṃ vā pana
 avasesapaccayavikalaṃ, tassa ekaccacittakaraṇābhāvato yadetaṃ cittena
 kataṃ ajjhattikaṃ cittaṃ vuttaṃ, tatopi cittameva cittataraṃ. Tenāha
 Bhagavā—

“Nāhaṃ bhikkhave aññaṃ ekanikāyampi samanupassāmi
 evaṃ cittaṃ, yathayidaṃ bhikkhave tiracchānagatā pāṇā, tehipi kho
 bhikkhave tiracchānagatehi pāṇehi cittaṃyeva cittataran”ti⁶.

Uppannaṃ hotīti ettha

vattamānabhūtāpagatokāsakatabhūmiladdhavasena uppannaṃ nāma
 anekappabhedam, tattha sabbampi uppāđajarābhaṅgasamaṅgīsaṅkhātāṃ
vattamānuppannaṃ nāma, ārammaṇarasam anubhavitvā niruddham
 anubhūtāpagatasāṅkhātāṃ

1. Kammanā (Sī)

2. Vattati (Ka)

3. Ma 2. 412; Khu 1. 379 piṭṭhesu.

4. Abhi 4. 396 piṭṭhe.

5. Ma 3. 244 piṭṭhe.

6. Sam 2. 123 piṭṭhe.

kusalākusalaṃ, uppādādittayaṃ anuppatvā niruddhaṃ
bhūtāpagatasāṅkhātāṃ sesasāṅkhatañca **bhūtāpagatuppannaṃ** nāma,
“yānissa tāni pubbe katāni kammāni”¹ti evamādinā nayena vuttaṃ kammaṃ
atītampi samānaṃ aññaṃ vipākaṃ paṭibāhitvā attano vipākassokāsaṃ katvā
ṭhitattā, tathā katokāsañca vipākaṃ anuppannampi samānaṃ evaṃ kate
okāse ekantena uppajjanato **okāsakatuppannaṃ** nāma, tāsu tāsu bhūmīsu
asamūhataṃ akusalaṃ **bhūmiladdhuppannaṃ** nāma, ettha ca bhūmiyā
bhūmiladdhassa ca nānattaṃ veditabbaṃ—**bhūmī**ti vipassanāya
ārammaṇabhūtā tebhūmakā pañcakkhandhā. **Bhūmiladdhaṃ** nāma tesu
khandhesu uppattārahaṃ kilesajātaṃ. Tena hesā bhūmi laddhā nāma hoti.
Tasmā “bhūmiladdhaṃ”ti vuccati. Evametesu catūsu uppannesu idha
vattamānuppannaṃ adhippetāṃ.

Tatrāyaṃ vacanattho—pubbantato uddhaṃ uppādādi-abhimukhaṃ
pannanti **uppannaṃ**. **Uppannasaddo** panesa abhīte paṭiladdhe samuṭṭhite
avikkhambhite asamucchinne khaṇattayagateti anekesu atthesu dissati.
Ayañhi “tena kho pana bhikkhave samayena Kakusandho Bhagavā Arahaṃ
Sammāsambuddho loka uppanno”²ti ettha atīte āgato. “Āyasmato Ānandassa
atirekacīvaraṃ uppannaṃ hoti”³ti ettha paṭiladdhe. “Seyyathāpi bhikkhave
uppannaṃ mahāmeghaṃ, tamenāṃ mahāvāto antarāyeva antaradhāpeti”⁴
ettha samuṭṭhite. “Uppannaṃ gamiyacittaṃ duppaṭivinodanīyaṃ”⁵,
uppannuppanne pāpake akusale dhamme ṭhānaso antaradhāpeti”⁶ti ettha
avikkhambhite. “Ariyaṃ aṭṭhaṅgikaṃ maggaṃ bhāvento bahulīkaronto
uppannuppanne pāpake akusale dhamme ṭhānaso antarāyeva
antaradhāpeti”⁷ti ettha asamucchinne. “Uppajjamānaṃ uppannanti,
āmantā”⁸ti ettha khaṇattayagate. Svāyamidhāpi khaṇattayagateva daṭṭhabbo.
Tasmā **uppannaṃ hoti**ti ettha khaṇattayagataṃ hoti, vattamānaṃ hoti,
paccuppannaṃ hoti ti ayaṃ saṅkhattho.

“Cittaṃ uppannaṃ hoti”ti cetaṃ desanāsīsameva, na pana cittaṃ
ekakameva uppajjati. Tasmā yathā “rājā āgato”ti vutte na parisāṃ pahāya
ekakova āgato, rājaparisāya pana saddhimyeva āgatoti

1. Ma 3. 203 piṭṭhe.

2. Saṃ 1. 397 piṭṭhe.

3. Vi 1. 294 piṭṭhe.

4. Saṃ 3. 47piṭṭhe.

5. Am 2. 163; Vi 5. 231 piṭṭhe.

6. Vi 1. 88 piṭṭhe.

7. Saṃ 3. 47 piṭṭhe.

8. Abhi 6. 306 piṭṭhe.

paññāyati, evamidampi paropaṇṇāsakusaladhammehi saddhimīyeva uppannanti veditabbaṃ. Pubbaṅgamaṭṭhena pana “cittaṃ uppannaṃ hoti”cceva vuttaṃ.

Lokiyadhammañhi patvā cittaṃ jeṭṭhakaṃ cittaṃ dhuraṃ cittaṃ pubbaṅgamaṃ hoti, lokuttaradhammaṃ patvā paññā jeṭṭhikā¹ paññā dhurā paññā pubbaṅgamā. Teneva Bhagavā Vinayapariyāyaṃ patvā pañhaṃ pucchanto “kiṃ phassosi, kiṃ vedanosi, kiṃ saññosi, kiṃ cetanosī”ti apucchitvā “kiṃ citto tvaṃ bhikkhū”ti * cittameva dhuraṃ katvā pucchati. “Atheyyacitto ahaṃ Bhagavā”ti ca vutte “anāpatti attheyyaphassassā”ti-ādīni avatvā “anāpatti bhikkhu attheyyacittassā”ti * vadati.

Na kevalaṅca vinayapariyāyaṃ, aññampi² lokiyadasanaṃ desento cittameva dhuraṃ katvā deseti. Yathāha “ye keci bhikkhave dhammā akusalā akusalabhāgiyā akusalapakkhikā, sabbete manopubbaṅgamā, mano tesam dhammānaṃ paṭhamaṃ uppajjati³.

Manopubbaṅgamā dhammā, manoseṭṭhā manomayā.

Manasā ce paduṭṭhena, bhāsati vā karoti vā.

Tato naṃ dukkhamanveti, cakkamva vahato padaṃ.

Manopubbaṅgamā dhammā, manoseṭṭhā manomayā.

Manasā ce pasannena, bhāsati vā karoti vā.

Tato naṃ sukhamanveti, chāyāva anapāyini⁴.

Cittena nīyati loko, cittena parikassati.

Cittassa ekadhammassa, sabbeva vasamanvagū⁵.

Cittasaṃkilesā bhikkhave sattā saṃkilissanti, cittavodānā visujjhanti⁶.

Pabhassaramidaṃ bhikkhave cittaṃ, taṅca kho āgantukehi uppakkileschi upakkiliṭṭham⁷.

1. Paññā jeṭṭhikā (Syā, Ka)

* Vi 1. 72 piṭṭhe.

2. Aparampi (Ka)

3. Am 1. 10 piṭṭhe.

4. Khu 1. 13 Dhammapade.

5. Sam 1. 36 piṭṭhe.

6. Sam 2. 123 piṭṭhe.

7. Am 1. 9 piṭṭhe.

Citte gahapati arakkhite kāyakammampi arakkhitaṃ hoti, vacīkammampi arakkhitaṃ hoti, manokammampi arakkhitaṃ hoti. Citte gahapati rakkhite -pa-. Citte gahapati byāpanne -pa-. Citte gahapati abyāpanne -pa-. Citte gahapati avassute -pa-. Citte gahapati anavassute kāyakammampi anavassutaṃ hoti. Vacīkammampi anavassutaṃ hoti. Manokammampi anavassutaṃ hoti”¹.

Evam lokiyadhammaṃ patvā cittaṃ jeṭṭhakaṃ hoti, cittaṃ dhuraṃ hoti, cittaṃ pubbaṅgamaṃ hotīti veditabbam. Imesu pana suttesu ekaṃ vā dve vā aggahetvā suttānurakkhaṇatthāya sabbānipi gahitānīti veditabbāni.

Lokuttaradhammaṃ pucchanto pana “kataraphassaṃ adhigatosi. Kataravedanaṃ. Katarasaññaṃ. Kataracetanaṃ. Kataracittan”²ti apucchitvā “katarapaññaṃ tvaṃ bhikkhu adhigatosi. Kim paṭhamaṃ maggapaññaṃ, udāhu dutiyaṃ -pa- tatiyaṃ -pa- catutthaṃ maggapaññaṃ adhigatoti paññaṃ jeṭṭhikaṃ paññaṃ dhuraṃ katvā pucchati. Paññuttarā sabbe kusalā dhammā na parihāyanti². Paññā pana kimatthiyā³. Paññavato bhikkhave ariyasāvakaṃsā tadanvayā saddhā saṅghāti, tadanvayaṃ vīriyaṃ saṅghāti, tadanvayā sati saṅghāti, tadanvayo samādhi saṅghāti”⁴ti⁴ evamādīni panettha suttāni daṭṭhabbāni. Iti lokuttaradhammaṃ patvā paññā jeṭṭhikā hoti paññā dhurā paññā pubbaṅgamāti veditabbā. Ayaṃ pana lokiyadesanā, tasmā cittaṃ dhuraṃ katvā desento “cittaṃ uppannaṃ hoti”⁵ti āha.

Somanassasahagatanti sātamadhuravedayitasāṅkhātena somanassena saha ekuppādādibhāvaṃ gataṃ. Ayaṃ pana **sahagatasaddo** tabbhāve vokiṇṇe nissaye ārammaṇe saṃsaṭṭheti imesu atthesu dissati. Tattha “yāyaṃ taṇhā ponobhavikā⁵ nandirāgasahagatā”⁶ti⁶ tabbhāve veditabbo. Nandirāgabhūtāti attho. “Yā bhikkhave vīmaṃsā kosajjasahagatā kosajjasampayuttā”⁷ti⁷ vokiṇṇe veditabbo. Antarantarā uppajjamānena kosajjena vokiṇṇāti ayamettha attho. “Aṭṭhika-

1. Am 1. 264 piṭṭhe.

3. Ma 1. 367 piṭṭhe.

6. Abhi 2. 106 piṭṭhe.

2. Paññuttarā sabbe dhammā (Am 3. 153, 341 piṭṭhesu)

4. Saṃ 3. 195 piṭṭhe.

7. Saṃ 3. 244 piṭṭhe.

5. Ponobbhavikā (Ka)

saññāsahagataṃ satisambojjhaṅgaṃ bhāvetī”¹ti nissaye vedītabbo. Aṭṭhikasaññaṃ nissāya aṭṭhikasaññaṃ bhāvetvā paṭiladdhanti attho. “Lābhī hoti rūpasahagatānaṃ vā samāpattīnaṃ, arūpasahagatānaṃ vā”²ti ārammaṇe vedītabbo. Rūpārūpārammaṇānanti attho. “Idaṃ sukhaṃ imāya pītiyā sahagataṃ hoti sahaajātaṃ saṃsaṭṭhaṃ sampayuttan”³ti saṃsaṭṭhe. Imasmimpi pade ayamevattho adhippeto. Somanassasaṃsaṭṭhañhi idha somanassasahagatanti vuttan.

Saṃsaṭṭhasaddopi cesa sadise avassute mittasanthave sahaajāteti bahūsu atthesu dissati. Ayañhi “kise thūle vivajjetvā, saṃsaṭṭhā yojitā haya”⁴ti ettha sadise āgato. “Saṃsaṭṭhāva tumhe ayye viharathā”⁵ti avassute. “Gihisaṃsaṭṭho viharatī”⁶ti mittasanthave. “Idaṃ sukhaṃ imāya pītiyā sahagataṃ hoti sahaajātaṃ saṃsaṭṭhaṃ sampayuttan”³ti sahaajāte. Idhāpi sahaajāte adhippeto. Tattha sahagataṃ asahaajātaṃ asaṃsaṭṭhaṃ asampayuttaṃ nāma natthi, sahaajātaṃ pana saṃsaṭṭhaṃ sampayuttaṃ hotipi na hotipi. Rūpārūpadhammesu hi ekato jātesu rūpaṃ arūpena sahaajātaṃ hoti, na saṃsaṭṭhaṃ na sampayuttaṃ. Tathā arūpaṃ rūpena, rūpañca rūpena, arūpaṃ pana arūpenda saddhiṃ niyamatova sahagataṃ sahaajātaṃ saṃsaṭṭhaṃ sampayuttameva hotīti taṃ sandhāya vuttan “somanassasahagatan”⁷ti.

Ñānasampayuttanti ñāṇena sampayuttaṃ, samaṃ ekuppādādippakārehi yuttanti attho. Yaṃ panettha vattabbaṃ siyā, taṃ mātikāvaṇṇanāya vedanāttike⁷ vuttanayameva. Tasmā ekuppādā ekanirodhā ekavattthukā ekārammaṇāti iminā lakkhaṇenetaṃ sampayuttanti vedītabbaṃ. Ukkatṭhaniddeso cesa, arūpe pana vināpi ekavattthukabhāvaṃ sampayogo labbhati.

Ettāvatā kiṃ kathitaṃ? Kāmāvacarakusalesu somanassasahagataṃ tihetukaṃ ñānasampayuttaṃ asaṅkhārikaṃ mahācittaṃ kathitaṃ. Katame dhammā kusalāti hi aniyamitapucchāya catubhūmakakusalaṃ gahitaṃ. “Kāmāvacaraṃ kusalaṃ cittaṃ uppannaṃ hotī”⁸ti vacanena pana tebhūmakam

1. Saṃ 3. 113 piṭṭhe.

4. Khu 6. 154 piṭṭhe.

6. Saṃ 2. 10 piṭṭhe.

2. Abhi 3. 114 piṭṭhe.

3. Abhi 2. 268 piṭṭhe.

5. Vi 2. 313 piṭṭhe.

7. Heṭṭhā 84 piṭṭhe.

kusalam pariccajivā aṭṭhavidham kāmāvacarakusalameva gahitam.
 “Somanassasahagatan”ti vacanena tato catubbidham upekkhāsahagatam
 pariccajivā catubbidham somanassasahagatameva gahitam.
 “Ñāṇasampayuttan”ti vacanena tato duvidham ñāṇavippayuttam pariccajivā
 dve ñāṇasampayuttāneva gahitāni. Asaṅkhārikabhāvo pana anābhaṭṭhatāyeva
 na gahito. Kiñcāpi na gahito, parato pana “sasāṅkhārenā”ti vacanato idha
 “asaṅkhārenā”ti avuttepi asaṅkhārikabhāvo vedītabbo. Sammāsambuddho hi
 āditova idaṃ mahācittam bhājetvā dassetuṃ niyamevāva imam desanam
 ārabhīti evamettha sanniṭṭhānam katanti vedītabbam.

Idāni tameva cittam ārammaṇato dassetuṃ “**rūpārammaṇam vā**”ti-
 ādimāha. Bhagavā hi arūpadhammam dassento vatthunā vā dasseti
 ārammaṇena vā vatthārammaṇehi vā sarasabhāvena vā. “Cakkhusamphasso
 -pa- manosamphasso. Cakkhusamphassajā vedanā -pa- manosamphassajā
 vedanā. Cakkhuvīññāṇam -pa- manovīññāṇan”ti-ādīsu hi vatthunā
 arūpadhammā dassitā. “Rūpasaññā -pa- dhammasaññā. Rūpasañcetanā -pa-
 dhammasañcetanā”ti-ādīsu ārammaṇena. “Cakkhuñca paṭicca rūpe ca
 uppajjati cakkhuvīññāṇam, tiṇṇam saṅgati phasso -pa- manañca paṭicca
 dhamme ca uppajjati manovīññāṇam, tiṇṇam saṅgati phasso”ti-ādīsu¹
 vatthārammaṇehi. “Avijjāpaccayā bhikkhave saṅkhārā. Saṅkhārapaccayā
 vīññāṇan”ti-ādīsu² sarasabhāvena arūpadhammā dassitā. Imasmim pana
 ṭhāne ārammaṇena dassento “rūpārammaṇam vā”ti-ādīmāha.

Tattha catusamuṭṭhānam atītānāgatapaccuppannam rūpameva
rūpārammaṇam. Dvisamuṭṭhāno atītānāgatapaccuppanno saddova
saddārammaṇam. Catusamuṭṭhāno atītānāgatapaccuppanno gandhova
gandhārammaṇam. Catusamuṭṭhāno atītānāgatapaccuppanno rasova
rasārammaṇam. Catusamuṭṭhānam atītānāgatapaccuppanam phoṭṭhabbameva
phoṭṭhabbārammaṇam. Ekasamuṭṭhānā dvisamuṭṭhānā tisamuṭṭhānā
 catusamuṭṭhānā nakutocisamuṭṭhānā atītānāgatapaccuppannā cittacetāsikā,
 tathā navattabbā ca vuttāvasesā cittagocarasaṅkhātā dhammāyeva
dhammārammaṇam. Ye pana **anāpāthagatā** rūpādayopi
 dhammārammaṇamicceva vadanti, te iminā suttana paṭikkhipitabbā.
 Vuttañhetam—

1. Saṃ 2. 261 piṭṭhe.

2. Saṃ 1. 243 piṭṭhe.

“Imesaṃ kho āvuso pañcannaṃ indriyānaṃ nānāvisayānaṃ nānāgocarānaṃ na aññamaññassa gocaravisayaṃ paccanubhontānaṃ mano paṭisaraṇaṃ mano nesaṃ gocaravisayaṃ paccanubhoti”¹.

Etesaṃhi rūpārammaṇādīni gocaravisayo nāma, tāni manena paccanubhaviyamānāni rūpārammaṇādīniyevāti ayamatto siddho hoti. Dibbacakkhuññādīnaṃ rūpādi-ārammaṇattāpi ayamatto siddhoyeva hoti. Anāpāthagatāneva hi rūpārammaṇādīni dibbacakkhu-ādīnaṃ ārammaṇāni, na ca tāni dhammārammaṇāni bhavanti vuttanayeneva ārammaṇavavattānaṃ veditabbaṃ.

Tattha² ekekaṃ ārammaṇaṃ dvīsu dvīsu dvāresu āpāthamāgacchati. Rūpārammaṇaṃhi cakkhupasādaṃ ghaṭṭetvā taṅkhaṇaṃneva manodvāre āpāthamāgacchati, bhavaṅgacalanassa paccayo hotīti attho. Sadda gandha rasaphoṭṭhabbārammaṇesupi eseva nayo. Yathā hi sakuṇo ākāsenāgantvā rukkhagge niliyamānova rūkkhasākhaṇa ghaṭṭeti, chāyā cassa pathaviyaṃ paṭihaññati, sākhaḅhaṭṭhanachāyāpharaṇāni apubbaṃ acarimaṃ ekakkhaṇeyeva bhavanti. Evaṃ paccuppannarūpādīnaṃ cakkupasādādiḅhaṭṭanaṃ bhavaṅgacalanasamatthātāya manodvāre āpāthagamanaṃ apubbaṃ acarimaṃ ekakkhaṇeyeva hoti. Tato bhavaṅgaṃ vicchinditvā cakkhudvārādīsū uppannānaṃ āvajjanādīnaṃ voṭṭhabbanapariyosānānaṃ³ anantarā tesāṃ ārammaṇānaṃ aññatarasmim idaṃ mahācittaṃ uppajjati.

Suddhamanodvāre pana pasādaghaṭṭanakiccaṃ natthi, pakatiyā diṭṭhasutaghāyitasāyitaphuṭṭhavaseneva etāni ārammaṇāni āpāthamāgacchanti. Kathaṃ? idhekacco katasudhākammaṃ haritālamano silādivaṇṇavicittaṃ pagghitaṇānappakāradhajaṇaṭṭakāṃ mālādāmaṇinaddhaṃ dīpamālāparikkhitaṃ atimanoramāya siriyā virocamaṇaṃ alaṅkatapaṭiyattaṃ Mahācetiyaṃ padaḅkhiṇaṃ katvā soḅasasu pādapiṭṭhikāsu⁴ paṅcapaṭiṭṭhitena vanditvā añjaliṃ paggayha ullokeno Buddhārammaṇaṃ pītiṃ gahetvā tiṭṭhati. Tassa evaṃ cetiyaṃ passitvā Buddhārammaṇaṃ pītiṃ nibbattetvā aparabhāge yattha katthaci gatassa

1. Ma 1. 369 piṭṭhe. 2. Ettha (Ka) 3. Votthapana... (Sī) 4. Pādapiṭṭhikāsu (Sī)

rattiṭṭhānadivāṭṭhānesu nisinnassa āvajjamānassa alaṅkatapaṭiyattam
Mahācetiyaṃ cakkhudvāre āpāthamāgatasadisameva hoti, padakkhiṇaṃ
katvā cetiyavandanakālo viya hoti. Evaṃ tāva diṭṭhavasena rūpārammaṇaṃ
āpāthamāgacchati.

Madhurena pana sarena dhammakathikassa vā dhammaṃ kathentassa,
sarabhāṇakassa vā sarena bhaṇantassa saddaṃ sutvā aparabhāge yattha
katthaci nisīditvā āvajjamānassa dhammakathā vā sarabhaññaṃ vā sotadvāre
āpāthamāgataṃ viya hoti, sādhuḅkārāṃ datvā suṇanakālo viya hoti. Evaṃ
sutavasena saddārammaṇaṃ āpāthamāgacchati.

Sugandhaṃ pana gandhaṃ vā mālaṃ vā labhitvā āsane vā cetiye vā
gandhārammaṇena cittaṇa pūjaṃ katvā aparabhāge yattha katthaci nisīditvā
āvajjamānassa taṃ gandhārammaṇaṃ ghānadvāre āpāthamāgataṃ viya hoti,
pūjākaraṇakālo viya hoti. Evaṃ ghāyitavasena gandhārammaṇaṃ
āpāthamāgacchati.

Paṇītaṃ pana khādanīyaṃ vā bhojanīyaṃ vā sabrahmacārīhi saddhiṃ
saṃvibhajitvā paribhuñjitvā aparabhāge yattha katthaci
kudrūsakādibhojanaṃ labhitvā “asukakāle paṇītaṃ bhojanaṃ
sabhrahmacārīhi saddhiṃ saṃvibhajitvā paribhuttaṃ”ti āvajjamānassa taṃ
rasārammaṇaṃ jivhādvāre āpāthamāgataṃ viya hoti, paribhuñjanakālo viya
hoti. Evaṃ sāyitavasena rasārammaṇaṃ āpāthamāgacchati.

Mudukaṃ pana sukhasamphassaṃ mañcaṃ vā pīṭhaṃ vā
attharaṇapāvuraṇaṃ¹ vā paribhuñjitvā aparabhāge yattha katthaci
dukkhaseyyaṃ kappetvā “asukakāle me mudukaṃ mañcapīṭhaṃ
attharaṇapāvuraṇaṃ paribhuttaṃ”ti āvajjamānassa taṃ
phoṭṭhabbārammaṇaṃ kāyadvāre āpāthamāgataṃ viya hoti,
sukhasamphassaṃ vedayitakālo viya hoti. Evaṃ phuṭṭhavasena
phoṭṭhabbārammaṇaṃ āpāthamāgacchati—evaṃ suddhamanodvāre
pasādaghaṭṭanakkiccaṃ natthi, pakatiyā
diṭṭhasutaghāyitasāyitaphuṭṭhavaseneva etāni ārammaṇāni
āpāthamāgacchantīti veditabbāni.

1. Attharaṇapāvuraṇaṃ (Sī, Syā)

Idāni pakatiyā diṭṭhādīnaṃ vasena āpāthagamane ayamaparopi Aṭṭhakathāmuttako nayo hoti—diṭṭhaṃ sutam ubhayasambandhanti ime tāva diṭṭhādayo veditabbā. Tattha **diṭṭhaṃ** nāma pañcadvārasena gahitapubbaṃ. **Sutanti** paccakkhato adisvā anussavavasena gahitā rūpādayova. Tehi dvīhipi sambandhaṃ **ubhayasambandhaṃ** nāma. Iti imesampi diṭṭhādīnaṃ vasena etāni manodvāre āpāthamāgacchantīti veditabbāni. Tattha diṭṭhavasena tāva āpāthagamaṇaṃ heṭṭhā pañcahi nayehi vuttameva.

Ekacco pana suṇāti “Bhagavato puññātisayanibbattaṃ¹ evarūpaṃ nāma rūpaṃ, atimadhuro saddo. Kismiñci padese kesañci pupphānaṃ atimanuñño gandho. Kesañci phalānaṃ atimadhuro raso. Kesañci pāvuraṇādīnaṃ atisukho samphasso”ti. Tassa cakkhupasādādighaṭṭanaṃ vinā sutamattāneva tāni manodvāre āpāthamāgacchanti. Athassa taṃ cittaṃ tasmim rūpe vā sadde vā pasādavasena, gandhādīsu ariyānaṃ dātukāmatāvasena, aññehi dīnesu anumodanāvasena vā pavattati. Evaṃ sutavasena etāni manodvāre āpāthamāgacchanti.

Aparena pana yathāvuttāni rūpādīni diṭṭhāni vā sutāni vā honti, tassa “īdisaṃ rūpaṃ āyatim uppajjanakabuddhassāpi bhavissati”ti-ādīnā nayena cakkhupasādādighaṭṭanaṃ vinā diṭṭhasutasambandheneva tāni manodvāre āpāthamāgacchanti. Athassa² heṭṭhā vuttanayeneva tesu aññatarārammaṇaṃ idaṃ mahācittaṃ pavattati. Evaṃ ubhayasambandhavasena etāni manodvāre āpāthamāgacchanti.

Idampi ca mukhattameva, saddhā ruci ākāraparivitakka diṭṭhinijjhānakkhanti-ādīnaṃ pana vasena vitthārato etesaṃ manodvāre āpāthagamaṇaṃ veditabbameva. Yasmā pana evaṃ āpāthaṃ āgacchantāni bhūtānipi honti abhūtānipi, tasmā ayam nayo Aṭṭhakathāyam na gahito. Evaṃ ekekārammaṇaṃ javanaṃ dvīsu dvīsu dvāresu uppajjati veditabbaṃ. Rūpārammaṇāhi javanaṃ cakkhudvārepi uppajjati manodvārepi. Saddādi-ārammaṇesupi eseva nayo.

Tattha manodvāre uppajjamānaṃ rūpārammaṇaṃ javanaṃ dānamayaṃ sīlamayaṃ bhāvanāmayanti tividhaṃ hoti. Tesu ekekaṃ kāyakammaṃ vacīkammaṃ

1. Puññātisayaphalanibbattaṃ (Sī, Ka)

2. Tassa (Ka)

manokammanti tividhameva hoti.

Saddagandharasaphoṭṭhadhammārammaṇesupi e seva nayo.

Tattha rūpaṃ tāva ārammaṇaṃ katvā uppajjamānaṃ etaṃ mahākusalacittaṃ nīla pīta lohitoḍātavaṇṇesu pupphavatthadhātūsu aññatarāṃ subhanimittasaṅkhātāṃ iṭṭhaṃ kantaṃ manāpaṃ rajanīyaṃ¹ vaṇṇaṃ ārammaṇaṃ katvā uppajjati. Nanu cetaṃ iṭṭhārammaṇaṃ lobhassa vatthu, kathaṃ etaṃ cittaṃ kusalaṃ nāma jātanti? Niyamitavasena, pariṇāmitavasena, samudācāravasena, ābhujitavasena. Yassa hi “kusalameva mayā kattabban”ti kusalakaraṇe cittaṃ niyamitaṃ hoti, akusalappavattito nivattetvā kusalakaraṇeyeva pariṇāmitaṃ, abhiṅhakarāṇena kusalasamudācāreneva samudācaritaṃ, patirūpadesavāsa sappurisūpanissaya saddhammasavanapubbekatapuññatādīhi ca upanissayehi yoniso ca ābhogo pavattati, tassa iminā niyamitavasena, pariṇāmitavasena, samudācāravasena, ābhujitavasena ca kusalaṃ nāma jātaṃ hoti.

Ārammaṇavasena panettha somanassasahagatabhāvo veditabbo. Iṭṭhārammaṇasmiṃhi uppannattā etaṃ somanassasahagataṃ jātaṃ, saddhābahulatādīnipettha kāraṇāniyeva. Assaddhānaṃhi micchādiṭṭhīnaṃca ekanta-iṭṭhārammaṇabhūtaṃ Tathāgatarūpampi disvā somanassaṃ nuppajjati. Ye ca kusalappavattiyāṃ ānisaṃsaṃ na passanti, tesaṃ parehi ussāhitānaṃ kusalaṃ karontānampi somanassaṃ nuppajjati. Tasmā saddhābahulatā visuddhadiṭṭhitā ānisaṃsadassāvitāti evampettha somanassasahagatabhāvo veditabbo. Apica ekādasadhammā pītisambojjhaṅgassa uppādāya saṃvattanti Buddhānussati dhammānussati saṃghānussati silānussati cāgānussati devatānussati upasamānussati lūkhapūggaḷaparivajjanatā siniddhapuggalasevatā pasādanīyasuttantapaccavekkhaṇatā tadadhimuttatāti imehi kāraṇehettha somanassasahagatabhāvo veditabbo. Imesaṃ pana vitthāro **Bojjhaṅgavibhaṅge**² āvi bhavissati.

Kammato upapattito indriyaparipākato kilesadūrībhāvatoti imehi panettha kāraṇehi nāṇasampayuttatā veditabbā. Yo hi

1. Rajjanīyaṃ (Ka)

2. Abhi-Ṭṭha 2. 269, 299 piṭṭhesu.

paesaṃ dhammaṃ deseti, anavajjāni sippāyatanakammāyatanavijjāṭṭhānāni sikkhāpeti, dhammakathikaṃ sakkāraṃ katvā dhammaṃ kathāpeti, “āyatim paññavā bhavissāmī”ti patthanaṃ paṭṭhapetvā nānappakāraṃ dānaṃ deti, tassa evarūpaṃ kammaṃ upanissāya kusalaṃ uppajjamānaṃ nāṇasampayuttaṃ uppajjati. Abyāpajje¹ loke uppannassa vāpi tassa tattha sukhino dhammapadā plavanti, “dandho bhikkhave satuppādo, atha so satto khippaṃyeva visesagāmī hoti”ti² iminā nayena upapattim nissāyapi uppajjamānaṃ kusalaṃ nāṇasampayuttaṃ uppajjati. Tathā indriyaparipākāṃ upagatānaṃ paññādasakappattānaṃ indriyaparipākāṃ nissāyapi kusalaṃ uppajjamānaṃ nāṇasampayuttaṃ uppajjati. Yehi pana kilesā vikkhambhitā, tesāṃ kilesadūrībhāvaṃ nissāyapi uppajjamānaṃ kusalaṃ nāṇasampayuttaṃ uppajjati. Vuttampi cetam—

“Yogā ve jāyatī bhūti, ayogā bhūrisaṅkhayo”ti³.

Evam kammato upapattito indriyaparipākato kilesadūrībhāvatoti imehi kāraṇehi nāṇasampayuttatā veditabbā.

Apica satta dhammā dhammavicayasambojjhaṅgassa uppādāya saṃvattanti paripucchakatā vatthuvisadakiriyaṃ indriyasamattapaṭipādanā duppaññapuggalaparivajjanā paññavantapuggalasevanā gambhīraññācariyapaccavekkhaṇā tadadhimuttatāti imehipi kāraṇehi nāṇasampayuttatā veditabbā. Imesaṃ pana vitthāro **Bojjhaṅgavibhaṅge**⁴ āvi bhavissati.

Evam nāṇasampayuttaṃ hutvā uppannañcetaṃ asaṅkhārena appayogena anupāyacintānāya uppannatā asaṅkhāraṃ nāma jātaṃ. Tayidaṃ rajanīyavaṇṇārammaṇaṃ hutvā uppajjamānameva tividhena niyamena uppajjati dānamayaṃ vā hoti silamayaṃ vā bhāvanāmayam vā.

Katham? Yadā hi nīlapītalohitodātesu pupphādīsu aññataraṃ labhitvā vaṇṇavasena ābhujitvā “vaṇṇadānaṃ mayhan”ti Buddharatanādīni pūjeti, tadā dānamayaṃ hoti. Tatriddam vatthu—Bhaṇḍāgārikasaṅghamitto kira ekaṃ suvaṇṇakhacitaṃ vatthaṃ labhitvā “idampi vatthaṃ suvaṇṇavaṇṇaṃ, Sammāsambuddhopi suvaṇṇavaṇṇo, suvaṇṇavaṇṇaṃ vatthaṃ suvaṇṇavaṇṇasseva anucchavikaṃ, amhākañca vaṇṇadānaṃ bhavissati”ti Mahācetiye āropesi.

1. Abyāpajjhe (Sī)

3. Khu 1. 53 piṭṭhe.

2. Am 1. 505 piṭṭhe.

4. Abhi-Ṭṭha 2. 263 piṭṭhe.

evarūpe kāle dānamayaṃ hotīti veditabbaṃ. Yadā pana tathārūpameva deyyadhammaṃ labhitvā “mayhaṃ kulavaṃso kulatanti kulappaveṇī esā, kulavattaṃ etan”ti Buddharatanādīni pūjeti, tadā sīlamayaṃ hoti. Yadā pana tādīseneva vatthunā ratanattayassa pūjaṃ katvā “ayaṃ vaṇṇo khayaṃ gacchissati, vayaṃ gacchissati”ti khayavayaṃ paṭṭhapeti, tādā bhāvanāmayāṃ hoti.

Dānamayaṃ pana hutvā vattamānampi yadā tīṇi ratanāni sahatthena pūjentassa pavattati, tadā kāyakammaṃ hoti. Yadā tīṇi ratanāni pūjento puttadārādāsakammakaraporisādayopi āṇāpetvā pūjāpeti, tadā vacīkammaṃ hoti. Yadā tadeva vuttappakāraṃ vijjamānakavatthum ārabha “vaṇṇadānaṃ dassāmi”ti cinteti, tadā manokammaṃ hoti. Vinayapariyāyaṃ patvā hi “dassāmi karissāmi vācā bhinnā hoti”ti¹ iminā lakkhaṇena dānaṃ nāma hoti. Abhidhammapariyāyaṃ patvā pana vijjamānakavatthum ārabha “dassāmi”ti manasā cintitakālato paṭṭhāya kusalaṃ hoti. Aparabhāge kāyena vā vācāya vā kattabbaṃ karissatīti vuttaṃ. Evaṃ dānamayaṃ kāyavacīmanokammavaseneva tividhaṃ hoti.

Yadā pana taṃ vuttappakāraṃ vatthum labhitvā kusavaṃsādivasena sahatthā ratanattayaṃ pūjeti, tadā sīlamayaṃ kāyakammaṃ hoti. Yadā kulavaṃsādivaseneva puttadārādayo āṇāpetvā pūjāpeti, tadā vacīkammaṃ hoti. Yadā “mayhaṃ kulavaṃso kulatanti kulappaveṇī esā, kulavattametān”ti vijjamanakavatthum ārabha “vaṇṇadānaṃ dassāmi”ti cinteti, tadā manokammaṃ hoti. Evaṃ sīlamayaṃ kāyavacīmanokammavasena tividhaṃ hoti.

Yadā pana taṃ vuttappakāraṃ vatthum labhitvā tīṇi ratanāni pūjetvā caṅkamanto khayavayaṃ paṭṭhapeti, tadā bhāvanāmayāṃ kāyakammaṃ hoti. Vācāya sammasanaṃ paṭṭhapentassa vacīkammaṃ hoti. Kāyaṅgavācaṅgāni acopetvā manasāva sammasanaṃ paṭṭhapentassa manokammaṃ hoti. Evaṃ bhāvanāmayāṃ kāyavacīmanokammavasena tividhaṃ hoti. Evametāṃ rūpārammaṇaṃ kusalaṃ tividhapuññakiriyavutthivasena navahi kammadvārehi bhājetvā dassesi Dhammarājā. Saddārammaṇādīsupi eseva nayo.

1. Vi 1. 380 piṭṭhe.

Bherisaddādīsu hi rajanīyasaddam ārammaṇam katvā heṭṭhā vuttanayeneva tīhi niyamehetam kusalam uppajjati. Tattha saddam kandamūlam viya uppāṭetvā, nīluppalahatthakam viya ca hatthe ṭhapetvā dātum nāma na sakkā, savatthukam pana katvā dento saddadānam deti nāma. Tasmā yadā “saddadānam dassāmī”ti bherimudiṅgādīsu aññataratūriyena tiṇṇam ratanānam upahāram karoti, “saddadānam me”ti bheri-ādīni ṭhapāpeti, dhammakathikabhikkhūnam sarabhesajjatela-phāṇitādīni deti, dhammasavanam ghoṣeti, sarabhaññam bhaṇati, dhammakatham katheti, upanisinnakatham anumodanakatham karoti¹, tadā dānamayaṃyeva hoti. Yadā etadeva vidhānam kulavaṃsādivasena vattavasena karoti, tadā sīlamayaṃ hoti. Yadā sabbampetaṃ katvā “ayaṃ ettako saddo brahmalokappamāṇopi hutvā khayam gamissati, vayaṃ gamissati”ti sammasanam paṭṭhapeti, tadā bhāvanāmayam hoti.

Tattha dānamayaṃ tāva yadā bheri-ādīni gahetvā sahatthā upahāram karoti, niccupahārathāya ṭhapentopi sahatthā ṭhapeti, “saddadānam me”ti dhammasavanam ghoṣetum gacchati, dhammakatham sarabhaññam kātum vā gacchati, tadā kāyakammaṃ hoti. Yadā “gacchatha tātā, amhākam saddadānam tiṇṇam ratanānam upahāram karoṭhā”ti añāpeti, “saddadānam me”ti cetiyaṅgaṇesu “imaṃ bherim, imaṃ mudiṅgam ṭhapethā”ti añāpeti, sayameva dhammasavanam ghoṣeti, dhammakatham katheti, sarabhaññam bhaṇati, tadā vacīkammaṃ hoti. Yadā kāyaṅgavācaṅgāni acopetvā “saddadānam dassāmī”ti vijjamānakavatthum manasā pariccajati, tadā manokammaṃ hoti.

Sīlamayampi “saddadānam nāma mayham kulavaṃso kulatanti kulappaveṇī”ti bheri-ādīhi sahatthā upahāram karontassa, bhari-ādīni sahatthā cetiyaṅgaṇādīsu ṭhapentassa, dhammakathikānam sarabhesajjam sahatthā dadantassa, vattasīsena dhammasavanaghosanadhammakathā-kathanasarabhaññabhaṇanattāya ca gacchantassa kāyakammaṃ hoti. “Saddadānam nāma amhākam kulavaṃso kulatanti kulappaveṇī, gacchatha tātā, Buddharatanādīnam upahāram karoṭhā”ti añāpentassa, kulavaṃsavaseneva attanā dhammakatham vā sarabhaññam vā karontassa ca vacīkammaṃ hoti. “Saddadānam nāma mayham

1. Katheti (Ka)

kulavaṁso, saddadānaṁ dassāmi”ti kāyaṅgavācaṅgāni acopetvā manasāva vijjamānakavatthum pariccajantassa manokammaṁ hoti.

Bhāvanāmayampi yadā caṅkamanto sadde khayavayaṁ paṭṭhapeti, tadā kāyakammaṁ hoti. Kāyaṅgaṁ pana acopetvā vācāya sammasantassa vacīkammaṁ hoti. Kāyaṅgavācaṅgaṁ acopetvā manasāva saddāyatanam sammasantassa manokammaṁ hoti. Evaṁ saddārammaṇampi kusalaṁ tividhapuññakiriyavatthivasena navahi kammadvārehi bhājetvā dassesi Dhammarājā.

Mūlagandhādīsupi rajanīyagandhaṁ ārammaṇaṁ katvā heṭṭhā vuttanayeneva tīhi niyamehetam kusalaṁ uppajjati. Tattha yadā mūlagandhādīsu yaṁkiñci gandhaṁ labhitvā gandhasena ābhujitvā “gandhadānaṁ mayhan”ti Buddharatanādīni pūjeti, tadā dānamayaṁ hotīti sabbaṁ vaṇṇadāne vuttanayeneva vitthārato veditabbaṁ. Evaṁ gandhārammaṇampi kusalaṁ tividhapuññakiriyavatthivasena navahi kammadvārehi bhājetvā dassesi Dhammarājā.

Mūlarasādīsu pana rajanīyaraṣaṁ ārammaṇaṁ katvā heṭṭhā vuttanayeneva tīhi niyamehetam kusalaṁ uppajjati. Tattha yadā mūlarasādīsu yaṁkiñci rajanīyaṁ rasavatthum labhitvā rasavasena ābhujitvā “rasadānaṁ mayhan”ti deti pariccajati, tadā dānamayaṁ hotīti sabbaṁ vaṇṇadāne vuttanayeneva vitthārato veditabbaṁ. Sīlamaye panettha “saṅghassa adatvā paribhuñjanaṁ nāma amhākaṁ na āciṇṇaṁ”ti dvādasannaṁ bhikkhusahassānaṁ dāpetvā sāduraṣaṁ paribhuttassa Duṭṭhagāmaṇi-abhayarañño vatthum ādiṁ katvā Mahā-aṭṭhakathāyaṁ vatthūni āgatāni, ayameva viseso. Evaṁ rasārammaṇampi kusalaṁ tividhapuññakiriyavatthivasena navahi kammadvārehi bhājetvā dassesi Dhammarājā.

Phoṭṭhabbārammaṇepi pathavīdhātu tejodhātu vāyodhātūti tīni mahābhūtāni phoṭṭhabbārammaṇaṁ nāma. Imasmiṁ ṭhāne etesaṁ vasena yojanaṁ akatvā mañcapīṭhādīvasena kātabbā, yadā hi mañcapīṭhādīsu yaṁkiñci rajanīyaṁ phoṭṭhabbavatthum labhitvā phoṭṭhabbavasena ābhujitvā “phoṭṭhabbadānaṁ mayhan”ti deti pariccajati, tadā dānamayaṁ hotīti sabbaṁ vaṇṇadāne vuttanayeneva vitthārato veditabbaṁ. Evaṁ phoṭṭhabbārammaṇampi kusalaṁ tividhapuññakiriyavatthivasena navahi kammadvārehi bhājetvā dassesi Dhammarājā.

Dhammārammaṇe cha ajjhattikāni āyatanāni, tīṇi lakkhaṇāni, tayo arūpino khandhā, pannarasa sukhumarūpāni, nibbānapaññattīti ime dhammāyatane pariyaṅpannā ca aparīyaṅpannā ca dhammā dhammārammaṇaṃ nāma. Imasmiṃ pana tḥāne etesaṃ vasena yojanaṃ akatvā ojadānapānadānaṃ jīvitadānavasena kātabbā. Ojādisu hi rajanīyaṃ dhammārammaṇaṃ ārammaṇaṃ katvā heṭṭhā vuttanayeneva tīhi niyamehetāṃ kusalaṃ uppajjati.

Tattha yadā “ojadānaṃ mayhan”ti sappinavanītādīni deti, “pānadānaṃ”ti aṭṭha pānāni deti, “jīvitadānaṃ”ti salākabhattasaṃghabhattādīni¹ deti, aphāsukānaṃ bhikkhūnaṃ bhesajjaṃ deti, vejjaṃ paccupaṭṭhāpeti, jālaṃ phālāpeti, kumīnaṃ² viddhamsāpeti, sakuṇapañjaraṃ viddhamsāpeti, bandhanamokkhaṃ kārapeti, māghātabheriṃ carāpeti, aññānīpi jīvitaparittāṇatthaṃ evarūpāni kammāni karoti, tadā danamayaṃ hoti. Yadā pana “ojadānapānadānaṃ jīvitadānāni mayhaṃ kulavaṃso kulatanti kulappaveṇī”ti vattasīsenā ojadānādīni pavatteti, tadā sīlamayaṃ hoti. Yadā dhammārammaṇasmiṃ khayavayaṃ paṭṭhapeti, tadā bhāvanāmayaṃ hoti.

Dānamayaṃ pana hutvā pavattamānampi yadā ojadānapānadānaṃ jīvitadānāni sahatthā deti, tadā kāyakammaṃ hoti. Yadā puttadārādayo āṇāpetvā dāpeti, tadā vacīkammaṃ hoti. Yadā kāyaṅgavācaṅgāni acopetvā “ojadānapānadānaṃ jīvitadānavasena vijjamānakavatthum dassāmī”ti manasā cinteti, tadā manokammaṃ hoti.

Yadā pana vuttappakāraṃ vijjamānakavatthum kulavaṃsādivasena sahatthā deti, tadā sīlamayaṃ kāyakammaṃ hoti. Yadā kulavaṃsādivaseneva puttadārādayo āṇāpetvā dāpeti, tadā vacīkammaṃ hoti. Yadā kulavaṃsādivaseneva “vuttappakāraṃ vijjamānakavatthum dassāmī”ti manasāva cinteti, tadā manokammaṃ hoti.

Caṅkamtivā dhammārammaṇe khayavayaṃ paṭṭhapentassa pana bhāvanāmayaṃ kāyakammaṃ hoti, kāyaṅgaṃ acopetvā vācāya khayavayaṃ paṭṭhapentassa vacīkammaṃ hoti, kāyaṅgavācanāṅgāni acopetvā manasāva dhammārammaṇe

1. Salākabhattapakhiyabhattasaṃghabhattādīni (Sī, Syā)

2. Kumināṃ (Sī, Syā)

khayavayaṃ paṭṭhapentassa manokammaṃ hoti. Evaṃ bhāvanāmayāṃ kāyavacīmanokammavasena tividhaṃ hoti. Evametaṃ dhammārammaṇampi kusalaṃ tividhapuññakiriyavattuvasena navahi kammadvārehi bhājetvā dassesi Dhammarājā.

Evamidam cittaṃ nānāvattthūsu nānārammaṇavasena dīpitaṃ. Idam pana ekavattthusmimpi nānārammaṇavasena labbhatiyeva. Kathaṃ? Catūsu hi paccayesu cīvare cha ārammaṇāni labbhanti. Navarattassa hi cīvarassa vaṇṇo manāpo hoti dassanīyo, idam vaṇṇārammaṇam. Paribhogakāle paṭapaṭasaddam karoti, idam saddārammaṇam. Yo tattha kāḷakacchakādīgandho¹, idam gandhārammaṇam. Rasārammaṇam pana paribhogarasavasena kathitam. Yā tattha sukhasamphassatā, idam phoṭṭhabbārammaṇam. Cīvaraṃ paṭicca uppannā sukhā vedanā dhammārammaṇam. Piṇḍapāte rasārammaṇam nippariyāyeneva labbhati. Evaṃ catūsu paccayesu nānārammaṇavasena yojanam katvā dānamayādibhedo veditabbo.

Imassa pana cittassa ārammaṇameva nibaddham vinā ārammaṇena anuppajjanato. Dvāram pana anibaddham. Kasmā? Kammassa anibaddhattā, kammasmīhi anibaddhe dvārampi anibaddhameva hoti.

Kāmāvacarakusala dvārakathā

Kāyakammadvāra

Imassa panatthassa pakāsanattham imasmim ṭhāne **Mahā-aṭṭhakathāyam** dvārakathā kathitā. Tattha tīṇi kammāni, tīṇi kammadvārāni, pañca viññāṇāni, pañca viññāṇadvārāni, cha phassā, cha phassadvārāni, aṭṭha asaṃvarā, aṭṭha asaṃvaradvārāni, aṭṭha saṃvarā, aṭṭha saṃvaradvārāni, dasa kusalakammapathā, dasa akusalakammapathāti idam ettakam dvārakathāya mātikāṭhapanam nāma.

Tattha kiñcāpi tīṇi kammāni paṭhamam vuttāni, tāni pana ṭhapetvā ādito tāva tīṇi kammadvārāni bhājetvā dassitāni. Katamāni tīṇi? Kāyakammadvāram vacīkammadvāram manokammadvāranti.

1. Kāḷagacchakādīgandho (Ka)

Tattha catubbidho kāyo upādinnako āhārasamuṭṭhāno utusamuṭṭhāno cittasamuṭṭhānoti. Tattha cakkhāyatanādīni jīvitindriyapariyantāni aṭṭha kammāsamuṭṭhānarūpānīpi, kammāsamuṭṭhānāneva catasso dhātuyo vaṇṇo gandho raso ojāti aṭṭha **upādinnakakāyo** nāma, tāneva aṭṭha āhārajāni **āhārasamuṭṭhānikakāyo** nāma, aṭṭha utujāni **utusamuṭṭhānikakāyo** nāma, aṭṭha cittajāni **cittasamuṭṭhānikakāyo** nāma.

Tesu **kāyakammadvāra**nti neva upādinnakakāyassa nāmaṃ, na itaresaṃ. Cittasamuṭṭhānesu pana aṭṭhasu rūpesu ekā viññatti atthi, idaṃ kāyakammadvāraṃ nāma, yaṃ sandāya vuttaṃ “katamaṃ taṃ rūpaṃ kāyaviññati? Yā kusalacittassa vā akusalacittassa vā abyākatacittassa vā abhikkamantassa vā paṭikkamantassa vā āloketassa vā vilokentassa vā samīñjantassa¹ vā pasārentassa vā kāyassa thambhanā santhambhanā santhambhitattā viññatti viññāpanā viññāpitattā, idaṃ taṃ rūpaṃ kāyaviññatti”². “Abhikkamissāmi paṭikkamissāmī”³ti hi cittaṃ uppajjamānaṃ rūpaṃ samuṭṭhāpeti. Tattha yā pathavīdhātu āpodhātu tejodhātu vāyodhātu tannissito vaṇṇo gandho raso ojāti imesaṃ aṭṭhannaṃ rūpakalāpānaṃ abbhantare cittasamuṭṭhānā vāyodhātu, sā attanā sahaajātaṃ rūpakāyaṃ santhambhetaṃ sandhāreti cāleti abhikkamāpeti paṭikkamāpeti.

Tattha ekāvajjanavīthiyaṃ sattasu javanesu paṭhamacittasamuṭṭhitā vāyodhātu attanā sahaajātaṃ rūpakāyaṃ santhambhetuṃ sandhāretuṃ sakkoti, aparāparaṃ pana cāletuṃ na sakkoti. Dutiyādīsipi eseva nayo. Sattamacittena pana samuṭṭhitā vāyodhātu heṭṭhā chahi cittehi samuṭṭhitā vāyodhātuṃ upatthambhanapaccayaṃ labhitvā attanā sahaajātaṃ rūpakāyaṃ santhambhetuṃ sandhāretuṃ cāletuṃ abhikkamāpetuṃ paṭikkamāpetuṃ ālokāpetuṃ vilokāpetuṃ samīñjāpetuṃ³ pasārāpetuṃ sakkoti, tena gamaṇaṃ nāma jāyati, āgamaṇaṃ nāma jāyati, gamaṇāgamaṇaṃ nāma jāyati, “yojanaṃ gato, dasayojanaṃ gato”³ti vattabbaṃ āpajjāpeti.

1. Sammiñjantassa (Sī), samañchantassa (Ka)

2. Abhi 1. 177 piṭṭhe.

3. Sammiñjāpetuṃ (Sī), samañchāpetuṃ (Ka)

Yathā hi sattahi yugehi ākaḍḍhitabbe sakāṭe paṭhamayuge yuttagoṇā yugaṃ tāva santhambhetuṃ sandhāretuṃ sakkonti, cakkamā pana na pavatṭenti. Dutiyādīsupi eseva nayo. Sattamayuge pana goṇe yojetvā yadā cheko sārathi¹ dhure nisīditvā yottāni ādāya sabbapurimato paṭṭhāya patodalaṭṭhiyā goṇe ākoṭeti, tadā sabbeva ekabalā hutvā dhurañca sandhārenti, cakkāni ca pavatṭenti “sakaṭam gahetvā dasayojanam vīsatiyojanam gatā”ti vattabbatam āpādentī. Evaṃsampadamidaṃ veditabbam.

Tattha yo cittasamuṭṭhānikakāyo, na so viññatti. Cittasamuṭṭhānāya pana vāyodhātuyā sahaajātam rūpakāyam santhambhetuṃ sandhāretuṃ cāletuṃ paccayo bhavituṃ samattho eko ākāravikāro atthi, ayam viññatti nāma. Sā aṭṭha rūpāni viya na cittasamuṭṭhānā. Yathā pana aniccādiḥhedānam dhammānam jarāmarañattā “jarāmarañam bhikkhave aniccam saṅkhatan”ti-ādī² vuttam, evam cittasamuṭṭhānānam rūpānam viññattitāya sāpi cittasamuṭṭhānā nāma hoti.

Viññāpanattā panesā **viññattī**ti vuccati. Kim viññāpetīti? Ekam kāyikakaraṇam. Cakkhupathasmiñhi ṭhito hattham vā pādā vā ukkhipati, sīsam vā bhamukam vā cāleti. Ayam hatthādīnam ākāro cakkhuviññeyyo hoti, viññatti pana na cakkhuviññeyyā, manoviññeyyā eva. Cakkhunā hi hatthavikārādivasena vipphandamānam vaṇṇārammaṇameva passati, viññattim pana manodvārikacittena cintetvā “idañcidañca esa kāreti maññe”ti jānāti.

Yathā hi araññe nidāghasamaye udakaṭṭhāne manussā “imāya saññāya idha udakassa atthibhāvam jānissanti”ti rukkhagge tālapaṇṇādīni bandhāpenti, surāpānavāre dhajam ussāpenti, uccam vā pana rukkham vāto paharivā cāleti, anto-udake macche calante upari bubbuḷakāni uṭṭhahanti, mahoghassa gatamaggapariyante tiṇapaṇṇakasaṭam³ ussāritam hoti. Tattha tālapaṇṇadhajasākhācalanabubbuḷakatiṇapaṇṇakasaṭe disvā yathā cakkhunā adiṭṭhampi “ettha udakam bhavissati, surā bhavissati, ayam rukkho vātena pahato bhavissati, anto-udake maccho bhavissati,

1. Sārathī (Ka)

2. Sam 1. 264 piṭṭhe.

3. Tiṇapaṇṇasaṭam (Sī)

ettakaṃ ṭhānaṃ ajjhottharivā ogho gato bhavissatī”ti manoviññāṇena jānāti, evameva viññattipi ca cakkhuvīññeyyā, manoviññeyyāva. Cakkhunā hi hatthavikārādivasena vipphandamānaṃ vaṇṇārammaṇameva passati, viññattim pana manodvārikacittena cintetvā “idañcidañca esa kāreti maññe”ti jānāti.

Na kevalañcesā viññāpanatova viññatti nāma, viññeyyatopi pana **viññatti**veva nāma. Ayañhi paresaṃ antamaso tiracchānagatānampi pākaṭā hoti, tattha tattha sannipatitā hi soṇasiṅgālakākagoṇādayo daṇḍaṃ vā leḍḍuṃ vā gahetvā paharaṇākāre dassite “ayaṃ no paharitukāmo”ti ñatvā yena vā tena vā palāyanti. Pākāraḷḷādi-antarikassa¹ pana parassa apākaṭakālopi atthi, kiñcāpi tasmim̄ khaṇe apākaṭā, sammukhībhūtānaṃ pana pākaṭattā viññattiveva nāma hoti.

Cittasamuṭṭhānike pana kāye calante tisamuṭṭhāniko calati na calatīti. Sopi tatheva calati, taṃgatiko tadanuvattakova hoti. Yathā hi udake gacchante udake patitāni sukkhadaṇḍakatiṇapaṇṇādīnipi udakagatikāneva bhavanti, tasmim̄ gacchante gacchanti, tiṭṭhante tiṭṭhanti. Evamsampadamidaṃ veditabbaṃ. Evamesā cittasamuṭṭhānesu rūpesu viññatti **kāyakammadvāraṃ** nāmāti veditabbā.

Yā pana tasmim̄ dvāre siddhā cetanā, yāya pāṇaṃ hanatī², adinnaṃ ādiyati, micchācāraṃ carati, pāṇātipātādīhi viramati. Idaṃ kāyakammaṃ nāma. Evaṃ paravādimhi sati kāyo dvāraṃ, tamhi dvāre siddhā cetanā kāyakammaṃ kusalaṃ vā akusalaṃ vāti ṭhapetabbaṃ. Paravādimhi pana asati abyākataṃ vāti tikaṃ pūretvāva ṭhapetabbaṃ. Tattha yathā nagaradvāraṃ kataṭṭhāneyeva tiṭṭhati, aṅgulamattampi aparāparaṃ na saṅkamati, tena tena pana dvārena mahājano sañcarati, evameva dvāre dvāraṃ na sañcarati, kammaṃ pana tasmim̄ tasmim̄ dvāre uppajjanato carati. Tenāhu porāṇā—

“Dvāre caranti kammāni, na dvārā dvārācārino.

Tasmā dvārehi kammāni, aññamaññaṃ vavatthitā”ti.

1. Pākāraḷḷādi-antaritassa (Sī)

2. Hanti (Ka)

Tattha kammenāpi dvāraṃ nāmaṃ labhati, dvārenāpi kammaṃ. Yathā hi viññāṇādīnaṃ uppajjanaṭṭhānāni viññāṇadvāraṃ phassadvāraṃ asaṃvaradvāraṃ saṃvaradvāranti nāmaṃ labhanti, evaṃ kāyakammaṃ uppajjanaṭṭhānaṃ “kāyakammadvāraṃ”ti nāmaṃ labhati. Vacīmanokammadvāresupi eseva nayo. Yathā pana tasmim̄ tasmim̄ rukkhe adhivatthā devatā simbalidevatā palāsadevatā pucimandadevatā phandanadevatāti tena tena rukkheṇa nāmaṃ labhati, evameva kāyadvāreṇa kataṃ kammaṃpi kāyakammanti dvāreṇa nāmaṃ labhati, vacīkammamanokammesupi eseva nayo. Tattha añño kāyo aññaṃ kammaṃ, kāyena pana katattā taṃ “kāyakammaṃ”ti vuccati. Tenāhu Aṭṭhakathācariyā—

“Kāyena ce kataṃ kammaṃ, ‘kāyakammaṃ’ti vuccati.
Kāyo ca kāyakammaṃca, aññaṃaññaṃ vavatthitā.

Sūciyā ce kataṃ kammaṃ, ‘sūcikammaṃ’ti vuccati.
Sūci ca sūcikammaṃca, aññaṃaññaṃ vavatthitā.

Vāsiyā ce kataṃ kammaṃ, ‘vāsikammaṃ’ti vuccati.
Vāsi ca vāsikammaṃca, aññaṃaññaṃ vavatthitā.

Purisena ce kataṃ kammaṃ, ‘purisakammaṃ’ti vuccati.
Puriso ca purisakammaṃca, aññaṃaññaṃ vavatthitā.

Evamevaṃ.

Kāyena ce kataṃ kammaṃ, ‘kāyakammaṃ’ti vuccati.
Kāyo ca kāyakammaṃca, aññaṃaññaṃ vavatthitā”ti.

Evaṃ sante neva dvāravavatthānaṃ yujjati, na kammavavatthānaṃ. Kathaṃ? Kāyaviññattiyāñhi “dvāre caranti kammāni”ti vacanato vacīkammaṃpi pavattati, tenassā “kāyakammadvāraṃ”ti vavatthānaṃ na yuttaṃ. Kāyakammaṃca vacīviññattiyampi pavattati, tenassa “kāyakammaṃ”ti vavatthānaṃ na yujjatīti. No na yujjati. Kasmā? Yebhuyyavuttitāya ceva tabbahulavuttitāya ca. Kāyakammameva hi yebhuyyena kāyaviññattiyāṃ pavattati, na itarāni. Tasmā kāyakammaṃ yebhuyyena pavattito tassā kāyakammadvārabhāvo siddho, brāhmaṇagāma-ambavanāgavanādīnaṃ brāhmaṇagāmādibhāvo viyāti dvāravavatthānaṃ yujjati. Kāyakammaṃ pana kāyadvāraṃhiyeva bahulaṃ pavattati, appaṃ

vacīdvāre. Tasmā kāyadvāre bahulaṃ pavattito etassa kāyakammabhāvo siddho, vanacarakathullakumārikādigocharānaṃ vanacarakādibhāvo viyāti evaṃ kammavavathhānampi yujjati.

Kāyakammadvārakathā niṭṭhitā.

Vacīkammadvārakathā

Vacīkammadvārakathāyaṃ pana cetanāvīrisaddavasena tividhā vācā nāma. Tattha “catūhi bhikkhave aṅgehi samannāgatā vācā subhāsītā hoti, no dubbhāsītā, anavajjā ca ananuvajjā ca viññūnaṃ”¹ti¹ ayaṃ cetanāvācā nāma. “Yā catūhi vacīduccaritehi ārati virati -pa-. Ayaṃ vuccati sammāvācā”²ti² ayaṃ virativācā nāma. “Vācā girā byappatho udīraṇaṃ ghoso ghosakammaṃ vācā vacībhedo”³ti³ ayaṃ saddavācā nāma. Tāsu **vacīkammadvāranti** neva cetanāya nāmaṃ, na viratīyā. Sahasaddā pana ekā viññatti atthi, idaṃ vacīkammadvāraṃ nāma. Yaṃ sandhāya vuttaṃ “katamaṃ taṃ rūpaṃ vacīviññatti? Yā kusalacittassa vā akusalacittassa vā abyākatacittassa vā vācā girā byappatho udīraṇaṃ ghoso ghosakammaṃ vācā vacībhedo, ayaṃ vuccati vācā. Yā tāya vācāya viññatti viññāpanā viññāpitattaṃ, idaṃ taṃ rūpaṃ vacīviññatti”⁴ti⁴.

“Idaṃ vakkhāmi, etaṃ vakkhāmi”⁵ti hi vitakkayato vitakkavipphārasaddo nāma uppajjati. Ayaṃ na sotaviññeyyo, manoviññeyyoti **Mahā-aṭṭhakathāyaṃ** āgato. Āgamaṭṭhakathāsu⁵ pana “**vitakkavipphārasaddanti** vitakkavipphārasena uppannaṃ vipḷalapaṇānaṃ⁵ suttappamattādīnaṃ saddaṃ. **Sutvā**ti taṃ sutvā, yaṃ vitakkayato tassa so saddo uppanno, tassa vasena ‘evampi te mano, itthampi te mano’^{ti}-ādisatī”^{ti} vatvā vatthūnīpi kathitāni. Paṭṭhānepi “cittasamuṭṭhānaṃ saddāyatanaṃ sotaviññāṇassa ārammaṇapaccayena paccayo”^{ti} āgataṃ. Tasmā vinā viññattighaṭṭanāya uppajjamāno asotaviññeyyo vitakkavipphārasaddo nāma natthi. “Idaṃ

1. Saṃ 1. 190 piṭṭhe.

3. Abhi 1. 189 piṭṭhe.

5. Vilapaṇānaṃ (Ka), Dī-Ṭṭha 3. 70; Am 2. 152 piṭṭhesu passitabbaṃ.

2. Abhi 2. 113 piṭṭhe.

4. Abhi 1. 168 piṭṭhe.

vakkhāmi etaṃ vakkhāmī”ti uppajjamānaṃ pana cittaṃ pathavīdhātu āpodhātu tejodhātu vāyodhātu vaṇṇā gandho raso ojāti aṭṭha rūpāni samuṭṭhāpeti. Tesāṃ abbhantare cittasamuṭṭhānā pathavīdhātu upādinnakaṃ ghaṭṭayamānāva uppajjati. Tena dhātusaṅghaṭṭanena saheva saddo uppajjatīti ayaṃ cittasamuṭṭhānasaddo nāma. Ayaṃ na viññatti, tassā pana cittasamuṭṭhānāya pathavīdhātuyā upādinnakaghaṭṭanassa paccayabhūto eko ākāravikāro atthi. Ayaṃ vacīviññatti nāma. Ito paraṃ “sā aṭṭha rūpāni viya na cittasamuṭṭhānā”ti-ādi sabbaṃ heṭṭhā vuttanayeneva veditabbaṃ.

Idhāpi hi “tissa, datta, mittā”ti pakkosantassa saddaṃ sutvā viññattim manodvārikacittena cintetvā “idañcidañca esa kāreti maññe”ti jānāti. Kāyaviññatti viya ca ayampi tiracchānagatānampi pākaṭā hoti. “Ehi yāhi”ti hi saddaṃ sutvā tiracchānagatāpi “idaṃ nāmesa kāreti maññe”ti ñatvā āgacchanti ceva gacchanti ca. “Tisamuṭṭhānikakāyaṃ cāleti na cāleti”ti ayaṃ pana vāro idha na labbhati. Purimacittasamuṭṭhānāya upatthambhanakiccampi natthi. Yā pana tasmim vacīdvāre siddhā cetanā, yāya musā katheti, pesuññaṃ katheti, pharusāṃ katheti, samphaṃ palapati, musāvādādihi viramati. Idaṃ vacīkammaṃ nāma. Ito paraṃ sabbaṃ kammavavatthānañca dvāravavatthānañca heṭṭhā vuttanayeneva veditabbanti.

Vacīkammadvārakathā niṭṭhitā.

Manokammadvārakathā

Manokammadvārakathāyaṃ pana kāmavacarādivasena catubbidho mano mano nāma. Tattha kāmāvacaro catupaññāsavidho hoti, rūpāvacaro pannarasavidho, arūpāvacaro dvādasavidho, lokuttaro aṭṭhavidhoti sabbopi ekūnanavutividho hoti. Tattha “ayaṃ nāma mano manodvāraṃ na hotī”ti na vattabbo. Yathā hi ayaṃ nāma cetanā kammaṃ na hotīti na vattabbā, antamaso pañcaviññāṇasampayuttāpi hi cetanā **Mahāpakaraṇe** “kamman”tveva niddiṭṭhā, evameva ayaṃ nāma mano manodvāraṃ na hotīti na vattabbo.

Etthāha—kammaṃ nāmetaṃ kiṃ karotīti? Āyūhati abhisankharoti, piṇḍaṃ karoti, ceteti kappeti pakappetīti, evaṃ sante pañcaviññāṇacetanā kiṃ āyūhati abhisankharoti, piṇḍaṃ karoti, ceteti kappeti pakappetīti? Sahajātadhamme. Sāpi hi sahajāte sampayuttakkhandhe āyūhati abhisankharoti, piṇḍaṃ karoti, ceteti kappeti pakappetīti. Kiṃ vā iminā vādena¹, sabbasaṅgāhikavasena hetam vuttaṃ. Idam panettha sannitthānaṃ—tebhūmakakusalākusalo ekūnatimsavidho mano manokammadvāraṃ nāma. Yā pana tasmim manodvāre siddhā cetanā, yāya abhijjhābyāpādamicchādassanāni ceva anabhijjhā-abyāpādasammādassanāni ca gaṇhāti. Idam manokammaṃ nāma. Ito paraṃ sabbam kammavavatthānaṃca dvāravavatthānaṃca heṭṭhā vuttanayeneva veditabbanti. Imāni tīṇi kammadvārāni nāma.

Manokammadvārakathā niṭṭhitā.

Kammakathā

Idāni yāni tīṇi kammāni ṭhapetvā imāni kammadvārāni dassitāni, tāni ādim katvā avasesassa dvārakathāya mātikāṭhapanassa vitthārakathā hoti, tīṇi hi kammāni kāyakammaṃ vacīkammaṃ manokammanti, kiṃ panetaṃ kammaṃ nāmāti? Cetanā ceva ekacce ca cetanāsampayuttakā dhammā. Tattha cetanāya kammabhāve imāni suttāni—

“Cetanāhaṃ bhikkhave kammaṃ vadāmi, cetayitvā kammaṃ karoti kāyena vācāya manasā². Kāye vā hi Ānanda sati kāyasañcetanāhetu uppajjati ajjhataṃ sukhadukkhaṃ. Vācāya vā Ānanda sati vacīsañcetanāhetu uppajjati ajjhataṃ sukhadukkhaṃ. Mane vā Ānanda sati manosañcetanāhetu uppajjati ajjhataṃ sukhadukkhaṃ³. Tividhā bhikkhave kāyasañcetanā akusalam kāyakammaṃ dukkhudrayaṃ dukkhavipākam, catubbidhā bhikkhave vacīsañcetanā -pa-. Tividhā bhikkhave manosañcetanā akusalam manokammaṃ dukkhudrayaṃ dukkhavipākam,

1. Vārena (Ka)

2. Am 2. 363; Abhi 4. 280 piṭṭhesu.

3. Sam 1. 257 piṭṭhe; Am 1. 476 piṭṭhe ca.

tividhā bhikkhave kāyasañcetanā kusalam kāyakammaṃ sukhudrayaṃ sukhavipākaṃ. Catubbidhā bhikkhave vacīsañcetanā -pa-. Tividhā bhikkhave manosañcetanā kusalam manokammaṃ sukhudrayaṃ sukhavipākaṃ¹. Sacāyaṃ Ānanda samiddhi moghapuriso Pāṭaliputtassa² paribbājakassa evaṃ puṭṭho evaṃ byākareyya ‘sañcetanīyaṃ āvuso Pāṭaliputta kammaṃ katvā kāyena vācāya manasā sukhavedanīyaṃ sukhaṃ so vedayati -pa- adukkhamasukhavedanīyaṃ adukkhamasukhaṃ so vedayati’^{ti}. Evaṃ byākaramāno kho Ānanda samiddhi moghapuriso Pāṭaliputtassa paribbājakassa sammā byākaramāno byākareyya’^{ti}³.

Imāni tāva cetanāya kammabhāve suttāni,
cetanāsampayuttadhammānaṃ pana kammabhāvo kammacatukkena dīpito.
Vuttañhetam—

“Cattārimāni bhikkhave kammāni⁴ mayā sayam abhiññā sacchikatvā paviditāni. Katamāni cattāri? Atthi bhikkhave kammaṃ kaṇham kaṇhavipākaṃ. Atthi bhikkhave kammaṃ sukkaṃ sukkavipākaṃ. Atthi bhikkhave kammaṃ kaṇhasukkaṃ kaṇhasukkavipākaṃ. Atthi bhikkhave kammaṃ akaṇham asukkaṃ akaṇha-asukkavipākaṃ kammakkhayāya⁵ saṃvattati⁶. Katamañca bhikkhave kammaṃ akaṇham asukkaṃ akaṇha-asukkavipākaṃ kammakkhayāya saṃvattati? Yadidaṃ satta bojjhaṅgā satisambojjhaṅgo -pa- upekkhāsambojjhaṅgo. Idaṃ vuccati bhikkhave kammaṃ akaṇham asukkaṃ akaṇha-asukkavipākaṃ kammakkhayāya saṃvattati⁷. Katamañca bhikkhave kammaṃ akaṇham asukkaṃ akaṇha-asukkavipākaṃ kammakkhayāya saṃvattati? Ayameva ariyo aṭṭhaṅgiko maggo. Seyyathidaṃ, sammādiṭṭhi -pa- sammāsamādhī. Idaṃ vuccati bhikkhave kammaṃ akaṇham asukkaṃ akaṇha-asukkavipākaṃ kammakkhayāya saṃvattati’^{ti}⁷.

Evaṃ ime bojjhaṅgamaggaṅgappabhedato pannarasa dhammā kammacatukkena dīpitā. Abhiññā byāpādo micchādiṭṭhi anabhiññā abyāpādo sammādiṭṭhi imehi pana chahi saddhiṃ ekavīsati cetanāsampayuttakā dhammā veditabbā.

1. Abhi 4. 290 piṭṭhe; Am 3. 497 piṭṭhe pana thokaṃ visadisam.

2. Pāṭaliputtassa (Ka), Ma 3. 251 piṭṭhe ca. 3. Ma 3. 251; Abhi 4. 290 piṭṭhesu.

4. Kammāni yāni (sabbattha)

5. Kammaṃ kammakkhayāya (sabbattha)

6. Am 1. 553 piṭṭhe.

7. Am 1. 559 piṭṭhe.

Tattha lokuttaramaggo bhajāpiyamāno kāyakammādīni tīṇi kammāni bhajati. Yañhi kāyena dussīlyaṃ ajjhācarati, tamhā saṃvaro kāyikoti veditabbo. Yaṃ vācāya dussīlyaṃ ajjhācarati, tamhā saṃvaro vācasikoti veditabbo. Iti sammākammanto kāyakammaṃ, sammāvācā vacīkammaṃ. Etasmiṃ dvaye gahite sammā-ājīvo tappakkhikattā gahitova hoti. Yaṃ pana manena dussīlyaṃ ajjhācarati, tamhā saṃvaro mānasikoti veditabbo. So diṭṭhisāṅkappavāyāmasatisamādhivasena pañcavidho hoti. Ayaṃ pañcavidhopi manokammaṃ nāma. Evaṃ lokuttaramaggo bhajāpiyamāno tīṇi kammāni bhajati.

Imasmiṃ ṭhāne dvārasaṃsandanaṃ nāma hoti. Kāyavacīdvāresu hi copanaṃ patvā kammaṃ appattampi atthi, manodvāre ca samudācāraṃ patvā kammaṃ appattampi atthi, taṃ gahetvā taṃtaṃdvārapakkhikameva akāmsu.

Tatrāyaṃ nayo—yo “migavaṃ gamissāmi”ti dhanuṃ sajjeti, jiyāṃ vaṭṭeti, sattiṃ niseti, bhattaṃ bhuñjati, vatthaṃ paridahati. Ettāvata kāyadvāre copanaṃ pattaṃ hoti. So araṇṇe divasaṃ caritvā antamaso sasabīlāramattampi na labhati. Idaṃ akusalaṃ kāyakammaṃ nāma hoti na hotīti? Na hoti. Kasmā? Kammaṃ appattatāya, kevalaṃ pana kāyaduccaritaṃ nāma hotīti veditabbaṃ. Macchaggahaṇādisu payogesupi eseva nayo.

Vacīdvārepi “migavaṃ gamissāmi, vegena dhanu-ādīni sajjethā”ti āṇāpetvā purimanayeneva araṇṇe kiñci alabhantassa kiñcāpi vacīdvāre copanaṃ pattaṃ, kammaṃ appattatāya pana kāyakammaṃ¹ na hoti, kevalaṃ vacīduccaritaṃ nāma hotīti veditabbaṃ.

Manodvāre pana vadhakacetanāya uppannamattāya eva kammaṃ appattatāya hoti, so ca kho byāpādasena, na pāṇātipātasena. Akusalañhi kāyakammaṃ kāyavacīdvāresu samuṭṭhāti, na manodvāre. Tathā akusalaṃ vacīkammaṃ. Akusalaṃ manokammaṃ pana tīsupi dvāresu samuṭṭhāti. Tathā kusalāni kāyavacīmanokammāni.

1. Vacīkammaṃ (Sī, Syā)

Katham? Sahatthā hi pāṇaṃ hanantassa, adinnaṃ ādiyantassa, micchācāraṃ carantassa kammaṃ kāyakammameva hoti, dvārampi kāyadvārameva hoti. Evaṃ tāva akusalaṃ kāyakammaṃ kāyadvāre samuṭṭhāti. Tehi pana cittehi sahajātā abhijjhābyāpādamicchādīṭṭhiyo cetanāpakkhikā vā bhavanti abbohārikā vā. “Gaccha, itthannāmaṃ jīvitaṃ voropehi, itthannāmaṃ bhaṇḍaṃ avaharā”ti āṇāpentassa pana kammaṃ kāyakammaṃ hoti, dvāraṃ pana vacīdvāraṃ. Evaṃ akusalaṃ kāyakammaṃ vacīdvāre samuṭṭhāti. Tehi pana cittehi sahajātā abhijjhābyāpādamicchādīṭṭhiyo cetanāpakkhikā vā bhavanti abbohārikā vā. Ettakā¹ ācariyānaṃ samānatthakathā nāma.

Vitaṇḍavādī paṇāha “akusalaṃ kāyakammaṃ manodvārepi samuṭṭhātī”ti. So “tayo saṅgahe āruḷhaṃ suttaṃ āharāhī”ti vutto idaṃ Kulumbasuttaṃ nāma² āhari—

“Puna caparaṃ bhikkhave idhekacco samaṇo vā brāhmaṇo vā iddhiṃ cetovasipatto aññissā kucchigataṃ gabbhaṃ pāpakena manasā anupekkhako³ hoti ‘aho vatāyaṃ³ kucchigato gabbho na sotthinā abhinikkhameyyā’ti, evaṃ bhikkhave Kulumbassa⁵ upaghāto hotī”ti.

Idaṃ suttaṃ āharitvā āha “evaṃ cintitamatteyeva manasā⁶ kucchigato gabbho pheṇapiṇḍo viya vilīyati, ettha kuto kāyaṅgacopanaṃ vā vācaṅgacopanaṃ vā, manodvārasmiṃyeva pana idaṃ akusalaṃ kāyakammaṃ samuṭṭhātī”ti.

Tamenaṃ “tava suttassa atthaṃ tulayissāmā”ti vatvā evaṃ tulayimsu— tvaṃ iddhiyā parūpaghātaṃ vadesi, iddhi nāma cesā adhiṭṭhānidhhi vikubbaniddhi manomayiddhi nāṇavipphāridhhi samādhivipphāridhhi ariyiddhi kammavipākajiddhi puññavato iddhi, vijjāmayiddhi, tattha tattha sammāpayogapaccayā

1. Ettikā (Sī)

3. Anupekkhitā (Vi-Ṭṭha 2. 40 piṭṭhe)

5. Kulumpassa (Ka)

2. Kulumpasuttaṃ nāma (Ka)

4. Aho vatassāyaṃ (Ka)

6. Parassa (Sī)

ijjhanaṭṭhena iddhīti dasavidhā¹. Tattha kataraṃ iddhiṃ vadesīti? Bhāvanāmayanti. Kiṃ pana bhāvanāmayiddhiyā parūpaghātakammaṃ hotīti? Āma, ekacce ācariyā “ekavāraṃ hotī”ti vadanti. Yathā hi paraṃ paharitukāmena udakabharite ghaṭe khitte ghaṭopi bhijjati, udakampi nassati, evameva bhāvanāmayiddhiyā ekavāraṃ parūpaghātakammaṃ hoti, tato paṭṭhāya pana sā nassatīti. Atha naṃ “bhāvanāmayiddhiyā neva ekavāraṃ, na dve vāre parūpaghātakammaṃ hotī”ti vatvā taṃ saññattim āgacchantam² pucchimsu “bhāvanāmayiddhi kaṃ kusalā akusalā abyākatā. Sukhāya vedanāya sampayuttā, dukkhāya vedanāya sampayuttā, adukkhamasukhāya vedanāya sampayuttā. Savitakkasavicārā avitakkavicāramattā avitakka-avicārā. Kāmāvacarā rūpāvacarā arūpāvacarā”ti.

Imaṃ pana pañhaṃ yo jānāti, so evaṃ vakkhati “bhāvanāmayiddhi kusalā vā hoti abyākatā vā, adukkhamasukhavedanīyā eva, avitakka-avicārā eva, rūpāvacarā evā”ti. So vattabbo “pāṇātipātacetanā kusalādīsu kataraṃ koṭṭhāsaṃ bhajati”ti. Jānanto vakkhati “pāṇātipātacetanā akusalā eva, dukkhavedanīyā eva, savitakkasavicārā eva, kāmāvacarā evā”ti. Evaṃ sante tava pañho neva kusalattikena sameti, na vedanāttikena, na vitakkattikena, na bhūmantarenāti.

Kiṃ pana evaṃ mahantaṃ suttam niratthakanti? No niratthakaṃ. Tvaṃ panassa atthaṃ na jānāsi, **iddhimā cetovasippattoti** ettha hi neva bhāvanāmayiddhi adhippetā, āthabbañiddhi³ pana adhippetā. Sā hi ettha labbhamānā labbhati. Sā pana kāyavacīdvārāni muñcitvā kātuṃ na sakkā, āthabbañiddhikā hi sattāhaṃ aloṇakaṃ bhuñjītvā dabbe attharivā pathaviyaṃ sayamānā tappaṃ caritvā⁴ sattame divase susānabhūmiṃ sajjetvā sattame pade ṭhatvā hatthaṃ vaṭṭetvā vaṭṭetvā mukhena vijjaṃ pariappanti, atha nesaṃ kammaṃ samijjhati. Evaṃ ayampi iddhi kāyavacīdvārāni muñcitvā kātuṃ na sakkāti “na kāyakammaṃ manodvāre samuṭṭhātī”ti niṭṭhamettha gantabbaṃ.

1. Khu 9. 383 piṭṭhe.

3. Athabbañiddhi (Sī), āthabbaniddhi (Syā, Ka)

2. Agacchantam (Syā, Ka)

4. Paccarivā (Ka)

Hatthamuddāya pana musāvādādāni kathentassa kammaṃ vacīkammaṃ, dvāraṃ pana kāyadvāraṃ hoti. Evaṃ akusalaṃ vacīkammampi kāyadvāre samuṭṭhāti. Tehi pana cittehi sahaajātā abhijjhābyāpādamicchādīṭṭhiyo cetanāpakkhikā vā bhavanti abbohārikā vā. Vacībhedamā pana katvā musāvādādāni kathentassa kammampi vacīkammaṃ, dvārampi vacīdvārameva. Evaṃ akusalaṃ vacīkammaṃ vacīdvāre samuṭṭhāti. Tehi pana cittehi sahaajātā abhijjhābyāpādamicchādīṭṭhiyo cetanāpakkhikā vā bhavanti abbohārikā vā. Ettakā ācariyānaṃ samānatthakathā nāma.

Vitaṇḍavādī panāha “akusalaṃ vacīkammaṃ manodvārepi samuṭṭhāti”ti. So “tayo saṅgahe āruḥamā suttamā āharāhī”ti vutto idam Uposathakkhandhakato suttamā āhari—

“Yo pana bhikkhu yāvattiyamā anussāviyamāne saramāno santim āpattim nāvikareyya, sampajānamusāvādassa hoti”ti¹.

Idam suttamā āharitvā āha “evaṃ āpattim anāvīkaronto tuṅhībhūtova aññam āpattim āpajjati, ettha kuto kāyaṅgacopanam vā vācaṅgacopanam vā, manodvārasmiṃyeva pana idam akusalaṃ vacīkammaṃ samuṭṭhāti”ti.

So vattabbo “kiṃ panetaṃ suttamā neyyattham, udāhu nītatthan”ti. Nītatthameva mayham suttanti. So “mā evam avaca, tulayissāmassa atthan”ti vatvā evam pucchitabbo “sampajānamusāvāde kiṃ hoti”ti. Jānanto “sampajānamusāvāde dukkaṭam hoti”ti vakkhati. Tato vattabbo “vinayassa dve mūlāni kāyo ca vācā ca, Sammāsambuddhena hi sabbāpattiyo imesuyeva dvīsu dvāresu paññattā, manodvāre āpattipaññapanam nāma natthi, tvam ativiya vinaye pakataññū, yo Satthārā apaññatte ṭhāne āpattim paññapesi, Sammāsambuddham abbhācikkhasi, jinacakkaṃ paharasi”ti-ādivacanehi niggaṇhitvā uttari pañham pucchitabbo “sampajānamusāvādo kiriyato samuṭṭhāti, udāhu akiriyato”ti. Jānanto “kiriyato”ti vakkhati, tato vattabbo “anāvīkaronto² kataram kiriyam karoti”ti. Addhā hi kiriyam apassanto vighātam āpajjissati, tato imassa

1. Vi 3. 141 piṭṭhe.

2. Anāvīkaronto (Sī)

suttassa atthena saññāpetabbo. Ayaṃ hettha attho—yvāyaṃ
 “sampajānamusāvādo hotī”ti vutto, so āpattito kiṃ hoti, katarāpatti hotīti
 attho. Dukkaṭāpatti hoti, sā ca kho na musāvādalakkhaṇena, Bhagavato pana
 vacanena vacīdvāre akiriyasamuṭṭhānā āpatti hotīti veditabbā. Vuttampi
 cetam¹.

“Anālapanto manujena kenaci,
 Vācāgiraṃ no ca pare bhaṇeyya.
 Āpajjeyya vācasikaṃ na kāyikaṃ,
 Pañhā mesā kusalehi cintitā”ti¹.

Evam “akusalaṃ vacīkammaṃ na manodvāre samuṭṭhāti”ti niṭṭhamettha
 gantabbaṃ.

Yadā pana abhijjhāsahagatena cetasā kāyaṅgaṃ copento
 hatthagāhādīni karoti, byāpādasahagatena cetasā daṇḍaparāmāsādīni,
 micchādīṭṭhisahagatena cetasā “khandasivādayo seṭṭhā”ti tesam abhivādana-
 añjalikammabhūtapīṭhakaparibhaṇḍādīni² karoti, tadā kammaṃ
 manokammaṃ hoti, dvāraṃ pana kāyadvāraṃ. Evam akusalaṃ
 manokammaṃ kāyadvāre samuṭṭhāti, cetanā panettha abbohārikā.

Yadā nana abhijjhāsahagatena cetasā vācaṅgaṃ copento “aho vata yaṃ
 parassa, taṃ mamassā”ti paravittūpakaraṇaṃ abhijjhāyati,
 byāpādasahagatena cetasā “ime sattā haññantu vā bajjhantu vā³ ucchijjantu
 vā, mā vā ahesun”ti vadati, micchādīṭṭhisahagatena cetasā “natthi dinnam,
 natthi yiṭṭhan”ti-ādīni vadati, tadā kammaṃ manokammaṃ hoti, dvāraṃ
 pana vacīdvāraṃ. Evam akusalaṃ manokammaṃ vacīdvāre samuṭṭhāti,
 cetanā panettha abbohārikā.

Yadā pana kāyaṅgavācaṅgāni acopetvā raho nisinno
 abhijjhābyāpādamicchādīṭṭhisahagatāni cittāni uppādeti, tadā kammaṃ
 manokammaṃ, dvārampi manodvārameva. Evam akusalaṃ manokammaṃ
 manodvāre samuṭṭhāti. Imasmim pana ṭhāne cetanāpi cetanāsampayuttakā
 dhammāpi manodvāreyeva samuṭṭhahanti. Evam akusalaṃ manokammaṃ
 tīsupi dvāresu samuṭṭhātīti veditabbam.

1. Vi 5. 374 piṭṭhe.

2. ...bhūtapīṇḍika... (Sī)

3. Vajjhantu vā (Sī, Syā)

Yaṃ pana vuttaṃ “tathā kusalāni kāyavacīmanokammāni”ti, tatrāyaṃ nayo—yadā hi kenaci kāraṇena vattuṃ asakkonto “pāṇātipātā adinnādānā kāmesumicchācārā paṭiviramāmī”ti imāni sikkhāpadāni hatthamuddāya gaṇhāti, tadā kammaṃ kāyakammaṃ, dvārampi kāyadvārameva. Evaṃ kusalaṃ kāyakammaṃ kāyadvāre samuṭṭhāti, tehi cittehi sahatatā anabhijjhādayo cetanāpakkhikā vā honti abbohārikā vā.

Yadā pana tāneva sikkhāpadāni vacībhedaṃ katvā gaṇhāti, tadā kammaṃ kāyakammaṃ, dvāraṃ pana vacīdvāraṃ hoti. Evaṃ kusalaṃ kāyakammaṃ vacīdvāre samuṭṭhāti, tehi cittehi sahatatā anabhijjhādayo cetanāpakkhikā vā honti abbohārikā vā.

Yadā pana tesu sikkhāpadesu diyyamānesu kāyaṅgavācaṅgāni acopetvā manasāva “pāṇātipātā adinnādānā kāmesumicchācārā paṭiviramāmī”ti gaṇhāti, tadā kammaṃ kāyakammaṃ, dvāraṃ pana manodvāraṃ hoti. Evaṃ kusalaṃ kāyakammaṃ manodvāre samuṭṭhāti, tehi cittehi sahatatā anabhijjhādayo cetanāpakkhikā vā honti abbohārikā vā.

Musāvādā veramaṇī-ādāni pana cattāri sikkhāpadāni vuttanayeneva kāyādīhi gaṇhantassa kusalaṃ vacīkammaṃ tīsu dvāresu samuṭṭhātīti veditabbaṃ. Idhāpi anabhijjhādayo cetanāpakkhikā vā honti abbohārikā vā.

Anabhijjhādisahagatēhi pana cittehi kāyaṅgaṃ copetvā cetiyaṅgaṇasammajjanagandhamālādīpūjanacetiyavandanādāni karontassa kammaṃ manokammaṃ hoti, dvāraṃ pana kāyadvāraṃ. Evaṃ kusalaṃ manokammaṃ kāyadvāre samuṭṭhāti, cetanā panettha abbohārikā. Anabhijjhāsahagatena cittena vācaṅgaṃ copetvā “aho vata yaṃ parassa vittūpakaraṇaṃ, na taṃ mamassā”ti¹ anabhijjhāyato, abyāpādasahagatena cittena “sabbe sattā averā abyāpajjā² anīghā sukhī attānaṃ pariharantū”ti vadantassa, sammādiṭṭhisahagatena cittena “atthi dinnan”ti-ādāni udāharantassa kammaṃ manokammaṃ hoti, dvāraṃ pana vacīdvāraṃ. Evaṃ kusalaṃ manokammaṃ vacīdvāre samuṭṭhāti,

1. Taṃ mamassāti (Sī, Ka)

2. Abyāpajjhā (Sī) Abyāpajjhā (Ka)

Cetanā panettha abbohārikā. Kāyaṅgavācaṅgāni pana acopetvā raho nisinnassa manasāva anabhijjhādisahagatāni cittāni uppādentassa kammaṃ manokammaṃ, dvārampi manodvārameva. Evaṃ kusalaṃ manokammaṃ manodvāre samuṭṭhāti. Imasmim̐ pana ṭhāne cetanāpi cetanāsampayuttakā dhammāpi manodvāreyeva samuṭṭhahanti.

Tattha āṇattisamuṭṭhitesu pāṇātipāta-adinnādānesu kammampi kāyakammaṃ, dvārampi kammavaseneva “kāyadvāran”ti vadanto kammaṃ rakkhati, dvāraṃ bhindati nāma. Hatthamuddāya samuṭṭhitesu musāvādādāsu dvārampi kāyadvāraṃ, kammampi dvāravaseneva “kāyakammaṃ”ti vadanto dvāraṃ rakkhati, kammaṃ bhindati nāma. Tasmā “kammaṃ rakkhāmī”ti dvāraṃ na bhinditabbaṃ, “dvāraṃ rakkhāmī”ti kammaṃ na bhinditabbaṃ, yathāvutteneva pana nayena kammaṅca dvāraṅca veditabbaṃ, evaṃ kathento hi neva kammaṃ na dvāraṃ bhindatīti.

Kammakathā niṭṭhitā.

Idāni **pañca viññāṇāni, pañca viññāṇadvārānī**-ādāsu cakkhuviññāṇaṃ sotaviññāṇaṃ ghānaviññāṇaṃ jivhāviññāṇaṃ kāyaviññāṇanti imāni pañca viññāṇāni nāma. Cakkhuviññāṇadvāraṃ sota, ghāna, jivhā, kāyaviññāṇadvāranti imāni pañca viññāṇadvārāni nāma. Imesaṃ pañcannaṃ dvārānaṃ vasena uppannā cetanā neva kāyakammaṃ hoti, na vacīkammaṃ, manokammameva hotīti veditabbā, cakkhusamphasso sota, ghāna, jivhā, kāya, manosamphassoti ime pana **cha samphassā** nāma. Cakkhusamphassadvāraṃ sota, ghāna, jivhā, kāya, manosamphassadvāranti imāni **cha samphassadvārāni** nāma.

Cakkhu-asamvaro sota, ghāna, jivhā, pasādakāya, copanakāya-asamvaro vācā-asamvaro mano-asamvaroti ime **aṭṭha asamvarā** nāma. Te atthato dussīlyaṃ muṭṭhassaccaṃ aññāṇaṃ akkhanti kosajjanti ime pañca dhammā honti. Tesu ekadhammopi pañcadvāre voṭṭhabbanapariyosānesu cittesu nuppajjati, javanakkhaṇeyeva uppajjati. Javane uppannopi pañcadvāre “asamvaro”ti vuccati.

Cakkhuviññāṇasahajāto hi phasso cakkhusamphasso nāma, cetanā manokammaṃ nāma, taṃ cittaṃ manokammadvāraṃ nāma. Ettha pañcavidho asamvaro

natthi. Sampajicchanasahajāto phasso manosamphasso nāma, cetanā manokammaṃ nāma, taṃ cittaṃ manokammadvāraṃ nāma. Etthāpi asaṃvaro natthi. Santīraṇavoṭṭhabbanesupi eseva nayo. Javanasahajāto pana phasso manosamphasso nāma, cetanā manokammaṃ nāma, taṃ cittaṃ manokammadvāraṃ nāma. Ettha asaṃvaro cakkhu-asaṃvaro nāma hoti. Sotaghānājivhāpasādakāyadvāresupi eseva nayo. Yadā pana rūpādīsu aññatarārammaṇaṃ manodvārikajavanaṃ vinā vacīdvārena suddhaṃ kāyadvārasaṅkhātāṃ copanaṃ pāpayamānaṃ uppajjati, tadā tena cittaena sahajāto phasso manosamphasso nāma, cetanā kāyakammaṃ nāma, taṃ pana cittaṃ abbohārikaṃ, copanassa uppannattā “manodvāraṃ”ti saṅkyaṃ na gacchati. Ettha asaṃvaro copanakāya-asaṃvaro nāma. Yadā tādisaṃyeva javanaṃ vinā kāyadvārena suddhaṃ vacīdvārasaṅkhātāṃ copanaṃ pāpayamānaṃ uppajjati, tadā tena cittaena sahajāto phasso manosamphasso nāma, cetanā vacīkammaṃ nāma, taṃ pana cittaṃ abbohārikaṃ, copanassa uppannattā “manodvāraṃ”ti saṅkhyāṃ na gacchati. Ettha asaṃvaro vācā-asaṃvaro nāma. Yadā pana tādisaṃ javanacittaṃ vinā kāyavacīdvārehi suddhaṃ manodvārameva hutvā uppajjati, tadā tena cittaena sahajāto phasso manosamphasso nāma, cetanā manokammaṃ nāma, taṃ pana cittaṃ manokammadvāraṃ nāma. Ettha asaṃvaro mano-asaṃvaro nāma. Iti imesaṃ aṭṭhannaṃ asaṃvarānaṃ vasena cakkhu-asaṃvaradvāraṃ sota, ghāna, jivhā, pasādakāya, copanakāya, vācā, mano-asaṃvaradvāranti imāni aṭṭha asaṃvaradvārāni veditabbāni.

Cakkhusaṃvaro sota, ghāna, jivhā, pasādakāya, copanakāya, vācā, manosamvaroti ime pana aṭṭha saṃvarā nāma. Te atthato sīlaṃ sati nāṇaṃ khanti vīriyanti ime pañca dhammā honti. Tesupi ekadhammopi pañcadvāre voṭṭhabbanapariyosānesu cittesu nuppajjati, javanakkhaṇeyeva uppajjati. Javane uppannopi pañcadvāre “saṃvaro”ti vuccati. Tassa sabbassāpi “cakkhuviññāṇasahajāto hi phasso cakkhusamphasso”ti-ādinā asaṃvare vuttanayeneva uppatti veditabbā. Iti imesaṃ aṭṭhannaṃ saṃvarānaṃ vasena cakkhusaṃvaradvāraṃ -pa- manosamvara dvāranti imāni **aṭṭha saṃvaradvārāni** veditabbāni.

Akusalakammaphakathā

Pāṇātipāto adinnādānaṃ kāmesumicchācāro musāvādo pisuṇavācā pharusavācā¹ samphappalāpo abhijjhā byāpādo micchādīṭṭhīti ime pana dasa akusalakammaphakathā nāma.

Tattha pāṇassa atipāto² **pāṇātipāto** nāma, pāṇavadho pāṇaghātoto vuttaṃ hoti. **Pāṇoti** cettha vohārato satto, paramatthato jīvitindriyaṃ. Tasmim̐ pana pāṇe pāṇasaññino jīvitindriyupacchedaka-upakkamasamuṭṭhāpikā kāyavacīdvārānaṃ aññataradvārappavattā vadhakacetanā pāṇātipāto. So guṇavirahitesu tiracchānagatādīsū pāṇesu khuddake pāṇe appasāvajjo, mahāsārīre mahāsāvajjo. Kasmā? Payogamahantatāya. Payogasamattepi vatthumahantatāya. Guṇavantesu manussādīsū appaguṇe appasāvajjo, mahāguṇe mahāsāvajjo. Sarīraguṇānaṃ pana samabhāve sati kilesānaṃ, upakkamānañca mudutāya appasāvajjo, tibbatāya mahāsāvajjoti veditabbo.

Tassa pañca sambhārā honti pāṇo, pāṇasaññitā, vadhakacittaṃ, upakkamo, tena maraṇanti. Cha payogā sāhatthiko, āṇattiko, nissaggiyo, thāvaro, vijjāmayo, iddhimayoti. Imasmim̐ panatthe vitthāriyamāne atipapañco hoti, tasmā taṃ na vitthārayāma aññañca evarūpaṃ, atthikehi pana Samantapāsādikā **Vinayaṭṭhakathā**³ oloketvā gahetabbaṃ.

Adinnassa ādānaṃ **adinnādānaṃ**, parassaharaṇaṃ⁴ theyyaṃ corikāti vuttaṃ hoti. Tattha **adinnanti** parapariggahitaṃ, yattha paro yathākāmakāritaṃ āpajjanto adaṇḍāraho, anupavajjo ca hoti, tasmim̐ pana parapariggahite parapariggahitasaññino tadādāyaka-upakkamasamuṭṭhāpikā theyyacetanā adinnādānaṃ. Taṃ hīne parasantake appasāvajjaṃ, paṇīte mahāsāvajjaṃ. Kasmā? Vatthupaṇītatāya. Vatthusamatte sati guṇādhikānaṃ santake vatthusmim̐ mahāsāvajjaṃ. Taṃtaṃguṇādhikānaṃ upādāya tato tato hīnaguṇassa santake vatthusmim̐ appasāvajjaṃ.

1. Pisuṇā vācā pharusā vācā (Sī, Syā)

2. Atīva pāto (Ka)

3. Vi-Ṭṭha 2. 39 piṭṭhe.

4. Parasamharaṇaṃ (Dī-Ṭṭha 1. 70 piṭṭhe)

Tassa pañca sambhārā honti parapariggahitaṃ, parapariggahitasaññitā, theyyacittaṃ, upakkamo, tena haraṇanti. Cha payogā sāhatthikādayova. Te ca kho yathānurūpaṃ theyyāvahāro pasayhāvahāro paṭicchannāvahāro parikappāvahāro kusāvahāroti imesaṃ pañcannaṃ avahārānaṃ vasena pavattanti ayamettha saṅkhepo, vitthāro pana **Samantapāsādikāyaṃ**¹ vutto.

Kāmesumicchācāroti ettha pana **kāmesū**ti methunasamācāresu. **Micchācāro**ti ekantanindito lāmakācāro. Lakkhaṇato pana asaddhammādhippāyena kāyadvārappavattā agamanīyaṭṭhānavītikkamacetanā kāmesumicchācāro.

Tattha **agamanīyaṭṭhānaṃ** nāma purisānaṃ tāva māturakkhitā piturakkhitā mātāpiturakkhitā bhāturakkhitā bhaginirakkhitā ñātirakkhitā gottarakkhitā dhammarakkhitā sārakkhā sapaṛidaṇḍāti māturakkhitādayo dasa, dhanakkītā chandavāsini bhogavāsini paṭavāsini odapattakinī obhaṭacumbaṭā, dāsī ca bhariyā, kammakārī ca bhariyā, dhajāhaṭā, muhuttikāti etā dhanakkītādayo dasāti vīsati itthiyo. Itthīsu pana dvinnaṃ sārakkhasapaṛidaṇḍānaṃ, dasannaṃca dhanakkītādīnanti dvādasannaṃ itthīnaṃ aññe purisā, idaṃ agamanīyaṭṭhānaṃ nāma.

So panesa micchācāro silādiguṇarahite agamanīyaṭṭhāne appasāvajjo, silādiguṇasampanne mahāsāvajjo. Tassa cattāro sambhārā agamanīyavattu, tasmim sevanacittaṃ, sevanappayogo, maggenamaggappaṭipatti-adhivāsananti. Eko payogo sāhatthiko eva.

Musāti visamvādanapurekkhārassa atthabhañjako vacīpayogo, kāyapayogo vā. Visamvādanādhippāyena panassa paravisamvādaka² kāyavacīpayogasamuṭṭhāpikā cetanā **musāvādo**. Aparo nayo, **musāti** abhūtaṃ atacchaṃ vatthu. **Vādoti** tassa bhūtato tacchato viññāpanaṃ. Lakkhaṇato pana atathaṃ vatthuṃ tathato paraṃ viññāpetukāmassa tathāviññāttisamuṭṭhāpikā cetanā musāvādo. So yamatthaṃ bhuñjati, tassa appatāya appasāvajjo, mahantatāya mahāsāvajjo. Apica

1. Vi-Ṭṭha 1. 330 piṭṭhe.

2. Parassa paraṃ visamvādakā (Sī), parassa paravisamvādaka (Syā), Dī-Ṭṭha 1. 71 piṭṭhe passitabbaṃ.

gahaṭṭhānaṃ attano santakaṃ adātukāmatāya natthīti-ādinayappavatto appasāvajjo, sakkhinā hutvā atthabhañjanatthaṃ vutto mahāsāvajjo. Pabbajitānaṃ appakampi telam vā sappim vā labhitvā hasādhippāyena¹ “ajja gāme telam nadī maññe sandatī”ti pūraṇakathānayaena pavatto appasāvajjo, adiṭṭhamyeva pana diṭṭhanti-ādinā nayena vadantānaṃ mahāsāvajjo.

Tassa cattāro sambhārā honti atathaṃ vatthu, visamvādanacittam, tajjo vāyāmo, parassa tadatthavijānananti. Eko payogo sāhatthikova. So ca kāyena vā kāyappaṭibaddhena vā vācāya vā paravisamvādakakiriyākaraṇe daṭṭhabbo. Tāya ce kiriyāya paro tamatthaṃ jānāti, ayam kiriyasamuṭṭhāpikacetanākkhaṇeyeva musāvādakammunā bajjhati. Yasmā pana yathā kāyakāyappaṭibaddhavācāhi param visamvādeti, tathā “imassa imaṃ bhaṇāhi”ti āṇāpentopi, paṇṇam likhitvā purato nissajjantopi,² “ayamattho evam daṭṭhabbo”ti kuṭṭādīsu likhitvā ṭhapentopi, tasmā ettha āṇattikanissaggiyathāvarāpi payogā yujjanti. **Atthakathāsu** pana anāgatattā vīmaṃsitvā gahetabbā.

Pisuṇavācāti-ādīsu yāya vācaya yassa taṃ vācam bhāsati, tassa hadaye attano piyabhāvaṃ, parassa ca suññabhāvaṃ³ karoti, sā **pisuṇavācā**. Yāya pana attānampi parampi pharusam karoti, yā vācā sayampi pharusā neva kaṇṇasukhā na hadayaṅgamā, ayam **parusavācā**. Yena samphaṃ palapati niratthakaṃ, so **samphappalāpo**. Tesam mūlabhūtā cetanāpi pisuṇavācādināmameva labhati, sā eva ca idha adhippetāti.

Tattha saṃkiliṭṭhacittassa paresam vā bhedāya, attano piyakamyatāya vā kāyavacīpayogasamuṭṭhāpikā cetanā pisuṇavācā. Sā yassa bhedaṃ karoti, tassa appaṇatāya appasāvajjā, mahāṇatāya mahāsāvajjā.

Tassā cattāro sambhārā bhinditabbo paro, “iti ime nānā⁴ bhavissanti vinā bhavissanti”ti bhedapurekkhārātā vā, “iti ahaṃ piyo bhavissāmi vissāsiko”ti piyakamyatā vā, tajjo vāyāmo, tassa

1. Hassādhippāyena (Sī, Syā)

3. Piyasuññabhāvaṃ (Sī)

2. Nissajjantopi (Sī)

4. Vinā (Sī)

tadatthavijānananti. Pare pana abhinne kammaṭṭhabhedo natthi, bhinne eva hoti.

Parassa mammacchedakakāyavacīpayogasamuṭṭhāpikā ekantapharusacetanā pharusavācā. Tassā āvibhāvatthamidaṃ vatthu—eko kira dārako mātu vacanaṃ anādiyitvā araññaṃ gacchati, taṃ mātā nivattetuṃ asakkontī “caṇḍā taṃ mahimsī anubandhatū”ti akkosi. Athassa tatheva araññe mahimsī uṭṭhāsi, dārako “yaṃ mama mātā mukhena kathesi, taṃ mā hotu, yaṃ cittaena cintesi, taṃ hotū”ti saccakiriyaṃ akāsi. Mahimsī tattheva baddhā viya aṭṭhāsi. Evaṃ mammacchedakopi payogo cittasaṅhatāya pharusavācā na hoti. Mātāpitaro hi kadāci puttake evampi vadanti “corā vo khaṇḍākhaṇḍikaṃ karontū”ti, uppalapattampi ca nesaṃ upari patantaṃ na icchanti. Ācariyupajjhāyā ca kadāci nissitake evaṃ vadanti “kiṃ ime ahirikā anottappino caranti, niddhamatha ne”ti, atha ca nesaṃ āgamādhigamasamattiṃ icchinti. Yathā ca cittasaṅhatāya pharusavācā na hoti, evaṃ vacanasāṅhatāya aphaṇḍavācāpi na hoti. Na hi mārapetukāmassa “imaṃ sukhaṃ sayāpethā”ti vacanaṃ aphaṇḍavācā hoti, cittapharusatāya panesā pharusavācāva. Sā yaṃ sandhāya pavattitā. Tassa appaṇḍatāya appasāvajjā, mahāḡuṇatāya mahāsāvajjā. Tassā tayo sambhārā akkositabbo paro, kupitacittaṃ, akkosananti.

Anatthaviññāpikā kāyavacīpayogasamuṭṭhāpikā akusalacetanā samphappalāpo. So āsevanamandatāya appasāvajjo, āsevanamahantatāya mahāsāvajjo. Tassa dve sambhārā bhāratayuddhasītāharaṇādiniratthakakathāpurekkhārātā, tathārūpīkathākathanañcāti. Pare pana taṃ kathaṃ aggaṅhante kammaṭṭhabhedo natthi, parena samphappalāpe gahiteyeva hoti.

Abhiḡhāyatīti **abhiḡhā**, parabhaṇḍābhimukhī hutvā tanninnaṭṭhāya pavattatīti attho. Sā “aho vata idaṃ mamassā”ti evaṃ parabhaṇḍābhīḡhāyanalakkhaṇā. Adinnādānaṃ viya appasāvajjā, mahāsāvajjā ca.

tassā dve sambhārā parabhaṇḍaṃ, attano pariṇāmanañcāti.

Parabhaṇḍavatthuke hi lobhe uppannepi na tāva kammaṭṭhabhedo hoti, yāva na “aho tava idaṃ mamaṣṣā”ti attano pariṇāmeti.

Hitasukhaṃ byāpādayatīti **byāpādo**, so paravināsāya manopadosalakkhaṇo. Pharusavācā viya appasāvajjo, mahāsāvajjo ca. Tassa dve sambhārā parasatto ca tassa ca vināsacintāti. Parasattavatthuke hi kodhe uppannepi na tāva kammaṭṭhabhedo hoti, yāva “aho vatāyaṃ ucchijjeyya vinasseyyā”ti tassa vināsaṇaṃ na cintesi.

Yathābhuccagahaṇābhāvena micchā passatīti **micchādiṭṭhi**, sā “natthi dinnan”ti-ādinā nayena viparītadassanalakkhaṇā. Samphappalāpo viya appasāvajjā, mahāsāvajjā ca. Apica aniyatā appasāvajjā, niyatā mahāsāvajjā. Tassā dve sambhārā vatthuno ca gahitākāraviparītātā, yathā ca taṃ gaṇhāti, tathābhāvena tassupaṭṭhānanti. Tattha natthikāhetuka-akiriyadiṭṭhihi eva kammaṭṭhabhedo hoti, na aññadiṭṭhihi.

Imesaṃ pana dasannaṃ akusalakammaṭṭhānaṃ dhammato, koṭṭhāsato, ārammaṇato, vedanāto, mūlato cāti pañcahākārehi vinicchayo veditabbo.

Tattha **dhammatoti** etesu hi paṭipāṭiyā satta cetanādhammāva honti, abhijjhādayo tayo cetanāsampayuttā.

Koṭṭhāsatotī paṭipāṭiyā satta, micchādiṭṭhi cāti ime aṭṭha kammaṭṭhā eva hontī, no mūlāni. Abhijjhābyāpādā kammaṭṭhā ceva mūlāni ca. Abhijjhā hi mūlaṃ patvā lobho akusalamūlaṃ hoti, byāpādo doso akusalamūlaṃ.

Ārammaṇatotī paṇātipāto jīvitindriyārammaṇato saṅkhārārammaṇo hoti. Adinnādānaṃ sattārammaṇaṃ vā hoti saṅkhārārammaṇaṃ vā. Micchācāro phoṭṭhabbavasena saṅkhārārammaṇo hoti, sattārammaṇotipi eke. Musāvādo sattārammaṇo vā saṅkhārārammaṇo vā. Tathā piṣuṇavācā. Pharusavācā sattārammaṇāva. Samphappalāpo diṭṭhasutamutaviññātavasena sattārammaṇo vā saṅkhārārammaṇo vā. Tathā abhijjhā. Byāpādo sattārammaṇova. Micchādiṭṭhi tebhūmakadhammavasena saṅkhārārammaṇāva.

Vedanātoti pāṇātipāto dukkhavedano hoti. Kiñcāpi hi rājāno coraṃ disvā hasamānāpi “gacchatha naṃ ghāthethā”ti vadanti, sanniṭṭhāpakacetanā pana nesam dukkhasampayuttāva hoti. Adinnādānaṃ tivedanaṃ, tañhi parabhaṇḍaṃ disvā haṭṭhatuṭṭhassa gaṇhato sukhavedanaṃ hoti, bhītatasitassa gaṇhato dukkhavedanaṃ. Tathā vipākanissandaphalāni paccavekkhantassa, gahaṇakāle majjhatabhāve ṭhitassa pana gaṇhato adukkhamasukhavedanaṃ hotīti. Micchācāro sukhamajjhattavasena dvivedano, sanniṭṭhāpakacitte pana majjhattavedano na hoti. Musāvādo adinnādāne vuttanayeneva tivedano. Tathā piṣuṇavācā. Pharusavācā dukkhavedanā. Samphappalāpo tivedano. Paresu hi sādhuḥkāraṃ dentesu celukkhepādīni khipantesu¹ haṭṭhatuṭṭhassa sītāharaṇabhāratayuddhādīni kathanakāle so sukhavedano hoti, paṭhamam dinnavetanena ekena pacchā āgantvā “ādito paṭṭhāya kathehi”ti vutte “ananusandhikaṃ pakiṇṇakakathaṃ kathessāmi nu kho, no”ti domanassitassa kathanakāle dukkhavedano hoti, majjhattassa kathayato adukkhamasukhavedano hoti. Abhijjhā sukhamajjhattavasena dvivedanā. Tathā micchādīṭṭhi. Byāpādo dukkhavedano.

Mūlatoti pāṇātipāto dosamohavasena dvimūlako hoti. Adinnādānaṃ dosamohavasena vā lobhamohavasena vā. Micchācāro lobhamohavasena. Musāvādo dosamohavasena vā lobhamohavasena vā. Tathā piṣuṇavācā, samphappalāpo ca. Pharusavācā dosamohavasena. Abhijjhā mohavasena ekamūlā. Tathā byāpādo. Micchādīṭṭhi lobhamohavasena dvimūlāti.

Akusalakammamapathakathā niṭṭhitā.

Kusalakammamapathakathā

Pāṇātipātādīhi pana viratiyo, anabhijjhā-abyāpādasammādiṭṭhiyo cāti ime dasa kusalakammamapathā nāma. Tattha pāṇātipātādayo vuttatthā eva. Pāṇātipātādīhi etāya viramanti, sayam vā viramati,

1. Celādīni ukkhipantesu (Syā)

viramaṇamattameva vā etanti **virati**. Yā pāṇātipātā viramantassa “yā tasmim̄ samaye pāṇātipātā ārati viratī”¹ti evaṃ vuttā kusalacittasampayuttā virati, sā pabhedato tividhā hoti sampattavirati samādānavirati samucchadaviratīti.

Tattha asamādinna-sikkhāpadānaṃ attano jātivayabāhusaccādīni paccavekkhitvā “ayuttaṃ amhākaṃ evarūpaṃ kātun”ti sampattaṃ vatthum avītikkamantānaṃ uppajjamānā virati **“sampattavirati”**ti veditabbā, Sīhaḷadīpe **Cakkana-upāsakassa**² viya. Tassa kira daharakāleyeva mātuyā rogo uppajji. Vejjena ca “allasasamaṃsaṃ laddhum vaṭṭatī”ti vuttaṃ. Tato Cakkanassa bhātā “gaccha tāta, khettaṃ āhiṇḍāhī”ti Cakkanam̄ pesesi. So tattha gato, tasmim̄ñca samaye eko saso taruṇasassaṃ khādītum āgato hoti. So taṃ disvāva vegena dhāvanto vallyiā baddho “kiri kirī”ti saddamakāsi. Cakkano tena saddena gantvā taṃ gahetvā cintesi “mātu bhesajjam̄ karomī”ti, puna cintesi “na metaṃ patirūpaṃ, yvāham̄³ mātu jīvitakāraṇā param̄ jīvitā voropeyyan”ti. Atha naṃ “gaccha araṇṇe sasehi saddhim̄ tiṇodakaṃ paribhuñjā”ti muñci. Bhātarā ca “kiṃ tāta saso laddho”ti pucchito taṃ pavattim̄ ācikkhi. Tato naṃ bhātā paribhāsi. So mātusantikaṃ gantvā “yato aham̄ jāto, nābhijānāmi sañcicca pāṇam̄ jīvitā voropetā”ti saccaṃ vatvā aṭṭhāsi, tāvadevassa mātā arogā ahoṣi.

Samādinna-sikkhāpadānaṃ pana sikkhāpadasamādāne ca tatuttariṇca attano jīvitampi pariccajivā vatthum avītikkamantānaṃ uppajjamānā virati **“samādānavirati”**ti veditabbā, **Uttaravaḍḍhamānapabbatavāsī-upāsakassa** viya. So kira Ambariya⁴vihāravāsino **Piṅgalabuddharakkhitatherassa** santike sikkhāpadāni gahetvā khettaṃ kasati. Athassa goṇo naṭṭho, so taṃ gavesanto Uttaravaḍḍhamānapabbataṃ āruhi, tatra naṃ mahāsappo aggahesi. So cintesi “imāyassa tikhiṇavāsīyā sīsaṃ chindāmī”ti, puna cintesi “na metaṃ patirūpaṃ, yvāham̄ bhāvanīyassa garuno santike sikkhāpadāni gahetvā bhindeyyan”ti. Evaṃ yāvatatiyaṃ

1. Abhi 1. 76 piṭṭhe.

3. Yamahaṃ (Sī)

2. Jaggana-upāsakassa (Ka)

4. Ambatissa (Ka)

cintetvā “jīvitam pariccajāmi, na sikkhāpadan”ti amse ṭhapitam tikhīnadaṇḍavāsīm araññe chaḍḍesi, tāvadeva nam mahāvālo muñcitvā agamāsīti.

Ariyamaggasampayuttā pana virati **samucchedaviratī**ti veditabbā, yassā¹ uppattito pabhuti “pāṇam ghātesāmi”ti ariyapuggalānam cittampi nuppajjatīti.

Idāni yathā akusalānam, evam imesampi kusalakammapathānam dhammato koṭṭhāsato ārammaṇato vedanāto mūlatoti pañcahākārehi vinicchayo veditabbo.

Tattha **dhammatoti** etesu hi paṭipāṭiyā satta cetanāpi vaṭṭanti viratiyopi, ante tayo cetanāsampayuttāva.

Koṭṭhāsatotī paṭipāṭiyā satta kammaṭṭhā eva, no mūlāni, ante tayo kammaṭṭhā ceva mūlāni ca. Anabhijjhā hi mūlam patvā alobho kusalamūlam hoti, abyāpādo adoso kusalamūlam, sammādiṭṭhi amoho kusalamūlam.

Ārammaṇatotī pāṇātipātādīnam ārammaṇāneva etesam ārammaṇāni, vītikkamitabbatoyeva hi veramaṇī nāma² hoti. Yathā pana nibbānārammaṇo ariyamaggo kilese pajahati, evam jīvitindriyādi-ārammaṇāpete kammaṭṭhā pāṇātipātādīni dussīlyāni pajahantīti veditabbā.

Vedanātotī sabbe sukhavedanā vā honti majjhattavedanā vā, kusalam patvā hi dukkhavedanā nāma natthi.

Mūlatoti paṭipāṭiyā satta kammaṭṭhā ñāṇasampayuttacittena vīramantassa alobha-adosa-amohavasena timūlā honti, ñāṇavippayuttacittena vīramantassa dvimūlā. Anabhijjhā ñāṇasampayuttacittena vīramantassa dvimūlā. Anabhijjhā ñāṇasampayuttacittena vīramantassa dvimūlā hoti, ñāṇavippayuttacittena ekamūlā. Alobho pana attanāva attano mūlam na hoti. Abyāpādepi eseva nayo. Sammādiṭṭhi alobhādosavasena dvimūlāva hoti. Ime dasa kusalakammapathā nāma.

1. Tassā (Sī)

2. Virati veramaṇī nāma (Syā)

Kammapathasaṁsandanakathā

Idāni imasmim̐ ṭhāne kammapathasaṁsandanaṁ nāma veditabbaṁ. Pañcaphassadvāravasena hi uppanno asaṁvaro akusalaṁ manokammameva hoti. Manophassadvāravasena uppanno tīṇipi kammāni honti. So hi kāyadvāre copanappatto akusalaṁ kāyakammaṁ hoti, vacīdvāre akusalaṁ vacīkammaṁ, ubhayattha copanaṁ appatto akusalaṁ manokammaṁ. Pañca-asaṁvaradvāravasena uppannopi akusalaṁ manokammameva hoti. Copanakāya-asaṁvaradvāravasena uppanno akusalaṁ kāyakammameva hoti. Vācā-asaṁvaradvāravasena uppanno akusalaṁ vacīkammameva hoti. Mano-asaṁvaradvāravasena uppanno akusalaṁ manokammameva hoti. Tividhaṁ kāyaduccaritaṁ akusalaṁ kāyakammameva hoti. Catubbidhaṁ vacīduccaritaṁ akusalaṁ vacīkammameva hoti. Tividhaṁ manoduccaritaṁ akusalaṁ manokammameva hoti.

Pañcaphassadvāravasena uppanno saṁvaropi kusalaṁ manokammameva hoti. Manophassadvāravasena uppanno pana ayampi asaṁvaro viya tīṇipi kammāni honti. Pañcasaṁvaradvāravasena uppannopi kusalaṁ manokammameva hoti. Copanakāyasaṁvaradvāravasena uppanno kusalaṁ kāyakammameva hoti. Vācāsaṁvaradvāravasena uppanno kusalaṁ vacīkammameva hoti. Manosaṁvaradvāravasena uppanno kusalaṁ manokammameva hoti. Tividhaṁ kāyasucaritaṁ kusalaṁ kāyakammameva hoti. Catubbidhaṁ vacīsucaritaṁ kusalaṁ vacīkammameva hoti. Tividhaṁ manosucaritaṁ kusalaṁ manokammameva hoti.

Akusalaṁ kāyakammaṁ pañcaphassadvāravasena nuppajjati, manophassadvāravaseneva uppajjati. Tathā akusalaṁ vacīkammaṁ. Akusalaṁ manokammaṁ pana chaphassadvāravasena uppajjati, taṁ kāyavacīdvāresu copanaṁ pattāṁ akusalaṁ kāyavacīkammaṁ hoti, copanaṁ appattaṁ akusalaṁ manokammameva. Yathā ca pañcaphassadvāravasena, evaṁ pañca-asaṁvaradvāravasenapi akusalaṁ kāyakammaṁ nuppajjati. Copanakāya-asaṁvaradvāravasena, pana vācā-asaṁvaradvāravasena ca uppajjati, mano-asaṁvaradvāravasena nuppajjati. Akusalaṁ vacīkammampi pañca-asaṁvaradvāravasena nuppajjati, copanakāyavācā-asaṁvaradvāravasena uppajjati, mano-asaṁvaradvāravasena nuppajjati. Akusalaṁ manokammaṁ aṭṭha-asaṁvaradvāravasenapi uppajjateva. Kusalakāyakammādīsupi eseva nayo.

Ayaṃ pana viśeso, yathā akusalakāyakkammavacīkammāni mano-
asaṃvaradvārasena nuppajjanti, na tathā etani. Etāni pana
kāyaṅgavācaṅgaṃ acopetvā sikkhāpadāni gaṇhantassa manosaṃvaradvārepi
uppajjanti eva. Tattha kāmāvacaraṃ kusalaṃ cittaṃ
tividhakammadvārasena uppajjati, pañcaviññāṇadvārasena nuppajjati,
“yamidam cakkhusamphassapaccayā uppajjati vedayitam sukham vā
dukkham vā adukkhamasukham vā”ti iminā pana nayena
chaphassadvārasena uppajjati, aṭṭha-asaṃvaradvārasena nuppajjati,
aṭṭhasaṃvaradvārasena uppajjati, dasa-akusalakammāpathavasena
nuppajjati, dasakusalakammāpathavasena uppajjati. Tasmā idampi cittaṃ
tividhakammadvārasena vā uppannaṃ hotu, chaphassadvārasena vā
aṭṭhasaṃvaradvārasena vā dasakusalakammāpathavasena vā,
“kāmāvacaraṃ kusalaṃ cittaṃ uppannaṃ hoti -pa- rūpārammaṇaṃ vā -pa-
dhammārammaṇaṃ vā”ti vutte sabbaṃ vuttameva hotīti.

Dvārakathā niṭṭhitā.

Yaṃ yaṃ vā panārabbhāti ettha ayaṃ yojanā, heṭṭhā vuttesu
rūpārammaṇādīsu rūpārammaṇaṃ vā ārabbha, ārammaṇaṃ katvāti attho.
Saddārammaṇaṃ vā -pa- dhammārammaṇaṃ vā ārabbha uppannaṃ hoti.
Ettāvata¹ etassa cittaṃ etesu ārammaṇesu yaṃkiñci ekameva ārammaṇaṃ
anuññātasadisam hoti. Idañca ekasmiṃ samaye ekassa vā puggalassa
rūpārammaṇaṃ ārabbha uppannaṃ, puna aññasmiṃ samaye aññassa vā
puggalassa saddādīsipi aññataraṃ ārammaṇaṃ ārabbha uppajjati eva. Evaṃ
uppajjamānassa cassa ekasmiṃ bhava paṭhamaṃ rūpārammaṇaṃ ārabbha
pavatti hoti, pacchā saddārammaṇanti ayampi kamo natthi. Rūpādīsu cāpi
paṭhamaṃ nīlārammaṇaṃ, pacchā pītārammaṇanti ayampi niyamo natthi. Iti
imaṃ sabbārammaṇatañceva kamābhāvañca, kamābhāvepi ca nīlapītādīsu
niyamābhāvaṃ dassetuṃ “yaṃ yaṃ vā panārabbhā”ti āha. Idaṃ vuttaṃ
hoti—imesu rūpādīsū na yaṃkiñci ekameva, atha kho yaṃ yaṃ vā
panārabbha uppannaṃ hoti, evaṃ uppajjamānampi ca “paṭhamaṃ
rūpārammaṇaṃ, pacchā saddārammaṇaṃ ārabbhā”ti evampi anuppajjitvā
yaṃ yaṃ vā panārabbha uppannaṃ hoti, paṭilomato vā anulomato vā
ekantarikadvantarikādinayena vā rūpārammaṇādīsū yaṃ vā taṃ vā
ārammaṇaṃ katvā uppannaṃ hotīti attho. Rūpārammaṇesupi ca²

1. Ekassa (Sī)

2. Rūpārammaṇepi ca (Sī)

“paṭhamam̐ nīlārammaṇam̐, pacchā pītārammaṇam̐”ti imināpi niyamena anuppajjitvā yaṁ yaṁ vā panārabbhā nīlapītakādīsū rūpārammaṇesu yaṁ vā taṁ vā rūpārammaṇam̐ ārabbhā uppannam̐ hotīti attho. Saddārammaṇādīsūpi eseva nayo. Ayaṁ tāva ekā yojanā.

Ayaṁ pana aparā—rūpaṁ ārammaṇam̐ etassāti **rūpārammaṇam̐** -pa-dhammo ārammaṇam̐ etassāti **dhammārammaṇam̐**. Iti rūpārammaṇam̐ vā -pa- dhammārammaṇam̐ vā cittaṁ uppannam̐ hotīti vatvā puna “yaṁ yaṁ vā panārabbhā”ti āha. Tassattho—etesu rūpādīsū heṭṭhā vuttanayeneva yaṁ vā taṁ vā pana ārabbhā uppannam̐ hotīti. **Mahā-aṭṭhakathāyaṁ** pana “yevāpanake¹ abhinavaṁ natthi, heṭṭhā gahitameva gahitan”ti vatvā “rūpaṁ vā ārabbhā -pa- dhammaṁ vā ārabbhā idaṁ vā idaṁ vā ārabbhāti kathetum̐ idaṁ vuttan”ti ettakameva āgataṁ.

Dhammuddesavāra phassapañcamakarāsivañṇanā

Tasmim̐ samayeti idaṁ aniyamaniddiṭṭhassa samayassa niyamato paṭiniddesavacanam̐. Tasmā “yasmiṁ samaye kāmāvacaram̐ kusalam̐ cittaṁ uppannam̐ hoti, tasmim̐yeva samaye phasso hoti -pa- avikkhepo hoti”ti ayamattho vedītabbo. Tattha yatheva cittaṁ, evaṁ phassādīsūpi “phasso hoti. Kim̐ hoti? Kāmāvacaro hoti, kusalo hoti, uppanno hoti, somanassasahagato hoti”ti-ādinā nayena labbhamānapadavasena yojanā kātābbā. Vedanāyañhi “somassasahagatā”ti, paññindriye ca “ñāṇasampayuttan”ti na labbhati, tasmā “labbhamānapadavasenā”ti vuttam̐. Idaṁ Aṭṭhakathāmuttakam̐ ācariyānam̐ mataṁ, na panetaṁ sārato daṭṭhabbam̐.

Kasmā panettha phassova paṭhamam̐ vuttoti? Cittassa paṭhamābhiniṭṭatā. Ārammaṇasmiñhi cittassa paṭhamābhiniṭṭatā hutvā phasso ārammaṇam̐ phusamāno uppajjati, tasmā paṭhamam̐ vutto. Phassena pana phusitvā vedanāya vedayati², saññāya sañjānāti, cetanāya ceteti, tena vuttam̐ “phuṭṭho bhikkhave vedeti, phuṭṭho sañjānāti, phuṭṭho ceteti”ti³.

1. Yaṁ yaṁ vā pana, taṁ (Sī), yaṁvāpanake (Ka, Sī)

2. Vediyati (Sī, Syā)

3. Phuṭṭho ceteti, phuṭṭho sañjānāti (Sam̐ 2. 290 piṭṭhe)

Apica ayaṃ phasso nāma yathā pāsādaṃ patvā thambho nāma sesadabbasambhārānaṃ balavapaccayo, tulā saṅghāta bhittipāda kūṭa gopānasīpakkhapāsakamukhavaṭṭiyo thambhābaddho¹ thambhe patiṭṭhitā, evameva sahaajātasampayuttadhammānaṃ balavapaccayo hoti. Thambhasadiso hi esa, avasesā dabbasambhārasadisāti tasmāpi paṭhamam vutto. Idam pana akāraṇam, ekacittasmiṃhi uppannadhammānaṃ² “ayaṃ paṭhamam uppanno, ayaṃ pacchā”ti idam vuttum na labbhā, balavapaccayabhāvepi phassassa kāraṇam na dissati, desanāvārenea pana phasso paṭhamam vutto. “Vedanā hoti, phasso hoti. Saññā hoti, phasso hoti. Cetanā hoti, vitakko hoti”ti āharitumpi hi vaṭṭeyya, desanāvārena pana phassova paṭhamam vuttoti veditaḅbo. Yathā cettha, evam sesadhammesupi pubbāparakkamo nāma na pariyesitaḅbo. Vacanatthalakkhaṇarasādīhi pana dhammā eva pariyesitaḅbā.

Seyyathidaṃ—phusatīti **phasso**, svāyaṃ phusanalakkhaṇo, saṅghaṭṭanaraso, sannipātapaccupaṭṭhāno, āpāthagatavisayapadaṭṭhāno.

Ayañhi arūpadhammopi samāno ārammaṇe phusanākārenea pavattatīti **phusanalakkhaṇo**. Ekadesena ca anallīyamānopi rūpaṃ viya cakkhum, saddo viya ca sotaṃ, cittaṃ ārammaṇaṅca saṅghaṭṭetīti **saṅghaṭṭanaraso**, vatthārammaṇasaṅghaṭṭanato vā uppannattā sampatti-atthenapi rasena saṅghaṭṭanarasoti veditaḅbo. Vuttañhetam Aṭṭhakathāyaṃ “catubhūmakaphasso hi nophusanalakkhaṇo nāma natthi. Saṅghaṭṭanaraso pana pañcadvārikova hoti, pañcadvārikassa hi phusanalakkhaṇotipi saṅghaṭṭanarasotipi, nāmam. Manodvārikassa phusanalakkhaṇotveva nāmam, na saṅghaṭṭaraso”ti.

Idaṅca vatvā idam suttaṃ ābhataṃ “yathā mahārāja dve maṇḍā yujjheyyum, tesu yathā eko meṇḍo, evam cakkhu daṭṭhabbam. Yathā dutiyo meṇḍo, evam rūpaṃ daṭṭhabbam. Yathā tesam sannipāto, evam phasso daṭṭhabbo. Evam phusanalakkhaṇo ca phasso saṅghaṭṭanaraso ca. Yathā mahārāja

1. Thambhe-baddhā (Sī) Thambhabaddhā (Ka)

2. Uppannadhammā (Sī)

dve sammā vajjeyyūṃ -pa- dve pāṇi vajjeyyūṃ. Yathā eko pāṇi, evaṃ cakkhu daṭṭhabbaṃ. Yathā dutiyo pāṇi, evaṃ rūpaṃ daṭṭhabbaṃ. Yathā tesāṃ sannipāto, evaṃ phasso daṭṭhabbo. Evaṃ phusanalakkhaṇo ca phasso saṅghaṭṭanaraso cā”ti¹ vitthāro.

Yathā vā “cakkhunā rūpaṃ disvā”ti-ādīsu² cakkhuvīññānādīni cakkhu-ādināmena vuttāni, evamidhāpi tāni cakkhu-ādināmena vuttānīti veditabbāni. Tasmā “evaṃ cakkhu daṭṭhabban”ti-ādīsu “evaṃ cakkhuvīññāṇaṃ daṭṭhabban”ti iminā nayena attho veditabbo. Evaṃ sante cittārammaṇasaṅghaṭṭanato imasmimpi sutte kiccaṭṭheneva rasena saṅghaṭṭanarasoti siddho hoti.

Tikasannipātasāṅkhātassa³ pana attano kāraṇassa vasena paveditattā sannipātapaccupaṭṭhāno. Ayañhi tattha tattha “tiṇṇaṃ saṅgati phasso”ti⁴ evaṃ kāraṇassa⁵ vasena paveditoti. Imassa ca suttapadassa tiṇṇaṃ saṅgatiyā phassoti ayamatto, na saṅgatimattameva phassoti.

Evaṃ paveditattā pana tenevākārena paccupaṭṭhātīti **sannipātapaccupaṭṭhānoti** vutto, phalaṭṭhena pana paccupaṭṭhānenesa vedanāpaccupaṭṭhāno nāma hoti. Vedanañhesa paccupaṭṭhāpeti, uppādetīti attho. Uppādayamāno ca yathā bahiddhā uṇhapaccayāpi lākhāsāṅkhātadhātunissitā usmā attano nissaye mudubhāvakārī hoti, na attano paccayabhūtepi bahiddhā vītaccitaṅgārasāṅkhāte uṇhabhāve. Evaṃ vatthārammaṇasaṅkhāta⁶ aññapaccayopi samāno cittaṇissitattā attano nissayabhūte citte eva esa vedanuppādako hoti, na attano paccayabhūtepi vatthumhi ārammaṇe vāti veditabbo. Tajjāsamannāhārena pana indriyena ca parikkhate visaye anantarāyena uppajjanato esa “**āpāthagatavisayapadaṭṭhāno**”ti vuccati.

Vedayatīti **vedanā**, sā vedayitalakkhaṇā, anubhavanarasā, iṭṭhākārasambhogarasā vā, cetasika-assādapaccupaṭṭhānā, passaddhipadaṭṭhānā.

1. Khu 11. 61 piṭṭhe Milindapañhe.

3. Tiṇṇaṃ sannipātasāṅkhātassa (Ka)

5. Kāraṇasseva (Sī)

2. Abhi 1. 261 piṭṭhe.

4. Saṃ 1. 300 piṭṭhe.

6. Vatthārammaṇasaṅkhāto (Sī, Syā)

Catubhūmikavedanā hi novedayitalakkhaṇā nāma natthi.
 “Anubhavanarasatā pana sukhavedanāyameva labbhatī”ti vatvā puna taṃ
 vādaṃ paṭikkhipitvā “sukhavedanā vā hotu dukkhavedanā vā
 adukkhamasukhavedanā vā, sabbā anubhavanarasā”ti vatvā ayamattho
 dīpito. Ārammaṇarasānubhavanaṭṭhānaṃ patvā sesasampayuttadhammā
 ekadesamattakameva anubhavanti. Phassassa hi phusanamattakameva hoti,
 saññāya sañjānanamattakameva, cetanāya cetanāmattakameva, viññāṇassa
 vijānanamattakameva. Ekaṃsato pana issaravatāya vissavitāya¹
 sāmibhāvena vedanāva ārammaṇarasāṃ anubhavati.

Rājā viya hi vedanā, sūdo viya sesadhammā. Yathā sūdo
 nānārasabhojanaṃ sampādetvā paḷāya pakkhipitvā lañchanāṃ datvā rañño
 santike otāretvā lañchanāṃ bhinditvā peḷāṃ vivaritvā sabbasūpabyañjanehi
 aggaggāṃ ādāya bhājane pakkhipitvā sadosaniddosabhāvavīmaṃsanatthaṃ
 ajjhoharati, tato rañño nānaggarasabhojanaṃ upanāmeti. Rājā issaravatāya
 vissavitāya sāmī hutvā icchicchitaṃ bhuñjati. Tattha hi sūdassa
 bhattavīmaṃsanamattamiva avasesadhammānaṃ ārammaṇarasassa
 ekadesānubhavanaṃ. Yathā hi sūdo bhattekadesamattameva vīmaṃsati,
 evaṃ sesadhammāpi ārammaṇarasekadesameva anubhavanti. Yathā pana
 rājā issaravatāya vissavitāya sāmī hutvā yadicchakaṃ bhuñjati, evaṃ
 vedanāpi issaravatāya vissavitāya sāmibhāvena ārammaṇarasāṃ anubhavati,
 tasmā “**anubhavanarasā**”ti vuccati.

Dutiye atthavikappe ayaṃ idha adhippetā vedanā yathā vā tathā vā
 ārammaṇassa iṭṭhākārameva sambhuñjatīti “**iṭṭhākārasambhogarasā**”ti vuttā.
 Cetasika-assādato panesā attano sabhāveneva upaṭṭhānaṃ sandhāya
 “**cetasika-assādapaccupaṭṭhānā**”ti vuttā. Yasmā pana passaddhakāyo sukhaṃ
 vedeti, tasmā “**passaddhipadaṭṭhānā**”ti veditabbā.

Nilādibhedāṃ ārammaṇaṃ sañjānātīti **saññā**, sā sañjānanalakkhaṇā,
 paccābhiññāṇarasā. Catubhūmikasaññā hi nosañjānanalakkhaṇā nāma

1. Visavitāya (Sī, Syā)

natthi, sabbā sañjānanalakkhaṇāva. Yā panettha abhiññāṇena sañjānāti, sā **paccābhiññāṇarasā** nāma hoti.

Tassā vaḍḍhakissa dārumhi abhiññāṇaṃ katvā puna tena abhiññāṇena taṃ paccābhijānanakāle, purisassa kāḷatīlakādita-abhiññāṇaṃ sallakkhetvā puna tena abhiññāṇena “asuko nāma eso”ti tassa paccābhijānanakāle, rañño piḷandhanagopakabhaṇḍāgārikassa tasmim̐ tasmim̐ paḷindhane nāmapaṇṇakaṃ bandhitvā “asukam̐ piḷandhanaṃ nāma āhārā”ti vutte dīpaṃ jāletvā ratanagabbhaṃ pavisitvā paṇṇaṃ vācetvā tassa tasseva paḷandhanassa āharaṇakāle ca pavatti veditabbā.

Aparo nayo—sabbasaṅgāhikavasena hi sañjānanalakkhaṇā saññā, punasañjānanapaccayanimittakaraṇarasā, dāru-ādīsu tacchakādayo viya, yathāgahitanimittasena abhinivesakaraṇapaccupaṭṭhānā, hatthidassaka-andhā viya, ārammaṇe anogāḷhavuttitāya aciraṭṭhānapaccupaṭṭhānā vā, vijju viya, yathā-upaṭṭhitavisayapadaṭṭhānā, tiṇapurisakesu migapotakānaṃ “purisā”ti uppannasaññā viya. Yā panettha ñāṇasampayuttā hoti, sā saññā ñāṇameva anuvattati, sasambhārapathavī-ādīsu sesadhammā pathavī-ādīni viyāti veditabbā.

Cetayatīti **cetanā**, saddhim̐ attanā sampayuttadhamme ārammaṇe abhisandahatīti attho. Sā cetayitalakkhaṇā, cetanābhāvalakkhaṇāti attho. Āyūhanarasā, catubhūmikacetanā hi nocetayitalakkhaṇā nāma natthi, sabbā cetayitalakkhaṇāva. Āyūhanarasatā pana kusalākusalesu eva hoti. Kusalākusalakammāyūhanaṭṭhānaṃhi patvā sesasampayuttadhammānaṃ ekadesamattakameva kiccaṃ hoti, cetanā pana atireka-ussāhā atirekavāyāmā diguṇussāhā diguṇavāyāmā. Tenāhu porāṇā “thāvariyasabhāvasaṇṭhitā ca panesā cetanā”ti. **Thāvariyoti** khettasāmī vuccati. Yathā khettasāmī puriso pañcapanṇāsa balipurise gahetvā “lāyissāmī”ti ekato khettaṃ otarati. Tassa atireko ussāho atireko vāyāmo diguṇo ussāho diguṇo vāyāmo hoti, nirantaram̐ “gaṇhathā”ti-ādīni vadati, sīmaṃ ācikkhati, tesam̐ surābhattagandhamālādīni jānāti, maggaṃ samakaṃ harati. Evamsampadamidaṃ

veditabbaṃ. Khettasānipuriso viya hi cetanā, pañcapanṇāsa balipurisā viya cittaṅgavasena uppannā pañcapanṇāsa kusalā dhammā, khettasānipurisassa diguṇussāhadiguṇavāyāmakaraṇakālo viya kusalākusalakammāyūhanaṭṭhānaṃ patvā cetanāya diguṇussāho diguṇavāyāmo hoti. Evamassā **āyūhanarasatā** veditabbā.

Sā panesā saṃvidahanapaccupaṭṭhānā. Saṃvidahamānā hi ayaṃ upaṭṭhāti,¹ sakiccaparakiccasādhakā jeṭṭhasissamahāvaḍḍhakī-ādayo viya. Yathā hi jeṭṭhasisso upajjhāyaṃ dūratova āgacchantāṃ disvā sayāṃ adhīyamāno² itarepi dārake attano attano ajjhayanakamme³ pavattayati, tasmīṃhi adhīyitum āradde tepi adhīyanti tadanuvattitāya. Yathā ca mahāvaḍḍhakī sayāṃ tacchanto itarepi tacchake attano attano tacchanakamme pavattayati, tasmīṃhi tacchitum āradde tepi tacchanti tadanuvattitāya. Yathā ca yodhanāyako sayāṃ yujjhamāno itarepi yodhe sampahāravuttīyaṃ pavattayati, tasmīṃhi yujjhitum āradde tepi anivattamānā yujjhanti tadanuvattitāya evamesāpi attano kiccena ārammaṇe pavattamānā aññepi sampayuttadhamme attano attano kiriyāya pavatteti, tassā hi attano kiccaṃ āraddhāya taṃsāmpayuttāpi ārabhanti. Tena vuttāṃ “sakiccaparakiccasādhakā jeṭṭhasissamahāvaḍḍhakī-ādayo viyā”ti. Accāyikakammānussaraṇādīsu ca panāyaṃ sampayuttānaṃ ussāhanabhāvena pavattamānā pākāṭā hotīti veditabbā.

“Ārammaṇaṃ cintetīti cittaṃ”ti-ādinā⁴ nayena cittassa vacanattho vutto eva. Lakkhaṇādito pana vijānanalakkhaṇaṃ cittaṃ, pubbaṅgamarasaṃ, sandahanapaccupaṭṭhānaṃ, nāmarūpapadaṭṭhānaṃ. Catubhūmakacittaṃhi novijānanalakkhaṇaṃ nāma natthi, sabbaṃ vijānanalakkhaṇameva. Dvāraṃ pana patvā ārammaṇavibhāvanaṭṭhāne cittaṃ pubbaṅgamaṃ purecārikaṃ hoti. Cakkhunā hi diṭṭhaṃ rūpārammaṇaṃ citteneva vijānāti -pa- manena viññātaṃ dhammārammaṇaṃ citteneva vijānāti. Yathā hi nagaraguttiko nāma nagaramajjhe siṅghātake nisīditvā “ayaṃ nevāsiko, ayaṃ āgantuko”ti āgatāgataṃ janaṃ upadhāreti vavatthapeti, evaṃsāmpadamidaṃ daṭṭhabbaṃ. Vuttampi cetāṃ mahātherena⁵—“yathā

1. Upaṭṭhahati (Ka)

3. Ajjhena kamme (Ka)

2. Adhiyamāno (Syā)

4. Heṭṭhā 106 piṭṭhe.

5. Nāgasenattherena (Si)

mahāraja nagaraguttiko nāma majjhe nagarassa siṅgātake nisinno puratthimato disato purisaṃ āgacchantāṃ passeyya, pacchimato. Dakkhiṇato. Uttarato disato purisaṃ āgacchantāṃ passeyya, evameva kho mahāraja yaṃ cakkhunā rūpaṃ passati, taṃ viññāṇena vijānāti. Yaṃ sotena saddaṃ suṇāti. Ghānena gandhaṃ ghāyati. Jivhāya rasaṃ sāyati. Kāyena phoṭṭhabbaṃ phusati. Manasā dhammaṃ vijānāti, taṃ viññāṇena vijānāti”ti¹. Evaṃ dvāraṃ patvā ārammaṇavibhāvanaṭṭhāne cittameva pubbaṅgamaṃ purecārikaṃ, tasmā “**pubbaṅgamarasan**”ti vuccati.

Tadetaṃ pacchimaṃ pacchimaṃ uppajjamānaṃ purimaṃ purimaṃ nirantaraṃ katvā sandahanaṃ eva upaṭṭhātīti **sandahanapaccupaṭṭhānaṃ**. Pañcavokārabhave paṇassa niyamato nāmarūpaṃ, catuvokārabhave nāmameva padaṭṭhānaṃ. Tasmā “**nāmarūpapadaṭṭhānaṃ**”ti vuttaṃ.

Kim panetaṃ cittaṃ purimaniddiṭṭhacittena saddhiṃ ekameva, udāhu aññanti? ekameva. Atha kasmā purimaniddiṭṭhaṃ puna vuttanti? Avicāritaṃ etaṃ Aṭṭhakathāyaṃ. Ayaṃ panettha yutti—yathā hi rūpādīni upādāya paññattā sūriyādayo na atthato rūpādīhi aññe honti. Teneva “yasmim samaye sūriyo udeti, tasmim samaye tassa tejasāṅkhātāṃ rūpampi”ti evaṃ vuccamānepi na rūpādīhi añño sūriyo nāma atthi, na tathā² cittaṃ, phassādayo dhamme upādāya paññāpīyati, atthato panetaṃ tehi aññameva. Tena “yasmim samaye cittaṃ uppannaṃ hoti, ekaṃseneva tasmim samaye phassādīhi atthato aññameva taṃ hoti”ti imassatthassa dīpanatthāya etaṃ puna vuttanti veditabbaṃ.

Yathā ca “yasmim samaye rūpūpapattiyā maggaṃ bhāveti -pa-pathavīkasiṇaṃ. Tasmim samaye phasso hoti, vedanā hoti”ti-ādīsu³ pana bhāventena vavatthāpīte samaye yo bhāveti, na so atthato uppajjati nāma. Teneva tattha yathā “phasso hoti, vedanā hoti”ti vuttaṃ, na evaṃ “yo bhāveti, so hoti”ti vuttaṃ. “Yasmim samaye kāṃāvacaraṃ kusalaṃ cittaṃ uppannaṃ hoti”ti-ādīsu pana cittaṃ vavatthāpīte samaye samayavavatthāpitaṃ cittaṃ na tathā atthato

1. Khu 11. 63 Milindapañhe.

2. Tathā (Sī)

3. Abhi 1. 44 piṭṭhe.

nuppajjati. Yatheva pana tadā phasso hoti, vedanā hoti, tathā cittampi hotīti imassapī atthassa dīpanatthamidam puna vuttanti veditabbam. Idam panettha sannitṭhānam, uddesavāre saṅgaṇhanattham, niddesavāre ca vibhajanattham. Purimena hi cittasaddena kevalam samayo vavatthāpito. Tasmim pana cittaena vavatthāpitasamaye ye dhammā honti, tesam dassanattham “phasso hotī”ti-ādi āraddham. Cittañcāpi tasmim samaye hotiyeva. Tasmā tassāpi saṅgaṇhanatthametam puna vuttam. Imasim ca ṭhāne etasmim avuccamāne “katamam tasmim samaye citta”ti na sakkā bhaveyya niddesavāre vibhajitum, evamassa vibhajanamyeva parihāyetha. Tasmā tassa niddesavāre vibhajanatthampi etaṅca vuttanti veditabbam.

Yasmā vā “uppannam hotīti ettha cittaṃ uppannanti etaṃ desanāsīsameva, na pana cittaṃ ekameva uppajjati”ti Aṭṭhakathāyaṃ vicāritam. Tasmā “cittaṃ uppannam”ti etthāpi cittaṃattameva aggahetvā paropaṇṇāsakusaladhammehi saddhimyeva cittaṃ gahitam. Evaṃ tattha saṅkhepato sabbepi cittacetāsikadhamme gahetvā idha sarūpena pabhedato dassetum “phasso hotī”ti-ādi āraddham. Iti phassādayo viya cittampi vuttamevāti veditabbam.

Dhammuddesavāra jhānaṅgarāsivaṇṇanā

Vitakketīti **vitakko**, vitakkanam vā **vitakko**, ūhananti vuttam hoti. Svāyam ārammaṇe cittassa abhiniropanalakkhaṇo. So hi ārammaṇe cittaṃ āropeti. Yathā hi koci rājavallabham nātīm vā mittam vā nissāya rājageham ārohati, evam vitakkam nissāya cittaṃ ārammaṇam ārohati. Tasmā so ārammaṇe cittassa **abhiniropanalakkhaṇoti** vutto. Nāgasenatthero panāha “ākoṭanalakkhaṇo vitakko. Yathā mahārāja bherī¹ ākoṭitā atha pacchā anuravati anusaddāyati, evameva kho mahārāja yathā ākoṭanā, evam vitakko daṭṭhabbo. Yathā pacchā anuravanā anusaddāyanā, evam vicāro daṭṭhabbo”ti². Svāyam **āhananapariyāhananaraso**. Tathā hi tena yogāvacarō ārammaṇam vitakkāhatam vitakkapariyāhatam karotīti vuccati. Ārammaṇe cittassa **ānayanapaccupaṭṭhāno**.

1. Bheri (Sī)

2. Khu 11. 64 Milindapañhe, thokam pana visadisam.

Ārammaṇe tena cittaṃ vicaratīti **vicāro**, vicaraṇaṃ vā **vicāro**, anusañcaraṇanti vuttaṃ hoti. Svāyaṃ ārammaṇānumajjanalakkaṇo. Tattha sahaḷānuyojanaraso, cittaṃ anuppabandhapaccupaṭṭhāno. Santepi ca nesaṃ katthaci aviyoḡe oḷārikatṭhena, pubbaṅgamaṭṭhena ca ghaṇṭābhighāto¹ viya abhiniropanaṭṭhena ca cetaso paṭṭhamābhiniṇipāto vitakko, sukhumaṭṭhena, anumajjanasabhāvaṭṭhena ca ghaṇṭānuraḷo viya anuppabandho vicāro. Vipphāravā cettha vitakko paṭṭhamuppattikāle paripphandaṇabhūto cittaṃ, ākāse uppatitukāmaṃ pakkhino pakkhaviḷkhepo viya, padumābhimukhapāto viya ca gandhānubaddhacetaso² bhamaṃraṃsa. Santavutti vicāro nātiparipphandaṇabhāvo cittaṃ, ākāse uppatitassa pakkhino pakkhapaṃsāraṇaṃ viya, pariḷbhamaṇaṃ viya ca padumābhimukhapatitassa bhamaṃraṃsa padumaṃsa upariḷhāḡe.

Aṭṭhakathāyaṃ paṇa “ākāse ḡacchato maḷāsakuṇassa ubhoḷi pakkheḷi vātaṃ ḡahetvā pakkhe saṇṇisīdāpetvā ḡamaṇaṃ viya ārammaṇe cetaso abhiniropanaḷbhāvena pavatto vitakko. So ḷi ekagḡo hutvā appeti. Vātagḡaḷaṇatṭhaṃ pakkhe phandāpayamaṇassa ḡamaṇaṃ viya anumajjanaḷbhāvena pavatto vicāro. So ḷi ārammaṇaṃ anumajjati”ti vuttaṃ. Taṃ anuppabandhanaṇa pavattiyaṃ ativiya yujjati. So paṇa nesaṃ viṃeso paṭṭhamaduṭiyaḷjḷhāṇesu pākāto hoti. Apica maḷagḡaḷitaṃ kaṃsabhājanaṃ ekeṇa hatṭhena daḷḷhaṃ ḡahetvā itareṇa hatṭhena cuṇṇatelaḷvālaṇḷupakeṇa pariḷmajjanaṭṭassa daḷḷhagḡaḷaṇaḷhatṭho viya vitakko, pariḷmajjanaḷhatṭho viya vicāro. Tathā kuḷbhakāraṃsa daṇḷḷappahāreṇa cakkaṃ bhamaḷyitvā bhājanaṃ kaṃraṇṭassa uppīḷanaḷhatṭho viya vitakko, ito cito ca saṇṇcaraṇaḷhatṭho viya vicāro. Tathā maṇḷḷalaṃ kaṃraṇṭassa maḷjḷhe saṇṇiraḷbhitaḷvā³ ṭṭhitaḷkaṇṭako viya abhiniropanaḷ vitakko, baḷhipariḷbhamaṇakaṇṭako viya anumajjanaṃāno⁴ vicāro.

Piṇayaṭṭi **pīti**, sā saḷpiyāyaṇalakkaṇā, kāyacittaḷpīṇaṇaraṃsā, pharaṇaraṃsā vā, odaḡyapaḷcupaṭṭhāṇā. Sā paṇeṃ khuddikāpīti⁵ khaṇikāpīti okkaṇṭikāpīti ubbeḡāpīti pharaṇāpīṭiṭi paṇcaviḷdhā hoti.

1. Ghaṇḷābhighāto (Syā, Ka)

2. Gandhānubandhacetaso (Syā, Ka)

3. Saṇṇiraḷhitvā (Syā), saṇṇiraḷjḷhitvā (Ka)

4. Anumajjana (Sī), anumajjanaṇo (Syā)

5. Khuddakāpīti (Syā, Ka)

Tattha **khuddikāpīti** sarīre lomahaṃsamattameva kātuṃ sakkoti. **Khaṇikāpīti** khaṇe khaṇe vijjuppādasadisā hoti. **Okkantikāpīti** samuddatīraṃ vīci viya, kāyaṃ okkamitvā okkamitvā bhijjati. **Ubbegāpīti** balavatī hoti, kāyaṃ uddhaggam katvā ākāse laṅghāpanappamāṇappattā. Tathā hi **Puṇṇavallikavāsī Mahātiṣṣatthero** puṇṇamadivase sāyaṃ cetiyaṅgaṇaṃ gantvā candālokaṃ disvā Mahācetiyaṃ bhimukho hutvā “imāya vata velāya catasso parisā Mahācetiyaṃ vandanti”ti pakatiyā diṭṭhārammaṇavasena Buddhārammaṇaṃ ubbegaṃ pītiṃ¹ uppādetvā sudhātale pahaṭacitrageṇḍuko² viya ākāse uppatitvā Mahācetiyaṅgaṇe ya eva aṭṭhāsi.

Tathā Girikaṇḍakavihārassa upanissaye Vattakālakagāme³ ekā kuladhīṭāpi balavabuddhārammaṇāya ubbegāya pītiyā⁴ ākāse laṅghesi. Tassā kira mātāpitaro sāyaṃ Dhammasavanatthāya vihāraṃ gacchantā “amma tvaṃ garubhārā, akāle vicarituṃ na sakkosi, mayaṃ tuyhaṃ pattiṃ katvā dhamaṃ sossāmā”ti agamaṃsu. Sā gantukāmāpi tesāṃ vacanaṃ paṭibāhituṃ asakkontī ghare ohīyitvā gharadvāre ṭhatvā candālokena Girikaṇḍake ākāśacetiyaṅgaṇaṃ olokontī cetiyassa dīpapūjaṃ addasa, catasso ca parisā mālāgandhādīhi cetiyapūjaṃ katvā padakkhiṇaṃ karontiyo. Bhikkhusaṃghassa ca gaṇasajjhāyasaddaṃ assosi. Athassā “dhaññā vatime manussā, ye vihāraṃ gantvā evarūpe cetiyaṅgaṇe anusañcarituṃ, evarūpaṅca madhuraṃ dhammakathaṃ sotuṃ labhanti”ti muttarāsisadisāṃ cetiyaṃ passantiyā eva ubbegāpīti udapādi, sā ākāse laṅghitvā mātāpitūnaṃ purimataraṃ ya eva ākāśato cetiyaṅgaṇe oruyha cetiyaṃ vanditvā dhammaṃ suṇamānā aṭṭhāsi. Atha naṃ mātāpitāro āgantvā “amma tvaṃ katarena maggena āgatāsī”ti pucchimāsu. Sā “ākāśena āgatāmi, na maggena”ti vatvā “amma ākāśena nāma khīṇāsavā sañcaranti, tvaṃ kathaṃ āgatā”ti puṭṭhā āha “mayhaṃ candālokena cetiyaṃ olokontiyā ṭhitāya Buddhārammaṇā balavapīti uppajjati, athāhaṃ neva attano ṭhitabhāvaṃ, na nisinnabhāvaṃ aññāsīm, gahitamitteneva pana

1. Ubbegāpītiṃ (Syā, Ka)

3. Vattakālakagāme (Ka)

2. Pahaṭacitrageṇḍuko (Sī)

4. Ubbegāpītiyā (Ka)

ākāsaṃ laṅghitvā cetiyaṅgaṇe patiṭṭhitāmhī”ti. Evaṃ ubbegāpīti ākāse laṅghāpanappamāṇā hoti.

Pharaṇapītiyā pana uppannāya sakalasarīraṃ dhamitvā¹ pūritavatthi viya, mahatā udakoghena pakkhandapabbatakucchi viya ca anupariṭṭhitaṃ hoti. Sā panesā pañcavidhā pīti gabbhaṃ gaṇhantī paripākaṃ gacchantī duvidhaṃ passaddhiṃ paripūreti kāyapassaddhiṃ cittaṃ passaddhiṃ, passaddhi gabbhaṃ gaṇhantī paripākaṃ gacchantī duvidhaṃ sukhaṃ paripūreti kāyikaṃ, cetasikaṃ, sukhaṃ gabbhaṃ gaṇhantaṃ paripākaṃ gacchantāṃ tividhaṃ samādhiṃ paripūreti khaṇikasamādhiṃ upacārasamādhiṃ appanāsamādhinti. Tāsu ṭhapetvā appanāsamādhipūrikaṃ itarā dvepi idha yujjanti.

Sukhayatīti **sukhaṃ**, yassa uppajjati, taṃ sukhitāṃ karotīti attho. Suṭṭhu vā khādati, khanati ca kāyacittābādanti **sukhaṃ**, somanassavedanāyetaṃ nāmaṃ. Tassa lakkhaṇādīni vedanāpade * vuttanayeneva veditabbāni.

Aparo nayo—sātalakkhaṇaṃ sukhaṃ, sampayuttānaṃ upabrūhanarasāṃ, anuggahaṇapaccupaṭṭhānaṃ. Satipi ca nesāṃ pītisukhānaṃ katthaci avippayoge iṭṭhārammaṇapaṭilābhatuṭṭhi pīti, paṭiladdharasānubhavanaṃ sukhaṃ. Yattha pīti, tattha sukhaṃ, yattha sukhaṃ, tattha na niyamato pīti. Saṅkhārakkhandhasaṅgahitā pīti, vedanākkhandhasaṅgahitaṃ sukhaṃ. Kantārakhinnassa vanantodakadassanasavanesu viya pīti, vanacchāyāpavesana-udakaparibhogesu viya sukhaṃ.

Yathā hi puriso mahākantāramaggaṃ paṭipanno ghammapareto tasito pīpāsito paṭipathe purisaṃ disvā “kattha pānīyaṃ atthī”ti puccheyya, so “aṭaviṃ uttaritvā jātassaravanasaṅḍo atthi, tattha gantvā labhissasī”ti vadeyya. So tassa kathaṃ sutvā² haṭṭhapahaṭṭho bhaveyya, tato gacchanto bhūmiyaṃ patitāni uppaladalanālapattādīni³ disvā suṭṭhutaṃ haṭṭhapahaṭṭho hutvā gacchanto allavatthe allakese purise passeyya, vanakukkuṭamorādīnaṃ⁴ saddaṃ suṇeyya, jātassarapariyante jātāṃ maṇijālasadisāṃ nīlavanasaṅḍaṃ passeyya. Sare jātāni uppalapadumakumudādīni passeyya, acchaṃ vippasannaṃ udakaṃ passeyya. So

1. Pharitvā (Syā, Ka)

* Heṭṭhā 84 piṭṭhe.

2. Sutvā va (Sī)

3. ...nālipattādīni (Ka)

4. Vanamorādīnaṃ (Sī)

bhiyyo bhiyyo haṭṭhapahaṭṭho hutvā jātassaraṃ otarivā yathārucci nhatvā ca pivivā ca¹ paṭṭipassaddhadaratho bhisamuḷālapokkharādīni khāditvā nīluppālādīni piḷandhitvā mandālakamūlāni khandhe karitvā² uttarivā sātakaṃ nivāsetvā udakasātakaṃ ātape katvā sītaccchāyāya mandamande vāte paharante nipanno “aho sukhaṃ aho sukhaṃ”ti vadeyya. Evaṃsāmpadamidaṃ daṭṭhabbaṃ.

Tassa hi purisassa jātassaravanasañḍasavanato paṭṭhāya yāva udakadassanā haṭṭhapahaṭṭhakālo viya pubbabhāgārammaṇe haṭṭhapahaṭṭhākārā pīti. Nhatvā ca pivivā ca sītaccchāyāya mandamande vāte paharante “aho sukhaṃ aho sukhaṃ”ti vadato nipannakālo viya balavappattaṃ ārammaṇarasānubhavanākārasañḍhitāṃ sukhaṃ. Tasmim̐ tasmim̐ samaye pākāṭabhāvato cetāṃ vuttanti veditabbaṃ, yattha pana pīti, sukhampi tattha atthīti vuttamevetāṃ.

Cittassekaggatāti cittassa ekaggabhāvo, samādhissetāṃ nāmaṃ. Lakkhaṇādīsu panassa Aṭṭhakathāyaṃ tāva vuttaṃ—“pāmoḅkhalakkhaṇo ca samādhi, avikkhepalakkhaṇo ca. Yathā hi kūṭāgāraḅṅṅikā sesadabbasambhārānaṃ ābandhanato pamukhā hoti, evameva sabbakusaladhammānaṃ samādhicittena ijḅhanato sabbesampi tesāṃ dhammānaṃ samādhi pāmoḅkho hoti. Tena vuttaṃ—

“Yathā³ mahārāja kūṭāgārassa yā kāci gopānasiyo, sabbā tā kūṭāḅgamā honti kūṭāninnā kūṭāsamosaṇā, kūṭāṃ tāsāṃ aggamakkhāyati, evameva kho mahārāja ye keci kusalā dhammā, sabbe te samādhininnā honti samādhipoṇā samādhipabbhārā, samādhi tesāṃ aggamakkhāyati”ti⁴.

Yathā ca senāḅgaṃ patvā rājā nāma yattha yattha senā osīdati, taṃ taṃ ṭhānaṃ gacchati, tassa gatagataṭṭhāne senā paripūṛati, parasenā bhijjivā rājānameva anuvattati, evameva sahaḅjātadhammānaṃ vikkhipituṃ vipakirituṃ appadānato samādhi avikkhepalakkhaṇo nāma hoti”ti.

1. Nahātvā ca pītvā ca (Sī)

3. Seyyathāpi (sabbattha)

2. Khipivā (Syā, Ka)

4. Khu 11. 38 Milindapaṇhe.

Aparo pana nayo—ayaṃ cittassekaggatāsaṅkhāto samādhi nāma avisāralakkhaṇo, avikkhepalakkhaṇo vā, saha-jātadhammānaṃ sampiṇḍanaraso, nhāniyacunṇānaṃ udakaṃ viya. Upasamapaccupaṭṭhāno, nānapaccupaṭṭhāno vā. “Samāhito yathābhūtaṃ jānāti passatī”ti * hi vuttaṃ. Visesato sukhapadaṭṭhāno. Nivāte dīpaccīnaṃ ṭhiti viya cetaso ṭhītīti daṭṭhabbo.

Indriyarāsivaṇṇanā

Saddahanti etāya, sayāṃ vā saddahati, saddahanamattameva vā esāti **saddhā**, sāva assaddhiyassa abhibhavanato adhipatiyaṭṭhena **indriyaṃ**, adhimokkhalakkhaṇe vā indaṭṭham¹ kāretīti **indriyaṃ**, saddhāva indriyaṃ **saddhindriyaṃ**. Sā panesā sampasādanalakkhaṇā ca saddhā, sampakkhandanalakkhaṇā ca².

Yathā hi rañño cakkavattissa udakappasādako maṇi udake pakkhitto paṅkasevālapaṇakakaddamaṃ sannisīdāpeti, udakaṃ acchaṃ karoti vippasannaṃ anāvilaṃ, evameva saddhā uppajjamānā nīvaraṇe vikkhambheti, kilese sannisīdāpeti, cittaṃ pasādeti, anāvilaṃ karoti, pasannena cittena yogāvacarō kulaputto dānaṃ deti, sīlaṃ samādiyati, uposathakammaṃ karoti, bhāvanaṃ ārabhati. Evaṃ tāva saddhā **sampasādanalakkhaṇā**ti veditabbā. Tenāha **āyasmā Nāgaseno**—

Yathā mahārāja rājā cakkavattī caturaṅginīyā senāya saddhiṃ addhānamaggappaṭipanno parittaṃ udakaṃ tareyya, taṃ udakaṃ hatthīhi ca assehi ca rathehi ca pattīhi ca saṅkhubhitāṃ³ bhaveyya āvilaṃ luḷitaṃ kalalībhūtaṃ. Uttiṇṇo ca rājā cakkavattī manusse āṇāpeyya “pānīyaṃ bhāṇe āharatha, pivissāmi”ti. Rañño ca udakappasādako maṇi bhaveyya. “Evaṃ devā”ti kho te manussā rañño cakkavattissa paṭissutvā taṃ udakappasādakaṃ maṇiṃ udake pakkhipeyyuṃ. Tasmim⁴ udake pakkhittamatte paṅkasevālapaṇakaṃ vigaccheyya, kaddamo ca⁵ sannisīdeyya, acchaṃ bhaveyya udakaṃ vippasannaṃ anāvilaṃ, tato rañño cakkavattissa pānīyaṃ upanāmeyyuṃ “pivatu devo pānīyaṃ”ti.

* Saṃ 2. 12, 302; Saṃ 3. 363; Khu 10. 50; Khu 11. 38 piṭṭhesu.

1. Indattaṃ (?)

2. Pakkhandanalakkhaṇā ca (Ka)

3. Saṅkhubbhitāṃ (Ka)

4. Sahasā (sabbattha)

5. Paṅkasevālapaṇakakaddamo ca (sabbattha)

Yathā mahārāja udakaṃ, evaṃ cittaṃ daṭṭhabbaṃ, yathā te manussā, evaṃ yogāvacaro daṭṭhabbo, yathā paṅkasevālapaṇakaṃ kaddamo ca, evaṃ kilesā daṭṭhabbā, yathā udakappasādako maṇi, evaṃ saddhā daṭṭhabbā, yathā udakappasādake maṇimhi pakkhittamatte paṅkasevālapaṇakaṃ vigacchati, kaddamo ca sannisīdati, acchaṃ bhavati udakaṃ vippasannaṃ anāvilaṃ, evameva kho mahārāja saddhā uppajjamānā nīvaraṇe vikkhambheti, vinīvaraṇaṃ cittaṃ hoti acchaṃ vippasannaṃ anāvilanti¹.

Yathā pana kumbhīlamakaragāharakkhasādikiṇṇaṃ pūraṃ mahānadiṃ āgamma bhīrūkaḥḥano ubhosu tīresu tiṭṭhati, saṅgāmasūro pana mahāyodho āgantvā “kasmā ṭhitatthā”ti pucchitvā “sappaṭibhayabhāvena otarituṃ na visahāmā”ti vutte sunisitaṃ asiṃ gahetvā “mama pacchato etha, mā bhāyitthā”ti vatvā nadiṃ otarivā āgatāgate kumbhīlādayo paṭibāhivā orimatīrato manussānaṃ sotthibhāvaṃ karonto pārimatīraṃ neti, pārimatīratopi sotthinā orimatīraṃ āneti, evameva dānaṃ dadato sīlaṃ rakkhato uposathakammaṃ karoto bhāvaṇaṃ ārabhato saddhā pubbaṅgamā purecārikā hoti. Tena vuttaṃ “sampakkhandanalakkhaṇā ca saddhā”ti.

Aparo nayo—saddahanalakkhaṇā saddhā, okappanalakkhaṇā, vā, pasadanarasā udakappasādakamaṇi viya. Pakkhandanarasā vā oghuttaraṇo viya. Akālusiyapaccupaṭṭhānā², adhimuttipaccupaṭṭhānā vā, saddheyyavattupadaṭṭhānā, sotāpattiyaṅgapadaṭṭhānā vā, sā hatthavittabījāni³ viya daṭṭhabbā.

Vīressa bhāvo **vīriyaṃ**, vīraṇaṃ kammaṃ **vīriyaṃ**, vidhinā vā nayena upāyena irayitabbaṃ pavattayitabbanti **vīriyaṃ**, tadeva kosajjassa abhibhavanato adhipatiyaṭṭhena **indriyaṃ**, paggaḥaṇalakkhaṇe vā indaṭṭhaṃ kāretīti **indriyaṃ**. Vīriyameva indriyaṃ **vīriyindriyaṃ**. Taṃ panetaṃ upatthambhanalakkhaṇaṅcavīriyaṃ, paggaḥaṇalakkhaṇaṅca. Yathā hi jiṇṇagharaṃ āgantukena thūṇupatthambhena tiṭṭhati, evameva yogāvacaro vīriyupatthambhena upatthambhito hutvā sabbakusaladhammehi na hāyati na parihāyati. Evaṃ tāvassa upatthambhanalakkhaṇatā veditabbā. Tenāha **thero Nāgaseno—**

1. Khu 11. 31 Milindapañhe.

2. Akālussiyapaccupaṭṭhānā (Syā, Ka)

3. Am 2. 304; Khu 2. 318; Saṃ 1. 216; Khu 1. 306, 291 piṭṭhesu.

“Yathā mahārāja puriso gehe patante tamaññaena dārunā upatthambheyya, upatthambhitaṃ santaṃ evaṃ taṃ gehaṃ na pateyya, evameva kho mahārāja upatthambhanalakkhaṇaṃ vīriyaṃ, vīriyupatthambhitā sabbe kusalā dhammā na hāyanti na parihāyanti”¹.

Yathā vā pana khuddikāya ca mahatikāya ca senāya saṅgāme pavatte khuddikā senā oliyeyya, tato rañño āroceyya, rājā balavāhanaṃ peseyya, tena paggaḥitā sakasenā parasenaṃ parājeyya, evameva vīriyaṃ sahaḥjātasampayuttadhammānaṃ oliyituṃ osakkituṃ na deti, ukkhipati paggaṇhāti. Tena vuttaṃ “paggaṇhalakkhaṇaṃ vīriyaṃ”².

Aparo nayo—ussāhalakkhaṇaṃ vīriyaṃ, sahaḥjātānaṃ upatthambhanarasam, asaṃsīdanabhāvapaccupaṭṭhānaṃ, “saṃviggo yoniso padahati”² vacanato saṃvegapadaṭṭhānaṃ, vīriyārambhavatthupadaṭṭhānaṃ vā, sammā āradham sabbāsam sampattīnaṃ mūlaṃ hotīti daṭṭhabbam.

Saranti etāya, sayam vā sarati, saraṇamattameva vā esāti **sati**. Sāva muṭṭhassaccassa abhibhavanato adhipatiyeṭṭhena **indriyaṃ**, upaṭṭhānalakkhaṇe vā indaṭṭham kāretīti **indriyaṃ**, sati eva indriyaṃ **satindriyaṃ**. Sā panesā apilāpanalakkhaṇā ca sati upaggaṇhanalakkhaṇā ca. Yathā hi rañño bhaṇḍāgāriko dasavidham ratanaṃ gopayanto sāyampātaṃ rājānaṃ issariyasampattiṃ sallakkhāpeti sāreti, evameva sati kusalaṃ dhammaṃ sallakkhāpeti sarāpeti. Tenāha **thero**—

“Yathā mahārāja rañño cakkavattissa bhaṇḍāgāriko rājānaṃ cakkavattiṃ sāyampātaṃ yasam sarāpeti ‘ettakā deva hatthī, ettakā assā, ettakā rathā, ettakā pattī, ettakam hiraññaṃ, ettakam suvaṇṇam, ettakam sabbam sāpateyyam, taṃ devo saratū’³ti, evameva kho mahārāja sati kusale dhamme apilāpeti ‘ime cattāro satipaṭṭhānā, ime cattāro sammappadhānā, ime cattāro iddhipādā, imāni pañcindriyāni, imāni pañca balāni, ime satta bojjaṅgā, ayam ariyo aṭṭhaṅgiko maggo, ayam samatho, ayam vipassanā, ayam vijjā, ayam vimutti, ime lokuttarā dhammā’³ti. Evaṃ kho mahārāja apilāpanalakkhaṇā sati”³.

1. Khu 11. 35 Milindapañhe. 2. Am 1. 430 piṭṭhe. 3. Khu 11. 36 Milindapañhe.

Yathā pana rañño cakkavattissa pariṇāyakaratanam rañño ahite ca hite ca ñatvā ahite apayāpeti, hite upayāpeti, evameva sati hitāhitānam dhammānam gatiyo samanvesitvā¹ “ime kāyaduccaritādayo dhammā ahitā”ti ahite dhamme apanudeti². “Ime kāyasucaritādayo dhammā hitā”ti hite dhamme upaggaṇhāti. Tenāha thero—

“Yathā mahārāja rañño cakkavattissa pariṇāyakaratanam rañño hitāhite jānāti ‘ime rañño hitā, ime ahitā, ime upakārā, ime anupakārā’ti. Tato ahite apanudeti, hite upaggaṇhāti, evameva kho mahārāja sati uppajjamānā hitāhitānam dhammānam gatiyo samanvesati ‘ime dhammā hitā, ime dhammā ahitā, ime dhammā upakārā, ime dhammā anupakārā’ti. Tato ahite dhamme apanudeti, hite dhamme upaggaṇhāti, evam kho mahārāja upaggaṇhanalakkhaṇā sati”ti³.

Aparo nayo—apilāpanalakkhaṇā sati, asammosanarasā, ārakkhapaccupaṭṭhānā, visayābhimukhībhāvapaccupaṭṭhānā vā. Thirasaññāpadaṭṭhānā, kāyādisatipaṭṭhānapadaṭṭhānā vā. Ārammaṇe daḥam patiṭṭhitattā pana esikā viya, cakkhudvārādirakkhaṇato dovāriko viya ca daṭṭhabbā.

Ārammaṇe cittaṃ sammā ādhiyati ṭhapetīti **samādhi**, sova vikkhepassa abhibhavanato adhipatiyaṭṭhena **indriyam**, avikkhepalakkhaṇe vā indaṭṭham kāretīti **indriyam**, samādhiyeva indriyam **sāmādhindriyam**. Lakkhaṇādāni panassa heṭṭhā⁴ vuttanayeneva veditabbāni.

Pajānātīti **paññā**. Kim pajānāti? “Idam dukkham”ti-ādinā nayena ariyasaccāni. **Aṭṭhakathāyam** pana “paññāpetīti paññā”ti vuttam. Kinti paññāpetīti? “Aniccaṃ dukkham anattā”ti paññāpeti. Sāva⁵ avijjāya abhibhavanato adhipatiyaṭṭhena **indriyam**, dassanalakkhaṇe vā indaṭṭham kāretīti **indriyam**, paññāva indriyam **paññindriyam**. Sā panesā obhāsanalakkhaṇā ca paññā, pajānanalakkhaṇā ca. Yathā hi catubhittike gehe rattibhāge dīpe jalite andhakāro nirujjhati, āloko pātubhavati, evameva

1. Samannesitvā (Sī, Ka)

2. Apanudati (Ka)

3. Khu 11. 37 piṭṭhe.

4. Heṭṭhā 161 piṭṭhe.

5. Sā ca (Syā)

obhāsanalakkhaṇā paññā. Paññobhāsasamo obhāso nāma natthi. Paññavato hi ekapallaṅkena nisinnassa dasasahasilokadhātu ekālokā hoti. Tenāha **thero**—

“Yathā mahārāja puriso andhakāre gehe padīpaṃ¹ paveseyya, pavitṭho padīpo andhakāraṃ viddhamseti obhāsaṃ janeti, ālokaṃ vidaṃseti, pākaṭāni ca rūpāni karoti, evameva kho mahārāja paññā uppajjamānā avijjandhakāraṃ viddhamseti vijjohhāsaṃ janeti, ñāṇālokaṃ vidaṃseti, pākaṭāni ariyasaccāni karoti. Evaṃ kho mahārāja obhāsanalakkhaṇā paññā”²ti.

Yathā pana cheko bhisakko āturānaṃ sappāyāsappāyāni bhojanāni jānāti, evaṃ paññā uppajjamānā kusalākusale sevitabbāsevitabbe hīnappaṇītakaṇhasukkasappaṭibhāga-appaṭibhāge dhamme pajānāti. Vuttampi cetāṃ **Dhammasenāpatinā** “pajānāti pajānātīti kho āvuso tasmā paññavāti³ vuccati. Kiñca pajānāti? “Idaṃ dukkhaṃ ’ti pajānāti”⁴ti vitthāretabbaṃ. Evamassā pajānanalakkhaṇatā veditabbā.

Aparo nayo—yathāsabhāvapaṭivedhalakkhaṇā paññā, akkhalitapaṭivedhalakkhaṇā vā kusalissāsakhitta-usupaṭivedho viya. Visayobhāsarasā padīpo viya. Asammohapaccupaṭṭhānā araṇṇagatasudesako viya.

Manatīti **mano**, vijānātīti attho. **Aṭṭhakathācariyā** panāhu “nāḷiyā minamāno viya, mahātulāya dhārayamāno viya ca ārammaṇaṃ minatī pajānātīti mano”⁵ti. Tadeva mananalakkaṇe indaṭṭhaṃ kāretīti **indriyaṃ**, manova indriyaṃ **manindriyaṃ**. Heṭṭhā⁵ vuttacittassevetāṃ vevacanaṃ.

Pītisomanassasampayogato sobhanaṃ mano assāti **sumano**, sumanassa bhāvo **somanassaṃ**, sātalaṅkaṇe indaṭṭhaṃ kāretīti **indriyaṃ**, somanassameva indriyaṃ **somanassindriyaṃ**. Heṭṭhā vuttavedanāyevetaṃ vevacanaṃ.

1. Telappadīpaṃ (sabbattha) 2. Khu 11. 38 Milindapaṇhe. 3. Paññati (sabbattha)
4. Ma 1. 366 piṭṭhe. 5. Heṭṭhā 155 piṭṭhe.

Jīvanti tena taṃsampayuttakā dhammāti **jīvitam**, anupālanalakkhaṇe indaṭṭham kāretīti **indriyam**, jīvitameva indriyam **jīvitindriyam**. Tam pavattasantatādhipateyyam hoti. Lakkhaṇādīhi pana attanā avinibhuttānam¹ dhammānam anupālanalakkhaṇam jīvitindriyam, tesam pavattanarasam, tesameva ṭhapanapaccupaṭṭhānam, yāpayitabbadhammapadaṭṭhānam. Santepi ca anupālanalakkhaṇādīhi vidhāne atthikkhaṇeyeva tam te dhamme anupāleti, udakam viya uppālādīni. Yathāsakampaccayuppannepi ca dhamme pāleti dhātī viya. Kumāram sayānpavattitadhammasambandheneva ca pavattati niyāmako viya. Na bhaṅgato uddham pavattayati attano ca pavattayitabbānaṅca abhāvā. Na bhaṅgakkhaṇe ṭhapeti sayam bhijjamānattā, khiyamāno² viya vaṭṭisineho dīpasikham. Na ca anupālanapavattanaṭṭhapanānubhāvavirahitam yathāvuttakkhaṇe tassa tassa sādhanatoti daṭṭhabbām.

Maggaṅgarāsivaṇṇanā

Sammādiṭṭhi-ādīsu dassanaṭṭhena sammādiṭṭhi, abhiniropanaṭṭhena sammāsaṅkappo, paggahanaṭṭhena sammāvāyāmo, upaṭṭhānaṭṭhena sammāsati, avikkhepanaṭṭhena sammāsamādhīti veditabbo. Vacanaṭṭhato pana sammā passati, sammā vā tāya passantīti **sammādiṭṭhi**. Sammā saṅkappeti, sammā vā tena saṅkappentīti **sammāsaṅkappo**. Sammāvāyāmeti, sammā vā tena vāyamantīti **sammāvāyāmo**. Sammā sarati, sammā vā tāya sarantīti **sammāsati**. Sammā samādhīyati, sammā vā tena samādhīyantīti **sammāsamādhī**. Apica pasatthā sundarā vā diṭṭhi **sammādiṭṭhī** imināpi nayena tesam vacanaṭṭho veditabbo, lakkhaṇādīni pana heṭṭhā vuttāneva.

Balarāsivaṇṇanā

Saddhābalādīsupi saddhādīni vuttatthāneva. Akampiyaṭṭhena pana **balanti** veditabbām. Evametesu assaddhiye na kampaṭīti **saddhābalaṃ**. Kosajje na kampaṭīti **vīriyabalaṃ**. Muṭṭhasacce na kampaṭīti **satibalaṃ**. Uddhacce na kampaṭīti **samādhībalaṃ**. Avijjāya na kampaṭīti **paññābalaṃ**. Ahirike na kampaṭīti

1. Avinā bhūtānam (Syā)

2. Khiyamāno (Ka)

hiribalaṃ. Anottappe na kampaṭīti **ottappabalanti** ayaṃ ubhayapadavasena atthavaṇṇanā hoti.

Tattha purimāni pañca heṭṭhā lakkhaṇādīhi pakāsītāneva. Pacchimadvaye kāyaduccaritādīhi hiriyaṭīti **hirī**, lajjāyetaṃ adhivacanaṃ. Tehi eva ottappaṭīti¹ **ottappaṃ**, pāpato ubbegassetam adhivacanaṃ. Tesam nānākaraṇadīpanattham “samuṭṭhānaṃ, adhipati, lajjābhaya, lakkhaṇena cā”ti imaṃ mātikaṃ ṭhapetvā ayaṃ vitthārakathā vuttā.

Ajjhattasamuṭṭhānā hirī nāma, bahiddhāsamuṭṭhānaṃ ottappaṃ nāma. Attādhipati hirī nāma, lokādhipati ottappaṃ nāma. Lajjāsabhāvasaṅṭhitā hirī nāma, bhayasabhāvasaṅṭhitaṃ ottappaṃ nāma. Sappatissavalakkhaṇā hirī nāma, vajjabhīrukabhayaḍḍassāvilakkhaṇaṃ ottappaṃ nāma.

Tattha ajjhattasamuṭṭhānaṃ hiriṃ catūhi kāraṇehi samuṭṭhāpeti jātiṃ paccavekkhitvā, vayaṃ paccavekkhitvā, sūrabhāvaṃ paccavekkhitvā, bāhusaccaṃ paccavekkhitvā. Kathaṃ? “Pāpakaraṇaṃ nāmetaṃ na jātisampannaṃ kammaṃ, hīnajaccānaṃ kevaṭṭādīnaṃ idaṃ kammaṃ, mādisassa jātisampannassa idaṃ kammaṃ kātuṃ na yuttan”ti evaṃ tāva jātiṃ paccavekkhitvā pāṇātipātādīpāpaṃ akaronto hiriṃ samuṭṭhāpeti. Tathā “pāpakaraṇaṃ nāmetaṃ daharehi kattabbaṃ kammaṃ, mādisassa vaye ṭhitassa idaṃ kammaṃ kātuṃ na yuttan”ti evaṃ vayaṃ paccavekkhitvā pāṇātipātādīpāpaṃ akaronto hiriṃ samuṭṭhāpeti. Tathā “pāpakammaṃ nāmetaṃ dubbalajātikānaṃ kammaṃ, na sūrabhāvānaṃ. Mādisassa sūrabhāvasampannassa idaṃ kammaṃ kātuṃ na yuttan”ti evaṃ sūrabhāvaṃ paccavekkhitvā pāṇātipātādīpāpaṃ akaronto hiriṃ samuṭṭhāpeti. Tathā “pāpakammaṃ nāmetaṃ andhabālānaṃ kammaṃ, na paṇḍitānaṃ. Mādisassa paṇḍitassa bahussutassa idaṃ kammaṃ kātuṃ na yuttan”ti evaṃ bāhusaccaṃ paccavekkhitvā pāṇātipātādīpāpaṃ akaronto hiraṃ samuṭṭhāpeti. Evaṃ ajjhattasamuṭṭhānahiriṃ catūhi kāraṇehi samuṭṭhāpeti. Samuṭṭhāpetvā ca pana attano citte hiriṃ pavesetvā pāpakammaṃ na karoti, evaṃ ajjhattasamuṭṭhānā hirī nāma hoti.

Kathaṃ bahiddhāsamuṭṭhānaṃ ottappaṃ nāma? Sace tvaṃ pāpakammaṃ karissasi, catūsu parisāsu garahappatto bhavissasi.

“Garahissanti taṃ viññū, asuciṃ nāgariko yathā.

Vajjito silavantehi, kathaṃ bhikkhu karissasi”ti—

Evam paccavekkhanto hi bahiddhāsamuṭṭhitena ottappena pāpakammaṃ na karoti, evam bahiddhāsamuṭṭhānaṃ ottappaṃ nāma hoti.

Kathaṃ attādhipati hīri nāma? Idhekacco kulaputto attānaṃ adhipatiṃ jeṭṭhakaṃ katvā “mādisassa saddhāpabbajitassa bahussutassa dhutaṅgadhārassa¹ na yuttaṃ pāpakammaṃ kātun”ti pāpaṃ na karoti. Evam attādhipati hīri nāma hoti. Tenāha Bhagavā “so attānaṃyeva adhipatiṃ jeṭṭhakaṃ karitvā akusalaṃ pajahati, kusalaṃ bhāveti, sāvajjaṃ pajahati anavajjaṃ bhāveti, suddhamattānaṃ pariharati”ti².

Kathaṃ lokādhipati ottappaṃ nāma? Idhekacco kulaputto lokaṃ adhipatiṃ jeṭṭhakaṃ katvā pāpakammaṃ na karoti. Yathāha—“mahā kho paṇāyaṃ lokasannivāso, mahantasmim kho pana lokasannivāse santi samaṇabrāhmaṇā iddhimanto dibbacakkhukā paracittaviduno, te dūratopi passanti, āsannāpi na dissanti, cetasāpi cittaṃ pajānanti, tepimaṃ evam jānissanti ‘passatha bho imaṃ kulaputtaṃ, saddhā agarasmā anagāriyaṃ pabbajito samāno vokiṇṇo viharati pāpakehi akusalehi dhammehī’ti. Santi devatā iddhimantiniyo³ dibbacakkhukā paracittaviduniyo, tā dūratopi passanti, āsannāpi na dissanti, cetasāpi cittaṃ pajānanti, tāpi maṃ jānissanti ‘passatha bho imaṃ kulaputtaṃ, saddhā agāasmā anagāriyaṃ pabbajito samāno vokiṇṇo viharati pāpakehi akusalehi dhammehī’ti. So lokaṃyeva adhipatiṃ jeṭṭhakaṃ katvā akusalaṃ pajahati, kusalaṃ bhāveti, sāvajjaṃ pajahati anavajjaṃ bhāveti, suddhamattānaṃ pariharati”ti⁴. Evam lokādhipati ottappaṃ nāma hoti.

1. Dhutavādassa (Syā) Dhutaṅgadhārissa (Ka)

3. Iddhimantiyo (Ka)

2. Am 1. 146 piṭṭhe.

4. Am 1. 147 piṭṭhe.

Lajjāsabhāvasaṅghitā hirī, bhayasabhāvasaṅghitaṃ ottappanti ettha pana **lajjāti** lajjanākāro, tena sabhāvena saṅghitā hirī. **Bhayanti** apāyabhayaṃ, tena sabhāvena saṅghitaṃ ottappaṃ. Tadubhayampi pāparivajjane pākaṭaṃ hoti. Ekacco hi yathā nāma eko kulaputto uccārapassāvādīni karonto lajjitabbayuttakaṃ ekaṃ disvā lajjanākārappatto bhaveyya hīlito, evameva ajjhattaṃ lajjidhammaṃ okkamitvā pāpakammaṃ na karoti. Ekacco apāyabhayabhīto hutvā pāpakammaṃ na karoti.

Tatridaṃ opammaṃ—yathā hi dvīsu ayogūḷesu eko sītalo bhaveyya gūthamakkhito, eko uṇho āditto. Tattha paṇḍito sītalaṃ gūthamakkhitattā jigucchanto na gaṇhāti, itaraṃ dāhabhayena. Tattha sītalassa gūthamakkhanajigucchāya¹ agaṇhanaṃ viya ajjhattaṃ lajjidhammaṃ okkamitvā pāpassa akaraṇaṃ, uṇhassa dāhabhayena agaṇhanaṃ viya apāyabhayena pāpassa akaraṇaṃ veditabbaṃ.

Sappatissavalakkhaṇā hirī, vajjabhīrukabhayadassāvilakkhaṇaṃ ottappanti idampi dvayaṃ pāparivajjane eva pākaṭaṃ hoti. Ekacco hi jātimahattapaccavekkhaṇā Satthumahattapaccavekkhaṇā dāyajjamahattapaccavekkhaṇā sabrahmacārīmahattapaccavekkhaṇāti catūhi kāraṇehi sappatissavalakkhaṇaṃ hirim samuṭṭhāpetvā pāpaṃ na karoti. Ekacco attānuvādabhayaṃ parānuvādabhayaṃ daṇḍabhayaṃ duggatibhayanti catūhi kāraṇehi vajjabhīrukabhayadassāvilakkhaṇaṃ ottappaṃ samuṭṭhāpetvā pāpaṃ na karoti. Tattha jātimahattapaccavekkhaṇādīni ceva attānuvādabhayādīni ca vitthāretvā kathetabbāni.

Mūlarāsivaṇṇanā

Na lubbhanti etena, sayam vā na lubbhati, alubbhanamattameva vā tanti **alobho**. Adosāmohe supi eseva nayo. Tesu alobho ārammaṇe cittassa agedhalakkhaṇo, alaggabhāvalakkhaṇo vā kamaladale² jalabindu viya. Apariggahaṇaraso muttabhikkhu

1. Gūthamakkhitassa jigucchāya (Syā)

2. Kamaladale (Ka)

viya. Anallīnabhāvapaccupaṭṭhāno asucimhi patitapuriso viya. Adoso acaṇḍikkalakkhaṇo, avirodhalakkhaṇo vā anukūlamitto viya. Āghātavinayaraso, pariḷāhavinayaraso vā candanaṃ viya. Sommabhāvapaccupaṭṭhāno puṇṇacando viya. Amoho lakkhaṇādīhi¹ heṭṭhā² paññindriyapade vibhāvito eva.

Imesu pana tīsu alobho maccheramalassa paṭipakkho, adoso dussīlyamalassa, amoho kusalesu dhammesu abhāvanāya paṭipakkho. Alobho cettha dānāhetu, adoso sīlahetu, amoho bhāvanāhetu. Tesu ca alobhena anadhikaṃ gaṇhāti luddhassa adhikaggahaṇato. Adosena anūnaṃ duṭṭhassa ūnaggahaṇato. Amohena apiparītaṃ muḷhassa viparītaggahaṇato.

Alobhena cettha vijjamānaṃ dosaṃ dosato dhārento dose pavattati, luddho hi dosaṃ paṭicchādeti. Adosena vijjamānaṃ guṇaṃ guṇato dhārento guṇe pavattati, duṭṭho hi guṇaṃ makkheti. Amohena yāthāvasabhāvaṃ³ yāthāvasabhāvato dhārento yathāvasabhāve pavattati, mūḷho hi tacchaṃ “atacchan”ti, atacchaṃ ca “tacchan”ti gaṇhāti. Alobhena ca piyavippayogadukkhaṃ na hoti, luddhassa piyasabhāvato, piyavippayogāsahanato ca. Adosena appiyasampayogadukkhaṃ na hoti, duṭṭhassa hi appiyasabhāvato, appiyasampayogāsahanato ca. Amohena icchitālābhadukkhaṃ na hoti, amūḷhassa hi “taṃ kutettha labbhā”ti- evamādi⁴ paccavekkhaṇasambhavato.

Alobhena cettha jātidukkhaṃ na hoti alobhassa taṇhāpaṭipakkhato, taṇhāmūlakattā ca jātidukkhaṃ. Adosena jarādukkhaṃ na hoti tikkhadossassa khippaṃ jarāsambhavato. Amohena maraṇadukkhaṃ na hoti, sammohamaraṇaṇhi dukkhaṃ, na cettaṃ amūḷhassa hoti. Alobhena ca gahaṭṭhānaṃ, amohena pabbajitānaṃ, adosena pana sabbesampi sukhasaṃvāsātā hoti.

1. Amohalakkhaṇādī hi (Sī)

3. Yathāvasabhāvaṃ (Sī)

2. Heṭṭhā 165 piṭṭhe.

4. Dī 3. 218; Am 3. 208 piṭṭhesu.

Visesato cettha alobhena pettivisaye upapatti na hoti, yebhuyyena hi sattā taṇhāya pettivisayaṃ upapajjanti, taṇhāya ca paṭipakkho alobho. Adosena niraye upapatti na hoti, dosena hi caṇḍajātītāya dosasadisaṃ nirayaṃ upapajjanti, dosassa ca paṭipakkho adoso. Amohena tiracchānayanoniyāṃ nibbatti na hoti, mohena hi nīccasammūḷhaṃ¹ tiracchānayanonim upapajjanti, mohassa paṭipakkho ca amoho. Etesu ca alobho rāgavasena upagamanassa abhāvakarō, adoso dosavasena apagamanassa, amoho mohavasena amajjhatabhāvassa.

Tīhipi cetehi yathāpaṭipāṭiyā nekkhammasaññā abyāpādasaññā avihimsāsaññāti imā tisso, asubhasaññā appamāṇasaññā dhātusaññāti imā ca tisso saññāyo honti. Alobhena pana kāmasukhallikānuyoga-antassa, adosena attakilamathānuyoga-antassa parivajjanaṃ hoti, amohena majjhimāya paṭipattiyā paṭipajjanaṃ. Tathā alobhena abhijjhākāyaganthassa pabhedanaṃ hoti, adosena byāpādakāyaganthassa, amohena sesaganthadvayassa. Purimāni ca dve satipaṭṭhānāni purimānaṃ dvinnāṃ ānubhāvena, pacchimāni pacchimasseva ānubhāvena ijjhanti.

Alobho cettha ārogyassa paccayo hoti, aluddho hi lobhanīyampi asappāyaṃ na sevati, tena kho arogo hoti. Adoso yobbanassa², aduṭṭho hi valipalitāvahena dosagginā aḍayhamāno dīgharattaṃ yuvā hoti. Amoho dīghāyukatāya, amūḷho hi hitāhitaṃ ṇatvā ahitaṃ parivajjento, hitaṃ ca paṭisevamāno dīghāyuko hoti.

Alobho cettha bhogasampattiyā paccayo hoti, aluddhassa hi cāgena bhogapaṭilābho. Adoso mittasampattiyā, mettāya mittānaṃ paṭilābhato ceva aparihānato³ ca. Amoho attasampattiyā, amūḷho hi attano hitameva karonto attānaṃ

1. Nīccasammūḷhā (Syā), nīccāṃ sammūḷhaṃ (Ka)

2. Yobbaññassa (Sī)

3. Aparihānito (Sī)

sampādeti. Alobho ca dibbavihārassa paccayo hoti, adoso brahmavihārassa, amoho ariyavihārassa.

Alobhena cettha sakapakkhesu sattasaṅkhāresu nibbuto hoti, tesam vināsenā abhisāṅghetukassa dukkhassa abhāvā. Adosena parapakkhesu, aduṭṭhassa hi verīsupi verisaññāya abhāvato. Amohena udāsīnapakkhesu, amūḷhassa sabbābhisaṅgatāya abhāvato.

Alobhena ca aniccadassanaṃ hoti, luddho hi upabhogāsāya aniccepi saṅkhāre aniccato na passati. Adosena dukkhadassanaṃ, adosajjhāsayo hi pariccatta-āghātavatthupariggaho saṅkhāreyeva dukkhato passati. Amohena anattadassanaṃ, amūḷho hi yāthāvagahaṇakusalo aparīṇāyakaṃ khandhapañcakaṃ aparīṇāyakato bujjhati. Yathā ca etehi aniccadassanādīni, evametepi aniccadassanādīhi honti. Aniccadassanena hi alobho hoti, dukkhadassanena adoso, anattadassanena amoho hoti. Ko hi nāma “aniccamidan”ti sammā ñatvā tassatthāya pihaṃ uppādeyya, saṅkhāre vā “dukkhan”ti jānanto aparampi accantabhikhiṇaṃ kodhadukkhaṃ uppādeyya, attasuññatañca bujjhitvā puna samohamāpajjeyyāti.

Kammapatharāsivaṇṇanā

Nābhijjhāyatīti **anabhijjhā**. Kāyikacetāsikasukhaṃ, idhalokaparalokahitaṃ, guṇānubhāvapaṭiladdhaṃ kittisaddaṅga na byāpādetīti **abyāpādo**. Sammā passati, sobhanā vā diṭṭhīti **sammādiṭṭhi**, alobhādīnaṃyeva tāni nāmāni. Heṭṭhā panete dhammā mūlavasena gahitā, idha kammapathavasenaṅgāti veditabbā.

Lokapāladukavaṇṇanā

Hirōttappānīpi heṭṭhā balavasena gahitāni, idha lokapālavasena. Lokañhi ime dve dhammā pālayanti. Yathāha—

“Dveme bhikkhave sukkā dhammā lokāni pārenti. Katame dve?
Hirī ca ottappaṅga, ime kho bhikkhave dve sukkā dhammā lokāni

(Pāḷenti. Sace bhikkhave dve sukkā dhammā lokam)¹ na pāleyyūm, nayidha paññāyetha ‘mātā’ti vā ‘mātucchā’ti vā ‘mātulanī’ti vā ‘ācariyabhariyā’ti vā ‘gurūnam dārā’ti vā, sambhedam loko agamissa², yathā ajeḷakā kukkuṭasūkarā soṇasiṅgālā³. Yasmā ca kho bhikkhave ime dve sukkā dhammā lokam pāḷenti, tasmā paññāyati ‘mātā’ti vā ‘mātucchā’ti vā ‘mātulanī’ti vā ‘ācariyabhariyā’ti vā ‘gurūnam dārā’ti vā”ti⁴.

Passaddhādiyugalavaṇṇanā

Kāyassa passambhanam **kāyapassaddhi**. Cittassa passambhanam **cittapassaddhi**. **Kāyoti** cettha vedanādayo tayo khandhā. Ubhopi panetā ekato katvā kāyacittadarathavūpasamalakkhaṇā kāyacittapassaddhiyo, kāyacittadarathanimmaddanarasā, kāyacittānam aparipphandasītibhāvapaccupaṭṭhānā, kāyacittapadaṭṭhānā, kāyacittānam avūpasamakara-uddhaccādikilesapaṭipakkhabhūtāti daṭṭhabbā.

Kāyassa lahubhāvo **kāyalahutā**. Cittassa lahubhāvo **cittalahutā**. Tā kāyacittagarubhāvavūpasamalakkhaṇā, kāyacittagarubhāvanimmaddanarasā, kāyacittānam adandhatāpaccupaṭṭhānā, kāyacittapadaṭṭhānā, kāyacittānam garubhāvakarathinamiddhādikilesapaṭipakkhabhūtāti daṭṭhabbā.

Kāyassa mudubhāvo **kāyamudutā**. Cittassa mudubhāvo **cittamudutā**. Tā kāyacittathaddhabhavavūpasamalakkhaṇā, kāyacittathaddhabhāvanimmaddanarasā, appaṭighātapaccupaṭṭhānā, kāyacittapadaṭṭhānā, kāyacittānam thaddhabhāvakaradiṭṭhimānādikilesapaṭipakkhabhūtāti daṭṭhabbā.

Kāyassa kammaññabhāvo **kāyakammaññatā**. Cittassa kammaññabhāvo **cittakammaññatā**. Tā kāyacitta-akammaññabhāvavūpasamalakkhaṇā, kāyacittānam akammaññabhāvanimmaddanarasā, kāyacittānam ārammaṇakaraṇasampattipaccupaṭṭhānā, kāyacittapadaṭṭhānā, kāyacittānam akammaññabhāvakarāvasesanīvaraṇapaṭipakkhabhūtāti daṭṭhabbā. Tā pasādanīyavatthūsu pasādāvahā, hitakiriyāsu viniyogakkhamabhāvāvahā suvaṇṇavisuddhi viyāti daṭṭhabbā.

1. () Imasmim antare thitapāṭho Pāḷiyam natthi.

2. Āgamissati (Ka)

3. Ajeḷakakukkuṭasūkarasoṇasiṅgālā (Ka)

4. Am 1. 53 piṭṭhe.

Kāyassa pāguṇṇabhāvo **kāyapāguṇṇatā**. Cittassa pāguṇṇabhāvo **cittapāguṇṇatā**. Tā kāyacittānaṃ agelaṇṇahāvalakkhaṇā, kāyacittagelaṇṇanimaddanarasā, nirādīnavapaccupaṭṭhānā, kāyacittapadaṭṭhānā, kāyacittagelaṇṇakara-assaddhiyādikilesapaṭipakkhabhūtāti daṭṭhabbā.

Kāyassa ujukabhāvo **kāyujukatā**. Cittassa ujukabhāvo **cittujukatā**. Tā kāyacittānaṃ ajjavalakkhaṇā, kāyacittakuṭilabhāvanimaddanarasā, ajimhatāpaccupaṭṭhānā, kāyacittapadaṭṭhānā, kāyacittānaṃ kuṭilabhāvakaramāyāsāṭṭheyyādikilesapaṭipakkhabhūtāti daṭṭhabbā.

Saratīti **sati**. Sampajānātīti **sampajāññaṃ**. Samantato pakārehi jānātīti attho.

Sāttahasampajāññaṃ sappāyasampajāññaṃ gocarasampajāññaṃ asammohasampajāññanti imesaṃ catunnaṃ panassa vasena bhedo vedītabbo. Lakkhaṇādīni ca tesāṃ satindriyapaññindriyesu vuttanayeneva vedītabbāni. Iti heṭṭhā vuttamevetāṃ dhammadvayaṃ puna imasmiṃ ṭhāne upakāravasena gahitaṃ.

Kāmacchandādayo paccanīkadhamme sametīti **samatho**. Aniccādivasena vividhehi ākārehi dhamme passatīti **vipassanā**, paññāvesā atthato. Imesampi dvinnaṃ lakkhaṇādīni heṭṭhā vuttāneva. Idha panete yuganaddhavasena¹ gahitā.

Sahajātadhamme paggaṇhātīti **paggāho**. Uddhaccasaṅkhātassa vikkhepassa paṭipakkhabhāvato na vikkhepoti **avikkhepo**. Etesampi lakkhaṇādīni heṭṭhā vuttāneva. Idha panetaṃ dvayaṃ vīriyasamādhiyojanatthāya gahitanti vedītabbāṃ.

Yevāpanakavaṇṇanā

Ye vā pana tasmīṃ samaye aññepi atthi paṭiccasamuppannā arūpino **dhammā**, ime **dhammā kusalā**ti “phasso hoti -pa- avikkhepo hoti”ti na kevalaṃ padapaṭipāṭiyā uddiṭṭhā ime paropaṇṇāsadhammā eva, atha kho yasmiṃ samaye kāmāvacaraṃ tihetukaṃ somanassasahagataṃ paṭhamāṃ asaṅkhārikāṃ mahācittaṃ uppannaṃ hoti, tasmīṃ samaye ye vā pana aññepi tehiyeva phassādīhi sampayuttā hutvā pavattamānā atthi

1. Yuganandhavasena (Sī, Ka)

attano attano anurūpaṃ paccayaṃ paṭicca samuppannā rūpābhāvena arūpino sabhāvato upalabbhamānā dhammā, sabbepi ime dhammā kusalā.

Ettāvatā cittaṅgavasena Pāḷiyam āruḷhe¹ paropaṇṇāsa dhamme dīpetvā yevāpanakavasena aparepi nava dhamme Dhammarājā dīpeti. Tesu tesu hi suttapadesu chando adhimokkho manasikāro tatramajjhataṭṭatā karuṇā muditā kāyaduccaritavirati vacīduccaritavirati micchājīvaviratīti ime nava dhammā paññāyanti. Imasmiñcāpi mahācitte kattukamyatākusaladhammacchando atthi, cittaṅgavasena pana Pāḷiyam² na āruḷho, so idha yevāpanakavasena gahito.

Adhimokkho atthi, manasikāro atthi, tatramajjhataṭṭatā atthi, mettāpubbabhāgo atthi, so adose gahite gahito eva hoti. Karuṇāpubbabhāgo atthi, muditāpubbabhāgo atthi, upekkhāpubbabhāgo atthi, so pana tatramajjhataṭṭatāya gahitāya gahitova hoti. Sammāvācā atthi, sammākammanto atthi, sammā-ājīvo atthi, cittaṅgavasena pana Pāḷiyam na āruḷho, sopi idha yevāpanakavasena gahito.

Imesu pana navasu chando adhimokkho manasikāro tatramajjhataṭṭatīti ime cattārova ekakkhaṇe labbhanti, sesā nānākkhaṇe. Yadā hi iminā cittena micchāvācam pajahati, virativasena sammāvācam pūreti, tadā chandādayo cattāro, sammāvācā cāti ime pañca ekakkhaṇe labbhanti. Yadā miccākammantaṃ pajahati, virativasena sammākammantaṃ pūreti -pa- micchā-ājīvaṃ pajahati, virativasena sammā-ājīvaṃ pūreti -pa-. Yadā karuṇāya parikammaṃ karoti -pa-. Yadā muditāya parikammaṃ karoti, tadā chandādayo cattāro, muditāpubbabhāgo cāti ime pañca ekakkhaṇe labbhanti. Ito pana muñcivā dānaṃ dentassa sīlaṃ pūrentassa yoge kammaṃ karontassa cattāri apaṇṇakaṅgāneva labbhanti.

Evametesu navasu yevāpanakadhammesu **chandoti** kattukamyatāyetaṃ adhivacanaṃ. Tasmā so kattukamyatālakkaṇo chando, ārammaṇapariyesanaraso, ārammaṇena atthikatāpaccupaṭṭhāno, tadevassa

1. Pāḷi-āruḷhe (Sī)

2. Pāḷim (Sī, Syā)

padaṭṭhānaṃ, ārammaṇassa gahaṇe cāyaṃ cetaso hatthappasāraṇaṃ viya daṭṭhabbo.

Adhimuccanaṃ **adhimokkho**. So sanniṭṭhānalakkhaṇo, asaṃsappanaraso, nicchayapaccupaṭṭhāno, sanniṭṭhātabbadhammapadaṭṭhāno, ārammaṇe niccalabhāvena indakhīlo viya daṭṭhabbo.

Kiriyā kāro, manasmim¹ kāro **manasikāro**, purimamanato visadisaṃ manāṃ karotītipi **manasikāro**. Svāyaṃ ārammaṇapaṭipādako vīthipaṭipādako javanapaṭipādakoti tippakāro. Tattha ārammaṇapaṭipādako manasmim kāroti **manasikāro**. So sāraṇalakkhaṇo², sampayuttānaṃ ārammaṇe sampayojanaraso, ārammaṇābhimukhabhāvapaccupaṭṭhāno, saṅkhārakkhandhapariyāpanno, ārammaṇapaṭipādakattena sampayuttānaṃ sārathi viya daṭṭhabbo. **Vīthipaṭipādakoti** pana pañcadvārāvajjanassetāṃ adhivacanaṃ. **Javanapaṭipādakoti** manodvārāvajjanassa, na te idha adhippetā.

Tesu dhammesu majjhataṭṭā **tatramajjhataṭṭā**. Sā cittacetāsikānaṃ samavāhitalakkhaṇā, ūnādhikanivāraṇarasā, pakkhapātupacchedanarasā vā, majjhatabhāvapaccupaṭṭhānā, cittacetāsikānaṃ ajjupekkhanavasena samappavattānaṃ ājāneyyānaṃ ajjupekkhanasārathi viya daṭṭhabbā.

Karuṇāmudita brahmavihāraniddese³ āvi bhavissanti. Kevalaṅhi tā appanāppattā rūpāvacarā, idha kāmāvacarāti ayameva viseso.

Kāyaduccaritato virati **kāyaduccaritavirati**. Sesapadadvayepi eseva nayo. Lakkhaṇādito panetā tissopi kāyaduccaritādivatthūnaṃ avītikamalakkhaṇā, amaddanalakkhaṇāti vuttaṃ hoti. Kāyaduccaritādivatthuto saṅkocanarasā, akiriyapaccupaṭṭhānā, saddhāhirottappa-appicchatādiguṇapadaṭṭhānā, pāpakiriyato cittassa vimukhībhāvabhūtaṃ daṭṭhabbā.

Iti phassādīni chappaññāsa, yevāpanakavasena vuttāni navāti sabbānīpi imasmim dhammuddeṣavāre pañcasatṭhi dhammapadāni bhavanti. Tesu ekakkhaṇe kadāci ekasatṭhi bhavanti, kadāci samasatṭhi. Tāni hi sammāvācāpūraṇādivasena

1. Manasi (Ka)

2. Sārammaṇalakkhaṇo (Sī, Syā)

3. Upari 237 piṭṭhe.

uppattiyam pañcasu ṭhānesu ekasaṭṭhi bhavanti. Tehi mutte ekasmim ṭhāne samasaṭṭhi bhavanti. Ṭhapetvā pana yevāpanake Pāḷiyam yathārutavasena gayhamānāni chappaññāsāva honti, aggahitaggahaṇena panettha phassapañcakaṃ, vitakko vicāro pīti cittekaggatā pañcindriyāni hiribalaṃ ottappabalanti dve balāni, alobho adosoti dve mūlāni, kāyapassaddhicittapassaddhi-ādayo dvādassa dhammāti samatimsa dhammā honti.

Tesu samatimsāya dhammesu aṭṭhārasa dhammā avibhattikā honti, dvādasa savibhattikā. Katame aṭṭhārasa? Phasso saññā cetanā vicāro pīti jīvitindriyam kāyapassaddhi-ādayo dvādasa dhammāti ime aṭṭhārasa avibhattikā. Vedanā cittaṃ vitakko cittekaggatā saddhindriyam vīriyindriyam satindriyam paññindriyam hiribalaṃ ottappabalaṃ alobho adosoti ime dvādasa dhammā savibhattikā. Tesu satta dhammā dvīsu ṭhānesu vibhattā, eko tīsu, dve catūsu, eko chasu, eko sattasu ṭhānesu vibhatto.

Katham? Cittaṃ vitakko saddhā hirī ottappaṃ alobho adosoti ime satta dvīsu ṭhānesu vibhattā.

Etesu hi **cittaṃ** tāva phassapañcakaṃ patvā “cittaṃ hotī”ti vuttaṃ, indriyāni patvā “manindriyan”ti. **Vitakko** jhānaṅgāni patvā “vitakko hotī”ti vutto, maggaṅgāni patvā “sammāsaṅkappo”ti. **Saddhā** indriyāni patvā “saddhindriyam hotī”ti vuttā, balāni patvā “saddhābalan”ti. **Hirī** balāni patvā “hiribalaṃ hotī”ti vuttā, lokapāladukaṃ patvā “hirī”ti. Ottappepi eseva nayo. **Alobho** mūlaṃ patvā “alobho hotī”ti vutto, kammaṭṭham patvā “anabhijjhā”ti. **Adoso** mūlaṃ patvā “adoso hotī”ti vutto, kammaṭṭham patvā “abyāpādo”ti. Ime satta dvīsu ṭhānesu vibhattā.

Vedanā pana phassapañcakaṃ patvā “vedanā hotī”ti vuttā, jhānaṅgāni patvā “sukhan”ti, indriyāni patvā “somanassindriyan”ti. Evaṃ eko dhammo tīsu ṭhānesu vibhatto.

Vīriyam pana indriyāni patvā “vīriyindriyam hotī”ti vuttaṃ, maggaṅgāni patvā “sammāvāyāmo”ti, balāni patvā “vīriyabalan”ti, piṭṭhidukaṃ patvā

“paṅgāho”ti. **Satipi** indriyāni patvā “satindriyaṃ hotī”ti vuttā, maggaṅgāni patvā “sammāsati”ti, balāni patvā “satibalan”ti, piṭṭhidukaṃ¹ patvā “sati hotī”ti vuttā. Evaṃ ime dve dhammā catūsu ṭhānesu vibhattā.

Samādhi pana jhānaṅgāni patvā “cittassekaggatā hotī”ti vutto, indriyāni patvā “samādhindriyaṃ”ti, maggaṅgāni patvā sammāsamādhī”ti, balāni patvā “samādhibalan”ti, piṭṭhidukaṃ patvā “samatho, avikkhepo”ti. Evamayāṃ eko dhammo chasu ṭhānesu vibhatto.

Paññā pana indriyāni patvā “paññindriyaṃ hotī”ti vuttā, maggaṅgāni patvā “sammādiṭṭhī”ti, balāni patvā “paññābalan”ti, mūlāni patvā “amoho”ti, kammaṃ pathaṃ patvā “sammādiṭṭhī”ti, piṭṭhidukaṃ patvā “sampaṇṇāṃ, vipassanā”ti. Evaṃ eko dhammo sattasu ṭhānesu vibhatto.

Sace pana koci vadeyya “ettha apubbaṃ nāma natthi, heṭṭhā gahitameva gaṇhitvā tasmim tasmim ṭhāne² padaṃ pūritaṃ, ananusandhikā kathā, uppaṭipāṭiyā corehi ābhatabhaṇḍasadisā, goyūthena gatamagge āluḷitaṇasadisā, ajānitvā kathitā”ti. So “māhevan”ti paṭisedhetvā vattabbo—Buddhānaṃ desanā ananusandhikā nāma natthi, sānusandhikāva hoti. Ajānitvā kathitāpi natthi, sabbā jānitvā kathitāyeva. Sammāsambuddho hi tesāṃ tesāṃ dhammānaṃ kiccaṃ jānāti, taṃ ñatvā kiccavasena vibhattim āropento “aṭṭhārasa dhammā ekekakiccā”ti ñatvā ekekasmim ṭhāne vibhattim āropesi. “Satta dhammā dvedvekiccā”ti ñatvā dvīsu dvīsu ṭhānesu vibhattim āropesi. “Vedanā tikiccā”ti ñatvā dvīsu dvīsu ṭhānesu vibhattim āropesi. “Vīriyasatīnaṃ cattāri cattāri kiccāni”ti³ ñatvā catūsu catūsu ṭhānesu vibhattim āropesi. “Samādhi chakicco”ti ñatvā chasu ṭhānesu vibhattim āropesi. “Paññā sattakiccā”ti ñatvā sattasu ṭhānesu vibhattim āropesi.

Tatridaṃ opammaṃ—eko kira paṇḍito rājā rahogato cintesi “imaṃ rājakulasantakaṃ na yathā vā tathā vā khāditabbaṃ, sippānucchavikaṃ

1. Upakāradukaṃ (Ka) 2. Ṭhāne pana (Sī, Ka) 3. “Viriyaṃ sati catukiccā”ti (Sī)

vetanaṃ vaḍḍhessāmi”ti. So sabbe sippike¹ sannipātāpetvā
 “ekekassippajānanake pakkosathā”ti āha. Evaṃ pakkosiyamānā aṭṭhārasa
 janā uṭṭhahimsu, tesam ekekaṃ paṭivīsam² dāpetvā vissajjesi. “Dve dve
 sippāni jānantā āgacchantū”ti vutte pana satta janā āgamaṃsu, tesam dve
 dve paṭivīse dāpesi. “Tīṇi sippāni jānantā āgacchantū”ti vutte ekova āgacchi,
 tassa tayo paṭivīse dāpesi. “Cattāri sippāni jānantā āgacchantū”ti vutte dve
 janā āgamaṃsu, tesam cattāro cattāro³ paṭivīse dāpesi. “Pañca sippāni
 jānantā āgacchantū”ti vutte ekopi nāgacchi. “Cha sippāni jānantā
 āgacchantū”ti vutte ekova āgacchi, tassa cha paṭivīse dāpesi. “Satta sippāni
 jānantā āgacchantū”ti vutte ekova āgacchi, tassa satta paṭivīse dāpesi.

Tatta paṇḍito rājā viya anuttaro Dhammarājā, sippajānanakā viya
 cittacittaṅgavasena⁴ uppannā dhammā, sippānucchavikavetanavaḍḍhanaṃ
 viya kiccavasena tesam tesam dhammānaṃ vibhatti-āropanaṃ.

Sabbepi panete dhammā phassapañcakavasena jhānaṅgavasena
 indriyavasena maggavasena balavasena mūlavasena kammaṭṭhavasena
 lokapālavasena passaddhivasena lahutāvasena mudutāvasena
 kammaññatāvasena pāguññatāvasena ujukatāvasena satisampajaññavasena
 samathavipassanāvasena paggāhāvikkhepavasenaṭi sattarasa rāsayo hontīti.

Dhammuddesavāarakathā niṭṭhitā.

Kāmāvacarakusala niddesavāarakathā

2. Idāni tāneva Dhammuddesavāre Pāli-aruḥhāni chappaññāsa padāni
 vibhajitvā dassetuṃ “**katamo tasmim samaye phasso hoti**”ti-ādinā nayena
 Niddesavāro āradhho.

Tattha pucchāya tāva ayamattho—yasmim samaye kāmāvacaraṃ
 kusalaṃ somanassasahagataṃ tihetukaṃ asaṅkhārikaṃ mahācittaṃ
 uppajjati, tasmim

1. Sippake (Syā, Ka)

3. Cattāri cattāri (bahūsu)

2. Paṭivīsam (Si)

4. Cittaṅgavasena (Ka)

samaye phasso hotīti vutto, katamo so phassoti iminā nayena sabbapucchāsu attho veditabbo.

Yo tasmim samaye phassoti tasmim samaye yo phusanakavasena uppanno phasso, so. **“Phasso”**ti idam phassassa sabhāvadīpanato sabhāvapadam nāma. **Phusanāti** phusanākāro. **Samphusanāti** phusanākārova upasaggena padam vaḍḍhetvā vutto. **Samphusitattanti** samphusitabhāvo. Ayam panettha yojanā—yo tasmim samaye phusanakavasena phasso, yā tasmim samaye phusanā, yā tasmim samaye samphusanā, yam tasmim samaye samphusitattam. Atha vā yo tasmim samaye phusanavasena phasso aññenāpi pariyāyena phusanā samphusanā samphusitattanti vuccati, ayam tasmim samaye phasso hotīti. Vedanādīnampi niddesesu imināva nayena padayojanā veditabbā.

Ayam panettha sabbasādhāraṇo vibhattivinicchāyo—yānimāni Bhagavatā paṭhamam kāmāvacaram kusalam mahācittam bhājetvā dassentena atirekapaṇṇāsapadāni mātikāvasena ṭhapetvā puna ekekapadam gahetvā vibhattim gacchanti, nānā hontāni catūhi kāraṇehi nānā bhavanti. Aparadīpanā panettha dve ṭhānāni gacchati. Katham? Etānihi byañjanavasena upasaggavasena atthavasenāti imehi tīhi kāraṇehi vibhattim gacchanti. Tattha “kodho kujjhanā kujjhitattam, doso dussanā dussitattan”ti evam **byañjanavasena** vibhattigamanam veditabbam, ettha hi ekova kodho byañjanavasena evam vibhattim gato. “Cāro vicāro anuvicāro upavicāro”ti evam pana **upasaggavasena** vibhattigamanam veditabbam. “Paṇḍiccam kosallam nepuñnam vebhabyā cintā upaparikkhā”ti evam **atthavasena** vibhattigamanam veditabbam. Tesu phassapadaniddese tāva imā tissopi vibhattiyo labbhanti. “Phasso phusanā”ti hi byañjanavasena vibhattigamanam hoti, “samphusanā”ti upasaggavasena, “samphusitattan”ti atthavasena. Iminā nayena sabbapadaniddesesu vibhattigamanam veditabbam.

Nānā hontānipi pana nāmanānattena lakkhaṇānānattena kiccanānattena paṭikkhepanānattenti imehi catūhi kāraṇehi nānā honti. Tattha “katamo tasmim samaye byāpādo hoti? Yo

tasmim̐ samaye doso dussanā”ti¹ ettha byāpādoti vā dosoti vā dvepi ete kodho eva nāmena nānattam̐ gatāti. Evaṃ **nāmanānattena** nānattam̐ veditabban̐.

Rāsatt̐hena ca pañcapi khandhā ekova khandho hoti. Ettha pana rūpaṃ rupanalakkhaṇam̐, vedanā vedayitalakkhaṇā, saññā sañjānanalakkhaṇā, cetanā cetayitalakkhaṇā, viññāṇam̐ vijānanalakkhaṇanti iminā lakkhaṇānānattena pañcakkhandhā honti. Evaṃ **lakkhaṇānānattena** nānattam̐ veditabban̐.

Cattāro sammappadhānā—idha bhikkhu anuppannānam̐ pāpakānam̐ akusalānam̐ dhammānam̐ anuppādāya -pa- cittaṃ paggaṇhāti padahatīti² ekameva vīriyam̐ kiccanānattena catūsu ṭhānesu āgataṃ. Evaṃ **kiccanānattena** nānattam̐ veditabban̐.

Cattāro asaddhammā—kodhagarutā, na saddhammagarutā, makkhagarutā, na saddhammagarutā, lābhagarutā, na saddhammagarutā, sakkāragarutā, na saddhammagarutāti evamādīsu³ pana **paṭikkhepanānattena** nānattam̐ veditabban̐.

Imāni pana cattāri nānattāni na phasseyeva labbhanti, sabbesupi phassapañcamakādīsu labbhanti. Phassassa hi “phasso”ti nāmam̐ -pa- cittaṃ “cittan”ti. Phasso ca phusanalakkhaṇo, vedanā vedayitalakkhaṇā, saññā sañjānanalakkhaṇā, cetanā cetayitalakkhaṇā, viññāṇam̐ vijānanalakkhaṇam̐. Tathā phasso phusanakicco, vedanā anubhavanakiccā, saññā sañjānanakiccā, cetanā cetayitakiccā, viññāṇam̐ vijānanakiccanti evaṃ kiccanānattena nānattam̐ veditabban̐.

Paṭikkhepanānattam̐ phassapañcamake natthi. Alobhādiniddese pana “alobho alubbhanā alubbhitattan”ti-ādinā nayena labbhatīti evaṃ paṭikkhepanānattena nānattam̐ veditabban̐. Evaṃ sabbapadaniddesesu labbhamānavasena catubbidhampi nānattam̐ veditabban̐.

Aparadīpanā pana padatthuti vā hoti dalhīkammaṃ vāti evaṃ dve ṭhānāni gacchati. Yaṭṭhikoṭiyā uppīlentena viya hi sakimeva “phasso”ti vutte etaṃ padaṃ phullitamaṇḍitavibhūsitam̐ nāma na hoti, punappunam̐ byañjanavasena

1. Abhi 1. 101piṭṭhe. 2. Abhi 2. 216; Dī 2. 250 piṭṭhādīsu. 3. Am̐ 1. 356piṭṭhe.

upasaggavasena atthavasena “phasso phusanā samphusanā samphusitattan”ti vutte phullitamaṇḍitavibhūsitam nāma hoti. Yathā hi daharakumāram nhāpetvā manoramam vattham paridahāpetvā pupphāni piḷandhāpetvā akkhini añjetvā athassa nalāṭe ekameva manosilābindum kareyyum, tassa na ettāvatā cittatilako nāma hoti, nānavaṇṇehi pana parivāretvā bindūsu katesu cittatilako nāma hoti. Evaṃsampadamidam veditabbam. Ayam **padatthuti** nāma.

Byañjanavasena, upasaggavasena, atthavasena ca punappunam bhaṇanameva daḷhikammam nāma. Yathā hi “āvuso”ti vā “bhante”ti vā “yakkho”ti vā “sappo”ti vā vutte daḷhikammam nāma na hoti, “āvuso āvuso, bhante bhante, yakkho yakkho, sappo sappo”ti vutte pana daḷhikammam nāma hoti, evameva¹ sakideva yaṭṭhikoṭiyā uppīlentena viya “phasso”ti vutte padam daḷhikammam nāma na hoti, punappunam byañjanavasena upasaggavasena atthavasena “phasso phusanā samphusanā samphusitattan”ti vutteyeva **daḷhikammam** nāma hotīti evam aparadīpanā dve ṭhānāni gacchati. Etassāpi vasena labbhamānakapadaniddesesu sabbattha attho veditabbo.

Yam tasmim samaye phasso hotīti yasmim samaye paṭhamam kāmāvacaram mahākusalacittam uppajjati, tasmim samaye ayam phasso nāma hotīti ayam tāva phassapadaniddesassa vaṇṇanā. Ito paresu pana vedanādīnam padānam niddesesu visesamattameva vaṇṇayissāma. Sesam idha vuttanayeneva veditabbam.

3. **Yam tasmim samayeti** ettha kiñcāpi “katamā tasmim samaye vedanā hotī”ti āradham, sātapadavasena pana “yan”ti vuttam. **Tajjāmanoviññāṇadhātusamphassajanti** ettha **tajjā** vuccati tassa sātasukhassa anucchavikā sārubbā, anucchavikatthopi hi ayam tajjāsaddo hoti. Yathāha “tajjam tassārubbam katham mantetī”ti². Tehi vā rūpādīhi ārammaṇehi imassa ca³ sukhassa paccayehi jātātipi **tajjā**. Manoviññāṇameva nissattaṭṭhena dhātūti **manoviññāṇadhātu**. Samphassato jātam, samphasse vā jātanti **samphassajam**. Cittanissitattā **cetasikam**.

1. Evamevam (Sī)

2. Ma 3. 202 piṭṭhe.

3. Imassa (?)

madhuraṭṭhena **sātaṃ**. Idaṃ vuttaṃ hoti “yaṃ tasmim̄ samaye yathāvuttena atthena tajjāya manoviññāṇadhātuyā samphassajaṃ cetasikaṃ sātaṃ, ayaṃ tasmim̄ samaye vedanā hotī”ti. Evaṃ sabbapadehi saddhim̄ yojanā veditabbā.

Idāni **cetasikaṃ sukhanti**-ādīsu cetasikapadena kāyikasukhaṃ paṭikkhipati. Sukhapadena cetasikaṃ dukkhaṃ. **Cetosamphassajanti** cittasamphasse jātaṃ. **Sātaṃ sukhaṃ vedayitanti** sātaṃ vedayitaṃ, na asātaṃ vedayitaṃ. Sukhaṃ vedayitaṃ, na dukkhaṃ vedayitaṃ. Parato tīṇi padāni itthiliṅgavasena vuttāni. Sātā vedanā, na asātā. Sukhā vedanā, na dukkhāti ayameva panettha attho.

4. Saññāniddese **tajjāmanoviññāṇadhātusamphassajāti** tassākusalasaññāya anucchavikāya manoviññāṇadhātuyā samphassamhi jāta. **Saññāti** sabhāvanāmaṃ. **Sañjānanāti** sañjānanākāro. **Sañjānitattanti** sañjānitabhāvo.

5. **Cetanāniddese**¹ imināva nayena veditabbo.

Cittaniddese cittavicittatāya cittaṃ. Ārammaṇaṃ minamānaṃ jānāti **mano**. **Mānasanti** mano eva. “Antalikkhacaro pāso, yvāyaṃ carati mānaso”ti¹ hi ettha pana sampayuttakadhammo “mānaso”ti vutto.

“Kathaṃ hi Bhagavā tuyhaṃ, sāvako sāsane rato.

Appattamānaso sekkho, kālaṃ kayirā jane sutā”ti³.

Ettha arahattaṃ “mānasanti”ti vuttaṃ. Idha pana manova mānasaṃ, byañjanavasena hetuṃ padaṃ vaḍḍhitaṃ.

Hadayanti cittaṃ. “Cittaṃ vā te khipissāmi, hadayaṃ vā te phālessāmi”ti⁴ ettha uro hadayanti vuttaṃ. “Hadayā hadayaṃ maññe aññāya tacchatī”ti⁵ ettha cittaṃ. “Vakkaṃ hadayan”ti⁶ ettha hadayavattu.

1. Cetanāniddesopi (Syā)

3. Saṃ 1. 122 piṭṭhe.

5. Ma 1. 38 piṭṭhe.

2. Saṃ 1. 113; Vi 3. 28 piṭṭhesu.

4. Saṃ 1. 209; Khu 1. 306 piṭṭhesu.

6. Dī 2. 233; Ma 1. 71 piṭṭhādīsu.

idha pana cittameva abbhantaraṭṭhena hadayanti vuttaṃ. Tameva parisuddhaṭṭhena **paṇḍaram**, bhavaṅgam sandhāyetaṃ vuttaṃ. Yathāha “pabhassaramidaṃ bhikkhave cittaṃ, tañca kho āgantukehi upakkilesehi upakkiliṭṭhan”¹. Tato nikkhantattā pana akusalampi Gaṅgāya nikkhantā nadī Gaṅgā viya, Godhāvarito nikkhantā Godhāvarī viya ca “paṇḍaran”²veva vuttaṃ.

Mano manāyatananti idha pana manoggahaṇaṃ manasseva āyatanabhāvadīpanatthaṃ. Tenetaṃ dīpeti “nayidaṃ devāyatanam viya manassa āyatanattā manāyatanam, atha kho mano eva āyatanam **manāyatanan**”³ti. Tattha nivāsaṭṭhānaṭṭhena², ākaraṭṭhena, samosaraṇaṭṭhānaṭṭhena³, sañjātidesaṭṭhena, kāraṇaṭṭhena ca āyatanam veditabbaṃ. Tathā hi loke “issarāyatanam vāsudevāyatanan”⁴ti-ādīsu nivāsaṭṭhānam “āyatanan”⁵ti vuccati. “Suvanṇāyatanam rajatāyatananti”⁴ ādīsu ākaro. Sāsane pana “manorame āyatane, sevanti nam vihaṅgamā”⁵ti-ādīsu⁵ samosaraṇaṭṭhānam. “Dakkhiṇāpatho gunnam āyatanan”⁶ti-ādīsu sañjātideso. “Tatra tatveva sakkhibhabbatam pāpuṇāti sati sati-āyatane”⁶ti-ādīsu⁶ kāraṇam. Idha pana sañjātidesaṭṭhena samosaraṇaṭṭhānaṭṭhena kāraṇaṭṭhenāti tidhāpi vaṭṭati⁷.

Phassādayo hi dhammā ettha sañjāyantīti sañjātidesaṭṭhenapi etaṃ **āyatanam**. Bahiddhā rūpasaddagandharasa phoṭṭhabbā ārammaṇabhāvenettha osarantīti samosaraṇaṭṭhānaṭṭhenapi **āyatanam**. Phassādīnam pana saha-jātādipaccayaṭṭhena kāraṇattā kāraṇaṭṭhenapi **āyatananti** veditabbaṃ. Manindriyam vutthatthameva.

Vijānātīti **viññāṇam**, viññāṇameva khandho **viññāṇakkhandho**. Tassa rāsi-ādivasena attho veditabbo. “Mahā-udakakkhandhotveva saṅkyam gacchatī”⁸ti⁸ ettha hi rāsaṭṭhena khandho vutto. “Sīlakkhandho samādhikkhandho”⁹ti-ādīsu⁹ guṇaṭṭhena. “Addasā kho Bhagavā mahantaṃ dārukkhandhan”¹⁰ti¹⁰ ettha paṇṇattimattaṭṭhena. Idha pana ruḥhito khandho vutto. Rāsaṭṭhena hi

1. Am 1. 9 piṭṭhe.

2. Nivāsanaṭṭhena (Ka)

3. Samosaraṇaṭṭhena (Ka)

4. Ratanāyatananti (Sī, Syā)

5. Am 2. 36 piṭṭhe.

6. Ma 3. 138 piṭṭhe.

7. Tividhopi vaṭṭati (Sī), tividhapi vaṭṭanti (Ka)

8. Am 1. 366 piṭṭhe.

9. Dī 3. 236 piṭṭhe.

10. Saṃ 2. 386 piṭṭhe.

viññāṇakkhandhassa ekadeso ekaṃ viññāṇaṃ. Tasmā yathā rukkhassa ekadesaṃ chindanto rukkhaṃ chindaṭṭi vuccati, evameva viññāṇakkhandhassa ekadesabhūtaṃ ekampi viññāṇaṃ ruḥhito viññāṇakkhandhoti vuttaṃ.

Tajjāmanoviññāṇadhātūti tesāṃ phassādīnaṃ dhammānaṃ anucchavikā manoviññāṇadhātu. Imasmiñhi pade ekameva cittaṃ minanaṭṭhena **mano**, vijānanaṭṭhena **viññāṇaṃ**, sabhāvaṭṭhena, nissattaṭṭhena vā **dhutū**ti tīhi nāmehi vuttaṃ. Iti imasmiṃ phassapañcamake phasso tāva yasmā phasso eva, na tajjāmanoviññāṇadhātu samphassajo. Cittaṅca yasmā tajjāmanoviññāṇadhātu eva, tasmā imasmiṃ padadvaye “tajjāmanoviññāṇadhātusamphassajā”¹ti paññatti na āropitā. Vitakkapadādīsu pana labbhamānāpi idha pacchinnatā na uddhaṭā.

Imesaṅca pana phassapañcamakānaṃ dhammānaṃ pāṭiyekkaṃ pāṭiyekkaṃ vinibbhogaṃ katvā paññattim uddharamānena Bhagavatā dukkaraṃ kataṃ. Nānā-udakānañhi nānātelānaṃ vā ekabhājane pakkipitvā divasaṃ nimmathitānaṃ vaṇṇa gandharasānaṃ nānatāya disvā vā ghāyitvā vā sāyitvā vā nānākaraṇaṃ sakkā bhaveyya ñātuṃ, evaṃ santepi taṃ dukkaranti vuttaṃ. Sammāsambuddhena pana imesaṃ arūpīnaṃ cittacetāsikānaṃ dhammānaṃ ekārammaṇe pavattamānānaṃ pāṭiyekkaṃ pāṭiyekkaṃ vinibbhogaṃ katvā paññattim uddharamānena atidukkaraṃ kataṃ. Tenāha **āyasmā Nāgasenatthero**—

Dukkaraṃ mahārāja Bhagavatā katanti. Kim bhante Nāgasena Bhagavatā dukkaraṃ katanti? Dukkaraṃ mahārāja Bhagavatā kataṃ, yaṃ imesaṃ arūpīnaṃ cittacetāsikānaṃ dhammānaṃ ekārammaṇe pavattamānānaṃ vavathhānaṃ akkhātāṃ “ayaṃ phasso, ayaṃ vedanā, ayaṃ saññā, ayaṃ cetanā, idaṃ cittaṃ”ti. Opammaṃ bhante karohīti. Yathā mahārāja kocideva puriso nāvāya samuddaṃ ajjhogāhetvā hatthapuṭena udakaṃ gahetvā jivhāya sāyitvā jāneyya nu kho mahārāja so puriso “idaṃ Gaṅgāya udakaṃ, idaṃ Yamunāya udakaṃ, idaṃ Aciravatiyā udakaṃ, idaṃ Sarabhuyā udakaṃ, idaṃ Mahiyā udakaṃ”ti. Dukkaraṃ bhante jānitunti. Tato

1. ...samphassajā (Sī, Syā)

dukkarataraṃ kho mahārāja Bhagavatā kataṃ, yaṃ imesaṃ arūpīnaṃ cittacetāsikānaṃ dhammānaṃ -pa- idaṃ cittanti¹.

7. Vitakkaniddese takkanavesena **takko**, tassa “kittakaṃ takkesi? Kumbhaṃ takkesi, sakaṭaṃ takkesi, yojanaṃ takkesi, addhayajanaṃ takkesi”ti evaṃ takkanavesena pavatti veditabbā. Idaṃ takkassa sabhāvapadaṃ. Vitakkanavesena **vitakko**. Balavataratakkassetāṃ nāmaṃ. Suṭṭhukappanavesena **saṅkappo**, ekaggaṃ cittaṃ ārammaṇe appetīti **appanā**. Dutiyapadaṃ upasaggavasena vaḍḍhitaṃ, balavatarā vā appanā **byappanā**. Ārammaṇe cittaṃ abhiniropeti patiṭṭhāpetīti **cetaso abhiniropanā**. Yathāvatayā, niyyānikatāya ca kusalabhāvappatto pasattho saṅkappoti **sammāsaṅkappo**.

8. Vicāraniddese ārammaṇe caraṇakavasena **cāro**. Idamassa sabhāvapadaṃ. Vicāraṇavasena **vicāro**. Anugantvā vicāraṇavasena **anuvicāro**, upagantvā vicāraṇavasena **upavicāro**ti. Upasaggavasena vā padāni vaḍḍhitāni. Ārammaṇe cittaṃ saraṃ viya jiyāya anusandahitvā ṭhapanato cittassa **anusandhānatā**². Ārammaṇaṃ anupekkhamāno viya tiṭṭhatīti **anupekkhanatā**. Vicāraṇavasena vā upekkhanatā anupekkhanatā.

9. Pītiniddese **pīṭīti** sabhāvapadaṃ, pamuditassa bhāvo **pāmojjaṃ**. Āmodanākāro **āmodanā**. Pamodanākāro **pamodanā**. Yathā vā bhesajjānaṃ vā telānaṃ vā uṇhodakasītodakānaṃ vā ekatokaraṇaṃ “modanā”ti vuccati, evamayampi pīti dhammānaṃ ekatokaraṇena modanā, upasaggavasena pana maṇḍetvā “āmodanā pamodanā”ti vuttā. Hāsetīti **hāso**. Pahāsetīti **pahāso**, haṭṭhapahaṭṭhākārānametaṃ adhivacanaṃ. **Vittīti** vittaṃ, dhanassetāṃ nāmaṃ. Ayaṃ pana somanassapaccayattā vittisarikkhatāya **vitti**. Yathā hi dhanino dhanam paṭicca somanassaṃ uppajjati, evaṃ pīmatopi pītim paṭicca somanassaṃ uppajjati. Tasmā “vitti”ti vuttā, tuṭṭhisabhāvasaṅṭhitāya pītiyā etaṃ nāmaṃ. Pītimā pana puggalo kāyacittānaṃ uggatattā abbhuggatattā “udaggo”ti

1. Khu 11. 94 Milindapañhe.

2. Anusandhanatā (Syā, Ka)

vuccati, udaggassa bhāvo **odagyaṃ**. Attano manatā **attamanatā**. Anabhiraddhassa hi mano dukkhapadaṭṭhānattā attano mano nāma na hoti, abhiraddhassa sukhapadaṭṭhānattā attano mano nāma hoti. Iti attano manatā attamanatā, sakamanatā, sakamanassa bhāvoti attho. Sā pana yasmā na aññassa kassaci attano manatā, cittasseva panaso bhāvo cetāsiko dhammo, tasmā “**attamanatā cittassā**”ti vuttā.

11. Ekaggatāniddese acalabhāvena ārammaṇe tiṭṭhatīti **ṭhiti**. Parato padadvayaṃ upasaggavasena vaḍḍhitam. Apica samayuttadhamme ārammaṇamhi sampiṇḍetvā tiṭṭhatīti **saṅṭhiti**. Ārammaṇam ogāhetvā anupavisitvā tiṭṭhatīti **avaṭṭhiti**. Kusalapakkhasmiñhi cattāro dhammā ārammaṇam ogāhanti saddhā sati samādhi paññāti. Teneva saddhā “okappanā”ti vuttā, sati “apilāpanatā”ti, samādhi “avaṭṭhiti”ti, paññā “pariyogāhanā”ti. Akusalapakkhe pana tayo dhammā ārammaṇam ogāhanti taṇhā diṭṭhi aviḍḍati. Teneva te “oghā”ti vuttā. Cittekaggatā panettha na balavatī hoti. Yathā hi rajuttānattānā udakena siñcitvā sammatthe thokameva kālam rajo sannisīdati, sukkhante sukkhante puna pakatibhāvena vuṭṭhāti, evameva akusalapakkhe cittekaggatā na balavatī hoti. Yathā pana tasmim ṭhāne ghaṭehi udakam āsiñcitvā kudālena khanitvā ākoṭanamaddanaghaṭṭanāni katvā upalitte ādāse viya chāyā paññāyati, vassasatātikkamepi taṃmuhuttakataṃ viya hoti, evameva kusalapakkhe cittekaggatā balavatī hoti.

Uddhaccavicicchāvasena pavattassa¹ visāhārassa paṭipakkhato **avisāhāro**, uddhaccavicicchāvaseneva² gacchantam cittam vikkhipati nāma, ayam pana tathāvidho vikkhepo na hotīti **avikkhepo**. Uddhaccavicicchāvaseneva ca cittam visāhaṭam nāma hoti, ito cito ca harīyati³, ayam pana evam avisāhaṭassa mānasassa bhāvoti **avisāhaṭamānasatā**.

Samathoti tividho samatho cittasamatho adhikaraṇasamatho sabbasaṅkhārasamathoti. Tattha aṭṭhasu samāpattīsu cittekaggatā

1. Pavattitassa (Ka)

2. Uddhaccavicicchāvasena (Sī)

3. Pasāriyati (Ka)

cittasamatho nāma. Tañhi āgamma cittacalanam cittavipphanditam sammati vūpasammati, tasmā so **cittasamathoti** vuccati. Sammukhāvinayādi sattavidho samatho adhikaraṇasamatho nāma. Tañhi āgamma tāni tāni adhikaraṇāni sammanti vūpasammanti, tasmā so **adhikaraṇasamathoti** vuccati. Yasmā pana sabbe saṅkhārā nibbānam āgamma sammanti vūpasammanti, tasmā taṃ **sabbasaṅkhārasamathoti** vuccati. Imasmim atthe cittasamatho adhippeto. Samādhilakkhaṇe indaṭṭham kāretīti **samādhindriyam**. Uddhacce na kampaṭīti **samādhibalam**. **Sammāsamādhīti** yāthāvasamādhī niyyānikasamādhī kusalasamādhī.

12. Saddhindriyaniddese Buddhādiguṇānam saddahanavasena **saddhā**, Buddhādīni vā ratanāni saddahati pattiyāyatīti¹ **saddhā**. **Saddahanāti** saddahanākāro. Buddhādīnam guṇe ogāhati bhinditvā viya anupavisatīti **okappanā**. Buddhādīnam guṇesu etāya sattā ativiya pasīdanti, sayam vā abhippasīdatīti **abhippasādo**. Idāni yasmā saddhindriyādīnam samāsapadānam vasena aññasmim pariyaē āraddhe ādipadam gahetvāva padabhājanam karīyati, ayam abhidhamme dhammatā, tasmā puna **saddhāti** vuttam. Yathā vā itthiyā indriyam itthindriyam, na tathā idam. Idam pana saddhāva indriyam **saddhindriyanti** evam samānādhikaraṇabhāvāñāpanatthampi puna “saddhā”ti vuttam. Evam sabbapadaniddesesu ādipadassa puna vacane payojanam veditabbam. Adhimokkhalakkhaṇe indaṭṭham kāretīti **saddhindriyam**. Asaddhiye na kampaṭīti **saddhābalam**.

13. Vīriyindriyaniddese **cetasikoti** idam vīriyassa niyamato cetasikabhāvadīpanattham vuttam, idañhi vīriyam “yadapi bhikkhave kāyikam vīriyam, tadapi vīriyasambojjhaṅgo, yadapi cetasikam vīriyam, tadapi vīriyasambojjhaṅgoti itihidam uddesam gacchatī”ti² evamādīsu suttesu caṅkamādīni karontassa uppannattā “kāyikan”ti vuccamānampi kāyaviññānam viya kāyikam nāma natthi, cetasikameva panetanti dassetum³ “cetasiko”ti vuttam. **Vīriyārambhoti** vīriyasāṅkhāto ārambho. Iminā sesārambhe paṭikkhipati. Ayañhi **ārambhasaddho** kamme āpattiyam kiriyāyam vīriye himsāya vikopaneti anekesu atthesu āgato.

1. Pattiyāyatīti (Syā)

2. Sam 3. 97 piṭṭhe.

3. Dīpetum (Sī, Syā)

“Yaṃkiñci dukkhaṃ sambhoti, sabbaṃ ārambhapaccayā.
 Ārambhānaṃ nirodhena, natthi dukkhassa sambhavo”¹—

Ettha hi kammaṃ “ārambho”²ti āgataṃ. “Ārambhāti ca vippaṭṭisārī ca hoti”³ti² ettha āpatti. “Mahāyaññā mahārambhā, na te honti mahapphalā”³ti³ ettha yūpussāpanādikiriyā. “Ārambhatha nikkamatha, yuñjatha Buddhasāsane”⁴ti⁴ ettha viriyā. “Samaṇaṃ Gotamaṃ uddissa pāṇaṃ ārabhanti”⁵ti⁵ ettha himsā. “Bījagāmbhūtagāmasamārambhā paṭivirato hoti”⁶ti⁶ ettha chedanabhañjanādikaṃ vikopanaṃ. Idha pana vīriyameva adhippetā, tenāha “vīriyārambhoti vīriyasaṅkhāto ārambho”⁷ti. Vīriyañhi ārambhanakavasena “ārambho”⁸ti vuccati. Idamassa sabhāvapaḍaṇaṃ. Kosajjato nikkhamaṇavasena **nikkamo**⁷. Paraṃ paraṃ ṭhānaṃ akkamaṇavasena **parakkamo**. Uggantvā yamaṇavasena **uyyāmo**. Byāyamaṇavasena **vāyāmo**. Ussāhaṇavasena⁸ **ussāho**. Adhimattussāhaṇavasena **ussolī**⁹, thirabhāvattṭhena **thāmo**. Cittacetasiṅgānaṃ dhāraṇavasena, avicchedato vā pavattanaṇavasena kusalasantānaṃ dhāretīti **dhiti**.

Aparo nayo, **nikkamo** ceso kāmānaṃ panudaṇāya. **Parakkamo** ceso bandhanaṇchedāya, **uyyāmo** ceso oghanittharaṇāya, **vāyāmo** ceso pāraṅgamaṇattṭhena, **ussāho** ceso pubbaṅgamaṇattṭhena, **ussolī** ceso adhimattaṇattṭhena, **thāmo** ceso palughughāṇaṇatāya, **dhiti** ceso avaṇṭṭhitikāritāyāti.

“Kāmaṃ tacco ca nhāru ca, aṭṭhi ca avasissatū”¹⁰ti¹⁰ evaṃ pavattikāle asithilaparakkamaṇavasena **asathilaparakkamatā**, thiraparakkamo daḥaparakkamoti attho. Yaṃmā panetaṃ vīriyaṃ kusalakammaṇaraṇattṭhāne chandaṃ na nikkhipati, dhuraṃ na nikkhipati, na otāreti na vissajjeti, anosakkitaṃānaṇatāṃ āvaḥati, tasmā **anikkhattachandatā anikkhattadhuratā**ti vuttaṃ. Yathā pana tājāṇatike udakasambhinnaṇattṭhāne dhuravāhagaṇaṃ gaṇhathāti

1. Khu 1. 394 piṭṭhe, 2. Am 2. 146; Abhi 3. 173piṭṭhesu.
 3. Am 1. 351; Sam 1. 76 piṭṭhesu. 4. Sam 1. 158 piṭṭhe. 5. Ma 2. 32 piṭṭhe.
 6. Dī 1. 5; Ma 1. 237 piṭṭhādīsu. 7. Nikkhammo (Sī)
 8. Ussahaṇavasena (?) 9. Ussolīhi (Sī)
 10. Ma 2. 146; Sam 1. 266, 464; Am 1. 52; Khu 7. 379; Khu 8. 297 piṭṭhesu.

vadanti, so jaṇṇunā bhūmiṃ uppīletvāpi dhuraṃ vahati, bhūmiyaṃ patitum na deti, evameva vīriyaṃ kusalakammakaraṇaṭṭhāne dhuraṃ ukkhipati paggaṇhāti, tasmā **dhurasampaggāhoti** vuttam. Paggahalakkhaṇe indaṭṭham kāretīti **vīriyindriyaṃ**. Kosajje na kampaṭīti **vīriyabalaṃ**.
Yāthāvaniyyānikakusalavāyāmatāya **sammāvāyāmo**.

14. Satindriyaniddese saraṇakavasena¹ **sati**. Idam satiyā sabhāvapadam. Punappunam saraṇato anussaraṇavasena **anussati**. Abhimukham gantvā viya saraṇato paṭisaraṇavasena **paṭissati**. Upasaggavasena vā vaḍḍhitamattametam. Saraṇākāro **saraṇatā**. Yasmā pana “saraṇatā”ti tiṇṇam saraṇānampi nāmam, tasmā tam paṭisedhetum puna satiggahaṇam karam. Satisaṅkhātā saraṇatāti ayañhettha attho. Sutapariyattassa dhāraṇabhāvato **dhāraṇatā**. Anupavisanasāṅkhātena ogāhanaṭṭhena apilāpanabhāvo **apilāpanatā**. Yathā hi lābukaṭāhādīni uduke plavanti na anupavisanti, na tathā ārammaṇe sati, ārammaṇāñhesā anupavisati, tasmā **apilāpanatāti** vuttā. Cirakatacirabhāsītānam asammissanabhāvato **asammissanatā**. Upaṭṭhānalakkhaṇe, jotanalakkhaṇe ca indaṭṭham kāretīti **indriyaṃ**, satisaṅkhātānam indriyaṃ **satindriyaṃ**. Pamāde na kampaṭīti **satibalaṃ**.
Yāthāvasati niyyānikasati kusalasaṭīti **sammāsati**.

16. Paññindriyaniddese tassa tassa atthassa pākāṭakaraṇasaṅkhātena paññāpanaṭṭhena **paññā**. Tena tena vā aniccādīnā pakārena dhamme jānātītipi **paññā**. Idamassā sabhāvapadam. Pajānanākāro **pajānanā**. Aniccādīni vicinātīti **vicayo**. **Pavicayoti** upasaggena padam vaḍḍhitam. Catusaccadhamme vicinātīti **dhammavicayo**. Aniccādīnam sallakkhaṇavasena **sallakkhaṇā**. Sāyeva puna upasagganānattena **upalakkhaṇā paccupalakkaṇāti** vuttā. Paṇḍitassa bhāvo **paṇḍiccaṃ**. Kusalassa bhāvo **kosallaṃ**. Nipuṇassa bhāvo **nepuññaṃ**. Aniccādīnam vibhāvanavasena **vebhabyā**. Aniccādīnam cintanakavasena **cintā**. Yassa vā uppajjati, tam aniccādīni cintāpetītipi **cintā**. Aniccādīni upaparikkhatīti **upaparikkhā**. **Bhūrīti**

1. Saraṇavasena (Syā)

pathaviyā nāmaṃ, ayampi saṅhaṭṭhena, vitthaṭṭhena ca bhūrī viyāti bhūrī. Tena vuttaṃ “bhūrī vuccati pathavī, tāya pathavīsamāya vitthaṭṭhaya vipulāya paññāya samannāgatoti bhūripañño”¹. Apica paññāya etaṃ adhivacanaṃ bhūrīti, bhūte atthe ramatītipi **bhūrī**. Asani viya siluccaye kilese medhati himsatīti **medhā**, khippaṃ gahaṇadhāraṇaṭṭhena vā **medhā**. Yassa uppajjati, taṃ attahitapaṭipattiyā, sampayuttadhamme ca yāthāvalakkhaṇapaṭivedhe parinetīti² **pariṇāyikā**. Aniccādivasena dhamme vipassatīti **vipassanā**. Sammā pakārehi aniccādīni jānātīti **sampajaññaṃ**. Uppathapaṭipanne sindhave vīthi-āropanattham patodo viya uppathe dhāvanakam kūṭacittam vīthi-āropanattham vijjhatīti patodo viya **patodo**. Dassanalakkhaṇe indaṭṭham kāretīti **indriyam**. Paññāsankhātāṃ indriyaṃ **paññindriyam**. Avijjāya na kampaṭīti **paññābalaṃ**. Kilesacchedanaṭṭhena paññāva sattham **paññāsattam**. Accuggataṭṭhena paññāva pāsādo **paññāpāsādo**.

Ālokaṇaṭṭhena paññāva āloko **paññā-āloko**. Obhāsaṇaṭṭhena paññāva obhāso **paññā-obhāso**. Pajjotanaṭṭhena paññāva pajjoto **paññāpajjoto**. Paññāvato hi ekapallaṅkena nisinnassa dasasahassilokadhātu ekālokā ekobhāsā ekapajjotā hoti, tenetaṃ vuttaṃ. Imesu pana tīsu padesu ekapadenapi etasmim atthe siddhe yāni panetāni “cattārome bhikkhave ālokā. Katame cattāro? Candāloko sūriyāloko agyāloko paññāloko. Ime kho bhikkhave cattāro ālokā. Etadaggaṃ bhikkhave imesaṃ catunnaṃ ālokānaṃ yadidaṃ paññāloko”. Tathā “cattārome bhikkhave obhāsā -pa-. Cattārome bhikkhave pajjotā”³ sattānaṃ ajjhāsayavasena suttāni desitāni, tadanurūpeneva idhāpi desanā katā. Attho hi anekehi ākārehi vibhajjamāno suvibhatto hoti, aññathā ca añño bujjhati, aññathā ca aññoti.

Ratikaraṇaṭṭhena, pana ratidāyakaṭṭhena, ratijanakaṭṭhena, cittīkataṭṭhena, dullabhapātubhāvaṭṭhena, atulaṭṭhena, anomasattaparibhogaṭṭhena ca paññāva ratanaṃ **paññāratanam**. Na tena sattā muyhanti, sayam vā ārammaṇe na

1. Khu 7. 73 piṭṭhe.

3. Am 1. 456-7 piṭṭhesu.

2. Pariṇāmetīti (Ka)

4. Ratikāraṇaṭṭhena (Syā)

muyhatīti **amoho**. **Dhammavicayapadaṃ** vuttatthameva. Kasmā panetaṃ puna vuttanti? Amohassa mohapaṭipakkhabhāvadīpanatthaṃ. Tenetaṃ dīpeti “yvāyaṃ amoho, so na kevalaṃ mohato añño dhammo, mohassa pana paṭipakkho dhammavicayasāṅkhāto amoho nāma idha adhippeto”ti. **Sammādiṭṭhī**ti yāthāvaniyyānikakusaladiṭṭhi.

19. Jīvitindriyaniddese **yo tesāṃ arūpīnaṃ dhammānaṃ āyūti** tesāṃ sampayuttakānaṃ arūpadhammānaṃ yo āyāpanaṭṭhena āyu. Tasmīṃhi sati arūpadhammā ayanti gacchanti pavattanti, tasmā **āyūti** vuccati, idamassa sabhāvapadaṃ. Yasmā panete dhammā āyusmiṃ yeva sati tiṭṭhanti yapenti yāpenti iriyanti vattanti pālayanti, tasmā **ṭhitī**ti-ādīni vuttāni. Vacanattho panettha etāya tiṭṭhantīti **ṭhiti**. Yapentīti **yapanā**. Tathā **yāpanā**. Evaṃ bujjhantānaṃ pana vasena purimapade rassattaṃ kataṃ. Etāya iriyantīti **iriyānā**. Vattantīti **vattanā**. Pālayantīti **pālanā**. Jīvanti etenāti **jīvitāṃ**. Anupālanalakkhaṇe indaṭṭhaṃ kāretīti **jīvitindriyaṃ**.

30. Hiribalaniddese **yaṃ tasmīṃ samayeti** yena dhammena tasmīṃ samaye, liṅgavipallāsaṃ vā katvā “yo dhammo tasmīṃ samaye”tipi attho veditabbo. **Hiriyitabbenāti** upayogatthe karaṇavacanaṃ, hiriyitabbayuttakaṃ kāyaduccaritādidhammaṃ hiriyati jigucchatīti attho. **Pāpakānanti** lāmakānaṃ. **Akusalānaṃ dhammānanti** akosallasambhūtānaṃ dhammānaṃ. **Samāpattiyāti** idampi upayogatthe karaṇavacanaṃ, tesāṃ dhammānaṃ samāpattim paṭilābhaṃ samaṅgībhāvaṃ hiriyati jigucchatīti attho.

31. Ottappabalaniddese **ottappitabbenāti** hetvatthe karaṇavacanaṃ, ottappitabbayuttakena ottappassa hetubhūtena kāyaduccaritādinā, vuttappakārāya ca samāpattiyā ottappassa hetubhūtāya ottappati bhāyatīti attho.

32. Alobhaniddese alubbhanakavasena **alobho**, na lubbhātītipi **alobho**, idamassa sabhāvapadaṃ. **Alubbhanāti** alubbhanākāro. Lobhasamaṅgī puggalo lubbhito nāma, na lubbhito

alubbhito, alubbhitassa bhāvo **alubbhitattam**. Sārāgapaṭipakkhato¹ na sārāgoti **asārāgo**. **Asārajjanāti** asārajjanākāro. Asārajjitassa bhāvo **asārajjitattam**. Na abhiijhāyatīti **anabhiijhā**. **Alobho kusalamūlanti** alobhasaṅkhātāṃ kusalamūlāṃ. Alobho hi kusalānaṃ dhammānaṃ mūlāṃ paccayaṭṭhenāti kusalamūlāṃ, kusalañca taṃ paccayaṭṭhena mūlañcātipi **kusalamūlāṃ**.

33. Adosaniddese adussanakavasena **adoso**, na dussatītipi **adoso**, idamassa sabhāvapadaṃ. **Adussanāti** adussanākāro. Adussitassa bhāvo **adussitattam**. Byāpādapaṭipakkhato na byāpādoti **abyāpādo**. Kodhadukkhaṭipakkhato na byāpajjoti **abyāpajjo**². Adosasaṅkhātāṃ kusalamūlāṃ **adoso kusalamūlāṃ**, taṃ vuttatthameva.

40-41. Kāyapassaddhiniddesādīsu yasmā **kāyoti** tayo khandhā adhippetā, tasmā **vedanākkhandhassatī**-ādi vuttam. Passambhanti etāya te dhammā vīgatadarathā bhavanti samassāsappattāti **passaddhi**. Dutiyaṭipadaṃ upasaggavasena vaḍḍhitāṃ. **Passambhanāti** passambhanākāro. Dutiyaṭipadaṃ upasaggavasena vaḍḍhitāṃ. Passaddhisamaṅgitāya paṭippassambhitassa khandhattayassa bhāvo **paṭippassambhitattam**. Sabbapadehipi tiṇṇaṃ khandhānaṃ kilesadarathapaṭippassaddhi eva kathitā, dutiyanayena viññāṇakkhandhassa darathapaṭippassaddhi kathitā.

42-43. **Lahutāti** lahutākāro. **Lahupariṇāmatāti** lahupariṇāmo etesaṃ dhammānanti lahupariṇāmā, tesāṃ bhāvo lahupariṇāmatā, sīghaṃ sīghaṃ parivattanasamatthatāti vuttam hoti. **Adandhanatāti** garubhāvapaṭikkhepavacanametāṃ, abhāriyatāti attho. **Avitthanatāti** mānādikilesabhārassa abhāvena athaddhatā. Evaṃ paṭhamena tiṇṇaṃ khandhānaṃ lahutākāro kathito, dutiyena viññāṇakkhandhassa lahutākāro kathito.

44-45. **Mudutāti** mudubhāvo. **Maddavatāti** maddavaṃ vuccati siniddhaṃ maṭṭhaṃ, maddavassa bhāvo maddavatā. **Akakkhaḷatāti** akakkhaḷabhāvo. **Akathinatāti** akathinabhāvo. Idhāpi purimanayena tiṇṇaṃ khandhānaṃ, pacchimanayena viññāṇakkhandhassa mudutākārova kathito.

1. Sārāgapaṭikkhepato (Sī, Ka)

2. Abyāpajjo (Sī, Syā)

46-47. **Kammaññatā**ti kammani sādhitā, kusalakiriyāya viniyogakkhamatāti attho. Sesapadadvayaṃ byañjanavasena vaḍḍhitāṃ. Padadvayenāpi hi purimanayena tiṇṇaṃ khandhānaṃ, pacchimanayena viññāṇakkhandhassa kammaniyākārova kathito.

48-49. **Paguṇatā**ti paguṇabhāvo, anāturatā niggilānatāti attho. Sesapadadvayaṃ byañjanavasena vaḍḍhitāṃ. Idhāpi purimanayena tiṇṇaṃ khandhānaṃ, pacchimanayena viññāṇakkhandhassa niggilānākārova kathito.

50-51. **Ujukatā**ti ujukabhāvo, ujukenākārena pavattanatāti attho. Ujukassa khandhattayassa, viññāṇakkhandhassa ca bhāvo ujukatā. **Ajimhatā**ti gomuttavaṅkabhāvapaṭikkhepo. **Avāṅkatā**ti candalekhāvaṅkabhāvapaṭikkhepo. **Akuṭilatā**ti naṅgalakoṭivaṅkabhāvapaṭikkhepo.

Yo hi pāpaṃ katvāva “na karomī”ti bhāsati, so gantvā paccosakkanatāya **gomuttavaṅko** nāma hoti. Yo pāpaṃ karontova “bhāyāmaṃ pāpassā”ti bhāsati, so yebhuyyena kuṭilatāya **candalekhāvaṅko** nāma hoti. Yo pāpaṃ karontova “ko pāpassa na bhāyeyyā”ti bhāsati, so nātikuṭilatāya **naṅgalakoṭivaṅko** nāma hoti. Yassa vā tīṇipi kammadvārāni asuddhāni, so **gomuttavaṅko** nāma hoti. Yassa yāni kānici dve, so **candalekhāvaṅko** nāma. Yassa yaṃkiñci ekaṃ, so **naṅgalakoṭivaṅkonāma**.

Dīghabhāṇakā panāhu “ekacco bhikkhu sabbavaye ekavīsatiyā anesanāsu, chasu ca agocaresu carati, ayaṃ gomuttavaṅko nāma. Eko paṭhamavaye catupārisuddhisīlaṃ paripūreti, lajjī kukkuccako sikkhākāmo hoti, majjhimavayapacchimavayesu purimasadiso, ayaṃ candalekhāvaṅko nāma. Eko paṭhamavaye, majjhimavayepi catupārisuddhisīlaṃ pūreti, lajjī kukkuccako sikkhākāmo hoti, pacchimavaye purimasadiso, ayaṃ naṅgalakoṭivaṅko nāma.

Tassa kilesavasena evaṃ vaṅkassa puggalassa bhāvo jimhatā vaṅkatā kuṭilatāti vuccati. Tāsaṃ paṭikkhepavasena ajimhatādikā vuttā.

khandhādhiṭṭhānāva desanā katā, khandhānañhi etā ajimhatādikā, no puggalassāti. Evaṃ sabbehi pi imehi padehi purimanayena tiṇṇaṃ khandhānaṃ, pacchimanayena viññāṇakkhandhassāti arūpīnaṃ dhammānaṃ nikkilesatāya ujutākārova kathitoti veditabbo.

Idāni yvāyaṃ “ye vā panā”ti appanāvāro vutto, tena dhammuddesavāre dassitānaṃ yevāpanakānaṃyeva saṅkhepato niddeso kathito hotīti.

Niddesavārakathā niṭṭhātā.

Ettāvataṃ pucchā samayaniddeso dhammuddeso appanāti uddesavāre catūhi paricchedehi, pucchā samayaniddeso dhammuddeso appanāti Niddesavāre catūhi paricchedehīti aṭṭhaparicchedapaṭimaṇḍito dhammavavattānavāro niṭṭhitova hoti.

Koṭṭhāsavāra

58-120. Idāni **tasmim̐ kho pana samaye cattāro khandhā hontīti** saṅgahavāro āradhho, so uddesaniddesapaṭiniddesānaṃ vasena tividho hoti. Tattha “tasmim̐ kho pana samaye cattāro khandhā”ti evamādiko uddeso, “katame tasmim̐ samaye cattāro khandhā”ti-ādiko niddeso, “katamo tasmim̐ samaye vedanākkhandho”ti-ādiko paṭiniddesoti veditabbo.

Tattha uddesavāre “**cattāro khandhā**”ti-ādayo tevīsati koṭṭhāsā honti. Tesāṃ evamattho veditabbo—yasmim̐ samaye kāmāvacaraṃ paṭhamaṃ mahākusalacittaṃ uppajjati, ye tasmim̐ samaye cittaṅgavasena uppannā ṭhapetvā yevāpanake Pāḷi-āruḷhā atirekapaṇṇāsadhammā, te sabbepi saṅgayhamānā rāsaṭṭhena cattārova khandhā honti, heṭṭhā vuttana āyatanatṭhena dve āyatanāni honti, sabhāvaṭṭhena suññatataṭṭhena nissattaṭṭhena dveva dhātuyo honti, paccayasāṅkhātena āhāraṭṭhena tayovettha dhammā āhārā honti, avasesā no āhārā.

Kim panete aññamaññaṃ vā¹ taṃsamuṭṭhānarūpassa vā paccayā na hontīti? No na hontī, ime pana tathā ca hontī aññathā cāti samānepi paccayatte atirekapaccayā hontī, tasmā “āhārā”ti vuttā. Kathaṃ? Etesu hi phassāhāro yesaṃ dhammānaṃ avasesā cittacetāsikā paccayā hontī, tesaṃca paccayo hoti, tisso ca vedanā āharati. Manosañcetanāhāro tesaṃca paccayo hoti, tayo ca bhava āharati. Viññāṇāhāro tesaṃca paccayo hoti, paṭisandhināmarūppaṇca āharatīti. Nanu ca so vipākova, idaṃ pana kusalaviññāṇanti? Kiñcāpi kusalaviññāṇaṃ, taṃsarikkhatāya pana “viññāṇāhāro”tveva vuttaṃ. Upatthambhakaṭṭhena vā ime “tayo āhārā”ti vuttā. Ime hi sampayuttadhammānaṃ kabaḷikārāhāro viya rūpakāyassa upatthambhakaṭṭhena hontī. Teneva vuttaṃ “arūpino āhārā sampayuttakānaṃ dhammānaṃ, taṃ samuṭṭhānānaṃca rūpānaṃ āhārapaccayena paccayo”ti².

Aparo nayo—ajjhattikasantatiyā visesapaccayattā kabaḷikārāhāro ca ime ca tayo dhammā “āhārā”ti vuttā. Visesapaccayo hi kabaḷikārāhārabhakkhānaṃ sattānaṃ rūpakāyassa kabaḷikāro āhāro. Nāmakāye vedanāya phasso, viññāṇassa manosañcetanā, nāmarūpassa viññāṇaṃ. Yathāha—

“Seyyathāpi bhikkhave ayaṃ kāyo āhārattṭhitiko āhāraṃ paṭicca tiṭṭhati, anāhāro no tiṭṭhati”³. Tathā “phassapaccayā vedanā, saṅkhārapaccayā viññāṇaṃ, viññāṇapaccayā nāmarūpan”ti⁴.

Adhipatiyaṭṭhena pana aṭṭheva dhammā indriyāni hontī, na avasesā. Tena vuttaṃ “**aṭṭhindriyāni hontī**”ti. Upanijjhāyanaṭṭhena pañceva dhammā jhānaṅgāni hontī. Tena vuttaṃ “**pañcaṅgikam jhānaṃ hotī**”ti.

Niyyānaṭṭhena ca hetvaṭṭhena ca pañcava dhammā maggaṅgāni hontī. Tena vuttaṃ “**pañcaṅgiko maggo hotī**”ti. Kiñcāpi hi aṭṭhaṅgiko ariyamaggo,

1. Aññamaññaṃ vā (Sī)

3. Saṃ 3. 58 piṭṭhe.

2. Abhi 8. 7 piṭṭhe Paṭṭhāne.

4. Saṃ 1. 243 piṭṭhe.

lokiyacitte pana ekakkhaṇe tisso viratiyo na labbhanti, tasmā “pañcaṅgiko”ti vutto. Nanu ca “yathāgatamaggoti kho bhikkhu ariyassetam aṭṭhaṅgikassa maggassa adhivacanan”¹ti imasmim sutte yatheva lokuttaramaggo aṭṭhaṅgiko, pubbhāgavipassanāmaggopi tatheva “aṭṭhaṅgiko”ti yathāgatavacanenā imassatthassa dīpitattā lokiyamaggenāpi aṭṭhaṅgikena bhavitabbanti? Na bhavitabbaṃ. Ayañhi suttantikadesanā nāma pariyāyadesanā. Tenāha “pubbeva kho panassa kāyakammaṃ vacīkammaṃ ājīvo suparisuddho hoti”²ti. Ayaṃ pana nipariyāyadesanā. Lokiyacittasmiñhi tisso viratiyo ekakkhaṇe na labbhanti, tasmā pañcaṅgikova vuttoti.

Akampiyaṭṭhena pana satteva dhammā balāni honti, mūlaṭṭhena tayova dhammā hetū, phusanaṭṭhena ekova dhammo phasso, vedayaṭṭhena ekova dhammā vedanā, sañjānanaṭṭhena ekova dhammo saññā, cetayanaṭṭhena³ ekova dhammo cetanā, cittavicittaṭṭhena ekova dhammo cittaṃ, rāsaṭṭhena ceva vedayaṭṭhena ca ekova dhammo vedanākkhandho, rāsaṭṭhena ca sañjānanaṭṭhena ca ekova dhammo saññākkhandho, rāsaṭṭhena ca abhisāṅkharanaṭṭhena ca ekova dhammo saṅkhārakkhandho, rāsaṭṭhena ca cittavicittaṭṭhena ca ekova dhammo viññāṅakkhandho, vijānanaṭṭhena ceva heṭṭhā vutta-āyatanaṭṭhena ca ekameva manāyatanaṃ, vijānanaṭṭhena ca adhipatiyaṭṭhena ca ekameva manindriyaṃ, vijānanaṭṭhena ca sabbhāvasuññatanissattaṭṭhena ca ekova dhammo manoviññāṅadhātu nāma hoti, na avasesā. Ṭhapetvā pana cittaṃ yathāvuttena atthena avasesā sabbepi dhammā ekaṃ dhammāyatanaṃ ekā ca dhammadhātuyeva hotīti.

“Ye vā pana tasmim samaye”³ti iminā pana appanāvārena idhāpi heṭṭhā vuttā yevāpanakāva saṅgahitā. Yathā ca idha, evaṃ sabbattha. Ito parañhi ettakampi na vicārayissāma, niddesapaṭiniddesavāresu heṭṭhā vuttanayeneva attho veditabboti.

Saṅgahavāro niṭṭhito.

Koṭṭhāsavārotipi etasseva nāmaṃ.

1. Saṃ 2. 399 piṭṭhe.

2. Ma 3. 337 piṭṭhe.

3. Sañcetanāṭṭhena (Sī, Syā)

Suññatavāra

121-145. Idāni **tasmim̐ kho pana samaye dhammā hontī**ti suññatavāro āraddho, so uddesaniddesavasena dvidhā vavatthito. Tattha uddesavāre “dhammā hontī”ti iminā saddhim̐ catuvīsati koṭṭhāsā honti, sabbakoṭṭhāsesu ca “cattāro dve tayo”ti gaṇanaparichedo na vuttho. Kasmā? Saṅgahavāre paricchinnatā. Tattha paricchinnadhammāyeva hi idhāpi vuttā, na hettha satto vā bhāvo vā attā vā upalabbhati, dhammāva ete dhammamattā asārā apariṇāyakāti imissā suññatāya dīpanattham̐ vuttā, tasmā evamettha attho veditabbo—yasmim̐ samaye kāmāvacaram̐ paṭhamam̐ mahākusalacittam̐ uppajjati, tasmim̐ samaye cittaṅgavasena uppannā atirekapaṇṇāsadhammā sabhāvaṭṭhena dhammā eva honti, na añño koci satto vā bhāvo vā poso vā puggalo vā hotīti. Tathā rāsaṭṭhena khandhāva hontīti. Evaṃ purimanayeneva sabbapadesu atthayojanā veditabbā. Yasmā pana jhānato aññam̐ jhānaṅgam̐ maggato vā aññam̐ maggaṅgam̐ natthi, tasmā idha “**jhānam̐ hoti, maggo hoti**”icceva vuttam̐. Upanijjhāyanaṭṭhena hi **jhānameva**, hetvaṭṭhena **maggova** hoti, na añño koci satto vā bhāvo vāti. Evaṃ sabbapadesu atthayojanā kātabbā. Niddesavāro uttānatthoyevāti.

Suññatavāro niṭṭhito.

Niṭṭhitā ca tīhi mahāvārehi maṇḍetvā niddiṭṭhassa

Paṭhamacittassa atthavaṇṇanā.

Dutiyacitta

146. Idāni dutiyacittādīni dassetuṃ “**katame dhammā**”ti-ādi āraddham̐. Tesu sabbesupi paṭhamacitte vuttanayeneva tayo tayo mahāvārā veditabbā. Na kevalaṅca mahāvārā eva, paṭhamacitte vuttasadisānam̐ sabbapadānam̐ atthopi vuttanayeneva veditabbo. Ito parampi apubbapadavaṇṇanam̐yeva karissāma. Imasmim̐ tāva dutiyacittaniddese “**sasaṅkhārenā**”ti idameva apubbam̐, tassattho saha saṅkhārenāti **sasaṅkhāro**, tena

sasaṅkhārena sappayogena sa-upāyena paccayagaṇenāti attho. Yena hi ārammaṇādinā paccayagaṇena paṭhamam mahācittam uppajjati, teneva sappayogena sa-upāyena idam uppajjati.

Tassevam uppatti veditabbā—idhekacco bhikkhu vihārapaccante vasamāno cetiyaṅgaṇasammajjanavelāya vā therupaṭṭhānavelāya vā sampattāya, dhammasavanadivase vā sampatte “mayham gantvā paccāgacchato atidūram bhavissati, na gamissāmī”ti cintevā puna cinteti “bhikkhussa nāma cetiyaṅgaṇam vā therupaṭṭhānam vā dhammasavanam vā agantum asārupam, gamissāmī”ti gacchati. Tassevam attano payogena vā parena vā vattādīnam akaraṇe ca ādīnavam, karaṇe ca ānisaṃsam dassetvā ovadiyamānassa, niggahavaseneva vā “ehi idam karohi”ti kāriyamānassa uppannam kusalacittam sasaṅkhārena paccayagaṇena uppannam nāma hotīti.

Dutiyacittam niṭṭhitam.

Tatiyacitta

147-148. Tatiye nāṇena vippayuttanti **nāṇavippayuttam**. Idampi hi ārammaṇe haṭṭhapahaṭṭham hoti, paricchindakañāṇam panettha na hoti. Tasmā idam daharakumārakānam bhikkhum disvā “ayam thero mayhan”ti vandanakāle, teneva nayena cetiyavandanadhammasavanakālādīsu ca uppajjati veditabbam. Pāḷiyam panettha sattasu ṭhānesu paññā parihāyati, sesam pākatikamevāti.

Tatiyacittam.

Catutthacitta

149. Catutthacittepi eseva nayo. Idam pana “**sasaṅkhārenā**”ti vacanato yadā mātāpitaro daharakumārake sīse gahetvā cetiyādīni vandāpentī. Te ca anathikā samānāpi haṭṭhapahaṭṭhāva vandanti, evarūpe kāle labbhatīti veditabbam.

Catutthacittam.

Pañcamacitta

150. Pañcame **upekkhāsahagatanti** upekkhāvedanāya sampayuttaṃ, idaṃhi ārammaṇe majjhataṃ hoti, paricchindakañāṇaṃ panettha hotiyeva. Pāḷiyaṃ panettha jhānacatukke “upekkhā hotī”ti, indriyaṭṭhake “upekkhindriyaṃ hotī”ti vatvā sabbesampi vedanādipadānaṃ niddese sātāsātasukhadukkhapaṭikkhepavasena desanaṃ katvā adukkhamasukhavedanā kathitā, tassā majjhatalakkaṇe indattakaraṇavasena¹ upekkhindriyabhāvo veditabbo. Padapaṭipāṭiyā ca ekasmiṃ ṭhāne pīti parihīnā, tasmā cittaṅgavasena Pāḷi-āruḷhā pañcapanṇāseva dhammā honti. Tesāṃ vasena sabbakoṭṭhāsesu, sabbavāresu ca vinicchayo veditabbo.

Pañcamacittaṃ.

Chaṭṭhacittādi

156-9. Chaṭṭhasattama-aṭṭhamāni dutiyatatiyacatutthesu vuttanayeneva veditabbāni. Kevalaṃhi imesu vedanāparivattanañceva pītiparihānañca hoti, sesaṃ saddhiṃ uppattinayena tādisameva. Karuṇāmoditā parikkammakālepi hi imesaṃ uppatti **Mahā-aṭṭhakathāyaṃ** anuññātā eva. Imāni aṭṭha kāmāvacarakusalacittāni nāma.

Puññakiriyavatthādikathā

Tāni sabbāni pi dasahi puññakiriyavatthūhi dīpetabbāni. Kathaṃ? Dānamayaṃ puññakiriyavatthu, sīlamayaṃ, bhāvanāmayam, apacitisahagataṃ, veyyāvaccasahagataṃ, pattānuppadānaṃ, abbhanumodanaṃ, desanāmayam, savanamayaṃ, diṭṭhijukammaṃ puññakiriyavatthūti imāni dasa puññakiriyavatthūni nāma. Tattha dānameva **dānamayaṃ**, puññakiriyā ca sā tesāṃ tesāṃ ānisaṃsānaṃ vatthu cāti **puññakiriyavatthu**. Sesesupi eseva nayo.

Tattha cīvarādīsu catūsu paccayesu, rūpādīsu vā chasu ārammaṇesu, annādīsu vā dasasu dānavatthūsu taṃ taṃ dentassa tesāṃ tesāṃ uppādanato

1. Indaṭṭhakāraṇavasena (Sī)

paṭṭhāya pubbabhāge, pariccāgakāle, pacchā somanassacittena anussaraṇakāle¹ cāti tīsu kālesu pavattā cetanā **dānamayaṃ** puññakiriyavatthu nāma.

Pañcasīlaṃ aṭṭhasīlaṃ dasasīlaṃ samādiyantassa, “pabbajissāmī”ti vihāraṃ gacchantassa, pabbajantassa, manorathaṃ matthakaṃ pāpetvā “pabbajito vatamhi sādhu sādhu”ti āvajjantassa², pātimokkhaṃ saṃvarantassa, cīvarādayo paccaye paccavekkhantassa, āpāthagatesu rūpādīsu cakkhudvārādīni saṃvarantassa, ājīvaṃ sodhentassa ca pavattā cetanā **sīlamayaṃ** puññakiriyavatthu nāma.

Paṭisambhidāyaṃ³ vuttena vipassanāmaggena cakkhuṃ aniccato dukkhato anattato bhāventassa -pa- manāṃ. Rūpe -pa- dhamme. Cakkhuvīññāṇaṃ -pa- manovīññāṇaṃ. Cakkhusamphassaṃ -pa- manosamphassaṃ. Cakkhusamphassajaṃ vedanaṃ -pa- manosamphassajaṃ vedanaṃ -pa- rūpasaññaṃ -pa- jarāmaṇaṃ aniccato dukkhato anattato bhāventassa pavattā cetanā, aṭṭhatimsāya vā ārammaṇesu appanaṃ appattā sabbāpi cetanā **bhāvanāmayāṃ** puññakiriyavatthu nāma.

Mahallakaṃ pana disvā paccuggamana patta cīvaraṇaṭṭhāṇa abhivādāna maggasampadānādivasena **apacitisahagataṃ** veditabbaṃ.

Vuḍḍhatarānaṃ vattappaṭipatti⁴ karaṇavasena, gāmaṃ piṇḍāya pavatṭhaṃ bhikkhuṃ disvā pattaṃ gahetvā gāme bhikkhaṃ samādapetvā upasaṃharaṇavasena, “gaccha, bhikkhūnaṃ pattaṃ āhara”ti sutvā vegena gantvā pattāharaṇādivasena ca kāyaveyyāvaṭṭikakāle **veyyāvaccasahagataṃ** veditabbaṃ.

Dānaṃ datvā, gandhādīhi pūjaṃ katvā “asukassa nāma patti hotū”ti vā “sabbasattānaṃ hotū”ti vā pattim dadato **pattānuppadānaṃ** veditabbaṃ. Kim panevaṃ pattim dadato puññakkhaya hotīti? Na hoti. Yathā pana ekam dīpaṃ jāletvā tato dīpasahassaṃ jālentassa paṭhamadīpo khīṇoti na vattabbo, purimālokena pana saddhim pacchimāloko ekato hutvā atimahā hoti, evameva pattim dadato parihāni nāma natthi, vuḍḍhiyeva pana hotīti * veditabbo.

1. Anussaraṇe (Syā, Ka)

3. Khu 9. 411 piṭṭhe.

* Khu 11. 284 piṭṭhe Milindapañhepi passitabbaṃ.

2. Āvajjantassa (Ka)

4. Vattapaṭivatta (Sī, Syā)

Parehi dinnāya pattiyā vā aññāya vā puññakiriyāya “sādhu sādhu”ti anumodanavasena **abbhanumodanam** veditabbam.

Eko “evaṃ maṃ ‘dhammakathiko’ti jānissantī”ti icchāya ṭhatvā lābhagaruko hutvā deseti, taṃ na mahapphalam. Eko attano paḅuṇaṃ dhammaṃ apaccāsīsamāno vimuttāyatanaśīsenā paresaṃ deseti, idaṃ **desanāmayam** puññakiriyavatthu nāma.

Eko suṇanto “iti maṃ ‘saddho’ti jānissantī”ti suṇāti, taṃ na mahapphalam. Eko “evaṃ me mahapphalam bhavissatī”ti hitapharaṇena muducittena dhammaṃ suṇāti, idaṃ **savanamayam** puññakiriyavatthu nāma.

Diṭṭhiṃ ujum karontassa **diṭṭhijukamma** puññakiriyavatthu nāma. Dīghabhāṇakā panāhu “diṭṭhijukammaṃ¹ sabbesaṃ niyamalakkhaṇam. Yamkiñci puññaṃ karontassa hi diṭṭhiyā ujukabhāveneva mahapphalam hotī”ti.

Etesu pana puññakiriyavatthūsu dānamayaṃ tāva “dānam dassāmī”ti cintentassa uppajjati, dānam dadato uppajjati, “dinnam me”ti paccavekkhantassa uppajjati. Evaṃ pubbacetanam muñcanacetanam² aparacetananti tissopi cetanā ekato katvā dānamayaṃ puññakiriyavatthu nāma hoti. Sīlamayampi “sīlam pūressāmī”ti cintentassa uppajjati, sīlapūraṇakāle uppajjati, “pūritam me”ti paccavekkhantassa uppajjati. Tā sabbāpi ekato katvā sīlamayaṃ puññakiriyavatthu nāma hoti -pa-. Diṭṭhijukammampi “diṭṭhiṃ ujukam karissāmī”ti cintentassa uppajjati, diṭṭhiṃ ujum karontassa uppajjati, “diṭṭhi me ujukā katā”ti paccavekkhantassa uppajjati. Tā sabbāpi ekato katvā diṭṭhijukammaṃ puññakiriyavatthu nāma hoti.

Sutte pana tīṇiyeva puññakiriyavatthūni āgatāni. Tesu itaresampi saṅgaho veditabbo. Apacitiveyyāvaccāni hi sīlamaye saṅgahaṃ gacchanti. Pattānuppādāna-abbhanumodanāni dānamaye, desanāsavanadiṭṭhijukammāni bhāvanāmaye. Ye pana “diṭṭhijukammaṃ sabbesaṃ niyamalakkhaṇan”ti vadanti, tesam taṃ tīsupi saṅgahaṃ gacchati. Evametāni saṅkhepato tīṇi hutvā vitthārato dasa honti.

1. Diṭṭhijukammaṃ (Syā), diṭṭhijukataṃ (Ka)

2. Muñcacetanam (Ka)

Tesu “dānaṃ dassāmi”ti cintento aṭṭhannaṃ kāmāvacarakusalacittānaṃ aññatareneva cinteti, dadamānopi tesāmyeva aññatarena deti, “dānaṃ me dinnan”ti paccavekkhantopi tesāmyeva aññatarena paccavekkhati. “Sīlaṃ pūressāmi”ti cintentopi tesāmyeva aññatarena cinteti, sīlaṃ pūrentopi tesāmyeva aññatarena pūreti, “sīlaṃ me pūritan”ti paccavekkhantopi tesāmyeva aññatarena paccavekkhati. “Bhāvanaṃ bhāvessāmi”ti cintentopi tesāmyeva aññatarena cinteti, bhāventopi tesāmyeva aññatarena bhāveti, “bhāvanā me bhāvitā”ti paccavekkhantopi tesāmyeva aññatarena paccavekkhati.

“Jeṭṭhāpacitikammaṃ karissāmi”ti cintentopi tesāmyeva aññatarena cinteti, karontopi tesāmyeva aññatarena karoti, “kataṃ me”ti paccavekkhantopi tesāmyeva aññatarena paccavekkhati. “Kāyaveyyāvaṭīkammaṃ karissāmi”ti cintentopi, karontopi, “kataṃ me”ti paccavekkhantopi tesāmyeva aññatarena paccavekkhati. “Pattim dassāmi”ti cintentopi, dadantopi, “dinnaṃ me”ti paccavekkhantopi. “Pattim vā sesakusalaṃ vā anumodissāmi”ti cintentopi tesāmyeva aññatarena cinteti, anumodantopi tesāmyeva aññatarena anumodati, “anumoditaṃ me”ti paccavekkhantopi tesāmyeva aññatarena paccavekkhati. “Dhammaṃ desessāmi”ti cintentopi tesāmyeva aññatarena cinteti, desetopi tesāmyeva aññatarena deseti, “desito me”ti paccavekkhantopi tesāmyeva aññatarena paccavekkhati. “Dhammaṃ sossāmi”ti cintentopi tesāmyeva aññatarena cinteti, suṇantopi tesāmyeva aññatarena suṇāti. “Suto me”ti paccavekkhantopi tesāmyeva aññatarena suṇāti. “Suto me”ti paccavekkhantopi tesāmyeva aññatarena paccavekkhati, “diṭṭhiṃ ujukaṃ karissāmi”ti cintentopi tesāmyeva aññatarena cinteti, ujum karonto pana catunnaṃ nāṇasampayuttānaṃ aññatarena karoti. “Diṭṭhi me ujukā katā”ti paccavekkhanto aṭṭhannaṃ aññatarena paccavekkhati.

Imasmim ṭhāne cattāri anantāni nāma gahitāni. Cattāri hi **anantāni** ākāso ananto, cakkavāḷāni anantāni, sattanikāyo ananto,

Buddhaññāṇaṃ anantaṃ. Ākāsassa hi puratthimāya disāya vā pacchimmuttaradakkhiṇāsu vā “ettakāni vā yojanasatāni, ettakāni vā yojanasahassāni”¹ti paricchedo natthi. Sinerumattampi ayokūṭaṃ pathaviṃ dvidhā katvā heṭṭhā khittaṃ bhassetheva¹. No patiṭṭhaṃ² labhetha. Evaṃ **ākāsaṃ** anantaṃ nāma.

Cakkavāḷānampi satehi vā sahassehi vā paricchedo natthi. Sacepi hi akaniṭṭhabhavane nibbattā daḷhadhammadhanuggahassa³ lahukena sarena⁴ tiriyaṃ tālacchāyaṃ atikkamanamattena kālena cakkavāḷasatasahassaṃ atikkamanasamattena javena samannāgatā cattāro mahābrahmāno “cakkavāḷapariyaṃtaṃ passissāmā”³ti tena javena dhāveyyuṃ, cakkavāḷapariyaṃtaṃ adisvāva parinibbāyeyyuṃ. Evaṃ **cakkavāḷāni** anantāni nāma.

Ettakesu pana cakkavāḷesu udakaṭṭhaka thalaṭṭhakasattānaṃ pamāṇaṃ natthi. Evaṃ **sattanikāyo** ananto nāma. Tatopi **Buddhaññāṇaṃ** anantameva.

Evaṃ aparimāṇesu cakkavāḷesu aparimāṇānaṃ sattānaṃ kāmāvacarasomanassasahagataññāṇasampayutta-asaṅkhārikakusalacittāni ekassa bahūni uppajjanti, bahūnampi bahūni uppajjanti. Tāni sabbānipi kāmāvacaraṭṭhena somanassasahagataṭṭhena ñāṇasampayuttaṭṭhena asaṅkhārikaṭṭhena ekattaṃ gacchanti, ekameva somanassasahagataṃ tihetukaṃ asaṅkhārikaṃ mahācittaṃ hoti, tathā sasaṅkhārikaṃ mahācittaṃ -pa- tathā upekkhāsahagataṃ ñāṇavippayuttaṃ dvihetukaṃ sasaṅkhārikacittanti evaṃ sabbānipi aparimāṇesu cakkavāḷesu aparimāṇānaṃ sattānaṃ uppajjamānāni kāmāvacarakusalacittāni Sammāsambuddho mahātulāya tulayamāno viya tumbe pakkhipitvā minamāno viya sabbaññutaññāṇena paricchinditvā “aṭṭhevetāni”³ti sarikkhaṭṭhena aṭṭheva koṭṭhāse katvā dassesi.

Puna imasmim ṭhāne chabbidhena **puññāyūhanaṃ** nāma gahitaṃ. Puññañhi atthi sayamkāraṃ, atthi paramkāraṃ, atthi sāhatthikaṃ, atthi āṇattikaṃ, atthi sampajānataṃ, atthi asampajānataṃ.

Tattha attano dhammatāya kataṃ **sayamkāraṃ** nāma. Paraṃ karontaṃ disvā kataṃ **paramkāraṃ** nāma. Sahatthena kataṃ **sāhatthikaṃ** nāma. Āṇāpetvā

1. Bhassateva (Ka)

2. No patiṭṭhitaṃ (Ka)

3. Daḷhadhāmadhanuggahassa (Syā, Ka) Saṃ 1. 61, 456; Aṃ 1. 357 piṭṭhesu passitabbaṃ.

4. Asanena (Sī)

kāritaṃ **āṇattikaṃ** nāma. Kammañca phalañca saddahitvā kataṃ **sampajānakataṃ** nāma. Kammampi phalampi ajānitvā kataṃ **asampajānakataṃ** nāma. Tesu sayamkāraṃ karontopi imesaṃ aṭṭhannaṃ kusalacittānaṃ aññatareneva karoti, paramkāraṃ karontopi sahatthena karontopi āṇāpetvā karontopi imesaṃ aṭṭhannaṃ kusalacittānaṃ aññatareneva karoti, sampajānakaraṇaṃ pana catūhi ñāṇasampayuttehi hoti, asampajānakaraṇaṃ catūhi ñāṇavippayuttehi.

Aparāpi imasmiṃ ṭhāne catasso **dakkhiṇāvisuddhiyo** gahitā paccayānaṃ dhammikāṭā, cetanāmahattaṃ, vatthusampatti, guṇātirekatāti. Tattha dhammena samena uppannā paccayā **dhammikā** nāma, saddahitvā okappetvā dadato pana **cetanāmahattaṃ** nāma hoti, khīṇāsavabhāvo **vatthusampatti** nāma, khīṇāsavasessa nirodhā vuṭṭhitabhāvo **guṇātirekatā** nāma. Imāni cattāri samodhānetvā dātuṃ sakkontassa kāmāvacaraṃ kusalaṃ imasmiṃyeva attabhāve vipākaṃ deti, puṇṇakasetṭhi¹ kākavaliya²sumanamālākārādīnaṃ³ viya.

Saṅkhepato panetaṃ sabbampi kāmāvacarakusalacittaṃ cittanti karitvā cittavicittaṭṭhena⁴ ekameva hoti. Vedanāvasena somanassasahagataṃ upekkhāsahagatanti duvidhaṃ hoti, ñāṇavibhattidesanāvasena catubbidhaṃ hoti, somanassasahagataṃ ñāṇasampayuttaṃ asaṅkhārikaṃ mahācittaṃ hi upekkhāsahagataṃ ñāṇasampayuttaṃ asaṅkhārikaṃ mahācittaṃca ñāṇasampayuttaṭṭhena, asaṅkhārikaṭṭhena ca ekameva hoti. Tathā ñāṇasampayuttaṃ sasaṅkhārikaṃ, ñāṇavippayuttaṃ asaṅkhārikaṃ, ñāṇavippayuttaṃ sasaṅkhārikaṃca. Evaṃ ñāṇavibhattidesanāvasena catubbidhe panetasmiṃ asaṅkhārasasaṅkhāravibhattito cattāri asaṅkhārikāni, cattāri sasaṅkhārikānīti aṭṭheva kusalacittāni honti. Tāni yāthāvato ñatvā Bhagavā Sabbaññū gaṇīvaro Muniseṭṭho ācikkhati deseti pañṇāpeti paṭṭhapeti vivarati vibhajati uttānikarotīti.

Aṭṭhasālīniyā Dhammasaṅgahaṭṭhakathāya

kāmāvacarakusalaniddeso samatto.

1. Dhammapada-Ṭṭha 2. 206 piṭṭhe.

2. ...kāvaliya (Syā), ...kālavaliya (Ka), Ma-Ṭṭha 4. 4 piṭṭhepi.

3. Dhammapada-Ṭṭha 1. 306 piṭṭhe.

4. Cittaṭṭhena (Ka)

Rūpāvacarakusalavaṇṇanā

Catukkanaya paṭhamajhāna

160. Idāni rūpāvacarakusalaṃ dassetuṃ “**katame dhammā kusalā**”ti-ādi āraddhaṃ. Tattha **rūpūpapattiyā maggaṃ bhāvetīti rūpaṃ** vuccati rūpabhavo. **Upapattīti** nibbatti jāti sañjāti. **Maggoti** upāyo. Vacanattho panettha taṃ upapattiṃ maggati gavesati janeti nipphādetīti **maggo**. Idaṃ vuttaṃ hoti “yena maggena rūpabhavo upapatti hoti nibbatti jāti sañjāti, taṃ maggaṃ bhāvetī”ti. Kim panetena niyamato rūpabhavo upapatti hotīti? Na hoti. “Samādhim bhikkhave bhāvetha, samāhito yathābhūtaṃ pajānāti passaṭī”ti¹ evaṃ vuttena hi nibbedhabhāgiyena rūpabhavātikkaṃopi hoti, rūpūpapattiyā pana ito añño maggo nāma natthi. Tena vuttaṃ “rūpūpapattiyā maggaṃ bhāvetī”ti. Atthato cāyaṃ maggo nāma cetaṇāpi hoti cetaṇāya sampayuttadhammāpi tadubhayampi. “Nirayañcāhaṃ Sāriputta pajānāmi, nirayaḡāmiñca maggan”ti² hi ettha cetaṇā maggo nāma.

“Saddhā hiriyā kusalañca dānaṃ, dhammā ete sappurisānuyātā.

Etāṃ hi maggaṃ diviyaṃ vadanti, etena hi gacchati devalokaṃ”ti³

Ettha cetaṇāsampayuttadhammā maggo nāma. “Ayaṃ bhikkhave maggo, ayaṃ paṭipadā”ti Saṅkhārupapattisuttādīsū⁴ cetaṇāpi cetaṇāsampayuttadhammāpi maggo nāma. Imasmim paṇa ṭhāne “jhānaṃ”ti vacanato cetaṇāsampayuttā adhippetā. Yasmā paṇa jhānacetaṇā paṭisandhim ākaḍḍhati, tasmā cetaṇāpi cetaṇāsampayuttadhammāpi vaṭṭantiyeva.

Bhāvetīti janeti uppādeti vaḍḍheti. Ayaṃ tāva idha bhāvanāya attho. Aññattha paṇa upasaggavasena sambhāvanā paribhāvanā vibhāvanāti evaṃ aññathāpi attho hoti. Tattha “idhudāyi mama sāvakaḡ adhisīle sambhāventi ‘sīlavā samaṇo Gotamo paramena sīlakkhandhena

1. Saṃ 2. 12, 302; Saṃ 3. 363; Khu 10. 50; Khu 10. 50; Khu 11. 38 piṭṭhesu.

2. Ma 1. 106 piṭṭhe.

3. Aṃ 3. 68 piṭṭhe.

4. Ma 3. 140-141 piṭṭhādīsū.

samannāgato'ti"¹ ayaṃ sambhāvanā nāma, okappanāti attho. "Sīlaparibhāvito samādhi mahapphalo hoti mahānisaṃso, samādhiparibhāvitā paññā mahapphalā hoti mahānisaṃsā, paññāparibhāvitam cittam sammadeva āsavehi vimuccati"² ayaṃ paribhāvanā nāma, vāsanāti attho. "Ingha rūpaṃ vibhāvehi, vedanaṃ, saññaṃ, saṅkhāre, viññāṇaṃ vibhāvehi"³ ti ayaṃ vibhāvanā nāma, antaradhāpanāti attho. "Puna caparaṃ udāyi akkhātā mayā sāvakanāṃ paṭipadā, yathapaṭipannā me sāvakā cattāro satipaṭṭhāne bhāventi"⁴ ti³ ayaṃ pana uppādanavaḍḍhanaṭṭhena bhāvanā nāma. Imasmimpi ṭhāne ayameva adhippetā. Tena vuttam "bhāveti janeti uppādeti vaḍḍheti"⁵ ti.

Kasmā panettha yathā kāmāvacarakusalaniddese dhammapubbaṅgamā desanā katā, tathā akatvā puggalapubbaṅgamā katāti? Paṭipadāya sādhetabbato. Idañhi catūsu paṭipadāsu aññatarāya sādhetabbaṃ, na kāmāvacaraṃ viya vinā paṭipadāya uppajjati, paṭipadā ca nāmesā paṭipannake sati hoti etamatthaṃ dassetuṃ puggalapubbaṅgamaṃ desanaṃ karonto "rūpūpapattiyā maggaṃ bhāveti"⁶ ti āha.

Vivicceva kāmehiti kāmehi viviccitvā vinā hutvā apakkamitvā⁴. Yo panāyamettha evakāro, so niyamatthoti veditabbo. Yasmā ca niyamattho, tasmā tasmim paṭhamaṃ jhānaṃ upasampajja viharaṇasamaye avijjamānānampi kāmānaṃ tassa paṭhamajjhānassa paṭipakkhabhāvaṃ, kāmāpariccāgeneva cassa adhigamaṃ dīpeti. Kathaṃ? "Vivicceva kāmehi"⁷ ti evaṃ hi niyame kariyamāne idaṃ paññāyati, nūnimassa⁵ kāmā paṭipakkhabhūtā, yesu sati idaṃ na pavattati andhakāre sati paṭipobhāso⁶ viya, tesam pariccāgeneva cassa adhigamo hoti orimatīrapariccāgena pārimatīrasseva. Tasmā niyamaṃ karotīti.

Tattha siyā "kasmā pana pubbaṅgamaṃ vutto, na uttarapade, kim akusalehi dhammehi aviccāpi jhānaṃ upasampajja vihareyyā"⁸ ti. Na kho panetaṃ evaṃ daṭṭhabbaṃ. Tamnissaraṇato hi pubbaṅgamaṃ esa vutto.

1. Ma 2. 201 piṭṭhe.

3. Ma 2. 203 piṭṭhe.

5. Nanvimassa (Ka)

2. Dī 2. 102 piṭṭhādīsu.

4. Apasakketvā (Vi-Ṭṭha 1. 112 piṭṭhe.)

6. Paṭīpo (Vi-Ṭṭha 1. 112 piṭṭhe.)

kāmadhātusamatikkamanato, hi kāmarāgapaṭipakkhato ca idaṃ jhānaṃ kāmaṇameva nissaraṇaṃ. Yathāha “kāmaṇametaṃ nissaraṇaṃ yadidaṃ nekkhammaṃ”¹. Uttaraṇapadeṇi pana yathā “idheva bhikkhave samaṇo². Idha dutiyo samaṇo”³ ettha evakāro ānetvā vuccati, evaṃ vattabbo. Na hi sakkā ito aññehiṇi nīvaraṇasaṅkhātehi akusalehi dhammehi avivicca jhānaṃ upasampajja viharituṃ. Tasmā vivicceva kāmehi, vivicceva akusalehi dhammehiṇi evaṃ padadvayepi esa daṭṭhabbo. Padadvayepi ca kiñcāpi “viviccā”⁴ ti iminā sādharmaṇavacanena tadaṅgavivekādayo, kāyavivekādayo ca sabbeṇi vivekā saṅgahaṃ gacchanti, tathāpi kāyaviveko cittaviveko vikkhambhavivekoti tayo eva idha daṭṭhabbā.

“Kāmehi”⁵ ti iminā pana padena ye ca **niddese** “katame vatthukāmā manāpiyā rūpā”⁶ ti-ādinā⁴ nayena vatthukāmā vuttā, ye ca tattheva Vibhaṅge ca “chando kāmo, rāgo kāmo, chandarāgo kāmo, saṅkappo kāmo, rāgo kāmo, saṅkapparāgo kāmo, ime vuccanti kāmā”⁵ ti⁵ evaṃ kilesakāmā vuttā, te sabbeṇi saṅgahitā-icceva daṭṭhabbā. Evañhi sati **vivicceva kāmehiṇi** vatthukāmehiṇi viviccevaṇi attho yujjati. Tena kāyaviveko vutto hoti.

Vivicca akusalehi dhammehiṇi kilesakāmehi, sabbākusalehi vā viviccāti attho yujjati. Tena cittaviveko vutto hoti. Purimena cettha vatthukāmehi vivekavacanato eva kāmasukhapariccāgo, dutiyena kilesakāmehi vivekavacanato nekkhammasukhapariggaho vibhāvito hoti. Evaṃ vatthukāmakilesakāmavivekavacanato eva ca etesaṃ paṭhamena saṅkilesavattuppahānaṃ, dutiyena saṅkilesappahānaṃ. Paṭhamena lolabhāvassa hetupariccāgo, dutiyena bālabhāvassa. Paṭhamena ca payogasuddhi, dutiyena āsayaposanaṃ vibhāvitaṃ hotīti nātabbaṃ. Esa tāva nayo “kāmehi”⁷ ti ettha vuttakāmesu vatthukāmapakkhe.

Kilesakāmapakkhe pana “chando”⁸ ti ca “rāgo”⁹ ti ca evamādīhi anekabhedo kāmacchandoyeva “kāmo”¹⁰ ti adhippeto. So ca

1. Khu 1. 237; Dī 3. 230 piṭṭhesu.

3. Ma 1. 92; Aṃ 1. 560 piṭṭhesu.

5. Khu 7. 2; Abhi 2. 266 piṭṭhesu.

2. Paṭhamo samaṇo (Syā, Ka)

4. Khu 7. 1 piṭṭhe.

akusalapariyāpannopi samāno “tattha katamo kāmaccando kāmo”ti-ādinā nayena **Vibhaṅge**¹ jhānapaṭipakkhato visum̐ vutto. Kilesakāmattā vā purimapade vutto, akusalapariyāpannattā dutiyapade. Anekabhedato cassa “kāmato”ti avatvā “kāmehi”ti vuttam̐. Aññesampi ca dhammānaṃ akusalabhāve vijjamāne “tattha katame akusalā dhammā, kāmaccando”ti-ādinā nayena Vibhaṅge uparijhānaṅga²paccanīkapaṭipakkhabhāvadassanato nīvaraṇāneva vuttāni. Nīvaraṇāni hi jhānaṅgapaccanīkāni, tesam̐ jhānaṅgāneva paṭipakkhāni, viddhamsakāni vighātakānīti vuttam̐ hoti. Tathā hi “samādhi kāmaccandassa paṭipakkho, pīti byāpādassa, vitakko thinamiddhassa, sukham̐ uddhaccakukkucassa, vicāro vicikicchāyā”ti³ **Peṭake** vuttam̐.

Evamettha “viviceva kāmehi”ti iminā kāmaccandassa vikkhambhanaviveko vutto hoti. “Vivicca akusalehi dhammehi”ti iminā pañcannampi nīvaraṇānaṃ. Aggahitaggahaṇena pana paṭhamena kāmaccandassa, dutiyena sesanīvaraṇānaṃ. Tathā paṭhamena tīsu akusalamūlesu pañcakāmaguṇabhedavisayassa lobhassa, dutiyena āghātavatthubhedādivisayānaṃ dosamohānaṃ. Oghādīsu vā dhammesu paṭhamena kāmoghakāmayogakāmāsavakāmupādāna-abhijjhākāyaganthakāmarāgasamyojanānaṃ, dutiyena avasesa-oghayogāsava-upādānanthasamyojanānaṃ. Paṭhamena ca taṇhāya, taṃsampayuttakānaṃca, dutiyena avijjāya, taṃsampayuttakānaṃca. Apica paṭhamena lobhasampayutta-aṭṭhacittuppādānaṃ, dutiyena sesānaṃ catunnaṃ akusalacittuppādānaṃ vikkhambhanaviveko vutto hotīti veditabbo. Ayam̐ tāva “viviceva kāmehi vivicca akusalehi dhammehi”ti ettha atthappakāsanā.

Ettāvatā ca paṭhamassa jhānassa pahānaṅgaṃ dassetvā idāni sampayogaṅgaṃ dassetuṃ “**savitakkaṃ savicāraṃ**”ti-ādi vuttam̐. Tattha heṭṭhā vuttalakkaṇādivibhāgena appanāsampayogato rūpāvacarabhāvappattena vitakkena ceva vicārena ca saha vattati, rukkho viya pupphena ca phalena cāti idam̐ jhānaṃ “savitakkaṃ savicāraṃ”ti vuccati. Vibhaṅge pana “iminā ca vitakkena, iminā ca

1. Abhi 2. 266 piṭṭhe.

2. Uparijhānaṅgānaṃ (Vi-Ṭṭha 1. 114; Visuddhi 1. 137 piṭṭhesu)

3. Gavestabbo.

vicārena upeto hoti samupeto”ti-ādinā¹ nayena puggalādhiṭṭhānā desanā katā, attho pana tatrapī evameva daṭṭhabbo.

Vivekajanti ettha vivitti viveko, nīvaraṇavigamoti attho. Vivittoti vā viveko, nīvaraṇavivitto jhānasampayuttadhammārāsīti attho. Tasmā vivekā, tasmim vā viveke jātanti vivekajam. **Pītisukhanti** ettha pītisukhāni heṭṭhā pakāsītāneva. Tesu pana vuttappakārāya pañcavidhāya pītiyā yā appanāsamādhissa mūlam hutvā vaḍḍhamānā samādhisampayogaṃ gatā pharaṇāpīti, ayam imasmim atthe adhippetā pītīti. Ayañca pīti idañca sukham assa jhānassa, asmim vā jhāne atthīti idam jhānam “pītisukhan”ti vuccati. Atha vā pīti ca sukhañca pītisukham dhamminayādayo viya. Vivekajam pītisukhamassa jhānassa, asmim vā jhāne atthīti evampi vivekajampītisukham. Yatheva hi jhānam, evam pītisukhampettha vivekajameva hoti, tañcassa atthi, tasmā ekapadeneva “vivekajampītisukhan”ti vattum yujjati. Vibhaṅge pana “idam sukham imāya pītiyā sahatān”ti-ādinā² nayena vuttam, attho pana tatthāpi evameva daṭṭhabbo.

Paṭhamam jhānanti ettha gaṇanānupubbata³ paṭhamam, paṭhamam uppannanti paṭhamam, paṭhamam samāpajjitabbantipi paṭhamam. Idam pana na ekantalakkhaṇam. Ciṇṇavasībhāvo hi aṭṭhasamāpattilābhī ādito paṭṭhāya matthakam pāpentopi samāpajjitum sakkoti, matthakato paṭṭhāya ādim pāpentopi samāpajjitum sakkoti, antarantarā okkamantopi sakkoti. Evam pubbuppattiyatṭhena pana paṭhamam nāma hoti.

Jhānanti duvidham jhānam ārammaṇūpanijjhānam lakkhaṇūpanijjhānanti. Tattha aṭṭha samāpattiyo pathavikaṣiṇādi-ārammaṇam upanijjhāyantīti “**ārammaṇūpanijjhānam**”ti saṅkhyam gatā. Vipassanāmaggaḥāṇi pana **lakkhaṇūpanijjhānam** nāma. Tattha vipassanā aniccādilakkhaṇassa upanijjhānato lakkhaṇūpanijjhānam. Vipassanāya katakiccassa maggena ijghanato maggo lakkhaṇūpanijjhānam. Phalam pana nirodhasaccam tathalakkhaṇam upanijjhāyatīti lakkhaṇūpanijjhānam nāma. Tesu imasmim atthe ārammaṇūpanijjhānam adhippetam, tasmā ārammaṇūpanijjhānato, paccanīkajjhāpanato vā jhānanti vedittabham.

1-2. Abhi 2. 267 piṭṭhe.

3. Gaṇanānupubbatāya (Sī, Syā)

Upasampajjāti upagantvā, pāpuṇitvāti vuttaṃ hoti. Upasampādayitvā vā, nipphādetvāti vuttaṃ hoti. Vibhaṅge pana “upasampajjāti paṭhamassa jhānassa lābho paṭilābho patti sampatti phusanā sacchikiriyā upasampadā”¹ti vuttaṃ, tassāpi evamevattho daṭṭhabbo. **Viharatīti** tadanurūpena iriyāpathavihārena itivuttappakārajjhānasamaṅgī hutvā attabhāvassa iriyanaṃ vuttiṃ pālanāṃ yapanāṃ yāpanāṃ cāraṃ vihāraṃ abhinipphādeti. Vuttañhetāṃ Vibhaṅge “viharatīti iriyati vattati pāleti yapeti yāpeti carati viharati, tena vuccati viharatī”²ti.

Pathavikasiṇanti ettha pathavimaṇḍalampi sakalaṭṭhena pathavikasiṇanti vuccati, taṃ nissāya paṭiladdhaṃ nimittampi pathavikasiṇanimitte paṭiladdhajjhānampi. Tattha imasmim atthe jhānaṃ pathavikasiṇanti veditabbaṃ. Pathavikasiṇasaṅkhātāṃ jhānaṃ upasampajja viharatīti ayañhettha saṅkhepattho. Imasmim pana pathavikasiṇe parikammaṃ katvā catukkapañcakaajjhānāni nibbattetvā jhānapadaṭṭhānaṃ vipassanaṃ vaḍḍhetvā arahattaṃ pattukāmena kulaputtana kiṃ kattabbanti? Ādito tāva pātimokkhasaṃvara-indriyasaṃvara-ājīvapārisuddhipaccayasannissitasāṅkhātāni cattāri sīlāni visodhetvā suparisuddhe sīle patiṭṭhitena yvāssa āvāsādīsu dasasu palibodhesu palibodho atthi, taṃ upacchinditvā kammaṭṭhānadāyakaṃ kalyāṇamittaṃ upasaṅkamitvā Pāliya āgatesu aṭṭhatimsāya kammaṭṭhānesu attano cariyānukūlaṃ kammaṭṭhānaṃ upaparikkhantena sacassa idaṃ pathavikasiṇaṃ anukūlaṃ hoti, idameva kammaṭṭhānaṃ gahetvā jhānabhāvanāya ananurūpaṃ vihāraṃ pahāya anurūpe vihāre viharantena khuddakapalibodhupacchedaṃ katvā kasiṇa parikammanimittānurakkhaṇa satta asappāyaparivajjana sattasappāyasevanadasavidha-appanākosallappabhedāṃ sabbaṃ bhāvanāvidhānaṃ aparihāpentena jhānādighamaṭṭhāya paṭipajjitabbaṃ. Ayamettha saṅkhepo. Vitthāro pana **Visuddhimagge**³ vuttanayeneva veditabbo. Yathā cettha, evaṃ ito paresupi. Sabbakammaṭṭhānānaṃ bhāvanāvidhānaṃ sabbaṃ Aṭṭhakathānayaṇa gahetvā

1. Abhi 2. 267 piṭṭhe. 2. Abhi 2. 255, 267 piṭṭhesu. 3. Visuddhi 1. 115 piṭṭhādīsu.

Visuddhimagge vitthāritam, kiṃ tena tattha tattha puna vuttenāti na nam
puna vitthārayāma. Pāḷiyā pana heṭṭhā anāgataṃ attham aparihāpentā¹
nirantaram anupadavaṇṇanameva karissāma.

Tasmim samayeti tasmim paṭhamajjhānam upasampajja
viharaṇasamaye. **Phasso hoti -pa- avikkhepo hotīti** ime
kāmvāvacarapaṭhamakusalacitte vuttappakārāya padapaṭipāṭiyā chapaṇṇāsa
dhammā honti. Kevalañhi te kāmvāvacarā, ime bhūmantaravasena mahaggaṭā
rūpāvacarāti ayamettha viseso. Sesam tādissimeva. Yevāpanakā panettha
chandādayo cattārova labbhanti. Koṭṭhāsavārasuññatavārā pākatikā evāti.
Paṭhamam.

Dutiyaḷjjhāna

161. 162. Dutiyaḷjjhānaniddese **vitakkavicārānam vūpasamāti** vitakkassa
ca vicārassa cāti imesaṃ dvinnam vūpasamā samatikkamā,
dutiyaḷjjhānakkhaṇe apātubhāvāti vuttam hoti. Tattha kiñcāpi dutiyaḷjjhāne
sabbepi paṭhamajjhānadhammā na santi, aññeyeva hi paṭhamajjhāne
phassādayo, aññe idha. Oḷārikassa pana oḷārikassa aṅgassa samatikkamā
paṭhamajjhānato paresam dutiyaḷjjhānādīnam adhigamo hotīti dīpanattham
“vitakkavicārānam vūpasamā”ti evam vuttanti veditabbam. **Ajjhattanti** idha
niyakajjhattam adhippetam. **Vibhaṅge** pana “ajjhattam paccattan”ti²
ettakameva vuttam. Yasmā niyakajjhattam adhippetam, tasmā attani jātam,
attano santāne nibbattanti ayamettha attho.

Sampasādananti sampasādanam vuccati saddhā. Sampasādanayogato
jhānampi sampasādanam, nīlavaṇṇayogato nīlavattham viya. Yasmā vā tam
jhānam sampasādanasamannāgatattā vitakkavicārakkhobhavūpasamanena ca
ceto sampasādayati, tasmāpi “sampasādanam”ti vuttam. Imasmiñca
atthavikappe “sampasādanam cetaso”ti evam padasambandho veditabbo,
purimasimam pana atthavikappe “cetaso”ti etam ekodibhāvena saddhim
yojetabbam.

Tatrāyam atthayojanā—eko udetīti **ekodi**, vitakkavicārehi
anajjhāruḷhattā aggo seṭṭho hutvā udetīti attho.

1. Aparihāpetvā (Sī), aparihāpento (Syā, Ka)

2. Abhi 2. 268 piṭṭhe.

Seṭṭhopi hi loke “eko”ti vuccati. Vitakkavicāravirahato¹ vā eko asahāyo hutvātipi vattum vaṭṭati. Atha vā sampayuttadhamme udāyatīti **udī**, uṭṭhāpetīti² attho. Seṭṭhatṭhena eko ca so udi cāti **ekodi**, samādhissetaṃ adhivacanaṃ. Iti imaṃ ekodiṃ bhāveti vaḍḍhetīti idaṃ dutiyajjhānaṃ **ekodibhāvaṃ**. So paṇāyaṃ ekodi yasmā cetaso, na sattassa na jīvassa. Tasmā etaṃ “cetaso ekodibhāvaṃ”ti vuttaṃ.

Nanu cāyaṃ saddhā paṭhamajjhānepi atthi, ayañca ekodināmakko samādhi, atha kasmā idameva “sampasādanaṃ cetaso ekodibhāvañcā”ti vuttanti? Vuccate, aduṃ hi paṭhamajjhānaṃ vitakkavicārarakkhobhena vīcitarāṅgasamākulamiva jalaṃ na suppasannaṃ hoti, tasmā satiyāpi saddhāya sampasādananti na vuttaṃ. Na suppasannattā eva cettha samādhipi na suṭṭhu pākaṭo. Tasmā ekodibhāvanti na vuttaṃ. Imasmim̄ pana jhāne vitakkavicārapalibhodhābhāvena laddhokāsā balavatī saddhā, balavasaddhāsahāyapaṭilābheneva ca samādhipi pākaṭo. Tasmā idameva evaṃ vuttanti veditabbaṃ. Vibhaṅge pana “sampasādananti yā saddhā saddahanā okappanā abhippasādo. Cetaso ekodibhāvanti yā cittassa ṭhiti -pasammāsamādhi”ti³ ettakameva vuttaṃ. Evaṃ vuttana panetena saddhim̄ ayaṃ atthavaṇṇanā yathā na virujjhati, aññadatthu saṃsandati ceva sameti ca, evaṃ veditabbā.

Avitakkaṃ avicāraṃti bhāvanāya pahīnattā etasmim̄, etassa vā vitakko natthīti avitakkaṃ. Imināva nayena avicāraṃ. Vibhaṅgepi vuttaṃ “iti ayañca vitakko, ayañca vicāro santā honti samitā vūpasantā atthaṅgatā abbatthaṅgatā appitā byappitā sositā visositā byantikātā, tena vuccati avitakkaṃ avicāraṃ”ti⁴.

Etthāha “nanu ca ‘vitakkavicārānaṃ vūpasamā’ti imināpi ayamatto siddho, atha kasmā puna vuttaṃ ‘avitakkaṃ avicāraṃ’ti”. Vuccate, evametaṃ, siddhovāyamattho. Na panetaṃ tadatthadīpakaṃ, nanu avocumha “oḷārikassa pana oḷārikassa aṅgassa samatikkamā paṭhamajjhānato paresaṃ

1. ...virahito (Sī, Syā)

2. Uṭṭhāpetīti (Sī, Syā)

3-4. Abhi 2. 268 piṭṭhe.

dutiyajjhānādīnaṃ samadhigamo hotīti dīpanatthaṃ vitakkavicārānaṃ vūpasamāti evaṃ vuttan”ti.

Apica vitakkavicārānaṃ vūpasamā idaṃ sampasādanaṃ, na kilesakālusiyassa¹. Vitakkavicārānaṃca vūpasamā ekodibhāvaṃ, na upacārajjhānamiva nīvaraṇappahānā, na paṭhamajjhānamiva ca aṅgapātubhāvāti evaṃ sampasādana-ekodibhāvānaṃ hetuparidīpakamidaṃ vacanaṃ. Tathā vitakkavicārānaṃ vūpasamā idaṃ avitakkaṃ avicāraṃ, na tatiyacatutthajjhānāni viya, cakkhuvīññāṇādīni viya ca abhāvāti evaṃ avitakka-avicārabhāvassa hetuparidīpakaṃca. Na vitakkavicārābhāvamattaparidīpakam, vitakkavicārābhāvamattaparidīpakameva pana “avitakkaṃ avicāraṃ”ti idaṃ vacanaṃ. Tasmā purimaṃ vatvāpi puna vattabbamevāti.

Samādhijanti paṭhamajjhānasamādhito, sampayuttasamādhito vā jātanti attho. Tattha kiñcāpi paṭhamampi sampayuttasamādhito jātaṃ, atha kho ayameva samādhi “samādhī”ti vattabbataṃ arahati, vitakkavicārakkhobhavarahena ativiya acalattā, suppasannattā ca. Tasmā imassa vaṇṇabhaṇanatthaṃ idameva “samādhijan”ti vuttaṃ. **Pītisukhanti** idaṃ vuttanayameva.

Dutiyanti gaṇanānupubbataṃ dutiyaṃ, idaṃ dutiyaṃ samāpajjatītipi dutiyaṃ. **Tasmīṃ samaye phasso hotīti**-ādīsu jhānapañcake vitakkavicārapadāni, maggapañcake ca sammāsaṅkappapadaṃ parihīnaṃ. Tesāṃ vasena savibhattikāvibhattikapadavinicchayo veditabbo. Koṭṭhāsavārepi **tivaṅgikaṃ jhānaṃ hoti, caturaṅgiko maggo hotīti** āgataṃ. Sesāṃ paṭhamajjhānasadisamevāti. . Dutiyaṃ.

Tatiyajjhāna

163. Tatiyajjhānaniddese **pītiyā ca virāgāti** virāgo nāma vuttappakārāya pītiyā jigucchanāṃ vā samatikkamo vā, ubhinnaṃ pana antarā casaddo sampiṇḍanattho, so vūpasamaṃ vā sampiṇḍeti vitakkavicāravūpasamaṃ vā. Tattha yadā vūpasamameva sampiṇḍeti, tadā pītiyā virāgā ca, kiñca bhīyyo¹ vūpasamā cāti evaṃ yojanā veditabbā. Imissā ca yojanāya virāgo jigucchanattho hoti, tasmā pītiyā jigucchanā ca

1. Kilesakālusiyassa (Syā, Ka)

2. Kiñci bhīyyo (Syā)

vūpasamā cāti ayamatto daṭṭhabbo. Yadā pana vitakkavicārānaṃ vūpasamaṃ sampiṇḍeti, tadā pītiyā ca virāgā, kiñca bhiiyo vitakkavicārānañca vūpasamāti evaṃ yojanā veditabbā. Imissā ca yojanāya virāgo samatikkamanatto hoti, tasmā pītiyā ca samatikkamā vitakkavicārānañca vūpasamāti ayamatto daṭṭhabbo.

Kāmañcete vitakkavicārā dutiyajjhāneyeva vūpasantā, imassa pana jhānassa maggaparidīpanatthaṃ, vaṇṇabhaṇanatthañcetaṃ vuttaṃ. “Vitakkavicārānañca vūpasamā”ti hi vutte idaṃ paññāyati “nūna¹ vitakkavicāravūpasamo maggo imassa jhānassā”ti. Yathā ca tatiye ariyamagge appahīnānampi sakkāyadiṭṭhādīnaṃ “pañcannaṃ orambhāgiyānaṃ saṃyojanānaṃ pahānā”ti² evaṃ pahānaṃ vuccamānaṃ vaṇṇabhaṇanaṃ hoti, tadadhigamāya ussukkānaṃ ussāhajanakaṃ, evameva idha avūpasantānampi vitakkavicārānaṃ vūpasamo vuccamāno vaṇṇabhaṇanaṃ hoti, tenāyamattho vutto “pītiyā ca samatikkamā, vitakkavicārānañca vūpasamā”ti.

Upekkhako ca viharatīti ettha upapattito ikkhatīti **upekkhā**, samaṃ passati, apakkhapatitā hutvā passatīti attho. Tāya visadāya vipulāya thāmagatāya samannāgatattā tatiyajjhānasamaṅgī “upekkhako”ti vuccati.

Upekkhā pana dasavidhā hoti chaḷaṅgupekkhā brahmavihārupekkhā bojjhaṅgupekkhā vīriyupekkhā saṅkhārupekkhā vedanupekkhā vipassanupekkhā tatramajjhattupekkhā jhānupekkhā pārisuddhupekkhāti.

Tattha yā “idha bhikkhave³ bhikkhu cakkhunā rūpaṃ disvā neva sumano hoti na dummano, upekkhako ca viharati sato sampajāno”ti⁴ evamāgatā khīṇāsavassa chasu dvāresu iṭṭhāniṭṭhachaḷārammaṇāpāthe parisuddhapakatibhāvāvijahanākārabhūtā upekkhā, ayaṃ **chaḷaṅgupekkhā** nāma.

1. Nanu (Ka)

2. Ma 2. 98 piṭṭhe.

3. Idha khīṇāsavo (Syā, Ka)

4. Aṃ 2. 247; Khu 7. 186; Khu 8. 64; Khu 9. 390 piṭṭhesu.

Yā pana “upekkhāsahagatena cetasā ekaṃ disaṃ pharitvā viharatī”¹ evamāgatā sattesu majjhattākārahūtā upekkhā, ayaṃ **brahmavihārupekkhā** nāma.

Yā “upekkhāsambojjhaṅgaṃ bhāveti vivekanissitaṃ”² evamāgatā sahaṃjātadhammānaṃ majjhattākārahūtā upekkhā, ayaṃ **bojjhaṅgupekkhā** nāma.

Yā pana “kālena kālaṃ upekkhānimittaṃ manasi karotī”³ evamāgatā anaccāradhānāṭisithilavīriyasaṅkhātā upekkhā, ayaṃ **vīriyupekkhā** nāma.

Yā “kati saṅkhārupekkhā samathavasena⁴ uppajjanti, kati saṅkhārupekkhā vipassanāvasena uppajjanti? Aṭṭha saṅkhārupekkhā samathavasena uppajjanti, dasa saṅkhārupekkhā vipassanāvasena uppajjanti”⁵ evamāgatā nīvaraṇādīpaṭisaṅkhāsantiṭṭhanā gahaṇe majjhattabhūtā upekkhā, ayaṃ **saṅkhārupekkhā** nāma.

Yā pana “yasmim samaye kāmāvacaraṃ kusalaṃ cittaṃ upannaṃ hoti upekkhāsahagataṃ”⁶ evamāgatā adukkhamasukhasaṅkhātā upekkhā, ayaṃ **vedanupekkhā** nāma.

Yā “yadatthi yaṃ bhūtaṃ, taṃ pajahati, upekkhaṃ paṭilabhati”⁷ evamāgatā vicinane majjhattabhūtā upekkhā, ayaṃ **vipassanupekkhā** nāma.

Yā pana chandādisu yevāpanakesu āgatā sahaṃjātānaṃ samavāhitabhūtā upekkhā, ayaṃ **tatramajjhattupekkhā** nāma.

Yā “upekkhako ca viharatī”⁸ evamāgatā aggasukhepi tasmim apakkhapātajananī upekkhā, ayaṃ **jhānupekkhā** nāma.

Yā “upekkhāsatiṭṭhāpārisuddhiṃ catutthaṃ jhānaṃ”⁹ evamāgatā sabbapaccanīkapaṭisuddhā paccanīkavūpasamanepi abyāpārahūtā upekkhā, ayaṃ **pārisuddhupekkhā** nāma.

Tattha chaḷaṅgupekkhā ca brahmavihārupekkhā ca bojjhaṅgupekkhā ca tatramajjhattupekkhā ca jhānupekkhā ca pārisuddhupekkhā ca atthato ekā, tatramajjhattupekkhāva hoti. Tena tena avatthābhedenā panassā ayaṃ

1. Dī 1. 234; Ma 1. 47 piṭṭhādīsu.

3. Am 1. 258 piṭṭhe.

5. Khu 9. 62 piṭṭhe.

7. Ma 3. 51; Am 2. 450 piṭṭhesu.

2. Ma 1. 14; Ma 2. 204 piṭṭhādīsu.

4. Samādhivasena (sabbattha)

6. Abhi 1. 40 piṭṭhe.

8-9. Abhi 1. 45; Dī 1. 71 piṭṭhādīsu.

bhedo. Ekassāpi sato sattassa kumārayuvathera¹ senāpatirājādivasena bhedo viya, tasmā tāsu yattha chaḷaṅgupekkhā, na tattha bojjaṅgupekkhādayo. Yattha vā pana bojjaṅgupekkhā, na tattha chaḷaṅgupekkhādayo hontīti veditabbā.

Yathā cetāsaṃ atthato ekībhāvo, evaṃ saṅkhārupekkhāvīpassanupekkhānampi. Paññā eva hi esā, kiccavasena dvidhā bhinnā, yathā hi purisassa sāyaṃ gehaṃ pavīṭṭhaṃ sappam ajapadadaṇḍaṃ gahetvā pariyesamānassa taṃ thusakoṭṭhake² nipannaṃ disvā “sappo nu kho no”ti avalokentassa sovattikattayaṃ disvā nibbematikassa “sappo na sappo”ti vicinane majjhataṭā hoti, evameva yā āraddhavīpassakassa vipassanāññaṇena lakkhaṇattaye diṭṭhe saṅkhārānaṃ aniccabhāvādivicinane majjhataṭā uppajjati, ayaṃ **vipassanupekkhā**. Yathā pana tassa purisassa ajapadadaṇḍakena gāḷhaṃ sappam gahetvā “kintāhaṃ imaṃ sappam aviheṭṭento, attānañca iminā aḍaṃsāpento muñceyyaṃ”ti muñcanākārameva pariyesato gahaṇe majjhataṭā hoti, evameva yā lakkhaṇattayassa diṭṭhattā āditte viya tayo bhava passato saṅkhāraggaṇe majjhataṭā, ayaṃ **saṅkhārupekkhā**. Iti vipassanupekkhāya siddhāya saṅkhārupekkhāpi siddhāva hoti. Iminā panesā vicinanaggahaṇesu majjhattasaṅkhātena kiccena dvidhā bhinnāti. Vīriyupekkhā pana vedanupekkhā ca aññaṃaññaṃca avasesāhi ca atthato bhinnāyevāti.

Imāsu dasasu upekkhāsu jhānupekkhā idha adhippetā. Sā majjhatalakkhaṇā, anābhogarasā, abyāpārapaccupaṭṭhānā, pītivirāgapadaṭṭhānāti. Etthāha “nanu cāyaṃ atthato tatramajjhātupekkhāva hoti, sā ca paṭhamadutiyajjhānesupi atthi, tasmā tatrāpi ‘upekkhako ca viharatī’ti evamayaṃ vattabbā siyā, sā kasmā na vuttā”ti. aparibyattakiccato. Aparibyattañhi tassā tattha kiccaṃ, vitakkādīhi abhibhūtattā, idha panāyaṃ vitakkavicārapīṭhi anabhibhūtattā ukkhittasirā viya hutvā paribyattakiccā jātā, tasmā vuttāti.

Niṭṭhitā “upekkhako ca viharatī”ti etassa sabbaso atthavaṇṇanā.

1. Kumārayuvavuḍḍha (Ka) Visuddhi 1. 156 piṭṭhepi passitabbaṃ.

2. Thusakoṭṭhāse (Ka)

Idāni **sato ca sampajānoti** ettha saratīti **sato**. Sampajānātīti **sampajāno**. Iti puggalena sati ca sampajāññaṅca vuttaṃ. Tattha saraṇalakkhaṇā sati, asammussanarasā, ārakkhapaccupaṭṭhānā, asammohalakkhaṇaṃ sampajāññaṃ, tīraṇarasam, pavicayapaccupaṭṭhānaṃ.

Tattha kiñcāpi idaṃ satisampajāññaṃ purimajjhānesupi atthi, muṭṭhassatissa hi asampajānassa upacāramattampi na sampajjati, pageva appanā, oḷārikattā pana tesaṃ jhānaṃ bhūmiyaṃ viya purisassa cittassa gati sukhā hoti, abyattaṃ tattha satisampajāññakiccaṃ. Oḷārikaṅgappahānena pana sukhumattā imassa jhānassa purisassa khuradhārāyaṃ viya satisampajāññakiccapariggahitā eva cittassa gati icchitabbāti idheva vuttaṃ. Kiñca bhiyyo—yathā dhenupago vaccho dhenuto apanīto arakkhiyamāno punadeva dhenum upagacchati, evamidam tatiyajjhānasukhaṃ pītito apanītampi¹ satisampajāññārakkhena arakkhiyamānaṃ punadeva pītiṃ upagaccheyya, pītisampayuttameva siyā. Sukhe vāpi sattā sārājanti. Idañca atimadhuraṃ sukhaṃ, tato paraṃ sukhābhāvā. Satisampajāññānubhāvena panettha sukhe asārājjanā hoti, no aññathāti imampi atthavisesaṃ dassetuṃ idamidheva vuttanti veditabbaṃ.

Idāni **sukhañca kāyena paṭisaṃvedetīti** ettha kiñcāpi tatiyajjhānasamaṅgino sukhapaṭisaṃvedanābhogo natthi, evaṃ santepi yasmā tassa nāmakāyena sampayuttaṃ sukhaṃ, yaṃ vā taṃ nāmakāyasampayuttaṃ sukhaṃ, taṃsamuṭṭhānenassa yasmā atipaṇitena rūpena rūpakāyo phuṭo, yassa² phuṭattā jhānā vuṭṭhitopi sukhaṃ paṭisaṃvedeyya, tasmā etamatthaṃ dassento “sukhañca kāyena paṭisaṃvedetī”ti āha.

Idāni **yaṃ taṃ ariyā ācikkhanti upekkhako satimā sukhavihārīti** ettha³ yaṃjhānahetu yaṃjhānakāraṇā taṃ tatiyajjhānasamaṅgīpuggalaṃ Buddhādayo ariyā ācikkhanti desenti paññāpenti paṭṭhapenti vivaranti vibhajanti uttānikaronti pakāsentī, pasamsantīti adhippāyo. Kinti? Upekkhako satimā sukhavihārīti. Taṃ tatiyajjhānaṃ upasampajja viharatīti evamettha yojanā veditabbā.

1. Apanītaṃ taṃ (sabbattha), Vi-Ṭṭha 1. 21 piṭṭhe pana passitabbaṃ.

2. Kāyassa (sabbattha) Visuddhi 1. 158 piṭṭhe passitabbaṃ.

3. Idaṃ etthāti padaṃ adhikaṃ viya dissati.

Kasmā pana taṃ te evaṃ pasaṃsantīti? Pasaṃsārahato. Ayañhi yasmā atimadhurasukhe sukhapāramippattepi tatiyajjhāne upekkhako, na tattha sukhābhisaṅgena ākaḍḍhīyati. Yathā ca pīti na uppajjati, evaṃ upaṭṭhitasatitāya satimā. Yasmā ca ariyakantaṃ ariyajanasavitameva asaṃkiliṭṭhaṃ sukhaṃ nāmakāyena paṭisaṃvedeti, tasmā pasaṃsāraho. Iti pasaṃsārahato naṃ ariyā te evaṃ pasaṃsāhetubhūte¹ guṇe pakāsentā “upekkhako satimā sukhavihārī”ti evaṃ pasaṃsantīti veditabbaṃ.

Tatiyanti gaṇanānupubbatā tatiyaṃ, idaṃ tatiyaṃ samāpajjatītipi tatiyaṃ. **Tasmim samaye phasso hotīti**–ādīsu jhānapañcake pītipadampi parihiṇaṃ. Tassāpi vasena savibhattikāvibhattikapadavinicchayo veditabbo. Koṭṭhāsavārepi “**duvaṅgikaṃ jhānaṃ hotī**”ti āgataṃ. Sesam dutiyajjhānasadisamevāti. . Tatiyaṃ.

Catutthajjhāna

165. Catutthajjhānaniddese **sukhassa ca pahānā, dukkhassa ca pahānā**ti kāyikasukhassa ca kāyikadukkhassa ca pahānā. **Pubbevāti** tañca kho pubbeva, na catutthajjhānakkhaṇe. **Somanassadomanassānaṃ atthaṅgamā**ti cetasikasukhassa ca cetasikadukkhassa cāti imesampi dvinnaṃ pubbeva atthaṅgamā, pahānā icceva vuttaṃ hoti. Kadā pana nesam pahānaṃ hoti? Catunnaṃ jhānaṃ upacārakkhaṇe. Somanassaṃ hi catutthajjhānassa upacārakkhaṇeyeva pahīyati, dukkhadomanassasukhāni paṭhamadutiyatatiyajjhānaṃ upacārakkhaṇesu. Evametesam pahānakkamena avuttānaṃ **Indriyavibhaṅge**² pana indriyānaṃ uddesakkameneva idhāpi vuttānaṃ sukha dukkhasomanassa domanassānaṃ pahānaṃ veditabbaṃ.

Yadi panetāni tassa tassa jhānassa upacārakkhaṇeyeva pahīyanti, atha kasmā “kattha cuppannaṃ dukkhindriyaṃ aparisesaṃ nirujjhanti? Idha bhikkhave bhikkhu

1. Pasaṃsārahamahetubhūte (Syā)

2. Abhi 2. 128 piṭṭhe.

vivicceva kāmehi -pa- paṭhamarūṇaṃ jhānaṃ upasampajja viharati. Etthuppannaṃ dukkhindriyaṃ aparisesaṃ nirujjhati. Kattha cuppannaṃ domanassindriyaṃ. Sukkhindriyaṃ. Somanassindriyaṃ aparisesaṃ nirujjhati? Idha bhikkhave bhikkhu sukhassa ca pahānā -pa- catuttharūṇaṃ jhānaṃ upasampajja viharati. Etthuppannaṃ somanassindriyaṃ aparisesaṃ nirujjhati”¹ti evaṃ jhānesveva nirodho vuttoti? Atisayanirodhattā. Atisayanirodho hi tesarūṇaṃ paṭhamajjhānādīsu, na nirodhoyeva. Nirodhoyeva pana upacārakkhaṇe, nātisayanirodho. Tathā hi nānāvajjane paṭhamajjhānupacāre niruddhassāpi dukkhindriyassa ḍamsamakasādisamphassaena vā visamāsanupatāpena vā siyā uppatti, natveva anto-appanāyaṃ. Upacāre vā niruddhampetaṃ na suṭṭhu niruddhaṃ hoti, paṭipakkhena avihatattā. Anto-appanāyaṃ pana pītipharaṇena sabbo kāyo sukhokkanto hoti, sukhokkantakāyassa ca suṭṭhu niruddhaṃ hoti dukkhindriyaṃ, paṭipakkhena vihatattā. Nānāvajjaneyeva ca dutiyajjhānupacāre pahīnassa domanassindriyassa yasmā etaṃ vitakkavicārapaccayepi kāyakilamathe, cittupaghāte ca sati uppajjati, vitakkavicārābhāve neva uppajjati. Yattha pana uppajjati, tattha vitakkavicārābhāve. Appahīnā eva ca dutiyajjhānupacāre vitakkavicārāti tatthassa siyā uppatti, natveva dutiyajjhāne, pahīnapaccayattā. Tathā tatiyajjhānupacāre pahīnassāpi sukhindriyassa pītisamuṭṭhānapanātarūpaphuṭakāyassa siyā uppatti, natveva tatiyajjhāne. Tatiyajjhāne hi sukhassa paccayabhūtā pīti sabbaso niruddhāti. Tathā catutthajjhānupacāre pahīnassāpi somanassindriyassa āsannattā, appanāppattāya upekkhāya abhāvena sammā anatikkantattā ca siyā uppatti, natveva catutthajjhāne. Tasmā eva ca “etthuppannaṃ dukkhindriyaṃ aparisesaṃ nirujjhati”ti tattha tattha aparisesaggahaṇaṃ katanti.

Etthāha “athevaṃ tassa tassa jhānassupacāre pahīnāpi etā vedanā idha kasmā samāhaṭā”ti. Sukhaggahaṇattharūṇaṃ. Yā hi ayaṃ “adukkhamasukhan”ti ettha adukkhamasukhā vedanā vuttā, sā sukhumā dubbhiññeyyā, na sakkā sukhena gahetuṃ, tasmā yathā nāma duṭṭhassa yathā tathā vā upasaṅkamtivā gahetuṃ asakkuṇeyyassa goṇassa gahaṇattharūṇaṃ gopo ekasmiṃ vaje sabbā gāvo samāharati, athekekaṃ nīharanto paṭipāṭiyā āgataṃ

1. Saṃ 3. 188 piṭṭhe.

“ayaṃ so, gaṇhatha nan”ti tampi gāhāpayati. Evameva Bhagavā¹ sukhaggahaṇatthaṃ sabbāpi etā samāharīti. Evañhi samāhaṭā etā dassetvā “yaṃ neva sukhaṃ, na dukkhaṃ, na somanassaṃ, na domanassaṃ, ayaṃ adukkhamasukhāvedanā”ti sakkā hoti esā gāhayitum.

Apica adukkhamasukhāya cetovimuttiyā paccayadassanattañcāpi etā vuttāti veditabbā. Sukhadukkhaṇādayo hi tassā paccayā. Yathāha “cattāro kho āvuso paccayā adukkhamasukhāya cetovimuttiyā samāpattiyā, idhāvuso bhikkhu sukhasa ca pahānā -pa- catutthaṃ jhānaṃ upasampajja viharati. Ime kho āvuso cattāro paccayā adukkhamasukhāya cetovimuttiyā samāpattiyā”ti². Yathā vā aññattha pahīnāpi sakkāyadīṭṭhi-ādayo tatiyamaggassa vaṇṇabhaṇanattaṃ tattha pahīnāti³ vuttā, evaṃ vaṇṇabhaṇanattampetassa jhānassetā idha vuttāti veditabbā. Paccayaghātena vā ettha ragadosānaṃ atidūrabhāvaṃ dassetumpetā vuttāti veditabbā. Etāsu hi sukhaṃ somanassassa paccayo, somanassaṃ rāgassa, dukkhaṃ domanassassa, domanassaṃ dosassa. Sukhādighātena cassa⁴ sappaccayā rāgadosā hatāti atidūre hontīti.

Adukkhamasukhanti dukkhābhāvena adukkhaṃ, sukhābhāvena asukhaṃ. Etenettha dukkhasukhappaṭipakkhabhūtaṃ tatiyavedanaṃ dīpeti, na dukkhasukhābhāvamattaṃ. Tatiyavedanā nāma adukkhamasukhā, upekkhātipi vuccati. Sā iṭṭhāniṭṭhaviparītānubhavanalakkhaṇā majjhatarasā, avibhūtapaccupaṭṭhānā, sukhanirodhapadaṭṭhānāti veditabbā.

Upekkhāsatipārisuddhinti upekkhāya janitasatipārisuddhiṃ. Imasmiñhi jhāne supārisuddhā sati, yā ca tassā satiyā pārisuddhi, sā upekkhāya katā, na aññena. Tasmā etaṃ “upekkhāsatipārisuddhī”ti vuccati. **Vibhaṅgepi** vuttaṃ “ayaṃ sati imāya upekkhāya visadā hoti pārisuddhā pariyodātā, tena vuccati ‘upekkhāsatipārisuddhī’ti”⁵. Yāya ca upekkhāya ettha sati pārisuddhi hoti, sā atthato tatramajjhataṭṭhānāti veditabbā. Na kevalañcetta tāya satiyeva pārisuddhā, apica kho sabbepi sampayuttadhammā, satisīsenā pana desanā vuttā.

1. Evametassā (Ka)

2. Ma 1. 370 piṭṭhe.

3. Ma 2. 98 piṭṭhe.

4. Ca (Ka) Visuddhi-Ṭī 1. 191 piṭṭhe passitabbaṃ.

5. Abhi 2. 271 piṭṭhe.

Tattha kiñcāpi ayaṃ upekkhā heṭṭhāpi tīsu jhānesu vijjati, yathā pana divā sūriyappabhābhavā, sommabhāvena ca attano upakārakattena vā sabhāgāya rattiyā alābhā divā vijjamānāpi candalekhā aparisuddhā hoti apariyodātā, evamayampi tatramajjhattupekkhācandalekhā vitakkādīpaccanīkadhammatejābhavā, sabhāgāya ca upekkhāvedanārattiyā aṭṭilābhā vijjamānāpi paṭhamādijjhānabhedesu aparisuddhā hoti. Tassā ca aparisuddhāya divā aparisuddhacandalekhāya pabhā viya saha-jātāpi sati-ādayo aparisuddhāva honti. Tasmā tesu ekampi “upekkhāsati-pārisuddhī”ti na vuttaṃ. Idha pana vitakkādīpaccanīkadhammatejābhavābhāvā, sabhāgāya ca upekkhāvedanārattiyā aṭṭilābhā ayaṃ tatramajjhattupekkhācandalekhā ativiya parisuddhā, tassā parisuddhattā parisuddhacandalekhāya pabhā viya saha-jātāpi sati-ādayo parisuddhā honti pari-yodātā. Tasmā idameva “upekkhāsati-pārisuddhī”ti vuttanti veditabbaṃ.

Catutthanti gaṇanānupubbatā catutthaṃ, idaṃ catutthaṃ samāpajjatiṭīpi catutthaṃ. **Phasso hotīti**-ādīsu phassapañcake tāva **vedanāti** upekkhāvedanā veditabbā. Jhānapañcaka-indriya-aṭṭhakesu pana “upekkhā hoti, upekkhindriyaṃ hoti”ti¹ vuttameva. Sesāni tatiye parihīnapadāni idhāpi parihīnāneva. Koṭṭhāsavārepi **duvaṅgikaṃ jhānanti** upekkhācittakaggatāvaseneva veditabbaṃ. Sesāni sabbaṃ tatiyasadisamevāti.

Catukkanayo niṭṭhito.

Pañcakanaya

167. Idāni **katame dhammā kusalāti** pañcakanayo āradhho. Kasmāti ce? puggalajjhāsayavasena ceva desanāvīlāsena ca. Sannisinna² devaparisāya kira ekaccānaṃ devānaṃ vitakko eva oḷārikato upaṭṭhāsi, vicārapītisukhacittakaggatā santato. Tesāni sappāyavasena Satthā caturaṅgikaṃ avitakkaṃ vicāramattaṃ dutiyajjhānaṃ nāma bhājesi.

1. Abhi 1. 46 piṭṭhe.

2. Sannipatita (Ka)

ekaccānaṃ vicāro oḷārikato upaṭṭhāsi, pītisukhacittekaggatā santato. Tesāṃ sappāyavasena tivaṅgikaṃ tatiyajjhānaṃ nāma bhājesi. Ekaccānaṃ pīti oḷārikato upaṭṭhāsi, sukhacittekaggatā santato. Tesāṃ sappāyavasena duvaṅgikaṃ catutthajjhānaṃ nāma bhājesi, ekaccānaṃ sukhaṃ oḷārikato upaṭṭhāsi, upekkhācittekaggatā santato. Tesāṃ sappāyavasena duvaṅgikaṃ pañcamajjhānaṃ nāma bhājesi. Ayam tāva **puggalajjhāsayo**.

Yassā pana dhammadhātuyā suppaṭividdhattā desanāvilāsappatto¹ nāma hoti, sā Tathāgatassa suṭṭhu paṭividdhā. Tasmā nāṇamahattatāya desanāvidhānesu kusalo desanāvilāsappatto Satthā yaṃ yaṃ aṅgaṃ labbhati, tassa tassa vasena yathā yathā icchati, tathā tathā desanaṃ niyāmetīti so idha pañcaṅgikaṃ paṭhamajjhānaṃ bhājesi, caturaṅgikaṃ avitakkaṃ vicāramattaṃ dutiyajjhānaṃ bhājesi, tivaṅgikaṃ tatiyajjhānaṃ bhājesi, duvaṅgikaṃ catutthajjhānaṃ, duvaṅgikameva pañcamajjhānaṃ bhājesi. Ayam **desanāvilāso** nāma.

Apica ye Bhagavatā “tayome bhikkheve samādhī² savitakkasavicāro samādhī, avitakkavicāramatto samādhī, avitakka-avicāro samādhī”³ti³ suttante tayo samādhī desitā. Tesu heṭṭhā savitakkasavicāro samādhī, avitakka-avicāro samādhī ca bhājetvā dassito, avitakkavicāramatto na dassito. Tam dassetumpi ayam pañcakanayo āradhoti veditabbo.

Tattha dutiyajjhānaniddese phassādīsu vitakkamattaṃ parihāyati, koṭṭhāsavāre “caturaṅgikaṃ jhānaṃ hoti, caturaṅgiko maggo hotī”³ti ayameva viseso. Sesāṃ sabbaṃ paṭhamajjhānasadisameva. Yāni ca catukkanaye dutiyatatiyacatutthāni, tāneva idha tatiyacatutthapañcamāni. Tesāṃ adhigamaṇipāṭidīpanatthaṃ ayam nayo veditabbo—

Eko kira amaccaputto rājānaṃ upaṭṭhātum janapadato nagaraṃ āgato, so ekadivasameva rājānaṃ disvā pānabyasanena sabbaṃ vibhavaḷātaṃ nāsesi. Tam ekadivasāṃ surāmadamattaṃ niccolaṃ katvā

1. Desanā vilāsappattā (Syā, Ka) 2. Tayo samādhī (Dī 3. 184) 3. Dī 3. 184 piṭṭhe.

jiṇṇakaṭasāarakamattena paṭicchādetvā pānāgārato nīharīmsu, tamenam saṅkārakūṭe nipajjitvā niddāyantam eko aṅgavijjāpāṭhako disvā “ayaṃ puriso mahājanassa avassayo bhavissati, paṭijaggitabbo eso”ti sannitṭhānam katvā mattikāya nhāpetvā hūlasāṭakayugam nivāsāpetvā puna gandhodakena nhāpetvā sukhumena dukūlayugaḷena acchādetvā pāsādam āropetvā subhojanam bhojetvā “evaṃ nam¹ paricāreyyāthā”ti paricārake paṭipādetvā² pakkāmi. Atha nam te sayanam āropesum,
pānāgāragamanapaṭibāhanatthañca nam cattāro tāva janā catūsu hatthapādesu uppīletvā aṭṭhamisu. Eko pāde parimajji, eko tālavaṇṭam gahetvā vīji, eko vīṇam vādayamāno gāyanto nisīdi.

So sayanupagamanena vigatakilamatho thokam niddāyitvā vuṭṭhito hatthapādanippīlanam asahamāno “ko me hatthapāde uppīleti, apagacchathā”ti tajjesi, te ekavacaneneva apagacchīmsu. Tato puna thokam niddāyitvā vuṭṭhito pādaparimajjanam asahamāno “ko me pāde parimajjati, apagacchā”ti āha, sopi ekavacaneneva apagacchi. Puna thokam niddāyitvā vuṭṭhito vātavuṭṭhim viya³ tālavaṇṭavātam asahanto “ko esa, apagacchatū”ti āha, sopi ekavacaneneva apagacchi. Puna thokam niddāyitvā vuṭṭhito kaṇṇasūlam viya gītavādītasaddam asahamāno vīṇāvādakam tajjesi, sopi ekavacaneneva apagacchi. Athevam anukkamena pahīnakilamathuppīlana parimajjana vātappahāra gītavādītasaddupaddavo sukham sayitvā vuṭṭhāya rañño santikam agamāsi. Rājāpissa mahantam issariyamadāsi, so mahājanassa avassayo jāto.

Tattha pānabyasanena pārijuññappatto so amaccaputto viya anekabyasanapārijuññappatto gharavāsagato kulaputto daṭṭhabbo, aṅgavijjāpāṭhako puriso viya Tathāgato, tassa purisassa “ayaṃ mahājanassa avassayo bhavissati, paṭijagganam arahatī”ti sannitṭhānam viya Tathāgatassa “ayaṃ mahājanassa avassayo bhavissati, pabbajjam arahati kulaputto”ti sannitṭhānakaraṇam.

1. Etha nam (Ka)

2. Paṭicchādetvā (Syā, Ka)

3. Vātavuṭṭhi viya (bahūsu)

Athassa amaccaputtassa mattikāmattena nhāpanaṃ viya kulaputtassāpi pabbajjāpaṭilābho, athassa thūlasāṭakanivāsaṃ viya imassāpi dasasikkhāpadasaṅkhātasīlavatthanivāsaṃ, puna tassa gandhodakanhāpanaṃ viya imassāpi pātīmokkhasaṃvarādisīlagandhodakanhāpanaṃ, puna tassa sukhumadukūlayugaḷacchādanaṃ viya imassāpi yathāvuttasīlavissuddhisampadāsaṅkhātadukūlacchādanaṃ.

Dukūlacchāditassa panassa pāsādāropanaṃ viya imassāpi sīlavissuddhidukūlacchāditassa samādhībhāvanāpāsādārohanaṃ¹, tato tassa subhojanabhūñjanaṃ viya imassāpi samādhī-upakārasatisampajaññādidhammāmataparibhūñjanaṃ.

Bhuttabhōjanassa pana tassa paricārakehi sayanāropanaṃ viya imassāpi vitakkādīhi upacārajjhānāropanaṃ, puna tassa pānāgāragamanapaṭibāhanatthaṃ hatthapāduppīlanakapurisacatukkaṃ viya imassāpi kāmasaññābhībhūmukhagamanapaṭibāhanatthaṃ ārammaṇe cittuppīlanako nekkhamavitakko, tassa pādaparimajjakapuriso viya imassāpi ārammaṇe cittānumajjanako vicāro, tassa tālavaṇṭavātadāyako viya imassāpi cetaso sītalabhāvadāyikā pīti.

Tassa sotānuggahakaro gandhabbapuriso viya imassāpi cittānuggāhakaṃ somanassaṃ, tassa sayanupagamanena vigatakilamathassa thokaṃ niddupagamanāṃ viya imassāpi upacārajjhānasannissayena viganīvaraṇakilamathassa paṭhamajjhānupagamanāṃ.

Athassa niddāyivā vuṭṭhitassa hatthapāduppīlanāsahanena hatthapāduppīlakānaṃ santajjanaṃ, tesaṅca apagamanena puna thokaṃ niddupagamanāṃ viya imassāpi paṭhamajjhānato vuṭṭhitassa cittuppīlakavitakkāsahanena vitakkadosadassanaṃ, vitakkappahānā ca puna avitakkavicāramattadutiyaajjhānupagamanāṃ.

Tato tassa punappunaṃ niddāyivā vuṭṭhitassa yathāvuttena kamena pādaparimajjanādīnaṃ asahanena paṭipāṭiyā pādaparimajakādīnaṃ santajjanaṃ, tesāṃ tesaṅca apagamanena punappunaṃ thokaṃ niddupagamanāṃ viya imassāpi punappunaṃ dutiyādīhi jhānehi vuṭṭhitassa yathāvuttadosānaṃ vicārādīnaṃ

1. ...pāsādāropanaṃ (Syā, Ka)

asahanena paṭipāṭiyā vicārādidosaḍḍaṇaṃ, tesāṃ tesaṅca pahānā punappunāṃ avitakka-avicāra nippītika pahīnasomanassajjhānupagamaṇaṃ.

Tassa pana sayanā vuṭṭhāya rañño santikaṃ gatassa issariyappatti viya imassāpi pañcakajjhānato vuṭṭhitassa vipassanāmaggaṃ upagatassa arahattappatti.

Tassa pattissariyassa bahūnaṃ janānaṃ avassayabhāvo viya imassāpi arahattappattassa bahūnaṃ avassayabhāvo veditabbo. Ettāvatā hi esa anuttaraṃ puññakkhettaṃ nāma hotīti.

Pañcakanayo niṭṭhito.

Ettāvatā catukkapañcakanayadvayabhedo suddhikanavako nāma pakāsito hoti. Atthato panesa pañcakanaye catukkanayassa pavīṭṭhattā jhānapañcako evāti veditabbo.

Paṭipadācatukka

176. 180. Idāni yasmā etaṃ jhānaṃ nāma paṭipadākameṇa sijjhati, tasmā tassa paṭipadābhedaṃ dassetuṃ “**puna katame dhammā kusala**”ti-ādi āraddhaṃ. Tattha dukkhā paṭipadā assāti **dukkhapaṭipadaṃ**. Dandhā abhiññā assāti **dandhābhiññaṃ**. Iti “dukkhapaṭipadaṇa”ti vā “dandhābhiññaṇa”ti vā “pathavīkasiṇaṇa”ti vā tīṇipi jhānasseva nāmāni. **Dukkhapaṭipadaṃ khippābhiññanti**-ādisupi eseṇa nayo.

Tattha paṭṭhamasamannāhārato paṭṭhāya yāva tassa tassa jhānassa upacāraṃ uppajjati, tāva pavattā jhānabhāvanā “paṭipadā”ti vuccati. Upacārato pana paṭṭhāya yāva appanā, tāva pavattā paññā “abhiññā”ti vuccati. Sā panesā paṭipadā ekaccassa dukkhā hoti, nīvaraṇādīpaccaṇīkadhammasamudācāragahaṇatāya kicchā, asukhasevanāti attho. Ekaccassa tadabhāvena sukhā. Abhiññāpi ekaccassa dandhā hoti mandā asīghappavatti¹, ekaccassa khippā amandhā sīghappavatti². Tasmā yo ādito kilese vikkhambhento dukkhena sasaṅkhārena sappayogena kilamanto

1. Asīghappavattinī (Sī)

2. Sīghappavattinī (Sī)

vikkhambheti, tassa dukkhā paṭipadā nāma hoti. Yo pana vikkhambhitakilesa appanāparivāsaṃ vasanto cirena aṅgapātubhāvaṃ pāpuṇāti, tassa dandhābhiññā nāma hoti. Yo khippaṃ aṅgapātubhāvaṃ pāpuṇāti, tassa khippābhiññā nāma hoti. Yo kilese vikkhambhento sukkena akilamanto vikkhambheti, tassa sukhā paṭipadā nāma hoti.

Tattha yāni sappāyāsappāyāni ca palibodhupacchedādāni pubbakiccāni ca appanākosallāni ca **Visuddhimagge**¹ Cittaḥāvanāniddese niddiṭṭhāni. Tesu yo asappāyasevī hoti, tassa dukkhā paṭipadā, dandhā ca abhiññā hoti, sappāyasevino sukhā paṭipadā, khippā ca abhiññā. Yo pana pubbabhāge asappāyaṃ sevitvā aparabhāge sappāyasevī hoti, pubbabhāge vā sappāyaṃ sevitvā aparabhāge asappāyasevī, tassa vomissakatā² veditabbā. Tathā palibodhupacchedādikaṃ pubbakiccaṃ asampādetvā bhāvanāṃ anuyuttassa dukkhā paṭipadā hoti, vipariyāyena sukhā. Appanākosallāni pana asampādentassa dandhā abhiññā hoti, sampādentassa khippā.

Apica taṇhā-avijjāvasena, samathavipassanākatādhikārasena cāpi etāsaṃ pabhedo veditabbo. Taṇhābhibhūtassa hi dukkhā paṭipadā hoti, anabhibhūtassa sukhā. Avijjābhibhūtassa ca dandhā abhiññā hoti, anabhibhūtassa khippā. Yo ca samathe akatādhikāro tassa dukkhā paṭipadā hoti, katādhikārasa sukhā. Yo pana vipassanāya akatādhikāro hoti, tassa dandhā abhiññā hoti, katādhikārasa khippā.

Kilesindriyavasena cāpi etāsaṃ pabhedo veditabbo. Tibbakilesassa hi mudindriyassa dukkhā paṭipadā hoti dandhā ca abhiññā, tikkhindriyassa pana khippā abhiññā. Mandakilesassa ca mudindriyassa sukhā paṭipadā hoti dandhā ca abhiññā, tikkhindriyassa pana khippā abhiññāti.

Iti imāsu paṭipadā-abhiññāsu yo puggalo dukkhāya paṭipadāya dandhāya abhiññāya jhānaṃ pāpuṇāti, tassa taṃ jhānaṃ “dukkhapaṭipadaṃ dandhābhiññān”ti vuccati. Sesesupi eseva nayo.

1. Visuddhi 1. 118 piṭṭhādīsu.

2. Vomissatā (Syā, Ka)

Tattha “tadanudhammatā sati santiṭṭhati, ṭhitibhāginī paññā”¹ti evaṃ vuttasatiyā vā taṃtaṃjhānanikantiyā vā vikkhambhane paṭipadā, taṃtaṃjhānupacārappattassa appanāya parivāse abhiññā ca veditabbā. Āgamanavasenāpi ca paṭipadā abhiññā hontiyeva. Dukkhaṭipadañhi dandhābhiññāṃ paṭhamajjhānaṃ patvā pavattaṃ dutiyampi tādisameva hoti. Tatiyacatutthesupi eseva nayo. Yathā ca catukkanaye, evaṃ pañcakanayepi paṭipadāvasena catudhā bhedo veditabbo. Iti paṭipadāvasenapi cattāro navakā vuttā honti. Tesu pāṭhato chattimsa cittāni, atthato pana pañcakanaye catukkanayassa paviṭṭhattā vīsatiṃeva bhavantīti.

Paṭipadācatukkaṃ.

Ārammaṇacatukka

181. Idāni yasmā etaṃ jhānaṃ nāma yathā paṭipadābhedenā, evaṃ ārammaṇabhedenāpi catubbidhaṃ hoti. Tasmāssa taṃ pabhedāṃ dassetuṃ puna “**katame dhammā kusalā**”ti-ādi āradhāṃ. Tattha **parittaṃ parittārammaṇanti**-ādīsu yaṃ appaṇaṃ hoti, uparijjhānassa paccayo bhavituṃ na sakkoti, idaṃ **parittaṃ** nāma. Yaṃ pana avaḍḍhite suppatte vā sarāvamatte vā ārammaṇe pavattaṃ, taṃ parittaṃ ārammaṇaṃ assāti **parittārammaṇaṃ**. Yaṃ paṇaṃ subhāvitaṃ, uparijjhānassa paccayo bhavituṃ sakkoti, idaṃ **appamāṇaṃ** nāma. Yaṃ vipule ārammaṇe pavattaṃ, taṃ vuḍḍhippamāṇattā appamāṇaṃ ārammaṇaṃ assāti **appamāṇārammaṇaṃ**. Vuttalakkhaṇavomissakatāya pana vomissakanayo veditabbo. Iti ārammaṇavasenapi cattāro navakā vuttā honti, cittagaṇanāpettha purimasadisā evāti.

Ārammaṇacatukkaṃ.

Ārammaṇapaṭipadāmissaka

186. Idāni ārammaṇapaṭipadāmissakaṃ soḷasakkhattukanayaṃ dassetuṃ puna “**katame dhammā kusalā**”ti-ādi āradhāṃ. Tattha paṭhamanaye

1. Abhi 2. 343 piṭṭhe.

vuttajjhānaṃ dukkhapaṭipadattā dandhābhiññattā parittattā
parittārammaṇattāti catūhi kāraṇehi **hīnaṃ**. Soḷasamanaye vuttajjhānaṃ
sukhapaṭipadattā khippābhiññattā appamāṇattā appamāṇārammaṇattāti
catūhi kāraṇehi **pañītaṃ**. Sesesu cuddasasu ekena, dvīhi, tīhi ca kāraṇehi
hīnappañātātā veditabbā.

Kasmā panāyaṃ nayo desitoti? Jhānuppattikāraṇattā.

Sammāsambuddhena hi pathavīkaṣiṇe suddhikajjhānaṃ catukkanayavasena,
pañcakanayavasena ca dassitaṃ, tathā suddhikapaṭipadā, tathā
suddhikārammaṇaṃ. Tattha yā devatā pathavīkaṣiṇe suddhikajjhānaṃ
catukkanayavasena desiyamānaṃ bujjhituṃ sakkonti, tāsāṃ sappāyavasena
suddhikajjhāne catukkanayo desito. Yā pañcakanayavasena desiyamānaṃ
bujjhituṃ sakkonti, tāsāṃ sappāyavasena pañcakanayo. Yā
suddhikapaṭipadāya suddhikārammaṇe catukkanayavasena desiyamānaṃ
bujjhituṃ sakkonti, tāsāṃ sappāyavasena suddhikapaṭipadāya
suddhikārammaṇe catukkanayo desito. Yā pañcakanayavasena desiyamānaṃ
bujjhituṃ sakkonti, tāsāṃ sappāyavasena pañcakanayo. Iti heṭṭhā
puggalajjhāsayavasena desanā katā.

Desanāvilāsappatto cesa pabhinnapaṭisambhido
dasabalacatuvesārajjavisaḍaṅṅaṇo dhammānaṃ yāthāvasarasalakkhaṇassa
suppaṭividdhattā dhammapaññattikusalatāya yo yo nayo labbhati, tassa tassa
vasena desanaṃ niyametuṃ sakkoti. Tasmā imāya desanāvilāsappattiyāpi
tena esā pathavīkaṣiṇe suddhikacatukkanayādivasena desanā katā.

Yasmā pana ye keci jhānaṃ uppādentī nāma, na te ārammaṇapaṭipadāhi
vinā uppādetuṃ sakkonti, tasmā niyamato jhānuppattikāraṇattā ayaṃ
soḷasakkhattukanayo kathito.

Ettāvatā suddhikanavako, cattāro paṭipadānavakā, cattāro
ārammaṇanavakā, ime ca soḷasa navakāti pañcavīsati navakā kathitā honti.
Tattha ekekasmim navake catukkapañcakavasena dve dve nayāti paññāsa
nayā. Tattha pañcavīsatiyā catukkanayesu sataṃ, pañcakanayesu
pañcavīsasatanti pāṭhato pañcavīsādhikāni dve jhānacittasatāni honti.
Pañcakanaye pana catukkanayassa pavīṭṭhattā atthato pañcavīsādhikameva

cittasatam hoti. Yāni cetāni pāṭhe pañcavīsādhikāni dve cittasatāni, tesu ekekassa niddese dhammavavattānādayo tayo tayo mahāvārā hontī, te pana tattha tattha nayamattameva dassetvā saṅkhittāti.

Pathavīkasiṇam.

203. Idāni yasmā āpokasiṇādīsupi etāni jhānāni uppajjanti, tasmā tesam dassanattham puna “**katame dhammā kusalā**”ti-ādi āraddham. Tesu sabbo Pāḷinayo ca atthavibhāvanā ca cittaḡaṇanā ca vārasaṅkhepo ca pathavīkasiṇe vuttanayeneva veditabbo. Bhāvanānayo pana kasiṇaparikkammaṃ ādim katvā sabbo **Visuddhimagge**¹ pakāsito yeva. **Mahāsakuludāyisutte** pana dasakasiṇāni² vuttāni. Tesu viññāṇakasiṇam ākāse pavattitamahaggataviññāṇampi tattha parikkammaṃ katvā nibbattā viññāṇaṅcāyatanasamāpattipi hotīti sabbappakārena āruppadesanameva bhajati. Tasmā imasmim ṭhāne na kathitam.

Ākāsakasiṇanti pana kasiṇugghāṭimamākāsampi tam ārammaṇam katvā pavattakkhandhāpi bhitticchiddādīsū aññatarasmim gahetabbanimitta³ paricchedākāsampi tam ārammaṇam katvā uppannam catukkapañcakajjhānampi vuccati. Tattha purimanayo āruppadesanam bhajati, pacchimanayo rūpāvacaradesanam. Iti missakattā imam rūpāvacaradesanam na āruḷham, paricchedākāse nibbattajjhānam pana rūpūpapattiyā maggo hoti, tasmā tam gahetabbam. Tasmim pana catukkapañcakajjhānameva uppajjati, arūpajjhānam nuppajjati. Kasmā? Kasiṇugghāṭanassa alābhato. Tañhi punappunam ugghāṭiyamānampi ākāsameva hotīti na tattha kasiṇugghāṭanam labbhati. Tasmā tathuppannam jhānam diṭṭhadhammasukhavihārāya samvattati, abhiññāpādakam hoti, vipassanāpādakam hoti, nirodhapādakam na hoti, anupubbanirodho panettha yāva pañcamajjhānā labbhati, vaṭṭapādakam hoti yeva. Yathā cetam, evam purimakasiṇesu uppannam jhānampi. Nirodhapādakabhāvo panettha viseso. Sesamettha ākāsakasiṇe yam vattabam siyā, tam sabbam **Visuddhimagge**⁴ vuttameva.

1. Visuddhi 1. 165 piṭṭhādīsū.

3. Gahetabbanimitte (Si)

2. Ma 2. 207 piṭṭhe.

4. Visuddhi 1. 169 piṭṭhe.

“Ekopi hutvā bahudhā hotī”ti-ādinayaṃ¹ pana vikubbanāṃ icchantena purimesu aṭṭhasu kaṣiṇesu aṭṭha samāpattiyo nibbattetvā kaṣiṇānulomato, kaṣiṇapaṭilomato, kaṣiṇānulomapaṭilomato, jhānānulomato, jhānapaṭilomato, jhānānulomapaṭilomato, jhānukkantikato, kaṣiṇukkantikato jhānakaṣiṇukkantikato, aṅgasaṅkantikato, ārammaṇasaṅkantikato, aṅgārammaṇasaṅkantikato, aṅgavavatthānato, ārammaṇavavatthānatoti imehi cuddasahākārehi cittaṃ paridametabbaṃ. Tesāṃ vitthārakathā **Visuddhimagge**² vuttāyeva.

Evam pana cuddasahākārehi cittaṃ aparidametvā pubbe abhāvitabhāvāno ādikammiko yogāvacaro iddhivikubbanāṃ sampādessatīti netāṃ ṭhānaṃ vijjati. Ādikammikassa hi kaṣiṇaparikkammampi bhāro, satesu sahasseṣu vā ekova sakkoti. Katakaṣiṇaparikkammassa nimittuppādanāṃ bhāro, satesu sahasseṣu vā ekova sakkoti. Uppanne nimitte taṃ vaḍḍhetvā appanādhigamo bhāro, satesu sahasseṣu vā ekova sakkoti. Adhigatappanassa cuddasahākārehi cittaparidamaṇāṃ bhāro, satesu sahasseṣu vā ekova sakkoti. Cuddasahākārehi paridamitacittassapi iddhivikubbanāṃ nāma bhāro, satesu sahasseṣu vā ekova khippanisanti hoti. Therambatthale **Mahārohanaguttattherassa** gilānupaṭṭhānaṃ āgatesu tiṃsamattesu iddhimantasahasseṣu upasampadāya aṭṭhavassiko **Rakkhitatthero** viya. Sabbaṃ vatthu **Visuddhimagge**³ vitthāritamevāti.

Kaṣiṇakathā.

Abhibhāyatanakathā

204. Evam aṭṭhasu kaṣiṇesu rūpāvacarakusalaṃ niddisitvā idāni yasmā samānēpi ārammaṇe bhāvanāya asamānaṃ⁴ imesu aṭṭhasu kaṣiṇesu aññampi abhibhāyatanaṣaṅkhātāṃ rūpāvacarakusalaṃ pavattati,

1. Dī 1. 74; Khu 9. 107 piṭṭhesu.

2. Visuddhi 2. 2 piṭṭhe.

3. Visuddhi 2. 4 piṭṭhe.

4. Asamānatāya (Sī), asamānattā (Syā)

tasmā taṃ dassetuṃ puna “**katame dhammā kusalā**”ti-ādi āradḍham. Tattha **ajjhataṃ arūpasāññī**ti alābhitāya vā anattikatāya vā ajjhatarūpe parikammasaṅgāvirahito. **Bahiddhā rūpāni passatī**ti bahiddhā aṭṭhasu kaṣiṇesu kataparikkammatāya parikkammavasena ceva appanāvasena ca tāni bahiddhā aṭṭhasu kaṣiṇesu rūpāni passati. **Parittānī**ti avaḍḍhitāni. **Tāni abhibhuyyā**ti yathā nāma sampannagahaṇiko kaṭacchumattaṃ bhattaṃ labhitvā “kiṃ ettha bhuñjitabbaṃ atthī”ti saṅkaḍḍhitvā ekakabaḷameva karoti, evameva nāṇuttariko puggalo visadaññaṇo “kimettha parittake ārammaṇe samāpajjitabbaṃ atthi, nāyaṃ mama bhāro”ti tāni rūpāni abhibhavitvā samāpajjati, saha nimittuppādenevettha appanaṃ nibbatteṭīti attho. “**Jānāmi passāmi**”ti iminā panassa pubbabhāgo kathito, **Āgamaṭṭhakathāsu** pana vuttaṃ “iminā panassa ābhogo kathito, so ca kho samāpattito vuṭṭhitassa, na antosamāpattiyā”ti¹.

Appamāṇānīti vaḍḍhitappamāṇāni. **Abhibhuyyā**ti ettha pana yathā mahagghaso puriso ekaṃ bhattavaḍḍhitakaṃ labhitvā “aññāpi hotu, kimesā mayhaṃ karissatī”ti taṃ na mahantato passati, evameva nāṇuttaro puggalo visadaññaṇo “kimettha samāpajjitabbaṃ, na idaṃ appamāṇaṃ, na mayhaṃ cittekkaggatākaraṇe bhāro atthī”ti tāni abhibhavitvā samāpajjati, saha nimittuppādenevettha appanaṃ nibbatteṭīti attho.

Parittaṃ parittārammaṇaṃ appamāṇaṃ parittārammaṇaṃ”ti idha “parittānī”ti āgatattā appamāṇārammaṇatā na gahitā, parato “appamāṇānī”ti āgatattā parittārammaṇatā. **Aṭṭhakathāyaṃ** pana vuttaṃ “imasmim̐ ṭhāne cattāri cattāri ārammaṇāni aggahetvā dve dveva gahitāni, kiṃ kāraṇā? Catūsu hi gahitesu desanā soḷasakkhattukā hoti, Satthārā ca heṭṭhā soḷasakkhattukā desanā kilañjamhi tile pattharantena viya vitthārato kathitā, tassa imasmim̐ ṭhāne aṭṭhakkhattukaṃ desanaṃ kātuṃ ajjhāsayo, tasmā dve dveveva gahitānīti veditabbānī”ti.

1. Am-Ṭṭha 3. 244 piṭṭhe.

Suvaṇṇadubbaṇṇānīti parisuddhāparisuddhavaṇṇāni. Parisuddhāni hi nīlādīni suvaṇṇāni, aparisuddhāni ca dubbaṇṇānī¹ idha adhippetāni. **Āgamatṭhakathāsu** pana “suvaṇṇāni vā hontu, dubbaṇṇāni vā, paritta-appamāṇavaseneva imāni abhibhāyatanāni desitānī”²ti² vuttaṃ. Imesu pana catūsu parittaṃ vitakkacaritavasena āgataṃ, appamāṇaṃ mohacaritavasena. Suvaṇṇaṃ dosacaritavasena, dubbaṇṇaṃ rāgacaritavasena. Etesañhi etāni sappāyāni, sā ca tesam sappāyatā vitthārato **Visuddhimagge**³ Cariyaniddese vuttā.

Kasmā pana yathā suttante “ajjhattaṃ rūpasaññī eko bahiddhā rūpāni passati parittānī”⁴ti-ādi⁴ vuttaṃ, evaṃ avatvā idha catūsupi abhibhāyatanesu ajjhattaṃ arūpasaññitāva vuttāti? Ajjhatarūpānaṃ anabhibhavanīyato. Tattha vā hi idha vā bahiddhārūpāneva abhibhavittabbāni. Tasmā tāni niyamato vattabbānīti tatrapi idhapi vuttāni. “Ajjhattaṃ arūpasaññī”⁴ti idam pana Satthu desanāvīlāsamattameva. Ayaṃ tāva catūsu abhibhāyatanesu apubbapadavaṇṇanā. Suddhikanayapaṭipadābhedo panettha pathavīkasiṇe vuttanayeneva ekekasmim abhibhāyatane veditabbo. Kevalañcetta ārammaṇacatukkaṃ ārammaṇadukaṃ hoti, soḷasakkhattukaṃ aṭṭhakkhattukaṃ. Sesam tādīsameva. Evamettha ekekasmim abhibhāyatane eko suddhikanavako, cattāro paṭipadānavakā, dve ārammaṇanavakā, ārammaṇapaṭipadāmissake aṭṭha navakāti pannarasa navakāti catūsupi abhibhāyatanesu samasaṭṭhi navakā veditabbā.

246. Pañcama-abhibhāyatanādīsu **nīlānī**ti sabbasaṅgāhikavasena vuttaṃ. **Nīlavaṇṇānī**ti vaṇṇavasena. **Nīlanidassanānī**ti nidassanavasena. Apaññāyamānavivarāni asambhinnavaṇṇāni ekanīlāneva hutvā dissantīti vuttaṃ hoti. **Nīlanibhāsānī**ti idam pana obhāsanavasena vuttaṃ, nīlobhāsāni nīlappabhāyuttānīti attho. Etena nesam suvisuddhataṃ dasseti. Suvisuddhavaṇṇavasena hi imāni cattāri abhibhāyatanāni vuttāni. **Pitānī**-ādīsipi imināva nayena attho veditabbo. “Nīlakasiṇaṃ uggaṇhanto nīlakasmim nimittaṃ gaṇhāti, pupphasmim vā vatthasmim vā vaṇṇadhātuyā

1. Nīlādīni aparisuddhāni ca suvaṇṇadubbaṇṇānīti (Ka)

2. Am-Ṭṭha 3. 243 piṭṭhe.

3. Visuddhi 1. 98 piṭṭhe.

4. Dī 2. 92; Ma 2. 205; Am 3. 125 piṭṭhesu.

vā”ti-ādikaṃ panettha kaṣiṇakaraṇaṅca parikammaṅca appanāvidhānaṅca sabbaṃ **Visuddhimagge**¹ vitthārato vuttameva. Yathā ca pathavīkaṣiṇe, evamettha ekekasmim abhibhāyatane pañcavīsati pañcavīsati navakā veditabbā.

Abhibhāyatanakathā.

Vimokkhakathā

248. Idāni yasmā idaṃ rūpāvacarakusalaṃ nāma na kevalaṃ ārammaṇasaṅkhātānaṃ āyatanānaṃ abhibhavanato abhibhāyatanavaseneva uppajjati, atha kho vimokkhavasenapi uppajjati, tasmā tampi nayaṃ dassetuṃ puna “**katame dhammā kusalā**”ti-ādi āraddhaṃ.

Kenatṭhena pana vimokkho veditabboti? Adhimuccanaṭṭhena. Ko ayaṃ adhimuccanaṭṭho nāma? Paccanīkadhammehi ca suṭṭhu vimuccanaṭṭho, ārammaṇe ca abhirativasena suṭṭhu vimuccanaṭṭho² pitu-aṅke viassaṭṭha-aṅgapaccaṅgassa dāraḥkassa sayanaṃ viya aniggahitabhāvena nirāsaṅkatāya ārammaṇe pavattīti vuttaṃ hoti. Evaṃlakkhaṇaṅhi vimokkhabhāvappattam rūpāvacarakusalaṃ dassetuṃ ayaṃ nayo āraddho.

Tattha rūpīti ajjhattaṃ kesādīsū uppāditaṃ rūpajjhānaṃ rūpaṃ, tadassatthīti rūpī. Ajjhattaṅhi nīlaparikammaṃ karonto kese vā pitte vā akkhitarākāya vā karoti. Pītaparikammaṃ karonto mede vā chaviyā vā akkhīnaṃ pītaṭṭhāne vā karoti. Lohitaparikammaṃ karonto maṅse vā lohite vā jivhāya vā hatthatalapādālesu vā akkhīnaṃ rattaṭṭhāne vā karoti. Odātaparikammaṃ karonto aṭṭhimhi vā dante vā nakhe vā akkhīnaṃ setaṭṭhāne vā karonti. Evaṃ parikammaṃ katvā uppannajjhānasamaṅginaṃ sandhāyetaṃ vuttaṃ. **Rūpāni passatīti** bahiddhāpi nīlakaṣiṇādirūpāni jhānacakkhunā passati. Iminā ajjhattabahiddhāvattukesu kaṣiṇesu jhānapaṭilābho dassito.

1. Visuddhi 1. 167 piṭṭhe.

2. Adhimuccanaṭṭho (Sī)

Ajjhattaṃ arūpasaññīti ajjhattaṃ na rūpasaññī, attano kesādīsu anuppāditarūpāvacarajjhānoti attho. Iminā bahiddhā parikammaṃ katvā bahiddhāva paṭiladdhajjhānatā dassitā.

“**Subhan**”ti iminā suvisuddhesu nīlādīsu vaṇṇakasiṇesu jhānāni dassitāni. Tattha kiñcāpi anto-appanāya ‘subhan’ti ābhogo natthi, yo pana suvisuddhaṃ subhakasiṇaṃ ārammaṇaṃ katvā viharati, so yasmā subhanti -pa- paṭhamam jhānaṃ upasampajja viharati. Tathā dutiyādīni. Tasmā evaṃ desanā katā. **Paṭisambhidāmagge** pana “kathaṃ ‘subhan’ tveva adhimutto hotīti vimokkho? Idha bhikkhu mettāsahagatena cetasā ekaṃ disaṃ -pa- viharati, mettāya bhāvitattā sattā appaṭikūlā honti. Karuṇā, muditā, upekkhāsahagatena cetasā ekaṃ disaṃ -pa- viharati, upekkhāya bhāvitattā sattā appaṭikūlā honti. Evaṃ ‘subhan’ tveva adhimutto hotīti vimokkho”ti¹ vuttaṃ. Idha pana upari Pāḷiyamiyeva brahmavihārānaṃ āgatattā taṃ nayaṃ paṭikkhipitvā sunīlaka supītakasulohitaka su-odātaka parisuddhanīlaka parisuddhapīṭaka parisuddhalohitaka parisuddha-odātakavaseneva subhavamokkho anuññāto. Iti “kasiṇaṃ”ti vā “abhibhāyatanan”ti vā “vimokkho”ti vā rūpāvacarajjhānameva. Tañhi ārammaṇassa sakalaṭṭhena **kasiṇaṃ** nāma, ārammaṇaṃ abhibhavanaṭṭhena **abhibhāyatanam** nāma, ārammaṇe adhimuccanaṭṭhena, paccanīkadhammehi ca vimuccanaṭṭhena **vimokkho** nāmāti vuttaṃ. Tattha kasiṇadesanā abhidhammasena, itarā pana suttantadesanāvasena vuttāti veditabbā. Ayamettha apubbapadavaṇṇanā. Ekekasmim pana vimokkhe pathavīkasiṇe viya pañcavīsati pañcavīsati katvā pañcasattati navakā veditabbā.

Vimokkhakathā.

Brahmavihārakathā

251. Idāni mettādibrahmavihārasena pavattamānaṃ rūpāvacakusalaṃ dassetuṃ puna “**katame dhammā kusalā**”ti-ādi āraddhaṃ. Tattha

1. Khu 9. 235 piṭhe.

mettāsahagatanti mettāya samannāgataṃ. Parato karuṇāsahagatādīsupi eseva nayo. Yena panesa vidhānena paṭipanno mettādisahagatāni jhānāni upasampajja viharati, taṃ mettādīnaṃ bhāvanāvīdhānaṃ sabbam **Visuddhimagge**¹ vitthāritameva, avasesāya Pāḷiyā attho pathavīkaṣiṇe vuttanayeneva vedītabbo.

Kevalaṅhi pathavīkaṣiṇe pañcavīsati navakā, idha purimāsu tīsu tikacatukkajjhānikavasena pañcavīsati sattakā. Upekkhāya catutthajjhānavasena pañcavīsati ekakā. Karuṇāmuditāsu ca chandādihi catūhi saddhiṃ karuṇāmuditāti imepi yevāpanakā labbhanti. Dukkhaṭṭhāpadādibhāvo cettha mettāya tāva byāpādavikkhambhanavasena, karuṇāya vihiṃsāvikkhambhanavasena, muditāya arativikkhambhanavasena, upekkhāya rāgaṭṭhāvikkhambhanavasena vedītabbo. Parittārammaṇatā pana nabhusattārammaṇavasena, appamāṇārammaṇatā bahusattārammaṇavasena hotīti ayaṃ viśeso. Sesarī tādīsameva.

Evam tāva Pāḷivaseneva-

* Brahmuttamena kathite, brahmavīhāre ime itī viditvā.
Bhiyyo etesu ayaṃ, pakiṇṇakakathāpi viññeyyā.

Etāsu hi mettākaruṇāmuditā-upekkhāsu atthato tāva mejjati **mettā**, sinīyatīti attho. Mitte vā bhavā, mittassa vā esā pavattīti **mettā**. Paradukkhe sati sādhuṇaṃ hadayakampanaṃ karotīti **karuṇā**, kiṇāti vā paradukkhaṃ hiṃsati vināsetīti **karuṇā**, kariyati dukkhitesu pharaṇavasena pasārīyatīti **karuṇā**. Modanti tāya taṃsamaṅgino, sayam vā modati, modanamattameva vā tanti **muditā**. “Averā hontū”ti-ādibyāpārappahānena², majjhattabhāvūpagamanena ca upekkhatīti **upekkhā**.

Lakkhaṇādito panettha hitākārappavattīlakkhaṇā **mettā**, hitūpasamhārasā, āghātavīnayaṭṭhānā, sattānaṃ manāpabhāvadassanapaṭṭhānā. Byāpādūpasamo etissā sampatti, sinehasambhavo vipatti. Dukkhaṇāyanākārappavattīlakkhaṇā **karuṇā**, paradukkhasāhanarasā,

1. Visuddhi 1. 287 piṭṭhādīsū.

* Visuddhi 1. 311 piṭṭhepi.

2. ...byāpādappahānena (S)

avihimsāpaccupaṭṭhānā, dukkhābhibhūtānaṃ anāthabhāvadassanapadaṭṭhānā. Vihimsūpasamo tassā sampatti, sokasambhavo vipatti. Sattesu pamodanalakkhaṇā **muditā**, anissāyanarasā, arativighātapaccupaṭṭhānā, sattānaṃ sampattidassanapadaṭṭhānā. Arativūpasamo tassā sampatti, pahāsasambhavo vipatti. Sattesu majjhattākārappavattilakkhaṇā **upekkhā**, sattu samabhāvadassanarasā, paṭighānunayavūpasamapaccupaṭṭhānā, “kammassakā sattā, te kassa ruciyā sukhitā vā bhavissanti, dukkhato vā muccissanti, pattasampattito vā na parihāyissanti”ti evaṃ pavattakammassakatādassanapadaṭṭhānā. Paṭighānunayavūpasamo tassā sampatti, gehassitāya aññāṇupekkhāya sambhavo vipatti.

Catunnampi panetesāṃ brahmavihārānaṃ vipassanāsukhañceva bhavasampatti ca **sādhāraṇappayojanaṃ**, byāpādādiṭṭhāto **āveṇikam**. Byāpādapaṭighātapayojanā hettha mettā, vihimśā-aratirāgapaṭighātapayojanā itarā. Vuttampi cetāṃ—

“Nissaraṇañhetāṃ āvuso byāpādassa, yadidaṃ mettācetovimutti. Nissaraṇañhetāṃ āvuso vihesāya, yadidaṃ karuṇācetovimutti. Nissaraṇañhetāṃ āvuso aratīyā, yadidaṃ muditācetovimutti. Nissaraṇañhetāṃ āvuso rāgassa, yaditāṃ upekkhācetovimutti”ti¹.

Ekamekassa cettha āsannadūravasena **dve dve paccatthikā**. **Mettābrahmavihārassa** hi samīpacāro viya purisassa sapatto guṇadassanasabhāgatāya rāgo āsannapaccatthiko, so lahuṃ otāraṃ labhati, tasmā tato suṭṭhu mettā rakkhitabbā. Pabbatādigahananissito viya purisassa sapatto sabhāvavisabhāgatāya² byāpādo dūrapaccatthiko, tasmā tato nibbhayena mettāyitabbaṃ. Mettāyissati ca nāma kopañca karissatīti aṭṭhānametaṃ.

Karuṇābrahmavihārassa “cakkhuviññeyyānaṃ rūpānaṃ iṭṭhānaṃ kantānaṃ manāpānaṃ manoramānaṃ lokāmisapaṭisaṃyuttānaṃ appaṭilābhaṃ vā appaṭilābhato samanupassato pubbe vā paṭiladdhapubbaṃ atītaṃ niruddhaṃ vipariṇataṃ

1. Dī 3. 205; Aṃ 2. 257 piṭṭhādīsu.

2. Sabhāgavisabhāgatāya (Sī), Visuddhi 1. 312 piṭṭhepi.

samanussarato uppajjati domanassam. Yam evarūpaṃ domanassam, idaṃ vuccati gehassitaṃ domanassan”ti-ādinā¹ nayena āgataṃ gehassitaṃ domanassam vipattidasanasabhāgatāya āsannapaccatthikam, sabhāvavisabhāgatāya² vihesā dūrapaccatthikā, tasmā tato nibbhayena karuṇāyitabbaṃ. Karuṇāca nāma karissati, paṇi-ādīhi ca vihesissatīti aṭṭhānametaṃ.

Muditābrahmavihārassa “cakkhuviññeyyānaṃ rūpānaṃ iṭṭhānaṃ kantānaṃ manāpānaṃ manoramānaṃ lokāmisapaṭisaṃhyuttānaṃ paṭilābhaṃ vā paṭilābhato samanupassato, pubbe vā paṭiladdhapubbaṃ atītaṃ niruddhaṃ vipariṇataṃ samanussarato uppajjati somanassam. Yam evarūpaṃ somanassam, idaṃ vuccati gehassitaṃ somanassan”ti-ādinā¹ nayena āgataṃ gehassitaṃ somanassam sampattidasanasabhāgatāya āsannapaccatthikam, sabhāvavisabhāgatāya² arati dūrapaccatthikā, tasmā tato nibbhayena muditā bhāvetabbā. Pamudito ca nāma bhavissati, pantasenāsanesu ca adhikusaladhammesu ca ukkaṇṭhissatīti aṭṭhānametaṃ.

Upekkhābrahmavihārassa pana “cakkhunā rūpaṃ disvā uppajjati upekkhā bālassa mūlhassa puthujjanassa anodhijjinassa avipākajinassa anādīnavadassāvino assutavato puthujjanassa. Yā evarūpā upekkhā, rūpaṃ sā nātivattati, tasmā sā upekkhā gehassitāti vuccati”ti-ādinā³ nayena āgatā gehassitā aññāṇupekkhā dosaguṇānaṃ avicāraṇavasena sabhāgattā āsannapaccatthikā, sabhāvavisabhāgatāya rāgapaṭighā dūrapaccatthikā, tasmā tato nibbhayena upekkhitabbaṃ. Upekkhissati ca nāma rajjissati ca paṭihaññissati cāti aṭṭhānametaṃ.

Sabbesampi ca etesaṃ kattukāmatāchando **ādi**, nīvaraṇādivikkhambhanaṃ **majjham**, appanā **pariyosānaṃ**. Paññattidhamavasena eko vā satto anekā vā sattā **ārammaṇam**, upacāre vā appanāya vā pattāya ārammaṇavaḍḍhunaṃ.

Tatrāyaṃ vaḍḍhanakkamo—yathā hi kusalo kassako kasitabbaṭṭhānaṃ paricchinditvā kasati, evaṃ paṭhamameva ekaṃ āvāsam paricchinditvā tattha sattesu “imasmiṃ āvāse sattā averā hontū”ti-ādinā nayena mettā bhāvetabbā. Tattha cittaṃ mudum kammaniyaṃ katvā dve āvāsā

1. Ma 3. 260 piṭṭhe.

2. Sabhāgavisabhāgatāya (Sī)

3. Ma 3. 261 piṭṭhe.

paricchinditabbā. Tato anukkamena tayo, cattāro, pañca, cha, satta, aṭṭha, nava, dasa, ekā racchā, upaḍḍhagāmo, gāmo, janapado, rajjam, ekā disāti evaṃ yāva ekaṃ cakkavāḷam, tato vā pana bhiyyo tattha tattha sattesu mettā bhāvetabbā. Tathā karuṇādayoti ayamettha ārammaṇavaḍḍhanakkamo.

Yathā pana kasiṇānaṃ nissando āruppā, samādhīnaṃ nissando nevasaññānāsaññāyatanaṃ, vipassanānaṃ nissando phalasaṃpatti, samathavipassanānaṃ nissando nirodhasaṃpatti, evaṃ purimabrahmavihārattayassa nissando ettha upekkhābrahmavihāro. Yathā hi thambhe anussāpetvā tulāsaṅghātaṃ anāropetvā na sakkā ākāse kūṭagopānasiyo ṭhapetuṃ, evaṃ purimesu tatiyajjhānaṃ vinā na sakkā catutthaṃ bhāvetuṃ, kasiṇesu pana uppannatatiyajjhānaṃ¹ nuppajjati visabhāgārammaṇattāti.

Ettha siyā² “kasmā panetā mettā karuṇā muditā upekkhā ‘brahmavihārā’ti vuccanti, kasmā ca catassova, ko ca etāsaṃ kamo, Vibhaṅge ca kasmā ‘appamaññā’ti vuttā”ti. Vuccate, seṭṭhaṭṭhena, tāva niddosabhāvena cettha **brahmavihāratā** veditabbā. Sattesu sammāpaṭipattibhāvena hi seṭṭhā ete vihārā. Yathā ca brahmāno niddosacittā viharanti, evaṃ etehi sampayuttā yogino brahmasamāva hutvā viharantīti seṭṭhaṭṭhena niddosabhāvena ca “brahmavihārā”ti vuccanti.

Kasmā ca catassoti-ādipañhassa pana idaṃ vissajjanaṃ—

* Visuddhimaggādivasā catasso,

Hitādi-ākārasā panāsaṃ.

Kamo pavattanti ca appamaṅge,

Tā gocarē yena tadappamaññā.

Etāsu hi yasmā mettā byāpādabahulassa, karuṇā vihimsābahulassa muditā aratibahulassa, upekkhā rāgabahulassa visuddhimaggo, yasmā ca hitūpasamhāra-ahitāpanayanasaṃpattimodana-anābhogavasena catubbidhoyeva sattesu manasikāro, yasmā ca yathā mātā

1. Uppannatatiyajjhānaṃ nissāyapesā (Ka)

2. Tattha siyā (Syā, Ka)

* Visuddhi 1. 314 piṭṭhepi.

daharagilānayobbanappattasakiccapasutesu catūsu puttesu daharassa abhivuḍḍhikāmā hoti, gilānassa gelaññāpanayanakāmā, yobbanappattassa yobbanasampattiyā ciraṭṭhitikāmā, sakiccapasutassa kismiñcipi pariyāye abyāvaṭā hoti, tathā appamaññāvihārikenāpi sabbasattesu mettādivasena bhavitabbaṃ, tasmā ito visuddhimaggādivasā catassova appamaññā.

Yasmā pana catassopetā bhāvetukāmena paṭhamam hitākārappavattivasena sattesu paṭipajjitabbaṃ, hitākārappavattilakkhaṇā ca mettā, tato evaṃ patthitahitānaṃ sattānaṃ dukkhābhāvabhavaṃ disvā vā sutvā vā sambhāvetvā vā dukkhāpanayanākārappavattivasena, dukkhāpanayanākārappavattilakkhaṇā ca karuṇā. Athevaṃ patthitahitānaṃ, patthitadukkhāpagamānañca nesam sampattiṃ disvā sampattippamodanavasena, pamodanalakkhaṇā ca muditā. Tato param pana¹ kattabbābhāvato ajjupekkhakatāsañkhātena majjhattākārena paṭipajjitabbaṃ, majjhattākārappavattilakkhaṇā ca upekkhā. Tasmā ito hitādi-ākāravasā panāsam paṭhamam mettā vuttā, atha “karuṇā muditā upekkhā”ti ayam **kamo** veditabbo.

Yasmā pana sabbāpetā appamāṇe gocare pavattanti, tasmā “**appamaññā**”ti vuccanti. Appamāṇā hi sattā etāsam gocarabhūtā, ekasattasāpi ca ettake padese mettādayo bhāvetabbāti evaṃ pamāṇam aggahevā sakalapharaṇavaseneva pavattāti. Tena vuttam—

“Visuddhimaggādivasā catasso,
Hitādi-ākāravasā panāsam.
Kamo pavattanti ca appamāṇe,
Tā gocare yena tadappamaññā”ti.

Evaṃ appamāṇagocaratāya ekalakkhaṇāsu cāpi etāsu purimā tisso tikacatukkajjhānikāva honti. Kasmā? Somanassāvippayogato. Kasmā panāsam somanassena avippayogoti?

domanassasamuṭṭhitānaṃ byāpādādīnaṃ nissaraṇattā. Pacchimā pana avasesekajjhānikāva. Kasmā? Upekkhāvedanāsampayogato. Na hi sattesu majjhattākārappavattā brahmavihārupekkhā upekkhāvedanaṃ vinā vattatīti.

Brahmavihāarakathā.

Asubhakathā

263. Idāni rāgacaritasattānaṃ ekantahitaṃ nānārammaṇesu ekekajjhānavaseneva pavattamānaṃ rūpāvacarakusalaṃ dassetuṃ puna “**katame dhammā kusalā**”ti-ādi āraddhaṃ.

Tattha **uddhumātakasaññāsahagatanti**-ādīsu bhastā viya vāyunā uddham jīvitapariyādānā yathānukkamaṃ samuggatena sūnabhāvena dhumātattā uddhumātāṃ, uddhumātameva **uddhumātakaṃ**. Paṭikkūlattā vā kucchitaṃ uddhumātanti uddhumātakaṃ, tathārūpassa chavasarīrassetam adhivacanaṃ. Vinīlaṃ vuccati viparibhinnanīlavaṇṇaṃ, vinīlameva **vinīlakaṃ**. Paṭikkūlattā vā kucchitaṃ vinīlanti vinīlakaṃ, maṃsussadaṭṭhānesu rattavaṇṇassa, pubbasannicayaṭṭhānesu setavaṇṇassa, yebhuyyena ca nīlavaṇṇassa nīlaṭṭhāne nīlasātakapārutasseva chavasarīrassetam adhivacanaṃ. Paribhinnaṭṭhānesu vissandamānaṃ pubbaṃ vipubbaṃ, vipubbameva **vipubbakaṃ**. Paṭikkūlattā vā kucchitaṃ vipubbanti vipubbakaṃ, tathārūpassa chavasarīrassetam adhivacanaṃ. Vicchiddam vuccati dvidhā chindanena apadhāritam¹, vicchiddameva **vicchiddakaṃ**. Paṭikkūlattā vā kucchitaṃ vicchiddanti vicchiddakaṃ, vemajjhe chinnassa chavasarīrassetam adhivacanaṃ. Ito ca etto ca vividhākārena soṇasiṅgālādīhi khāyitaṃ vikkhāyitaṃ, vikkhāyitameva **vikkhāyitakaṃ**. Paṭikkūlattā vā kucchitaṃ vikkhāyitanti vikkhāyitakaṃ, tathārūpassa chavasarīrassetam adhivacanaṃ. Vividhā khittaṃ vikkhittaṃ, vikkhittameva **vikkhittakaṃ**. Paṭikkūlattā vā kucchitaṃ vikkhittanti vikkhittakaṃ, aññena hatthaṃ aññena pādaṃ aññena sīsanti evaṃ tato tato khittassa chavasarīrassetam adhivacanaṃ. Hatañca taṃ purimanayeneva vikkhittakañcāti **hata vikkhittakaṃ**, kākapadākārena aṅgapaccaṅgesu satthena hanitvā vuttanayena vikkhittakassa

1. Apavāritaṃ (Sī), avamāritaṃ (Syā), Visuddhi 1. 173 piṭṭhe passitabbaṃ.

chavasarīrassetaṃ adhivacanaṃ. Lohitaṃ kirati vikkhipati ito cito ca paggharatīti **lohitakaṃ**, paggharitalohitamakkhitassa chavasarīrassetaṃ adhivacanaṃ. Puḷavā¹ vuccanti kimayo, puḷave² vikiratīti **puḷavakaṃ**, kimiparipuṇṇassa chavasarīrassetaṃ adhivacanaṃ. Aṭṭhiyeva **aṭṭhikaṃ**. Paṭikkūlattā vā kucchitaṃ aṭṭhīti aṭṭhikaṃ, aṭṭhisāṅkhalikāyapi ekaṭṭhikassapi etaṃ adhivacanaṃ. Imāni ca pana uddhumātakādīni nissāya uppannanimittānampi nimittesu paṭiladdhajjhānānampi etāneva nāmāni.

Tattha uddhumātakanimittē appanāvasena uppannā saññā uddhumātakasaññā, tāya uddhumātakasaññāya sampayogaṭṭhena sahaḡataṃ **uddhumātakasaññāsahagataṃ**. **Vinīlakasaññāsahagatā**disupi eseva nayo. Yaṃ panettha bhāvanāvidhānaṃ vattabbaṃ bhaveyya, taṃ sabbākārena **Visuddhimagge**³ vuttameva. Avasesā Pāḷivaṇṇanā heṭṭhā vuttanayeneva veditabbā. Kevalaṅhi idha catutthajjhānavasena upekkhābrahmavihāre viya paṭhamajjhānavasena ekekasmim pañcavīsati ekakā honti. Asubhārammaṇassa ca avaḍḍhanīyattā paritte uddhumātakatṭhāne uppannanimittārammaṇaṃ **parittārammaṇaṃ**, mahante **appamāṇārammaṇaṃ** veditabbaṃ. Sesesupi eseva nayoti.

* Iti asubhāni subhagūṇo,
Dasasatalocanena thutakitti.
Yāni avoca dasabalo,
Ekekajjhānahetūni.

Evaṃ Pāḷinayeneva, tāva sabbāni tāni jānitvā.
Tesveva ayaṃ bhiyyo, pakiṇṇakakathāpi viññeyyā.

Etesu hi yattha katthaci adhigatajjhāno suvikkhambhitarāgattā vītarāgo viya nilloluppacāro hoti. Evaṃ santepi yvāyaṃ asubhabhedo vutto, so sarīrasabhāvappattivasena ca rāgacaritabhedavasena cāti veditabbo.

Chavasarīraṅhi paṭikkūlabhāvaṃ āpajjamānaṃ, uddhumātakasabhāvappattaṃ vā siyā, vinīlakādīnaṃ vā aññatarasabhāvappattaṃ. Iti yādisaṃ yādisaṃ

1. Puḷuvā (Ka)

3. Visuddhi 1. 174 piṭṭhādīsu.

2. Puḷavehi (Syā), puḷuvehi (Ka)

* Visuddhi 1. 187 piṭṭhepi.

sakkā hoti laddhum, tādise tādise uddhumātakapaṭikkūlaṃ
vinīlakapaṭikkūlanti¹ evaṃ nimittaṃ gaṇhitabbamevāti
sarīrasabhāvappattivāsena dasadhā asubhappabhedo vuttoti veditabbo.

Visesato cettha uddhumātakam sarīrasaṅghānavipattippakāsanato
sarīrasaṅghānarāgino sappāyam, vinīlakam chavirāgavipattippakāsanato
sarīravaṇṇarāgino sappāyam, vipubbakam kāyavaṇṇapaṭibaddhassa
duggandhabhāvassa pakāsanato mālāgandhādivāsena
samuṭṭhāpitarāgandharāgino sappāyam, vicchiddakam
antosusirabhāvappakāsanato sarīre ghanabhāvarāgino sappāyam,
vikkhāyitakam maṃsūpacayasampattivināsappakāsanato thanādisu
sarīrappadesesu maṃsūpacayarāgino sappāyam, vikkhittakam
aṅgapaccaṅgānam vikkhepappakāsanato aṅgapaccaṅgalīlārāgino sappāyam,
hatavikkhittakam sarīrasaṅghātabhedavikārappakāsanato
sarīrasaṅghātasampattirāgino sappāyam, lohitakam
lohitamakkhitapaṭikkūlabhāvappakāsanato alaṅkārajanitasobharāgino
sappāyam, puḷavakam kāyassa anekakimikulasādharaṇabhāvappakāsanato
kāye mamattarāgino sappāyam, aṭṭhikam sarīraṭṭhīnam
paṭikkūlabhāvappakāsanato dantasampattirāgino sappāyanti evaṃ
rāgacaritavasenāpi dasadhā asubhappabhedo vuttoti veditabbo.

Yasmā pana dasavidhepi etasmim asubhe seyyathāpi nāma
aparisaṅghitajalāya sīghasotāya nadiyā arittabaleneva nāvā tiṭṭhati, vinā
arittena na sakkā ṭhapetum, evameva dubbalattā ārammaṇassa
vitakkabaleneva cittaṃ ekaggaṃ hutvā tiṭṭhati, vinā vitakkena na sakkā
ṭhapetum. Tasmā paṭhamajjhānamevettha hoti, na dutiyādīni. Paṭikkūlepi
cetasmim ārammaṇe “addhā imāya paṭipadāya jarāmarañamhā
parimuccissāmī”ti evaṃ ānisaṃsadassāvītāya ceva
nīvaraṇasantāpappahānena ca pītisomanassam uppajjati, “bhum dāni
vetanam labhissāmī”ti ānisaṃsadassāvino pupphachaddakassa gūtharāsīmhi
viya, ussannabyādhidukkhassa² roginō vamanavirecanappavattiyam viya ca.

Dasavidhampi cetam asubham lakkhaṇato ekameva hoti, dasavidhassapi
hi etassa asuciduggandhajegucchapaṭikkūlabhāvo eva lakkhaṇam. Tadetam

1. Uddhumātakam paṭikkūlam, vinīlakam paṭikkūlanti (Syā)

2. Upasantabyādhidukkhassa (Sī, Ka)

iminā lakkhaṇena na kevalaṃ matasarīreyeva, dantaṭṭhikadassāvino pana Cetiyaḥpabbatavāsino * **Mahātissattherassa** viya, hatthikkhandhagataṃ rājānaṃ ullokentassa **Saṃgharakkhitattherupaṭṭhākasāmaṇerassa** viya ca jīvamānakasarīrepi upaṭṭhāti. Yatheva hi matasarīraṃ, evaṃ jīvamānakampi asubhameva. Asubhalakkhaṇaṃ panettha āgantukena alaṅkārena paṭicchannattā na paññāyatīti.

Asubhakathā.

Kim pana pathavīkaṣiṇaṃ ādiṃ katvā aṭṭhikasaññāpariyosānāvesā rūpāvacarappanā, udāhu aññāpi atthīti? Atthi, ānāpānjjhānaṃ hi¹ kāyagatāsati bhāvanā ca idha na kathitā². Kiñcāpi na kathitā, vāyokaṣiṇe pana gahite ānāpānjjhānaṃ gahitameva, vaṇṇakaṣiṇesu ca gahitesu kesādīsu catukkapañcakaṣiṇāvasena uppannā kāyagatāsati, dasasu asubhesu gahitesu dvattimsākāre paṭikkūlamanasikārajjhānaḥvasena ceva navasivathikāvaṇṇājjhānaḥvasena ca pavattā kāyagatāsati gahitāvāti sabbāpi rūpāvacarappanā idha kathitāya hotīti.

Rūpāvacarakusalakathā niṭṭhitā.

Arūpāvacarakusalavaṇṇanā

Ākāsānañcāyatana

265. Idāni arūpāvacarakusalaṃ dassetuṃ puna “**katame dhammā kusalā**”ti-ādi āradḍhaṃ, tattha **arūpūpapattiyā**ti arūpabhavo arūpaṃ, arūpe upapatti arūpūpapatti, tassā arūpūpapattiyā. **Maggā bhāvetīti** upāyaṃ hetuṃ kāraṇaṃ uppādeti vadḍheti. **Sabbasoti** sabbākārena, sabbāsaṃ vā anavasesānanti attho. **Rūpasaññānanti** saññāsīsena vuttarūpāvacarajjhānañceva tadārammaṇānañca. Rūpāvacarajjhānampi hi “rūpan”ti vuccati “rūpī rūpāni passatī”ti-ādīsu³, tassa ārammaṇampi “bahiddhā rūpāni passati suvaṇṇadubbaṇṇānī”ti-ādīsu⁴. Tasmā idha “rūpe saññā rūpasaññā”ti evaṃ

* Visuddhi 1. 20 piṭṭhe vitthāro.

2. Kasmā idha na kathitāti (Ka)

4. Abhi 1. 64; Dī 2. 92 piṭṭhesu.

1. Ānāpānjjhānañca (Syā, Ka)

3. Abhi 1. 65; Dī 2. 60 piṭṭhesu.

saññāsīsenā vuttarūpāvacaṛajjhānassetam¹ adhivacanam. Rūpam saññā assāti **rūpasaññam**, rūpamassa nāmantī vuttam hoti. Evam pathavīkasiṇḍibhedassa tadārammaṇassa cetam adhivacananti veditabbam.

Samatikkamāti virāgā, nirodhā ca. Kim vuttam hoti—etāsam kusalavipākakiriyavasena pañcadasannam jhānasankhātānam rūpasaññānam etesaṅca pathavīkasiṇḍivasena aṭṭhannam ārammaṇasankhātānam rūpasaññānam sabbākārena, anavasesānam vā virāgā ca nirodhā ca virāgahetu ceva nirodhahetu ca² ākāsānañcāyatanam upasampajja viharati. Na hi sakkā sabbaso anatikkantarūpasaññena etam upasampajja viharitunti.

Tattha yasmā ārammaṇe avirattassa saññāsamatikkamo na hoti, samatikkantāsu ca saññāsu ārammaṇam samatikkantameva hoti, tasmā ārammaṇasamatikkamam avatvā “tattha katamā rūpasaññā? Rūpāvacaṛasamāpattim samāpannassa vā upapannassa vā diṭṭhadhammasukhavihāriṣṣa vā saññā sañjānanā sañjānitattam, imā vuccanti rūpasaññāyo. Imā rūpasaññāyo atikkanto hoti vītikkanto samatikkanto, tena vuccati ‘sabbaso rūpasaññānam samatikkamā’³ti”³ evam **Vibhaṅge** saññānamyeva samatikkamo vutto. Yasmā pana ārammaṇasamatikkamena pattabbā etā samāpattiyo, na ekasmimyeva ārammaṇe paṭhamajjhānādīni viya, tasmā ayam ārammaṇasamatikkamavasenāpi atthavaṇṇanā katāti veditabbā.

Paṭighasaññānam atthaṅgamāti cakkhādīnam vatthūnam, rūpādīnam ārammaṇānaṅca paṭighātena samuppannā saññā **paṭighasaññā**, rūpasaññādīnam etam adhivacanam. Yathāha “tattha katamā paṭighasaññā? Rūpasaññā saddasaññā gandhasaññā rasasaññā phoṭṭhabbasaññā, imā vuccanti paṭighasaññāyo”⁴. Tāsam kusalavipākānam pañcannam, akusalavipākānam pañcannanti sabbaso dasannampi paṭighasaññānam atthaṅgamā pahānā asamuppādā, appavattim katvāti vuttam hoti.

Kāmañcetā paṭhamajjhānādīni samāpannassāpi na santi, na hi tasmim samaye pañcadvārasena cittam pavattati, evam santepi aññattha pahīnānam

1. Rūpāvacaṛajjhānassetam (Sī)

2. Virāgahetum ceva nirodhahetum ca (Sī) Visuddhi 1. 322 piṭṭhepi.

3. Abhi 2. 272 piṭṭhe.

4. Abhi 2. 272 piṭṭhe.

sukhadukkhānaṃ catutthajjhāne viya, sakkāyadiṭṭhādīnaṃ tatiyamagge viya ca imasmiṃ jhāne ussāhajananatthaṃ imassa jhānassa pasamsāvasena etāsaṃ ettha vacanaṃ veditabbaṃ. Atha vā kiñcāpi tā rūpāvacaraṃ samāpannassa na santi, atha kho na pahīnattā na santi, na hi rūpāvirāgāya rūpāvacarabhāvanā saṃvattati, rūpāyattā ca etāsaṃ pavatti, ayaṃ pana bhāvanā rūpāvirāgāya saṃvattati. Tasmā tā ettha pahīnāti vattuṃ vaṭṭati. Na kevalaṅca vattuṃ, ekaṃseneva evaṃ dhāretumpi vaṭṭati. Tāsaṃhi ito pubbe appahīnattāyeva paṭhamajjhānaṃ samāpannassa saddo kaṇṭakoti¹ vutto Bhagavato. Idha ca pahīnattāyeva arūpasamāpattīnaṃ āneñjatā, santavimokkhatā ca vuttā. Ājāro ca Kāḷāmo āruppasamāpanno pañcamattāni sakaṭasatāni nissāya nissāya atikkantāni neva addasa, na pana saddaṃ assosīti².

Nānattasaññānaṃ amanasikārāti nānatte gocare pavattānaṃ saññānaṃ, nānattānaṃ vā saññānaṃ. Yasmā hi etā “tattha katamā nānattasaññā? Asamāpannassa manodhātusamaṅgissa vā manoviññāḍadhātusamaṅgissa vā saññā sañjānanā sañjānitattaṃ, imā vuccanti nānattasaññāyo”³ti³ evaṃ **Vibhaṅge** vibhajivā vuttā idha adhippetā asamāpannassa manodhātumanoviññāḍadhātusaṅgahitā saññā rūpasaddādibhede nānatte nānāsabhāve gocare pavattanti. Yasmā cetā aṭṭha kāmāvacarakusalasaññā, dvādasa akusalasaññā, ekādasa kāmāvacarakusalavipākasaññā, dve akusalavipākasaññā, ekādasa kāmāvacarakiriyasaññāti evaṃ catucattālīsampi saññā nānattā nānāsabhāvā aññamaññaṃ asadisā, tasmā “nānattasaññā”³ti vuttā. Tāsaṃ sabbaso nānattasaññānaṃ amanasikārā anāvajjanā asamannāhārā apaccavekkhaṇā, yasmā tā nāvajjati na manasikaroti na paccavekkhati, tasmāti vuttam hoti.

Yasmā cettha purimā rūpasaññā, paṭighasaññā ca iminā jhānena nibbatte bhavepi na vijjanti, pageva tasmim bhava imaṃ jhānaṃ upasampajja viharāṇakāle, tasmā tāsaṃ **samatikkamā, atthaṅgamāti** dvedhāpi abhāvoyeva vutto. Nānattasaññāsu pana yasmā aṭṭha kāmāvacarakusalasaññā,

1. Am 3. 363 piṭṭhe.

2. Dī 2. 108 piṭṭhe.

3. Abhi 2. 272 piṭṭhe.

nava kiriyāsaññā, dasa akusalasaññāti imā sattavīsati saññā iminā jhānena nibbatte bhava vijjanti, tasmā tāsāṃ **amanasikārā**ti vuttanti veditabbaṃ. Tatrāpi hi imaṃ jhānaṃ upasampajja viharanto tāsāṃ amanasikārāyeva upasampajja viharati, tā pana manasi karonto asamāpanno hotīti. Saṅkhepato cettha “rūpasaññānaṃ samatikkamā”ti iminā sabbarūpāvacaradhammānaṃ pahānaṃ vuttaṃ, “paṭighasaññānaṃ atthaṅgamā nānattasaññānaṃ amanasikārā”ti iminā sabbesaṃ kāmāvacaracittacetāsikānaṃca pahānaṃ, amanasikāro ca vuttoti veditabbo.

Iti Bhagavā pannarasannaṃ rūpasaññānaṃ samatikkamena, dasannaṃ paṭighasaññānaṃ atthaṅgamena, catucattālīsāya nānattasaññānaṃ amanasikārenāti tīhi padehi ākāsaṇāṇcāyatanaṃ samāpattiyā vaṇṇaṃ kathesi. Kim kāraṇāti ce? Sotūnaṃ ussāhajananatthaṅceva palobhanatthaṅca. Sace hi keci apaṇḍitā vadeyyuṃ “Satthā ‘ākāsaṇāṇcāyatanaṃ samāpattiṃ nibbattethā’ti vadati, ko nu kho etāya nibbattitāya attho, ko ānisaṃso”ti. Te evaṃ vattum mā labhantūti imehi ākārehi samāpattiyā vaṇṇaṃ kathesi. Tañhi nesaṃ sutvā evaṃ bhavissati “evaṃsantā kira ayaṃ samāpatti evaṃpaṇitā, nibbattessāmanan”ti, athassa nibbattanatthāya ussāhaṃ karissantīti.

Palobhanatthaṅcāpi nesaṃ etissā vaṇṇaṃ kathesi visakaṇṭakavāṇijo viya, **visakaṇṭakavāṇijo** nāma guḷavāṇijo vuccati. So kira guḷaphāṇitakhaṇḍasakkarādīni sakaṭeṇādāya paccantagāmaṃ gantvā “visakaṇṭakaṃ gaṇhatha, visakaṇṭakaṃ gaṇhathā”ti ugghosesi, taṃ sutvā gāmikā “visaṃ nāma kakkhaḷaṃ, yo naṃ khādāti, so marati, kaṇṭakopi vijjhivā māreti, ubhopete kakkhaḷā, ko ettha ānisaṃso”ti gehadvārāni thakesuṃ, dārake ca palāpesuṃ. Taṃ disvā vāṇijo “avohāraṅkusalā ime gāmikā, handa ne upāyena gaṇhāpemi”ti “atimadhuraṃ gaṇhatha, atisāduṃ gaṇhatha, guḷaṃ phāṇitaṃ sakkaraṃ samagghaṃ labbhati, kūṭamāsakakūṭakahāpaṇādīhipi labbhati”ti ugghosesi. Taṃ sutvā gāmikā haṭṭhapahaṭṭhā niggantvā bahumpi mūlaṃ datvā ghesuṃ.

Tattha vāṇijassa “visakaṇṭakaṃ gaṇhathā”ti ugghosanaṃ viya Bhagavato “ākāsaṇāṇcāyatanaṃ samāpattiṃ nibbattethā”ti vacanaṃ. “Ubhopete

kakkhaḷā, ko ettha ānisaṃso”ti gāmikānaṃ cintanaṃ viya “Bhagavā ‘ākāsānañcāyatanam nibbattethā’ti āha, ko ettha ānisaṃso, nāssa guṇam jānāmā”ti sotūnaṃ cintanaṃ. Athassa vāṇijassa “atimadhuraṃ gaṇhathā”ti-ādivacanaṃ viya Bhagavato rūpasaññāsamatikkamanādikaṃ ānisaṃsappakāsanam. Idañhi sutvā te bahumpi mūlam datvā gāmikā viya guḷam iminā ānisaṃsena palobhitacittā mahantampi ussāham katvā imam samāpattim nibbattessantīti ussāhajanattham, palobhanatthañca kathesi.

Ākāsānañcāyatanasaññāsahagatanī ettha nāssa antoti **anantaṃ**, ākāsam anantaṃ ākāsānantaṃ, ākāsānantaṃ eva **ākāsānañcam**, tam ākāsānañcam adhiṭṭhānaṭṭhena āyatanamassa sasampayuttadhammassa jhānassa devānaṃ devāyatanamivāti **ākāsānañcāyatanam**. Iti ākāsānañcam ca tam āyatanañcātipi ākāsānañcāyatanam, kasiṇugghāṭimākāsassetam adhivacanaṃ. Tasmim ākāsānañcāyatane appanāppattāya saññāya sahatam ākāsānañcāyatanasaññāsahagatam.

Yathā pana aññattha “ananto ākāso”ti¹ vuttam, evamidha “anantaṃ”ti vā “parittaṃ”ti vā na gahitam. Kasmā, anante hi gahite parittaṃ na gayhati, paritte gahite anantaṃ na gayhati. Evaṃ sante ārammaṇacattukam na pūrati, desanā soḷasakkhattukā na hoti, Sammāsambuddhassa ca imasmim ṭhāne desanaṃ soḷasakkhattukam kātum ajjhāsayo. Tasmā “anantaṃ”ti vā “parittaṃ”ti vā avatvā “ākāsānañcāyatanasaññāsahagatanī”ti āha. Evañhi sati ubhayampi gahitameva hoti, ārammaṇacattukam pūrati, desanā soḷasakkhattukā sampajjati. Avaseso Pāḷi-attho heṭṭhā vuttanayeneva veditabbo. rūpāvacaracattutthajjhānanikantipariyādānadukkhatāya cettha **dukkhā paṭipadā**, pariyādinnanikantikassa appanāparivāsadandhatāya **dandhābhiññā** hoti. Vipariyāyena **sukhā paṭipadā khippābhiññā** ca veditabbā. Parittakasiṇugghāṭimākāse pana pavattam jhānam **parittārammaṇam**, vipulakasiṇugghāṭimākāse pavattam **appamāṇārammaṇanti** veditabbam. Upekkhābrahmavihāre viya ca idhāpi cattutthajjhānavasena pañcavīsati ekakā

1. Abhi 2. 254; Dī 2. 60 piṭṭhādīsu.

honti. Yathā cettha, evaṃ ito paresupi. Visesaṃattameva pana tesu vaṇṇayissāma.

Viññāṇañcāyatana

266. **Ākāsāṇañcāyatanaṃ samatikkammā**ti ettha tāva pubbe vuttanayena ākāsāṇañcaṃ āyatanamassa adhiṭṭhānaṭṭhenāti jhānampi ākāsāṇañcāyatanaṃ, vuttanayeneva ārammaṇampi. Evametam jhānañca ārammaṇañcāti ubhayampi appavattikaraṇena ca amanasikaraṇena ca samatikkamitvāva yasmā idaṃ viññāṇañcāyatanaṃ upasampajja vihātabbaṃ, tasmā ubhayampetaṃ ekajjhaṃ katvā “ākāsāṇañcāyatanaṃ samatikkammā”ti idaṃ vuttanti veditabbaṃ.

Viññāṇañcāyatanaṃ saññāsahagatanti ettha pana “anantaṃ”ti manasikātabbavasena nāssa antoti **anantaṃ**, anantameva **ānañcaṃ**, viññāṇaṃ ānañcaṃ “viññāṇānañcaṃ”ti avatvā “viññāṇānañcaṃ”ti vuttaṃ. Ayañhettha rūḷhīsaddo. Tadeva viññāṇañcaṃ adhiṭṭhānaṭṭhena imāya saññāya āyatananti **viññāṇañcāyatanaṃ**. Tasmim viññāṇañcāyatane pavattāya saññāya sahatanti **viññāṇañcāyatanaṃ saññāsahagataṃ**, ākāse pavattaviññāṇārammaṇassa jhānassetaṃ adhivacanaṃ. Idha ākāsāṇañcāyatanaṃ samāpattiyā nikanti pariyādānadukkhatāya dukkhā paṭipadā, pariyādinnanikantikassa appanāparivāsadandhatāya dandhābhinnā, vipariyāyena sukhā paṭipadā khippābhinnā ca, parittakasiṇugghāṭimākāsārammaṇaṃ samāpattim ārabha pavattiyā parittārammaṇatā, vipariyāyena appamāṇārammaṇatā veditabbā. Sesam purimasadisameva.

Ākiñcaññāyatana

267. **Viññāṇañcāyatanaṃ samatikkammā**ti etthāpi pubbe vuttanayeneva viññāṇañcaṃ āyatanamassa adhiṭṭhānaṭṭhenāti jhānampi viññāṇañcāyatanaṃ, vuttanayeneva ca ārammaṇampi. Evametam jhānañca ārammaṇañcāti ubhayampi appavattikaraṇena ca amanasikaraṇena ca samatikkamitvāva yasmā idaṃ ākiñcaññāyatanaṃ upasampajja vihātabbaṃ, tasmā ubhayampetaṃ ekajjhaṃ katvā “viññāṇañcāyatanaṃ samatikkammā”ti idaṃ vuttanti veditabbaṃ.

Ākiñcaññāyatanasaññāsahagatanti ettha pana nāssa kiñcananti **akiñcanam**, antamaso bhaṅgamattampi assa avasiṭṭham natthīti vuttam hoti. Akiñcanassa bhāvo **ākiñcaññam**, ākāsaññāyatanaviññāṇāpagamassetam adhivacanam. Tam ākiñcaññam adhiṭṭhānaṭṭhena imissā saññāya āyatananti **ākiñcaññāyatanam**, tasmim ākiñcaññāyatane pavattāya saññāya sahatanti **ākiñcaññāyatanasaññāsahagatam**, ākāse pavattitaviññāṇāpagamārammaṇassa jhānassetam adhivacanam. Idha viññāṇāyatanasamāpattiyā nikantipariyādānadukkhātāya dukkhā paṭipadā, pariyaḍinnanikantikassa appanā parivāsadandhatāya dandhābhiññā, vipariyāyena sukhā paṭipadā khippābhiññā ca, parittakasiṇugghātimākāse pavattitaviññāṇāpagamārammaṇātāya parittārammaṇātā, vipariyāyena appamaṇārammaṇātā veditabbā. Sesam purimasadisameva.

Nevasaññānāsaññāyātana

268. **Ākiñcaññāyatanam samatikkammāti** etthāpi pubbe vuttanayeneva ākiñcaññam āyatanamassa adhiṭṭhānaṭṭhenāti jhānampi ākiñcaññāyatanam, vuttanayeneva ārammaṇampi. Evametaṃ jhānañca ārammaṇāñcāti ubhayampi appavattikaraṇena ca amanasikaraṇena ca samatikkamitvā yasmā idam nevasaññānāsaññāyatanam upasampajja vihātabbam, tasmā ubhayampetaṃ ekajjham katvā “ākiñcaññāyatanam samatikkammā”ti idam vuttanti veditabbam.

Nevasaññānāsaññāyatanasaññāsahagatanti ettha pana yāya saññāya bhāvato tam “nevasaññānāsaññāyatanam”ti vuccati, yathā paṭipannassa sā saññā hoti, tam tāva dassetuṃ **Vibhaṅge** “nevasaññānāsaññā”ti uddharitvā “taññeva ākiñcaññāyatanam santato manasi karoti, saṅkhārāvasesasamāpattim bhāveti, tena vuccati nevasaññānāsaññā”ti¹ vuttam. Tattha **santato manasi karotīti** “santā vatāyaṃ samāpatti, yatra hi nāma natthibhāvampi ārammaṇam karitvā ṭhassatī”ti evam santārammaṇātāya nam “santā”ti manasi karoti. Santato ce manasi karoti, katham samatikkamo hotīti? Anāvajjitukāmatāya² so hi kiñcāpi nam

1. Abhi 2. 274 piṭṭhe.

2. Asamāpajjitu... (Visuddhi 1. 330 piṭṭhe)

santato manasi karoti, athakhvassa “ahametaṃ āvajjissāmi samāpajjissāmi adhiṭṭhahissāmi vuṭṭhahissāmi paccavekkhissāmi”ti esa ābhogo samannāhāro manasikāro na hoti. Kasmā? Ākiñcaññāyatanato nevasaññānāsaññāyatanassa santatarapaṇītataratāya.

Yathā hi rājā mahaccā rājānubhāvena hatthikkhandhagato nagaravīthiyā vicaranto dantakārādayo sippike ekaṃ vatthaṃ daḷhaṃ nivāsetvā ekena sīsaṃ veḥetvā dantacuṇṇādīhi samokiṇṇagatte anekāni dantavikati-ādīni karonte disvā “aho vata re chekā ācariyā, īdisānipi nāma sippāni karissanti”ti evaṃ tesaṃ chekatāya tussati, na cassa evaṃ hoti “aho vatāhaṃ rajjaṃ pahāya evarūpo sippiko bhaveyyan”ti. Taṃ kissa hetu? Rajjasiriyā mahānisaṃsatāya. So sippike samatikkamitvāva gacchati. Evamevesa kiñcāpi taṃ samāpattiṃ santato manasi karoti, athakhvassa “ahametaṃ samāpattiṃ āvajjissāmi samāpajjissāmi adhiṭṭhahissāmi vuṭṭhahissāmi paccavekkhissāmi”ti neva esa ābhogo samannāhāro manasikāro hoti. So taṃ santato manasi karonto taṃ paramasukhumaṃ appanāpattam¹ saññaṃ pāpuṇāti, yāya nevasaññānāsaññā nāma hoti, saṅkhārāvasesasamāpattiṃ bhāvēti vuccati. **Saṅkhārāvasesasamāpattinti** accantasukhumabhāvappattasaṅkhāraṃ catutthārappasamāpattiṃ.

Idāni yaṃ taṃ evaṃ adhigatāya saññāya vasena “nevasaññānāsaññāyatanan”ti vuccati, taṃ atthato dassetuṃ “nevasaññānāsaññāyatananti nevasaññānāsaññāyatanam samāpannessa vā upapannassa vā diṭṭhadhammasukhavihārissa vā cittacetāsikā dhammā”ti² vuttaṃ, tesu idha samāpannessa cittacetāsikā dhammā adhippetā.

Vacanattho panettha oḷārikāya saññāya abhāvato, sukhumāya ca bhāvato nevassa sasampayuttadhammassa jhānassa saññā nāsaññanti **nevasaññānāsaññānam**, nevasaññānāsaññāna taṃ manāyatanadhammāyatanapariyāpannattā āyatanañcāti **nevasaññānāsaññāyatanam**. Atha vā yāyamettha saññā, sā paṭusaññākiccaṃ kātum asamattatāya

1. Parimasukhumappattam (?)

2. Abhi 2. 274 piṭṭhe.

nevasaññā, saṅkhārāvasesasukhumabhāvena vijjamānattā nāsaññāti
nevasaññānāsaññā, nevasaññānāsaññā ca sā sesadhammānaṃ
 adhiṭṭhānaṭṭhena āyatanañcāti **nevasaññānāsaññāyatanaṃ**.

Na kevalañcettha saññāva edisī, atha kho vedanāpi nevavedanā
 nāvedanā, cittampi nevacittaṃ nācittaṃ, phassopi nevaphasso nāphassoti,
 esa nayo sesasampayuttadhammesu, saññāsīsena panāyaṃ desanā katāti
 veditabbā. Pattamakḥhanatelappabhutīhi ca upamāhi esamattho
 vibhāvetabbo. **Sāmaṇero** kira telena pattaṃ makkhetvā ṭhapesi. Tam
 yāgupānakāle thero “pattamāharā”ti āha. So “patte telamatthi bhante”ti āha.
 Tato “āhara samaṇera telam, nālim pūressāmī”ti vutte, “natthi bhante
 telan”ti āha. Tattha yathā antovutthattā yāguyā saddhim akappiyaṭṭhena
 “telam atthī”ti hoti, nālipūraṇādīnaṃ abhāvavasena “natthī”ti hoti. Evaṃ
 sāpi saññā paṭusaññākiccaṃ kātuṃ asamatthatāya nevasaññā,
 saṅkhārāvasesasukhumabhāvena vijjamānattā nāsaññā hoti.

Kimpanettha saññākiccanti? Ārammaṇasañjānanañceva vipassanāya ca
 visayabhāvaṃ upagantvā nibbidājananaṃ. Dahanakiccamaiva hi sukhodake
 tejodhātu sañjānanakiccampesā paṭum kātuṃ na sakkoti, sesasamāpattīsu
 saññā viya vipassanāya visayabhāvaṃ upagantvā nibbidājananampi kātuṃ
 na sakkoti. Aññesu hi khandhesu akatābhiniveso bhikkhu
 nevasaññānāsaññāyatanaḥkhandhe sammasitvā nibbidam pattaṃ samattho
 nāma natthi apica¹ **āyasmā Sāriputto**. Pakativipassako pana mahāpañño
 Sāriputtasadisova sakkuṇeyya, sopi “evaṃ kirime² dhammā ahutvā
 sambhonti, hutvā paṭiventī”ti³ evaṃ kalāpasammasanavaseneva, no
 anupadadhammavipassanāvasena. Evm sukhumattaṃ gatā esā samāpatti.

Yathā ca pattamakḥhanatelūpamāya, evaṃ **maggudakūpamāyapi**
 ayamattho vibhāvetabbo. Maggapaṭipannassa kira therassa purato gacchanto
 sāmaṇero thokamudakaṃ disvā “udakaṃ bhante, upāhanā omuñcathā”ti āha.
 Tato therena “sace udakamatthi āhara nhānasāṭakaṃ,

1. Api (?)

2. Kirame (Sī)

3. Ma 3. 78 piṭṭhe.

nhāyissāmī”ti vutte “natthi bhante”ti āha. Tattha yathā
 upāhanatemanamattaṭṭhena “udakaṃ atthī”ti hoti, nhānaṭṭhena “natthī”ti
 hoti. Evampi sā paṭusaññākiccaṃ kātuṃ asamatthatāya nevasaññā,
 saṅkhārāvesesasukhumabhāvena vijjamānattā nāsaññā hoti. Na kevalaṅca
 etāheva, aññāhipi anurūpāhi upamāhi esa attho vibhāvetabbo. Iti imāya
 nevasaññānāsaññāyatane pavattāya saññāya,
 nevasaññānāsaññāyatanabhūtāya vā saññāya sahatanti
nevasaññānāsaññāyatanasaññāsahagataṃ, ākiñcaññāyatanasamāpatti-
 ārammaṇassa jhānassettaṃ adhivacanaṃ.

Idha ākiñcaññāyatanasamāpattiyā nikanti-pariyādānadukkhataya dukkhā
 paṭipadā, pariyādinnanikantikassa appānāparivāsadandhatāya dandhābhiññā.
 Vipariyāyena sukhā paṭipadā khippābhiññā ca, parittakasiṅghāṭimākāse
 pavattitaviññāṇāpagamārammaṇaṃ samāpattiṃ ārabha pavattitāya
 parittārammaṇatā, vipariyāyena appamāṇārammaṇatā veditabbā. Sesam
 purimasadisameva.

Asadisarūpo nātho, āruppaṃ yaṃ catubbidham āha.

Taṃ iti ñatvā tasmim, **pakiñnakakathāpi** viññeyyā.

Arūpasamāpattiyō hi—

Ārammaṇātikkamato, catassopi bhavantimā.

Aṅgātikkamametāsaṃ, na icchanti vibhāvino.

Etāsu hi rūpanimittātikkamato paṭhamā, ākāsātikkamato dutiyā, ākāse
 pavattitaviññāṇātikkamato tatiyā, ākāse pavattitaviññāṇassa
 apagamātikkamato catutthāti sabbathā ārammaṇātikkamato catassopi
 bhavantimā arūpasamāpattiyoti veditabbā. Aṅgātikkamaṃ pana etāsaṃ na
 icchanti paṇḍitā. Na hi rūpāvacarasamāpattīsu viya etāsu aṅgātikkamo atthi.
 Sabbāsopi hi etāsu upekkhā, cittekaggatāti dve eva jhānaṅgāni honti. Evaṃ
 santepi—

Suppañitatarā honti, pacchimā pacchimā idha.

Upamā tattha viññeyyā, pāsādalasāṭikā.

Yathā hi catubhūmakapāsādassa heṭṭhimatale
dibbanaccagītavāditasurabhigandha mālā sādurasā pānabhojana
sayanacchādanādivasena paṇītā pañca kāmagaṇā paccupaṭṭhitā assu, dutiye
tato paṇītatarā, tatiye tato paṇītataṃ¹, catutthe sabbapaṇītā. Tattha kiñcāpi
tāni cattāripi pāsādatalāneva, natthi nesam pāsādatalabhāvena viseso,
pañcakāmagaṇasamiddhivisesena pana heṭṭhimato heṭṭhimato uparimam
uparimam paṇītatarā hoti.

Yathā ca ekāya itthiyā kantitathūlasaṇhasaṇhatarasaṇhatamasuttānam
catupalatipaladvipala-ekapalasāṭikā assu āyāmena, vitthārena ca
samappamāṇā. Tattha kiñcāpi tā sāṭikā catassopi āyāmato ca vitthārato ca
samappamāṇā, natthi tāsam pamāṇato viseso,
sukhasamphassasukhumabhāvamahagghabhāvehi pana purimāya purimāya
pacchimā pacchimā paṇītatarā honti, evameva kiñcāpi catūsopi etāsu
upekkhā cittekaggatāti etāni dveveva aṅgāni honti, atha kho
bhāvanāvisesena tesam aṅgānam paṇītaṇītatarabhāvena suppaṇītatarā
honti pacchimā pacchimā idhāti veditabbā, evam anupubbena paṇītaṇītā
cetā—

* Asucimhi maṇḍape laggo, eko taṃ nissito paro.

Añño bahi anissāya, taṃ taṃ nissāya cāparo.

Ṭhito catūhi etehi, purisehi yathākkamaṃ.

Samānatāya nātabbā, catassopi vibhāvinā.

Tatrāyamattthayojanā—asucimhi kira dese eko maṇḍapo. Atheko puriso
āgantvā taṃ asucim jīgucchamāno taṃ maṇḍapam hatthehi ālambitvā tattha
laggo laggito viya aṭṭhāsi. Athāparo āgantvā taṃ maṇḍapalaggam purisam
nissito. Athañño āgantvā cintesi “yo esa maṇḍape laggo, yo ca taṃ nissito,
ubhopete duṭṭhitā, dhuvo ca nesam maṇḍapapapāte pāto, handāham
bahiyeva tiṭṭhāmī”ti. So tannissitam anissāya bahiyeva aṭṭhāsi. Athāparo
āgantvā

1. Paṇītatarā (Syā, Ka)

* Visuddhi 1. 333 piṭṭhepi.

maṇḍapalaggassa, tannissitassa ca akhemabhāvaṃ cintetvā bahiṭhitaṅca
“suṭṭhito”¹ti mantvā taṃ nissāya aṭṭhāsi.

Tattha asucimhi dese maṇḍapo viya kaṣiṇugghāṭimākāsaṃ daṭṭhabbāṃ.
Asucijigucchāya maṇḍapalaggo puriso viya rūpanimittajigucchāya
ākāsārammaṇaṃ ākāsānaṅcāyatanaṃ. Maṇḍapalaggaṃ purisaṃ nissito viya
ākāsārammaṇaṃ ākāsānaṅcāyatanaṃ ārabha pavattaṃ viññānaṅcāyatanaṃ.
Tesaṃ dvinnampi akhemabhāvaṃ cintetvā anissāya taṃ maṇḍapalaggaṃ
bahiṭhito viya ākāsānaṅcāyatanaṃ ārammaṇaṃ akatvā tadabhāvārammaṇaṃ
ākiṅcaññāyatanaṃ, maṇḍapalaggassa, tannissitassa ca akhemataṃ cintetvā
bahiṭhitaṅca “suṭṭhito”ti mantvā taṃ nissāya ṭhito viya
viññāṅabhāvasaṅkhāte bahipadese ṭhitaṃ ākiṅcaññāyatanaṃ ārabha
pavattaṃ nevasaññānāsaññāyatanaṃ daṭṭhabbāṃ. Evaṃ pavattamānaṅca—

* Ārammaṇaṃ karoteva, aññābhāvena taṃ idaṃ.

Diṭṭhadosampi rājānaṃ, vuttihetu yathā jano.

Idaṅhi nevasaññānāsaññāyatanaṃ “āsannaviññānaṅcāyanapaccatthikā
ayaṃ samāpattī”ti evaṃ diṭṭhadosampi taṃ ākiṅcaññāyatanaṃ aññassa
ārammaṇassa abhāvā ārammaṇaṃ karoteva. Yathā kim? Diṭṭhadosampi
rājānaṃ vuttihetu yathā jano, yathā hi asaṃyataṃ
pharusakāyavacīmanosamācāraṃ kañci sabbadisampatiṃ² rājānaṃ
“pharusasamācāro ayan”ti evaṃ diṭṭhadosampi aññattha vuttiṃ alabhamāno
jano vuttihetu nissāya vattati. Evaṃ diṭṭhadosampi taṃ ākiṅcaññāyatanaṃ
aññaṃ ārammaṇaṃ alabhamānamidaṃ nevasaññānāsaññāyatanaṃ
ārammaṇaṃ karoteva. Evaṃ kurumānaṅca—

* Āruḷho dighanisseṇiṃ, yathā nisseṇibāhukaṃ.

Pabbataggaṅca āruḷho, yathā pabbatamatthakaṃ.

Yathā vā girimāruḷho, attanoyeva jaṇṇukaṃ.

Olubbhati tathevetāṃ, jhānamolubbha vattatīti.

Arūpāvacarakusalakathā niṭṭhitā.

1. Suṭṭhitanti (Sī, Syā) * Visuddhi 1. 334 piṭṭhepi. 2. Sabbadīpapatim (Sī, Syā)

Tebhūmakakusalavaṇṇanā

269. Idāni yasmā sabbānipetāni tebhūmakakusalāni hīnādinā pabhedena vattanti, tasmā tesam taṃ pabhedam dassetuṃ puna “**katame dhammā kusalā**”ti-ādi āradham. Tattha **hīnanti** lāmakam, taṃ āyūhanavasena veditabham. Hīnuttamānam majjhe bhavam **majjhimam**. Padhānabhāvam nītam **paṇītam**, uttamanti attho. Tānipi āyūhanavaseneva veditabbāni. Yassa hi āyūhanakkhaṇe chando vā hīno hoti vīriyam vā cittaṃ vā vīmaṃsā vā, taṃ hīnam nāma. Yassa te dhammā majjhimā ceva paṇītā ca, taṃ majjhimāñceva paṇītañca. Yam pana kattukāmatāsankhātam chandam dhuram chandam jeṭṭhakam chandam pubbaṅgamaṃ katvā āyūhitam, taṃ chandādhīpatito āgatattā **chandādhīpateyyam** nāma. **Vīriyādhīpateyyā**disupi eseva nayo.

Imasmim pana thāne thatvā nayā gaṇetabbā. Sabbapaṭhamam vibhatto hi eko nayo, hīnanti eko, majjhimanti eko, paṇītanti eko, chandādhīpateyyanti eko, ime tāva chandhādhīpateyye pañca nayā, evam viriyādhīpateyyādisupīti cattāro pañcakā vīsati honti. Purimo vā eko suddhikanayo, hīnanti-ādayo tayo, chandādhīpateyyanti-ādayo cattāro, chandādhīpateyyam hīnanti-ādayo dvādasāti evampi vīsati nayā honti.

Ime vīsati mahānayā kattha vibhattāti? **Mahāpakaraṇe** hīnattike¹ vibhattā. Imasmim pana thāne hīnattikato majjhimarāsim gahetvā hīnamajjhimapaṇītavasena tayo koṭṭhāsā kātabbā. Tatopi majjhimarāsim thapetvā hīnapaṇīte gahetvā nava nava koṭṭhāsā kātabbā. Hīnasmimyeva hi hīnam atthi, majjhimam atthi, paṇītam atthi. Paṇītasimipi hīnam atthi, majjhimam atthi, paṇītam atthi. Tathā hīnahīnasmim hīnam, hīnahīnasmim majjhimam, hīnahīnasmim paṇītam. Hīnamajjhimasmim hīnam, hīnamajjhimasmim majjhimam, hīnamajjhimasmim paṇītam. Hīnapaṇītasim hīnam, hīnapaṇītasim majjhimam, hīnapaṇītasim paṇītanti ayameko **navako**. Paṇītahīnasmimipi hīnam nāma atthi, paṇītahīnasmim majjhimam, paṇītahīnasmim paṇītam. Tathā paṇītamajjhimasmim hīnam, paṇītamajjhimasmim majjhimam, paṇītamajjhimasmim paṇītam. Paṇītapaṇītasim hīnam, paṇītapaṇītasim majjhimam, paṇītapaṇītasim paṇītanti ayam dutiyo **navakoti** dve navakā aṭṭhārassa. Imāni aṭṭhārassa kammadvārāni

1. Paṭṭhāna 2. 360 piṭṭhe.

nāma. Imehi pabhāvitattā imesaṃ vasena aṭṭhārasa khattiyā, aṭṭhārasa brāhmaṇā, aṭṭhārasa vessā, aṭṭhārasa suddā, aṭṭhacattālīsa gottacaraṇāni veditabbāni.

Imesu ca pana tebhūmakesu kusalesu kāmāvacarakusalaṃ tihetukampi duhetukampi hoti nāṇasampayuttavippayuttavesena. Rūpāvacarārūpāvacaraṃ pana tihetukameva nāṇasampayuttameva. Kāmāvacarampettha adhipatinā sahāpi uppajjati vināpi. Rūpāvacarārūpāvacaraṃ adhipatisampannameva hoti. Kāmāvacarakusale cettha ārammaṇādhipati saha-jātādhipatīti dvepi adhipatayo labbhanti. Rūpāvacarārūpāvaca-resu ārammaṇādhipati na labbhati, saha-jātādhipatiyeva labbhati. Tattha cittassa cittādhipateyyabhāvo sampayuttadhammānaṃ vasena vutto. Dvinnāṃ pana cittānaṃ ekato abhāvena sampayuttacittassa cittādhipati nāma natthi. Tathā chandādīnaṃ chandādhipati-ādayo. Keci pana “sace cittavato kusalaṃ hoti, mayhaṃ bhavissatīti evaṃ yaṃ cittaṃ dhuraṃ katvā jeṭṭhakaṃ katvā aparaṃ kusalacittaṃ āyūhitaṃ, tassa taṃ purimacittaṃ cittādhipati nāma hoti. Tato āgatattā idaṃ cittādhipateyyaṃ nāmā”ti evaṃ āgamanavasenaṇāpi adhipatiṃ nāma icchanti. Ayaṃ pana nayo neva Pāḷiyaṃ, na Aṭṭhakathāyaṃ dissati, tasmā vuttanayeneva adhipatibhāvo veditabbo. Imesu ca ekūnavāsatiyā mahānāyesu purime suddhikanāye vuttaparimāṇāneva cittāni ca navakā ca pāṭhavārā ca honti. Tasmā nāṇasampayuttesu vuttaparimāṇato vīsatiḡuṇo cittaṇavakavārabhedo veditabbo. Catūsu nāṇavippayuttesu soḷasaguṇoti ayaṃ tebhūmakakusale pakiṇṇakakathā nāmāti.

Tebhūmakakusalaṃ.

Lokuttarakusalavaṇṇanā

177. Evaṃ bhavattayasampattinibbattaṃ kusalaṃ dassetvā idāni sabbabhavasamatikkamanāya lokuttarakusalaṃ dassetuṃ puna “**katame dhammā kusalā**”ti-ādi āradham. Tattha **lokuttaranti** kenaṭṭhena lokuttaraṃ?

lokaṃ taratīti lokuttaraṃ, lokaṃ uttaratīti lokuttaraṃ, lokaṃ samatikkamma abhibhuyya tiṭṭhatīti lokuttaraṃ¹. **Jhānaṃ bhāvetīti** ekacittakkhaṇikaṃ appanājhānaṃ bhāveti janeti vaḍḍheti.

Lokato niyyāti, vaṭṭato niyyātīti **niyyānikaṃ**, niyyāti vā etenāti niyyānikaṃ. Taṃsamaṅgī hi puggalo dukkhaṃ pariḷānanto niyyāti, samudayaṃ pajahanto niyyāti, nirodhaṃ sacchikaronto niyyāti, maggaṃ bhāvento niyyāti. Yathā ca pana tebhūmakakusalaṃ vaṭṭasmiṃ cutipaṭisandhiyo ācināti vaḍḍhetīti ācayagāmi nāma hoti, na tathā idaṃ. Idaṃ pana yathā ekasmiṃ purise aṭṭhārasahatthaṃ pākāraṃ cinante aparo mahāmuggaraṃ gahetvā tena citacitaṭṭhānaṃ apacinanto viddhaṃsento eva gaccheyya, evameva tebhūmakakusalena citā cutipaṭisandhiyo paccayavekallakaraṇena apacinantaṃ viddhaṃsentaṃ gacchatīti apacayagāmi.

Diṭṭhigatānaṃ pahānāyāti ettha diṭṭhiyo eva diṭṭhigatāni “gūthagataṃ muttagataṃ”ti-ādīni² viya. Dvāsaṭṭhiyā vā diṭṭhīnaṃ antogadhattā diṭṭhīsu gatānītipi diṭṭhigatāni. Diṭṭhiyā vā gataṃ etesantipi diṭṭhigatāni, diṭṭhisadisagamanāni diṭṭhisadisappavattānīti attho. Kāni pana tānīti? Sasampayuttāni sakkāyadiṭṭhi³ vicikicchāsīlabbataparāmāsa-apāyagamaniyarāgadosamohākusalāni. Tāni hi yāva paṭhamamaggabhāvanā, tāva pavattisabbhāvato diṭṭhisadisagamanānīti vuccanti. Iti diṭṭhiyo ca diṭṭhigatāni ca diṭṭhigatāni, tesāṃ **diṭṭhigatānaṃ. Pahānāyāti** samucchedavaseneva pajahanatthāya. **Paṭhamāyāti** gaṇanavasena paṭhamuppattivasevā paṭhamāya. **Bhūmiyāti** “anantarāhitāya bhūmiyā”ti-ādīsu⁴ tāva ayaṃ mahāpathavī “bhūmī”ti vuccati. “Sukhabhūmiyaṃ kāmāvacare”ti-ādīsu⁵ cittuppādo. Idha pana sāmāññaphalaṃ adhippetā. Tañhi sampayuttānaṃ nissayabhāvato te dhammā bhavanti etthāti **bhūmi**. Yasmā vā samānepi lokuttarabhāve sayampi bhavati uppajjati, na nibbānaṃ viya apātubhāvaṃ, tasmāpi “bhūmī”ti vuccati, tassā paṭhamāya bhūmiyā. **Pattiyāti** sotāpattiphalasaṅkhātassa paṭhamassa

1. Khu 9. 349 piṭṭhe.

2. Aṃ 3. 181 piṭṭhe.

3. Idaṃ ‘sakkāyadiṭṭhi’ti padaṃ adhikaṃviya dissati, ‘diṭṭhisadisagamanāni’ti hi vuttaṃ.

4. Vi 1. 15; Ma 2. 247 piṭṭhesu.

5. Abhi 1. 205 piṭṭhe.

sāmaññaphalassa pattatthāya paṭilābhatthāyāti evamettha attho veditabbo.

Viviccāti samucchedavivekavasena viviccitvā vinā hutvā.

Idāni kiñcāpi lokiyajjhānampi na vinā paṭipadāya ijjhati, evaṃ santepi idha suddhikanayaṃ pahāya lokuttarajjhānaṃ paṭipadāya saddhimyeva garuṃ katvā desetukāmatāya “**dukkhapaṭipadaṃ dandhābhiññaṃ**”ti-ādimāha.

Tattha yo āditova kilese vikkhambhento dukkhena sasaṅkhārena sappayogena kilamanto vikkhambheti, tassa dukkhā paṭipadā hoti. Yo pana vikkhambhi takilesa vipassanāparivāsaṃ vasanto cirena maggapātubhāvaṃ pāpuṇāti, tassa dandhābhiññaṃ hoti. Iti yo koci vāro dukkhapaṭipadadandhābhiñño¹ nāma kato.

Katamaṃ pana vāraṃ rocesunti? Yattha sakim vikkhambhitā kilesā samudācaritvā dutiyampi vikkhambhitā puna samudācaranti, tatiyaṃ vikkhambhite pana tathāvikkhambhiteva katvā maggena samugghātaṃ pāpeti, imaṃ vāraṃ rocesuṃ. Imassa vārassa dukkhāpaṭipadā dandhābhiññāti nāmaṃ kataṃ. Ettakena pana na pākataṃ hoti. tasmā evamettha ādito paṭṭhāya vibhāvanāveditabbā—yo hi cattāri mahābhūtāni pariggahetvā upādārūpaṃ pariggaṇhāti, arūpaṃ pariggaṇhāti. Rūpārūpaṃ pana pariggaṇhanto dukkhena kasirena kilamanto pariggahetuṃ sakkoti, tassa dukkhā paṭipadā nāma hoti. Pariggahitarūpārūpassa pana vipassanāparivāse maggapātubhāvadandhatāya dandhābhiññaṃ nāma hoti.

Yopi rūpārūpaṃ pariggahetvā nāmarūpaṃ vavatthapento dukkhena kasirena kilamanto vavatthapeti, vavatthāpīte ca nāmarūpe vipassanāparivāsaṃ vasanto cirena maggaṃ uppādetuṃ sakkoti, tassāpi dukkhā paṭipadā dandhābhiññaṃ nāma hoti.

Aparo nāmarūpampi vavatthapetvā paccaye pariggaṇhanto dukkhena kasirena kilamanto pariggaṇhāti, paccaye ca pariggahetvā vipassanāparivāsaṃ vasanto cirena maggaṃ uppādeti, evampi dukkhā paṭipadā dandhābhiññaṃ nāma hoti.

1. Dukkāpaṭipadā dandhābhiñño (Si), dukkhāpaṭipado dandhābhiñnoti (Syā), dukkhāpaṭipadā dandhābhiñña (Ka)

Aparo paccayepi pariggahetvā lakkhaṇāni paṭivijjhanto dukkhena kasirena kilamanto paṭivijjhati, paṭividdhalakkhaṇo ca vipassanāparivāsaṃ vasanto cirena maggaṃ uppādeti, evampi dukkhā paṭipadā dandhābhiññā nāma hoti.

Aparo lakkhaṇānipi paṭivijjhivā vipassanāñāṇe tikkhe sūre pasanne vahante uppannaṃ vipassanānikantiṃ pariyādiyamāno dukkhena kasirena kilamanto pariyādiyati, nikantiṃca pariyādiyivā vipassanāparivāsaṃ vasanto cirena maggaṃ uppādeti, evampi dukkhā paṭipadā dandhābhiññā nāma hoti. Imaṃ vāraṃ rocesuṃ, imassa vārassa etaṃ nāmaṃ kataṃ, imināva upāyena parato tisso paṭipadā veditabbā.

Phasso hotīti-ādīsu anaññātaññassāmīndriyaṃ sammāvācā sammākammanto sammā-ājīvoti cattāri padāni adhikāni. **Niddesavāre** ca vitakkādiniddesesu maggaṅganti-ādīni padāni adhikāni. Sesam sabbam heṭṭhā vuttasadisameva. Bhūmantaravasena pana lokuttaratāva idha viseso.

Tattha **anaññātaññassāmīndriyanti** “anamatagge saṃsāraṇaṭṭhe anaññātaṃ amataṃ padaṃ, catusaccadhamameva vā jānissāmī”ti paṭipannassa iminā pubbābhogena uppannaṃ indriyaṃ. Lakkhaṇādīni panassa heṭṭhā¹ paññindriye vuttanayeneva veditabbāni.

Sundarā, pasatthā vā vācā **sammāvācā**, vacīduccaritasamugghāṭikāya micchāvācāviratīyā etaṃ adhivacanaṃ. Sā pariggahalakkhaṇā, viramaṇarasā, micchāvācappahānapaccupaṭṭhānā. Sundaro, pasattho vā kammanto **sammākammanto**, micchākammantasamucchedikāya pāṇātipātādivratīyā etaṃ nāmaṃ. So samuṭṭhānalakkhaṇo, viramaṇaraso, micchākammantappahānapaccupaṭṭhāno. Sundaro, pasattho vā ajīvo **sammā-ājīvo**, micchājīvavratīyā etaṃ adhivacanaṃ. So vodānalakkhaṇo, nāyājīvappavattiraso, micchājīvappahānapaccupaṭṭhāno.

Apica heṭṭhā² viratittaye vuttavasenaṭṭhe lakkhaṇādīni veditabbāni. Iti imesaṃ tiṇṇaṃ dhammānaṃ vasena heṭṭhā vuttaṃ maggapañcakaṃ idha maggaṭṭhakaṃ veditabbāni, yevāpanakesu ca imesaṃ abhāvo, tathā karuṇāmoditānaṃ.

1. Heṭṭhā 165 piṭṭhe.

2. Heṭṭhā 177 piṭṭhe.

Ime hi tayo dhammā idha Pāḷiyaṃ āgatattāva yevāpanakesu na gahitā. Karuṇāmuditā pana sattārammaṇā, ime dhammā nibbānārammaṇāti tāpettha na gahitā. Ayaṃ tāva uddesavāre visesattho.

283. Niddesavāre pana **maggaṅgaṃ maggapariyāpananti** ettha tāva maggassa aṅganti maggaṅgaṃ, maggakoṭṭhāsoti attho. Yathā pana araṇṇe pariyāpannaṃ araṇṇapariyāpannaṃ nāma hoti, evaṃ magge pariyāpananti maggapariyāpannaṃ, maggasannissitanti attho.

285. **Pītisambojjhaṅgoti** ettha pīti eva sambojjhaṅgoti pītisambojjhaṅgo. Tattha bodhiyā, bodhissa vā aṅgoti **bojjhaṅgo**, idaṃ vuttaṃ hoti—yā ayaṃ dhammasāmaggi yāya lokuttaramaggakkhaṇe uppajjamānāya līnuddhaccapatiṭṭhānāyūhanakāmasukhattakilamathānuyoga-ucchedasassatābhinivesādīnaṃ anekesaṃ upaddavānaṃ paṭipakkhabhūtāya satidhammavicayavīriyapītipassaddhisamādhi-upekkhāsāṅkhātāya dhammasāmaggiyā ariyasāvako bujjhatīti katvā “**bodhī**”ti vuccati, bujjhatīti kilesasantānaniddāya uṭṭhahathi, cattāri vā ariyasaccāni paṭivijjhati, nibbānameva vā sacchikaroti, tassā dhammasāmaggiāsāṅkhātāya bodhiyā aṅgotipi¹ **bojjhaṅgo**, jhānaṅgamaggaṅgādīni viya. Yopesa yathāvuttappakārāya etāya dhammasāmaggiyā bujjhatīti katvā ariyasāvako “**bodhī**”ti vuccati, tassa bodhissa aṅgotipi **bojjhaṅgo**, senaṅgarathaṅgādayo viya. Tenāhu Aṭṭhakathācariyā “bujjhanakassa puggalassa aṅgāti vā bojjhaṅgā”ti².

Apica “bojjhaṅgāti kenaṭṭhena bojjhaṅgā? Bodhāya samvattantīti bojjhaṅgā, bujjhantīti bojjhaṅgā, anubujjantīti bojjhaṅgā, paṭibujjantīti bojjhaṅgā, sambujjantīti bojjhaṅgā”ti³ iminā paṭisambhidānāyena paṭibujjantīti bojjhaṅgattho veditabbo. Pasattho, sundaro vā bojjhaṅgoti **sambojjhaṅgo**. Evaṃ pīti eva sambojjhaṅgo **pītisambojjhaṅgoti**. Cittekaggatāniddesādīsipi imināva nayena attho veditabbo.

296. **Tesaṃ dhammānanti** ye tasmim samaye paṭivedhaṃ gacchanti catusaccadhammā, tesaṃ dhammānaṃ. **Anaṇṇātānanti** kiñcāpi paṭhamamaggena te dhammā

1. Aṅgoti (Syā)

2. Abhi-Ṭṭha 2. 296; Saṃ 3. 176; Am-Ṭṭha 1. 62 piṭṭhesupi.

3. Khu 9. 302 piṭṭhe.

ñātā nāma honti, yathā pana pakatiyā anāgatapubbaṃ vihāraṃ āgantvā vihāramajjhe ṭhitopi puggalo pakatiyā anāgatabhāvaṃ upādāya “anāgatapubbaṃ ṭhānaṃ āgatomhī”ti vadati, yathā ca pakatiyā apiḷandhapubbaṃ¹ mālaṃ piḷandhitvā, anivatthapubbaṃ vatthaṃ nivāsetvā, abhuttapubbaṃ bhojanaṃ bhuñjitvā pakatiyā abhuttabhāvaṃ upādāya “abhuttapubbaṃ bhojanaṃ bhuttomhī”ti vadati, evamidhāpi yasmā pakatiyā iminā puggalena ime dhammā na ñātapubbā, tasmā “anaññātānaṃ”ti vuttaṃ. **Adiṭṭhādīsu**pi eseva nayo. Tattha **adiṭṭhānanti** ito pubbe paññācakkhunā adiṭṭhānaṃ. **Appattānanti** adhigamavasena appattānaṃ. **Aviditānanti** ñāṇena apākaṭakatānaṃ. **Asacchikatānanti** apaccakkhakatānaṃ. **Sacchikiriyāyāti** paccakkhakaraṇatthaṃ. Yathā ca iminā padena, evaṃ sesehipi saddhim “anaññātānaṃ ñāṇāya, adiṭṭhānaṃ dassanāya, appattānaṃ pattiyā, aviditānaṃ vedāyā”ti yojanā kātabbā.

299. **Catūhi vacīduccaritehī**ti-ādīsu **vacīti** vacīviññatti vedītabbā. Tiṇṇaṃ dosānaṃ yena kenaci duṭṭhāni caritānīti **duccaritāni**. Vacīto pavattāni duccaritāni **vacīduccaritāni**, vaciyā vā nipphādītāni duccaritāni **vacīduccaritāni**, tehi vacīduccaritehi. Ārakā ramatīti **ārati**. Vinā tehi ramatīti **virati**. Tato tato paṭinivattāva hutvā tehi vinā ramatīti **paṭivirati**. Upasaggavasena vā padaṃ vaḍḍhitāṃ. Sabbamidāṃ oramaṇabhāvassevādhivacanaṃ. Veraṃ maṇati vināsetīti **veramaṇī**. Idampi oramaṇasseva vevacanaṃ. Yāya pana cetanāya musāvādādīni bhāsamāno karoti nāma, ayaṃ lokuttaramaggavirati uppajjitvā taṃ kiriyāṃ kātuṃ na deti, kiriyāpathaṃ pacchindatīti **akiriyā**. Tathā taṃ karaṇaṃ kātuṃ na deti, karaṇapathaṃ pacchindatīti **akaraṇaṃ**. Yāya ca cetanāya catubbidham vacīduccaritaṃ bhāsamāno ajjhāpajjati nāma, ayaṃ uppajjitvā tathā ajjhāpajjituṃ na detīti **anjhāpatti**.

Velā-anatikkamoti ettha “tāya velāyā”ti-ādīsu² tāva kālo “velā”ti āgato. “Uruvelāyaṃ viharatī”ti³ ettha rāsi, “ṭhitadhammo velaṃ nātivattatī”ti⁴ ettha sīmā. Idhāpi sīmāva.

1. Apiladdhapubbaṃ (Sī)

2. Dī 2. 76; Vi 3. 2; Khu 1. 77 piṭṭhādīsu “tāyaṃ velāyaṃ”tveva dissati.

3. Vi 3. 1; Sam 1. 104 piṭṭhādīsu.

4. Vi 4. 419; Am 3. 39; Khu 1. 140 piṭṭhesu.

anatikkamanīyaṭṭhena hi cattāri vacīsucaritāni velāti adhippetāni. Iti yāya cetanāya cattāri vacīduccaritāni bhāsamāno velam atikkamati nāma, ayam uppajjitvā tam velam atikkamitum na detīti “velā-anatikkamo”ti vuttā. Velāyatīti¹ vā **velā**, calayati² viddhamsetīti attho. Kim velāyati? Catubbidham vacīduccaritam. Iti velāyanato velā. Purisassa pana hitasukham anatikkamitvā vattatīti **anatikkamo**. Evamettha padadvayavasenāpi attho veditabbo.

Setum hanatīti **setughāto**, catunnam vacīduccaritānam padaghāto, paccayaghātoti attho. Paccayo hi idha “setū”ti adhippeto. Tatrāyam vacanattho—rāgādiko catunnam vacīduccaritānam paccayo vaṭṭasmiṃ puggalam sinoti bandhatīti **setu**, setussa ghāto **setughāto**, vacīduccaritapaccayasamugghāṭikāya viratiyā etaṃ adhivacanam. Ayam pana sammāvācāsaṅkhātā virati pubbabhāge nānācittesu labbhati. Aññeneva hi cittaena musāvādā viramati, aññena pesuññādīhi. Lokuttaramaggakkhaṇe pana ekacittasmiṃyeva labbhati, catubbidhāya hi va vacīduccaritacetanāya padapacchedam kurumānā maggaṅgam pūrayamānā ekāva virati uppajjati.

300. **Kāyaduccaritehīti** kāyato pavattehi, kāyena vā nipphāditehi pāṇātipātādīhi duccaritehi. Sesam purimanayeneva veditabbam. Ayampi sammākammantasaṅkhātā virati pubbabhāge nānācittesu labbhati. Aññeneva hi cittaena pāṇātipātā viramati, aññena adinnādānamicchācārehi. Lokuttaramaggakkhaṇe pana ekacittasmiṃyeva labbhati. Tividhāya hi kāyaduccaritacetanāya padapacchedam kurumānā maggaṅgam pūrayamānā ekāva virati uppajjati.

301. Sammā-ājīvaniddese **akiriyaṭi**-ādīsu yāya cetanāya micchājīvam ājīvamāno kiriyaṃ karoti nāma, ayam uppajjitvā tam kiriyaṃ kātum na detīti **akiriyaṭi** iminā nayena yojanā veditabbā. Ājīvo ca nāmesa pāṭiyekko natthi, vācākammantesu gahitesu gahitova hoti tappakkhikattā, dhuvapaṭisevanavasena panāyam tato nīharitvā dassitoti. Evam sante sammā-ājīvo sakiccako na

1. Velayatīti (Syā)

2. Velāyati (Ka)

hoti, aṭṭha maggaṅgāni na paripūrenti. Tasmā sammā-ājīvo sakiccano kātabbo, aṭṭha maggaṅgāni paripūretabbānīti. Tatrāyaṃ nayo—ājīvo nāma bhijjamāno kāyavacīdvāresuyeva bhijjati, manodvāre ājīvabhedo nāma natthi. Pūrayamānopi tasmimīyeva dvāradvaye pūراتي, manodvāre ājīvapūraṇaṃ nāma natthi. Kāyadvāre pana vītikkamo ājīvahetukopi atthi na-ājīvahetukopi. Tathā vacīdvāre.

Tattha yaṃ rājarājamahāmattā khiḍḍāpasutā sūrabhāvaṃ dassento migavaṃ vā¹ panthaduhanam vā paradāravītikkamaṃ vā karonti, idaṃ akusalaṃ kāyakammaṃ nāma, tato viratipi sammākammanto nāma. Yaṃ pana na-ājīvahetukaṃ catubbidhaṃ vacīduccaritaṃ bhāsanti, idaṃ akusalaṃ vacīkammaṃ nāma, tato viratipi sammāvācā nāma.

Yaṃ pana ājīvahetu nesādamacchabandhādayo pāṇaṃ hananti, adinnaṃ ādiyanti, micchācāraṃ caranti, ayaṃ micchājīvo nāma, tato virati sammā-ājīvo nāma. Yampi lañjaṃ gahetvā musā bhaṇanti, pesuññapharusasamphappalāpe pavattenti, ayampi micchājīvo nāma, tato virati sammā-ājīvo nāma.

Mahāsīvatthero panāha “kāyavacīdvāresupi vītikkamo ājīvahetuko vā hotu, no vā ājīvahetuko, ‘akusalaṃ kāyakammaṃ vacīkammaṃ’ tveva saṅkyaṃ gacchati, tato viratipi ‘sammākammanto sammāvācā’ tveva vuccatī”ti. “Ājīvo kuhin”ti² vutte pana “tīṇi kuhanavatthūni nissāya cattāro paccaye uppādetvā tesam paribhogo”ti āha. Ayaṃ pana koṭippatto micchājīvo, tato virati sammā-ājīvo nāma.

Ayampi sammā-ājīvo pubbabhāge nānācittesu labbhati. Aññeneva hi cittena kāyadvāravītikkamā viramati, aññena vacīdvāravītikkamā. Lokuttaramaggakkaṇe pana ekacittasmiṃyeva labbhati. Kāyavacīdvāresu hi sattakamma pathavasena uppannāya micchājīvasaṅkhātāya dussīlyacetanāya padapacchedaṃ kurumānā maggaṅgaṃ pūrayamānā ekāva virati uppajjatīti ayaṃ niddesavāre viseso.

1. Migapadhaṃ vā (Syā, Ka)

2. Kahanti (Sī)

337. Yaṃ panetaṃ indriyesu anaññātaññassāmītindriyaṃ vaḍḍhitaṃ, maggaṅgesu ca sammāvācādīni, tesaṃ vasena saṅgahavāre “navindriyāni, aṭṭhaṅgiko maggo”ti vuttaṃ. Suññatavāro pākatikoyevāti ayaṃ tāva suddhikapaṭipadāya viseso.

343. Ito paraṃ suddhikasunñatā suññatapaṭipadā suddhika-appaṇihitā appaṇihitapaṭipadāti ayaṃ desanābhedo hoti. Tattha **suññatanti** lokuttaramagassa nāmaṃ. So hi āgamanato, sagaṇato, ārammaṇatoti tīhi kāraṇehi nāmaṃ labhati. Kathaṃ? Idha bhikkhu anattato abhinivisitvā anattato saṅkhāre passati. Yasmā pana anattato diṭṭhamatteneva maggavuṭṭhānaṃ nāma na hoti, aniccatopi dukkhatopi daṭṭhumeva vaṭṭati, tasmā “aniccaṃ dukkhamanattā”ti tividhaṃ anupassanaṃ āropetvā sammasanto carati. Vuṭṭhānagāminivipassanā panassa tebhūmakepi saṅkhāre suññatova passati. Ayaṃ vipassanā suññatā nāma hoti. Sā āgamaṇiyatṭhāne ṭhatvā attano maggassa “suññatan”ti nāmaṃ deti. Evaṃ maggo **āgamanato** suññatanāmaṃ labhati. Yasmā pana so rāgādīhi suñño, tasmā **sagaṇeneva** suññatanāmaṃ labhati. Nibbānampi rāgādīhi suññattā “suññatan”ti vuccati, taṃ ārammaṇaṃ katvā uppunnattā maggo **ārammaṇato** suññatanāmaṃ labhati.

Tattha suttantikapariyāyena sagaṇatopi ārammaṇatopi nāmaṃ labhati. Pariyāyadesanā hesā. Abhidhammakathā pana nipariyāya desanā. Tasmā idha sagaṇato vā ārammaṇato vā nāmaṃ na labhati, āgamanatova labhati. Āgamanameva hi dhuraṃ. Taṃ duvidhaṃ hoti vipassanāgamaṇaṃ, maggāgamaṇanti. Tattha maggassa āgatatṭhāne vipassanāgamaṇaṃ dhuraṃ. Phalassa āgatatṭhāne maggāgamaṇaṃ dhuraṃ. Idha maggassa āgatattā vipassanāgamaṇameva dhuraṃ jātā.

350. **Appaṇihitanti** etthāpi appaṇihitanti maggasseva nāmaṃ. Idampi nāmaṃ maggo tīheva kāraṇehi labhati. Kathaṃ? Idha bhikkhu āditova dukkhato abhinivisitvā dukkhatova saṅkhāre passati. Yasmā pana dukkhato diṭṭhamatteneva maggavuṭṭhānaṃ nāma na hoti, aniccatopi anattatopi daṭṭhumeva vaṭṭati, tasmā “aniccaṃ dukkhamanattā”ti tividhaṃ anupassanaṃ

āropetvā sammasanto carati. Vuṭṭhānagāminivipassanā panassa tebhūmakasaṅkhāresu paṇidhiṃ sosetvā pariyādiyivā vissajjeti. Ayaṃ vipassanā appaṇihitā nāma hoti. Sā āgamanīyaṭṭhāne ṭhatvā attano maggassa “appaṇihitan”ti nāmaṃ deti. Evaṃ maggo **āgamanato** appaṇihitanāmaṃ labhati. Yasmā pana tattha¹ rāgadosamohapaṇidhayo natthi, tasmā **saguṇeneva** appaṇihitanāmaṃ labhati. Nibbānampi tesam paṇidhīnaṃ abhāvā “appaṇihitan”ti vuccati, taṃ ārammaṇaṃ katvā uppunnattā maggo **ārammaṇato** appaṇihitanāmaṃ labhati.

Tattha suttantikapariyāyena saguṇatopi ārammaṇatopi nāmaṃ labhati. Pariyāyadesanā hesā. Abhidhammakathā pana nippariyāyadesanā. Tasmā idha saguṇato vā ārammaṇato vā nāmaṃ na labhati, āgamanatova labhati. Āgamanameva hi dhuraṃ. Taṃ duvidhaṃ hoti vipassanāgamaṇaṃ, maggāgamaṇanti. Tattha maggassa āgataṭṭhāne vipassanāgamaṇaṃ dhuraṃ. Phalassa āgataṭṭhāne maggāgamaṇaṃ dhuraṃ. Idha maggassa āgatattā vipassanāgamaṇameva dhuraṃ jātaṃ.

Nanu ca suññato animitto appaṇihitoti tiṇi maggassa nāmāni. Yathāha “tayome bhikkhave vimokkhā, katame tayo? Suññato vimokkho, animitto vimokkho, appaṇihito vimokkho”ti². Tesu idha dve magge gahetvā animitto kasmā na gahitoti? āgamanābhāvato. Animittavipassanā hi sayam āgamanīyaṭṭhāne ṭhatvā attano maggassa nāmaṃ dātum na sakkoti. Sammāsambuddho pana attano puttassa Rāhulatherassa—

“Animittaṅca bhāvehi, mānānusayamujjaha.

Tato mānābhisamayā, upasanto carissasi”ti³—

Animittavipassanaṃ kathesi. Vipassanā hi niccanimittam, dhuvanimittam, sukhanimittam, attanimittaṅca ugghāṭeti, tasmā animittāti kathitā. Sā ca kiñcāpi taṃ nimittam ugghāṭeti, sayam pana nimittadhammesu caratīti sanimittāva hoti. Tasmā sayam āgamanīyaṭṭhāne ṭhatvā attano maggassa nāmaṃ dātum na sakkoti.

1. Panettha (Sī)

2. Khu 9. 230 Piṭisambhidāmagge.

3. Khu 1. 329 piṭṭhe.

Aparo nayo—abhidhammo nāma paramatthadesanā, animittamaggassa ca paramatthato hetuvekallameva hoti. Kathaṃ? Aniccānupassanāya hi vasena animittavimokkho kathito, tena ca vimokkhena saddhindriyaṃ adhimattaṃ hoti. Taṃ ariyamagge ekaṅgampi na hoti, amaggaṅgattā attano maggassa paramatthato¹ nāmaṃ dātuṃ na sakkoti. Itaresu pana dvīsu anattānupassanāya tāva vasena suññatavimokkho, dukkhānupassanāya vasena appaṇihitavimokkho kathito. Tesu suññatavimokkhena paññindriyaṃ adhimattaṃ hoti, appaṇihitavimokkhena samādhindriyaṃ, tāni ariyamaggassa aṅgattā attano maggassa paramatthato nāmaṃ dātuṃ sakkonti. Maggārammaṇattikepi hi maggādhipatidhammavibhajane chandacittānaṃ adhipatikāle tesāṃ dhammānaṃ amaggaṅgattāva maggādhipatibhāvo na vutto, evaṃsampadamidaṃ veditabbanti ayamettha Aṭṭhakathāmuttako ekassa ācariyassa mativinicchayo. Evaṃ sabbathāpi animittavipassanā sayāṃ āgamaṇiyatṭhāne ṭhatvā attano maggassa nāmaṃ dātuṃ na sakkotīti animittamaggo na gahito.

Keci pana “animittamaggo āgamanato nāmaṃ alabhantopi suttantapariyāyena saguṇato ca ārammaṇato ca nāmaṃ labhati”ti āhaṃsu. Te idaṃ vatvā paṭikkhittā—animittamagge saguṇato ca ārammaṇato ca nāmaṃ labhante suññata-appaṇihitamaggāpi saguṇatoyeva, ārammaṇatoyeva ca idha nāmaṃ labheyyuṃ, na pana labhanti. Kiṃ kāraṇā? Ayañhi maggo nāma dvīhi kāraṇehi nāmaṃ labhati sarasato ca paccanīkato ca, sabhāvato ca paṭipakkhato cāti attho. Tatha suññata-appaṇihitamaggā sarasatopi paccanīkatopi nāmaṃ labhanti. Suññata-appaṇihitamaggā hi rāgādīhi suññā, rāgapaṇidhi-ādīhi ca appaṇihitāti evaṃ sarasato nāmaṃ labhanti. Suññato ca attābhinivesassa paṭipakkho, appaṇihito paṇidhissāti evaṃ paccanīkato nāmaṃ labhanti. Animittamaggo pana rāgādinimittānaṃ, niccanimittādīnaṃ abhāvena sarasatova nāmaṃ labhati, no paccanīkato. Na hi so saṅkhāranimittārammaṇāya aniccānupassanāya paṭipakkho. Aniccānupassanā panassa anulomabhāve ṭhitāti sabbathāpi abhidhammapariyāyena animittamaggo nāma natthīti.

1. Paramatthatova (Sī, Ka)

Suttantikapariyāyena panesa evaṃ āharitvā dīpito—yasmīñhi vāre maggavuṭṭhānaṃ hoti, tīṇi lakkhaṇāni ekāvajjanena viya āpāthamāgacchanti, tiṇṇaṅca ekato āpāthagamaṇaṃ nāma natthi. Kammatṭhānassa pana vibhūtabhāvadīpanatthaṃ evaṃ¹ vuttaṃ. Ādito hi yattha katthaci abhiniveso hotu, vuṭṭhānagāminī pana vipassanā yaṃ yaṃ sammāsivā vuṭṭhāti, tassa tasseva vasena āgamanīyaṭṭhāne ṭhatvā attano maggassa nāmaṃ deti. Kathaṃ? Aniccādīsu hi yattha katthaci abhinivisitvā itarampi lakkhaṇadvayaṃ daṭṭhuṃ vaṭṭati eva. Ekalakkhaṇadassanamatteneva hi maggavuṭṭhānaṃ nāma na hoti. Tasmā aniccato abhiniviṭṭho bhikkhu na kevalaṃ aniccato vaṭṭhāti, dukkhatopi anattatopi vuṭṭhātiyeva. Dukkhatopi anattato abhiniviṭṭhepi eseva nayo. Iti ādito yattha katthaci abhiniveso hotu, vuṭṭhānagāminī pana vipassanā yaṃ yaṃ sammāsivā vuṭṭhāti, tassa tasseva vasena āgamanīyaṭṭhāne ṭhatvā attano maggassa nāmaṃ deti². Tattha aniccato cuṭṭhahantassa maggo animitto nāma hoti, dukkhatopi cuṭṭhahantassa appaṇihito, anattato cuṭṭhahantassa suññatoti evaṃ suttantapariyāyena āharitvā dīpito.

Vuṭṭhānagāminī pana vipassanā kimārammaṇāti? Lakkhaṇārammaṇāti. Lakkhaṇaṃ nāma paññattigatikaṃ navattabbadhammahūtaṃ. Yo pana “aniccaṃ dukkhamanattā”ti tīṇi lakkhaṇāni sallakkheti, tassa pañcakkhandhā kaṅṭhe baddhakuṇapaṃ viya honti, saṅkhārārammaṇameva ñāṇaṃ saṅkhārato vuṭṭhāti. Yathā hi eko bhikkhu pattaṃ kiṇitukāmo pattavāṇijena pattaṃ ābhataṃ disvā haṭṭhapahaṭṭho “gaṇhissāmī”ti cintetvā vimaṃsamāno tīṇi chiddāni passeyya. So na chiddesu nirālayo hoti, patte pana nirālayo hoti, evameva tīṇi lakkhaṇāni sallakkhetvā saṅkhāresu nirālayo hoti, saṅkhārārammaṇeneva ñāṇena saṅkhārato vuṭṭhātīti veditabbam. Dussopamāyapi eseva nayo.

Iti Bhagavā lokuttaraṃ jhānaṃ bhājento suddhikapaṭipadāya catukkanayaṃ, pañcakanayanti dvepi naye āhari. Tathā suddhikasūññatāya suññatapaṭipadāya suddhika-appaṇihitāya³ appaṇihitapaṭipadāyāti. Kasmā evaṃ āharīti? Puggalajjhāsayena ceva desanāvīlāsena ca. Tadubhayampi

1. Etaṃ (Sī)

2. Detīti (Sī)

3. Suddhika-appaṇihite (Sī, Ka)

heṭṭhā vuttanayeneva veditabbaṃ. Evaṃ **lokuttaraṃ jhānaṃ bhāvetīti** ettha suddhikapaṭipadāya catukkapañcakavasena dve nayā, tathā sesesūti sabbesupi pañcasu koṭṭhāsesu dasa nayā bhājitā.

Lokuttarakusala pakiṇṇakakathā

Tatridaṃ pakiṇṇakaṃ—

Ajjhattaṅca bahiddhā ca, rūpārūpesu pañcasu.

Sattaṭṭhaṅgapariṇāmaṃ, nimittaṃ paṭipadāpatīti.

Lokuttaramaggo¹ hi ajjhattaṃ abhinivisitvā ajjhattaṃ vuṭṭhāti, ajjhattaṃ abhinivisitvā bahiddhā vuṭṭhāti, bahiddhā abhinivisitvā bahiddhā vuṭṭhāti, bahiddhā abhinivisitvā ajjhattaṃ vuṭṭhāti. Rūpe abhinivisitvā rūpā vuṭṭhāti, rūpe abhinivisitvā arūpā vuṭṭhāti, arūpe abhinivisitvā arūpā vuṭṭhāti, arūpe abhinivisitvā rūpā vuṭṭhāti. Ekappahārenea pañcahi khandhehi vuṭṭhāti.

Sattaṭṭhaṅgapariṇāmaṃ so panaesa maggo aṭṭhaṅgikopi hoti sattaṅgikopi. Bojjhaṅgāpi satta vā hoti cha vā. Jhānaṃ pana pañcaṅgikaṃ vā hoti caturaṅgikaṃ vā tivaṅgikaṃ vā duvaṅgikaṃ vā, evaṃ satta-aṭṭhādīnaṃ aṅgānaṃ pariṇāmo veditabboti attho.

Nimittaṃ paṭipadāpatīti nimittanti yato vuṭṭhānaṃ² hoti. **Paṭipadāpatīti** paṭipadāya ca adhipatino ca calanācalanaṃ veditabbaṃ.

Tattha **ajjhattaṃ abhinivisitvā ajjhattaṃ vuṭṭhātīti**-ādīsu tāva idhekacco āditova ajjhattaṃ pañcasu khandhesu abhinivisati, abhinivisitvā te aniccādito passati. Yasmā pana na suddha-ajjhattadassanamatteneva maggavuṭṭhānaṃ hoti, bahiddhāpi daṭṭhabbameva. Tasmā parassa khandhepi anupādinnaṣaṅkhārepi “aniccaṃ dukkhamanattā”ti passati. So kālena ajjhattaṃ sammasati, kālena bahiddhāti. Tassevaṃ sammasato ajjhattaṃ sammasanakāle vipassanā maggena saddhim ghaṭiyati. Evaṃ ajjhattaṃ abhinivisitvā ajjhattaṃ vuṭṭhāti nāma. Sace panassa bahiddhā sammasanakāle vipassanā

1. Lokuttaramagge (Sī, Syā)

2. Uṭṭhānaṃ (Ka)

maggena saddham ghaṭiyati, evaṃ **ajjhattaṃ abhinivisitvā bahiddhā vuṭṭhāti** nāma. Eseva nayo **bahiddhā abhinivisitvā bahiddhā ca¹ ajjhattañca vuṭṭhānēpi.**

Aparo āditova rūpe abhinivisati, abhinivisitvā bhūtarūpañca upādārūpañca paricchinditvā aniccādito passati. Yasmā pana na suddharūpadassanamatteneva vuṭṭhānaṃ hoti, arūpampi daṭṭhabbameva. Tasmā taṃ rūpaṃ ārammaṇaṃ katvā uppannaṃ vedanaṃ, saññaṃ, saṅkhāre, viññāṇaṃca “idaṃ arūpan”ti paricchinditvā aniccādito passati, so kālena rūpaṃ sammasati kālena arūpaṃ. Tassevaṃ sammasato rūpasammasanakāle vipassanā maggena saddhiṃ ghaṭiyati. Evaṃ **rūpe abhinivisitvā rūpā vuṭṭhāti** nāma. Sace panassa arūpasammasanakāle vipassanā maggena saddhiṃ ghaṭiyati, evaṃ **rūpe abhinivisitvā arūpā vuṭṭhāti** nāma. Esa nayo **arūpe abhinivisitvā arūpā ca rūpā ca vuṭṭhānēpi.**

“Yaṃkiñci samudayadhammaṃ, sabbaṃ taṃ nirodhadhammaṃ”ti² evaṃ abhinivisitvā evameva vuṭṭhānakāle pana ekappahārena pañcahi khandhehi vuṭṭhāti nāmāti ayaṃ tikkhavipassakassa mahāpaññaassa bhikkhuno vipassanā.

Yathā hi chātajjhattassa purisassa majjhe³ gūthapiṇḍaṃ ṭhapetvā nānaggarasabhojanapuṇṇaṃ pātiraṃ upaneyyuraṃ. So byañjanaṃ hatthena viyūhanto taṃ gūthapiṇḍaṃ disvā “kimidaṃ”ti pucchitvā “gūthapiṇḍo”ti vutte “dhi dhi, apanethā”ti bhattepi pātiyampi nirālayo hoti, evaṃsāmpadamidaṃ daṭṭhabbaṃ.

Bhojanapātidassanasmiñhi tassa attamanakālo viya imassa bhikkhuno bālaputhujjanakāle pañcakkhandhe “ahaṃ mamā”ti gahitakālo, gūthapiṇḍassa diṭṭhakālo viya tiṇṇaṃ lakkhaṇānaṃ sallakkhitakālo, bhattepi pātiyampi nirālayakālo viya tikkhavipassakassa mahāpaññaassa bhikkhuno “yaṃkiñci samudayadhammaṃ, sabbaṃ taṃ nirodhadhammaṃ”ti pañcahi khandhehi ekappahārena vuṭṭhitakālo veditabbo.

“Sattaṭṭhaṅgaparīṇāmaṃ”ti ettha ayaṃ vuttappabhedo aṅgaparīṇāmo yathā hoti, tathā veditabbo. Saṅkhārupekkhāññaṃeva hi ariyamagassa

1. ...bahiddhā ceva (Sī)

2. Vi 3. 17; Dī 1. 102 piṭṭhādīsu.

3. Bhattamajjhe (Ka)

bojjhaṅgamaggaṅgajhānaṅgavisesaṃ niyāmeti¹. Keci pana therā “bojjhaṅgamaggaṅgajhānaṅgavisesaṃ pādakajjhānaṃ niyāmeti”ti vadanti, keci “vipassanāya ārammaṇabhūtā khandhā niyāmeti”ti vadanti, keci “puggalajjhāsayo niyāmeti”ti vadanti, tesampi vādesu ayaṃ saṅkhārupekkhāsāṅkhātā pubbabhāgā vuṭṭhānagāminivipassanāva niyāmetīti veditabbā.

Tatrāyaṃ anupubbīkathā—vipassanāniyamena hi sukhavipassakassa uppannamaggopi samāpattilābhino jhānaṃ pādakaṃ akatvā uppannamaggopi paṭhamajjhānaṃ pādakaṃ katvā pakiṇṇakasāṅkhāre sammasitvā uppāditamaggopi paṭhamajjhānikova hoti, sabbesu satta bojjhaṅgāni aṭṭha maggaṅgāni pañca jhānaṅgāni honti. Tesaṃhi pubbabhāgavipassanā somanassasahagatāpi upekkhāsahagatāpi hutvā vuṭṭhānakāle saṅkhārupekkhābhāvaṃ pattā somanassasahagatāva hoti.

Pañcakanāye dutiyatatiyacatutthajjhānāni pādakāni katvā uppāditamaggesu yathākkameneva jhānaṃ caturaṅgikaṃ, tivaṅgikaṃ, duvaṅgikaṃ hoti, sabbesu pana satta maggaṅgāni honti, catutthe cha bojjhaṅgāni. Ayaṃ viseso pādakajjhānaniyamena ceva vipassanāniyamena ca hoti, tesampi hi pubbabhāgavipassanā somanassasahagatāpi upekkhāsahagatāpi hoti, vuṭṭhānagāminī somanassasahagatāva.

Pañcamajjhānaṃ pādakaṃ katvā nibbattitamagge pana upekkhācittakaggatāvasena dve jhānaṅgāni, bojjhaṅgamaggaṅgāni cha satta ceva. Ayampi viseso ubhayaniyamavasena hoti. Imasmiṃhi nāye pubbabhāgavipassanā somanassasahagatā vā upekkhāsahagatā vā hoti, vuṭṭhānagāminī upekkhāsahagatāva. Arūpajjhānāni pādakāni katvā uppāditamaggepi eveda nayo. Evaṃ pādakajjhānato vuṭṭhāya ye keci saṅkhāre sammasitvā nibbattitamaggassa āsannapadesa vuṭṭhitā samāpatti attanā sadisabhāvaṃ karoti, bhūmivaṇṇo viya godhāvaṇṇassa.

Dutiyattheravāde pana yato yato samāpattito vuṭṭhāya ye ye samāpattidhamme sammasitvā maggo nibbattito hoti, taṃtaṃsamāpattisadisova hoti, sammasitasamāpattisadisoti attho.

1. Niyāmeti (Sī)

sace pana kāmāvacaradhamme sammasati, paṭhamajjhānikova hoti, tatrāpi vipassanāniyamo vuttanayeneva veditabbo.

Tatīyattheravāde “aho vatāhaṃ sattaṅgikaṃ maggaṃ pāpuṇeyyaṃ, aṭṭhaṅgikaṃ maggaṃ pāpuṇeyyaṃ”ti attano ajjhāsayanurūpena yaṃ yaṃ jhānaṃ pādakaṃ katvā ye vā ye vā jhānadhamme sammasitvā maggo nibbattito, taṃtaṃjhānasadisova hoti. Pādakajjhānaṃ pana sammasitajjhānaṃ vā vinā ajjhāsayaṃmatteneva taṃ na ijjhati. Svāyamattho **Nandakovādasuttena** dīpetabbo. Vuttañhetam—

“Seyyathāpi bhikkhave tadahuposathe pannarase na hoti bahuno janassa kaṅkhā vā vimati vā ‘ūno nu kho cando, puṇṇo nu kho cando’ti. Atha kho ‘puṇṇo candotve’va hoti. Evameva kho bhikkhave tā bhikkhuniyo Nandakassa Dhammadesanāya attamanā ceva paripuṇṇasaṅkappā ca. Tāsaṃ bhikkhave pañcannaṃ bhikkhunisaṭānaṃ yā pacchimikā bhikkhunī, sā sotāpannā avinipātadhammā niyatā sambodhiparāyaṇā”ti¹.

Tāsu hi yassā bhikkhuniyā sotāpattiphalassa upanissayo, sā sotāpattiphaleneva paripuṇṇasaṅkappā ahosi -pa-. Yassā arahattassa upanissayo, sā arahatteneva. Evameva attano ajjhāsayanurūpena yaṃ yaṃ jhānaṃ pādakaṃ katvā ye vā ye vā jhānadhamme sammasitvā maggo nibbattito, taṃtaṃjhānasadisova so hoti. Pādakajjhānaṃ pana sammasitajjhānaṃ vā vinā ajjhāsayaṃmatteneva taṃ na ijjhātīti. Etthāpi ca vipassanāniyamo vuttanayeneva veditabbo.

Tattha “pādakajjhānameva niyametī”ti evaṃvādiṃ **Tipiṭakacūlanāgattheraṃ** antevāsikā āhaṃsu “bhante yattha tāva pādakajjhānaṃ atthi, tattha taṃ niyametū. Yasmiṃ pana pādakajjhānaṃ natthi, tasmīṃ arūpabhava kiṃ niyametī”ti. Āvuso tatthapi pādakajjhānameva niyameti. Yo hi bhikkhu aṭṭhasamāpattilābhī paṭhamajjhānaṃ pādakaṃ katvā sotāpattimaggaṃphalāni nibbattetvā aparihīnajjhāno kālaṃ katvā arūpabhava nibbatto, paṭhamajjhānikāya sotāpattiphalasamāpattiyā vuṭṭhāya vipassanaṃ paṭṭhapetvā

1. Ma 3. 324 piṭṭhe.

upari tīṇi maggaphalāni nibbatteti, tassa tāni paṭhamajjhānikāneva honti, dutiyajjhānikādīsupi eseva nayo. Arūpe tikacatukkajjhānaṃ uppajjati, tañca kho lokuttaraṃ, na lokiyaṃ. Evaṃ tatthāpi pādakajjhānameva niyāmeti āvusoti. Sukathito bhante pañhoti.

“Vipassanāya ārammaṇabhūtā khandhā niyāmeti. Yaṃ yaṃ hi pañcakkhandhaṃ sammasitvā vuṭṭhāti, taṃtaṃsādisova maggo hoti”tivādiṃ **Moravāpivāsimahādattatherampi** antevāsikā āhaṃsu “bhante tumhākaṃ vāde doso paññāyati, rūpaṃ sammasitvā vuṭṭhitabhikkhuno hi rūpasadisena abyākatena maggena bhavitabbaṃ, nevasaññānāsaññāyātanaṃ nayato pariggahetvā vuṭṭhitassa taṃsādiseneva nevasaññānāsaññābhāvappattena maggena bhavitabbaṃ”ti. Na āvuso evaṃ hoti, lokuttaramaggo hi appanaṃ appatto nāma natthi, tasmā rūpaṃ sammasitvā vuṭṭhitassa aṭṭhaṅgiko somanassasahagatamaggo hoti, nevasaññānāsaññāyātanaṃ sammasitvā vuṭṭhitassāpi na sabbākārena tādiso hoti, sattaṅgiko pana upekkhāsahagatamaggo hotīti.

“Puggalajjhāsāyo niyāmeti”tivādiṃ **Cūḷābhayattherassāpi** vādaṃ āharitvā Tipiṭakacūḷānāgattherassa kathayīmsu. So āha “yassa tāva pādakajjhānaṃ atthi, tassa puggalajjhāsāyo niyāmetu. Yassa taṃ natthi, tassa katarajjhāsāyo niyāmessati, niddhanassa vaḍḍhigavesana¹ kālo viya hoti”ti.

Taṃ kathaṃ āharitvā Tipiṭakacūḷābhayattherassa puna kathayīmsu, so “pādakajjhānavato idaṃ kathitaṃ āvusoti”ti āha. Yathā pana pādakajjhānavato, sammasitajjhānavatopi tattheva veditabbaṃ. Pañcamajjhānato vuṭṭhāya hi paṭhamādiṇi sammasato uppannamaggo paṭhamattheravādena pañcamajjhāniko, dutiyavādena paṭhamādiṇijjhāniko āpajjatīti dvepi vādā virujjhanti. Tatiyavādena panettha yaṃ icchati, tajjhāniko hotīti te ca vādā na virujjhanti, ajjhāsāyo ca sātthako hotīti. Evaṃ tayopi therā paṇḍitā byattā buddhisampannāva, tena tesāṃ vādaṃ tantim katvā ṭhapayīmsu. Idha pana atthameva uddharitvā tayopete vāde vipassanāva niyāmetīti dassitaṃ.

1. Vaḍḍhigavesana (Sī)

Idāni **nimittam patipadāpatī**ti ettha evaṃ aṅgapariṇānavato maggassa uppādakāle gotrabhu kuto vuṭṭhāti, maggo kutoti? Gotrabhu tāva nimittato vuṭṭhāti, pavattam chettum¹ na sakkoti. Ekatovuṭṭhāno hesa. Maggo nimittato vuṭṭhāti, pavattampi chindati. Ubhatovuṭṭhāno hesa. Tesam ayam uppattinayo—yasmiñhi vāre maggavuṭṭhānam hoti, tasmim anulomam neva ekam hoti, na pañcamam. Ekañhi āsevanam na labhati, pañcamam bhavaṅgassa āsannattā pavedhati. Tadā hi javanam patitam nāma hoti, tasmā neva ekam hoti, na pañcamam. Mahāpaññassa pana dve anulomāni honti, tatiyam gotrabhu, catuttham maggacittam, tīṇi phalāni, tato bhavaṅgotaraṇam. Majjhimapaññassa tīṇi anulomāni honti, catuttham gotrabhu, pañcamam maggacittam, dve phalāni, tato bhavaṅgotaraṇam. Mandapaññassa cattāri anulomāni honti, pañcamam gotrabhu, chaṭṭham maggacittam, sattamam phalam, tato bhavaṅgotaraṇam. Tattha mahāpaññamandapaññanam vasena akathetvā majjhimapaññassa vasena kathetabban.

Yasmiñhi vāre maggavuṭṭhānam hoti, tasmim kiriyāhetukamanoviññādhātu upekkhāsahagatā manodvārāvajjanam hutvā vipassanāgocare khandhe ārammaṇam katvā bhavaṅgam āvaṭṭeti, tadanantaram teneva āvajjanena gahitakkhandhe gahetvā uppajjati paṭhamam javanam anulomaññanam, tam tesu khandhesu “aniccā”ti vā “dukkhā”ti vā “anattā”ti vā pavattitvā oḷārikam oḷārikam saccapaṭicchādakatamam² vinodetvā tīṇi lakkhaṇāni bhiyyo bhiyyo pākaṭāni katvā nirujjhati, tadanantaram uppajjati dutiyānulomam. Tesu purimam anāsevanam, dutiyassa purimam āsevanam hoti, tampi laddhāsevanattā tikkham sūram pasannaṃ hutvā tasmim yevārammaṇe tenevākārena pavattitvā majjhimappamāṇam saccapaṭicchādakatamam vinodetvā tīṇi lakkhaṇāni bhiyyo bhiyyo pākaṭāni katvā nirujjhati, tadanantaram uppajjati tatiyānulomam, tassa dutiyam āsevanam hoti, tampi laddhāsevanattā tikkham sūram pasannaṃ hutvā tasmim yevārammaṇe tenevākārena pavattitvā tadavasesam aṇusahagatam saccapaṭicchādakatamam vinodetvā niravasesam katvā tīṇi lakkhaṇāni bhiyyo bhiyyo

1. Chetum (Syā, Ka)

2. Saccacchādakatamam (Ka)

pākaṭāni katvā nirujjhati. Evaṃ tīhi anulomehi saccapaṭicchādakatame vinodite tadanantaram uppajjati gotrabhuññāṇaṃ nibbānaṃ ārammaṇaṃ kurumānaṃ.

Tatrāyaṃ upamā—eko kira cakkhumā puriso “nakkhattayogaṃ jānissāmī”ti rattibhāge nikkhamitvā candaṃ passitum uddhaṃ ullokesi, tassa valāhakehi paṭicchannattā cando na paññāyittha. Atheko vāto uṭṭhahitvā thūlathūle valāhake viddhaṃsesi, aparo majjhime, aparo sukhome. Tato so puriso vigatavalāhake nabhe candaṃ disvā nakkhattayogaṃ aññāsi.

Tattha tayo valāhakā viya saccapaṭicchādakathūlamajjhimasukhumakilesandhakārā, tayo vātā viya tīṇi anulomacittāni, cakkhumā puriso viya gotrabhuññāṇaṃ, cando viya nibbānaṃ, ekekassa vātassa yathākkamena valāhakattayaviddhaṃsanaṃ viya ekekassa anulomacittassa saccapaṭicchādakatamavinodanaṃ, vigatavalāhake nabhe tassa purisassa visuddhacandadassanaṃ viya vigate saccapaṭicchādake tame gotrabhuññāṇassa suvisuddhanibbānārammaṇakaraṇaṃ.

Yatheva hi tayo vātā candapaṭicchādake valāhakeyeva viddhaṃsetum sakkonti, na candaṃ daṭṭhum, evaṃ anulomāni saccapaṭicchādakatameyeva vinodetum sakkonti, na nibbānaṃ ārammaṇaṃ kātum. Yathā so puriso candameva daṭṭhum sakkoti, na valāhake viddhaṃsetum, evaṃ gotrabhuññāṇaṃ nibbānameva ārammaṇaṃ kātum sakkoti, na kilesatamaṃ vinodetum. Evaṃ anulomaṃ saṅkhārārammaṇaṃ hoti, gotrabhuññāṇaṃ.

Yadi hi gotrabhuññāṇaṃ anulomena gahitārammaṇaṃ gaṇheyya, puna anulomaṃ taṃ anubandheyāti maggavuṭṭhānameva na bhaveyya. Gotrabhuññāṇaṃ pana anulomassa ārammaṇaṃ aggahetvā taṃ apacchatopavattikaṃ katvā sayam anāvajjanampi samānaṃ āvajjanatṭhāne ṭhatvā “evaṃ nibbattāhī”ti maggassa saññaṃ datvā viya nirujjhati, maggopi tena dinnasaññaṃ amuñcitvā va Avīcisantativasena taṃ ñāṇaṃ anubandhamāno¹ anibbidhappubbaṃ apadālitapubbaṃ lobhakkhandhaṃ dosakkhandhaṃ mohakkhandhaṃ nibbijjhamānova padālayamānova nibbattati.

1. Anuppabandhamāno (Sī, Syā)

Tatrāyaṃ upamā—eko kira issāso dhanusatamatthake phalakasataṃ ṭhapāpetvā vatthena mukhaṃ veḷhetvā saraṃ sannayhitvā cakkayante aṭṭhāsi. Añño puriso cakkayantam āviñchitvā¹ yadā issāsassa phalakasataṃ abhimukhaṃ hoti, tadā tattha daṇḍakena saññaṃ deti. Issāso daṇḍakasaññaṃ amuñcitvāva saraṃ khipitvā phalakasataṃ nibbijjhati. Tattha daṇḍakasañña viya gotrabhuññāṇaṃ, issāso viya maggaññaṃ, issāsassa daṇḍakasaññaṃ amuñcitvāva phalakasatanibbijjhanam viya, maggaññaṇassa gotrabhuññāṇena dinnasaññaṃ amuñcitvāva nibbānaṃ ārammaṇaṃ katvā anibbiddhapubba-apadālitapubbānaṃ lobhakkhandhādīnaṃ nibbijjhanapadālanam.

Bhūmiladdhavatṭasetusamugghātakaraṇantipi etadeva. Maggassa hi ekameva kiccaṃ anusayappajjanaṃ. Iti so anusaye pajahanto nimitṭā vuṭṭhāti nāma, pavattaṃ chindati nāma. **Nimittanti**

rūpavedanāsaññaṃsañkhāraviññāṇanimittam. **Pavattampi**

rūpavedanāsaññaṃsañkhāraviññāṇapavattameva. Tam duvidham hoti upādinnakam anupādinnakanti. Tesu maggassa anupādinnakato vuṭṭhānacchāyā dissatīti vatvā “anupādinnakato vuṭṭhātī”ti vadimsu.

Sotāpattimaggena hi cattāri diṭṭhigatasampayuttāni, vicikicchāsahagatanti pañca cittāni pahīyanti, tāni rūpaṃ samuṭṭhāpentī. Tam anupādinnakarūpakkhandho, tāni cittāni viññāṇakkhandho, taṃsampayuttā vedanā saññaṃ sañkhārā tayo arūpakkhandhā. Tattha sace sotāpannessa sotāpattimaggo abhāvito abhavissa, tāni pañca cittāni chasu ārammaṇesu pariyuṭṭhānaṃ pāpuṇeyyūṃ. Sotāpattimaggo pana nesam pariyuṭṭhānappattim² vārayamāno setusamugghātam abhabbuppattikabhāvaṃ kurumāno anupādinnakato vuṭṭhāti nāma.

Sakadāgāmimaggena cattāri diṭṭhigatavippayuttāni, dve domanassasahagatānīti oḷārikakāmarāgabyāpādavasena cha cittāni pahīyanti. Anāgāmimaggena aṇusahagatakāmarāgabyāpādavasena tāni, eva cha cittāni pahīyanti. Arahattamaggena cattāri diṭṭhigatavippayuttāni, uddhaccasahagatañcāti pañca akusalacittāni pahīyanti. Tattha sace tesam ariyānaṃ te maggā abhāvitā assu, tāni cittāni chasu ārammaṇesu pariyuṭṭhānaṃ pāpuṇeyyūṃ, te pana tesam maggā pariyuṭṭhānappattim vārayamānā

1. Āvijjhivā (Sī, Syā)

2. Pariyuṭṭhānappattim (Syā, Ka)

setusamugghātāṃ abhabbuppattikabhāvaṃ kurumānā anupādinnakato vuṭṭhahanti nāma.

“Upādinnakato vuṭṭhānacchāyā dissatī”ti vatvā “upādinnakato vuṭṭhātī”tipi vadimsu. Sace hi sotāpannessa sotāpattimaggo abhāvito abhavissa, ṭhapetvā satta bhava anamatagge saṃsāraṇaṭṭe upādinnakappavattaṃ pavatteyya. Kasmā? Tassa pavattiyā hetūnaṃ atthitāya. Tīṇi saṃyojanāni, diṭṭhānusayo, vicikicchānusayoti ime pana pañca kilese sotāpattimaggo uppajjamānova samugghāteti, idāni kuto sotāpannessa satta bhava ṭhapetvā anamatagge saṃsāraṇaṭṭe upādinnakappavattaṃ pavattissati. Evaṃ sotāpattimaggo upādinnakappavattaṃ appavattaṃ kurumāno upādinnakato vuṭṭhātī nāma.

Sace sakadāgāmissa sakadāgāmimaggo abhāvito abhavissa, ṭhapetvā dve bhava pañcasu bhavesu upādinnakappavattaṃ pavatteyya. Kasmā? Tassa pavattiyā hetūnaṃ atthitāya. Oḷārikāni kāmarāgapaṭighasaṃyojanāni, oḷāriko kāmarāgānusayo, paṭighānusayoti ime pana cattāro kilese so maggo uppajjamānova samugghāteti, idāni kuto sakadāgāmissa dve bhava ṭhapetvā pañcasu bhavesu upādinnakappavattaṃ pavattissati. Evaṃ sakadāgāmimaggo upādinnakappavattaṃ appavattaṃ kurumāno upādinnakato vuṭṭhātī nāma.

Sace anāgāmissa anāgāmsimaggo abhāvito abhavissa, ṭhapetvā ekaṃ bhavaṃ dutiyabhavaṃ upādinnakappavattaṃ pavatteyya. Kasmā? Tassa pavattiyā hetūnaṃ atthitāya. Aṇusahagatāni kāmarāgapaṭighasaṃyojanāni, aṇusahagato kāmarāgānusayo, paṭighānusayoti ime pana cattāro kilese so maggo uppajjamānova samugghāteti, idāni kuto anāgāmissa ekaṃ bhavaṃ ṭhapetvā dutiyabhavaṃ upādinnakappavattaṃ pavattissati. Evaṃ anāgāmimaggo upādinnakappavattaṃ appavattaṃ kurumāno upādinnakato vuṭṭhātī nāma.

Sace arahato arahattamaggo abhāvito abhavissa, rūpārūpabhavesu upādinnakappavattaṃ pavatteyya. Kasmā? Tassa pavattiyā hetūnaṃ

atthitāya. Rūparāgo arūparāgo māno uddhaccaṃ avijjā mānānusayo bhavarāgānusayo avijjānusayoti ime pana aṭṭha kilese so maggo uppajjamānova samugghātetī, idāni kuto khīṇāsavassa punabbhave upādinnakappavattaṃ pavattissati. Evaṃ arahattamaggo upādinnakappavattaṃ appavattaṃ kurumāno upādinnakato vuṭṭhāti nāma.

Sotāpattimaggo cettha apāyabhavato vuṭṭhāti, sakadāgāmimaggo sugatikāmabhavekadesato, anāgāmimaggo kāmabhāvato, arahattamaggo rūpārūpabhavato. “Sabbabhavehipi vuṭṭhāti evā”ti vadanti.

Imassa panatthassa vibhāvanatthaṃ¹ ayam Pāḷi—
“sotāpattimaggañāṇena abhisāṅkhāraviññāṇassa nirodhena satta bhava ṭhapetvā anamatagge saṃsāravaṭṭe ye uppajjeyyūṃ nāmañca rūpañca, etthete nirujjhanti vūpasamanti atthaṃ gacchanti paṭippasambhanti.

Sakadāgāmimaggañāṇena abhisāṅkhāraviññāṇassa nirodhena dve bhava ṭhapetvā pañcasu bhavesu ye uppajjeyyūṃ nāmañca rūpañca, etthete nirujjhanti vūpasamanti atthaṃ gacchanti paṭippasambhanti.

Anāgāmimaggañāṇena abhisāṅkhāraviññāṇassa nirodhena ekaṃ bhavaṃ ṭhapetvā kāmadhātuyā dvīsu bhavesu ye uppajjeyyūṃ nāmañca rūpañca, etthete nirujjhanti vūpasamanti atthaṃ gacchanti paṭippasambhanti.

Arahattamaggañāṇena abhisāṅkhāraviññāṇassa nirodhena rūpadhātuyā vā arūpadhātuyā vā ye uppajjeyyūṃ nāmañca rūpañca, etthete nirujjhanti vūpasamanti atthaṃ gacchanti paṭippasambhanti. Arahato anupādisesāya nibbānadhātuyā parinibbāyantassa carimaviññāṇassa nirodhena paññā ca satī ca nāmañca rūpañca, etthete nirujjhanti vūpasamanti atthaṃ gacchanti paṭippasambhanti”ti². Ayam tāva nimitte vinicchayo.

Paṭipadāpatīti ettha pana paṭipadā calati na calatīti? Calati. Tathāgatassa hi Sāriputtatherassa ca cattāropi maggā sukhaṭipadā khippābhiññā ahesuṃ. Mahāmoggallānatherassa paṭhamamaggo sukhaṭipado khippābhiññā, upari tayo maggā dukkhapaṭipadā khippābhiññā. Kasmā? Niddābhibhūtattā.

1. Panatthassāvibhāvanatthaṃ (Syā)

2. Khu 8. 33 Cūḷaniddese.

Sammāsambuddho kira sattāhaṃ daharakumārakaṃ viya therāṃ parihari, theropi ekadivasāṃ niddāyamāno nisīdi. Atha naṃ Satthā āha “pacalāyasi no taṃ Moggallāna, pacalāyasi no tvaṃ Moggallānā”ti¹. Evarūpassapi mahābhiññappattassa sāvakaṃ paṭipadā calati, sesānaṃ kiṃ na calissati. Ekaccassa hi bhikkhuno cattāropi maggā dukkhapaṭipadā dandhābhiññā honti, ekaccassa dukkhapaṭipadā khippābhiññā, ekaccassa sukhopaṭipadā dandhābhiññā, ekaccassa sukhopaṭipadā khippābhiññā. Ekaccassa paṭhamamaggo dukkhapaṭipado dandhābhiñño hoti, dutiyamaggo dukkhapaṭipado khippābhiñño, tatiyamaggo sukhopaṭipado dandhābhiñño. Catutthamaggo sukhopaṭipado khippābhiñnoti.

Yathā ca paṭipadā, evaṃ adhipatipi calati eva. Ekaccassa hi bhikkhuno cattāropi maggā chandādhipeyyā honti, ekaccassa vīriyādhipeyyā, ekaccassa cittādhipeyyā, ekaccassa vīmaṃsādhipeyyā. Ekaccassa pana paṭhamamaggo chandādhipeyyo hoti, dutiyo vīriyādhipeyyo, tatiyo cittādhipeyyo, catuttho vīmaṃsādhipeyyoti.

Pakiṇṇakakathā niṭṭhitā.

Paṭhamamaggavīsati mahānaya

357. Idāni yasmā lokuttarakusalaṃ bhāvento na kevalaṃ upanijjhāyanaṭṭhena jhānaṃyeva bhāveti, niyyānaṭṭhena pana maggampi bhāveti, upaṭṭhānaṭṭhena satipaṭṭhānampi, padhanaṭṭhena sammappadhānampi, ijjanaṭṭhena iddhipādampi, adhipatiyaṭṭhena indriyampi, akampiyaṭṭhena balampi, bujjhanaṭṭhena bojjhaṅgampi, tathaṭṭhena saccampi, avikkhepaṭṭhena samathampi, suññataṭṭhena dhammampi, rāsaṭṭhena khandhampi, āyatanaṭṭhena āyatanampi, suññāsabhāvanissattaṭṭhena dhātumpi, paccayaṭṭhena āhārampi, phusanaṭṭhena phassampi, vedayitaṭṭhena vedanampi, sañjānanaṭṭhena saññampi, cetayitaṭṭhena cetanampi, vijānanaṭṭhena cittampi bhāveti. Tasmā etesaṃ ekūnavīsatiyā padānaṃ² dassanaṭṭhaṃ puna “**katame dhammā kusalā**”ti-ādi vuttaṃ. Evaṃ “idampi bhāveti, idampi bhāveti”ti puggalajjhāsayena ceva desanāvīlāsenā ca vīsati nayā desitā³

1. Am 2. 462 piṭṭhe.

2. Nayānaṃ (Sī, Syā)

3. Dassitā (Ka)

honti. Dhammaṃ sotuṃ nisinnadevaparisaḃya hi ye upanijjhāyanatṭhena “lokuttaram jhānaṃ”ti kathite bujjhanti, tesam sappāyavasena “jhānaṃ”ti kathitaṃ -pa-. Ye vijānanaṭṭhena “cittaṃ”ti vutte bujjhanti, tesam sappāyavasena “cittaṃ”ti kathitaṃ. Ayamettha **puggalajjhāsayo**.

Sammāsambuddho pana attano Buddhasubodhatāya¹ dasabalacatuvesārajjacatupaṭisambhidatāya, cha-asādhāraṇaṇāṇayogena ca desanaṃ yadicchakaṃ niyametvā dasseti, icchanto upanijjhāyanatṭhena lokuttaram jhānanti dasseti, icchanto niyyānatṭhena -pa- vijānanaṭṭhena lokuttaram cittaṃ. Ayam **desanāvilāso** nāma. Tattha yatheva “lokuttaram jhānaṃ”ti vuttaṭṭhāne dasa nayā vibhattā, evaṃ maggādisupi teyeva veditabbā. Iti vīsatiyā ṭhānesu dasa dasa katvā dve nayasatāni vibhattāni honti.

358. Idāni adhipatibhedam dassetuṃ puna “**katame dhammā kusalā**”ti-ādi āraddham. Tattha chandaṃ dhuraṃ jeṭṭhakaṃ pubbaṅgamaṃ katvā nibbattaṃ lokuttaram jhānaṃ **chandādhipeyyaṃ** nāma. Sesesupi eseva nayo. Iti purimasmiṃ suddhike dvenayasatāni. Chandādhipeyyādisupi dve dveti nayasahassena bhājetvā paṭhamamaggaṃ dassesi Dhammarājā.

Paṭhamamaggo niṭṭhito.

Dutiyamagga

361. Idāni dutiyamaggādīnaṃ dassanattamaṃ puna “**katame dhammā kusalā**”ti-ādi āraddham. Tattha **kāmarāgabyāpādānaṃ tanubhāvāyāti** etesaṃ kilesānaṃ tanubhāvattāya. Tattha dvīhi kāraṇehi tanubhāvo veditabbo adhiccupattiyā ca pariyaṭṭhānamandatāya ca. Sakadāgāmiṃsa hi vaṭṭānusārimahājanasseva kilesā abhiṇṇaṃ nuppajjanti, kadāci kadāci uppajjanti, uppajjantāpi viraḷākārā hutvā uppajjanti, viraḷavāpitakhetto aṅkurā viya. Uppajjamānāpi ca vaṭṭānusārimahājanasseva maddantā pharantā chādentā andhakāraṃ karontā nuppajjanti, dvīhi pana maggehi pahinattā

1. Buddhasubodhitāya (Sī, Syā)

mandā mandā uppajjanti, tanukākārā hutvā uppajjanti, abbhapaṭalaṃ viya, makkhikāpattaṃ viya ca.

Tattha keci therā vadanti “sakadāgāmissa kilesā kiñcāpi cirena uppajjanti, bahalāva pana hutvā uppajjanti. Tathā hissa puttā ca dhītarō ca dissanti”ti. Etaṃ pana appamāṇaṃ. Puttadhītarō hi aṅgapaccaṅgaparāmasanamattenapi honti, dvīhi pana maggehi pahīnattā natthi kilesānaṃ bahalatāti dvīhi eva kāraṇehissa kilesānaṃ tanubhāvo veditabbo adhiccuppattiyā ca pariyuṭṭhānamandatāya cāti.

Dutiyāyāti gaṇanavasenaṇāpi dutiyuppattivaseṇāpi dutiyāya. **Bhūmiyā pattiyāti** sāmaññaphalassa paṭilābhatthāya. Tatiyacatutthesupi eseva nayo, visesamattamyeva pana vakkhāma.

Aññindriyanti ājānanakaṃ indriyaṃ, paṭhamamaggena ñātamariyādaṃ anatikkamitvā tesamyeva tena maggena ñātānaṃ catusaccadhammānaṃ jānanakaṃ indriyanti vuttaṃ hoti. Niddesavārepissa imināva nayena attho veditabbo. Koṭṭhāsavārepi imināva saddhiṃ navindriyāni honti. Sesam purimanayeneva veditabban.

Dutiyamaggo niṭṭhito.

Tatiyacatutthamagga

362. Tatiye **anavasesappahānāyāti** tesamyeva sakadāgāmimaggena tanubhūtānaṃ saṃyojanānaṃ nissesapajahanatthāya.

Catutthe **rūparāga-arūparāgamāna-uddhacca-avijjāya anavasesappahānāyāti** etesaṃ pañcannaṃ uddhambhāgiyasamyojanānaṃ nissesapajahanatthāya. Tattha **rūparāgoti** rūpabhava chandarāgo. **Arūparāgoti** arūpabhava chandarāgo. **Mānoti** arahattamaggavajjhako māno eva. Tathā uddhaccāvijjā. Imesupi dvīsu maggesu navamaṃ aññindriyameva hoti.

Catumagganayasahassa

Sabbamaggesu padapaṭipāṭiyā samasaṭṭhi padāni catūhi apanṇakaṅgehi saddhiṃ catusaṭṭhi honti, asambhinnato pana tettiṃsa.

Koṭṭhāsavārasuññatavārā pākatikā eva. Yathā ca pana paṭhamamagge, evaṃ dutiyādīsupi nayasahassamevāti cattāro magge catūhi nayasahashehi bhājetvā dassesi Dhammarājā.

Saccavibhaṅge pana saṭṭhi nayasahassāni lokuttarāni imesaṃ eva vasena nikkhittāni. Satipaṭṭhānavibhaṅge vīsati nayasahassāni lokuttarāni, Sammappadhānavibhaṅge vīsati, Iddhipādavibhaṅge dvattiṃsa, Bojjhaṅgavibhaṅge dvattiṃsa, Maggaṅgavibhaṅge¹ aṭṭhavīsati nayasahassāni lokuttarāni imesaṃ eva vasena nikkhittāni.

Idha pana catūsu maggesu cattāriyeva nayasahassāni. Tesu paṭhamajjhānike paṭhamamagge aṭṭhaṅgāni bhājitāni. Tathā dutiyādīsū. Tattha paṭhamamagge sammādiṭṭhi micchādiṭṭhiṃ pajahatīti sammādiṭṭhi. Sammāsaṅkappādayopi micchāsaṅkappādīnaṃ pajahanaṭṭheneva veditabbā. Evaṃ sante paṭhamamaggeneva dvāsaṭṭhiyā diṭṭhigatānaṃ pahīnattā uparimaggattayena pahātabbā diṭṭhi nāma natthi, tattha sammādiṭṭhīti nāmaṃ katham hotīti? Yathā viasaṃ atthi vā hotu, mā vā, agado “agado”tveva vuccati, evaṃ micchādiṭṭhi atthi vā hotu, mā vā, ayaṃ sammādiṭṭhi eva nāma.

Yadi evaṃ nāmamattamevetam hoti, uparimaggattaye pana sammādiṭṭhiyā kiccābhāvo āpajjati, maggaṅgāni na paripūrenti. Tasmā sammādiṭṭhi sakiccakā kātabbā, maggaṅgāni pūretabbānīti. Sakiccakā cettha sammādiṭṭhi yathālābhaniyamena dīpetabbā. Uparimaggattayavajjho hi eko māno atthi, so diṭṭhiṭṭhāne tiṭṭhati, sā taṃ mānaṃ pajahatīti sammādiṭṭhi. Soṭāpattimaggasmiṃhi sammādiṭṭhi micchādiṭṭhiṃ pajahati. Soṭāpanassa pana sakadāgāmimaggavajjho māno atthi. So diṭṭhiṭṭhāne tiṭṭhati, sā taṃ mānaṃ pajahatīti sammādiṭṭhi. Tasseva satta-akusalacittasahajāto saṅkappo atthi, teheva cittehi vācaṅgacopanaṃ atthi, kāyaṅgacopanaṃ atthi, paccayaparibhogo atthi,

1. Maggavibhaṅge (Sī, Syā)

sahajātavāyāmo atthi, asatibhāvo atthi, saḥajātacittekaggatā atthi. Ete micchāsaṅkappādayo nāma. Sakadāgāmimagge sammāsaṅkappādayo tesam pahānena sammāsaṅkappādayoti veditabbā. Evaṃ sakadāgāmimagge aṭṭhaṅgāni sakiccakāni katvā āgatāni. Sakadāgāmiṣṣa anāgāmimaggavajjho māno atthi, so diṭṭhiṭṭhāne tiṭṭhati, tasseva sattahi cittehi saḥajāta saṅkappādayo, tesam pahānena anāgāmimagge aṭṭhannaṃ aṅgānaṃ sakicakatā veditabbā. Anāgāmiṣṣa arahattamaggavajjho māno atthi, so diṭṭhiṭṭhāne tiṭṭhati, yāni panassa pañca akusalacittāni, tehi saḥajāta saṅkappādayo, tesam pahānena arahattamagge aṭṭhannaṃ aṅgānaṃ sakicakatā veditabbā.

Imesu catūsu maggesu paṭhamamaggena cattāri saccāni diṭṭhāni, uparimaggattayaṃ diṭṭhakameva passati, adiṭṭhakaṃ passatīti? Diṭṭhakameva passatīti ayaṃ ācariyānaṃ samānatthakathā. Vitaṇḍavādī panāha “adiṭṭham passatī”ti. So vattabbo “paṭhamamagge katamaṃ indriyaṃ bhājesī”ti. Jānamāno “anaññātaññassāmītindriyaṃ”ti vakkhati. “Uparimaggesu kataran”ti vuttepi “aññindriyaṃ”ti vakkhati. So vattabbo “adiṭṭhasaccadassane sati uparimaggessupi anaññātaññassāmītindriyameva bhājehi, evaṃ te pañho samessatī”ti. Kilese pana aññe añño bhajahati, pahīne eva pajahatīti. Aññe añño pajahatīti. Yadi aññe añño appahīne kilese pajahati, saccānipi adiṭṭhāneva passatīti evaṃvādī puggalo pucchitabbo “saccāni nāma katī”ti. Jānanto “cattāri”ti vakkhati. So vattabbo “tava vāde soḷasa saccāni āpajjanti, tvaṃ Buddhehipi adiṭṭham passasi, bhusaccako nāma tvaṃ. Evaṃ mā gaṇha, saccadassanaṃ nāma apubbaṃ natthi, kilese pana appahīne pajahatī”ti.

Tattha saccadassanassa apubbābhāve peḷopamaṃ nāma gahitaṃ. Ekassa kira cattāro ratanapeḷā sāragabbhe ṭhapitā, so rattibhāge peḷāsu uppannakicco dvāraṃ vivarivā dīpaṃ jāletvā dīpena vihate andhakāre peḷāsu pākaṭabhāvaṃ gatāsu tāsū kiccaṃ katvā dvāraṃ pidahivā gato, puna andhakāraṃ avatthari. Dutiyavārepi tatiyavārepi tatheva akāsi. Catutthavāre dvāre vivaṭe “andhakāre peḷā na paññāyanti”ti

vīmaṃsantasseva sūriyo uggañchi¹, sūriyobhāseṇa vihate andhakāre peḷāsu kiccaṃ katvā pakkāmi.

Tattha cattāro peḷā viya cattāri saccāni, tāsu kicce uppanne dvāravivaraṇakālo viya sotāpattimaggassa vipassanābhiniharaṇakālo, andhakāraṃ viya saccapaṭicchādakatamaṃ, dīpobhāso viya sotāpattimaggobhāso, vihate andhakāre tassa purisassa peḷānaṃ pakaṭabhāvo viya maggañāṇassa saccānaṃ pakaṭabhāvo, maggañāṇassa pakaṭāni pana maggasamaṅgissa puggalassa pakaṭāneva honti. Peḷāsu kiccaṃ katvā gatakālo viya sotāpattimaggassa attanā pahātabbakilese pajahitvā niruddhakālo, puna andhakārāvatttharaṇaṃ viya uparimaggattayavajjhasaccapaṭicchādakatamaṃ.

Dutiyavāre dvāravivaraṇakālo viya sakadāgāmimaggassa vipassanābhiniharaṇakālo, dīpobhāso viya sakadāgāmimaggobhāso, peḷāsu kiccaṃ katvā gatakālo viya sakadāgāmimaggassa attanā pahātabbakilese pajahitvā niruddhakālo, puna andhakārāvatttharaṇaṃ viya uparimaggadvayavajjhasaccapaṭicchādakatamaṃ.

Tatīyavāre dvāravivaraṇakālo viya anāgāmimaggassa vipassanābhiniharaṇakālo, dīpobhāso viya anāgāmimaggobhāso, peḷāsu kiccaṃ katvā gatakālo viya anāgāmimaggassa attanā pahātabbakilese pajahitvā niruddhakālo, puna andhakārāvatttharaṇaṃ viya upari-arahattamaggavajjhasaccapaṭicchādakatamaṃ.

Catutthavāre dvāravivaraṇakālo viya arahattamaggassa vipassanābhiniharaṇakālo, sūriyuggamaṇaṃ viya arahattamagguppādo, andhakāraṇavidhamaṇaṃ viya arahattamaggassa saccapaṭicchādakatamavinodanaṃ, vihate andhakāre tassa peḷānaṃ pakaṭabhāvo viya arahattamaggañāṇassa catunnaṃ saccānaṃ pakaṭabhāvo, ñāṇassa pakaṭāni pana puggalassa pakaṭāneva honti. Peḷāsu kiccaṃ katvā gatakālo viya arahattamaggassa sabbakilesakhepanaṃ, sūriyuggamanato paṭṭhāya ālokasseva pavattikālo viya arahattamaggassa uppannakālo paṭṭhāya puna

1. Uggañchi (Sī)

saccapaṭicchādakatamābhāvo. Idam tāva saccadassanassa apubbābhāve opammaṃ.

“Diṭṭhakameva hi passati, kilese pana aññe añño pajahatī”ti ettha khāropamaṃ nāma gahitaṃ. Eko puriso kiliṭṭhaṃ vatthaṃ rajakassa adāsi, rajako ūsakhāraṃ, chārikakhāraṃ, gomayakhāranti tayo khāre datvā khārehi khāditabhāvaṃ ñatvā udaye vikkhāletvā oḷārikoḷārikaṃ malaṃ pavāhesi. Tato “na tāva parisuddhaṃ”ti dutiyampi tatheva khāre datvā udaye vikkhāletvā tato nātisaṅhataraṃ malaṃ pavāhesi. Tato “na tāva parisuddhaṃ”ti tatiyampi te khāre datvā udaye vikkhāletvā tato saṅhataraṃ malaṃ pavāhesi. Tato “na tāva parisuddhaṃ”ti catutthampi te khāre datvā udaye vikkhāletvā aṃsu-abbhantaragatampi nissesam malaṃ pavāhetvā sāmikassa adāsi, so gandhacaraṇḍake pakkhipitvā icchiticchitakāle paridahati.

Tattha kiliṭṭhavatthaṃ viya kilesānugataṃ cittaṃ, tividhakhāradānakālo viya tīsu anupassanāsu kammaṃsa pavattanakālo, udaye vikkhāletvā oḷārikoḷārikamalappavāhanaṃ viya sotāpattimaggena pañcakilesakhepanaṃ, dutiyampi tesam khārānaṃ anuppadānaṃ viya “na tāva parisuddhaṃ idaṃ cittaṃ”ti tāsuyeva tīsu anupassanāsu kammappavattanaṃ, tato nātisaṅhataramalappavāhanaṃ viya sakadāgāmimaggena oḷārikasaṃyojanadvayakhepanaṃ tato “na tāva parisuddhaṃ vatthaṃ”ti puna khārattayadānaṃ viya “na tāva parisuddhaṃ idaṃ cittaṃ”ti tāsuyeva tīsu anupassanāsu kammappavattanaṃ, tato saṅhataramalappavāhanaṃ viya anāgāmimaggena aṅusahagatasamyojanadvayakhepanaṃ, “na tāva parisuddhaṃ vatthaṃ”ti puna khārattayadānaṃ viya “na tāva parisuddhaṃ idaṃ cittaṃ”ti tāsuyeva tīsu anupassanāsu kammappavattanaṃ. Tato vikkhālanena aṃsu-abbhantaragate male pavāhetvā parisuddhassa rajatapaṭṭasadisassa gandhacaraṇḍake nikkhittassa vatthassa icchiticchitakkhaṇe paridhanaṃ viya arahattamaggena aṭṭhannaṃ kilesānaṃ khepitattā parisuddhassa khīṇāsavacittassa icchiticchitakkhaṇe phalasaṃpattivihārena vītināmanaṃ. Idam “aññe añño kilese pajahatī”ti ettha opammaṃ. Vuttampi cetam—

“Seyyathāpi āvuso vatthaṃ saṃkiliṭṭhaṃ malaggahitaṃ, tamenam sāmikā rajakassa anupadajjeyyūṃ, tamenam rajako ūse

vā khāre vā gomaye vā sammadditvā acche udake vikkhāleti, kiñcāpi taṃ hoti vatthaṃ parisuddhaṃ pariyodātaṃ, atha khvassa hotiyeva aṇusahagato ūsagandho vā khāragandho vā gomayagandho vā asamūhato, tamenam rajako sāmikānaṃ deti, tamenam sāmikā gandhaparibhāvite karaṇḍake nikkhipanti. Yopissa hoti aṇusahagato ūsagandho vā khāragandho vā gomayagandho vā asamūhato, sopi samugghātaṃ gacchati. Evameva kho āvuso kiñcāpi ariyasāvakaṃ pañcorambhāgiyāni saṃyojanāni pahīnāni bhavanti. Atha khvassa hotiyeva pañcasu upādānakkhandhesu aṇusahagato ‘asmī’ti māno ‘asmī’ti chando ‘asmī’ti anusayo asamūhato, so aparena sayena pañcasu upādānakkhandhesu udayabbayānupassī viharati “iti rūpaṃ, iti rūpassa samudayo, iti rūpassa atthaṅgamo. Iti vedanā. Iti saññā. Iti saṅkhārā. Iti viññāṇaṃ, iti viññāṇassa samudayo, iti viññāṇassa atthaṅgamo”ti. Tassimesu pañcasu upādānakkhandhesu udayabbayānupassino viharato yopissa hoti pañcasu upādānakkhandhesu aṇusahagato ‘asmī’ti māno ‘asmī’ti chando ‘asmī’ti anusayo asamūhato, sopi samugghātaṃ gacchati”ti¹.

Tattha sotāpattimaggena pañca akusalacittāni pahīyanti saddhiṃ cittaṅgavasena uppajjanakapāpadhammehi, sakadāgāmimaggena dve domanassasahagatacittāni tanukāni bhāvanti saddhiṃ cittaṅgavasena uppajjanakapāpadhammehi, anāgāmimaggena tāniyeva pahīyanti saddhiṃ sampayuttadhammehi, arahattamaggena pañca akusalacittāni pahīyanti saddhiṃ cittaṅgavasena uppajjanakapāpadhammehi. Imesaṃ dvādasannaṃ akusalacittānaṃ pahīnakālate paṭṭhāya khīṇāsavassa cittaṅgavasena puna pacchatopavattanakakilesa nāma na hoti.

Tatridaṃ opammaṃ—eko kira mahārājā paccante ārakkhaṃ datvā mahānagare issariyaṃ anubhavanto vasati, athassa paccanto kuppi. Tasmim samaye dvādasā corajetṭhakā anekehi purisasahashehi

1. Saṃ 2. 107 piṭṭhe.

saddhiṃ raṭṭhaṃ vilumpanti, paccantavāsino mahāmattā “paccanto kupito”ti rañño paṇiṃsu. Rājā “vissaṭṭhā gaṇhatha, ahaṃ tumhākaṃ kattabbari karissāmi”ti sāsanaṃ paṇi. Te paṭhamasampahārenea anekehi purisasahasseehi saddhiṃ pañca corajeṭṭhake ghātayimṃsu, sesā satta janā attano attano parivāre gaḥetvā pabbataṃ pavasiṃsu, amaccā taṃ pavattiṃ rañño pesayimṃsu.

Rājā “tumhākaṃ kattabbayuttam ahaṃ jānissāmi, tepi gaṇhathā”ti dhanam paṇi. Te dutiyasampahārenea dve corajeṭṭhake paharimṃsu, parivārepi tesam dubbale akamṃsu. Te sabbepi palāyitvā pabbataṃ pavasiṃsu, tampi pavattiṃ amaccā rañño pesayimṃsu.

Puna rājā “vissaṭṭhā gaṇhantū”ti dhanam paṇi¹. Te tatiyasampahārenea saddhiṃ saḥāyapurisehi dve corajeṭṭhake ghātayitvā taṃ pavattiṃ rañño pesayimṃsu.

Puna rājā “avasese vissaṭṭhā gaṇhantū”ti dhanam paṇi. Te catutthasampahārenea saparivāre pañca corajeṭṭhake ghātayimṃsu. Dvādasannaṃ corajeṭṭhakānaṃ ghātitaḥāto paṭṭhāya koci coro nāma natthi, khemā janapadā, ure putte naccantā² maññe viharanti. Rājā vijitasāṅgāmehi yodhehi parivuto varapāsādagato mahāsampattiṃ anubhavi.

Tattha mahanto rājā viya Dhammarājā, paccantavāsino amaccā viya yogāvacarā kulaputtā, dvādasā corajeṭṭhakā viya dvādasā akusalacittāni, tesam saḥāyā anekasahasapurisā viya cittaṅgavasena uppajjanakapāpadhammā, rañño “paccanto kupito”ti pahitakālo viya ārammaṇe kilesesu uppannesu “bhante kilesa me uppanno”ti Satthu ārocanakālo, “vissaṭṭhā gaṇhantū”ti dhanadānaṃ viya “kilese niggaṇha bhikkhū”ti Dhammarañño kammaṭṭhānācikkhanaṃ, saparivārānaṃ pañcannaṃ corajeṭṭhakānaṃ ghātitaḥālo viya sotāpattimaggena sasampayuttānaṃ pañcannaṃ akusalacittānaṃ pahānaṃ.

1. Pesesi (Ka)

2. Naccantā (Syā, Ka)

Puna rañño pavattipesanaṃ viya Sammāsambuddhassa paṭiladdhaguṇārocaṇaṃ, “sesake cagaṇhantū”ti puna dhanadānaṃ viya Bhagavato sakadāgāmimaggassa vipassanācikkhanaṃ, dutiyasampahārena saparivārānaṃ dvinnaṃ corajeṭṭhakānaṃ dubbalīkaraṇaṃ viya sakadāgāmimaggena sasampayuttānaṃ dvinnaṃ domanassacittānaṃ tanubhāvakaṇaṃ.

Puna rañño pavattipesanaṃ viya Satthu paṭiladdhaguṇārocaṇaṃ, “vissaṭṭhā gaṇhantū”ti puna dhanadānaṃ viya Bhagavato anāgāmimaggassa vipassanācikkhanaṃ, tatiyasampahārena saparivārānaṃ dvinnaṃ corajeṭṭhakānaṃ ghātanaṃ viya anāgāmimaggena sasampayuttānaṃ dvinnaṃ domanassacittānaṃ pahānaṃ.

Puna rañño pavattipesanaṃ viya Tathāgatassa paṭiladdhaguṇārocaṇaṃ, “vissaṭṭhā gaṇhantū”ti puna dhanadānaṃ viya Bhagavato arahattamaggassa vipassanācikkhanaṃ, catutthasampahārena saparivārānaṃ pañcanaṃ corajeṭṭhakānaṃ ghātita-kālato paṭṭhāya janapadassa khemakālo viya arahattamaggena sasampayuttesu pañcasu akusalacittesu pahīnesu dvādasannaṃ akusalacittānaṃ pahīnakālato paṭṭhāya puna cittaṅgavasena uppajjanakassa akusaladhammassa abhāvo, rañño vijitasāṅgāmassa amaccagaṇaparivutassa varapāsāde mahāsampatti-anubhavanaṃ viya khīṇāsavaparivutassa Dhammarañño suññata-animitta-appaṇihitabhedesu samāpattisukhesu icchiticchitaphalasaṃpattisukhānubhavanaṃ veditabbanti.

“Kusalā dhammā”tipadassa vaṇṇanā niṭṭhitā

Akusalapada dhammuddesavāra-kathā

Paṭhamacitta

365. Idāni akusaladhammapadaṃ bhājetvā dassetuṃ “**katame dhammā akusalā**”ti-ādi āraddhaṃ. Tattha dhammavavathānādivārappabhedo ca heṭṭhā āgatānaṃ padānaṃ atthavinicchayo ca heṭṭhā vuttanayeneva veditabbo, tattha tattha pana visesamattameva vaṇṇayissāmi. Tattha samavavathāne tāva yasmā kusalassa viya akusalassa bhūmibhedo natthi, tasmā ekantaṃ kāmāvacarampi samānaṃ etaṃ “kāmāvacaraṇaṃ”ti na vuttaṃ. **Diṭṭhigatasampayuttanti** ettha

diṭṭhi eva diṭṭhigataṃ “gūthagataṃ muttagatan”ti-ādīni¹ viya,
gantabbābhāvato vā diṭṭhiyā gatamattamevetantipi diṭṭhigataṃ. Tena
sampayuttaṃ diṭṭhigatasampayuttaṃ.

Tattha asaddhammasavanaṃ akalyāṇamittatā ariyānaṃ
adassanakāmatādīni ayoniso manasikāroti evamādīhi kāraṇehi imassa
diṭṭhigatasāṅkhātassa micchādassanassa uppatti veditabbā. Ye hi ete
diṭṭhivādapaṭisaṃyuttā asaddhammā, tesāṃ bahumānapubbaṅgadena
atikkantamajjhāttena upaparikkhārahitena savanena, ye ca diṭṭhivipannā
akalyāṇamittā, taṃsāmpavaṅkatāsāṅkhātāya akalyāṇamittatāya,
Buddhādīnaṃ ariyānañceva sappurisānañca adassanakāmatāya,
catusatipaṭṭhānādībhede ariyadhamme akovidattena, pātimokkhasāvara
indriyasāvara satisāvara nāṇasāvarapahānasāvarappabhede
ariyadhamme ceva sappurisadhamme ca saṃvarabhedasāṅkhātena
avinayena, teheva kāraṇehi paribhāvitena ayoniso manasikārena,
kotūhalamaṅgalādīpasutatāya ca etaṃ uppajjatīti veditabbaṃ.
Asāṅkhārahāvo panassa cittassa heṭṭhā vuttanayeneva veditabbo.

Dhammuddesavāre **phassoti** akusalacittasahajāto phasso. **Vedanā**dīsupi
eseva nayo. Iti akusalamattameva etesaṃ purimehi viseso.

Cittassekaggatā hotīti pāṇātipātādīsupi avikkhittabhāvena cittassa
ekaggatā hoti. Manussā hi cittaṃ samādahitvā² avikkhittā hutvā
avirajjhamānāni satthāni pāṇasarīresu nipāteṇi, susamāhitā paresāṃ
santakaṃ haranti, ekarasena cittaṃ micchācāraṃ āpajjanti. Evaṃ
akusalappavattiyampi cittassa ekaggatā hoti.

Micchādiṭṭhīti ayāthāvadiṭṭhi, virajjhitvā gahaṇato vā vitathā diṭṭhi
micchādiṭṭhi, anattābhavattā paṇḍitehi jigucchitā³ diṭṭhītipi micchādiṭṭhi.
Micchāsāṅkappādīsupi eseva nayo. Apica micchā passantī tāya, sayāṃ vā
micchā passati, micchādassanamattameva vā esāti **micchādiṭṭhi**. Sā ayoniso
abhinivesalakkhaṇā, parāmāsarasā, micchābhinivesapaccupaṭṭhānā,
ariyānaṃ adassanakāmatādīpadaṭṭhānā, paramaṃ vajjanti daṭṭhabbā.

1. Am 3. 181 piṭṭhe.

2. Samādiyitvā (Ka)

3. Kucchitā (Sī, Syā)

micchāsaṅkappādīsu **micchā**ti padamattameva viseso. Sesam̄ kusalādhikāre vuttanayeneva veditabbam̄.

Ahirikabalam̄ anottappabalam̄ ettha balattho niddesavāre¹ āvi bhavissati. Itaresu pana na hiriyaṭṭi ahiriko, ahirikassa bhāvo **ahirikaṃ**. Na ottappam̄ **anottappam̄**. Tesu ahirikaṃ kāyaduccaritādīhi ajigucchanaḷakkhaṇam̄, alajjālakkhaṇam̄ vā. Anottappam̄ teheva asārajjanaḷakkhaṇam̄, anuttāsaḷakkhaṇam̄ vā. Ahirikameva balaṃ ahirikabalam̄. Anottappameva balaṃ anottappabalam̄. Ayamettha saṅkhepattho, vitthāro pana heṭṭhā² vuttapaṭṭipakkhavasena veditabbo.

Lubbhanti tena, sayam̄ vā lubbhati, lubbhanamattameva vā tanti **lobho**. Muyhanti tena, sayam̄ vā muyhati, muyhanamattameva vā tanti **moho**. Tesu **lobho** ārammaṇaggaḷakkhaṇo makkaṭālepo viya, abhisāṅgaraso tattakapāle khittamaṃsapesi viya, apariccāgapaccupaṭṭhāno telaṅjanarāgo viya, saṃyojanīyadhammesu assādadassanapadaṭṭhāno, so taṅḷhānadībhāvena vadḍhamāno sīghasotā nadī viya mahāsamuddam̄, apāyameva gahetvā gacchatīti daṭṭhabbo.

Moho cittassa andhabhāvalakkhaṇo, aññāḷakkhaṇo vā, asampaṭivedharaso, ārammaṇasabhāvacchādanaraso vā, asammāpaṭṭipattipaccupaṭṭhāno, andhakārapaccupaṭṭhāno vā, ayonisomanasikārapadaṭṭhāno, sabbākusalānam̄ mūlanti daṭṭhabbo.

Abhijjhāyanti tāya, sayam̄ vā abhijjhāyati, abhijjhāyanamattameva vā esāti **abhijjhā**. Sā parasampattīnam̄ sakakaraṇa-icchāḷakkhaṇā, tenā kārena esanabhāvarasā, parasampatti-abhimukhabhāvapaccupaṭṭhānā, parasampattīsu abhiratipadaṭṭhānā. Parasampatti-abhimukhā eva hi sā upaṭṭhahati. Tāsu ca abhiratiyā sati pavattati, parasampattīsu cetaso hatthappasāro viyāti daṭṭhabbā.

Samatho hotīti-ādīsu aññesu kiccesu vikkhepasamanato **samatho**. Akusalappavattiyam̄ cittam̄ paggaṇhātīti **paggoho**. Na vikkhipatīti **avikkhepo**.

1. Upari 294 piṭṭhe.

2. Heṭṭhā 168 piṭṭhe.

Imasmim̐ catte saddhā sati paññā ca yugaḷakānīti ime dhammā na gahitā. Kasmā? Assaddhiyacitte pasādo nāma natthi, tasmā tāva saddhā na gahitā. Kim̐ pana diṭṭhigatikā attano attano satthārānaṃ na sadahantīti? Saddahanti, sā pana saddhā nāma na hoti, vacanasampannicchanamattamevetam̐. Atthato anupaparikkhā vā hoti diṭṭhi vā. Asatiyacitte pana sati natthīti na gahitā. Kim̐ diṭṭhigatikā attanā katakammaṃ na sarantīti? Saranti, sā pana sati nāma na hoti, kevalam̐ tenākārena akusalacittappavatti. Tasmā sati na gahitā. Atha kasmā “micchāsati”¹ti¹ suttante vuttā? Sā pana akusalakkhandhānaṃ sativirahitattā, satipaṭipakkhattā ca micchāmaggamicchattānaṃ pūraṇatthaṃ tattha pariyāyena desanā katā, nippariyāyena panesā natthi, tasmā na gahitā. Andhabālacitte pana paññā natthīti na gahitā. Kim̐ diṭṭhigatikānaṃ vañcanāpaññā natthīti? Atthi, na panesā paññā, māyā nāmesā hoti. Sā atthato taṇhāva. Idam̐ pana cittaṃ sadarathaṃ garukaṃ bhāriyaṃ kakkhaḷam̐ thaddhaṃ akammaññaṃ gilānaṃ vaṅkaṃ kuṭilaṃ, tasmā passaddhādīni cha yugaḷakāni na gahitāni.

Ettāvatā padapaṭipāṭiyā cittaṅgavasena Pāḷi-āruḷhāni dvattimsa padāni dassetvā idāni yevāpanakadhamme dassetuṃ “**ye vā pana tasmim̐ samaye**”²ti-ādimāha. Tattha sabbesupi akusalacittesu chando adhimokkho manasikāro māno issā macchariyaṃ thinam̐² middham̐ uddhaccaṃ kukkucanti ime daseva yevāpanakā honti dhammā suttāgatā suttapadesu dissareti vuttā. Imasmim̐ pana citte chando adhimokkho manasikāro uddhaccanti ime apaṇṇakaṅgasāṅkhātā cattārova yevāpanakā honti.

Tattha chandādayo heṭṭhā vuttanayeneva veditabbā. Kevalaṅhi te kusalā, ime akusalā. Itaram̐ pana uddhatassa bhāvo **uddhaccaṃ**, taṃ cetaso avūpasamalakkhaṇam̐ vātābhighātacalajalam̐ viya, anavaṭṭhānārasam̐ vātābhighātacaladhajapaṭākā viya, bhantattapaccupaṭṭhānam̐ pāsāṇābhighātasamuddhatabhasmā viya³, cetaso avūpasame ayonisomanasikārapadaṭṭhānam̐, cittavikkhepoti daṭṭhabbam̐.

Iti phassādīni dvattimsa, yevāpanakavasena vuttāni cattārīti sabbānīpi imasmim̐ dhammuddesavāre chattimsa dhammapadāni bhavanti, cattārī apaṇṇakaṅgāni

1. Dī 3. 210; Sam̐ 3. 1 piṭṭhādīsu. 2. Thīnam̐ (Sī, Syā) 3. ...bhasmam̐ viya (Sī, Ka)

hāpetvā Pāḷiyam āgatāni dvattimsameva. Aggahitaggahaṇena panettha phassapañcakaṃ vitakko vicāro pīti cittassekaggatā vīriyindriyam jīvitindriyam micchādiṭṭhi ahirikaṃ anottappaṃ lobho mohoti soḷasa dhammā honti.

Tesu soḷasasu satta dhammā avibhattikā, nava savibhattikā honti. Katame satta? phasso saññā cetanā vicāro pīti jīvitindriyam mohoti ime satta avibhattikā. Vedanā cittaṃ vitakko cittassekaggatā vīriyindriyam micchādiṭṭhi ahirikaṃ anottappaṃ¹ lobhoti ime nava savibhattikā.

Tesu cha dhammā dvīsu ṭhānesu vibhattā, eko tīsu, eko catūsu, eko chasu. Kathaṃ? Cittaṃ vitakko micchādiṭṭhi ahirikaṃ anottappaṃ lobhoti ime cha dvīsu ṭhānesu vibhattā. Tesu hi **cittaṃ** tāva phassapañcakaṃ patvā “cittaṃ hotī”ti vuttaṃ, indriyāni patvā “manindriyan”ti. **Vitakko** jhānaṅgāni patvā “vitakko hotī”ti vutto, maggaṅgāni patvā “micchāsankappo”ti. **Micchādiṭṭhi** maggaṅgesupi kamma pathesupi micchādiṭṭhiyeva. **Ahirikaṃ** balāni patvā “ahirikabalaṃ hotī”ti vuttaṃ, lokanāsakadukaṃ patvā “ahirikan”ti. Anottappepi eseva nayo. **Lobho** mūlaṃ patvā “lobho hotī”ti vutto, kamma pathaṃ patvā “abhijjhā”ti. Ime cha dvīsu ṭhānesu vibhattā.

Vedanā pana phassapañcakaṃ patvā “vedanā hotī”ti vuttā, jhānaṅgāni patvā “sukhan”ti, indriyāni patvā “somanassindriyan”ti. Evaṃ ekova dhammo tīsu ṭhānesu vibhatto.

Vīriyam pana indriyāni patvā “vīriyindriyam hotī”ti vuttaṃ, maggaṅgāni patvā “micchāvāyāmo hotī”ti, balāni patvā “vīriyabalan”ti, piṭṭhidukaṃ patvā “paggāho hotī”ti. Evaṃ ayaṃ eko dhammo catūsu ṭhānesu vibhatto.

Samādhi pana jhānaṅgāni patvā “cittassekaggatā hotī”ti vutto, indriyāni patvā “samādhindriyan”ti, maggaṅgāni patvā “micchāsamādhī”ti, balāni patvā “samādhibalan”ti, piṭṭhidukaṃ patvā dutiyaduke ekakavaseneva

1. Ahirikabalaṃ anottappabalaṃ (Sī)

“samatho”ti, tatiye “avikkhepo”ti. Evamayam eko dhammo chasu thānesu vibhatto.

Sabbepi panete dhammā phassapañcakavasena jhānaṅgavasena indriyavasena maggaṅgavasena balavasena mūlavasena kammaṭṭhavasena lokanāsakavasena piṭṭhidukavasena nava rāsayo honti. Tattha yam vattabban, tam paṭhamakusalacittaniddese¹ vuttamevāti.

Dhammuddesavārakathā niṭṭhitā.

Niddesavārakathā

375. Niddesavāre cittassekaggatāniddese tāva **saññhiti avatṭhiti**ti idam dvayam thitivedacanameva. Yam pana kusalaniddese “ārammaṇam ogāhetvā anupavisitvā tiṭṭhatīti avatṭhiti”ti² vuttam, tam idha na labbhati. Akusalasmiñhi dubbalā cittassekaggatāti heṭṭhā dīpitameva.

“Uddhaccavicikicchāvasena pavattassa visāhārassa paṭipakkhato avisāhāro”ti evarūpopi² attho idha na labbhati. Sahajātadhamme pana na visāharatīti³ **avisāhāro**. Na vikkhipatīti **avikkhepo**. Akusalacittsekaggatāvasena avisāhaṭṭassa mānasassa bhāvo **avisāhaṭṭamānasatā**. Sahajātadhammesu na kampaṭīti **samādhibalaṃ**. Ayāthāvasamādhānato **micchāsamādhī**ti evamidha attho daṭṭhabbo.

376. Vīriyindriyaniddese yo heṭṭhā “nikkamo ceso kāmānam panudanāyā”ti-ādi⁴ nayo vutto, so idha na labbhati. Sahajātadhammesu akampanaṭṭheneva vīriyabalaṃ vedītabban.

381. Micchādiṭṭhiniddese ayāthāvadassanaṭṭhena **micchādiṭṭhi**. Diṭṭhīsu gataṃ idam dassanaṃ, dvāsaṭṭhidiṭṭhi-antogatatāti **diṭṭhigataṃ**. Heṭṭhāpissa attho vuttoyeva. Diṭṭhiyeva duratikkamanaṭṭhena **diṭṭhigahanam**, tiṇṇagahanavanagahanapabbatagahanāni viya. Diṭṭhiyeva sāsaṅkasappaṭibhayaṭṭhena

1. Heṭṭhā 178-9 piṭṭhesu.

3. Visamharatīti (Sī)

2. Heṭṭhā 188 piṭṭhe.

4. Heṭṭhā 190 piṭṭhe.

diṭṭhikantāro, corakantāra vāḷakantāra marukantāra
 nirudakakantāradubbhikkhakantārā viya. Sammādiṭṭhiyā vinivijjhanaṭṭhena,
 vilomanatṭhena ca **diṭṭhivīsūkāyikam**. Micchādassanañhi uppajjamānaṃ
 sammādassanaṃ vinivijjhati ceva vilometi ca. Kadāci sassatassa, kadāci
 ucchedassa gahaṇato diṭṭhiyā virūpaṃ phanditanti **diṭṭhivipphanditam**.
 Diṭṭhigatiko hi ekasmiṃ patiṭṭhātuṃ na sakkoti, kadāci sassataṃ anupatati,
 kadāci ucchedaṃ. Diṭṭhiyeva bandhanaṭṭhena saṃyojananti
diṭṭhisamyojanam.

Susumārādayo¹ viya purisaṃ, ārammaṇaṃ dalhaṃ gaṇhātīti **gāho**.
 Patiṭṭhahanato **patiṭṭhāho**². Ayañhi balavappavattibhāvena patiṭṭhahitvā
 gaṇhāti. Niccādivasena abhinivisatīti **abhiniveso**. Dhammasabhāvaṃ
 atikkamitvā niccādivasena parato āmasatīti **parāmāso**. Anattāhāvahattā
 kucchito maggo, kucchitānaṃ vā apāyānaṃ maggoti **kummaggo**.
 Ayāthāvapathato **micchāpatho**. Yathā hi disāmūḷhena “ayaṃ asukagāmassa
 nāma patho”ti gahitopi taṃ gāmaṃ na sampāpeti, evaṃ diṭṭhigatikena
 “sugatipatho”ti gahitāpi diṭṭhi sugatiṃ na pāpetīti ayāthāvapathato
 micchāpatho. Micchāsabhāvato **micchattam**. Tattheva paribbhamanato
 taranti ettha bālāti **tittham**, titthāñca tā anattāhānañca āyatananti
titthāyatanam, titthiyānaṃ vā sañjātidessaṭṭhena nivāsaṭṭhānaṭṭhena ca
 āyatanantipi titthāyatanam. Vipariyesabhūto gāho, vipariyesato vā gāhoti
vipariyesaggāho, vipallatta³ gāhoti attho.

387-388. **Ahrikānottappaniddesesu** hirottappaniddesavipariyāyena
 attho veditabbo. Sahajātadhammesu pana akampanaṭṭheneva ahirikabalaṃ,
 anottappabalañca veditabbam.

389. Lobhamohaniddesesu lubbhatīti **lobho**. **Lubbhanāti** lubbhanākāro,
 lobhasampayuttacittam, puggalo vā lubbhito, lubbhitassa bhāvo
lubbhitattam. Sārajjatīti **sārāgo**. Sārajjanākāro **sārajjanā**. Sārajjitassa bhāvo
sārajjitattam. Abhijjhāyanaṭṭhena

1. Sumsumārādayo (Sī, Syā) 2. Patiggahaṇato patiggāho (?) 3. Vipallatta (Ka)

abhijjhā. Puna lobhvacane kāraṇaṃ vuttameva. Akusalañca taṃ mūlañca, akusalānaṃ vā mūlanti **akusalamūlaṃ.**

390. Ñāṇadassanapaṭipakkhato **aññāṇaṃ adassanaṃ.** Abhimukho hutvā dhammena¹ na sameti na samagacchatīti **anabhisamayo.** Anurūpato dhamme bujjhatīti anubodho, tappaṭipakkhatāya **ananubodho.** Aniccādihi saddhim yojetvā na bujjhatīti **asambodho,** asantaṃ, asamañca bujjhatītipi **asambodho.** Catusaccadhammaṃ nappaṭivijjhatīti **appaṭivedho.** Rūpādīsu ekadhammampi aniccādisāmaññato na saṅgaṇhātīti **asaṅgāhanā.** Tameva dhammaṃ na pariyogatīti **apariyogāhanā.** Na samaṃ pekkhatīti **asamapekkhanā.** Dhammānaṃ sabhāvaṃ pati na apekkhatīti **apaccavekkhanā.**

Kusalākusalakammesu viparītavuttiyā sabhāvaggahaṇābhāvena vā ekampi kammaṃ etassa paccakkhaṃ natthi, sayāṃ vā kassaci kammaṃ paccakkakaraṇaṃ nāma na hotīti **appaccakkhakammaṃ.** Yaṃ etasmim anuppajjamāne cittasantānaṃ mejjhaṃ bhavēyya suci vodānaṃ, taṃ duṭṭhaṃ mejjhaṃ imināti **dummejjhaṃ**². Bālānaṃ bhāvoti **bālyaṃ.** Muyhatīti **moho.** Balavataro moho **pamoho.** Samantato muyhatīti **sammoho.** Vijjāya paṭipakkhabhāvato na vijjāti **avijjā.** **Oghayogatto** vuttōyeva. Thāmagataṭṭhena anusetīti **anusayo.** Cittaṃ pariyuṭṭhāti abhibhavatīti **pariyuṭṭhānaṃ.** Hitaggahaṇābhāvena hitābhimukhaṃ gantuṃ na sakkoti, aññadatthu laṅgatiyevāti **laṅgī,** khañjatīti attho. Durugghāṭanaṭṭhena vā laṅgī. Yathā hi mahāpalighasaṅkhātā laṅgī durigghātā hoti, evamayampi laṅgī viyāti laṅgī. Sesāṃ uttānatthameva. Saṅgahavārasuññatavārāpi heṭṭhā vuttanayeneva atthato veditabbāti.

Dutiyacitta

399. Dutiyacitte **sasaṅkhārenā**tipadaṃ visesaṃ, tampi heṭṭhā vuttatthameva. Idaṃ pana cittaṃ kiñcāpi chasu ārammaṇesu somanassitassa lobhaṃ uppādetvā “satto satto”ti-ādinaṃ nayena parāmasantassa uppajjati, tathāpi sasaṅkhārikattā sappayogena sa-upāyena uppajjanato,

1. Dhamme (Sī, Ka)

2. Dummijjhaṃ (Saddanīti), dummajjaṃ (?)

“yadā kulaputto micchādiṭṭhikassa kulassa kumārikam pattheti, te ca ‘aññadiṭṭhikā tumhe’ti kumārikam na denti, athaññe nātakā ‘yam tumhe karotha, tamevāyam karissatī’ti dāpenti, so tehi saddhim titthiye upasaṅkamati, āditova vematiko hoti, gacchante gacchente kāle ‘etesam kiriyā manāpā’ti laddhim roceti, diṭṭhim gaṇhāti”—evarūpe kāle idam labbhatīti veditabbaṃ.

Yevāpanakesu panettha thinamiddham adhikam. Tattha thinanatā **thinam**. Middhanatā **middham**, anussāhasamhananatā¹ asattivighāto² cāti attho. Thinañca middhañca **thinamiddham**. Tattha **thinam** anussāhalakkhaṇam, vīriyavinodanarasam³, saṃsīdanapaccupaṭṭhānam. **Middham** akammaññatālakkhaṇam, onahanarasam, līnabhāvapaccupaṭṭhānam, pacalāyikāniddāpaccupaṭṭhānam vā. Ubhayampi aratitandivijambhitādisu⁴ ayonisomanasikārapadaṭṭhānanti.

Tatiyacitta

400. Tatiyam chasu ārammaṇesu somanassitassa lobham uppādetvā “satto satto”ti-ādinā nayena aparāmasantissa nārāyaṇavirājanamallayuddha⁵ naṭasamajjādīni passato manāpiyasaddasavanādipasutassa vā uppajjati. Idha mānena saddhim pañca apaṇṇakāṅgāni honti. Tattha maññatīti **māno**. So unnatilakkaṇo, sampaggaharaso, ketukamyatāpaccupaṭṭhāno, diṭṭhivippayuttalobhapadaṭṭhāno, ummādo viya daṭṭhaboti.

Catutthacitta

402. Catuttham vuttappakāresu eva ṭhānesu yadā sīse kheḷam khipanti, pādapaṃsum okiranti, tadā tassa parihaṇattham sa-ussāhena antarantarā oloketānam, rājanāṭakesu nikkhantesu ussāraṇāya vattamānāya tena tena chiddena oloketānañcāti evamādīsu ṭhānesu uppajjati.

1. Anussāhanatā (Sī, Syā) Visuddhi 2. 99piṭṭhe passitabbaṃ.

2. Sattivighāto (Sī) 3. Vīriyapanodanarasam (Ka) 4. Aratitandivijambhitādisu (Ka)

5. Rājamallayuddha (Sī, Syā), nārāyananirājanamallayuddha (Ka), ettha nārāyaṇavirājanam nāma vāsudevalīlādassanam.

Idha pana thinamiddhehi saddhiṃ satta yevāpanakā honti. Ubhayatthāpi micchādiṭṭhi parihāyati. Taṃ ṭhapetvā sesānaṃ vasena dhammaḡaṇaṇā veditabbāti.

Pañcamacitta

403. Pañcamaṃ chasu ārammaṇesu vedanāvasena majjhattassa lobhaṃ uppādetvā “**satto satto**”ti-ādinā nayena parāmasantassa uppajjati. Somanassaṭṭhāne panettha upekkhāvedanā hoti. Pītipadaṃ parihāyati. Sesam sabbam paṭhamacittasadisameva.

Chaṭṭhacittādi

409-412. Chaṭṭhasattamaṭṭhamānīpi vedanaṃ parivattetvā pītipadaṇca hāpetvā dutiyatatiyacatutthesu vuttanayeneva veditabbāni. Imesu aṭṭhasu lobhasahagatacittesu sahaḡātādhipati ārammaṇādhipatīti dvepi adhipatayo labbhanti.

Navamacitta

413. Navamaṃ chasu ārammaṇesu domanassitassa paṭiḡhamṃ uppādayato uppajjati. Tassa samayavavatthānavāre tāva duṭṭhu mano, hīnavedanattā vā kucchitaṃ manoti **dummano**, dummanassa bhāvo **domanassaṃ**, tena sahaḡatanti **domanassasahaḡataṃ**. Asampiyāyanabhāvena ārammaṇasmim paṭihaññatīti **paṭiḡhamṃ**, tena sampayuttanti **paṭiḡhasampayuttaṃ**.

Dhammuddese tīsupi ṭhānesu domanassavedanāva āgatā. Tattha vedanāpadaṃ vuttameva, tathā dukkhadomanassapadāni. Lakkhaṇādito pana aniṭṭhārammaṇānubhavanalakkhaṇam domanassaṃ. Yathātathā vā aniṭṭhākārasambhogarasaṃ, cetasikābādapaccupaṭṭhānam, ekanteneva hadayavatthupadaṭṭhānam.

Mūlakammapathesu yathā purimacittesu “lobho hoti, abhiḡjhā hotī”ti āgataṃ. Evaṃ “doso hoti, byāpādo hotī”ti vuttaṃ. Tattha dussanti tena, sayam vā dussati, dussanamattameva vā tanti

doso. So caṇḍikkalakkhaṇo, pahaṭāsīviso viya, visappanaraso, visanipāto viya, attano nissayadhanaraso vā, dāvaggi viya, dussanapaccupaṭṭhāno, laddhokāso viya sapatto, āghātavattupadaṭṭhāno, visasamsaṭṭhapūtimuttam viya daṭṭhabbo.

Byāpajjati tena cittaṃ pūtibhāvaṃ upagacchati, byāpādayati vā vinayācārarūpasampattihitasukhādīnīti **byāpādo**, atthato panesa dosoyeva. Idha padaṭṭhāpāṭiyā ekūnatimsa padāni honti, aggahitaggahaṇena cuddasa. Tesam vasena savibhattikāvibhattikarāsibhedo veditabbo.

Yevāpanakesu chandādhimokkhamanasikāra-uddhaccāni niyatāni. Issāmacchariyakukkucsesu pana aññatarena saddhiṃ pañca pañca hutvāpi uppajjanti. Evamimepi tayo dhammā aniyatayevāpanakā nāma. Tesu issatīti **issā**, sā parasampattīnam usūyanalakkhaṇā, tattheva anabhiratirasā, tato vimukhābhāvapaccupaṭṭhānā, parasampattipadaṭṭhānā, saṃyojananti daṭṭhabbā. Maccherabhāvo **macchariyam**, tam laddhānam vā labhitabbānam vā attano sampattīnam nigūhanalakkhaṇam, tāsāmyeva parehi sādharmaṇabhāva-akkhamanarasam, saṅkocanapaccupaṭṭhānam, kaṭukañcukāpaccupaṭṭhānam vā, attasampattipadaṭṭhānam, cetaso virūpabhāvoti daṭṭhabbam. Kucchitam kataṃ **kukatam**, tassa bhāvo **kukkucam**, tam pacchānutāpalakkhaṇam, katākatānusocanarasam, vipaṭṭisārapaccupaṭṭhānam, katākatapadaṭṭhānam, dāsabyam viya daṭṭhabbam. Ayam tāva uddesavāre viseso.

415. Niddesavāre vedanāniddese **asātam** sātapaṭṭipakkhasena veditabbam

418. Dosaniddese dussatīti **doso**. **Dussanāti** dussanākāro. **Dussitattanti** dussitabhāvo. Pakatibhāvavijahanatṭhena byāpajjanam **byāpatti**. **Byāpajjanāti** byāpajjanākāro. Virujjhatīti **virodho**. Punappunam virujjhatīti **paṭivirodho**. Viruddhākārapaṭiviruddhākāravasena vā idam vuttam. **Caṇḍiko** vuccati caṇḍo thaddhapuggalo, tassa bhāvo **caṇḍikkam**. Na etena suropitam vacanam hoti, duruttam aparipuṇṇameva hotīti **asuropo**. Kuddhakāle hi paripuṇṇavacanam nāma natthi, sacepi kassaci hoti, tam appamāṇam.

apare pana assujananaṭṭhena assuropanato assuropoti vadanti, taṃ akāraṇaṃ, somanassassāpi assujananato. Heṭṭhā vutta-attamanatāpaṭipakkhato na attamanatāti **anattamanatā**. Sā pana yasmā cittasseva, na sattassa. Tasmā **cittassāti** vuttaṃ. Sesamettha saṅghasunñatavāresu ca heṭṭhā vuttanayeneva veditabbanti.

Dasamacitta

421. Dasamaṃ sasaṅkhārattā parehi ussāhitassa vā paresaṃ vā aparādhaṃ sāritassa, sayameva vā paresaṃ aparādhaṃ anussarivā kujjhamānassa uppajjati.

Idhāpi padapaṭipāṭiyā ekūnatimsa, aggahitaggahaṇena ca cuddaseva padāni honti. Yevāpanakesu pana thinamiddhampi labbhati. Tasmā ettha vinā issāmacchariyakukkuccehi cattāri apaṇṇakaṅgāni thinamiddhanti ime cha, issādīnaṃ uppattikāle tesu aññatarena saddhim satta yevāpanakā ekakkhaṇe uppajjanti. Sesam sabbam sabbavāresu navamasadisameva. Imesu pana dvīsu domanassacittesu sahaḷātādīpatiyeva labbhati, na ārammaṇādhipati. Na hi kuddho kiñci garuṃ karotīti.

Ekādasamacitta

422. Ekodasamaṃ chasu ārammaṇesu vedanāvasena majjhattassa kaṅkhāpavattikāle uppajjati. Tassa samayavavatthāne **vicikicchāsampayuttanti** padaṃ apubbaṃ. Tassattho vicikicchāya sampayuttanti **vicikicchāsampayuttaṃ**. Dhammuddese **vicikicchā hotīti** padameva viseso. Tattha viḡatā cikicchāti **vicikicchā**, sabhāvaṃ vā vicinanto etāya kicchati kilamatīti **vicikicchā**, sā saṃsayalakkhaṇā, kampanarasā, anicchayapaccupaṭṭhānā, anekasagāhapaccupaṭṭhānā vā, ayonisomanasikārapadaṭṭhānā, paṭipatti-antarāyakarāti daṭṭhabbā.

Idha padapaṭipāṭiyā tevīsati padāni honti, aggahitaggahaṇena cuddasa. Tesam vasena savibhattikāvibhattikarāsivinicchayo veditabbo. Manasikāro uddhaccanti dveyeva yevāpanakā.

424. Niddesavārassa cittassekaggatāniddese yasmā idaṃ dubbalaṃ cittaṃ, pavattiṭṭhitimattakamevettha hoti, tasmā “**saṅghiti**”ti-ādīni avatvā **cittassa ṭhitī** ekameva padaṃ vuttaṃ. Teneva ca kāraṇena uddesavārepi “samādhindriyan”ti-ādi na vuttaṃ.

452. Vicikicchāniddese kaṅkhanavasena **kaṅkhā**. Kaṅkhāya āyanāti **kaṅkhāyanā**. Purimakāṅkhā hi uttarakāṅkhaṃ āneti nāma¹, ākāravasena vā etaṃ vuttaṃ. Kaṅkhāsamaṅgicittaṃ kaṅkhāya āyitattā **kaṅkhāyitaṃ** nāma, tassa bhāvo **kaṅkhāyitattaṃ**. **Vimaṭṭi**ti namati. **Vicikicchā** vittatthā eva. Kampanaṭṭhena dvidhā eḷayatīti **dvelhakaṃ**. Paṭipattinivāraṇena dvidhāpatho viyāti **dvedhāpatho**. “Niccaṃ nu kho idaṃ, aniccaṃ nu kho”ti-ādipavattiyā ekasmiṃ ākāre saṅghātum asamatthatāya samantato seṭṭhi **samsayo**. Ekamsaṃ gahetum asamatthatāya na ekamsaggāhoti **anekamsaggāho**. Nicchetum asakkontī ārammaṇato osakkatīti **āsappanā**. Ogāhitum asakkontī parisamantato sappatīti **parisappanā**. Pariyogāhitum asamatthatāya **apariyogāhanā**. Nicchayavasena ārammaṇe pavattitum asamatthatāya **thambhitattaṃ**², cittassa thaddhabhāvoti attho. Vicikicchā hi uppajjitvā cittaṃ thaddhaṃ karoti. Yasmā panesā uppajjamānā ārammaṇaṃ gahetvā manaṃ vilikhantī viya, tasmā **manovilekhoti** vuttā. Sesā sabbattha uttānatthameva.

Dvādasamacitta

427. Dvādasamassa³ samayavatthāna uddhaccena sampayuttanti **uddhaccasampayuttaṃ**. Idañhi cittaṃ chasu ārammaṇesu vedanāvasena majjhattaṃ hutvā uddhataṃ hoti. Idha dhammuddese vicikicchāṭṭhāne “uddhaccaṃ hotī”ti āgataṃ. Padapaṭipāṭiyā aṭṭhavīsati padāni honti, aggahitaggahaṇena cuddasa. Tesā vasena savibhattikāvibhattikarāsividdhānaṃ veditabbaṃ. Adhimokkho manasikāroti dveyeva yevāpanakā.

429. Niddesavārassa uddhaccaniddese **cittassāti** na sattassa na posassa. **Uddhaccanti** uddhatakāro. Na vūpasamoti **avūpasamo**. Ceto

1. Āyati nāma (Ka)

2. Chambhitattaṃ (Ka)

3. Dvādasame (Ka)

vikkhipatīti **cetasovikkhepo. Bhantattaṃ cittassāti** cittassa bhantabhāvo, bhantayānabhantagoṇādīni viya. Iminā ekārammaṇasmimīyeva vipphandanam kathitam. Uddhaccañhi ekārammaṇe vipphandati, vicikicchā nānārammaṇe. Sesam sabbavāresu heṭṭhā vuttanayeneva veditabban.

Idāni imasmim cittadvaye pakiṇṇakavinicchayo hoti—“ārammaṇe pavaṭṭanakacittāni nāma katī”ti hi vutte “imāneva dve”ti vattabban. Tattha vicikicchāsahagataṃ ekantena pavaṭṭati, uddhaccasahagataṃ pana laddhādhimokkhattā laddhapatiṭṭhaṃ pavaṭṭati. Yathā hi vaṭṭacaturassesu dvīsu maṇīsu pabbhāraṭṭhāne pavaṭṭetvā vissatṭhesu vaṭṭamaṇi ekanteneva pavaṭṭati, caturasso patiṭṭhāya patiṭṭhāya pavaṭṭati. Evaṃsampadamidaṃ veditabban. Sabbesupi hīnādibhedo na uddhaṭo, sabbesam ekantahīnattā. Sahajātādhipati labbhamānopi na uddhaṭo, heṭṭhā dassitanayattā. Ñāṇābhāvato panettha vīmamsādhipati nāma natthi. Pacchimadvaye sesopi natthi eva. Kasmā? Kañci dhammaṃ dhuraṃ katvā anuppajjanato, paṭṭhāne ca paṭisiddhato¹.

Imehi pana dvādasahipi akusalacittehi kamme āyūhite ṭhapetvā uddhaccasahagataṃ sesāni ekādaseva paṭisandhim ākaḍḍhanti. Vicikicchāsahagata aladdhādhimokkhe dubbalepi paṭisandhim ākaḍḍhamāne uddhaccasahagataṃ laddhādhimokkham balavaṃ kasmā nākaḍḍhatīti? Dassanena pahātabbābhāvato. Yadi hi ākaḍḍheyya, dassanenapahātabbapadavibhaṅge² āgaccheyya. Tasmā ṭhapetvā tam sesāni ekādasa ākaḍḍhanti. Tesu hi yena kenaci kamme āyūhite tāya cetanāya catūsu apāyesu paṭisandhi hoti, akusalavipākesu ahetikamanoviññādhātu-upekkhāsahagatāya paṭisandhim gaṇhāti. Itarassāpi ettheva paṭisandhidānam bhavēyya. Yasmā panetaṃ natthi, tasmā dassanenapahātabbapadavibhaṅge nāgatanti.

“Akusalā dhammā”tipadassa vaṇṇanā niṭṭhitā.

1. Paṭisaddhito (Syā) Paṭṭhāna 1. 31 piṭṭhe.

2. Paṭṭhāna 1. 228 piṭṭhe.

Abyākatapada ahetukakusalavipāka

431. Idāni abyākatapadaṃ bhājetvā dassetuṃ **“katame dhammā abyākatā”**ti-ādi āradham. Tattha catubbidham abyākataṃ vipākaṃ kiriyaṃ rūpaṃ nibbānanti. Tesu vipākābyākataṃ, vipākābyākatepi kusalavipākaṃ, tasmimpi parittavipākaṃ, tasmimpi ahetukaṃ, tasmimpi pañcaviññāṇaṃ, tasmimpi dvārapaṭipāṭiyā cakkhuvīññāṇaṃ, tassāpi ṭhapetvā dvārārammaṇādisādhāraṇapaccayaṃ asādhāraṇakammaṇapaccayaveseneva uppattiṃ dīpetuṃ **“kāmāvacarassa kusalassa kammaṃ katattā”**ti-ādi vuttaṃ. Tattha **katattā**ti katakāraṇā. **Upacittattā**ti ācittatā vaḍḍhitakāraṇā. **Cakkhuvīññāṇanti** kāraṇabhūtaṃ cakkhussa viññāṇaṃ, cakkhuto vā pavattaṃ, cakkhusmiṃ vā nissitaṃ viññāṇanti cakkhuvīññāṇaṃ. Parato **sotaviññāṇā**dīsipi eseva nayo.

Tattha cakkhusannissitarūpavijānanalakkhaṇaṃ **cakkuviññāṇaṃ**, rūpamattārammaṇarasam, rūpābhimukhabhāvapaccupaṭṭhānaṃ, rūpārammaṇāya kiriyamanodhātuyā apagamapadaṭṭhānaṃ. Parato āgatāni sotādisannissitasaddādivijānanalakkhaṇāni sotaghānajivhākāyaviññāṇāni saddādimattārammaṇarasāni, saddādi-abhimukhabhāvapaccupaṭṭhānāni, saddādi-ārammaṇānaṃ kiriyamanodhātūnaṃ apagamapadaṭṭhānāni.

Idha padapaṭipāṭiyā dasa padāni honti, aggahitaggahaṇena satta. Tesu pañca avibhattikāni, dve savibhattikāni. Tesu cittaṃ phassapañcakavasena ceva indriyavasena ca dvīsu ṭhānesu vibhattiṃ gacchati. Vedanā phassapañcaka jhānaṅga indriyavasena tīsu yeveva. Rāsayopi imeva tayo honti. Yevāpanako eko manasikāro eva.

436. Niddesavāre cakkhuvīññāṇaṃ **“paṇḍaran”**ti vatthuto vuttaṃ. Kusalañhi attano parisuddhatāya paṇḍaraṃ nāma, akusalaṃ bhavaṅganissandena, vipākaṃ vutthupaṇḍarattā.

438. Cittassekaggatāniddese **“cittassa ṭhiti”**ti ekameva¹ padaṃ vuttaṃ. Idampi hi dubbalaṃ cittaṃ, pavattiṭṭhitamattamevettha labbhati,

1. Etthakameva (Ka)

saṅghiti-avaṭṭhitibhāvaṃ pāpuṇitum na sakkoti. Saṅghavāre jhānaṅgamaggaṅgāni na uddhaṭāni. Kasmā? Vitakkapacchimakaṃ hi jhānaṃ nāma, hetupacchimako maggo nāma, pakatiyā avitakkacitte jhānaṅgaṃ na labbhati, aheturacitte ca maggaṅgāni. Tasmā idha ubhayampi na uddhaṭaṃ. Saṅkhārakkhandhopettha caturaṅgikoyeva bhājito. Suññatavāro pākaticoyeva. Sotaviññāṇādīniddesāpi imināva nayena vedītabbā.

Kevalaṅhi cakkhuvīññāṇādīsu upekkhā bhājita, kāyaviññāṇe sukhanti ayamettha viseso. Sopi ca ghaṭṭanavasena hotīti vedītabbo. Cakkhudvārādīsu hi catūsu upādārūpemeva upādārūpaṃ ghaṭṭeti, upādārūpeyeva upādārūpaṃ ghaṭṭente paṭighaṭṭanānighaṃso balavā na hoti, cattunnaṃ adhikaraṇīnaṃ upari cattāro kappāsapicupiṇḍe ṭhapetvā picupiṇḍeheva pahatakālo viya phuṭṭhamattameva hoti, vedanā majjhattaṭṭhāne tiṭṭhati. Kāyadvāre pana bahiddhā mahābhūtārammaṇaṃ ajjhattikakāyapasādaṃ ghaṭṭetvā pasādapaccayesu mahābhūtesu paṭihaññati, yathā adhikaraṇīmatthake kappāsapicupiṇḍaṃ ṭhapetvā kūṭena paharantassa¹ kappāsapicupiṇḍaṃ chinditvā kūṭaṃ adhikaraṇīnaṃ gaṇhātīti nighaṃso balavā hoti, evameva paṭighaṭṭanānighaṃso balavā hoti. Itṭhe ārammaṇe sukhasahagataṃ kāyaviññāṇaṃ uppajjati, anitṭhe dukkasahagataṃ.

Imesaṃ pana pañcannaṃ cittānaṃ vatthudvārārammaṇāni nibaddhāneva² honti, vatthādīsaṅkamaṇaṃ nāmettha natthi. Kusalavipākacakkhuvīññāṇaṅhi cakkhupasādaṃ vatthum katvā itṭhe ca itṭhamajjhate ca catusamuṭṭhānikarūpārammaṇe dassanakiccaṃ sādhamānaṃ cakkhudvāre ṭhatvā vipaccati, sotaviññāṇādīni sotapasādādīni vatthum katvā itṭha-itṭhamajjhatesu saddādīsu savanaghāyanasāyanaphusanakiccāni sādhamānāni sotadvārādīsu ṭhatvā vipaccanti. Saddo panettha dvisamuṭṭhānikoyeva hoti.

455. Manodhātuniddese sabhāvasuññatanissattaṭṭhena manoyeva dhātu **manodhātu**, sā cakkhuvīññāṇādīnaṃ anantaraṃ rūpādivijānanalakkhaṇā, rūpādīnaṃ sampaṭicchanarasā, tathābhāvapaccupaṭṭhānā, cakkhuvīññāṇādī-apagamapadaṭṭhānā. Idha dhammuddese dvādasa padāni honti,

1. Paharantaṃ (Syā), paharante (Ka)

2. Nibandhāneva (Ka)

aggahitaggahaṇena nava. Tesu satta avibhattikāni, dve savibhattikāni. Adhimokkho manasikāroti dve yevāpanakā. Vitakkaniddeso abhiniropanam pāpetvā ṭhapito. Yasmā panetaṃ cittaṃ neva kusalaṃ nākusalaṃ, tasmā “sammāsaṅkappo”ti “micchāsaṅkappo”ti vā na vuttaṃ. Saṅgahavāre labbhamānampi jhānaṅgaṃ pañcaviññāṇasote patitvā gatanti, maggaṅgaṃ pana na labbhatiyevāti na uddhaṭaṃ. Suññatavāro pākatikoyeva. Imassa cittaṃ vattu nibaddhaṃ, hadayavatthumeva hoti. Dvārārammaṇāni anibaddhāni. Tattha kiñcāpi dvārārammaṇāni saṅkamanti, ṭhānaṃ pana ekaṃ. Sampāṭicchanaṃ kiccameva hetuṃ hoti. Idañhi pañcadvāre pañcasu ārammaṇesu sampāṭicchanaṃ hutvā vipaccati. Kusala vipākesu cakkhuviññāṇādīsu niruddhesu taṃsamanantarā tāneva ṭhānapattāni rūpārammaṇādīni sampāṭicchati.

468. Manoviññāṇadhātuniddhesu paṭhamamanoviññāṇadhātuyam pītipadaṃ adhikaṃ, vedanāpi somanassavedanā hoti. Ayañhi iṭṭhārammaṇasmiṃyeva pavattati. Dutiyamanoviññāṇadhātu iṭṭhamajjhattārammaṇe. Tasmā tattha “upekkhā vedanā hoti”ti padāni manodhātuniddhesasādisāneva. Ubhayatthāpi pañcaviññāṇasote patitvā gatattāyeva jhānaṅgāni na uddhaṭāni, maggaṅgāni alābhatoyeva. Sesam sabbattha vuttanayeneva veditabbaṃ. Lakkhaṇādito panesā duvidhāpi manoviññāṇadhātu ahetukavipākā chaḷārammaṇavijānanalakkhaṇā, santīraṇādirasā, tathābhāvapaccupaṭṭhānā, hadayavatthupadaṭṭhānāti veditabbā.

Tattha paṭhamā dvīsu ṭhānesu vipaccati. Sā hi pañcadvāre kusalavipākacakkhuviññāṇādi-anantaraṃ vipākamanodhātuyā taṃ ārammaṇam sampāṭicchitvā niruddhāya tasmimīyevārammaṇe¹ santīraṇakiccaṃ sādhamānā pañcasu dvāresu ṭhatvā vipaccati. Chasu dvāresu pana balavārammaṇe tadārammaṇā² hutvā vipaccati. Kathaṃ? Yathā hi caṇḍasote tiriyaṃ nāvāya gacchantiyā udakaṃ chijjivā thokaṃ ṭhānaṃ nāvaṃ anubandhitvā yathāsotameva gacchati, evameva chasu dvāresu balavārammaṇe palobhayamāne āpāthagate javanaṃ javati, tasmim javite bhavaṅgassa vāro. Idaṃ pana cittaṃ bhavaṅgassa vāram adatvā javanena gahitārammaṇam gahetvā ekaṃ dve cittavāre pavattitvā

1. Tadārammaṇe (Ka)

2. Tadārammaṇam (St)

bhavaṅgameva otarati. Gavakkhandhe nadim̄ tarantepi evameva upamā vitthāretabbā. Evamesā yaṁ javanena gahitārammaṇaṁ, tasseva gahitattā tadārammaṇaṁ nāma hutvā vipaccati.

Dutiya pana pañcasu ṭhānesu vipaccati. Kathaṁ? Manussaloke tāva jaccandha jaccabadhira jaccha-eḷa jaccummattaka ubhatobyañjanaka napuṁsakānaṁ paṭisandhiggahaṇakāle paṭisandhi hutvā vipaccati, paṭisandhiyā vītivattāya yāvatāyukaṁ bhavaṅgaṁ hutvā vipaccati, iṭṭhamajjhatte pañcārammaṇavīthiyā santīraṇaṁ hutvā, balavārammaṇe chasu dvāresu tadārammaṇaṁ hutvā, maraṇakāle cuti hutvāti imesu pañcasu ṭhānesu vipaccatīti.

Manoviññādhātudvayaṁ niṭṭhitaṁ.

Atṭhamahāvīpākacittavaṇṇanā

498. Idāni atṭha mahāvīpākacittāni dassetuṁ puna “**katame dhammā abyākatā**”ti-ādi āraddhaṁ. Tattha Pāḷiyaṁ nayamattaṁ dassetvā sabbavārā saṅkhittā, tesāṁ attho heṭṭhā vuttanayeneva veditabbo. Yo panettha viseso, taṁ dassetuṁ “**alobho abyākatamūlan**”ti-ādi vuttaṁ. Yampi na vuttaṁ, taṁ evaṁ veditabbaṁ—yo hi kāmāvacarakusalesu kammadvārakammaphapuññakiriyavatthubhedo vutto, so idha natthi. Kasmā? Aviññattijanakato, avīpākadhammato tathā appavattito ca. Yāpi tā yevāpanakesu karuṇāmudītā vuttā, tā sattārammaṇattā vipākesu na santi, ekantaparittārammaṇāni hi kāmāvacaravīpākāni. Na kevalaṅca karuṇāmudītā, viratīyopettha na santi. “Pañca sikkhāpadāni kusalānevā”ti¹ hi vuttaṁ.

Asaṅkhārasasaṅkhāravidhānañcetta kusalato ceva paccayabhedato ca veditabbaṁ. Asaṅkhārikassa hi kusalassa asaṅkhārikameva vipākaṁ, sasaṅkhārikassa sasaṅkhārikaṁ. Balavapaccayehi ca uppannaṁ asaṅkhārikaṁ, itarehi itaraṁ. Hīnādibhedepi imāni hīnamajjhimapaṇītehi chandhādīhi anipphādītattā hīnamajjhimapaṇītāni nāma na honti, hīnassa pana kusalassa vipākaṁ hīnaṁ,

1. Abhi 2. 305 piṭṭhe.

majjhimassa majjhimaṃ, paṇītaṃ paṇītaṃ. Adhipatino pettha na santi. Kasmā? chandādīni dhuraṃ katvā anuppādetabbato. Sesam sabbam aṭṭhasu kusalesu vuttasadisameva.

Idāni imesaṃ aṭṭhannaṃ mahāvīpākacittānaṃ vipaccanaṭṭhānaṃ veditabbam. Etāni hi catūsu ṭhānesu vipaccanti paṭisandhiyaṃ, bhavaṅge, cutiyaṃ, tadārammaṇeti. Kathaṃ? Manussesu, tāva kāmāvacaradevesu ca puññavantānaṃ duhetukatihetukānaṃ paṭisandhiggahaṇakāle paṭisandhi hutvā vipaccanti, paṭisandhiyā vītivattāya pavatte saṭṭhipi asītipi¹ vassāni asaṅkhyeyyampi āyukālaṃ bhavaṅgaṃ hutvā, balavārammaṇe chasu dvāresu tadārammaṇaṃ hutvā, maraṇakāle cuti hutvāti evaṃ catūsu ṭhānesu vipaccanti.

Tattha sabbepi **sabbaññubodhisattā** pacchimapaṭisandhiggahaṇe paṭhamena **somanassasahagata tihetuka asaṅkhārika mahāvīpākacittena** paṭisandhiṃ gaṇhanti. Taṃ pana mettāpubbabhāgacittassa vipākaṃ hoti. Tena dinnāya paṭisandhiyā asaṅkhyeyyaṃ āyu, kālavasena pana pariṇamati. **Māhāsīvatto** panāha “somanassasahagatato upekkhāsahagataṃ balavataraṃ, tena paṭisandhiṃ gaṇhanti, tena gahitapaṭisandhikā hi mahajjhāsayaṃ honti, dibbesupi ārammaṇesu uppilāvino² na honti Tipiṭakacūlanāgattherādayo viyā”ti. Aṭṭhakathāyaṃ pana “ayaṃ therassa manoratho, natthi etan”ti paṭikkhipitvā “sabbaññubodhisattānaṃ hitūpacāro balavā hoti, tasmā mettāpubbabhāgakāmāvacarakusalavīpākasomanassasahagatatihetuka asaṅkhārikacittena paṭisandhiṃ gaṇhanti”ti vuttam.

Vīpākuddhāraṅkathā

Idāni vīpākuddhāraṅkathāya mātikā ṭhapetabbā. **Tipiṭakacūlanāgatthero** tāva āha “ekāya kusalacetanāya soḷasa vīpākacittāni uppajjanti, ettheva dvādasakamaggopi ahetukaṭṭhakampī”ti. **Moravāpivāsi Mahādattatthero** panāha “ekāya kusalacetanāya dvādasa vīpākacittāni uppajjanti, ettheva dasakamaggopi ahetukaṭṭhakampī”ti. **Tipiṭakamahādhammarakkhitatthero** āha “ekāya kusalacetanāya dasa vīpākacittāni uppajjanti, ettheva ahetukaṭṭhakan”ti.

1. Saṭṭhipi asītipi (Sī)

2. Ubbillāvino (Sī), ubbillāvino (Syā)

Imasmiṃ ṭhāne **sāketapañham** nāma gaṇhimsu. Sākete kira upāsakā sālāyaṃ nisīditvā “kiṃ nu kho ekāya cetanāya kamme āyūhite ekā paṭisandhi hoti, udāhu nānā”ti pañham nāma samuṭṭhāpetvā nicchetuṃ asakkontā ābhidhammikatthere upasaṅkamitvā pucchimsu. Therā “yathā ekasmā ambabījā ekova aṅkuro nikkhamati, evaṃ ekāya paṭisandhi hotī”ti saññāpesuṃ. Athekadivasam “kiṃ nu kho nānācetanāhi kamme āyūhite paṭisandhiyo nānā honti, udāhu ekā”ti pañham samuṭṭhāpetvā nicchetuṃ asakkontā there pucchimsu. Therā “yathā bahūsu ambavījesu ropitesu bahū aṅkurā nikkhamanti, evaṃ bahukāya paṭisandhiyo hontī”ti saññāpesuṃ.

Aparampi imasmiṃ ṭhāne **ussadakittanam** nāma gahitaṃ. Imesañhi sattānaṃ lobhopi ussanno hoti, dosopi mohopi alobhopi adosopi amohopi. Taṃ nesaṃ ussannabhāvaṃ ko niyāmetīti? Pubbahetu niyāmeti. Kammāyūhanakkhaṇeyeva nānattaṃ hoti. Kathaṃ? Yassa hi kammāyūhanakkhaṇe lobho balavā hoti, alobho mando, adosāmohā balavanto, dosamohā mandā, tassa mando alobho lobhaṃ pariyādātuṃ na sakkoti, adosāmohā pana balavanto dosamohe pariyādātuṃ sakkonti. Tasmā so te kammena dinnapaṭisandhivasena nibbato luddho hoti, sukhasīlo akkodhano, paññavā pana hoti vajirūpamaññaṇoti.

Yassa pana kammāyūhanakkhaṇe lobhadosā balavanto honti, alobhādosā mandā, amoho balavā, moho mando, so purimanayeneva luddho ceva hoti duṭṭho ca, paññavā pana hoti vajirūpamaññaṇo, Dattābhayatthero viya.

Yassa pana kammāyūhanakkhaṇe lobhādosamohā balavanto honti, itare mandā, so purimanayeneva luddho ceva hoti dandho ca, sukhasīlako pana hoti akkodhano.

Tathā yassa kammāyūhanakkhaṇe tayopi lobhādosamohā balavanto honti, alobhādayo mandā, so purimanayeneva luddho ceva hoti duṭṭho ca mūlho ca.

Yassa pana kammāyūhanakkhaṇe alobhadosamohā balavanto honti, itare mandā, so purimanayeneva appakilesa hoti dibbārammaṇampi disvā niccalo, duṭṭho pana hoti dandhapañño cāti.

Yassa pana kammāyūhanakkhaṇe alobhādosamohā balavanto honti, itare mandā, so purimanayeneva aluddho ceva hoti sukhasīlako ca, dandho pana hoti.

Tathā yassa kammāyūhanakkhaṇe alobhadosā mohā balavanto honti, itare mandā, so purimanayeneva aluddho ceva hoti paññavā ca, duṭṭho ca pana hoti kodhano.

Yassa pana kammāyūhanakkhaṇe tayopi alobhādayo balavanto honti, lobhādayo mandā, so Mahāsaṃgharakkhitatthero viya aluddho aduṭṭho paññavā ca hotīti.

Aparampi imasmim̐ ṭhāne **hetukittanaṃ** nāma gahitaṃ. Tihetukakammañhi tihetukampi duhetukampi ahetukampi vipākaṃ deti. Duhetukakammaṃ tihetukavipākaṃ na deti, itaraṃ deti. Tihetukakammena paṭisandhi tihetukāpi hoti duhetukāpi, ahetukā na hoti. Duhetukena duhetukāpi hoti ahetukāpi, tihetukā na hoti. Asaṅkhārikaṃ kusalaṃ asaṅkhārikampi sasaṅkhārikampi vipākaṃ deti. Sasaṅkhārikaṃ sasaṅkhārikampi asaṅkhārikampi vipākaṃ deti. Ārammaṇena vedanā parivattetabbā. **Javanena tadārammaṇaṃ niyāmetabbaṃ.**

Idāni tassa tassa therassa vāde **soḷasamaggādayo** veditabbā. Paṭhamakāmāvacarakusalasadisena hi paṭhamamahāvīpākacittena gahitapaṭisandhikassa gabbhāvāsato nikkhamitvā saṃvarāsaṃvare paṭṭhapetuṃ samatthabhāvaṃ upagatassa cakkhudvārasmiṃ iṭṭhārammaṇe āpāthamāgate kiriyamanodhātuyā bhavaṅge anāvaṭṭiteyeva atikkamana-ārammaṇānaṃ pamāṇaṃ natthi. Kasmā evaṃ hoti? Ārammaṇadubbalatāya. Ayaṃ tāva eko moghavāro.

Sace pana bhavaṅgaṃ āvaṭṭeti, kiriyamanodhātuyā bhavaṅge āvaṭṭite vāṭṭhabbanaṃ apāpetvāva antarā cakkhuvīññāṇe vā sampaṭicchane vā

santīraṇe vā ṭhatvā nivattissatīti netam ṭhānam vijjati. Voṭṭhabbanavasena¹ pana ṭhatvā ekam vā dve vā cittāni pavattanti. Tato āsevanam labhitvā javanaṭṭhāne ṭhatvā puna bhavaṅgam otarati, idampi ārammaṇadubbalatāya eva hoti. Ayam pana vāro “diṭṭham viya me, sutam viya me”ti-ādīni vadanakāle labbhati. Ayampi dutiyo moghavāro.

Aparassa kiriyamanodhātuyā bhavaṅge āvaṭṭite vīthicittāni uppajjanti, javanam javati. Javanapariyosāne pana tadārammaṇassa vāro, tasmim anuppanneyeva bhavaṅgam otarati. Tatrāyam upamā—yathā hi nadiyā āvaraṇam bandhitvā mahāmātikābhimukhe uduke kate udakam gantvā ubhosu tīresu kedāre pūretvā atirekam kakkaṭakamaggādīhi palāyitvā puna nadimyeva otarati, evametam daṭṭhabbam. Ettha hi nadiyam udakappavattanakālo viya bhavaṅgavīthippavattanakālo, āvaraṇabandhanakālo viya kiriyamanodhātuyā bhavaṅgassa āvaṭṭanakālo, mahāmātitāya udakappavattanakālo viya vīthicittappavatti, ubhosu tīresu kedārapūraṇam viya javanam, kakkaṭakamaggādīhi palāyitvā puna udakassa nadī-otaraṇam viya javanam, kakkaṭakamaggādīhi palāyitvā puna udakassa nadī-otaraṇam viya javanam javitvā tadārammaṇe anuppanneyeva puna bhavaṅgotaraṇam. Evam bhavaṅgam otaraṇacittānampi gaṇanapatho² natthi. Idañcāpi ārammaṇadubbalatāya eva hoti. Ayam tatiyo moghavāro.

Sace pana balavārammaṇam āpāthagatam hoti, kiriyamanodhātuyā bhavaṅge āvaṭṭite cakkhuviññāṇādīni uppajjanti. Javanaṭṭhāne pana paṭhamakāmāvacarakusalacittam javanam hutvā chasattavāre javitvā tadārammaṇassa vāram deti. Tadārammaṇam paṭiṭṭhahamānam taṁsadisameva mahāvīpākacittam paṭiṭṭhāti. Idam dve nāmāni labhati paṭisandhicittasadisattā mūlabhavaṅganti ca, yam javanena gahitam ārammaṇam, tassa gahitattā tadārammaṇanti ca. Imasmim ṭhāne cakkhuviññāṇam sampaṭicchantaṁ santīraṇam tadārammaṇanti cattāri vipākacittāni gaṇanūpagāni honti.

Yadā pana dutiyakusalacittam javanam hoti, tadā taṁsadisam dutiyavīpākacittameva tadārammaṇam hutvā paṭiṭṭhāti. Idañca dve nāmāni

1. Voṭṭhapanē (Sī)

2. Gaṇanā nāma (Ka)

labhati paṭisandhicittena asadisattā āgantukabhavaṅganti ca, purimanayeneva tadārammaṇanti ca. Iminā saddhim purimāni cattāri pañca honti.

Yadā pana tatiyakusalacittam javanam hoti, tadā taṃsadisam tatiyavipākacittam tadārammaṇam hutvā patiṭṭhāti. Idampi vuttanayeneva āgantukabhavaṅgam, tadārammaṇanti ca dve nāmāni labhati. Iminā saddhim purimāni pañca cha honti.

Yadā pana catutthakusalacittam javanam hoti, tadā taṃsadisam catutthavipākacittam tadārammaṇam hutvā patiṭṭhāti. Idampi vuttanayeneva āgantukabhavaṅgam, tadārammaṇanti ca dve nāmāni labhati. Iminā saddhim purimāni cha satta honti.

Yadā pana tasmim dvāre iṭṭhamajjhattārammaṇam āpāthamāgacchati, tatrāpi vuttanayeneva tayo moghavārā labbhanti. Yasmā pana ārammaṇena vedanā parivattati, tasmā tattha upekkhāsahagatasantīraṇam, catunnañca upekkhāsahagatamahākusalajavanānam pariyoṣāne cattāri upekkhāsahagatamahāvīpākacittāneva tadārammaṇabhāvena patiṭṭhahanti. Tānīpi vuttanayeneva āgantukabhavaṅgam, tadārammaṇanti ca dve nāmāni labhanti. Piṭṭhibhavaṅgānītipi vuccanti eva. Iti imāni pañca, purimehi sattahi saddhim dvādasa honti. Evaṃ cakkhudvāre dvādasa, sotadvārādīsu dvādasa dvādasāti samasaṭṭhi honti. Evaṃ ekāya cetanāya kamme āyūhite samasaṭṭhi vipākacittāni uppajjanti, aggahitaggahaṇena pana cakkhudvāre dvādasa, sotaghānajivhākāyaviññāṇāni cattārīti soḷasa honti.

Imasmim ṭhāne **ambopamam** nāma gaṇhimṃsu. Eko kira puriso phalitambarukkhāmūle sasīsam pārupitvā nipanno niddāyati. Athekam ambapakkam vaṇṭato muccitvā tassa kaṇṇasakkhalim puñchamānam¹ viya ‘than’ti² bhūmiyam pati, so tassa saddena pabujjhivā ummīletvā³ olokesi. Tato hattham pasāretvā phalam gahetvā madditvā upasiṅghitvā paribhuñji.

Tattha tassa purisassa ambarukkhāmūle niddāyanakālo viya bhavaṅgasamaṅgikālo, ambapakkasa vaṇṭato muccitvā kaṇṇasakkhalim puñchamānassa patanakālo viya ārammaṇassa pasādaghaṭṭanakālo, tena saddena

1. Puñjamānam (Ka)

2. ‘Than’ti (Sī), ‘dhan’ti (Ka)

3. Ummilitvā (Ka)

pabuddhakālo viya kiriyamanodhātuyā bhavaṅgassa āvaṭṭitakālo, ummīletvā olokitakālo viya cakkhuviññāṇassa dassanakiccasādhanakālo, hattham pasāretvā gahitakālo viya vipākamanodhātuyā ārammaṇassa sampaṭicchitakālo¹, gahetvā madditakālo viya vipākamanoviññāṇadhātuyā ārammaṇassa santīraṇakālo, upasiṅghitakālo viya kiriyamanoviññāṇadhātuyā ārammaṇassa vavatthāpitakālo, paribhuttakālo viya javanassa ārammaṇarasam anubhavitakālo. Ayaṃ upamā kim dīpeti? “Ārammaṇassa pasādaghaṭṭanameva kiccaṃ, tena pasāde ghaṭṭite kiriyamanodhātuyā bhavaṅgāvaṭṭanameva, cakkhuviññāṇassa dassanamattakameva, vipākamanodhātuyā ārammaṇasampaṭicchanamattakameva, vipākamanoviññāṇadhātuyā ārammaṇasantīraṇamattakameva, kiriyamanoviññāṇadhātuyā ārammaṇavavatthāpanamattakameva kiccaṃ, ekantena pana ārammaṇarasam javanameva anubhavatī”ti dīpeti.

Ettha ca “tvaṃ bhavaṅgam nāma hoti, tvaṃ āvajjanam nāma, tvaṃ dassanam nāma, tvaṃ sampaṭicchanam nāma, tvaṃ santīraṇam nāma, tvaṃ voṭṭhabbanam nāma, tvaṃ javanam nāma hohī”ti koci kattā vā kāretā vā natthi.

Imasmim pana ṭhāne **pañcavidham niyāmam** nāma gaṇhimsu bījanīyāmam, utunīyāmam, kammanīyāmam, dhammanīyāmam, cittanīyāmantī. Tattha kulatthagacchassa uttaraggabhāvo, dakkhiṇavalliyā dakkhiṇato rukkhapariharaṇam, sūriyāvaṭṭapupphānam sūriyābhimukhabhāvā, māluvalatāya² rukkhābhimukhagamaneva, nāḷikerassa matthake chiddasabbhāvoti tesam tesam bījanam taṃtaṃsadisaphaladānam **bījanīyāmo** nāma. Tasmim tasmim samaye tesam tesam rukkhānam ekappahāreneva pupphaphalapallavaggahaṇam **utunīyāmo** nāma. Tihetukakammaṃ tihetuka-duhetukāhetukavipākam deti. Duhetukakammaṃ duhetukāhetukavipākam deti, tihetukam na detīti evaṃ tassa tassa kammaṃ taṃtaṃsadisavipākadānameva **kammanīyāmo** nāma.

Aparopi kammaṃ sarikkhakavipākavaseneva kammanīyāmo hoti. Tassa dīpanatthamidam vatthum kathenti—Sammāsambuddhakāle Sāvatthiyā dvāragāmo

1. Sampaṭicchanakālo (Syā, Ka)

2. Māluvalatāya (Sī)

jhāyi, tato pajjalitaṃ tiṇakaraḷaṃ uṭṭhahitvā ākāseṇa gacchato kākassa gīvāya paṭimuñci, so viravanto bhūmiyaṃ patitvā kālamakāsi.
 Mahāsamuddepi ekā nāvā niccalā aṭṭhāsi, heṭṭhā kenaci niruddhabhāvaṃ apassantā kāḷakaṇṇisalākaṃ vicāresuṃ¹. Sā nāvikasseva upāsikāya hatthe pati. Tato “ekissā kāraṇā mā sabbe nassantu, udake naṃ khipāmā”ti āhaṃsu. Nāviko “na sakkhissāmi etaṃ udake plavamānaṃ² passitun”ti vālikāghaṭaṃ gīvāya bandhāpetvā khipāpesi, taṅkhaṇaṇṇeva nāvā khittasaro viya pakkhandi³. Eko bhikkhu leṇe vasati, mahantaṃ pabbatakūṭaṃ patitvā dvāraṃ pidahi, taṃ sattame divase sayameva apagataṃ.
 Sammāsambuddhassa Jetavane nisīditvā dhammaṃ kathentassa imāni tīṇi vatthūni ekappahāreṇeva ārocesuṃ. Satthā “na etaṃ aññehi kataṃ, tehi katakammameva taṃ”ti aṭṭitaṃ āharitvā dassento āha—

Kāko purimattabhāve manusso hutvā ekaṃ duṭṭhagoṇaṃ dametuṃ asakkonto gīvāya palālaveṇiṃ bandhitvā aggim adāsi, goṇo teneva mato, idāni taṃ kammaṃ etassa ākāseṇa gacchatopi na muccituṃ adāsi. Sāpi itthi purimattabhāve ekā itthīyeva, eko kukkuro tāya paricito hutvā araṇṇaṃ gacchantiyā saddhiṃ gacchati, saddhimevāgacchati. Manussa “nikkhanto idāni amhākaṃ sunakhaluddako”ti uppaṇḍenti. Sā tena aṭṭiyamānā kukkuraṃ nivāretuṃ asakkontī vālikāghaṭaṃ gīvāya bandhitvā udake khipi. Taṃ kammaṃ tassā samuddamajjhe muccituṃ nādāsi. Sopi bhikkhu purimattabhāve gopālako hutvā bilaṃ pavitṭhāya godhāya sākhaḅhaṅgamuṭṭhiyā dvāraṃ thakesi, so sattame divase sayam āgantvā vivari, godhā kampamānā nikkhami, karuṇāya taṃ na māresi, taṃ kammaṃ tassa pabbatantaraṃ pavisitvā nisinnassa muccituṃ nādāsīti imāni tīṇi vatthūni samodhānetvā imaṃ gāthamāha.

“Na antalikkhe na samuddamajjhe,
 Na pabbatānaṃ vivaraṃ pavissa.
 Na vijjate so jagatippadeso,
 Yatthaṭṭhito mucceyya pāpakammā”ti⁴.

1. Vāresuṃ (Sī)

2. Uppilavamānaṃ (Sī) Dhammapada-Ṭṭha 25 piṭṭhe passitabbaṃ.

3. Pakkhantā (Syā), nikkhantā (Sī)

4. Khu 1. 32 Dhammapade.

Ayampi **kammaniyāmo**yeva nāma. Aññānīpi evarūpāni vatthūni kathetabbāni.

Bodhisattānaṃ pana paṭisandhiggahaṇe, mātukucchito nikkhamane, abhisambodhiyaṃ, Tathāgatassa dhammacakkappavattane, āyusaṅkhārassa ossajjane, parinibbāne ca dasasahassacakkavāḷakampanaṃ **dhammaniyāmo** nāma.

Ārammaṇena pana pasāde ghaṭṭite “tvam āvajjanaṃ nāma hoti -pa-tvam javanaṃ nāma hohī”ti koci kattā vā kāretā vā natthi. Attano attano¹ pana dhammatāya eva ārammaṇena pasādassa ghaṭṭitakālato paṭṭhāya kiriyaṇanodhātucittaṃ bhavaṅgaṃ āvaṭṭeti, cakkhuvīññānaṃ dassanakkiccam sādheti, vipākamanodhātu sampaticchanakkiccam sādheti, vipākamanoviññānadhātu santīraṇakkiccam sādheti, kiriyaṇanoviññānadhātu voṭṭhabbanakkiccam sādheti, javanaṃ ārammaṇarasam anubhavatīti ayaṃ **cittaniyāmo** nāma, ayaṃ idha adhippeto.

Sasaṅkhārikatīhetukakusalenāpi upekkhāsahagātehi asaṅkhārikasasaṅkhārikakusalacittehipi kamme āyūhite taṃsadisavipākacittehi ādinnāya² paṭisandhiyā eseva nayo. Upekkhāsahagatadvaye pana paṭhamaṃ iṭṭhamajjhātārammaṇavasena pavattiṃ dassetvā pacchā iṭṭhārammaṇavasena dassetabbā.

Evampi ekekasmīṃ dvāre dvādasa dvādasa hutvā samasaṭṭhi honti. Aggahitaggahaṇena soḷasa vipākacittāni uppajjanti.

Imasmīṃ ṭhāne **pañca-ucchunāliyantopamaṃ**³ nāma gaṇhimsu. Ucchupīlanasamaye kira ekasmā gāmā ekādasa yantavāhā nikkhamitvā ekaṃ ucchuvāṭaṃ disvā tassa pariṭṭakabhāvaṃ ñatvā ucchusāmikaṃ upasaṅkamitvā “yantavāhā mayan”ti ārocesuṃ. So “ahaṃ tumheyyeva pariyesāmi”ti ucchusālaṃ te gahetvā agamāsi. Te tattha nāliyantaṃ sajjetvā⁴ “mayam ekādasa janā, aparampi ekaṃ laddhuṃ vaṭṭati, vetanena gaṇhathā”ti āhamsu. Ucchusāmiko “ahameva sahāyo bhavissāmi”ti ucchūnaṃ sālāṃ pūrāpetvā tesam sahāyo ahosi. Te attano attano kuccāni katvā

1. Atthano (Syā, Ka)

3. Pañcanāliyantopamaṃ (Sī)

2. Dinnāya (Sī, Syā)

4. Yojetvā (Sī)

phāṇitapācakena¹ ucchurase pakke guḷabandhakena baddhe ucchusāmikena tulayitvā bhāgesu dinnesu attano attano bhāgaṃ ādāya ucchusālaṃ sāmikassa paṭicchāpetvā² eteneva upāyena aparāsupi catūsu sālāsu kammaṃ katvā pakkamiṃsu.

Tattha pañca yantasālā viya pañca pasādā daṭṭhabbā, pañca ucchuvāṭā viya pañca ārammaṇāni, ekādasa vicaraṇakayantavāhā viya ekādasa vipākacittāni, pañca ucchusālāsāmīno viya pañcaviññāṇāni, paṭhamakasālāyaṃ sāmikena saddhiṃ dvādasannaṃ janānaṃ ekatova hutvā katakammānaṃ bhāgaggahaṇakālo viya ekādasannaṃ vipākacittānaṃ cakkhuviññāṇena saddhiṃ ekato hutvā cakkhudvāre rūpārammaṇe sakasakakiccakaraṇakālo, sālāsāmikassa sālāya sampaṭicchanaṇakālo viya cakkhuviññāṇassa dvārasaṅkanti-akaraṇaṃ. Dutiya, tatiya, catuttha, pañcamasālāya dvādasannaṃ ekato hutvā katakammānaṃ bhāgaggahaṇakālo viya ekādasannaṃ vipākacittānaṃ kāyaviññāṇena saddhiṃ ekato hutvā kāyadvāre phoṭṭhabbārammaṇe sakasakakiccakaraṇakālo, sālāsāmikassa sālāya sampaṭicchanaṇakālo viya kāyaviññāṇassa dvārasaṅkanti-akaraṇaṃ veditabbaṃ. Ettāvata “tīhetukakammaena paṭisandhi tīhetukā hotī”ti vāro kathito. Yā pana tena duhetukapaṭisandhi hotī, sā paṭicchannāva hutvā gatā.

Idāni **duhetukakammaena duhetukā paṭisandhi hotī**ti vāro kathetabbo. Duhetukena hi somanassasahagata-asāṅkhārikacittena kamme āyūhite taṃsadiseneva duhetukavipākacittena gahitapaṭisandhikassa vuttanayeneva cakkhudvāre iṭṭhārammaṇe āpāthamāgate³ tayo moghavārā. Duhetukasomanassasahagata-asāṅkhārikajavanāvasāne taṃsadisameva mūlabhavaṅgasaṅkhātāṃ tadārammaṇaṃ, sasaṅkhārikajavanāvasāne taṃsadisameva āgantukabhavaṅgasaṅkhātāṃ tadārammaṇaṃ. Iṭṭhamajjattārammaṇe dvinnāṃ upekkhāsahagatajavanānaṃ avasāne tādisāneva dve tadārammaṇāni uppajjanti. Idha ekekasmīṃ dvāre aṭṭha aṭṭha katvā samacattālīsa cittāni, aggahitaggahaṇena pana cakkhudvāre aṭṭha, sotaghānājjivhākāyaviññāṇāni cattārīti dvādasa hontī. Evaṃ ekāya cetanāya kamme āyūhite

1. Phāṇitapācakena (Ka)

2. Paṭicchādetvā (Ka)

3. Āpāthagate (Sī)

dvādasa vipākacittāni uppajjanti. Ambopamapañcaniyāmakathā pākatikā eva. Duhetukasesacittattayasadisavipākena gahitapaṭisandhikepi eseva nayo. Yantavāhopamāya panettha satta yantavāhā. Tehi tattha yante nāma sajjite sālāsāmikam aṭṭhamam katvā vuttanayānusārena yojanā veditabbā. Ettāvata “duhetukakammena duhetukapaṭisandhi hoti”ti vāro kathito.

Idāni **ahetukapaṭisandhikathā** hoti. Catunnañhi duhetukakusalacittānam aññatarena kamme āyūhite kuslavipāka-
upekkhāsahagatāhetukamanoviññādhātucittena gahitapaṭisandhikassa paṭisandhi kammāsadisāti na vattabbā. Kammañhi duhetukam, paṭisandhi ahetukā. Tassa vuḍḍhippattassa cakkhudvāre iṭṭhamajjhattārammaṇe āpāthamāgate purimanayeneva tayo moghavārā veditabbā. Catunnam pana duhetukakusalacittānam aññatarajavanassa pariyosāne ahetukacittam tadārammaṇabhāvena paṭiṭṭhāti. Tam mūlabhavaṅgam tadārammaṇanti dve nāmāni labhati. Evamettha cakkhuvīññānam sampaṭicchanaṃ upekkhāsahagatasantīraṇam tadārammaṇampi upekkhāsahagatamevāti. Tesu ekaṃ gahetvā gaṇanūpagāni tīṇeva honti.

Iṭṭhārammaṇe pana santīraṇampi tadārammaṇampi somanassasahagatameva. Tesu¹ ekaṃ gahetvā purimāni tīṇi cattāri honti. Evaṃ pañcasu dvāresu cattāri cattāri katvā ekāya cetanāya kamme āyūhite vīsati vipākacittāni uppajjantīti veditabbāni. Aggahitaggaḥaṇena pana cakkhudvāre cattāri, sota ghāna jivhā kāyaviññāṇāni cattārīti aṭṭha honti. Idam ahetukaṭṭhakaṃ nāma. Idam manussalokena gahitam.

Catūsu pana apāyesu pavatte labbhati. Yadā hi Mahāmogallānatthero niraye padumaṃ māpetvā padumakaṇṇikāya nisinno nerayikānam dhammakatham katheti, tadā tesam theram passantānam kuslavipākaṃ cakkhuvīññānam uppajjati, saddam suṇantānam sotaviññānam, candanavane divāvihāram nisīditvā gatassa cīvaragandhaghāyanakāle ghānaviññānam, nirayagim² nibbāpetum devam vassāpetvā pāniyadānakāle jivhāviññānam, mandamandavātasamuṭṭhāpanakāle kāyaviññāṇanti evam cakkhuvīññāṇādīni

1. Etesu(Ka)

2. Nerayagim (Syā, Ka)

pañca, ekaṃ sampañcchanam, dve santīraṇānīti ahetukaṭṭhakam labbhati. Nāgasupaṇṇavemānikapetānampi akusalena paṭisandhi hoti, pavatte kusalam vipaccati. Tathā cakkavattino maṅgalahatthi-assādīnam. Ayam tāva iṭṭha-iṭṭhamajjhattārammaṇesu kusalajavanavasena kathāmaggo.

Iṭṭhārammaṇe pana catūsu somanassasahagatākusalacittesu javitesu kusalavipākam somanassasahagatāhetukacittam tadārammaṇam hoti. Iṭṭhamajjhattārammaṇe catūsu upekkhāsahagatalobhasampayuttasu javitesu kusalavipākam upekkhāsahagatāhetukacittam tadārammaṇam hoti. Yam pana “javanena tadārammaṇam niyametabban”¹ti vuttam, tam kusalam sandhāya vuttanti veditabban. Domanassasahagatajavanānantaram tadārammaṇam uppajjamānam kim uppajjati? akusalavipākāhetukamanoviññāṇadhātucittam uppajjati.

Idam pana javanam kusalatthāya vā akusalatthāya vā² ko niyāmetīti? Āvajjanañceva voṭṭhabbanañca. Āvajjanena hi yoniso āvaṭṭite³ voṭṭhabbanena yoniso vavatthāpīte javanam akusalam bhavissatīti aṭṭhānametaṃ. Āvajjanena ayoniso āvaṭṭite voṭṭhabbanena ayoniso vavatthāpīte javanam kusalam bhavissatīti aṭṭhānametaṃ⁴. Ubhayena pana yoniso āvaṭṭite, vavatthāpīte ca javanam kusalam hoti, ayoniso akusalanti veditabban.

Iṭṭhārammaṇe pana kaṅkhato, uddhatassa ca tadārammaṇam kim hotīti. Iṭṭhārammaṇasmim kaṅkhatu vā mā vā, uddhato vā hotu mā vā. Kusalavipākāhetukasomanassacittameva tadārammaṇam hoti. Iṭṭhamajjhattārammaṇe kusalavipākāhetuka-upekkhāsahagatanti. Ayam panettha saṅkhepato atthadīpano **Mahādhammarakkhitattheravādo** nāma. Somanassasahagatasmiñhi javane javite pañca tadārammaṇāni gavesitabbāni, upekkhāsahagatasmiñ javane javite cha gavesitabbānīti.

Atha yadā somanassasahagatapaṭisandhikassa pavatte jhānam nibbattetvā pamādena pariḥīnajjhānassa “paṇītadhammo me naṭṭho”⁵ti paccavekkhato

1. Hiṭṭhā 309 piṭṭhe.

3. Āvajjite (Sī)

2. Kusalatāya vā akusalatāya vā (Syā)

4. Aṭṭhānameva (Sī)

vip̄paṭisāravasena domanassam̄ uppajjati, tadā kim̄ uppajjati, somanassānantarañhi domanassam̄, domanassānantarañca somassam̄ *Paṭṭhāne paṭisiddham̄, mahaggaṭadhammam̄ ārabba javane javite tadārammaṇampi tattheva paṭisiddhanti. Kusalavipākā vā akusalavipākā vā upekkhāsahagatāhetukamanoviññādhātu uppajjati, kimassā āvajjananti¹. Bhavaṅgāvajjanānam̄ viya natthassā āvajjanakiccanti. Etāni tāva attano ninnattā ca ciṇṇattā ca samudācārattā² ca uppajjantu, ayam̄ katham̄ uppajjatīti? Yathā nirodhassa anantarapaccayam̄ nevasaññānāsaññāyatanaṃ, nirodhā vuṭṭhahantassa phalasamāpatticittam̄, ariyamaggacittam̄, maggānantarāni phalacittāni, evam̄ asantepe āvajjane ninnaciṇṇasamudācārabhāvena uppajjati. Vinā hi āvajjanena cittam̄ uppajjati, ārammaṇena pana vinā nuppajjatīti. Atha kimassārammaṇanti? Rūpādīsū parittadhammesu aññataram̄. Etesu hi yadeva tasmim̄ samaye āpāthamagataṃ hoti, tam̄ ārabba etaṃ cittam̄ uppajjatīti vedītabbam̄.

Idāni sabbesampi etesam̄ cittānam̄ pākāṭabhāvattam̄ ayam̄ pakiṇṇakanayo vutto—

“Suttam̄ dovāriko ca, gāmillo³ ambo koliyakena ca⁴.

Jaccandho pīṭhasappī ca, visayaggāho ca upanissayamatthaso”ti.

Tattha **suttanti** eko panthamakkaṭako⁵ pañcasu disāsū suttam̄ pasāretvā jālam̄ katvā majjhe nipajjati. Paṭhamadisāya pasāritasutte pāṇakena vā paṭaṅgena vā makkhikāya vā pahaṭe nipannaṭṭhānato calitvā nikkhamitvā suttānusārena gantvā tassa yūsam̄ pivitvā puna āgantvā tattheva nipajjati. Dutiyadisādīsū pahaṭakālepi evameva karoti.

Tattha pañcasu disāsū pasāritasuttam̄ viya pañcapasādā, majjhe nipannamakkaṭako viya cittam̄, pāṇakādīhi suttaggaṭṭanakālo viya ārammaṇena pasādassa ghaṭṭitakālo, majjhe nipannamakkaṭakassa calanam̄ viya pasādaggaṭṭanakam̄ ārammaṇam̄ gahetvā kiriyamanodhātuyā bhavaṅgassa āvaṭṭitakālo, suttānusārena gamanakālo viya vīthicittappavatti, sīse

1. Kimassā āvajjananti. Bhavaṅgāvajjananti (Sī)

3. Gāmilako (Syā), gāmilo (Ka)

* Paṭṭhāna 1. 321 piṭṭhe.

2. Samudācarattā (Sī, Ka)

4. Golīyakena ca (Ka)

5. Nipannamakkaṭako (Ka)

vijjhitvā yūsapivanam̐ viya javanassa ārammaṇe javitakālo, puna āgantvā majjhe nipajjanam̐ viya¹ cittassa hadayavatthumeva nissāya pavattanam̐.

Idam̐ opammaṁ kim̐ dīpeti? Ārammaṇena pasāde ghaṭṭite pasādavatthukacittato hadayarūpatthukacittam̐ paṭhamataram̐ uppajjatīti dīpeti, ekekaṁ ārammaṇam̐ dvīsu dvīsu dvāresu āpāthamāgacchatītipi.

Dovārikoti eko rājā sayanagato niddāyati, tassa paricārako pāde parimajjanto nisīdi, badhiradovāriko dvāre ṭhito, tayo paṭihārā paṭipāṭiyā ṭhitā. Atheke paccantavāsī manusso paṇṇākāram̐ ādāya āgantvā dvāram̐ kākoṭesi. Badhiradovāriko saddam̐ na suṇāti, pādaparimajjako saññam̐ adāsi. Tāya saññāya dvāram̐ vivarivā passi. Paṭhamapaṭihāro paṇṇākāram̐ gahetvā dutiyassa adāsi, dutiyo tatiyassa, tatiyo rañño, rājā paribhuṅgi.

Tattha so rājā viya javanam̐ daṭṭhabbam̐, pādaparimajjako viya āvajjanam̐, badhiradovāriko viya cakkhuviññānam̐, tayo paṭihārā viya sampaṭicchanaḍḍini tīni vīthiccittāni, paccantavāsino paṇṇākāram̐ ādāya āgantvā dvārākoṭanam̐ viya ārammaṇassa pasādaghaṭṭanam̐, pādaparimajjakena saññāya dinnakālo viya kiriyamanodhātuyā bhavaṅgassa āvaṭṭitakālo, tena dinnasaññāya badhiradovārikassa dvāravivaraṇakālo viya cakkhuviññānam̐ ārammaṇe dassanakiccāsādhanaḍḍakālo, paṭhamapaṭihārena paṇṇākārassa gahitakālo viya vipākamanodhātuyā ārammaṇassa sampaṭicchitakālo, paṭhamena dutiyassa dinnakālo viya vipākamanoviññānadhātuyā ārammaṇassa santīraṇakālo, dutiyena tatiyassa dinnakālo viya kiriyamanoviññānadhātuyā ārammaṇassa vavatthāpitakālo, tatiyena rañño dinnakālo viya voṭṭhabbanena javanassa niyyāditakālo, rañño paribhogakālo viya javanassa ārammaṇarasānubhavanakālo.

Idam̐ opammaṁ kim̐ dīpeti? Ārammaṇassa pasādaghaṭṭanamattameva kiccaṁ, kiriyamanodhātuyā bhavaṅgāvaṭṭanamattameva, cakkhuviññānāḍḍinam̐ dassanasampaṭicchanasantīraṇavavatthāpanamattāneva kiccāni, ekantena pana javanameva ārammaṇarasam̐ anubhotīti dīpeti.

1. Nipajjanakālo viya (Sī)

“**Gāmillo**”ti sambahulā gāmadārakā antaravīthiyāṃ paṃsukīlaṃ kīlanti, tatthe kassa hatthe kahāpaṇo paṭihaññi, so “mayhaṃ hatthe paṭihataṃ kiṃ nu kho etan”ti āha, atheko “paṇḍaram etan”ti āha. Aparo saha paṃsunā gāḷhaṃ gaṇhi, añño “puthulam caturassam etan”ti āha, aparo “kahāpaṇo eso”ti āha. Atha naṃ āharitvā mātu adāsi, sā kamme upanesi.

Tattha sambahulānaṃ dārakānaṃ antaravīthiyāṃ kīlantānaṃ nisinnakālo viya bhavaṅgacittappavatti daṭṭhabbā, kahāpaṇassa hatthe paṭihatakālo viya ārammaṇena pasādassa ghaṭṭitakālo, “kiṃ nu kho etan”ti vuttakālo viya taṃ ārammaṇaṃ gahetvā kiriyamanodhātuyā bhavaṅgassa āvaṭṭitakālo, “paṇḍaram etan”ti vuttakālo viya cakkhuviññāṇena dassanakiccassa sādhitakālo, saha paṃsunā gāḷhaṃ gahitakālo viya vipākamanodhātuyā ārammaṇassa sampaṭicchitakālo, “puthulam caturassam etan”ti vuttakālo viya vipākamanoviññāṇadhātuyā ārammaṇassa santīraṇakālo “eso kahāpaṇo”ti vuttakālo viya kiriyamanoviññāṇadhātuyā ārammaṇassa vavattāpitakālo, mātaraṃ kamme upanītakālo viya javanassa ārammaṇarasānubhavanaṃ veditabbaṃ.

Idaṃ opammaṃ kiṃ dīpeti? Kiriyamanodhātu adisvāva bhavaṅgaṃ āvaṭṭeti, vipākamanodhātu adisvāva sampaṭicchati, vipākamanoviññāṇadhātu adisvāva santīreti, kiriyamanoviññāṇadhātu adisvāva vavattāpeti, javanaṃ adisvāva ārammaṇarasam anubhoti, ekantena pana cakkhuviññāṇameva dassanakiccaṃ sādhetīti dīpeti.

Ambo koliyakena cāti idaṃ heṭṭhā vuttaṃ ambopamañca ucchusālāsāmikopamañca sandhāya vuttaṃ.

Jaccandho pīṭhasappī cāti ubhopi kira te nagaradvāre sālāyaṃ nīsīdimsu. Tattha pīṭhasappī āha “bho andhaka, tasmā tvaṃ idha sussamāno vicarasi, asuko padeso subhikkho bahvannapāno, kiṃ tattha gantvā sukhena jīvitum na vaṭṭatī”ti. Mayhaṃ tāva tayā ācikkhitam, tuyhaṃ pana tattha gantvā sukhena jīvitum kiṃ na vaṭṭatīti. Mayhaṃ gantum pādā natthīti. Mayhampi passitum cakkhūni natthīti. Yadi evaṃ tava pādā hontu, mama cakkhūnīti ubhopi

“sādhū”ti sampatiçchitvā jaccandho pīṭhasappim̄ khandham̄ āropesi, so tassa khandhe nisīditvā vāmahatthenassa sīsam̄ parikkhipitvā dakkhiṇahatthena “imasmiṃ ṭhāne mūlam̄ āvaritvā ṭhitam̄, imasmiṃ pāsāṇo, vāmam̄ muñca, dakkhiṇam̄ gaṇha, dakkhiṇam̄ muñca, vāmam̄ gaṇhā”ti maggam̄ niyametvā ācikkhati. Evaṃ jaccandhassa pādā, pīṭhasappissa cakkhūnīti ubhopi sampayogena icchitaṭṭhānam̄ gantvā sukhena jīvim̄su.

Tattha jaccandho viya rūpakāyo, pīṭhasappī viya arūpakāyo, pīṭhasappinā vinā jaccandhassa disam̄ gantum̄ gamanābhisaṅkhārassa anibbattitakālo viya rūpassa arūpena vinā ādānagahaṇacopanam̄ pāpetum̄ asamatthatā, jaccandhena vinā pīṭhasappissa disam̄ gantum̄ gamanābhisaṅkhārassa appavattanam̄ viya pañcavokāre rūpam̄ vinā arūpassa appavatti, dvinnampi sampayogena icchitaṭṭhānam̄ gantvā sukhena jīvitakālo viya rūpārūpadhammānam̄ aññamaññayogena sabbakiccesu pavattisabbhāvoti¹. Ayaṃ paṇho pañcavokārabhavavasena kathito.

Visayaggāho cāti cakkhu rūpavisayam̄ gaṇhāti, sotādīni saddādivisaye.

Upanissayamatthasoti upanissayato ca atthato ca. Tattha asambhinnatā cakkhussa, āpāthagatattā rūpānam̄, ālokasannissitam̄, manasikārahetukam̄ catūhi paccayehi uppajjati cakkhuviññānam̄ saddhim̄ sampayuttadhammehi. Tattha matassāpi cakkhu sambhinnaṃ hoti, jīvato niruddhampi pittena vā semhena vā rūhirena² vā palibuddhampi cakkhuviññāṇassa paccayo bhavituṃ asakkontam̄ sambhinnaṃ nāma hoti, sakkontam̄ asambhinnaṃ nāma. Sotādīsupi eseva nayo. Cakkhusmiṃ pana asambhinnepi bahiddhā rūparammaṇe āpātham̄ anāgacchante cakkhuviññāṇam̄ nuppajjati, tasmim̄ pana āpātham̄ āgacchantepi ālokasannissaye asati nuppajjati, tasmim̄ santepi kiriyaṇanodhātuyā bhavaṅge anāvaṭṭite nuppajjati, āvaṭṭiteyeva uppajjati. Evaṃ uppajjamānam̄ sampayuttadhammehi saddhim̄yeva uppajjati. Iti ime cattāro paccaye labhitvā uppajjati cakkhuviññānam̄³.

1. Pavattisambhavoti (Sī) 2. Rudhirena (Sī, Syā) 3. Ma 1. 248 piṭṭhe tannissayapāli.

Asambhinnattā sotassa, āpāthagatattā saddānaṃ, ākāsaṇṇissitaṃ manasikārahetukaṃ catūhi paccayehi uppajjati sotaviññāṇaṃ saddhiṃ sampayuttadhammehi. Tattha **ākāsaṇṇissitanti** ākāsaṇṇissayaṃ laddhāva uppajjati, na vinā tena. Na hi pihitakaṇṇacchiddassa sotaviññāṇaṃ pavattati. Sesāṃ purimanayeneva veditabbaṃ. Yathā cettha, evaṃ ito paresupi. Visesaṃ attānaṃ pana vakkhāma.

Asambhinnattā ghānassa, āpāthagatattā gandhānaṃ, vāyosāṇṇissitaṃ, manasikārahetukaṃ catūhi paccayehi uppajjati ghānaviññāṇaṃ saddhiṃ sampayuttadhammehi. Tattha **vāyosāṇṇissitanti** ghānābalaṃ¹ vāyumi pavasanteyeva uppajjati, tasmīṃ asati nuppajjati attho.

Asambhinnattā jivhāya, āpāthagatattā rasānaṃ, āposāṇṇissitaṃ, manasikārahetukaṃ catūhi paccayehi uppajjati jivhāviññāṇaṃ saddhiṃ sampayuttadhammehi. Tattha **āposāṇṇissitanti** jivhātemaṇaṃ āpaṃ laddhāva uppajjati, na vinā tena. Sukkhajivhānaṃhi sukkhakhādanīye jivhāya ṭhapitepi jivhāviññāṇaṃ nuppajjateva.

Asambhinnattā kāyassa, āpāthagatattā phoṭṭhabbānaṃ, pathavisāṇṇissitaṃ, manasikārahetukaṃ catūhi paccayehi uppajjati kāyaviññāṇaṃ saddhiṃ sampayuttadhammehi. Tattha **pathavisāṇṇissitanti** kāyapasādapaccayaṃ pathavisāṇṇissayaṃ laddhāva uppajjati, na tena vinā. Kāyadvārasmiṃhi bahiddhāmahābhūtārammaṇaṃ ajjhattikaṃ kāyapasādaṃ ghaṭṭetvā pasādapaccayesu mahābhūtesu paṭihaññati.

Asambhinnattā manassa, āpāthagatattā dhammānaṃ, vatthusāṇṇissitaṃ, manasikārahetukaṃ catūhi paccayehi uppajjati manoviññāṇaṃ saddhiṃ sampayuttadhammehi. Tattha **manoti** bhavaṅgacittaṃ. Taṃ niruddhampi, āvajjanacittassa paccayo bhavituṃ asatthānaṃ mandathāmagatameva² pavattamānampi sambhinnaṃ nāma hoti, āvajjanassa pana paccayo bhavituṃ samatthānaṃ asambhinnaṃ nāma. **Āpāthagatattā dhammānanti** dhammārammaṇe āpāthagate. **Vatthusāṇṇissitanti** hadaya vatthusāṇṇissayaṃ laddhāva uppajjati, na tena vinā. Ayampi pañho

1. Ghānābala (Syā, Ka)

2. Mandataragatameva (Sī)

pañcavokārabhavaṃ sandhāya kathito. **Manasikārahetukanti** kiriyamanoviññāṇadhātuyā bhavaṅge āvaṭṭiteyeva uppajjati attho. Ayaṃ tāva “upanissayamatthaso”ti ettha upanissayavaṇṇanā.

Atthato pana cakkhu dassanattam, sotaṃ savanattam, ghānaṃ ghāyanattam, jīvhā sayanattā, kāyo phusanattho, mano vijānanattho. Tattha dassanaṃ attho assa, tañhi tena nipphādetabbanti **dassanattam**. Sesesupi eseva nayo. Ettāvata **Tipiṭakacūlanāgattheravāde soḷasakamaggo** niṭṭhito saddhim dvādasakamaggena ceva ahetukaṭṭhakena cāti.

Idāni **moravāpīvāsimahādattatheravāde dvādasakamaggakathā** hoti. Tattha sāketapañha-ussadakittanahetukittanāni pākatikāneva. Ayaṃ pana thero asaṅkhārikasasaṅkhārikesu dosaṃ disvā “asaṅkhārikam asaṅkhārikameva vipākam deti, no sasaṅkhārikam. Sasaṅkhārikampi sasaṅkhārikameva, no asaṅkhārikan”ti āha. Javanena cesa cittaniyāmaṃ na katheti, ārammaṇena pana vedanāniyāmaṃ katheti. Tenassa vipākuddhāre dvādasakamaggo nāma jāto, dasakamaggopi ahetukaṭṭhakampi ettheva pavitṭham.

Tatrāyaṃ nayo—somanassasahagatatihetuka-asaṅkhārikacittena hi kamme āyūhite tādiseneva vipākacittena gahitapaṭisandhikassa vuḍḍhippattassa cakkhudvāre iṭṭhārammaṇe āpāthagate heṭṭhā vuttanayeneva tayo moghavārā honti. Tassa kusalato cattāri somanassasahagatāni, akusalato cattāri, kiriyato pañcāti imesaṃ terasannaṃ cittānaṃ aññatarena javitapariyosāne tadārammaṇaṃ patiṭṭhahamānaṃ somanassasahagata-asaṅkhārikatihetukacittampi duhetukacittampi patiṭṭhāti. Evamassa cakkhudvāre cakkhuviññāṇādīni tīṇi, tadārammaṇāni dveti pañca gaṇanūpagacittāni honti.

Ārammaṇena pana vedanaṃ parivattetvā kusalato catunnaṃ, akusalato catunnaṃ, kiriyato catunnanti dvādasannaṃ upekkhāsahagatacittānaṃ aññatarena javitāvasāne upekkhāsahagatatihetuka-asaṅkhārikavipākampi duhetuka-asaṅkhārikavipākampi tadārammaṇaṃ hutvā uppajjati. Evamassa cakkhudvāre upekkhāsahagatasantīraṇaṃ, imāni dve tadārammaṇānī tīṇi

gaṇanūpagacittāni honti. Tāni purimehi pañcahi saddhiṃ aṭṭha sotadvārādīsipi aṭṭha aṭṭhāti ekāya cetanāya kamme āyūhite samacattālīsa cittāni uppajjanti. Aggahitaggahaṇena pana cakkhudvāre aṭṭha, sotaviññāṇādīni cattārīti dvādasa honti. Tattha mūlabhavaṅgatā, āgantukabhavaṅgatā, ambopamaniyāmakathā ca vuttanayeneva veditabbā.

Somanassa sahaḡata tihetuka asaṅkhārika kusalacittena kamme āyūhitepi upekkhā sahaḡata tihetuka asaṅkhārika asaṅkhārikehi kamme āyūhitepi eseva nayo. Tattha yantopamāpi¹ ettha pākātikā eva. Ettāvata “**tihetukakammena tihetukapaṭisandhi hoti**”ti vāro kathito, tihetukakammena duhetukapaṭisandhi hotīti vāro pana paṭicchanno hutvā gato.

Idāni duhetukakammena duhetukapaṭisandhikathā hoti. Somanassasahaḡataduhetuka-asaṅkhārikacittena hi kamme āyūhite tādīseneva vipākacittena gaḡitapaṭisandhikassa vuḍḍhippattassa cakkhudvāre iṭṭhārammaṇe āpāthagate heṭṭhā vuttanayeneva tayo moghavārā honti, duhetukassa pana **javanakiriyā** natthi. Tasmā kusalato cattāri somanassasahaḡatāni, akusalato cattārīti imesaṃ aṭṭhannaṃ aññatarena javitapariyosāne duhetukameva somanassasahaḡata-asaṅkhārikaṃ tadārammaṇaṃ hoti. Evamassa cakkuviññāṇādīni tīni, idaṅca tadārammaṇanti cattāri gaṇanūpagacittāni honti. Iṭṭhamajjhattārammaṇe pana kusalato upekkhāsahaḡatānaṃ catunnaṃ, akusalato catunnanti aṭṭhannaṃ aññatarena javitapariyosāne duhetukameva upekkhāsahaḡataṃ asaṅkhārikaṃ tadārammaṇaṃ hoti. Evamassa upekkhāsahaḡatasantīraṇaṃ, idaṅca tadārammaṇanti dve gaṇanūpagacittāni honti. Tāni purimehi catūhi saddhiṃ cha, sotadvārādīsipi cha chāti ekāya cetanāya kamme āyūhite samatīmsa cittāni uppajjanti. Aggahitaggahaṇena pana cakkhudvāre cha, sotaviññāṇādīni cattārīti dasa honti. Ambopamaniyāmakathā pākātikā eva. Yantopamā idha na labbhatīti vuttaṃ.

1. Hatthayantopamāpi (Sī)

Somanassasahagataduhetukasasaṅkhārikakusalacittena kamme āyūhitepi upekkhā sahadata duhetuka asaṅkhārika sasaṅkhārikehi kamme āyūhitepi eseva nayo. Ettāvata “**duhetukakammena duhetukapaṭisandhi hoti**”ti vāro kathito.

“**Ahetukapaṭisandhi hoti**”ti vāro pana evaṃ veditabbo. Kusalato catūhi nāṇavippayuttehi kamme āyuhite kusalavipākāhetukamanoviññādhātuyā upekkhāsahagatāya paṭisandhiyā gahitāya kammasadisā paṭisandhīti na vattabbā. Ito paṭṭhāya heṭṭhā vuttanayeneva kathetvā iṭṭhepi iṭṭhamajjhatepi cittappavatti¹ veditabbā. Imassa hi therassa vāde piṇḍajavanam javati, sesā “idam pana javanam kusalatthāya vā akusalatthāya vā ko niyāmeti”ti-ādikathā² sabbā heṭṭhā vuttanayeneva veditabbāti. Ettāvata Moravāpīvāsimahādattatheravāde dvādasakamaggo niṭṭhito saddhim dasakamaggena ceva ahetukaṭṭhakena ca.

Idāni **Mahādhammarakkhitattheravāde dasakamaggakathā** hoti. Tattha sāketapañha-ussadakittanāni pākatikāneva, hetukittane pana ayam viseso. Tihetukakammaṃ tihetukavipākampi duhetukavipākampi ahetukavipākampi deti. Duhetukakammaṃ tihetukameva na deti, itaram deti. Tihetukakammena paṭisandhi tihetukāva hoti, duhetukāhetukā na hoti. Duhetukakammena duhetukāhetukā hoti, tihetukā na hoti. Asaṅkhārikakammaṃ vipākam asaṅkhārikameva deti no sasaṅkhārikam. Sasaṅkhārikampi sasaṅkhārikameva deti, no asaṅkhārikam. Ārammaṇena vedanā parivattetabbā, javanam piṇḍajavanameva javati. Ādito paṭṭhāya cittāni kathetabbāni.

Tatrāyam kathā—eko paṭhamakusalacittena kammanā āyūhati, paṭhamavipākacitteneva paṭisandhim gaṇhāti, ayam kammasadisā paṭisandhi. Tassa vuḍḍhippattassa cakkhudvāre iṭṭhārammaṇe āpāthagate vuttanayeneva tayo moghavārā honti. Athassa heṭṭhā vuttānam³ terasannam somanassasahagatajavanānam aññatarena javitapariyosāne paṭhamavipākacittameva

1. Cittuppatti (Sī, Syā)

2. Heṭṭhā 317 piṭṭhe.

3. Vuttanayena (Ka)

tadārammaṇaṃ hoti. Taṃ mūlabhavaṅgaṃ, tadārammaṇanti dve nāmāni labhati. Evamassa cakkhuvīññāṇādīni tīṇi, idaṅca tadārammaṇanti cattāri gaṇanūpagacittāni honti. Itthamajjhattārammaṇe heṭṭhā vuttānaṃyeva dvādasannaṃ upekkhāsahagatajavanānaṃ aññatarena javitapariyosāne upekkhāsahagataṃ tihetukaṃ asaṅkhārikacittaṃ tadārammaṇatāya pavattati, taṃ āgantukabhavaṅgaṃ, tadārammaṇanti dve nāmāni labhati. Evamassa upekkhāsahagatasantīraṇaṃ, idaṅca tadārammaṇanti dve gaṇanūpagacittāni, tāni purimehi catūhi saddhiṃ cha honti. Evaṃ ekāya cetanāya kamme āyūhite pañcasu dvāresu samatimsa cittāni uppajjanti. Aggahitaggahaṇena pana cakkhudvāre cha, sotavīññāṇādīni cattārīti dasa honti. Ambopamaniyāmakathā pākatikāyeva.

Dutiyatatiyacatutthakusalacittehi kamme āyūhitepi ettakāneva vipākacittāni honti. Catūhi upekkhāsahagatacittehi āyūhitepi eseva nayo. Idha pana paṭhamam itthamajjhattārammaṇam dassetabbaṃ, pacchā itthārammaṇena vedanā parivattetabbā. Ambopamaniyāmakathā pākatikā eva, yantopamā na labbhati. “Kusalato pana catunnaṃ ṇāvippayuttānaṃ aññatarena kamme āyūhite”ti ito paṭṭhāya sabbam vitthāretvā ahetukaṭṭhakaṃ kathetabbaṃ¹. Ettāvata Mahādhammarakkhitattheravāde dasakamaggo niṭṭhito hoti saddhiṃ ahetukaṭṭhakenāti.

Imesaṃ pana tiṇṇaṃ therānaṃ katarassa vādo gahetabboti? Na kassaci ekamsena², sabbesaṃ pana vādesu yuttaṃ gahetabbaṃ. Paṭhamavādasmiñhi sasaṅkhārāsasaṅkhāraavidhānaṃ paccayabhedato adhippetam. Tenettha asaṅkhārikakusalassa dubbalapaccayehi uppannaṃ sasaṅkhārikavipākaṃ, sasaṅkhārikakusalassa balavapaccayehi uppannaṃ asaṅkhārikavipākaṅca gahetvā labbhamānānipi kiriyajavanāni pahāya kusalajavanena tadārammaṇaṃ, ārammaṇena ca vedanaṃ niyāmetvā sekkhaputhujanavasena soḷasakamaggo kathito. Yaṃ panettha akusalajavanāvasāne ahetukavipākameva tadārammaṇaṃ dassitam, taṃ itaresu na dassitameva. Tasmā taṃ tattha, tesu vuttaṃ sahetukavipākaṅca etthāpi sabbamidam labbhateva. Tatrāyaṃ nayo—yadā hi kusalajavanānaṃ antarantarā akusalaṃ javati, tadā kusalāvasāne āciṇṇasadisameva

1. Gahetabbaṃ (Ka)

2. Ekantena (Syā, Ka)

Akusalāvasāne sahetukaṃ tadārammaṇaṃ yuttaṃ. Yadā nirantaraṃ akusalameva, tadā ahetukaṃ. Evaṃ tāva paṭhamavāde yuttaṃ gahetabbaṃ.

Dutiyavāde pana kusalato sasaṅkhārāsasaṅkhāravidhānaṃ adhippetāṃ, tenettha asaṅkhārikakusalassa asaṅkhārikameva vipākāṃ sasaṅkhārikakusalassa ca sasaṅkhārikameva gahetvā javanena tadārammaṇaniyāmaṃ akatvā sabbesampi sekkhāsekkhaputhujjanānaṃ uppattiraho piṇḍajavanavaseneva dvādasakamaggo kathito. Tihetukajavanāvasāne panettha tihetukaṃ tadārammaṇaṃ yuttaṃ, duhetukajavanāvasāne duhetukaṃ, ahetukajavanāvasāne ahetukaṃ, bhājetvā pana na yuttaṃ. Evaṃ dutiyavāde yuttaṃ gahetabbaṃ.

Tatīyavādepi kusalatova asaṅkhārasasaṅkhāravidhānaṃ adhippetāṃ, “tihetukakammaṃ tihetukavipākampi duhetukavipākampi ahetukavipākampi detī”ti pana vacanato asaṅkhārikatihetukapaṭisandhikassa asaṅkhārikaduhetukenaṃ tadārammaṇena bhavitabbaṃ. Taṃ adassetvā hetusadisameva tadārammaṇaṃ dassitaṃ, taṃ purimāya hetukittanaladdhiyā na yujjati. Kevalaṃ dasakamaggavibhāvanatthameva vuttaṃ, itarampi pana labbhateva. Evaṃ tatīyavādepi yuttaṃ gahetabbaṃ. Ayañca sabbāpi paṭisandhijanakasappa kammaṃ vipākāṃ sandhāya tadārammaṇakathā. “Sahetukaṃ bhavaṅgaṃ ahetukassa bhavaṅgassa anantarapaccayena paccayo”ti¹ vacanato pana nānākammaṃ ahetukapaṭisandhikassāpi sahetukavipākāṃ tadārammaṇaṃ uppajjati, tassa uppattividhānaṃ Mahāpakaraṇe āvi bhavissatīti.

Kāmāvacarakusalavipākakathā niṭṭhitā.

Rūpāvacarārūpāvacaravipākakathā

499. Idāni rūpāvacarādivipākāṃ² desetum puna “katame dhammā abyākata”ti-ādi āradhāṃ. Tattha yasmā kāmāvacaravipākāṃ attano kusalena sadisampi hoti asadisampi, tasmā na taṃ kusalānugatikaṃ katvā bhājitaṃ. Rūpāvacarārūpāvacaravipākāṃ pana yathā hatthi-assapabbatādīnaṃ chāyā hatthi-ādisadisāva honti, tathā attano kusalasadisameva hotīti kusalānugatikaṃ katvā bhājitaṃ. Kāmāvacarakammañca yadā

1. Abhi 10. 42 Paṭṭhāne tatīyabhāgapotthake. 2. Rūpāvacarārūpāvacaravipākāṃ (Ka)

kaḍāci vipākaṃ deti, rūpāvacarārūpāvacaraṃ pana anantarāyena dutiyasmimīyeva attabhāve vipākaṃ detītipi kusalānugatikameva katvā bhājitāṃ. Sesāṃ kusale vuttanayeneva veditabbaṃ. Ayaṃ pana viseso, paṭipadādibhedo ca hīnapañītamajjhimbhāvo ca etesu jhānāgamanato veditabbo. Chandādīnaṃ pana aññataraṃ dhuraṃ katvā anuppādanīyattā niradhipatikāneva etānīti.

Rūpāvacarārūpāvacaravipākakathā niṭṭhitā.

Lokuttaravipākakathā

505. Lokuttaravipākampi kusalasadisattā kusalānugatikameva katvā bhājitāṃ. Yasmā pana tebhūmakakusalaṃ cutipaṭisandhivasena vaṭṭaṃ ācināti vaḍḍheti, tasmā tattha “katattā upacitattā”ti vuttaṃ. Lokuttaraṃ pana tena ācitampi apacināti, sayampi cutipaṭisandhivasena na ācināti. Tenettha “katattā upacitattā”ti avatvā “**katattā bhāvitattā**”ti vuttaṃ.

Suññatanti-ādīsu “maggo tāva āgamanato, saguṇato, ārammaṇatoti tīhi kāraṇehi nāmaṃ labhati”ti¹ idaṃ heṭṭhā kusalādhikāre vitthāritaṃ. “Tattha suttantikapariyāyena saguṇatopi ārammaṇatopi nāmaṃ labhati. Pariyāyadesanā hesā, abhidhammakathā pana nippariyāyadesanā. Tasmā idha saguṇato vā ārammaṇato vā nāmaṃ na labhati, āgamanatova labhati. Āgamanameva hi dhuraṃ, taṃ duvidhaṃ hoti vipassanāgamaṇaṃ, maggāgamaṇanti. Tattha maggassa āgataṭṭhāne vipassanāgamaṇaṃ dhuraṃ, phalassa āgataṭṭhāne maggāgamaṇaṃ dhuraṃ”ti¹ idampi heṭṭhā vuttameva.

Tesu idaṃ phalassa āgataṭṭhānaṃ, tasmā idha maggāgamaṇaṃ dhuranti veditabbaṃ. So panesa maggo āgamanato “suññatan”ti nāmaṃ labhitvā saguṇato ca ārammaṇato ca “animitto appaṇihito”tipi vuccati, tasmā sayāṃ āgamaṇīyaṭṭhāne ṭhatvā attano phalassa tīṇi nāmāni deti. Kathaṃ? Ayañhi suddhāgamaṇavaseneva laddhanāmo suññatamaggo sayāṃ āgamaṇīyaṭṭhāne ṭhatvā attano phalassa nāmaṃ dadamāno “suññatan”ti

1. Heṭṭhā 266 piṭṭhe.

nāmaṃ akāsi. Suññata-animittamaggo sayam āgamanīyaṭṭhāne ṭhatvā attano phalassa nāmaṃ dadamāno “animittan”ti nāmaṃ akāsi. Suññata-appaṇihitamaggo sayam āgamanīyaṭṭhāne ṭhatvā attano phalassa nāmaṃ dadamāno “appaṇihitan”ti nāmaṃ akāsi. Imāni pana tīṇi nāmāni maggānantare phalacittasmiṃyeva iminā nayena labbhanti, no aparabhāge vaḷaṅjanakaphalasamāpattiyā. Aparabhāge pana aniccatādihi tīhi vipassanāhi vipassitum sakkoti, athassa vuṭṭhitavuṭṭhitavipassanāvasena¹ animitta-appaṇihitasuññatasankhātāni tīni phalāni uppajjanti, tesam tāneva sankhārārammaṇāni aniccānupassanādīni ñāṇāni anulomañāṇāni nāma honti.

Yo cāyam suññatamagge vutto, appaṇihita-aggepi eseva nayo. Ayampi hi suddhāgamanavasena laddhanāmo appaṇihitamaggo sayam āgamanīyaṭṭhāne ṭhatvā attano phalassa nāmaṃ dadamāno “appaṇihitan”ti nāmaṃ akāsi. Appaṇihita-animittamaggo sayam āgamanīyaṭṭhāne ṭhatvā attano phalassa nāmaṃ dadamāno “animittan”ti nāmaṃ akāsi. Appaṇihitasuññatamaggo sayam āgamanīyaṭṭhāne ṭhatvā attano phalassa nāmaṃ dadamāno “animittan”ti nāmaṃ akāsi. Appaṇihitasuññatamaggo sayam āgamanīyaṭṭhāne ṭhatvā attano phalassa nāmaṃ dadamāno “animittan”ti nāmaṃ akāsi. Appaṇihitasuññatamaggo sayam āgamanīyaṭṭhāne ṭhatvā attano phalassa nāmaṃ dadamāno “suññatan”ti nāmaṃ akāsi. Imānipi tīṇi nāmāni maggānantare phalacittasmiṃyeva iminā nayena labbhanti, na aparabhāge vaḷaṅjanakaphalasamāpattiyāti. Evaṃ imasmim vipākaniddese kusalacittehi tiguṇāni vipākacittāni veditabbāni.

Yathā pana tebhūmakakusalāni attano vipākaṃ adhipatiṃ labhāpetum na sakkonti, na evaṃ lokuttarakusalāni. Kasmā? Tebhūmakakusalānañhi añño āyūhanakālo, añño vipaccanakālo, tena tāni attano vipākaṃ adhipatiṃ labhāpetum na sakkonti. Lokuttarāni pana tāya saddhāya tasmim vīriye tāya satiyā tasmim samādhimhi tāya paññāya avūpasantāya appaṇakam aviraddham² maggānantarameva vipākaṃ paṭilabhanti, tena attano vipākaṃ adhipatiṃ labhāpetum sakkonti.

Yathā hi parittakassa aggino gataṭṭhāne aggismim nibbutamatteyeva uṇhākāro nibbāyivā kiñci na hoti, mahantaṃ pana ādittaṃ aggikkhandham

1. Vuṭṭhitavipassanāvasena (Ka)

2. Aviruddham (Sī, Syā)

nibbāpetvā gomayaparibhaṇḍe katepi uṇhākāro avūpasantova hoti, evameva tebhūmakakusale añño kammakkhaṇo, añño vipākakkhaṇo, paritta-aggiṭṭhāne uṇhabhāvanibbutakālo viya hoti. Tasmā taṃ attano vipākam adhipatiṃ labhāpetuṃ na sakkoti, lokuttare pana tāya saddhāya -pa- tāya paññāya avūpasantāya maggānantarameva phalaṃ uppajjati. Tasmā taṃ attano vipākam adhipatiṃ labhāpetiṭi veditabbaṃ. Tenāhu porāṇā “vipāke adhipati natthi ṭhapetvā lokuttaran”ti.

553. Catutthaphalaniddese **aññātāvindriyanti** aññātāvino catūsu saccesu niṭṭhitañāṇakiccassa indriyaṃ, aññātāvīnaṃ vā catūsu saccesu niṭṭhitakiccānaṃ cattāri saccāni ṇatvā paṭivijjhivā ṭhitānaṃ dhammānaṃ abbhantare indaṭṭhasādhanena indriyaṃ.

555. Niddesavārepissa **aññātāvīnanti** ājānitvā ṭhitānaṃ. **Dammānanti** sampayuttadhammānaṃ abbhantare. **Aññāti** ājānanā. **Paññāpajānanāti**-ādīni vuttatthāneva. **Maggaṅgaṃ maggapariyāpannanti** phalamaggassa aṅgaṃ, phalamagge ca pariyāpannanti attho.

Apicettha idaṃ pakiṇṇakaṃ—ekaṃ indriyaṃ ekaṃ ṭhānaṃ gacchati, ekaṃ cha ṭhānāni gacchati, ekaṃ ekaṃ ṭhānaṃ gacchati. Ekañhi anaññātaññassāmīti indriyaṃ ekaṃ ṭhānaṃ gacchati sotāpattimaggaṃ. Ekaṃ aññindriyaṃ heṭṭhā tīṇi phalāni, upari tayo maggeti cha ṭhānāni gacchati. Ekaṃ aññātāvindriyaṃ ekaṃ ṭhānaṃ gacchati arahattaphalaṃ. Sabbesupi maggaphalesu atthato aṭṭha aṭṭha indriyānīti catusaṭṭhi lokuttarindriyāni kathitāni. Pālito pana nava nava katvā dvāsattati honti. Magge “maggaṅgaṃ”ti vuttam, phalepi maggaṅgaṃ. Magge “bojjhaṅgo”ti vutto, phalepi bojjhaṅgo. Maggakkhaṇe “ārati viratī”ti vuttā, phalakkhaṇepi “ārati viratī”ti. Tattha maggo maggabhāveneva maggo, phalaṃ pana maggaṃ upādāya maggo nāma, “phalaṅgaṃ phalapariyāpannan”ti vattumpi vaṭṭati. Magge bojjhanakassa aṅgoti **sambojjhaṅgo**, phale Buddhassa aṅgoti **sambojjhaṅgo**. Magge āramaṇaviraṃavaseneva **ārati virati**, phale pana ārativirativasenāti.

Lokuttaravipākakathā niṭṭhitā.

Akusalavipākakathā

556. Ito parāni akusalavipākāni pañca cakkhusotaghānajivhākāyaviññāṇāni, ekā manodhātu, ekā manoviññāṇadhātūti imāni satta cittāni Pālito ca atthato ca heṭṭhā vuttehi tādiseheva kusalavipākacittehi sadisāni.

Kevalañhi tāni kusalakammapaccayāni, imāni akusalakammapaccayāni. Tāni ca iṭṭha-iṭṭhamajjhattesu ārammaṇesu vattanti, imāni aniṭṭha-aniṭṭhamajjhattesu. Tattha ca sukhasahagataṃ kāyaviññāṇaṃ, idha dukkhasahagataṃ. Tattha ca upekkhāsahagatā manoviññāṇadhātu manussesu jaccandhādīnaṃ paṭisandhim ādim katvā pañcasu ṭhānesu vipaccati, idha pana ekādasavidhenāpi akusalacittena kamme āyūhite kammakammanimittagatinimittesu aññataraṃ ārammaṇaṃ katvā catūsu apāyesu paṭisandhi hutvā vipaccati. Dutiyavārato paṭṭhāya yāvātāyukaṃ bhavaṅgaṃ hutvā, aniṭṭha-aniṭṭhamajjhattārammaṇāya pañcaviññāṇavīthiyā santīraṇaṃ hutvā, balavārammaṇe chasu dvāresu tadārammaṇaṃ hutvā, maraṇakāle cuti hutvāti evaṃ pañcasu eva ṭhānesu vipaccatīti.

Akusalavipākakathā niṭṭhitā.

Kiriyābyākatavaṇṇanā

Manodhātucitta

566. Idāni kiriyābyākataṃ bhājetvā dassetuṃ puna “**katame dhammā abyākata**”ti-ādi āraddhaṃ. Tattha **kiriyā**ti karaṇamattaṃ. Sabbesuyeva hi kiriyacittesu yaṃ javanabhāvaṃ appattaṃ, taṃ vātapupphaṃ viya, yaṃ javanabhāvappattaṃ, taṃ chinnaṃ mūlakarukkhapupphaṃ viya aphalaṃ hoti, taṃ taṃkiccaśādhanaśādhavasena pavattattā pana karaṇamattameva hoti. Tasmā “kiriyā”ti vuttaṃ. **Neva kusalā nākusalā**ti-ādīsu kusalamūlasaṅkhātassa kusalahetuno abhāvā **neva kusalā**, akusalamūlasaṅkhātassa akusalahetuno abhāvā **neva akusalā**, yonisomanasikāra

ayonisomanasikārasaṅkhātānampi kusalākusalapaccayānaṃ abhāvā **neva kusalā nākusalā**. Kusalākusalasaṅkhātassa janakahetuno abhāvā **na ca kammavipākā**.

Idhāpi cittassekaggatānidese pavattiṭṭhitimattameva labbhati. Dve pañcaviññāṇāni, tisso manodhātuyo, tisso manoviññāṇadhātuyo, vicikicchāsahagatanti imesu sattarasasu cittesu dubbalattā “saṅghiti avaṭṭhiti”ādīni na labbhanti. Sesam sabbaṃ vipākamanodhātuniddese vuttanayeneva veditabbaṃ aññatra uppattiṭṭhānā. Tañhi cittaṃ pañcaviññāṇanantaram uppajjati, idaṃ pana pañcadvāre vaḷaṅjanakappavattikāle¹ sabbesaṃ pure uppajjati. Kathaṃ? Cakkhudvāre tāva iṭṭha-iṭṭhamajjhatta-aniṭṭha-aniṭṭhamajjhattesu rūpārammaṇesu yena kenaci pasāde ghaṭṭite taṃ ārammaṇaṃ gahetvā āvajjanavasena purecārikaṃ hutvā bhavaṅgaṃ āvaṭṭayamānaṃ uppajjati. Sotadvārādīsupi eseva nayoti.

Kiriyamanodhātucittaṃ niṭṭhitaṃ.

Kiriyamanoviññāṇadhātucittāni

568. **Manoviññāṇadhātu uppannā hoti -pa- somanassasahagatā**ti idaṃ cittaṃ aññesaṃ asādhāraṇaṃ khīṇāsavasessa pāṭipuggalikaṃ chasu dvāresu labbhati. Cakkhudvāre hi padhānasārappaṃ ṭhānaṃ disvā khīṇāsavo iminā cittaena somanassito hoti, sotadvāre bhaṇḍabhājanīyaṭṭhānaṃ patvā mahāsaddaṃ katvā luddhaluddhesu gaṇhantesu “evarūpā nāma me loluppataṇhā pahīnā”ti iminā cittaena somanassito hoti, ghānavāre gandhehi vā pupphehi vā cetiyam pūjento iminā cittaena somanassito hoti, jivhādvāre rasasampannaṃ piṇḍapātāṃ laddhā bhājetvā paribhuṅjanto “sāraṇīyadhammo vata me pūrito”ti iminā cittaena somanassito hoti, kāyadvāre ābhisamācārikavattaṃ karonto “kāyadvāre me vattaṃ pūritan”ti iminā cittaena somanassito hoti. Evaṃ tāva pañcadvāre labbhati.

1. Vaḷaṅjanappavattikāle (Sī, Ka)

Manodvāre pana atītānāgatamārabbha uppajjati. Jotipālamāṇava¹magghadevarāja²kaṇhatāpasādi³kālasmiñhi katam kāraṇam āvajjetvā Tathāgato sitam pātvākāsi. Tam pana pubbenivāsañāṇasabbaññutaññāṇam kiccaṃ, tesam pana dvinnam ñāṇam ciṇṇapariyante idam cittam hāsayaṃamānam uppajjati. “Anāgate tantissaro mudingassaro Paccekabuddho bhavissatī”ti sitam pātvākāsi. Tampi anāgataṃsañāṇasabbaññutaññāṇam kiccaṃ, tesam pana dvinnam ñāṇam ciṇṇapariyante idam cittam hāsayaṃamānam uppajjati.

Niddesavāre panassa sesa-ahetukacittehi balavataratāya cittekaggatā samādhibalaṃ pāpetvā ṭhapitā, vīriyampi vīriyabalaṃ pāpetvā. Uddesavāre pana “samādhibalaṃ hoti, vīriyabalaṃ hotī”ti anāgatattā paripuṇṇena balatṭhenetaṃ dvayaṃ balaṃ nāma na hoti. Yasmā pana neva kusalaṃ nākusalaṃ, tasmā ‘balan’ti vatvāna ṭhapitaṃ⁴. Yasmā ca na nippariyāyena balaṃ, tasmā saṅghavārepi “dve balāni hontī”ti na vuttam. Sesam sabbam somanassasahagatāhetukamanoviññādhātuniddese vuttanayeneva veditabbaṃ.

574. **Upekkhāsahagatā**ti idam cittam tīsu bhavesu sabbesaṃ sacittakasattānam sādharmaṇam, na kassaci sacittakassa nuppajjati nāma. Uppajjamānam pana pañcadvāre voṭṭhabbanam hoti, manodvāre āvajjanam. Cha asādharmañāṇānipi iminā gahitārammaṇameva gaṇhanti. **Mahāgajam** nāmetaṃ cittam. Imassa anārammaṇam nāma natthi. “Asabbaññutaññāṇam sabbaññutaññāṇagatikam nāma kataman”ti vutte “idan”ti vattabbaṃ. Sesamettha purimacitte vuttanayeneva veditabbaṃ. Kevalaṃhi tattha sappītikattā navaṅgiko saṅkhārakkhandho vibhatto, idha nippītikattā aṭṭhaṅgiko.

1. Ma 2. 236 piṭṭhe.

2. Ma 2. 262 piṭṭhe.

3. Khu 5. 202 Jātake.

4. Vatvā ṭhapitaṃ, (Sī) ayaṃ panettha adhippāyo—“imassa cittassa niddese ‘samādhibalaṃ vīriyabalaṃ’ti evaṃ ‘balan’ti vatvā ettakeneva niṭṭhāpitaṃ, na tadanantaram kusalākusalacittesu viya ‘sammāsamādhi micchāsamādhi’ti ca ‘sammāvāyāmo micchāvāyāmo’ti ca vuttan”ti. Tasmā “vatvā na ṭhapitan”ti pāṭho sabbathāpi ayuttoyeva.

Idāni yāni kusalato aṭṭha mahācittāneva khīṇāsavassa uppajjanatāya kiriyāni jātāni, tasmā tāni kusalaniddese vuttanayeneva veditabbāni.

Idha ṭhatvā hasanakacittāni samodhānetabbāni, kati panetāni hontīti? Vuccate, terasa. Puthujjanā hi kusalato catūhi somanassasahagatehi, akusalato catūhīti aṭṭhahi cittehi hasanti. Sekkhā kusalato catūhi somanassasahagatehi, akusalato dvīhi diṭṭhigatavippayuttehi somanassasahatehīti chahi cittehi hasanti. Khīṇāsavā kiriyato pañcahi somanassasahagatehi hasantīti.

Rūpāvacarārūpāvacarakiriya

577. Rūpāvacarārūpāvacarakiriyānidhesesu
diṭṭhadhammasukhavihāranti diṭṭhadhamme imasmimīyeva attabhāve sukhavihāramattaṃ. Tattha khīṇāsavassa puthujjanakāle nibbatitā samāpatti yāva na naṃ samāpajjati, tāva kusalāva. Samāpannakāle kiriyā hoti, khīṇāsavakāle panassa nibbatitā samāpatti kiriyāva hoti. Sesam̐ sabbam̐ taṃsadisattā kusalaniddese vuttanayeneva veditabbanti.

Aṭṭhasālīniyā Dhammasaṅgaha-aṭṭhakathāya

Cittuppādakaṇḍakathā niṭṭhitā.

Abyākatapadaṃ pana neva tāva niṭṭhitanti.

Cittuppādakaṇḍavaṇṇanā niṭṭhitā.

2. Rūpakaṇḍa

Uddesavaṇṇanā

Idāni rūpakaṇḍaṃ bhājetvā dassetuṃ puna **“katame dhammā abyākatā”**ti-ādi āraddhaṃ. Tattha kiñcāpi heṭṭhā Cittuppādakaṇḍe vipākābyākatañceva kiriyābyākatañca nissesam katvā bhājitam, rūpābyākatanibbānābyākatāni pana akathitāni. Tāni kathetuṃ catubbidhampi abyākatam samodhānetvā dassento **“kusalākusalānam dhammānam vipākā”**ti-ādimāha. Tattha **kusalākusalānanti** catubhūmakakusalānañceva akusalānañca. Evaṃ tāva vipākābyākatam kusalavipākākusalavipākavasena dvīhi padehi pariyādiyitvā dassitam. Yasmā pana tam sabbampi kāmāvacaram vā hoti rūpāvacarādīsu vā aññataram, tasmā **“kāmāvacarā”**ti-ādinā nayena tadeva vipākābyākatam bhūmantaravasena pariyādiyitvā dassitam. Yasmā pana tam vedanākkhandhopi hoti -pa- viññānakkhandhopi, tasmā puna sampayuttacatukkhandhavasena pariyādiyitvā dassitam.

Evaṃ vipākābyākatam kusalākusalavasena, bhūmantaravasena, sampayuttakkhandhavasenāti tīhi nayehi pariyādāya dassetvā puna kiriyābyākatam dassento **“ye ca dhammā kiriyā”**ti-ādimāha. Tattha **“kāmāvacarā rūpāvacarā arūpāvacarā, vedanākkhandho -pa- viññānakkhandho”**ti vattabham bhaveyya, heṭṭhā pana gahitamevāti nayam dassetvā nissajjitam. Idāni avibhattam dassento **“sabbañca rūpaṃ asaṅkhatā ca dhātū”**ti āha. Tattha **sabbañca rūpanti** padena pañcavīsati rūpāni channavutirūpakoṭṭhāsā nippadesato gahitāti veditabbā. **Asaṅkhatā ca dhātū**ti padena nibbānam nippadesato gahitanti. Ettāvata **abyākatā dhammā**ti padam niṭṭhitam hoti.

584. **Tattha katamam sabbam rūpanti** idam kasmā gahitam? Heṭṭhā rūpābyākatam saṅkhepena kathitam, idāni tam ekaka duka tika catukka -pa- ekādasakavasena vitthārato bhājetvā dassetuṃ idam gahitam. Tassattho—yam vuttam **“sabbañca rūpaṃ, asaṅkhatā ca dhātū”**ti, tasmim padadvaye katamam sabbam rūpaṃ nāma. Idāni tam dassento **“cattāro ca**

mahābhūtā”ti-ādimāha. Tattha **cattāro**ti gaṇanaparicchedo, tena tesam ūnādhikabhāvaṃ nivāreti. **Ca**-saddo sampiṇḍanattho, tena “na kevalaṃ cattāro mahābhūtāva rūpaṃ, aññampi atthi”ti upādārūpaṃ sampiṇḍeti.

Mahābhūtāti ettha mahantapātubhāvādīhi kāraṇehi mahābhūtataṃ veditabbā. Etāni hi mahantapātubhāvato, mahābhūtasāmaññato, mahāparihārato, mahāvīkārato, mahantabhūtattā cāti imehi kāraṇehi “mahābhūtāni”ti vuccanti. Tattha **mahantapātubhāvato**ti etāni hi anupādinnakasantānepi upādinnakasantānepi mahantāni pātubhūtāni, tesam anupādinnakasantāne evaṃ mahantapātubhāvataṃ veditabbā. Ekañhi cakkavālam āyāmato ca vitthārato ca yojanānaṃ dvādasa sataśassāni tīṇi saśassāni cattāri satāni¹ paññāsañca yojanāni. Parikkhepatō—

* Sabbaṃ sataśassāni, chaṭṭiṃsa parimaṇḍalaṃ.
Dasa ceva saśassāni, aḍḍhuḍḍhāni satāni ca.

Tattha—

Duve sataśassāni, cattāri nahutāni ca.
Ettakaṃ bahalattena, saṅkhātāyaṃ vasundharā.

Tassāyeva sandhāraṇaṃ—

Cattāri sataśassāni, aṭṭheva nahutāni ca.
Ettakaṃ bahalattena, jalaṃ vāte patiṭṭhitaṃ.

Tassāpi sandhāraṇaṃ—

Navasataśassāni, māluto nabhamuggato.
Saṭṭhi ceva saśassāni, esā lokassa saṅṭhiti.

Evaṃ saṅṭhite cettha yojanānaṃ—

Caturāsītisaśassāni, ajjhogāḷho mahaṇṇave.
Accuggato tāvadeva, Sinerupabbatuttamo.

1. Catuttīṃsa satāni (Sī, Syā)

* Vi-Ṭṭha 1. 91; Visuddhi 1. 199 piṭṭhesu.

Tato upaḍḍhupaḍḍhena, pamāṇena yathākkamaṇi.

Ajjhogāḷhuggatā dibbā, nānāratana-cittitā.

Yugandharo Īsadhara, Karavīko Sudassano.

Nemindharo Vinatako, Assakaṇṇo girī brahā.

Ete satta mahāselā, Sinerussa samantato.

Mahārājānamāvāsā, devayakkhanisevitā.

Yojanānaṃ satānucco, Himavā pañca pabbato.

Yojanānaṃ sahasāni, tīṇi āyatavittatho.

Caturāsītisahashehi, kūṭhehi paṭimaṇḍito.

Tipañcayojanakkhandha-parikkhepā nagavhayā.

Paññāsayojanakkhandha-sākhāyāmā samantato.

Satayojanavittihṇā, tāvadeva ca uggatā.

Jambū yassānubhāvena, Jambudīpo pakāsito.

Yañcetaṃ Jambuyā pamāṇaṃ, tadeva asurānaṃ cittapāṭaliyā,
garuḷānaṃ simbalirukkhasa, Aparagoyāne kadambarukkhasa,
Uttarakurumhi¹ kapparukkhasa, Pubbavidehe sirīsassa, Tāvatiṃsesu
pāricchattakassāti. Tenāhu porāṇā—

“Pāṭali simbalī jambū, devānaṃ pāricchattako.

Kadambo kapparukkho ca, sirīsena bhavati sattaman”ti.

“Dve-asītisahasāni, ajjhogāḷho mahaṇṇave.

Accuggato tāvadeva, cakkavāḷasiluccayo.

Parikkhipitvā taṃ sabbaṃ, lokadhātumayaṃ ṭhito”ti.

Upādinnakasantānepi macchakacchapadevadānavādisarīrasena
mahantāneva pātubhūtāni. Vuttañhetam Bhagavatā “santi bhikkhave
mahāsamudde² yojanasatikāpi attabhāvā”ti-ādi.

1. Uṭṭharakurūsu (Sī, Syā, Ka)

2. Vasanti mahāsamudde (Am 3. 45 piṭṭhe), santi mahāsamudde (Vi 4. 141 piṭṭhesu)

Mahābhūtasāmaññatoti etāni hi yathā māyākāro amaṇimyeva udakaṃ maṇim katvā dasseti, asuvaṇṇamyeva leḍḍum suvaṇṇam katvā dasseti, yathā ca sayam neva yakkho na pakkhī samāno yakkhabhāvampi pakkhibhāvampi dasseti, evameva sayam anīlāneva hutvā nīlam upādārūpaṃ dasseti. Apītāni, alohitāni, anodātāneva hutvā odātaṃ upādārūpaṃ dassetīti māyākāramahābhūtasāmaññato mahābhūtāni. Yathā ca yakkhādīni mahābhūtāni yaṃ gaṇhanti, neva tesaṃ tassa anto, na bahiṭṭhānaṃ upalabbhati, na ca taṃ nissāya na tiṭṭhanti, evameva etānipi neva aññamaññassa anto na bahi ṭhitāni hutvā upalabbhanti, na ca aññamaññam nissāya na tiṭṭhantīti acinteyyaṭṭhānatāya yakkhādīmahābhūtasāmaññatopi **mahābhūtāni**.

Yathā ca yakkhinīsaṅkhātāni mahābhūtāni manāpehi vaṇṇasaṅṭhānavikkhepehi attano bhayānakabhāvaṃ paṭicchādetvā satte vañcenti, evameva etānipi itthipurisasarīrādīsu mānāpena chavivaṇṇena manāpena aṅgapaccaṅgasaṅṭhānena manāpena ca hatthapādaṅgulibhamukavikkhepena attano kakkhaḷatādibhedam sarasalakkaṇaṃ paṭicchādetvā bālajanaṃ vañcenti, attano sabhāvaṃ daṭṭhum na denti. Iti vañcakaṭṭhena yakkhinīmahābhūtasāmaññatopi **mahābhūtāni**.

Mahāparihāratoti mahantehi paccayehi pariharitabbato. Etāni hi divase divase upanetabbattā mahantehi ghāsacchādanādīhi bhūtāni pavattānīti **mahābhūtāni**, mahāparihārāni vā bhūtāni **mahābhūtāni**.

Mahāvikāratoti bhūtānaṃ mahāvikārato. Etāni hi upādiṇṇānipi anupādiṇṇānipi mahāvikārāni honti. Tattha anupādiṇṇānaṃ kappavuṭṭhāne vikāramahattaṃ pākaṭaṃ hoti, upādiṇṇānaṃ dhātukkabhakāle. Tathā hi—

Bhūmito vuṭṭhitā yāva, brahmalokā vidhāvati.

Acci accimato loke, dayhamānamhi tejasā.

Koṭisatasahassekam, cakkavāḷam vilīyati.

Kupitena yadā loko, salilena vinassati.

Koṭisatasahassekam, cakkavālam vikīrati.
Vāyodhātuppakopena, yadā loko vinassati.

- * Patthaddho bhavatī kāyo, daṭṭho kaṭṭhamukhena vā.
Pathavīdhātuppakopena, hoti kaṭṭhamukheva so.
- * Pūṭiyo bhavatī kāyo, daṭṭho pūṭimukhena vā.
Āpodhātuppakopena, hoti pūṭimukheva so.
- * Santatto bhavatī kāyo, daṭṭho aggimukhena vā.
Tejodhātuppakopena, hoti aggimukheva so.
- * Sañchinno bhavatī kāyo, daṭṭho satthamukhena vā.
Vāyodhātuppakopena, hoti satthamukheva so.

Iti mahāvikārāni bhūtānīti mahābhūtāni.

Mahantabhūtattā cāti etāni hi mahantāni mahatā vāyāmena
pariggahetabbattā bhūtāni vijjamānattāti mahantabhūtattā ca mahābhūtāni.
Evaṃ mahantapātubhāvādīhi kāraṇehi **mahābhūtāni**.

Catunnañca mahābhūtānaṃ upādāya rūpanti upayogatthe sāmivacanāṃ,
cattāri mahābhūtāni upādāya nissāya amuñcitvā pavattarūpanti attho. **Idaṃ
vuccati sabbaṃ rūpanti** idaṃ cattāri mahābhūtāni padapaṭipāṭiyā niddiṭṭhāni
tevīsati upādārūpānīti sattavīsatiṭṭhedaṃ sabbaṃ rūpaṃ nāma.

Ekavidharūpasāṅgaha

Idāni taṃ vitthārato dassetuṃ ekavidhādīhi ekādasahi saṅgahehi
mātikam ṭhapento “**sabbaṃ rūpaṃ na hetū**”ti-ādimāha.

Tattha **sabbaṃ rūpanti** idaṃ padaṃ “sabbaṃ rūpaṃ na hetu, sabbaṃ
rūpaṃ ahetukan”ti evaṃ sabbapadehi saddhim yojetabbaṃ. Sabbāneva
cetāni “na hetū”ti-ādīni tecattālīsa padāni uddiṭṭhāni. Tesu paṭipāṭiyā¹
cattālīsa padāni mātikato gahetvā ṭhapitāni, avasāne tīṇi mātikāmuttakānīti
evaṃ tāva paṭhame saṅgahe Pāḷivavatthānameva veditabbaṃ. Tathā
dutiyaṃsaṅgahādīsu.

* Saṃ-Ṭṭha 3. 58 piṭṭhepi.

1. Padapaṭipāṭiyā (Ka)

Duvidharūpasāṅgaha

Tatrāyaṃ nayo—dutiyaśāṅgahe tāva satam cattāro ca dukā. Tattha “**atthi rūpaṃ upādā, atthi rūpaṃ no-upādā**”ti-ādayo ādimhi cuddasa dukā aññamaññasambandhābhāvato pakiṇṇakadukā nāma. Tato “**atthi rūpaṃ cakkhusamphassassa vatthū**”ti-ādayo pañcavīsati dukā vatthu-avatthu-upaparikkhaṇavasena¹ pavattattā vatthudukā nāma. Tato “**atthi rūpaṃ cakkhusamphassassa ārammaṇaṃ**”ti-ādayo pañcavīsati ārammaṇānārammaṇa-upaparikkhaṇavasena pavattattā ārammaṇadukā nāma. Tato “**atthi rūpaṃ cakkhāyatanaṃ**”ti-ādayo dasa āyatanānāyatana-upaparikkhaṇavasena pavattattā āyatanadukā nāma. Tato “**atthi rūpaṃ cakkudhātū**”ti-ādayo dasa dhātu-adhātu-upaparikkhaṇavasena pavattattā dhātudukā nāma. Tato “**atthi rūpaṃ cakkhundriyaṃ**”ti-ādayo aṭṭha indriyānindriya-upaparikkhaṇavasena pavattattā indriyadukā nāma. Tato “**atthi rūpaṃ kāyaviññatti**”ti-ādayo dvādasa sukhumāsukhumarūpa-upaparikkhaṇavasena pavattattā sukhumarūpadukā nāmāti. Idam dutiyaśāṅgahe Pāḷivavathānaṃ.

Tividharūpasāṅgaha

585. Tatiyaśāṅgahe satam tīṇi ca tikāni. Tattha dutiyaśāṅgahe vuttesu cuddasasu pakiṇṇakadukesu ekaṃ ajjhattikadukaṃ sesehi terasahi yojetvā “**yaṃ taṃ rūpaṃ ajjhattikaṃ taṃ upādā, yaṃ taṃ rūpaṃ bāhiraṃ taṃ atthi upādā, atthi no-upādā**”ti-ādinā nayena ṭhapitā terasa pakiṇṇakatikā nāma. Tato tameva dukam sesadukehi saddhim yojetvā “**yaṃ taṃ rūpaṃ bāhiraṃ taṃ cakkhusamphassassa na vatthu, yaṃ taṃ rūpaṃ ajjhattikaṃ taṃ atthi cakkhusamphassassa vatthu, atthi cakkhusamphassassa na vatthū**”ti-ādinā nayena sesatikā ṭhapitā. Tesam nāmañca gaṇanā ca tesamyeva vatthudukādīnaṃ vasena veditabbāti. Idam tatiyaśāṅgahe Pāḷivavathānaṃ.

Catubbidhādirūpasāṅgaha

586. Catutthasāṅgahe dvāvīsati catukkā. Tattha sabbapacchimo “**atthi rūpaṃ upādā, atthi rūpaṃ no-upādā**”ti evaṃ idha mātikaṃ anāmasitvā

1. ...upaparikkhanavasena (Syā, Ka)

ṭhapito, itare pana āmasitvā ṭhapitā. Kathaṃ? Ye tāva idha duvidhasaṅgahe pakiṇṇakesu ādito tayo dukā, tesu ekekaṃ gahetvā **“yaṃ taṃ rūpaṃ upādā taṃ atthi upādinnaṃ, atthi anupādinnaṃ”**ti-ādinā nayena pañcahi pañcahi dukehi saddhiṃ yojetvā dukattayamūlakā ādimhi pañcadasa catukkā ṭhapitā.

Idāni yo yaṃ catukko sanidassanaduko, so yasmā **“yaṃ taṃ rūpaṃ sanidassanaṃ taṃ atthi sappaṭighaṃ, atthi appaṭighaṃ”**ti-ādinā nayena parehi vā, **“atthi upādā atthi no-upādā”**ti-ādinā nayena purimehi vā dukehi saddhiṃ atthobhāvato, kamābhāvato, visesābhāvato ca yogaṃ na gacchati. Sanidassanañhi appaṭighaṃ nāma no-upādā vā natthīti atthābhāvato yogaṃ na gacchati. Upādinnaṃ pana anupādinnañca atthi, taṃ kamābhāvā yogaṃ na gacchati. Sabbadukā hi pacchimapacchimeheva saddhiṃ yojitā, ayamettha kamo. Purimehi pana saddhiṃ kamābhāvoti. Sati atthe kamābhāvo akāraṇaṃ, tasmā upādinnapadādīhi saddhiṃ yojetabboti ce. Na, visesābhāvā. Upādinnapadādīni hi iminā saddhiṃ yojitāni, tatha **“upādinnaṃ vā sanidassanaṃ, sanidassanaṃ vā upādinnaṃ”**ti vutte viseso natthīti visesābhāvāpi yogaṃ na gacchati. Tasmā taṃ catutthadukaṃ anāmasitvā tato parehi **“atthi rūpaṃ sappaṭighaṃ”**ti-ādīhi tīhi dukehi saddhiṃ **“yaṃ taṃ rūpaṃ sappaṭighaṃ taṃ atthi indriyaṃ, atthi na indriyaṃ. Yaṃ taṃ rūpaṃ appaṭighaṃ taṃ atthi indriyaṃ, atthi na indriyaṃ”**ti-ādinā nayena yujjamāne dve dve duke yojetvā cha catukkā ṭhapitā.

Yathā cāyaṃ catutthaduko yogaṃ na gacchati, tathā tena saddhiṃ ādidukopi. Kasmā? Anupādārūpassa ekantena anidassanattā. So hi **“yaṃ taṃ rūpaṃ no-upādā taṃ atthi sanidassanaṃ, atthi anidassanaṃ”**ti evaṃ catutthena dukena saddhiṃ yojiyamāno yogaṃ na gacchati, tasmā taṃ atikkamitvā pañcamena saha yojito. Evaṃ yo yena saddhiṃ yogaṃ gacchati, yo ca na gacchati, so veditabboti. Idaṃ catutthasaṅgahe Pāḷivavatthānaṃ. Ito pare pana pañcavidhasaṅgahādayo satta saṅgahā asammissā eva. Evaṃ sakalāyapi mātīkāya Pāḷivavatthānaṃ veditabbaṃ.

Rūpavibhatti-ekakaniddesavaṇṇanā

594. Idāni tassā attham bhājetvā dassetuṃ “**sabbaṃ rūpaṃ na hetumevā**”ti-ādi āraddham. Kasmā panettha “katamaṃ taṃ sabbaṃ rūpaṃ na hetū”ti pucchā na katāti. Bhedābhāvato. Yathā hi dukādīsu upādārūpampi atthi no-upādārūpampi, evamidha¹ hetu, na hetūtipi sahetukamahetukantipi¹ bhedo natthi, tasmā puccham akatvāva vibhattam. Tattha **sabbanti** sakalam niravasesam. **Rūpanti** ayamassa sītādīhi rūppanabhāvadīpano samaññalakkhaṇaniddeso. **Na hetumevāti** sādharmaṇahetupaṭikkhepaniddeso.

Tattha hetuhetu paccayahetu uttamahetu sādharmaṇahetūti catubbidho hetu. Tesu “tayo kusalahetū, tayo akusalahetū, tayo abyākatahetū”ti² ayam **hetuhetu** nāma. “Cattāro kho bhikkhu mahābhūtā hetu cattāro mahābhūtā paccayo rūpakkhandhassa paññāpanāyā”ti³ ayam **paccayahetu** nāma. Kusalakusalam attano vipākaṭṭhāne⁴ uttamam, iṭṭhārammaṇam kusalavipākaṭṭhāne uttamam, aniṭṭhārammaṇam akusalavipākaṭṭhāneti ayam **uttamahetu** nāma. Yathāha “atītānāgatapaccuppanānam kammamādānānam ṭhānaso hetuso vipākam yathābhūtam pajānāti”ti⁵. “Eseva hetu esa paccayo saṅkhārānam, yadidaṃ avijjāti avijjā saṅkhārānam sādharmaṇahetu hutvā paccayaṭṭham pharati”ti ayam **sādharmaṇahetu** nāma. Yathā hi pathavīraso āporaso ca madhurassāpi amadhurassāpi paccayo, evam avijjā kusalasaṅkhārānampi akusalasaṅkhārānampi sādharmaṇapaccayo hoti. Imasmim panatthe hetuhetu adhippeto. Iti “hetū dhammā na hetū dhammā”ti⁶ mātikāya āgataṃ hetubhāvaṃ rūpassa niyamevā paṭikkhipanto “**na hetumevā**”ti āha. Iminā nayena sabbapadesu paṭikkhepaniddeso, appaṭikkhepaniddeso ca veditabbo. Vacanattho pana sabbapadānam mātikāvaṇṇanāyam vuttoyeva.

Sappaccayamevāti ettha pana kammamuṭṭhānam kammappaccayameva hoti, āhārasamuṭṭhānādini āhārādipaccayānevāti evam rūpasseva vuttacatupaccaya-

1-1. Nahetupi sahetu pīti (Sī, Syā)

3. Ma 3. 67; Sam 2. 83 piṭṭhesu.

4. Attano vipākadāne (Sī), attano attano vipākadāne (Ma-Ṭṭha 3 Mahāpuṇṇamasuttavaṇṇanāyam)

5. Ma 1. 99; Abhi 2. 351; Khu 9. 356 piṭṭhesu.

2. Abhi 1. 214 piṭṭhe.

6. Abhi 1. 4 piṭṭhe.

vasena attho veditabbo. **Rūpamevāti** “rūpino dhammā arūpino dhammā”ti* mātikāya vuttaṃ arūpībhāvaṃ¹ paṭikkhipati. **Uppannaṃ chahi viññāṇehīti** paccuppannarūpameva cakkhuviññāṇādīhi chahi veditabbaṃ. Niyāmo pana cakkhuviññāṇādīni sandhāya gahito. Na hi tāni atītānāgatāni vijānanti, manoviññāṇaṃ pana atītampi anāgatampi vijānāti. Taṃ imasmiṃ pañcaviññāṇasote patitattā² sotapatitameva hutvā gataṃ. Hutvā abhāvaṭṭhena pana **aniccomeva**. Jarāya abhibhavitabbadhammakattā **jarābhibhūtimeva**. Yasmā vā rūpakāye jarā pākāṭā hoti, tasmāpi “jarābhibhūtimevā”ti vuttaṃ.

Evam ekavidhena rūpasāṅgahoti ettha **vidhāsaddo**

mānasaṅghānakoṭṭhāsesu dissati. “Seyyohamasmīti vidhā, sadiso hamasmīti vidhā”ti-ādīsu³ hi māno vidhā nāma. “Kathaṃvidhaṃ silavantaṃ vadanti, kathaṃvidhaṃ paññavantaṃ vadanti”ti-ādīsu⁴ saṅghānaṃ. **Kathaṃvidhanti** hi padassa kathaṃsaṅghānanti attho. “Ekavidhena ñāṇavattū, duvidhena ñāṇavattū”ti-ādīsu⁵ koṭṭhāso vidhā nāma. Idhāpi koṭṭhāsova adhippeto.

Sāṅghasaddopi sajjātisañjātikitiyāgaṇanavasena catubbidho. Tattha “sabbe khattiyā āgacchantu, sabbe brāhmaṇā, sabbe vessā, sabbe suddā āgacchantu”, “yā cāvuso Visākha sammāvācā, yo ca sammākammanto, yo ca sammā-ājīvo, ime dhammā silakkhandhe saṅgahitā”ti⁶ ayaṃ **sajjātisaṅgaho** nāma. “Ekajātikā āgacchantū”ti vuttaṭṭhāne viya hi idha sabbe jātiyā ekasaṅgahaṃ gatā. “Sabbe kosalakā āgacchantu, sabbe māgadhakā, sabbe bhārūkakchakā āgacchantu”, “yo cāvuso Visākha sammāvāyāmo, yā ca sammāsati, yo ca sammāsamādhī, ime dhammā samādhikkhandhe saṅgahitā”ti⁶ ayaṃ **sañjātisaṅgaho** nāma. “Ekaṭṭhāne jātā saṃvuddhā”⁷ āgacchantū”ti vuttaṭṭhāne viya hi idha sabbe sañjātiṭṭhānena⁸ nivutthokāsena ekasaṅgahaṃ gatā. “Sabbe hatthārohā āgacchantu, sabbe assārohā, sabbe rathikā āgacchantu”, “yā cāvuso Visākha sammādiṭṭhi, yo ca sammāsaṅkappo, ime dhammā paññākkhandhe saṅgahitā”ti⁶ ayaṃ **kiriyaṅgaho** nāma.

1. Arūpabhāvaṃ (Sī)

4. Saṃ 1. 51 piṭṭhe.

7. Saṃvaḍḍhā (Sī)

2. Patitvā (Syā, Ka)

5. Abhi 2. 323-4 piṭṭhādīsu.

* Abhi 1. 5piṭṭhe.

3. Abhi 2. 381 piṭṭhe.

6. Ma 1. 375 piṭṭhe.

8. Sañjatiṭṭhānena (Sī)

sabbeva hete attano kiriyākaraṇena ekasaṅgahaṃ gatā. “Cakkhāyatanam katamakhandhagaṇanam¹ gacchati? Cakkhāyatanam rūpakkhandhagaṇanam gacchati. Hañci cakkhāyatanam rūpakkhandhagaṇanam gacchati, tena vata re vattabbe ‘cakkhāyatanam rūpakkhandhena saṅgahitan’ti”² ayam **gaṇanasaṅgaho** nāma, ayamidha adhippeto, ekakoṭṭhāsena rūpagaṇanāti ayañhettha attho. Esa nayo sabbattha.

Dukaniddesavaṇṇanā

Upādābhājanīyakathā

595. Idāni duvidhasaṅgahādīsu “atthi rūpaṃ upādā, atthi rūpaṃ no-upādā’ti evaṃ bhedasabbhāvato pucchāpubbaṅgamaṃ padabhājanam dassento **“katamaṃ taṃ rūpaṃ upādā”**ti-ādimāha. Tattha upādiyatīti **upādā**, mahābhūtāni gahetvā amuñcitvā tāni nissāya pavattatīti attho. Idāni taṃ pabhedato³ dassento **“cakkhāyatanan”**ti-ādimāha.

596. Evaṃ tevīsatividham upādārūpaṃ saṅkhepato uddisitvā puna tadeva vitthārato niddisanto **“katamaṃ taṃ rūpaṃ cakkhāyatanan”**ti-ādimāha. Tattha duvidham cakkhu maṃsacakkhu, paññācakkhu ca. Etesu Buddhacakkhu samantacakkhu ñāṇacakkhu dibbacakkhu dhammacakkhūti pañcavidham paññācakkhu. Tattha “addasaṃ kho ahaṃ bhikkhave Buddhacakkhunā lokaṃ volokento satte apparajakkhe -pa- duviññāpaye”ti⁴ idaṃ **Buddhacakkhu** nāma. “Samantacakkhu vuccati sabbaññūtaññāṇan”ti⁵ idaṃ **samantacakkhu** nāma. “Cakkhum upādādi, ñāṇam upādādi”ti⁶ idaṃ **ñāṇacakkhu** nāma. “Addasaṃ kho ahaṃ bhikkhave dibbena cakkhunā visuddhenā”ti⁷ idaṃ **dibbacakkhu** nāma. “Tasmim yevāsane virajam vītamalam dhammacakkhum upādādi”ti⁸ idaṃ heṭṭhimamagattayasāṅkhātāñ ñāṇam **dhammacakkhu** nāma.

Maṃsacakkhupi pasādacakkhu sasambhāracakkhūti duvidham hoti. Tattha yoyaṃ akkhikūpake patiṭṭhito heṭṭhā akkhikūpakaṭṭhikena upari bhamukaṭṭhikena ubhato akkhikūṭehi anto matthaluṅgena bahiddhā akkhilomehi

1. Katamaṃ khandhagaṇanam (sabbattha)

3. Pabhedam (Ka)

6. Saṃ 3. 369; Vi 3. 15 piṭṭhe.

2. Abhi 4. 251 piṭṭhe.

5. Khu 8. 178 piṭṭhe.

8. Ma 2. 346 piṭṭhādīsu.

4. Ma 1. 225 piṭṭhe.

7. Ma 1. 227 piṭṭhe.

paricchinnō maṃsapiṇḍo, saṅkhepato “catasso dhātuyo vaṇṇo gandho raso oḷā sambhavo saṅṭhānaṃ jīvitāṃ bhāvo kāyapasādo cakkhupasādo”ti cuddasasambhāro, vitthārato “catasso dhātuyo taṃsannissitavaṇṇagandharasa-oḷāsaṅṭhānasambhavā chāti imāni dasa catusamuṭṭhānānikattā cattālīsaṃ honti, jīvitāṃ bhāvo kāyapasādo cakkhupasādoti cattāri ekantakammasamuṭṭhānānevā”ti imesaṃ catucattālīsāya rūpānaṃ vasena catucattālīsasambhāro, yaṃ loko “setaṃ cakkhum, puthulaṃ, viṣaṃ vitthiṇṇaṃ cakkhun”ti sañjānanto na cakkhum sañjānāti, vatthum cakkhuto sañjānāti, so maṃsapiṇḍo akkhikūpe patiṭṭhito nhārusuttakena matthaluṅge ābaddho¹, yattha setampi atthi kaṇhampi lohitaṃ pathavīpi āpopi tejopi vāyopi, yaṃ semhussadattā setaṃ, pittussadattā kaṇhaṃ, ruhrussadattā lohitaṃ, pathavussadattā patthiṇṇaṃ hoti, āpussadattā paggharati, tejjussadattā paridayhati, vāyussadattā sambhamati. Idaṃ **sasambhāracakkhu** nāma.

Yo panettha sito ettha paṭibaddho catunnaṃ mahābhūtānaṃ upādāya pasādo, idaṃ **pasādacakkhu** nāma. Tadetāṃ tassa sasambhāracakkhuno setamaṇḍalaparikkhitassa kaṇhamaṇḍalassa majjhe abhimukhe ṭhitānaṃ sarīrasaṅṭhānupattidesabhūte diṭṭhamaṇḍale sattasu picupaṭalesu āsittatelaṃ picupaṭalāni viya sattakkhipaṭalāni byāpetvā dhāraṇanāpanamaṇḍanabījanakiccāhi catūhi dhātūhi khattiyakumāro viya sandhāraṇa-ābandhanaparipācanasamudīraṇakiccāhi catūhi dhātūhi katūpakāraṃ utucittāharehi upatthambhiyamānaṃ āyunā anupāliyamānaṃ vaṇṇagandharasādīhi parivutaṃ pamāṇato ūkāsiramattaṃ cakkhuviññāḍīnaṃ yathārahaṃ vatthudvārabhāvaṃ sādhamānaṃ tiṭṭhati. Vuttampi cetaṃ Dhammasenāpatinā—

“Yena cakkhupasādēna, rūpāni manupassati.

Parittaṃ sukhumaṃ etaṃ², ūkāsirasamūpamaṃ”ti.

Cakkhu ca taṃ āyatanañcāti **cakkhāyatanaṃ**. Yaṃ **cakkhu catunnaṃ mahābhūtānaṃ upādāya pasādoti** idhāpi upayogattheyeva sāmivacanaṃ, cattāri

1. Nhārusuttakena bandho, matthaluṅgena ābandho (Ka)

2. Cetaṃ (Sī) Visuddhi 2. 76 piṭṭhe.

mahābhūtāni upādiyivā pavattappasādoti attho. Iminā pasādacakkhumeva gaṇhāti, sesacakkum paṭikkhipati. Yaṃ pana indriyagocarasutte “ekam mahābhūtam upādāya pasādo pathaviḍhātuyā, tīhi mahābhūtehi saṅgahito āpodhātuyā ca tejodhātuyā ca vāyodhātuyā ca”, Catuparivattasutte¹ “dvinnam mahābhūtānam upādāya pasādo pathaviḍhātuyā ca āpodhātuyā ca, dvīhi mahābhūtehi saṅgahito tejodhātuyā ca vāyodhātuyā ca”ti vuttam, tam pariyāyena vuttam. Ayañhi suttantikakathā nāma pariyāyadesanā. Yo ca catunnam mahābhūtānam upādāya pasādo, so tesu ekekassāpi dvinnam dvinnampi pasādoyevāti iminā pariyāyena attha desanā āgatā. Abhidhammo pana nippariyāyadesanā nāma, tasmā idha “catunnam mahābhūtānam upādāya pasādo”ti vuttam.

“Ayaṃ me attā”ti bālayanena pariggahitattā attabhāvo vuccati sarīrampi khandhapañcakampi, tasmim pariyāpanno tannissitoti **attabhāvapariyāpanno**. Cakkhuviññāṇena passitum na sakkāti **anidassano**. Paṭighaṭṭanānighaṃso ettha jāyatīti **sappaṭigho**.

Yenāti-ādīsu ayaṃ saṅkhepattho—**yena** karaṇabhūtena **cakkhunā** ayaṃ satto idaṃ vuttappakāram **rūpaṃ** atīte **passi vā**, vattamāne **passati vā**, anāgate **passissati vā**. Sacassa aparibhinnaṃ cakkhu bhaveyya, athānena āpāthagatam rūpaṃ **passi vā**, atītam vā rūpaṃ atītena cakkhunā passi, paccuppannam paccuppannena passati, anāgatam anāgatena passissati. “Sace tam rūpaṃ cakkhussa āpātham āgaccheyya, cakkhunā tam rūpaṃ passeyyā”ti idamettha parikappavacanam. Dassanapariṇāyakaṭṭhena **cakkhumpetaṃ**. Sañjātisamosaraṇaṭṭhena **cakkhāyatanampetaṃ**. Suññatasabhāvanissattaṭṭhena **cakkhudhātupesā**. Dassanalakkhaṇe indaṭṭham kāretīti **cakkhundriyampetaṃ**. Lujjanapalujjanaṭṭhena **lokopeso**. Vaḷaṅjanaṭṭhena **dvārāpesā**. Apūraṇiyaṭṭhena **samuddopeso**. Parisuddhaṭṭhena **paṇḍarampetaṃ**. Phassādīnam abhijāyanaṭṭhena **khattampetaṃ**. Tesamyeva patiṭṭhānaṭṭhena **vatthumpetaṃ**. Samavisamam dassentam attabhāvam netīti **nettampetaṃ**. Tenevaṭṭhena

1. Idaṃ nāmam Ma 3. 112 piṭṭhe atthi, ayaṃ pana Pāli tattha na dissati. Vi-Ṭṭha 3. 8 piṭṭhe pana saṅgīṭimanārūḷham catuparivaṭṭasuttam nāma āgatam, tam vā siyā.

nayanampetaṃ. Sakkāyapariyāpannaṭṭhena **orimaṃ tīrapetaṃ.**

Bahusādhāraṇaṭṭhena, assāmikaṭṭhena ca **suñño gāmpesoti.**

Ettāvata “passi vā”ti-ādīhi catūhi padehi “cakkhumpetan”ti-ādīni cuddasa nāmāni yojetvā cakkhāyatanassa cattāro vavatthāpananayā vuttāti veditabbā. Kathaṃ? Ettha hi yena cakkhunā anidassanena sappatiḅhena rūpaṃ sanidassanaṃ sappatiḅhaṃ passi vā cakkhumpetaṃ -pa- suñño gāmpeso, idaṃ taṃ rūpaṃ cakkhāyatananti ayameko nayo. Evaṃ sesopi veditabbā.

597. Idāni yasmā vijjuniccharaṇādikālesu anoloketukāmassāpi rūpaṃ cakkhupasādaṃ ghaṭṭeti, tasmā taṃ ākāraṃ dassetuṃ dutiyo niddesavāro āraddho. Tattha **yamhi cakkhumhīti** yamhi adhikaraṇabhūte cakkhumhi. **Rūpanti** paccattavacanametāṃ. Tattha **paṭihaññī vāti** atītattho. **Paṭihaññīti vāti** paccuppannattho. **Paṭihaññissati vāti** anāgatattho. **Paṭihaññe vāti** vikappanattho. Atītañhi rūpaṃ atīte cakkhusmiṃ paṭihaññī nāma, paccuppannaṃ paccuppanne paṭihaññīti nāma, anāgataṃ anāgate paṭihaññissati nāma. “Sace taṃ rūpaṃ cakkhussa apāthaṃ āgaccheyya, cakkhumhi paṭihaññeyya taṃ rūpaṃ”ti ayamettha parikappo¹. Atthato pana pasādaṃ ghaṭṭayamānameva rūpaṃ paṭihaññīti nāma. Idhāpi purimanayeneva cattāro vavatthāpananayā veditabbā.

598. Idāni yasmā attano icchāya oloketukāmassa rūpe cakkhum upasaṃharato caku rūpasmiṃ paṭihaññīti, tasmā taṃ ākāraṃ dassetuṃ tatiyo niddesavāro āraddho. So atthato pākaṭoyeva. Ettha pana cakkhu ārammaṇaṃ sampaṭicchamaṃnameva rūpaṃ paṭihaññīti nāma, idhāpi purimanayeneva cattāro vavatthāpananayā veditabbā.

599. Ito paraṃ phassapañcamakānaṃ uppattidassanavasena pañca, tesamyeva ārammaṇapaṭibaddha-uppattidassanavasena pañcāti dasa vārā dassitā. Tattha **cakkhum nissāyāti** cakkhum nissāya paccayaṃ katvā. **Rūpaṃ ārabbhāti** rūpārammaṇaṃ āgamma sandhāya paṭicca. Iminā cakkhupasādavatthukānaṃ phassādīnaṃ

1. Vikappanattho (Syā)

purejātapaccayena cakkhudvārajavānavīthipariyāpannānaṃ
 ārammaṇādhipati-ārammaṇūpanissayapaccayehi rūpassa paccayabhāvo
 dassito, itaresu pañcasu vāresu rūpaṃ ārammaṇamassāti **rūpārammaṇoti**
 evaṃ ārammaṇapaccayamatteneva paccayabhāvo dassito. Yathā pana
 purimesu tīsu, evaṃ imesupi dasasu vāresu cattāro cattāro vavattāpananayā
 veditabbā. Evaṃ “katamaṃ taṃ rūpaṃ cakkhāyatanan”ti pucchāya
 uddhaṭaṃ cakkhum “idaṃ taṃ”ti nānappakārato dassetuṃ purimā tayo, ime
 dasāti terasa niddesavārā dassitā. Ekekasmīncettha catunnaṃ catunnaṃ
 vavattāpananayānaṃ āgatattā dvipaṇṇāsāya nayehi paṭimaṇḍetvāva
 dassitāti veditabbā.

600. Ito paresu sotāyatanādīniddesepi eseva nayo. Visesamattaṃ
 panettha evaṃ veditabbaṃ. Suṇātīti **sotaṃ**, taṃ sasambhārasotabilassa anto
 tanutambalomācite aṅgulivedhakasaṅṭhāne¹ padese vuttappakārāhi dhātūhi
 katūpakāraṃ utucittāharehi upatthambhiyamānaṃ āyunā anupāliyamānaṃ
 vaṇṇādīhi parivutaṃ sotaviṇṇāṇādīnaṃ yathārahaṃ vatthudvārabhāvaṃ
 sādhayamānaṃ tiṭṭhati.

Ghāyatīti **ghānaṃ**, taṃ sasambhāraghānabilassa anto ajappadasaṅṭhāne
 padese yathāvuttappakāra-upakārupatthambhanānupālanaparivāraṃ hutvā
 ghānaviṇṇāṇādīnaṃ yathārahaṃ vatthudvārabhāvaṃ sādhayamānaṃ tiṭṭhati.

Sāyanatṭhena **jivhā**, sā sasambhārajivhāmajjhassa upari
 uppaladalaggasaṅṭhāne padese yathāvuttappakāra-
 upakārupatthambhanānupālanaparivārā hutvā jivhāviṇṇāṇādīnaṃ
 yathārahaṃ vatthudvārabhāvaṃ sādhayamānā tiṭṭhati.

Yavatā pana imasmim **kāye** upādinnakarūpaṃ nāma atthi, sabbattha
 kāyāyatanam kappāsapaṭale sneho viya yathāvuttappakāra-
 upakārupatthambhanānupālanaparivārammeva hutvā kāyaviṇṇāṇādīnaṃ
 yathārahaṃ vatthudvārabhāvaṃ sādhayamānaṃ tiṭṭhati. Ayamettha viseso.
 Seso Pāḷippabhedo ca attho ca cakkhuniddese vittanayeneva veditabbo.
 Kevalaṇhi idha cakkhupadassa ṭhāne sotapadādīni, rūpapadassa ṭhāne
 saddapadādīni, “passī”ti-ādīnaṃ ṭhāne “suṇī”ti-ādīpadāni ca āgatāni.

1. Aṅguliveṭhakasaṅṭhāne (Sī), Visuddhi 2. 76 piṭṭhe passitabbaṃ.

“Nettampetaṃ nayanampetaṃ”ti imassa ca padadvayassa abhāvā dvādasa dvādasa nāmāni honti. Sesam̐ sabbattha vuttasadisameva.

Tattha siyā “yadi yāvataṃ imasmim̐ kāye upādinnakarūpaṃ nāma atthi, sabbattha kāyāyatanam̐ kappāsaṇṇaṃ sneho viya, evam̐ sante lakkhaṇasammissatā āpajjati”ti. Nāpajjati. Kasmā? Aññassa aññattha abhāvato. Yadi evam̐ na sabbattha kāyāyatananti, neva paramatthato sabbattha. Vinibbhujitvā panassa nānākaraṇam̐ paññāpetum̐ na sakkā, tasmā evam̐ vuttam̐. Yathā hi rūparasādayo vilikācuṇṇāni viya vivecetum̐ asakkuṇeyyatāya aññamaññabyāpinoti vuccanti, na ca paramatthato rūpe raso atthi, yadi siyā, rūpaggahaṇeneva rasaggahaṇam̐ gaccheyya, evam̐ kāyāyatanampi paramatthato neva sabbattha atthi, na ca sabbattha natthi, vivecetum̐ asakkuṇeyyatāyāti, evamettha na lakkhaṇasammissatā āpajjati veditabbā.

Apica lakkhaṇādivavattahāpanatopetasam̐ asammissatā veditabbā. Etesu hi rūpābhigāhātārahabhūtappasādalakkhaṇam̐, daṭṭhukāmatānidānakammasamuṭṭhānabhūtappasādalakkhaṇam̐ vā **cakkhu**, rūpesu āviñchanarasam̐, cakkhaviññāṇassa ādhārabhāvapaccupaṭṭhānam̐, daṭṭhukāmatānidānakammajabhūtapadaṭṭhānam̐.

Saddābhigāhātārahabhūtappasādalakkhaṇam̐, sotukāmatānidānakammasamuṭṭhānabhūtappasādalakkhaṇam̐ vā **sotam̐**, saddesu āviñchanarasam̐, sotaviññāṇassa ādhārabhāvapaccupaṭṭhānam̐, sotukāmatānidānakammajabhūtapadaṭṭhānam̐.

Gandhābhigāhātārahabhūtappasādalakkhaṇam̐, ghāyitukāmatānidānakammasamuṭṭhānabhūtappasādalakkhaṇam̐ vā **ghānam̐**, gandhesu āviñchanarasam̐, ghānaviññāṇassa ādhārabhāvapaccupaṭṭhānam̐, ghāyitukāmatānidānakammajabhūtapadaṭṭhānam̐.

Rasābhigāhātārahabhūtappasādalakkhaṇā, sāyitukāmatānidānakammasamuṭṭhānabhūtappasādalakkhaṇā vā **jivhā**, rasesu āviñchanarasā, jivhāviññāṇassa ādhārabhāvapaccupaṭṭhānā, sāyitukāmatānidānakammajabhūtapadaṭṭhānā.

* Phoṭṭhabbābhigāhātārahabhūtapasādalakkhaṇo, phusitukāmatānidānakammasamuṭṭhānabhūtapasādalakkhaṇo vā **kāyo**, phoṭṭhabbesu āviñchanaraso, kāyaviññāṇassa ādhārahāvapaccupaṭṭhāno, phusitukāmatānidānakammajabhūtapadaṭṭhāno.

* Keci pana¹ “tejādhikānaṃ bhūtānaṃ pasādo cakkhu, vāyupathavī-āpādhikānaṃ bhūtānaṃ pasādā sotaghānajivhā, kāyo sabbesaṃ”ti vadanti. Apare “tejādhikānaṃ pasādo cakkhu, vivaravāyu-āpāpathavādikānaṃ pasādā sotaghānajivhākāyo”ti vadanti. Te vattabbā “suttaṃ āharathā”ti. Addhā suttameva na dakkhissanti. Keci panettha “tejādīnaṃ guṇehi rūpādīhi anuggayabhāvato”ti² kāraṇaṃ vadanti. Te ca vattabbā “ko panevamāha rūpādayo tejādīnaṃ guṇā”ti. Avinibbhogesu hi rūpesu³ “ayaṃ imassa guṇo, ayaṃ imassa guṇo”ti na labbhā vattum. Athāpi vadeyyum “yathā tesu tesu sambhāresu tassa tassa bhūtassa adhikatāya pathavī-ādīnaṃ sandhāraṇādīni kiccāni icchatha, evaṃ tejādi-adhikesu sambhāresu rūpādīnaṃ adhibhāvadassanato icchitabbametaṃ rūpādayo tesāṃ guṇā”ti. Te vattabbā “iccheyyāma, yadi āpādhikassa āsavassa gandhato pathavī-adhike kappāse gandho adhikataro siyā, tejādhikassa ca uṇhodakassa vaṇṇatopi sītūdakassa vaṇṇo parihāyetha”. Yasmā panetaṃ ubhayampi natthi, tasmā pahāyethetaṃ etesaṃ nissayabhūtānaṃ visesakappanaṃ, “yathā avisesepi ekakalāpe bhūtānaṃ rūparasādayo aññamaññaṃ visadisā honti, evaṃ cakkhupasādādayo avijjamānepi aññasmiṃ visesakāraṇe”ti gahetabbametaṃ.

Kim pana taṃ, yaṃ aññamaññaṃ asādhāraṇaṃ? Kammameva nesaṃ visesakāraṇaṃ, tasmā kammavisesato etesaṃ viseso, na bhūtavisesato. Bhūtaviseso hi sati pasādova nuppajjati. Samānānaṃhi pasādo, na visamānānanti porāṇā. Evaṃ kammavisesato visesavantesu ca etesu cakkhusotāni **asampattavisayaggāhakāni**, attano nissayaṃ anallīnanissaye eva visaye viññāṇahetuttā.

* Visuddhi 2. 74 piṭṭhepi.

2. Anuggayabhāvatoti (Sī), anuggayabhāvatoti (Syā, Ka)

1. Keci panettha (Sī)

3. Bhūtesu (Sī, Syā)

ghānajiṅhākāyā **sampattavisayaggāhakā**, nissayavasena ceva, sayañca attano nissayaṃ allīneyeva visaye viññāṇahetuttā.

Aṭṭhakathāyaṃ pana “āpāthagatattāva ārammaṇaṃ sampattaṃ nāma. Candamaṇḍalasūriyamaṇḍalānañhi dvācattālīsajojanasahassamatthake ṭhitānaṃ vaṇṇo cakkhupasādaṃ ghaṭṭeti. So dūre ṭhatvā paññāyamānopi sampattoyeva nāma, taṃgocarattā¹ cakkhu sampattagocameva nāma. Dūre rukkhaṃ chindantānampi rajakānañca vatthaṃ dhovantānaṃ dūratova kāyavikāro paññāyati, saddo pana dhātuparamparāya āgantvā sotaṃ ghaṭṭetvā saṇikaṃ vavatthānaṃ gacchatī”ti vuttaṃ.

Tattha kiñcāpi āpāthagatattā ārammaṇaṃ sampattanti vuttaṃ, candamaṇḍalādivaṇṇo pana cakkhum asampatto dūre ṭhitova paññāyati. Saddopi sace saṇikaṃ āgaccheyya, dūre uppanno cirena suyeyya², paramparaghaṭṭanāya ca āgantvā sotaṃ ghaṭṭento asukadisāya nāmāti na paññāyeyya. Tasmā asampattagocarāneva tāni.

Ahi-ādisamānāni cetāni. Yathā hi **ahi** nāma bahi sittasammatṭhaṭṭhāne nābhiramati, saṅkāraṭṭhānaṭṭhapaṇṇagahanavammikāniyeva **cakkhupetaṃ** visamajjhāsayaṃ maṭṭhesu suvaṇṇabhitti-ādisu nābhiramati, oloketumpi na icchati, rūpacittapupphalatādicittesuyeva pana abhiramati, tādisesu hi ṭhānesu cakkhumhi appahonte mukhampi vivarivā oloketukāmā honti.

Susumāropi bahi nikkhanto gahetabbaṃ na passati, akkhīni nimmīletvāva carati. Yadā pana byāmasatamattaṃ udakaṃ ogāhitvā bilaṃ pavisitvā nipanno hoti, tadā tassa cittaṃ ekaggaṃ hoti sukhaṃ supati, evameva **sotampetaṃ** bilajjhāsayaṃ ākāsasannissitaṃ kaṇṇacchiddakūpakeyeva ajjhāsayaṃ karoti, kaṇṇacchiddākāsoyeva tassa saddasavane paccayo hoti. Ajaṭākāsopi vaṭṭatiyeva. Antoleṇasmiñhi sajjhāye kariyamāne na leṇacchadanaṃ bhinditvā saddo bahi nikkhamati, dvāravātapānacchiddehi pana nikkhamitvā dhātuparamparāyeva ghaṭṭento gantvā sotapasādaṃ ghaṭṭeti.

1. Taggocarattā (Ka)

2. Sūyeyya (Sī)

atha tasmim̄ kāle “asuko nāma¹ sajjhāyati”ti leṇapiṭṭhe nisinnā jānanti.

Evam̄ sante sampattagocaratā hoti, kim̄ panetaṃ sampattagocaranti? Āma sampattagocaraṃ. Yadi evam̄ dūre bherī-ādīsu vajjamānesu “dūre saddo”ti jānanaṃ na bhaveyyāti? No na bhavati, sotapasādasmiñhi ghaṭṭite “dure saddo, āsanne saddo, paratīte, orimatīre”ti tathā tathā jānanākāro hoti, dhammatā eṣāti, kim̄ etāya dhammatāya, yato yato chiddaṃ, tato tato savanaṃ hoti, candimasūriyādīnaṃ dassanaṃ viyāti asampattagocaramevetaṃ.

Pakkhīpi rukkhe vā bhūmiyaṃ na ramati. Yadā pana ekaṃ vā dve vā leḍḍupāte atikkamma ajaṭākāsaṃ pakkhando hoti, tadā ekaggacittataṃ āpajjati, evameva **ghānampi** ākāsaṃ sājḥāsayaṃ vātūpanissayagandhagocaraṃ. Tathā hi gāvo navavuṭṭhe deve bhūmiyaṃ ghāyitvā ghāyitvā ākāśābhimukhā hutvā vātaṃ ākaḍḍhanti. Aṅgulīhi gandhapiṇḍaṃ gahetvāpi ca upasiṅghanakāle vātaṃ anākaḍḍhanto neva tassa gandhaṃ jānāti.

Kukkuropi bahi vicaranto khemaṭṭhānaṃ na passati, leḍḍupahārādīhi upadduto hoti, antogāmaṃ pavisitvā uddhanaṭṭhāne chārīkaṃ byūhitvā nipannassa pana phāsukaṃ hoti, evameva **jivhāpi** gāmajḥāsayaṃ āposannissitarasārammaṇā. Tathā hi tiyāmarattim̄ samaṇadhammaṃ katvāpi pātova pattacīvaramādāya gāmo pavisitabbo hoti. Sukkhakhādānīyassa ca na sakkā kheḷena atemitassa rasaṃ jānitum̄.

Siṅgālopi bahi caranto ratim̄ na vindati, āmakasusāne manussamaṃsaṃ khādītva nipannasseva panassa phāsukaṃ hoti, evameva **kāyopi** upādinnakajḥāsayo pathavīnissitaphoṭṭhabbārammaṇo. Tathā hi aññaṃ upādinnakaṃ alabhamānā sattā attanova hatthatale sīsaṃ katvā nipajjanti. Ajḥhattikabāhirā cassa pathavī ārammaṇaggahaṇe paccayo hoti. Susanthatassapi² hi sayanassa, hatthe ṭhapitānampi³ vā phalānaṃ na sakkā anisīdantena vā anippīlentena vā thaddhamudubhāvo jānituntī

1. Asukaṃ nāma (Sī)

2. Su-atthatassāpi (Sī), susaṇṭhitassāpi (Syā)

3. Ṭhitānampi (Sī, Syā)

ajjhattikabāhirāpathavī etassa kāyapasādassa phoṭṭhabbajānane paccayo hoti. Evaṃ lakkhaṇādivavatthānatopetesāṃ asammissatā veditabbā. Aññeyeva hi cakkhupasādassa lakkhaṇarasapaccupaṭṭhānapadaṭṭhānagocarajjhāsayanissayā, aññe sotapasādādīnanti asammissāneva cakkhāyatanādīni.

Apica nesāṃ asammissatāya ayaṃ upamāpi veditabbā. Yathā hi pañcavaṇṇānaṃ dhajānaṃ ussāpīṭānaṃ kiñcāpi chāyā ekābaddhā viya hoti, tassa tassa pana aññamaññaṃ asammissāva. Yathā ca pañcavaṇṇena kappāsena vaṭṭim katvā dīpe jālite kiñcāpi jālā ekābaddhā viya hoti, tassa tassa pana aṃsuno pāṭiyekkā pāṭiyekkā jālā asammissā eva, evameva kiñcāpi imāni pañcāyatanāni ekasmiṃ attabhāve samosaṭāni, aññamaññaṃ pana asammissāneva. Na kevalaṅca imāneva pañca, sosarūpānipi asammissāneva. Imasmiṃhi sarīre heṭṭhimakāyo majjhimakāyo uparimakāyoti tayo koṭṭhāsā. Tattha nābhito paṭṭhāya heṭṭhā heṭṭhimakāyo nāma. Tasmim kāyadasakaṃ bhāvadasakaṃ āhārasamuṭṭhānāni aṭṭha utusamuṭṭhānāni aṭṭha cittasamuṭṭhānāni aṭṭhāti catucattālīsa rūpāni. Nābhito uddham yāva galavāṭakā majjhimakāyo nāma. Tattha ca kāyadasakaṃ bhāvadasakaṃ vatthudasakaṃ āhārasamuṭṭhānādīni tīni aṭṭhakānīti catupaññāsa rūpāni. Galavāṭakato uddham uparimakāyo nāma. Tattha cakkhudasakaṃ sotadasakaṃ ghānadasakaṃ jivhādasakaṃ kāyadasakaṃ bhāvadasakaṃ āhārasamuṭṭhānādīni tīni aṭṭhakānīti caturāsīti rūpāni.

Tattha cakkhupasādassa paccayāni cattāri mahābhūtāni vaṇṇo gandho raso ojā jīvitindriyaṃ cakkhupasādoti idaṃ ekantato avinibhuttānaṃ dasannaṃ nipphannarūpānaṃ vasena cakkhudasakaṃ nāma. Iminā nayena sesānipi veditabbāni. Tesu heṭṭhimakāye rūpaṃ majjhimakāya-uparimakāyarūpehi saddhim asammissaṃ, sesakāyadvayepi rūpaṃ itarehi saddhim asammissameva. Yathā hi sāyanhasamaye pabbatacchāyā ca rukkhaccāyā ca kiñcāpi ekābaddhā viya honti, aññamaññaṃ pana asammissāva. Evaṃ imesupi kāyesu catucattālīsa catupaññāsa caturāsīti rūpāni ca kiñcāpi ekābaddhāni viya honti, aññamaññaṃ pana asammissānevāti.

616. Rūpāyatananiddese vaṇṇova **vaṇṇanibhā**, nibhātīti vā **nibhā**, cakkhuviññāṇassa pākaṭā hotīti attho, vaṇṇova nibhā **vaṇṇanibhā**. Saddhim nidassanena **sanidassanam**, cakkhuviññāṇena passitabbanti attho. Saddhim paṭighena **sappaṭigham**, paṭighaṭṭananighamaṣajanakanti attho. Nīlādīsu umāpupphasamānam **nīlam**. Kaṇikārapupphasamānam **pītakam**. Bandhujīvakapupphasamānam **lohitakam**. Osadhitāraḥsamānam **odātam**. Jhāmaṅgārasamānam **kālakam**. Mandarattam sinduvāraḥkaravīra¹ makuḷasamānam **mañjīṭhakam**. “Harittaca hemavaṇṇa, kāmam sumukha pakkamā”ti² ettha pana kiñcāpi “**harī**”ti suvaṇṇam vuttam, parato panassa jātārūpaggahaṇena gahitattā idha sāmam **hari** nāma. Imāni satta vutthum anāmasitvā sabhāveneva dassitāni.

Harivaṇṇanti haritasaddalavaṇṇam. **Ambaṅkuravaṇṇanti** ambaṅkurena samānavaṇṇam. Imāni dve vatthum āmasitvā dassitāni. **Dīghādīni** dvādasa vohārato dassitāni. So ca nesam vohāro upanidhāyasiddho ceva sannivesasiddho ca. Dīghādīni hi aññamaññam upanidhāyasiddhāni, vaṭṭādīni sannivesavisesena. Tattha rassam upanidhāya tato uccataram **dīgham**, tam upanidhāya tato nīcataram **rassam**. Thūlam upanidhāya tato khuddakataram **aṇum**, tam upanidhāya tato mahantataram **thūlam**. Cakkasaṅṭhānam **vaṭṭam**. Kukkuṭaṇḍasaṅṭhānam **parimaṇḍalam**. Catūhi amsehi yuttam **caturamsam**³ **chalaṃsādīsipi** eseva nayo. **Ninnanti** onatam. **Thalanti** unnattam.

Tattha yasmā dīghādīni phusitvā sakkā jānitum, nīlādīni panevam na sakkā, tasmā na nippariyāyena dīgham rūpāyatanam, tathā rassādīni. Tam tam nissāya pana tathā tathā ṭhitam “dīgham rassam”ti tena tena vohārena rūpāyatanamevettha bhāsītanti veditabbam. **Chāyā ātapoti** idam aññamaññaparicchinnam. Tathā **āloko andhakāro ca**. **Abbhā mahikāti**-ādīni cattāri vatthunāva dassitāni. Tattha **abbhāti** valāhako. **Mahikāti** himam. Imehi catūhi abbhādīnam vaṇṇā dassitā. **Candamaṇḍalassa vaṇṇanibhāti**-ādīhi tesam tesam pabhāvaṇṇā dassitā.

Tattha candamaṇḍalādīnam vatthūnam evam viseso veditabbo, maṇimayam rajatapaṭicchannam ekūnapaññāsajoyanāyāmaṅgavithhāram candassa devaputtassa

1. ...kaṇavīra (Sī)

2. Khu 5. 326 Vīsatinipāṭajātake.

3. Caturassam (Sī, Ka)

vimānaṃ **candamaṇḍalaṃ** nāma. Sovaṇṇamayāṃ phalikaṇḍāḍḍhannāṃ samapaṇṇāsayaṇāyāṃ avitthārāṃ sūriyassa devaputtassa vimānaṃ **sūriyamaṇḍalaṃ** nāma. Sattaratanamayāni sattaṭṭhadadasadvādasayaṇāyāṃ avitthārāni tesāṃ tesāṃ devaputtānaṃ vimānāni **tārakarūpāni** nāma.

Tattha heṭṭhā cando, sūriyo upari, ubhinnamantaram yojanaṃ hoti. Candassa heṭṭhimantato sūriyassa uparimanto yojanasataṃ hoti. Dvīsu passesu nakkhattatārakā gacchanti. Etesu pana tīsu cando dandhagamano, sūriyo sīghagamano, nakkhattatārakā sabbasīghagamanā. Kālena candimasūriyānaṃ purato honti, kālena pacchā.

Āḍasamaṇḍalanti kaṃsamayaṃ. **Maṇṭi**ti ṭhapetvā veḷuriyaṃ seso jotirasādi-anekappabhedo. **Saṅkhoti** sāmuddiko. **Muttā** sāmuddikāpi sesāpi. **Veḷuriyoti** veḷuvaṇṇamaṇi. **Jātarūpaṃ** vuccati Satthuvaṇṇo. Satthā hi suvaṇṇavaṇṇo, suvaṇṇampi Satthuvaṇṇaṃ. **Rajataṃ** vuccati “kahāpaṇo lohamāsako dārumāsako jatumāsaṃ ye vohāraṃ gacchanti”¹ti¹ vuttāṃ, taṃ sabbampi idha gahitaṃ.

“**Yam vā panaññampi**”ti iminā Pāḷi-āgataṃ ṭhapetvā sesāṃ taṭṭikapiḷotikakaṇṇikavaṇṇādibhedāṃ rūpaṃ gahitaṃ, tañhi sabbaṃ yevāpanakesu pavitṭhaṃ.

Evametāṃ nīlādīnā bhedenā bhinnampi rūpaṃ sabbaṃ lakkhaṇādīhi abhinnameva. Sabbañhetaṃ * cakkupaṭṭhanalakkhaṇaṃ **rūpaṃ**, cakkhuviññāṇassa visayabhāvarasaṃ, tasseva gocarapaccupaṭṭhānaṃ, catumahābhūtapadaṭṭhānaṃ. Yathā cetāṃ, tathā sabbānīpi upādārūpāni. Yattha pana viseso atthi, tattha vakkhāma, sesamettha cakkhāyatanaṃ niddese vuttanayeneva veditabbaṃ. Kevalañhi tattha cakkhupubbaṅgamo niddeso, idha rūpapubbaṅgamo. Tattha “cakkhumpetan”ti-ādīni cuddasa nāmāni, idha “rūpampetan”ti-ādīni tīni, sesāṃ tādisameva. Yathā hi catūhi catūhi nayehi paṭimaṇḍetvā cakkhum vavatthāpetum terasa vārā vuttā, idhāpi te tattheva vuttāti.

620. Saddāyatanaṃ niddese **bherisaddoti** mahābherīpahaṭṭabherīnaṃ saddo. **Mudīṅgasāṅkhapaṇavasaddāpi** mudīṅgādīpaccaya saddā. Gītasāṅkhāto saddo

1. Vi 10. 345 piṭṭhe.

* Visuddhi 2. 76 piṭṭhepi.

gītasaddo. Vuttāvasesānaṃ viṇādīnaṃ tantibaddhānaṃ saddo **vādītasaddo.**
Sammasaddoti kaṃsatālakaṭṭhatālasaddo. **Pāṇīsaddoti** pāṇippahārasaddo.
Sattānaṃ nigghosasaddoti bahūnaṃ sannipatitānaṃ
apaññāyamānapadabyañjananigghosasaddo. **Dhātūnaṃ sannighātasaddoti**
rukkhānaṃ aññamaññanighamaṃsanaghaṇṭikākoṭanādisaddo. Vātassa vāyato
saddo **vātasaddo.** Udakassa sandamānassa vā paṭihatassa vā saddo
udakasaddo. Manussānaṃ sallāpādisaddo **manussasaddo.** Taṃ ṭhapetvā seso
sabbopi **amanussasaddo.** Iminā padadvayena sabbopi saddo pariyādinno.
Evam santepi vaṃsaphālanapilotikaphālanādīsu pavatto Pāḷiyam
anāgatasaddo yevāpanakaṭṭhānaṃ pavīṭṭhoti veditabbo.

Evamayaṃ bherīsaddādīnā bhedenā bhinnopi saddo lakkhaṇādīhi
abhinnoyeva. Sabbopi hesa * sotapaṭihananalakkhaṇo **saddo,** sotaviññāṇassa
visayabhāvaraso, tasseva gocarapaccupaṭṭhāno. Sesam cakkhāyatanaṃiddese
vuttanayeneva veditabbaṃ. Idhāpi hi catūhi catūhi nayehi paṭimaṇḍitā terasa
vārā vuttā. Tesam attho sakkā vuttanayeneva jānitunti na vitthārito.

624. Gandhāyatanaṃiddese **mūlagandhoti** yaṃkiñci mūlaṃ paṭicca
nibbatto gandho. **Sāragandhādīsupi** eseva nayo. Asiddhadusiddhānaṃ
ḍākādīnaṃ gandho **āmakagandho.**
Macchasakalikāpūtimaṃsasamkiliṭṭhasappi-ādīnaṃ gandho **vissagandho.**
Sugandhoti iṭṭhagandho. **Duggandhoti** aniṭṭhagandho. Iminā padadvayena
sabbopi gandho pariyādinno. Evam santepi
kaṇṇakagandha¹pilotikagandhādayo Pāḷiyam anāgatā sabbepi gandhā
yevāpanakaṭṭhānaṃ pavīṭṭhāti veditabbā.

Evamayaṃ mūlagandhādīnā bhedenā bhinnopi gandho lakkhaṇādīhi
abhinnoyeva. Sabbopi hesa * ghānapaṭihananalakkhaṇo **gandho,**
ghānaviññāṇassa visayabhāvaraso, tasseva gocarapaccupaṭṭhāno. Sesam
cakkhāyatanaṃiddese vuttanayeneva veditabbaṃ. Idhāpi hi tatheva
dvipaññāsanayapaṭimaṇḍitā terasa vārā vuttā. Te atthato pākāṭāyeva.

* Visuddhi 2. 77 piṭṭhe.

1. Kaṇṇikagandha (Syā, Ka)

628. Rasāyatanaṇidde **mūlarasoti** yaṁkiñci mūlaṁ paṭicca nibbattaraso. **Khandharasādīs**upi eseva nayo. **Ambilanti** takkambilādi. **Madhuranti** ekantato gosappi-ādi. Madhu pana kasāvayuttaṁ ciraṇikkhattaṁ kasāvaṁ hoti, phāṇitaṁ khāriyuttaṁ ciraṇikkhattaṁ khāriyaṁ hoti, sappi pana ciraṇikkhattaṁ vaṇṇagandhe jahantampi rasaṁ na jahatīti tadeva ekantamadhuraṁ. **Tittakanti** nimbapaṇṇādi. **Kaṭukanti** siṅgiveramaricādi. **Loṇikanti** sāmuddikaloṇādi. **Khārikanti** vātiṅgaṇakaḷirādi. **Lambilanti**¹ badarāmalakakapiṭṭhasālavādi². **Kasāvanti** haritakādi. Ime sabbepi rasā vatthivasena vuttā. Taṁtaṁvatthuto panettha rasova ambulādīhi nāmehi vuttoti veditabbo. **Sādūti** iṭṭharaso. **Asādūti** aniṭṭharaso. Iminā padadvayena sabbopi raso pariyādinno. Evaṁ santepi leḍḍurasabhittirasapilotikarasādayo Pāliyaṁ anāgatā sabbepi rasā yevāpanakaṭṭhānaṁ pavīṭṭhāti veditabbā.

Evamayaṁ mūlarasādīnā bhedenā bhinnopi raso lakkhaṇādīhi abhinnoyeva. Sabbopi hesa * jivhāpaṭṭhānaṇalakkhaṇo **raso**, jivhāvīññāṇasa visayabhāvaraso, tasseva gocarapaccupaṭṭhāno. Sesāṁ cakkhāyatanaṇidde vuttanayeneva veditabbā. Idhāpi hi tatheva dvipaññāsanayapaṭṭimaṇḍitā terasa vārā vuttā.

632. Itthindriyaṇidde **yanti** karaṇavacanaṁ, yena kāraṇena itthiyā itthilingādīni hontīti ayamettha attho. Tattha **liṅganti** saṅṭhānaṁ. Itthiyā hi hatthapādagīvā-urādīnaṁ saṅṭhānaṁ na purisassa viya hoti. Itthīnañhi heṭṭhimakāyo visado hoti, uparimakāyo avisado. Hatthapādā khuddakā, mukhaṁ khuddakaṁ. **Nimittanti** sañjānaṁ. Itthīnañhi uramaṁsaṁ avisadaṁ hoti, mukhaṁ nimmassudāṭṭhikaṁ, kesabandhavatthaggaṇāmpī na purisānaṁ viya hoti. **Kuttanti** kiriyā. Itthiyo hi daharakāle suppakamusalakehi kīḷanti, cittadhītalikāya kīḷanti, mattikavākena³ suttakaṁ nāma kantanti. **Ākappoti** gamaṇādi-ākāro. Itthiyo hi gacchamānā avisadā gacchanti, tiṭṭhamānā, nipajjamānā, nisīdamānā, khādāmānā, bhuñjamānā avisadā bhuñjanti. Purisampi hi avisadaṁ disvā

1. Lapilakanti (Sī)

3. Mattikavākkena (Ka)

2. Badarasāḷavakapiṭṭhasālavādi (Ka)

* Visuddhi 2. 77 piṭṭhepi.

“mātugāmo viya gacchati, tiṭṭhati, nipajjati, nisīdati, khādāti, bhuñjati”ti vadanti.

Itthattam itthibhāvoti ubhayampi ekattham, itthisabhāvoti attho. Ayam kammajo paṭisandhisamuṭṭhito.¹ Itthilingādīni pana itthindriyam paṭicca pavatte samuṭṭhitāni¹. Yathā hi bīje sati bījam paṭicca bījapaccayā rukkho vaḍḍhitvā sākḥaviṭapasampanno hutvā ākāsam pūretvā tiṭṭhati, evameva itthibhāvasaṅkhāte itthindriye sati itthilingādīni honti. Bījam viya hi itthindriyam, bījam paṭicca vaḍḍhitvā ākāsam pūretvā ṭhitarukkho viya itthindriyam paṭicca itthilingādīni pavatte samuṭṭhahanti. Tattha itthindriyam na cakkhuvīññeyam, manovīññeyameva. Itthilingādīni cakkhuvīññeyānīpi manovīññeyānīpi.

Idam tam rūpaṃ itthindriyanti idam tam rūpaṃ yathā cakkhundriyādīni purisassāpi honti, na evam. Niyamato pana itthiyā eva indriyam **itthindriyam**.

633. **Purisindriyepi** eseva nayo. **Purisalingādīni** pana itthilingādīnam paṭipakkhato veditabbāni. Purisassa hi hatthapādagīvā-urādīnam saṅṭhānam na itthiyā viya hoti, purisānañhi uparimakāyo visado hoti, heṭṭhimakāyo avisado. Hatthapādā mahantā, mukham mahantam, uramaṃsam visadam, massudāṭhikā uppajjanti, kesabandhanavatthaggaṇam na itthīnam viya hoti, daharakāle ratanaṅgalādīhi kīlanti, vālikapāḷim katvā vāpim nāma khananti, vamanādīni visadāni honti, itthimpi gamanādīni visadāni kurumānam disvā “puriso viya gacchati”ti-ādīni vadanti. Sesam itthindriye vuttasadisameva.

Tattha * itthibhāvalakkhaṇam **itthindriyam**, “itthī”ti pakāsanarasam, itthilinganimittakuttākappānam kāraṇabhāvapaccupaṭṭhānam. Purisabhāvalakkhaṇam **purisindriyam**, “puriso”ti pakāsanarasam, purisalinganimittakuttākappānam kāraṇabhāvapaccupaṭṭhānam. Ubhayampetaṃ paṭhamakappikānam pavatte samuṭṭhāti, aparabhāge paṭisandhiyam. Paṭisandhisamuṭṭhitampi² pavatte calati parivattati.

1-1. Itthilingādīni pana na itthindriyam, itthindriyam paṭicca pavatte samuṭṭhitam (Sī)

2. Paṭisandhisamuṭṭhitampi pavatte samuṭṭhitañca (Ka) * Visuddhi 2. 77 piṭṭhepi.

Yathāha—

“Tena kho pana samayena aññatarassa bhikkhuno itthiliṅgaṃ pātubhūtaṃ hoti. Tena kho pana samayena aññatarissā bhikkhuniyā purisaliṅgaṃ pātubhūtaṃ hoti”¹.

Imesu pana dvīsu purisaliṅgaṃ uttamaṃ, itthiliṅgaṃ hīnaṃ, tasmā purisaliṅgaṃ balava-akusalena antaradhāyati, itthiliṅgaṃ dubbalakusalena patiṭṭhāti. Itthiliṅgaṃ pana antaradhāyantaṃ dubbala-akusalena antaradhāyati, purisaliṅgaṃ balavakusalena patiṭṭhāti. Evaṃ ubhayampi akusalena antaradhāyati, kusalena patiṭṭhātīti veditabbaṃ.

Ubhatobyañjanakassa pana kiṃ ekaṃ indriyaṃ, udāhu dveti. Ekaṃ. Tañca kho itthi-ubhatobyañjanakassa itthindriyaṃ, purisa-ubhatobyañjanakassa purisindriyaṃ. Evaṃ sante dutiyabyañjanassa abhāvo āpajjati, indriyañhi byañjanakāraṇaṃ vuttaṃ, tañcassa natthīti. Na tassa indriyaṃ byañjanakāraṇaṃ. Kasmā? Sadā abhāvato. Itthi-ubhatobyañjanakassa hi yadā itthiyā rāgacittaṃ uppajjati, tadāva purisabyañjanaṃ pākaṭaṃ hoti, itthibyañjanaṃ paṭicchannaṃ guḷhaṃ hoti. Tathā itarassa itaraṃ.

Yadi ca tesāṃ indriyaṃ dutiyabyañjanakāraṇaṃ bhaveyya, sadāpi byañjanadvayaṃ tiṭṭheyya, na pana tiṭṭhati. Tasmā veditabbametāṃ na tassa taṃ byañjanakāraṇaṃ. Kammasahāyaṃ pana rāgacittamevettha kāraṇaṃ. Yasmā cassa ekameva indriyaṃ hoti, tasmā itthi-ubhatobyañjanako sayampi gabbhaṃ gaṇhāti, parampi gaṇhāpeti. Purisa-ubhatobyañjanako paraṃ gabbhaṃ gaṇhāpeti, sayāṃ pana na gaṇhātīti.

634. Jīvitindriyaniddese yaṃ vattabbaṃ, taṃ heṭṭhā arūpajīvitindriye vuttameva. Kevalaṅhi tattha “yo tesāṃ arūpīnaṃ dhammānaṃ”^{ti} vuttaṃ, idha rūpajīvitindriyattā “**yo tesāṃ rūpīnaṃ dhammānaṃ**”^{ti}, ayameva viseso. Lakkhaṇādīni panassa evaṃ veditabbāni. * Sahajātarūpānupālanalakkhaṇaṃ **jīvitindriyaṃ**, tesāṃ pavattanarasaṃ, tesāṃ yeva ṭhapanapaccupaṭṭhānaṃ, yāpayitabbabhūtapadaṭṭhānanti.

1. Vi 1. 43 piṭṭhe.

* Visuddhi 2. 77 piṭṭhe.

635. Kāyaviññattiniddese **kāyaviññattī**ti ettha tāva kāyena attano bhāvaṃ viññāpentānaṃ tiracchānehipi purisānaṃ, purisehi vā tiracchānānampi kāyagahaṇānusārena gahitāya etāya bhāvo viññāyatīti **viññatti**. Sayam kāyagahaṇānusārena viññāyatītipi viññatti. “Kāyena saṃvaro sādhu”ti-ādūsu¹ āgato copanasāṅkhāto kāyova viññatti **kāyaviññatti**. Kāyavipphandanena adhippāyaviññāpanahetuttā, sayañca tathā viññeyyattā kāyena viññattītipi **kāyaviññatti**.

Kusalacittassa vāti-ādīsu aṭṭhahi kāmāvacarehi, abhiññācittena cāti navahi kusalacittehi **kusalacittassa vā**, dvādasahipi akusalacittehi **akusalacittassa vā**, aṭṭhahi mahākiriyehehi dvīhi ahetukakiriyehe abhiññāppattena ekena rūpāvacarakiriyehe ekādasahi kiriyacittehi **abyākatacittassa vā**. Ito aññāni hi cittāni viññattim na janenti, sekkhāsekkhaputhujjanānaṃ pana ettakeheva cittehi viññatti hotīti etesaṃ kusalādīnaṃ vasena tīhi padehi hetuto dassitā.

Idāni chahi padehi phalato dassetum “**abhikkamantassa vā**”ti-ādi vuttaṃ. Abhikkamādayo hi viññattivaseṇa pavattattā viññattiphalaṃ nāma. Tattha **abhikkamantassā**ti purato kāyaṃ abhiharantassa. **Paṭikkamantassā**ti pacchato paccāharantassa. **Ālokentassā**ti ujukaṃ pekkhantassa. **Vilokentassā**ti ito cito ca pekkhantassa. **Samiñjantassā**ti sandhayo² saṅkocentassa. **Pasārentassā**ti sandhayo paṭipañāmentassa.

Idāni chahi padehi sabhāvato dassetum “**kāyassa thambhanā**”ti-ādi vuttaṃ, tattha **kāyassā**ti sarīrassa. Kāyaṃ thambhetvā thaddham karotīti **thambhanā**. Tameva upasaggena vaḍḍhetvā **santhambhanā**ti āha. Balavataṛā vā thambhanā **santhambhanā**. **Santhambhitattanti** santhambhitabhāvo. Viññāpanavasena **viññatti**. **Viññāpanā**ti viññāpanākāro. Viññāpitabhāvo **viññāpitattam**. Sesamettha yaṃ vattabbaṃ, taṃ heṭṭhā dvārakathāyaṃ³ vuttameva, tathā vacīviññattiyaṃ.

1. Khu 1. 65 Dhammapade.

2. Sandhiyo (Syā)

3. Heṭṭhā 124 piṭṭhādīsu.

636. “**Vacīviññatti**”tipadassa pana niddesapadānañca attho tattha na vutto, so evaṃ veditabbo. Vācāya attano bhāvaṃ viññāpentānaṃ tiracchānehipi purisānaṃ, purisehi vā tiracchānānampi vacīgahaṇānusārena gahitāya etāya bhāvo viññāyatīti **viññatti**. Sayañca vacīgahaṇānusārena viññāyatītipi **viññatti**. “Sādhu vācāya saṃvaro”ti-ādīsu¹ āgatā copanasankhātā vacī eva viññatti **vacīviññatti**. Vacīghosena adhippāyaviññāpanahetuttā, sayañca tathāviññeyyattā vācāya viññattītipi **vacīviññatti**. **Vācā girāti**-ādīsu vuccatīti **vācā**. Girīyatīti **girā**. **Byappathoti** vākyabhedo. Vākyañca taṃ patho ca atthaṃ ñātukāmānaṃ, ñāpetukāmānañcātipi **byappatho**. Udīriyatīti **udīraṇaṃ**. Ghussatīti **ghoso**. Karīyatīti **kammaṃ**, ghosova kammaṃ **ghosakammaṃ**, nānappakārehi kato ghosoti attho. Vacīyā bhedo **vacībhedo**. So pana na bhaṅgo, pabhedagatā vācā evāti ñāpanatthaṃ **vācā vacībhedoti** vuttaṃ. Imehi sabbehipi padehi saddavācāva dassitā. Idāni tāya vācāya saddhīm yojetvā heṭṭhā vuttatthānaṃ viññatti-ādīnaṃ padānaṃ vasena tihākārehi sabhāvato taṃ dassetuṃ “**yā tāya vācāya viññatti**”ti-ādī vuttaṃ, taṃ heṭṭhā vuttanayattā uttānatthameva.

Idāni viññattisamuṭṭhāpakacittesu asammohatthaṃ dvattimsa, chabbīsa, ekūnavīsati, soḷasa pacchimānīti idaṃ pakiṇṇakaṃ veditabbaṃ. **Dvattimsa** cittāni hi rūpaṃ samuṭṭhāpenti, iriyāpathampi upatthambhenti, duvidhampi viññattim janenti. **Chabbīsati** viññattimeva na janenti, itaradvayaṃ karonti. **Ekūnavīsati** rūpameva samuṭṭhāpenti, itaradvayaṃ na karonti. **Soḷasa** imesu tīsu ekampi na karonti.

Tattha **dvattimsāti** heṭṭhā vuttāneva kāmāvacarato aṭṭha kusalāni, dvādasa akusalāni, kiriyato dasa cittāni, sekkhaputhujjanānaṃ abhiññācittānaṃ, khīṇāsavānaṃ abhiññācittāni. **Chabbīsāti** rūpāvacarato pañca kusalāni, pañca kiriyāni, arūpāvacarato cattāri kusalāni, cattāri kiriyāni, cattāri maggacittāni, cattāri phalacittānīti. **Ekūnavīsati**ti kāmāvacarakusalavipākato ekādasa, akusalavipākato

1. Khu 1. 65 Dhammapade.

dve, kiriyato kiriyamanodhātu, rūpāvacarato pañca vipākacittānīti. **Soḷasā**ti dve pañcaviññānāni, sabbasattānaṃ paṭisandhicittaṃ, khīṇāsavānaṃ cuticittaṃ, arūpe cattāri vipākacittānīti imāni soḷasa rūpiriyāpathaviññattīsu ekampi na karonti. Aññānīpi bahūni arūpe uppannāni anokāsagatatā rūpaṃ na samuṭṭhāpentī. Na tāneva, kāyavacīviññattiyopi¹.

637. Ākāsadhātuniddese na kassati na nikassati, kasitum² vā chinditum vā bhinditum vā na sakkāti **ākāso**. Ākāsova **ākāsagataṃ** kheḷagatādi viya, ākāsoṭi vā gatanti **ākāsagataṃ**. Na haññatīti **aghaṃ**. Aghaṭṭaniyanti attho. Aghameva **aghagataṃ**. Chiddaṭṭhena **vivaro**. Vivarova **vivaragataṃ**. **Asamphuṭṭhaṃ catūhi mahābhūte**hīti etehi asamphuṭṭhaṃ nijjaṭākāsaṃva³ kathitaṃ. Lakkhaṇādito pana * rūpaparicchadalakkhaṇā **ākāsadhātu**, rūpapariyantappakāsanarasā, rūpamariyādapaccupaṭṭhānā, asamphuṭṭhabhāvachiddavivarabhāvapaccupaṭṭhānā vā, paricchinnarūpapadaṭṭhānā, yāya paricchennesu rūpesu “idamito uddhaṃ, adho, tiriyan”ti ca hoti.

638. Ito parerūpassa **lahutādīnaṃ** niddesā “cittassa lahutā”dīsu vuttanayeneva veditabbā. Lakkhaṇādito panettha * adandhatālakkaṇā **rūpassa lahutā**, Rūpānaṃ garubhāvavinodanarasā, lahuparivattitāpaccupaṭṭhānā, lahurūpapadaṭṭhānā. Athaddhatālakkaṇā **rūpassa mudutā**, rūpānaṃ thaddhabhāvavinodanarasā, sabbakiriyāsu avirodhitāpaccupaṭṭhānā, mudurūpapadaṭṭhānā. Sarīrakiriyānukūlakammaññabhāvalakkhaṇā **rūpassa kammaññatā**, akammaññatāvinodanarasā, adubbalabhāvapaccupaṭṭhānā, kammaññarūpapadaṭṭhānā.

Etā pana tisso na aññamaññaṃ vijahanti. Evaṃ santepi yo arogino viya rūpānaṃ lahubbhāvo adandhatālahuparivattippakāro rūpadandhattakaradhātukkhobhapaṭipakkhapaccayasamuṭṭhāno, so rūpavikāro **rūpassa lahutā**. Yo suparimadditacammasseva rūpānaṃ mudubbhāvo sabbakiriyāvisesesu sarasavattanabhāvo vasavattanabhāvamaddavappakāro

1. Yāni pana kāyaviññattim samuṭṭhāpentī, tāneva vacīviññattimpīti (Sī, Syā, Ka), na tāni rūpameva, kāyavacīviññattiyopīti (?)

2. Kassitum (Sī) * Visuddhi 2. 78 piṭṭhepi.

3. Nijjaṭākāsaṃ (Sī)

rūpathaddhattakaradhātukkabhapaṭipakkhapaccayasamuṭṭhāno, so rūpavikāro **rūpassa mudutā**. Yo pana sudhantasuvaṇṇasseva rūpānaṃ kammaññabhāvo sarīrakiriyānukūlabhāvappakāro sarīrakiriyānaṃ ananukūlakara¹ dhātukkabhapaṭipakkhapaccayasamuṭṭhāno, so rūpavikāro **rūpassa kammaññatāti** evametāsaṃ viseso veditabbo.

Etā pana tissopi kammaṃ kātum na sakkoti, āhārādayova karonti. Tathā hi yogino “ajja amhehi bhojanasappāyaṃ laddhaṃ, kāyo no lahu mudu kammañño”ti vadanti. “Ajja utusappāyaṃ laddhaṃ. Ajja amhākaṃ cittaṃ ekaggaṃ, kāyo no lahu mudu kammañño”ti vadantīti.

641. Upacayasantatiniddesesu **āyatanānanti** adḍhekādasannaṃ rūpāyatanānaṃ. **Ācayoti** nibbatti. **So rūpassa upacayoti** yo āyatanānaṃ ācayo punappunaṃ nibbattamānānaṃ, sova rūpassa upacayo nāma hoti, vaḍḍhīti attho. **Yo rūpassa upacayo, sā rūpassa santatīti** yā evaṃ upacitānaṃ rūpānaṃ vaḍḍhi, tato uttaritaraṃ pavattikāle sā rūpassa santati nāma hoti, pavattīti attho. “Naditīre khatakūpasmiñhi udakuggamanakālo viya ācayo nibbatti, paripuṇṇakālo viya upacayo vaḍḍhi, ajjhottharivā gamanakālo viya santati pavattī”ti * veditabbā.

Evaṃ kiṃ kathitaṃ hotīti? Āyatanena hi ācayo kathito, ācayena āyatanānaṃ kathitaṃ. Ācayova kathito, āyatanameva kathitaṃ. Evampi kiṃ kathitaṃ hotīti? catusantatirūpānaṃ ācayo upacayo nibbatti vaḍḍhi kathitā. Atthato hi ubhayampetaṃ jātirūpasseva adhivacanaṃ. Ākāranānattena, pana veneyyavasena ca “upacayo santatī”ti uddesadesanaṃ katvā yasmā ettha atthato nānattaṃ natthi, tasmā niddese “yo āyatanānaṃ ācayo, so rūpassa upacayo. Yo rūpassa upacayo, sā rūpassa santatī”ti vuttaṃ.

Yasmā ca ubhayampetaṃ jātirūpasseva adhivacanaṃ, tasmā ettha * ācayalakkhaṇo **rūpassa upacayo**. Pubbantato rūpānaṃ ummujjāpanaraso,

* Visuddhi 2. 79 piṭṭhepi.

1. Ananukūlabhāvakara(Si)

niyyātanapaccupaṭṭhāno, paripuṇṇabhāvapaccupaṭṭhāno vā,
upacitarūpapadaṭṭhāno. Pavattilakkhaṇā rūpassa santati, anuppabandharasā,
anupacchedapaccupaṭṭhānā, anuppabandharūpapadaṭṭhānāti veditabbā.

643. Jaratānidese jīraṇakavasena jarā. Ayamettha sabhāvaniddeso.
Jīraṇākāro jīraṇatā. “Khaṇḍiccan”ti-ādayo tayo kālātikame kiccaniddesā,
pacchimā dve pakatiniddesā. Ayañhi “jarā”ti iminā padena sabhāvato dīpitā,
tenassāyaṃ sabhāvaniddeso. “Jīraṇatā”ti iminā ākāro, tenassāyaṃ
ākāraniddeso. “Khaṇḍiccan”ti iminā kālātikame¹ dantanakhānaṃ
khaṇḍitabhāvakaraṇakiccato, “pāliccan”ti iminā kesalomānaṃ
palitabhāvakaraṇakiccato, “valittacatā”ti iminā maṃsaṃ milāpetvā tace
valibhāvakaraṇakiccato dīpitā, tenassā ime “khaṇḍiccan”ti-ādayo tayo
kālātikame kiccaniddesā. Tehi imesaṃ vikārānaṃ dassanavasena
pākaṭṭhū² pākaṭṭhājarā dassitā. Yatheva hi udakassa vā aggino vā
tiṇarukkhādīnaṃ sambhaggapalibhaggatāya vā jhāmatāya vā gatamaggo
pākaṭṭho hoti, na ca so gatamaggo tāneva udakādīni, evameva jarāya
dantādīsu khaṇḍiccādivasena gatamaggo pākaṭṭho, cakkhuṃ ummīletvāpi
gayhati, na ca khaṇḍiccādīneva jarā. Na hi jarā cakkhuviññeyyā hoti.

“Āyuno saṃhāni indriyānaṃ paripāko”ti imehi pana padehi
kālātikameyeva abhibyattāya āyukkhayacakkhādi-indriyaparipākasaññitāya
pakatiyā dīpitā, tenassime pacchimā dve pakatiniddesāti veditabbā. Tattha
yasmā jaraṃ pattassa āyu hāyati, tasmā jarā “āyuno saṃhāni”ti
phalūpacārena vuttā. Yasmā ca daharakāle suppasannāni sukhumampi attano
visayaṃ sukheveva gaṇhanasamatthāni cakkhādīni indriyāni jaraṃ pattassa
paripakkāni āluṭṭhāni avisadāni oḷārikampi attano visayaṃ gahetuṃ
asamatthāni honti, tasmā “indriyānaṃ paripāko”tipi phalūpacāreneva vuttā.

Sā panāyaṃ evaṃ niddiṭṭhā sabbāpi jarā pākaṭṭhā, paṭicchannāti duvidhā
hoti. Tattha dantādīsu khaṇḍabhāvādidassanato rūpadhammesu jarā
pākaṭṭhājarā

1. Kālātikamena (Syā, Ka)

2. Pākaṭṭhū (Sī)

nāma, arūpadhammesu pana jarā tādissassa vikārassa adassanato **paṭicchannajarā** nāma. Puna avīci, savīcīti evampi duvidhā hoti. Tattha maṇikanakarajatapāvālacandimasūriyādīnaṃ viya, mandadasakādīsu pāṇīnaṃ viya ca pupphaphalapallavādīsu ca apāṇīnaṃ viya antarantarā vaṇṇavisesādīnaṃ duviññeyyattā jarā **avīcījarā** nāma, nirantarajarāti attho. Tato aññesu pana yathāvuttesu antarantarā vaṇṇavisesādīnaṃ suviññeyyattā jarā **savīcījarā** nāmāti veditabbā.

Lakkhaṇādītopi * rūparipākālakkaṇā **rūpassa jaratā**, upanayanarasā, sabhāvānapagamepi navabhāvāpagamapaccupaṭṭhānā, vīhipurāṇabhāvo viya, paripaccamānarūpapadaṭṭhānāti veditabbā.

644. Aniccatāniddese khayagamanavasena **khayo**. Vayagamanavasena **vayo**. Bhijjanavasena **bhedo**. Atha vā yasmā taṃ patvā rūpaṃ khīyati, veti, bhijjati ca, tasmā khīyati etasminti **khayo**, veti etasminti **vayo**, bhijjati etasminti **bhedo**. Upasaggavasena padaṃ vaḍḍhetvā bhedova **paribhedo**. Hutvā abhāvattṭhena na niccanti **aniccaṃ**, tassa bhāvo **aniccatā**. Antaradhāyati etthāti **antaradhānaṃ**. Maraṇaṇhi patvā rūpaṃ antaradhāyati, adassanaṃ gacchati. Na kevalaṇca rūpameva, sabbepi pañcakkhandhā. Tasmā pañcannampi khandhānaṃ aniccatāya idameva lakkhaṇanti veditabbaṃ. Lakkhaṇādīto pana * paribhedalakkhaṇā **rūpassa aniccatā**, saṃsīdanarasā, khayavayapaccupaṭṭhānā, paribhijjamānarūpapadaṭṭhānāti veditabbā.

Heṭṭhā jāti gahitā jarā gahitā, imasmim̐ ṭhāne maraṇaṃ gahitaṃ. Ime tayo dhammā imesaṃ sattānaṃ ukkhittāsikapaccāmittasadisā. Yathā hi purissassa tayo paccāmittā otāraṃ¹ gavesamānā vicareyyuṃ. Tesu eko evaṃ vadeyya “etaṃ nīharitvā aṭavipavesanaṃ mayhaṃ bhāro hotū”ti, dutiyo “aṭavigatakāle pothetvā pathaviyaṃ pātanaṃ mayhaṃ bhāro”ti, tatiyo “pathavigatakālato² paṭṭhāya asinā sīsacchedanaṃ mayhaṃ bhāro”ti, evarūpā ime jāti ādayo. Nīharitvā aṭavipavesanapaccāmittasadisā hettha jāti, tasmim̐ tasmim̐ ṭhāne nibbattāpanato. Aṭavigataṃ pothetvā pathaviyaṃ pātanaṃ paccāmittasadisā

1. Okāsaṃ (Ka)

* Visuddhi 2. 80 piṭṭhepi.

2. Pathavīpatitakālato (Ka)

jarā, nibbattakkhandhānaṃ dubbalaparādhīnamañcaparāyaṇabhāvakaraṇato. Pathavigatassa asinā sīsacchedakapaccāmittasadisaraṃ maraṇaṃ, jarāppattānaṃ khandhānaṃ jīvitakkhayaapāpanatoti.

645. Kabaḷikārāhāraniddese kabaḷaṃ kariyatīti **kabaḷikāro**¹, āhariyatīti **āhāro**, kabaḷaṃ katvā ajjhoariyatīti attho. Rūpaṃ vā āharatītipi **āhāro**. Evaṃ vatthivasena nāmaṃ uddharitvā puna vatthivasenevetamaṃ pabhedato dassetuṃ “**odano kummāso**”ti-ādi vuttaṃ. Odanādīni hi phāṇitapariyantāni dvādasa idhādhippetassa āhārasa vatthūni. Pāḷiyaṃ anāgatāni mūlaphalādīni yevāpanakaṃ pavitṭhāni.

Idāni tāni mūlaphalādīni kattabbato dassetuṃ “**yamhi yamhi janapade**”ti-ādimāha. Tattha mukhena asitabbaṃ bhuñjitabbanti **mukhāsiyaṃ**. Dantehi vikhāditabbanti² **dantavikhādanaṃ**. Galena ajjhoaritabbanti **galajjhoaraṇīyaṃ**. Idāni taṃ kiccavasena dassetuṃ “**kucchivitthambhanaṃ**”ti āha. Tañhi mūlaphalādi odanakummāsādi vā ajjhoḥaṭaṃ kucchiṃ vitthambheti, idamassa kiccaṃ. **Yāya ojāya sattā yāpentīti** heṭṭhā sabbapadehi savatthukaṃ āhāraṃ dassetvā idāni nibbaṭṭita-ojameva³ dassetuṃ idam vuttaṃ.

Kim panettha vatthussa kiccaṃ, kim ojāya? Parissayaharaṇapālanāni. Vatthu hi parissayaṃ harati, pāletuṃ na sakkoti. Ojā pāleti, parissayaṃ harituṃ na sakkoti. Dvepi ekato hutvā pāletumpi sakkonti parissayampi harituṃ. Ko panesa parissayo nāma? Kammajatejo. Antokucchiyañhi odanādivatthusmiṃ asati kammajatejo uṭṭhahitvā udaraapaṭalaṃ gaṇhāti, “chātomhi, āhāraṃ me dethā”ti vadāpeti. Bhuttakāle udaraapaṭalaṃ muñcivā vatthuṃ gaṇhāti, atha satto ekaggo hoti.

Yathā hi chāyārakkhaso chāyaṃ pavitṭhaṃ gahetvā devasaṅkhalikāya bandhitvā attano bhavane modanto chātakāle āgantvā sīse ḍaṃsati, so ḍaṭṭhattā viravati, taṃ viravaṃ sutvā “**dukkhappatto ettha atthī**”ti tato tato manussā āgacchanti, so āgatāgate gahetvā

1. Kabaḷim kāro (Syā) 2. Vikhāyitabbanti (Ka) 3. Nibbattita-ojameva (sabbattha)

khāditvā bhavane modati, evaṃsāmpadamidaṃ veditabbaṃ. Chāyārakkhaso viya hi kammajatejo, devasaṅkhalikāya bandhitvā ṭhapitasatto viya udarapaṭalam, puna āgatamanussā viya odanādivatthu, otarivā sīse ḍaṃsanam viya kammajatejassa vatthuto muttassa udarapaṭalaggahaṇam, ḍaṭṭhassa viravanakālo viya “āhāram dethā”ti vacanakālo. Tāya saññāya āgatāgate gahetvā khāditvā bhavane modanakālo viya kammajatejena udarapaṭalam muñcivā vatthusmiṃ gahite ekaggacittatā.

Tattha oḷārike vatthusmiṃ ojā mandā hoti, sukhume balavatī. Kudrūsakabhaddādiṇi hi bhuñjitvā muhutteneva chāto hoti, sappi-ādīni pivivā ṭhitassa divasampi bhattam na rucati. Ettha ca upādāyupādāya oḷārikasukhumatā veditabbā. Kumbhilānañhi¹ āhāram upādāya morānam āhāro sukhumo. Kumbhilā kira pāsāṇe gilanti, te ca nesam kucchippattā vilīyanti. Morā sappavicchikādipāṇe khādanti. Morānam pana āhāram upādāya taracchānam āhāro sukhumo. Te kira tivassachadditāni visāṇāni ceva aṭṭhīni ca khādanti, tāni ca nesam kheḷena temitamattāneva kandamūlam viya mudukāni honti. Taracchānampi āhāramupādāya hatthīnam āhāro sukhumo, te hi nānārukkhasākhādayo khādanti. Hatthīnam āhārato gavayagokaṇṇamigādīnam āhāro sukhumo, te kira nissārāni nānārukkhapaṇṇādīni khādanti. Tesampi āhārato gunnam āhāro sukhumo, te allasukkhatiṇāni khādanti. Tesampi āhārato sasānam āhāro sukhumo. Sasānam āhārato sakuṇānam āhāro sukhumo. Sakuṇānam āhārato paccantavāsīnam² āhāro sukhumo. Paccantavāsīnam āhārato gāmahojakānam āhāro sukhumo. Gāmahojakānam āhārato rājarājamahāmattānam āhāro sukhumo. Tesampi āhārato cakkavattino āhāro sukhumo. Cakkavattino āhārato bhummadevānam āhāro sukhumo. Bhummadevānam āhārato Cātumahārājikānam³ āhāro sukhumo. Evaṃ yāva

1. Kumbhilānañhi (Syā, Ka)

2. Paccantagāmahavāsīnam (Ka)

3. Cātumahārājikānam (Sī, Syā)

Paranimmitavasavattīnaṃ āhāro vitthāretabbo. Tesam panāhāro sukhumotveva niṭṭham patto.

Lakkhaṇādītopi * ojalakkhaṇo **kabaḷikāro āhāro**, rūpāharaṇaraso, upatthambhanapaccupaṭṭhāno, kabaḷam katvā āharitabbavatthupadaṭṭhānoti vedītabbo.

646. No-upādāniddese yathā upādārūpaṃ upādiyateva, na aññena upādiyati, evametam na upādiyatevāti **no-upādā**.

647. Phusitabbanti **phoṭṭhabbam**, phusitvā jānitabbanti attho. Phoṭṭhabbaṇca tam āyatanañcāti **phoṭṭhabbāyatanam**. Āpo ca tam nissattasuññatasabhāvaṭṭhena dhātu cāti **āpodhātu**. Idāni yasmā tīṇi rūpāni phusitvā jānitabbāni, tasmā tāni bājetvā dassetuṃ “**katamam tam rūpam phoṭṭhabbāyatanam? Pathavīdhātu**”ti-ādimāha. Tattha⁺ kakkhaḷattalakkhaṇaṃ **pathavīdhātu**, paṭiṭṭhānaraṣā, sampaticchanapaccupaṭṭhānā. **Tejodhātu** uṇhattalakkhaṇā, paripācanaraṣā, maddavānuppādānapaccupaṭṭhānā. **Vāyodhātu** vitthambhanalakkaṇā, samudīraṇaraṣā, abhinīhārapaccupaṭṭhānā. Purimā pana **āpodhātu** paggharaṇalakkaṇā, brūhanaraṣā, saṅghapaccupaṭṭhānā. Ekekā cettha sesattayapadaṭṭhānāti vedītabbā.

Kakkhaḷanti thaddham. **Mudukanti** athaddham. **Sanhanti** maṭṭham. **Pharusanti** kharam. **Sukhasamphassanti** sukhavedanāpaccayam iṭṭhaphoṭṭhabbam. **Dukkhasamphassanti** dukkhavedanāpaccayam aniṭṭhaphoṭṭhabbam. **Garukanti** bhāriyam. **Lahukanti** abhāriyam, sallahukanti attho. Ettha ca “kakkhaḷam mudukam saṅham pharusam garukam lahukan”ti padehi pathavīdhātu eva bhājitā. “Yadāyam kāyo āyusahagato ca hoti usmāsahagato ca viññāṇasahagato ca, tadā lahutarō ca hoti mudutarō ca kammaññatarō cā”ti¹ suttepi lahumudubhūtam pathavīdhātumeva sandhāya vuttam.

“Sukhasamphassam dukkhasamphassan”ti padadvayena pana tīṇipi mahābhūtāni bhājitāni. Pathavīdhātu hi sukhasamphassāpi atthi dukkhasamphassāpi. Tathā tejodhātuvāyodhātuyo. Tattha sukhasamphassā pathavīdhātu

* Visuddhi 2. 80 piṭṭhepi.

1. Dī 2. 267 piṭṭhe.

⁺ Visuddhi 1. 362 piṭṭhepi.

mudutaluṇahatthe dahare pāde sambāhante assādetvā assādetvā “sambāha tāta sambāha tātā”ti vadāpanākāraṃ karoti. Sukhasamphassā tejodhātu sītasamaye aṅgārapallam āharitvā gattam sedente assādetvā assādetvā “sedehi tāta, sedehi tātā”ti vadāpanākāraṃ karoti. Sukhasamphassā vāyodhātu uṇhasamaye vattasampanne dahare bījanena bījante assādetvā assādetvā “bīja tāta, bīja tātā”ti vadāpanākāraṃ karoti. Thaddhahatthe pana dahare pāde sambāhante aṭṭhīnaṃ bhijjanakālo viya hoti, sopi “apehī”ti vattabbattam āpajjati. Uṇhasamaye aṅgārapalle ābhate “apanehi nan”ti vattabbam hoti, sītasamaye bījanena bījante “apehi, mā bījā”ti vattabbam hoti, evametāsaṃ sukhasamphassatā, dukkhasamphassatā ca veditabbā.

“**Yaṃ phoṭṭhabbam anidassanam sappatighan**”ti-ādinā nayena vuttā pana catūhi catūhi nayehi paṭimaṇḍitā terasa vārā heṭṭhā rūpāyatanādīsu vuttanayeneva veditabbā.

Kim panetāni tīṇi mahābhūtāni ekappahāreneva āpātham āgacchanti, udāhu notī? Āgacchanti. Evaṃ āgatāni kāyapasādam ghaṭṭenti na ghaṭṭentīti? Ghaṭṭenti. Ekappahāreneva tāni ārammaṇam katvā kāyaviññānam uppajjati nuppajjati? Nuppajjati, ābhujitavasena vā hi ussadasena vā ārammaṇakaraṇam hoti.

Tattha ābhujitavasena tāva pattasmiñhi odanena pūretvā ābhate ekaṃ sittham gahetvā “thaddham vā mudukam vā”ti vīmaṃsanto kiñcāpi tattha tejopi atthi vāyopi atthi, pathavīdhātumeva pana ābhujati¹. Uṇhodake hattham otāretvā vīmaṃsanto kiñcāpi tattha pathavīpi atthi vāyopi atthi, tejodhātumeva pana ābhujati. Uṇhasamaye vātapānam vivaritvā vātena sarīram paharāpento ṭhito mandamande vāte paharante kiñcāpi tattha pathavīpi atthi tejopi atthi, vāyodhātumeva pana ābhujati. Evaṃ **ābhujitavasena** ārammaṇam karoti nāma.

1. Ābhujati (Si)

Yo pana upakkhalati¹ vā sīsena vā rukkham paharati, bhuñjanto vā sakkharam ḍamsati, so kiñcāpi tattha tejopi atthi vāyopi atthi, ussadavasena pana pathavīdhātumeva ārammaṇam karoti. Aggim akkamantopi kiñcāpi tattha pathavīpi atthi vāyopi atthi, ussadavasena pana tejjodhātumeva ārammaṇam karoti. Balavavāte² kaṇṇasakkhalim paharivā badhirabhāvam karonte³ kiñcāpi tattha pathavīpi atthi tejopi atthi, ussadavasena pana vāyodhātumeva ārammaṇam karoti.

Yamkiñci dhātuṃ ārammaṇam karontassa kāyaviññāṇampi ekappahārena nuppajjati, sūcikalāpena viddhassa ekappahārena kāyo ghaṭṭiyati, yasmim yasmim pana ṭhāne kāyapasādo ussanno hoti, tattha tattha kāyaviññāṇam uppajjati. Yattha yatthāpi⁴ paṭighaṭṭananighamso balavā hoti, tattha tattha pathamam uppajjati. Kukkuṭapattena vaṇe dhoviyamāne aṃsu-aṃsu kāyapasādam ghaṭṭeti. Yattha yattha pana pasādo ussanno hoti, tattha tattheva kāyaviññāṇam uppajjati. Evaṃ **ussadavasena** ārammaṇam karoti, **ussadavaseneva** ca kāyaviññāṇam uppajjati nāma.

Katham pana cittassa ārammaṇato saṅkanti hotīti? Dvīhākārehi hoti ajjhāsayato vā visayādhimattato vā. Vihārapūjādīsu hi “tāni tāni cetiyāni ceva paṭimāyo ca vandissāmi, potthakammacittakammāni ca olokessāmi”ti ajjhāsayena gato ekam vanditvā vā passitvā vā itarassa vandanatthāya vā dassanatthāya vā manam katvā vanditumpi passitumpi gacchatiyeva. Evaṃ **ajjhāsayato** saṅkamati nāma.

Kelāsakūṭapaṭibhāgam pana Mahācetiyaṃ olokeno ṭhitopi aparabhāge sabbatūriyesu paggahitesu rūpārammaṇam vissajjetvā saddārammaṇam saṅkamati, manuññagandhesu pupphesu vā gandhesu vā ābhatesu saddārammaṇam vissajjetvā gandhārammaṇam saṅkamati. Evaṃ **visayādhimattato** saṅkamati nāma.

651. Āpodhātuniddese **āpoti** sabhāvaniddeso. Āpova **āpogataṃ**.
Sinehasena **sineho**. Sinehova **sinehagataṃ**.

1. Pakkhalati (St)

3. Karonto viya hoti. (Ka), karonte viya (Syā)

2. Balavavāto (Ka)

4. Yattha yattha hi (Ka)

bandhanattam rūpassāti pathavīdhātu-ādikassa bhūtarūpassa bandhanabhāvo. Ayopiṇḍi-ādīni hi āpodhātu ābandhitvā baddhāni¹ karoti, tāya ābaddhattā tāni baddhāni nāma honti, pāsāṇapabbatātālāṭṭhihatthidantagosinḡādīsupi eseva nayo. Sabbāni hetāni āpodhātu eva ābandhitvā baddhāni karoti, āpodhātuyā ābaddhattāva baddhāni honti.

Kim pana pathavīdhātu sesadhātūnaṃ patiṭṭhā hoti, na hotīti? Hoti. Phusitvā hoti, udāhu aphasitvā, āpodhātu vā sesā ābandhamānā phusitvā ābandhati, udāhu aphasitvāti? Pathavīdhātu tāva āpodhātuyā aphasitvāva patiṭṭhā hoti, tejodhātuyā ca vāyodhātuyā ca phusitvā. Āpodhātu pana pathavīdhātumpi tejovāyodātuyopi aphasitvāva ābandhati. Yadi phusitvā ābandheyya, phoṭṭhabbāyatanam nāma bhaveyya.

Tejodhātuvāyodhātūnampi sesadhātūsu sakasakakiccakaraṇe eseva nayo. Tejodhātu hi pathavīdhātum phusitvā jhāpeti, sā pana na uṇhā hutvā jhāyati. Yadi uṇhā hutvā jhāyeyya, uṇhattalakkhaṇā nāma bhaveyya. Āpodhātum pana aphasitvāva tāpeti, sāpi tapamānā² na uṇhā hutvā tapati³. Yadi uṇhā hutvā tapeyya⁴, uṇhattalakkhaṇā nāma bhaveyya. Vāyodhātum pana phusitvāva tāpeti, sāpi tapamānā na uṇhā hutvā tapati. Yadi uṇhā hutvā tapeyya, uṇhattalakkhaṇā nāma bhaveyya. Vāyodhātu pathavīdhātum phusitvā vitthambheti. Tathā tejodhātum, āpodhātum pana aphasitvāva vitthambheti.

Ucchurasam pacitvā phāṇitapiṇḍe kariyamāne āpodhātu thaddhā hoti na hotīti? Na hoti. Sā hi paggharaṇalakkhaṇā, pathavīdhātu kakkhaḷalakkhaṇā, omattam pana āpo adhimattapathavīgatikam jātam. Sā hi rasākārena ṭhitabhāvaṃ vijahati, lakkhaṇam na vijahati. Phāṇitapiṇḍe vilīyamānepi pathavīdhātu na vilīyati. Kakkhaḷalakkhaṇā hi pathavīdhātu, paggharaṇalakkhaṇā āpodhātu, omattā pana pathavī adhimatta-āpagatikā hoti, sā piṇḍākārena ṭhitabhāvaṃ vijahati, lakkhaṇam na vijahati.

1. Thaddhāni (Sī)

3. Tappati (Sī, Syā)

2. Tappamānā (Sī, Syā)

4. Tappeyya (Sī, Syā, Ka)

catunnaṃ hi mahābhūtānaṃ bhāvaññathattameva hoti, lakkhaṇaññathattaṃ nāma natthi. Tassa abhāvo Aṭṭhānaparikappasuttena dīpito. Vuttañhetam—

“Siyā Ānanda¹ catunnaṃ mahābhūtānaṃ aññathattaṃ pathavīdhātuyā -pa- vāyodhātuyā, na tveva Buddhhe aveccappasādena samannāgatassa ariyasāvakaṃ siyā aññathattaṃ”².

Ayañhettha attho—Ānanda kakkhaḷattalakkhaṇā pathavīdhātu parivattitvā paggharaṇalakkhaṇā āpodhātu nāma bhaveyya, ariyasāvakaṃ pana aññathattaṃ nāma natthīti. Evamettha aṭṭhānaparikappo āgato.

652. Ito paresu upādinna-rūpādiniddeseṣu upādinna-padādīnaṃ attho mātīkākathāyaṃ vuttanayeneva vedītabbo. Cakkhāyatanādīni heṭṭhā vitthāritāneva, tattha tattha pana viśesamattameva vakkhāma.

Upādinna-iddese tāva cakkhāyatanādīni ekanta-upādinna-tā vuttāni. Yasmā pana rūpāyatanādīni upādinna-nipi atthi anupādinna-nipi, tasmā tāni “yaṃ vā panā”³ti saṅkhepato dassetvā puna “**kammaṃ katattā rūpāyatanan**”³ti-ādīnaṃ nayena vitthāritāni. Iminā upāyena sabbayevāpanakesu attho vedītabbo.

Kasmā pana “kammaṃ katattā”³ti ca “na kammaṃ katattā”³ti ca ubhinnaṃpi niddese jaratā ca aniccatā ca na gahitā, anupādinna-ādīnaṃyeva niddeseṣu gahitāti? “Na kammaṃ katattā”³ti ettha tāva kammato aññāpaccayasamuṭṭhānaṃ saṅgahitaṃ, “kammaṃ katattā”³ti ettha kammaṃsamūṭṭhānameva, imāni ca dve rūpāni neva kammato, na aññasmā rūpajānapaccayā uppajjanti, tasmā na gahitāni. Sā ca nesaṃ anuppatti parato³ āvibhavissati. Anupādinna-ādīsu pana kevalaṃ anupādinna-diggahaṇena kammaṃdisamuṭṭhānatā paṭikkhittā, na- aññāpaccayasamuṭṭhānatā anuññātā. Tasmā tattha gahitānīti vedītabbāni.

666. **Cittasamuṭṭhāna**-iddese “kāyaviññatti vacīviññatti”³ti idaṃ dvayaṃ yasmā ekanta-cittasamuṭṭhānāni bhūtāni upādāya paññāyati, tasmā vuttaṃ.

1. Siyā kho panānanda (sabbattha)

2. Am 1. 223 piṭṭhe.

3. Upari 376 piṭṭhe.

paramatthato pana tassa nissayabhūtāni bhūtāneva cittasamuṭṭhānāni,
taṃnissitattā, yathā aniccasa rūpassa jārāmarañam aniccaṃ nāma hoti,
evamidampi cittasamuṭṭhānam nāma jātam.

668. **Cittasahabhuniddese**pi eseva nayo. Yāva cittaṃ, tāva paññāyanato
idameva dvayaṃ vuttaṃ, na panetaṃ cittena saha bhūtāni viya, cetanādayo
viya ca uppajjati.

670. Cittānuparivattitāyapi eseva nayo. Yāva cittaṃ, tāva paññāyanato
eva hetam dvayaṃ “**cittānuparivattī**”ti vuttaṃ.

674. **Oḷārikanti** vatthārammaṇabhūtattā saṃghaṭṭanavasena¹
gahetabbato thūlam. Vuttavipallāsato **sukhumaṃ** veditabbam.

676. **Dūreti** ghaṭṭanavasena aggahetabbattā dubbhiññeyyabhāvena samīpe
ṭhitampi dūre. Itaram pana ghaṭṭanavesena gahetabbattā suviññeyyabhāvena
dūre ṭhitampi **santike**. Cakkhāyatanādininidesā heṭṭhā vuttanayeneva
vitthārato veditabbā. Idam tāva duvidhena rūpasāṅgahe visesamattam.
Tividhasaṅgaho uttānatthova.

Catukkaniddesavaṇṇanā

966. Catubbidhasaṅgahāvasāne diṭṭhādīnam pacchimapadassa
bhedābhāvena ādito paṭṭhāya puccham akatvāva “**rūpāyatanam diṭṭham**
saddāyatanam sutan”ti-ādi vuttaṃ. Tattha **rūpāyatanam** cakkhunā oloketvā
dakkhitum sakkāti **diṭṭham** nāma jātam. **Saddāyatanam** sotena sutvā jānitum
sakkāti **sutam** nāma jātam, gandhāyatanādittayam ghānājivhākāyehi patvā
gahetabbato munitvā jānitabbaṭṭhena **mutam** nāma jātam, phusitvā
viññāṇuppattikāraṇato **mutam** nāmātipi vuttaṃ. Sabbameva pana rūpam
manoviññāṇena jānitabbanti **manasā viññātam** nāma jātam.

1. Pasādaghaṭṭanavasena (Sī)

Pañcakaniddesavaṇṇanā

967. Pañcavidhasaṅgahaniddese **kakkhaḷanti** thaddham. Kharameva **kharagataṃ**, pharusanti attho. Itare dvepi sabhāvaniddesā¹ eva. **Ajjhattanti** niyakajjhataṃ. **Bahiddhāti** bāhiraṃ. **Upādinunti** na kammasamuṭṭhānameva, avisesena pana sarīraṭṭhakassetam² gahaṇaṃ. Sarīraṭṭhakañhi upādinnaṃ vā hotu anupādinnaṃ vā, ādinnagahitaparāmatṭhavasena sabbaṃ upādinnameva nāma.

969. **Tejogatanti** sabbatejesu gataṃ uṇhattalakkhaṇaṃ, tejo-eva vā tejobhāvaṃ gatanti **tejogataṃ**. **Usmāti** usmākāro. **Usmāgatanti** usmābhāvaṃ gataṃ, usmākārassevetam nāmaṃ. **Usumanti** balava-usmā. Usumameva usumabhāvaṃ gatanti **usumagataṃ**.

970. Vāyanakavasena **vāyo**. Vāyova vāyobhāvaṃ gatattā **vāyogataṃ**. **Thambhitattanti** uppalanālatacādīnaṃ viya vātapuṇṇānaṃ thambhitabhāvo rūpassa.

Chakkādiniddesavaṇṇanā

972-4. Chabbidhādisaṅgahānaṃ tiṇṇaṃ osānapadassa bhedābhāvato ādito paṭṭhāya apucchitvāva niddeso katto. Tattha cakkhuvīññāṇena jānituṃ sakkāti **cakkhuvīññeyyaṃ** -pa-. Manovīññāṇena jānituṃ sakkāti **manovīññeyyaṃ**. Tividhāya manodhātuyā jānituṃ sakkāti **manodhātuvīññeyyaṃ**. **Sabbaṃ rūpanti** ettha yasmā ekaṃ rūpampi manovīññāṇadhātuyā ajānitabbaṃ nāma natthi, tasmā “sabbaṃ rūpan”ti vuttaṃ. **Sammāsambuddhena hi abhidhammaṃ patvā nayaṃ kātuṃ yuttaṭṭhāne nayo akato nāma natthi**. Idañca ekarūpassāpi manovīññāṇadhātuyā ajānitabbassa³ abhāvena nayaṃ kātuṃ yuttaṭṭhānaṃ nāma, tasmā nayaṃ karonto “sabbaṃ rūpan”ti āha.

974. **Sukhasamphassoti** sukhavedanāpaṭilābhapaccayo. **Dukkhamphassoti** dukkhavedanāpaṭilābhapaccayo. Idhāpi phoṭṭhabbārammaṇassa sukhadukkhassa sabbhāvato ayaṃ nayo dinno.

1. Bhāvaniddesā (Sī, Ka) 2. Sarīraṭṭhakasseva (Syā, Ka) 3. Avijānitabbassa (Sī)

Navakādiniddesavaṇṇanā

975. Navake pana indriyarūpassa nāma atthitāya nayo dinno, tasseva sappaṭigha-appaṭighatāya dasake nayo dinno. Ekādasake aḍḍhekādasā āyatanāni vibhattāni, tesam niddesavārā hetṭhā vuttanayena vitthārato veditabbā. Sesam sabbattha uttānatthameva.

Pakiṇṇakakathā

Imesu pana rūpesu asammohattham samodhānam samuṭṭhānam, parinipphannañca saṅkhatanti idaṃ pakiṇṇakam veditabbanṃ.

Tattha **samodhānanti** sabbameva hidaṃ rūpaṃ samodhānato cakkhāyatanam -pa- kabalīkāro āhāro, phoṭṭhabbāyatanam, āpodhātūti pañcavīsatisaṅkhyam hoti. Tam vatthurūpena saddhim chabbīsatisaṅkhyam veditabbanṃ, ito aññam rūpaṃ nāma natthi. Keci pana “middharūpaṃ nāma atthi”ti vadanti¹, te “addhā Munīsi sambuddho, natthi nīvaraṇā tavā”ti-ādīni² vatvā “middharūpaṃ nāma natthi”ti paṭisedhetabbā. Apare “balarūpena saddhim sattavīsati, sambhavarūpena saddhim aṭṭhavīsati, jātirūpena saddhim ekūnatimsati, rogarūpena saddhim samatimsati rūpāni”ti vadanti. Tepi tesam visum abhāvam dassetvā paṭikkhipitabbā. Vāyodhātuyā hi gahitāya balarūpaṃ gahitameva, aññam balarūpaṃ nāma natthi. Āpodhātuyā sambhavarūpaṃ, upacayasantatīhi jātirūpaṃ, jaratā-aniccatāhi gahitāhi rogarūpaṃ gahitameva, aññam rogarūpaṃ nāma natthi, yopi kaṇṇarogādi ābādho, so visamapaccayasamuṭṭhitadhātumattameva, na añño tattha rogo nāma atthīti samodhānato chabbīsatimeva rūpāni.

Samuṭṭhānanti kati rūpāni katisamuṭṭhānāni? Dasa ekasamuṭṭhānāni, ekam dvisamuṭṭhānam, tīṇi tisamuṭṭhānāni, nava catusamuṭṭhānāni, dve na kenaci samuṭṭhahanti.

Tattha cakkhupasādo -pa- jīvitindriyanti imāni aṭṭha ekantaṃ kammatova samuṭṭhahanti. Kāyaviññattivacīviññattidvayam ekantena cittato samuṭṭhātīti

1. Khu 10. 272 Peṭakopadesa 20 pantiyam imassa vādassa lesa dissati

2. Khu 1. 362 piṭṭhe.

dasa ekasamuṭṭhānāni nāma. Saddo ututo ca cittato ca samuṭṭhātīti **eko dvisamuṭṭhāno** nāma. Tattha aviññāṇakasaddo ututo samuṭṭhātī, saviññāṇakasaddo cittato. Lahutādittayaṃ pana utucittāhārehi samuṭṭhātīti **tīṇi tisamuṭṭhānāni** nāma. Avasesāni nava rūpāni tehi kamma cāti catūhi samuṭṭhahantīti **nava catusamuṭṭhānāni** nāma. Jaratā aniccataṃ pana etesu¹ ekatopi na samuṭṭhahantīti **dve na kenaci samuṭṭhahanti** nāma. Kasmā? Ajāyanato, na hi etāni jāyanti. Kasmā? Jātassa pākabhedattā, uppannañhi rūpaṃ jīrati bhijjatīti avassaṃ panetaṃ sampaṭicchitabbaṃ. Na hi uppannaṃ rūpaṃ arūpaṃ vā akkhayaṃ nāma dissati. Yāva pana na bhijjati, tāvassa paripākoti siddhametaṃ jātassa pākabhedattāti. Yadi ca tāni jāyeyyūṃ, tesampi pākabhedā bhaveyyūṃ. Na ca pāko paccati, bhedo vā bhijjatīti² jātassa pākabhedattā netaṃ dvayaṃ jāyati.

Tattha siyā—yathā “kammaṃsa katattā”ti-ādiniddesesu “rūpassa upacayo, rūpassa santatī”ti vacanena jāti jāyatīti sampaṭicchitaṃ hoti, evaṃ pākopi paccatu, bhedopi bhijjatūti. Na tattha jāti jāyatīti sampaṭicchitaṃ, ye pana dhammā kammādīhi nibbattanti, tesam abhinibbattibhāvato jātiyā tappaccayabhāvavohāro anumato, na pana paramatthato jāti jāyati, jāyamānassa hi abhinibbattimattaṃ jātīti.

Tattha siyā—yatheva jāti yesam dhammānaṃ abhinibbatti, tappaccayabhāvavohāraṃ, abhinibbattivohāraṃca labhati, tathā pākabhedāpi yesam dhammānaṃ pākabhedā tappaccayabhāvavohāraṃ, abhinibbattivohāraṃca labhantu, evaṃ idampi dvayaṃ kammādisamuṭṭhānamevāti vattabbaṃ bhavissatīti? Na pākabhedā taṃ vohāraṃ labhanti. Kasmā? Janakapaccayānubhāvakkhaṇe abhāvato. janakapaccayānañhi uppādetabbadhammassa uppādakkhaṇeyeva ānubhāvo, na tato uttari. Tehi abhinibbattitadhammakkaṇasmiṃca jāti paññāyamānā tappaccayabhāvavohāraṃ, abhinibbattivohāraṃca labhati tasmim khaṇe sabbhāvato. Na itaradvayaṃ tasmim khaṇe abhāvato nevetam jāyatīti vattabbaṃ. “Jarāmarāṇaṃ bhikkhave aniccaṃ saṅkhatam paṭiccasamuppannaṃ”ti³

1. Etesam (Sī, Syā)

2. Bhedopi na ca bhijjatīti (Ka)

3. Saṃ 1. 264 piṭṭhe.

āgatattā idampi dvayaṃ jāyatīti ce? Na, pariyāyadesitattā. Tattha hi paṭiccasamuppannānaṃ dhammānaṃ jarāmaraṇattā pariyāyena taṃ paṭiccasamuppannanti vuttaṃ.

Yadi evaṃ tayampetaṃ ajātattā sasavisāṇaṃ viya natthi, nibbānaṃ viya vā niccanti ce? Na, nissayapaṭibaddhavuttito. Pathavī-ādīnañhi nissayānaṃ bhāve jāti-ādittayaṃ paññāyati, tasmā na natthi. Tesaṃca abhāve na paññāyati, tasmā na niccaṃ. Etampi ca abhinivesaṃ paṭisedhetuṃ eva idaṃ vuttaṃ “jarāmaraṇaṃ bhikkhave aniccaṃ saṅkhataṃ paṭiccasamuppannaṃ”¹. Evamādīhi nayehi tāni dve rūpāni na kehici samuṭṭhahantīti veditabbaṃ.

Apica **samuṭṭhānanti** ettha ayamaññopi attho, tassāyaṃ mātikā—kammajaṃ, kammaṭṭhānaṃ, kammaṭṭhāna-utusamuṭṭhānaṃ, āhārasamuṭṭhānaṃ, āhārapaccayaṃ, āhārapaccaya-utusamuṭṭhānaṃ, utusamuṭṭhānaṃ, utupaccayaṃ, utupaccaya-utusamuṭṭhānaṃ, cittasamuṭṭhānaṃ, cittaṭṭhānaṃ, cittaṭṭhāna-utusamuṭṭhānanti.

Tattha cakkhupasādādi aṭṭhavidhaṃ rūpaṃ saddhiṃ hadayaṭṭhūnā **kammajaṃ** nāma. Kesamassu hatthidantā assavālā camaravālāti² evamādi **kammaṭṭhānaṃ** nāma. Cakkaratanaṃ devatānaṃ uyyānavimānādīni evamādi **kammaṭṭhāna-utusamuṭṭhānaṃ** nāma.

Āhārato samuṭṭhitaṃ suddhaṭṭhakaṃ **āhārasamuṭṭhānaṃ** nāma. Kabaḷikāro āhāro dvinnampi rūpasantatīnaṃ paccayo hoti āhārasamuṭṭhānaṃ ca upādinnassa ca. Āhārasamuṭṭhānaṃ janako hutvā paccayo hoti, kammajassa anupālako hutvāti idaṃ āhāranupālitaṃ kammajarūpaṃ **āhārapaccayaṃ** nāma. Visabhāgāhāraṃ sevivā ātape gacchantassa³ tilakakāḷakuṭṭhādīni uppajjanti, idaṃ **āhārapaccaya-utusamuṭṭhānaṃ** nāma.

Ututo samuṭṭhitaṃ suddhaṭṭhakaṃ **utusamuṭṭhānaṃ** nāma. Tasmim utu aññaṃ aṭṭhakaṃ samuṭṭhāpeti, idaṃ **utupaccayaṃ** nāma. Tasmimpi utu aññaṃ aṭṭhakaṃ samuṭṭhāpeti, idaṃ **utupaccaya-utusamuṭṭhānaṃ** nāma. Evaṃ tissoyeva santatiyo ghaṭṭetuṃ sakkoti, na tato paraṃ. Imamatthaṃ anupādinnakenāpi dīpetuṃ vaṭṭati. Utusamuṭṭhāno nāma valāhako. Utupaccayā

1. Saṃ 1. 264 piṭṭhe.

2. Cāmarivālāti (Ka)

3. Vasantassa (Ka)

nāma vuṭṭhidhārā. Deve pana vuṭṭhe bijāni virūhanti, pathavī gandham muñcati, pabbatā nīlā khāyanti, samuddo vaḍḍhati, etaṃ **utupaccaya-utusamuṭṭhānaṃ** nāma.

Cittato samuṭṭhitaṃ suddhaṭṭhakaṃ **cittasamuṭṭhānaṃ** nāma. “Pacchājātā cittacetāsikā dhammā purejātassa imassa kāyassa pacchājātāpaccayena paccayo”¹ idaṃ cittaṭṭhānaṃ nāma. “Ākāse antalikkhe hatthimpi dassenti, assampi dassenti, rathampi dassenti, vividhampi senābyūhaṃ dassenti”² idaṃ **cittapaccaya-utusamuṭṭhānaṃ** nāma.

Parinipphannanti pannarassa rūpāni parinipphannāni nāma, dasa aparinipphannāni nāma. Yadi aparinipphannā, asaṅkhatā nāma bhavēyyuṃ, tesamēveva pana rūpānaṃ kāyavikāro kāyaviññatti nāma, vacīvikāro vacīviññatti nāma. Chiddaṃ vivaraṃ ākāśadhātu nāma, lahubhāvo lahutā nama, mudubhāvo mudutā nāma, kammaññabhāvo kammaññatā nāma, nibbatti upacayo nāma, pavatti santati nāma, jīraṇākāro jaratā nāma, hutvā abhāvākāro aniccatā nāmāti sabbaṃ parinipphannaṃ saṅkhatameva hotīti.

Aṭṭhasālīniyā Dhammasaṅgaha-aṭṭhakathāya

Rūpakaṇḍavaṇṇanā niṭṭhitā.

1. Abhi 8. 7 piṭṭhe Paṭṭhāne.

2. Khu 9. 391 piṭṭhe Paṭisambhidāmagge.

3. Nikkhepaṇḍa

Tikanikkhepakathā

985. Ettāvatā kusallattiko sabbesaṃ kusalādidhammānaṃ padabhājananayena vitthārito hoti. Yasmā pana yvāyaṃ kusallattikassa vibhajanāyā vutto, sesatikadukānampi eseva vibhajanāyā hoti. Yathā hi ettha, evaṃ “katame dhammā sukhāya vedanāya sampayuttā, yasmim̃ samaye kāmāvacaraṃ kusalaṃ cittaṃ uppannaṃ hoti somanassasahagataṃ nāṇasampayuttaṃ rūpārammaṇaṃ vā -pa-. Ye vā pana tasmim̃ samaye aññepi atthi paṭiccasamuppannā arūpino dhammā ṭhapetvā vedanākkhandhaṃ, ime dhammā sukhāya vedanāya sampayuttā”ti-ādinā anukkamena sabbatikadukesu sakkā paṇḍitehi vibhajanāyāyaṃ sallakkhetuṃ. Tasmā taṃ vitthāradesanaṃ nikkhipitvā aññena nātisaṅkhepanātivitthāranayena sabbatikadukadhammavibhāgaṃ dassetuṃ “**katame dhammā kusalā**”ti Nikkhepaṇḍaṃ āradhāma.

Cittuppadakaṇḍaṃhi vitthāradesanā, Aṭṭhakathākaṇḍaṃ saṅkhepadesanā, idaṃ pana Nikkhepaṇḍaṃ Cittuppadakaṇḍaṃ upādāya saṅkhepo, Aṭṭhakathākaṇḍaṃ upādāya vitthāroti saṅkhittavitthāradhātukaṃ¹ hoti. Tayidaṃ vitthāradesanaṃ nikkhipitvā desitattāpi heṭṭhā vuttakāraṇavasenaṃpi Nikkhepaṇḍaṃ nāmāti veditabbaṃ. Vuttañhetā—

“Mūlato khandhato cāpi, dvārato cāpi bhūmito.

Atthato dhammato cāpi, nāmato cāpi liṅgato.

Nikkhipitvā desitattā, ‘nikkhepo’ti pavuccatī”ti².

Idaṃhi “tīṇi kusalamūlāni”ti-ādinā nayena **mūlato** nikkhipitvā desitaṃ, “taṃsampayutto vedanākkhandho”ti **khandhato**, “taṃsamuṭṭhānaṃ kāyakammaṃ”ti **dvārato**, kāyadvārappavattaṃhi kammaṃ kāyakammanti vuccati. “Sukhabhūmiyaṃ kāmāvacare”ti **bhūmito** nikkhipitvā desitaṃ. Tattha tattha pana **atthadhammanāmaliṅgānaṃ** vasena desitattā atthādīhi³ nikkhipitvā desitaṃ nāmāti veditabbaṃ.

1. Nātisaṅkhittavittāradhātukaṃ (Syā, Ka)

2. Heṭṭhā 7 piṭṭhe.

3. Atthādīni (Sī, Syā, Ka)

Tattha kusalapadaniddese tāva **tiṇṇī** gaṇanaparicchedo, kusalāni ca tāni mūlāni ca, kusalānaṃ vā dhammānaṃ hetupaccayapabhavajanakasamuṭṭhānanibbattakaṭṭhena mūlānīti **kusalāmūlāni**. Evaṃ atthavasena dassetvā idāni nāmasasena dassetuṃ “**alobho adoso amoho**”ti āha. Ettāvata yasmā mūlena muttaṃ kusalaṃ nāma natthi, tasmā catubhūmakakusalaṃ tīhi mūlehi pariyādiyitvā dassesi Dhammarājā. **Taṃsampayutto**ti tehi alobhādīhi sampayutto, tattha alobhena sampayuttasaṅkhārakkhandhagaṇanaṃyeva¹ gacchanti. Sesadvayasena sampayogepi eseva nayo. Iti catubhūmakakusalaṃ puna taṃsampayuttakacatukkhandhavasena pariyādiyitvā dassesi Dhammarājā. **Taṃsamuṭṭhānanti** tehi alobhādīhi samuṭṭhitaṃ. Imināpi nayena tadeva catubhūmakakusalaṃ tiṇṇaṃ kammadvārānaṃ vasena pariyādiyitvā dassesi Dhammarājā. Evaṃ tāva kusalaṃ tīsu ṭhānesu pariyādiyitvā dassitaṃ.

986. Akusalepi eseva nayo. Dvādasannañhi akusalacittānaṃ ekampi mūlena muttaṃ nāma natthīti mūlena pariyādiyitvā dassesi Dhammarājā. Taṃsampayuttacatukkhandhato ca uddhaṃ akusalaṃ nāma natthīti tāneva dvādasa akusalacittāni catukkhandhavasena pariyādiyitvā dassesi Dhammarājā. Kāyakammādivasena pana nesam pavattisabbhāvato kammadvāravasena pariyādiyitvā dassesi Dhammarājā. Yaṃ panettha “**tadekaṭṭhā ca kilesā**”ti-ādi vuttaṃ, tattha ekasmiṃ citte, puggale vā ṭhitanti **ekakṭṭhaṃ**. Tattha ekasmiṃ citte ṭhitaṃ sahaṃjekaṭṭhaṃ nāma hoti, ekasmiṃ puggale ṭhitaṃ pahānekaṭṭhaṃ nāma. Tena lobhādīnā, aññena vā tattha tattha niddiṭṭhena saha ekasmiṃ ṭhitanti **tadekaṭṭhaṃ**. Tattha “katame dhammā saṅkiliṭṭhasaṅkilesikā? Tīṇi akusalāmūlāni lobho doso moho tadekaṭṭhā ca kilesā”ti saṅkiliṭṭhattike, “katame dhammā hīnā? Tīṇi akusalāmūlāni lobho doso moho tadekaṭṭhā ca kilesā”ti hīnattike, “katame dhammā akusalā? Tīṇi akusalāmūlāni lobho doso moho tadekaṭṭhā ca kilesā”ti

1. Saṅkhārakkhandhagaṇanaṃyeva (Sī, Syā)

imasmiṃ kusalattike, “katame dhammā saṃkiliṭṭhā? Tīṇi akusalamūlāni lobho doso moho tadekaṭṭhā ca kilesā”ti kilesagocchake, “katame dhammā saraṇā? Tīṇi akusalamūlāni lobho doso moho tadekaṭṭhā ca kilesā”ti saraṇaduketi imesu ettakesu ṭhānesu **sahajekaṭṭham** āgataṃ.

Dassanena pahātabbattike pana “imāni tīṇi saṃyojanāni tadekaṭṭhā ca kilesā”ti, dassanenapahātabbattetukattikepi “imāni tīṇi saṃyojanāni tadekaṭṭhā ca kilesā”ti, puna tattheva “tīṇi saṃyojanāni sakkāyadiṭṭhi vicikicchā sīlabbataparāmāso, ime dhammā dassanenapahātabbā. Tadekaṭṭho lobho doso moho, ime dhammā dassanenapahātabbhetū. Tadekaṭṭhā ca kilesā taṃsampayutto vedanākkhandho -pa- viññāṇakkhandho taṃsamuṭṭhānaṃ kāyakammaṃ vacīkammaṃ manokammaṃ, ime dhammā dassanenapahātabbhetukā”ti, Sammappadhānavibhaṅge “tatha katame anuppannā pāpakā akusalā dhammā? Tīṇi akusalamūlāni lobho doso moho, tadekaṭṭhā ca kilesā”ti¹ imesu pana ettakesu ṭhānesu **pahānekaṭṭham** āgataṃti veditabbaṃ.

987. Abyākatapadaniddeso uttānatthoyevāti. Imasmiṃ tike tīṇi lakkhanāni, tisso paññattiyo, kasiṇugghāṭimākāsaṃ, ajaṭākāsaṃ, ākiñcaññāyatanassa ārammaṇaṃ, nirodhasamāpatti ca na labbhatīti vuttaṃ.

988. **Vedanāttikaniddese sukhabhūmiyanti** ettha yathā tambabhūmi kaṇhabhūmīti tambakaṇhabhūmiyova vuccanti, evaṃ sukhampi sukhabhūmi nāma. Yathā ucchubhūmi sālibhūmīti ucchusālīnaṃ uppajjanaṭṭhānāni vuccanti, evaṃ sukhasa uppajjanaṭṭhānaṃ cittampi sukhabhūmi nāma, taṃ idha adhippetāṃ. Yasmā pana sā kāmāvacare vā hoti rūpāvacarādīsu vā, tasmāsaṃ taṃ pabhedāṃ dassetuṃ “**kāmāvacare**”ti-ādi vuttaṃ. **Sukhavedanaṃ ṭhapetvāti** yā sā sukhabhūmiyaṃ sukhavedanā, taṃ ṭhapetvā. **Taṃsampayuttoti** tāya² ṭhapitāya sukhavedanāya sampayutto. Sesapadadvayepi imināva nayena attho veditabboti.

1. Abhi 2. 216 piṭṭhe.

2. Tāyeva (Sī)

Imasmiṃ tike tisso vedanā sabbaṃ rūpaṃ nibbānanti idampi na labbhati. Ayañhi tiko kusalattike ca alabbhamānehi, imehi ca tīhi koṭṭhāsehi muttako nāma. Ito paresu pana tikadukesu Pāḷito ca atthato ca yaṃ vattabbaṃ siyā, taṃ sabbaṃ padānukkamena mātikākathāyañceva kusalādīnaṃ niddese ca vuttameva. Yaṃ pana yattha visesamattaṃ, tadeva vakkhāma.

991. Tattha **vipākattike** tāva kiñcāpi arūpadhammā rūpadhammāpi kammasamuṭṭhānā atthi, anārammaṇattā pana te kammasarikkhakā na hontīti sārammaṇā arūpadhammāva kammasarikkhakattā “vipākā”ti vuttā bījasarikkhakaṃ phalaṃ viya. Sālibījasmiñhi vapite aṅkurapattādīsu nikkhantesupi “sāliphalaṃ”ti na vuccati, yadā pana sālīsīsaṃ pakkaṃ hoti pariṇataṃ, tadā bījasarikkhako sāli eva “sāliphalaṃ”ti vuccati, aṅkurapattādīni pana bījajātāni bījato nibbattānīti vuccanti. Evameva rūpampi “kammajan”ti vā “upādinnan”ti vā vattuṃ vaṭṭati.

994. **Upādinnattike** kiñcāpi khīṇāsavassa khandhā “amhākaṃ Mātulatthero, amhākaṃ Cūḷapitutthero”ti vadantānaṃ paresaṃ upādānassa paccayā honti, maggaphalanibbānāni pana aggahitāni aparāmaṭṭhāni anupādinnāneva. Tāni hi yathā divasaṃ santatto¹ ayogoḷo makkhikānaṃ abhinisīdanassa paccayo na hoti, evameva tejussadattā taṇhāmānadiṭṭhivasena gahaṇassa paccayā na honti. Tena vuttaṃ “ime dhammā anupādinna-anupādāniyā”ti.

998. Asaṃkiliṭṭha-asamkilesikesupi eseva nayo.

1000. **Vitakkattike** vitakkasahajātena vicārena saddhiṃ kusalattike alabbhamānāva na labbhanti.

1003. **Pītisahagattike** pīti-ādayo attanā sahajātadhammānaṃ pītisahagatādibhāvaṃ datvā sayam piṭṭhivaṭṭakā jātā. Imasmiñhi tike dve

1. Divasasantatto (Sī)

domanassasahagatacittuppādā dukkhasahagataṃ kāyaviññāṇaṃ
upekkhāvedanā rūpaṃ nibbānanti idampi na labbhati. Ayañhi tiko
kusalattike ca alabbhamānehi, imehi ca pañcahi koṭṭhāsehi muttako nāma.

1006. **Dassanenapahātabbattike saññojanānī**ti bandhanāni.
Sakkāyadiṭṭhīti vijjamānaṭṭhena sati khandhapañcakasañkhāte kāye, sayam
vā satī tasmim kāye diṭṭhīti **sakkāyadiṭṭhi**. Sīlena sujjhitaṃ sakkā, vatena
sujjhitaṃ sakkā, sīlavatehi sujjhitaṃ sakkāti gahitasamādānaṃ pana
sīlabbataparāmāso nāma.

1007. **Idhā**ti desāpadese nipāto. Svāyaṃ katthaci lokaṃ upādāya
vuccati. Yathāha “idha Tathāgato loke uppajjati”¹. Katthaci sāsanaṃ.
Yathāha “idheva bhikkhave samaṇo, idha dutiyo samaṇo”². Katthaci
okāsaṃ. Yathāha—

“Idheva tiṭṭhamānassa, devabhūtaṃ me sato.
Punarāyu ca me laddho, evaṃ jānāhi mārisā”³.

Katthaci padapūraṇamattameva. Yathāha “idhāhaṃ bhikkhave bhuttāvī
assaṃ pavārito”⁴. Idha pana lokaṃ upādāya vuttoti veditabbā.

Assutavā puthujjanoti ettha pana āgamādhigamābhāvā ñeyyo assutavā
iti. Yassa hi khandhadhātu-āyatanapaccayākārasatiṭṭhānādīsu
uggahaparipucchāvinicchayarahitattā diṭṭhipaṭisedhako n’eva āgamo,
paṭipattiyā adhigantabbassa anadhigatattā n’eva adhigamo atthi, so
āgamādhigamābhāvā ñeyyo assutavā iti. Sv’āyaṃ—

* Puthūnaṃ jananādīhi, kāraṇehi puthujjano.
Puthujjanantogadhattā, puthuvāyaṃ jano iti.

So hi puthūnaṃ nānappakārānaṃ kilesādīnaṃ jananādīhi kāraṇehi
puthujjano. Yathāha—puthu⁵ kilese janentīti puthujjanā, puthu
avihatasakkāyadiṭṭhikāti puthujjanā, puthu Satthārānaṃ mukhullokikāti⁶

1. Di 1. 58 piṭṭhādīsu.

2. Ma 1. 92; Am 1. 560 piṭṭhesu.

3. Dī 2. 227 piṭṭhe.

4. Ma 1. 16 piṭṭhe.

* Dī-Ṭṭha 1. 59; Ma-Ṭṭha 1. 21; Saṃ-Ṭṭha 1. 245; Am-Ṭṭha 1. 46; Paṭisaṃ-Ṭṭha
2. 50; Cūḷaniddesa-Ṭṭha 69; Netti-Ṭṭha 157 piṭṭhesu.

5. Puthū (Syā)

6. Mukhamullokikāti (Ka)

puthujjanā, puthu sabbagatīhi avuṭṭhitāti puthujjanā, puthu nānābhisaṅkhāre abhisaṅkharontīti puthujjanā, puthu nānā-oghehi vuyhantīti puthujjanā, puthu nānāsantāpehi santappantīti puthujjanā, puthu nānāpariḷāhehi pariḍayhantīti puthujjanā, puthu pañcasu kāmagaṇesu rattā giddhā gadhitā mucchitā ajjhosannā¹ laggā laggitā² palibuddhāti puthujjanā, puthu pañcahi nīvaraṇehi āvutā nivutā ovutā³ pihitā paṭicchannā paṭikujjitāti puthujjanā”ti⁴. Puthūnaṃ vā gaṇanapathamatītānaṃ ariyadhammaparammukhānaṃ nīcadhammasamācārānaṃ janānaṃ antogadhattāpi puthujjanā, puthu vā ayaṃ, visumyeva saṅkhyamgato, visaṃsaṭṭho sīlasutādiguṇayuttehi ariyehi janotipi puthujjano. Evametehi “assutavā puthujjano”ti dvīhi padehi ye te—

“Dve puthujjanā vuttā, Buddhenādiccabandhunā.
Andho puthujjano eko, kalyāṇeko puthujjano”ti.

Dve puthujjanā vuttā, tesu andhaputhujjano vutto hotīti veditabbo.

Ariyānaṃ adassāvīti-ādīsu **ariyāti**⁵ ārakattā kilesehi, anaye na iriyanato, aye iriyanato, sadevakena lokena ca araṇīyato Buddhā ca Paccekabuddhā ca Buddhasāvakā ca vuccanti, Buddhā eva vā idha ariyā. Yathāha “sadevake bhikkhave loke -pa- Tathāgato ariyoti vuccatī”ti⁶.

Sappurisāti ettha pana Paccekabuddhā, Tathāgatasāvakā ca “sappurisā”ti veditabbā. Te hi lokuttaraguṇayogena sobhanā purisāti **sappurisā**. Sabbeva vā ete dvedhāpi vuttā. Buddhāpi hi ariyā ca sappurisā ca Paccekabuddhā Buddhasāvakāpi. Yathāha—

“Yo ve kataññū katavedi dhīro,
Kalyāṇamitto daḷhabhatti ca hoti.
Dukhitassa sakkacca karoti kiccaṃ,
Tathāvidhaṃ sappurisaṃ vadantī”ti⁷.

1. Ajjhopannā (Sī), ajjhāpannā (Syā)

2. Lagitā (Sī)

3. Ophuṭā (Syā)

4. Khu 7. 192 piṭṭhe.

5. Ariyā nāma (Ka)

6. Saṃ 3. 381 piṭṭhe.

7. Khu 6. 10 Jātaka.

“**Kalyānamitto daḷhabhatti ca hoti**”ti ettāvata hi Buddhasāvako vutto, **kataññūtādīhi** Paccekabuddhā Buddhāti. Idāni yo tesam ariyānam adassanasīlo, na ca dassane sādhu-kārī, so **ariyānam adassāvī**ti veditabbo. So cakkhunā adassāvī, ñāṇena adassāvīti duvidho, tesu ñāṇena adassāvī idha adhippeto. Mamsacakkhunā, hi dibbacakkhunā vā ariyā diṭṭhāpi adiṭṭhāva honti, tesam cakkhūnam vaṇṇamattaggahaṇato, na ariyabhāvagocarato. Soṇasiṅgālādayopi cakkhunā ariye passanti, na ca te ariyānam dassāvino.

Tatridam vatthu—Cittalapabbatavāsino kira khīṇāsavatttherassa upaṭṭhāko vuḍḍhapabbajito ekadivasam therena saddhim piṇḍāya caritvā therassa pattacīvaram gahetvā piṭṭhito āgacchanto theram pucchi “ariyā nāma bhante kīdisā”ti. Thero āha “idhekacco mahallako ariyānam pattacīvaram gahetvā vattapaṭipattim¹ katvā saha carantopi neva ariye jānāti, evamdujjānāvuso ariyā”ti. Evam vuttepi so neva aññasi. Tasmā na cakkhunā dassanam dassanam, ñāṇadassanameva dassanam. Yathāha “kim te Vakkali iminā pūtikāyena diṭṭhena, yo kho Vakkali dhammam passati, so mam passati”ti². Tasmā cakkhunā passantopi ñāṇena ariyehi diṭṭham aniccādilakkhaṇam apassanto, ariyādhigatañca dhammam anadhigacchanto ariyakaradhammanam, ariyabhāvassa ca adiṭṭhattā “ariyānam adassāvī”ti veditabbo.

Ariyadhammassa akovidoti satipaṭṭhānādibhede ariyadhamme akusalo. **Ariyadhamme avinītoti** ettha pana—

Duvidho vinayo nāma, ekamekettha pañcadhā.

Abhāvato tassa ayaṃ, “avinīto”ti vuccati.

Ayañhi samvaravinayo pahānavinayoti duvidho vinayo. Ettha ca duvidhepi vinaye ekameko vinayo pañcadhā bhijjati. **Samvaravinayopi** hi sīlasamvaro satisamvaro ñāṇasamvaro khantisamvaro vīriyasamvaroti pañcavidho. **Pahānavinayopi** tadanāpahanam vikkhambhanapahanam samucchadapahanam paṭippassaddhipahanam nissaraṇapahananti pañcavidho.

1. Vattapaṭivattam (Sī, Syā)

2. Sam 2. 98 piṭṭhe.

Tattha “iminā pātimokkhasaṃvarena upeto hoti samupeto”¹ti¹ ayaṃ **sīlasaṃvaro**. “Rakkhati cakkhundriyaṃ, cakkhundriye saṃvaram āpajjati”²ti² ayaṃ **satisaṃvaro**.

“Yāni sotāni lokasmiṃ, (Ajitāti Bhagavā)
Sati tesam nivāraṇaṃ.
Sotānaṃ saṃvaram brūmi,
Paññāyete pidhīyare”³—

Ayaṃ **ñāṇasaṃvaro** nāma. “Khamo hoti sītassa uṇhassā”⁴ti⁴ ayaṃ **khantisāṃvaro**. “Uppannaṃ kāmavitakkaṃ nādhivāseti”⁵ti⁵ ayaṃ **vīriyasaṃvaro**.

Sabbopi cāyaṃ saṃvaro yathāsakaṃ saṃvaritabbānaṃ, vinetabbānaṃca kāyaduccaritādīnaṃ saṃvaraṇato “saṃvaro”, vinayanato “vinayo”⁶ti vuccati. Evaṃ tāva saṃvaravinayo pañcadhā bhijjatīti veditabbo.

Tathā yaṃ nāmarūpaparicchedādīsu vipassanāññāṇesu paṭipakkhabhāvato dīpālokeneva tamassa, tena tena vipassanāññāṇena tassa tassa anattassa pahānaṃ. Seyyathidaṃ—nāmarūpavavatthānena sakkāyadiṭṭhiyā, paccayapariggahena ahetuvisamahetudiṭṭhīnaṃ, tasseva aparabhāgena kaṅkhāvitaraṇena kathaṃkathibhāvassa, kalāpasammasanena “ahaṃ, mamā”⁷ti gāhassa, maggāmaggavavatthānena amagge maggasaññāya, udayadassanena ucchedadiṭṭhiyā, vayadassanena sassatadiṭṭhiyā, bhayadassanena sabhaye abhayasaññāya, ādīnavadassanena assādasaññāya, nibbidānupassanāya abhiritisaññāya, muñcitukamyatāññāṇena amuñcitukāmatāya, upekkhāññāṇena anupekkhāya, anulomena dhammaṭṭhitiyaṃ, nibbāne ca paṭilomabhāvassa, gotrabhunā saṅkhāranimittaggāhassa pahānaṃ. Etaṃ **tadaṅgapahānaṃ** nāma.

Yaṃ pana upacārappanābhedenā samādhinā pavattibhāvanivāraṇato ghaṭappahāreneva udakapiṭṭhe sevālassa tesam tesam nīvaraṇādidhammānaṃ pahānaṃ, etaṃ **vikkhambhanapahānaṃ** nāma. Yaṃ catunnaṃ ariyamaggānaṃ bhāvitattā

1. Abhi 2. 255 piṭṭhe. 2. Dī 1. 66; Ma 1. 238; Saṃ 2. 384; Aṃ 1. 111 piṭṭhādīsu.

3. Khu 1. 434 piṭṭhe. 4. Ma 1. 14; Aṃ 2. 433; Aṃ 3. 341 piṭṭhesu.

5. Ma 1. 14; Aṃ 2. 432; Aṃ 3. 342 piṭṭhesu.

taṃtaṃmaggavato attano attano¹ santāne “diṭṭhigatānaṃ pahānāyā”ti-ādinā² nayena vuttassa samudayapakkhikassa kilesagaṇassa accantaṃ appavattibhāvena pahānaṃ idaṃ **samucchedapahānaṃ** nāma. Yaṃ pana phalakkhaṇe paṭippassaddhattaṃ kilesānaṃ, etaṃ **paṭippassaddhipahānaṃ** nāma. Yaṃ sabbasaṅkhatanissaṭṭhā pahīnasabbasaṅkhatānaṃ nibbānaṃ, etaṃ **nissaraṇapahānaṃ** nāma. Sabbampi cetānaṃ pahānaṃ yasmā cāgaṭṭhena pahānaṃ, vinayanaṭṭhena vinayo. Tasmā “pahānavinayo”ti vuccati. Taṃtaṃpahānavato vā tassa tassa vinayassa sambhavatopetaṃ “pahānavinayo”ti vuccati. Evaṃ pahānavinayopi pañcadhā bhijjati veditabbo.

Evamayaṃ saṅkhepato duvidho, bhedato ca dasavidho vinayo bhinnasaṃvarattā, pahātabbassa ca appahīnattā yasmā etassa assutavato puthujjanassa natthi, tasmā abhāvato tassa ayaṃ avinīto”ti vuccatīti. Esa nayo **sappurisānaṃ adassāvī sappurisdhammassa akovido sappurisdhamme avinītoti** etthāpi. Ninnānākaraṇaṅhetānaṃ atthato. Yathāha “yeva te ariyā, teva te sappurisā. Yeva te sappurisā, teva te ariyā. Yo eva so ariyānaṃ dhammo, so eva so sappurisānaṃ dhammo. Yo eva so sappurisānaṃ dhammo, so eva so ariyānaṃ dhammo. Yeva te ariyavinayā, teva te sappurisasavinayā. Yeva te sappurisasavinayā, teva te ariyavinayā. Ariyeti vā sappuriseti vā, ariyadhammeti vā sappurisdhammeti vā, ariyavinayeti vā sappurisasavinayeti vā esese eke ekaṭṭhe same samabhāge tājāte taññevā”ti.

Rūpaṃ attato samanupassatīti idhekacco rūpaṃ attato samanupassati, “yaṃ rūpaṃ, so ahaṃ. Yo ahaṃ, taṃ rūpaṃ”ti rūpaṅca attānaṅca advayaṃ samanupassati. Seyyathāpi nāma telappadīpassa jhāyato “yā acci, so vaṇṇo. Yo vaṇṇo, sā accī”ti acciṅca vaṇṇaṅca advayaṃ samanupassati. Evameva idhekacco rūpaṃ attato samanupassatīti evaṃ rūpaṃ “attā”ti diṭṭhipassanāya passati. **Rūpavantaṃ vā attānanti** arūpaṃ “attā”ti gahetvā chāyāvantaṃ rukkhaṃ viya taṃ rūpavantaṃ samanupassati. **Attani vā rūpanti** arūpameva “attā”ti gahetvā pupphamhi gandhaṃ viya attani rūpaṃ samanupassati.

1. Attano (Sī, Syā, Ka)

2. Abhi 1. 72 piṭṭhe.

rūpasmim̄ vā attānanti arūpameva “attā”ti gahetvā karaṇḍake maṇim̄ viya attānaṃ rūpasmim̄ samanupassati. Vedanādīsupi eseva nayo.

Tattha “rūpaṃ attato samanupassati”ti suddharūpameva “attā”ti kathitaṃ. “Rūpavantaṃ vā attānaṃ, attani vā rūpaṃ, rūpasmim̄ vā attānaṃ. Vedanaṃ attato samanupassati. Saññaṃ. Saṅkhāre. Viññāṇaṃ attato samanupassati”ti imesu sattasu ṭhānesu arūpaṃ “attā”ti kathitaṃ. “Vedanāvantaṃ vā attānaṃ, attani vā vedanaṃ, vedanāya vā attānaṃ”ti evaṃ catūsu khandhesu tiṇṇaṃ tiṇṇaṃ vasena dvādasasu ṭhānesu rūpārūpamissako attā kathito. Tattha “rūpaṃ attato samanupassati. Vedanaṃ. Saññaṃ. Saṅkhāre. Viññāṇaṃ attato samanupassati”ti imesu pañcasu ṭhānesu ucchedadiṭṭhi kathitā, avasesesu sassatadiṭṭhi. Evamettha pannarassa bhavadiṭṭhiyo, pañca vibhavadiṭṭhiyo honti. Tā sabbāpi maggāvaraṇā, na saggāvaraṇā, paṭhamamaggavajjhāti veditabbā.

1008. **Sathari kaṅkhātī** Sattu sarīre vā guṇe vā ubhayattha vā kaṅkhati. sarīre kaṅkhamāno “dvattimsavaralakkhaṇapaṭimaṇḍitaṃ nāma sarīraṃ atthi nu kho natthī”ti kaṅkhati. Guṇe kaṅkhamāno “atītānāgatapaccuppannañānanasamatthaṃ sabbaññutaññāṇaṃ atthi nu kho natthī”ti kaṅkhati. Ubhayattha kaṅkhamāno “asīti anubyañjana byāmapabhā nurañjitāya sarīranipphattiyā¹ samannāgato sabbañeyyajānanasamatthaṃ sabbaññutaññāṇaṃ paṭivijjhita ṭhito lokatārako Buddho nāma atthi nu kho natthī”ti kaṅkhati. Ayañhissa attabhāve guṇe vā kaṅkhanato ubhayattha kaṅkhati nāma. **Vicikicchātī** ārammaṇaṃ nicchetuṃ asakkonto kicchati kilamati. **Nādhimuccatī** tattheva adhimokkhaṃ na labhati. **Na sampasīdatī** cittaṃ anāvilam̄ katvā pasīdituṃ na sakkoti, guṇesu nappasīdati.

Dhamme kaṅkhatī-ādīsu pana “kilese pajahantā cattāro ariyamaggā, paṭippassaddhakilesāni cattāri sāmāññaphalāni, maggaphalānaṃ ārammaṇapaccayabhūtaṃ amataṃ mahānibbānaṃ nāma atthi nu kho natthī”ti kaṅkhantopi “ayaṃ dhammo niyyāniko nu kho aniyāniko”ti kaṅkhantopi **dhamme**

1. Sarīranibbattiyā (Ka)

kaṅkhati nāma. “Cattāro maggaṭṭhakā, cattāro phalaṭṭhakāti idaṃ saṅgharatanāṃ atthi nu kho natthī”ti kaṅkhantopi “ayaṃ saṅgho suppaṭipanno nu kho duppaṭipanno”ti kaṅkhantopi “etasmiṃ saṅgharatane dinnassa vipākaphalaṃ atthi nu kho natthī”ti kaṅkhantopi saṅghe **kaṅkhati** nāma. “Tisso pana sikkhā atthi nu kho natthī”ti kaṅkhantopi “tisso sikkhā sikkhitapaccayena ānisaṃso atthi nu kho natthī”ti kaṅkhantopi **sikkhāya kaṅkhati** nāma.

Pubbanto vuccati atītāni khandhadhātāyatanāni, aparanto anāgatāni. Tattha atītesu khandhādīsu “atītāni nu kho na nu kho”ti kaṅkhanto **pubbante kaṅkhati** nāma. Anāgatesu “anāgatāni nu kho na nu kho”ti kaṅkhanto **aparante kaṅkhati** nāma. Ubhayattha kaṅkhanto **pubbantāparante kaṅkhati** nāma. “Dvādasapadikaṃ paccayavaṭṭaṃ atthi nu kho natthī”ti kaṅkhanto **idappaccayatāpaṭiccasamuppannesu dhammesu kaṅkhati** nāma. Tatrāyaṃ vacanatto. Imesaṃ jarāmaraṇādīnaṃ paccayā **idappaccayā**, idappaccayānaṃ bhāvo **idappaccayatā**, idappaccayā eva vā **idappaccayatā**, jāti-ādīnametaṃ adhivacanaṃ. Jāti-ādīsu taṃ taṃ paṭicca āgamma samuppannāti **paṭiccasamuppannā**. Idaṃ vuttaṃ hoti idappaccayatāya ca paṭiccasamuppannesu ca dhammesu kaṅkhatīti.

1009. **Sīlenāti** gosilādinā. **Vatenāti** govatādināva. **Sīlabbatenāti** tadubhayena. **Suddhīti** kilesasuddhi, paramatthasuddhibhūtaṃ vā nibbānameva. **Tadekaṭṭhāti** idha pahānekaṭṭhaṃ dhuraṃ. Imissā ca Pāliya diṭṭhikilesa vicikicchākilesoti dveyeva āgatā. Lobho doso moho māno thināṃ uddhaccaṃ ahirikaṃ anottappanti ime pana aṭṭha anāgatā, āharitvā pana dīpetabbā. Ettha hi diṭṭhivicikicchāsu pahīyamānāsu apāyagamanīyo lobho doso moho mano thināṃ uddhaccaṃ ahirikaṃ anottappanti sabbe pime pahānekaṭṭhā hutvā pahīyanti, sahajekaṭṭhaṃ pana āharitvā dīpetabbaṃ. Sotāpattimaggena hi cattāri diṭṭhisahagatāni, vicikicchāsahagatañcāti pañca cittāni pahīyanti. Tattha dvīsu asaṅkhārikadiṭṭhicittesu pahīyantesu tehi sahajāto lobho moho uddhaccaṃ ahirikaṃ anottappanti ime kilesā sahajekaṭṭhavasena pahīyanti, sesadiṭṭhikilesa ca vicikicchākilesa ca pahānekaṭṭhavasena pahīyanti. Diṭṭhigatasampayuttasasaṅkhārikacittesupi pahīyantesu tehi sahajāto lobho

moho thinam uddhaccam ahirikam anottappanti ime kilesā sahaḥekattḥavasena pahīyanti, sesadiṭṭhikilesa ca vicikicchākilesa ca pahānekattḥavasena pahīyanti. Evaṃ pahānekattḥasmiṃyeva sahaḥekattḥam labbhatīti idaṃ sahaḥekattḥam āharitvā dipayimsu.

Taṃsampayuttoti tehi tadekatṭhehi aṭṭhahi kilesehi sampayutto, vinibbhogaṃ vā katvā tena lobhena tena dosenāti evaṃ ekekena sampayuttatā dīpetabbā. Tattha lobhe gahite “moho māno thinam uddhaccam ahirikam anottappan”ti ayaṃ saṅkhārakkhandhe¹ kilesagaṇo lobhasampayutto nāma. Dose gahite “moho thinam uddhaccam ahirikam anottappan”ti ayaṃ kilesagaṇo dosasampayutto nāma. Mohe gahite “lobho doso māno thinam uddhaccam ahirikam anottappan”ti ayaṃ kilesagaṇo mohasampayutto nāma. Māne gahite tena sahuppanno “lobho moho thinam uddhaccam ahirikam anottappan”ti ayaṃ kilesagaṇo mohasampayutto nāma. Māne gahite tena sahuppanno “lobho moho thinam uddhaccam ahirikam anottappan”ti ayaṃ kilesagaṇo mānasampayutto nāma. Iminā upāyena tena thinena, tena uddhaccena, tena ahirikena, tena anottappena sampayutto taṃsampayuttoti yojanā kātabbā. **Taṃsamuttḥānanti** te lobhena -pa- tena anottappena samuttḥitanti attho.

Ime dhammā dassanena pahātabbāti ettha **dassanam** nāma sotāpattimaggo, tena pahātabbāti attho. Kasmā pana sotāpattimaggo dassanam nāma jātoti? Paṭhamam nibbānadassanato. Nanu gotrabhu paṭhamataram passatīti? No na passati, disvāpi kattabbakiccam pana na karoti, saṃyojanānam appahānato. Tasmā passatīti na vattabbo. Yattha katthaci rājānam disvāpi paṇṇākāram datvā kiccanipphattiyā adiṭṭhattā “ajjāpi rājānam na passāmi”ti vadanto cettha jānapadapuriso nidassanam.

1011. **Avaseso lobhoti** dassanena pahīnāvaseso lobho. Dosamohesupi eseva nayo. Dassanena hi apāyagamanīyāva pahīnā, tehi pana aññe dassetuṃ idaṃ vuttam. **Tadekatṭhāti** tehi Pāḷiyam āgatehi tīhi kilesehi sampayogatopi pahānatopi ekaṭṭhā pañca kilesā. **Nevadassanena na bhāvanāyāti** idaṃ saṃyojanādīnam

1. Saṅkharakkhando (Syā, Ka)

viya tehi maggehi appahātabbatam sandhāya vuttam. Yam pana “sotāpattimaggañāṇena abhisāṅkhāraviññāṇassa nirodhena satta bhave ṭhapetvā anamatagge saṁsāravaṭṭe ye uppajjeyyūṁ nāmañca rūpañca, etthete nirujjhanti”¹ti-ādinā¹ nayena kusalādīnampi pahānam anuññātam, tam tesam maggānam abhāvitattā ye uppajjeyyūṁ, te upanissayapaccayānam kilesānam pahīnattā pahīnāti imam pariyāyam sandhāya vuttanti veditabban.

1013. **Dassanena pahātabbahetukattike** “ime dhammā dassanena pahātabbahetukā”ti niṭṭhapetvā puna “**tīṇi saṁyojanāni**”ti-ādi pahātabbe dassetvā tadekaṭṭhabhāvena hetū ceva sahetuke ca dassetum vuttam. Tattha kiñcāpi dassanena pahātabbesu hetūsu lobhasahagato moho lobhena sahetuko hoti, dosasahagato moho Sdosena, lobhadosā ca mohenāti pahātabbahetukapadepete saṅgaham gacchanti, vicikicchāsahagato pana moho aññassa sampayuttahetuno abhāvena hetuyeva, na sahetukoti tassa pahānam dassetum puna “ime dhammā dassanena pahātabbahetū”ti vuttam.

1018. Dutiyapade uddhaccasahagatassa mohassa pahānam dassetum “**ime dhammā bhāvanāya pahātabbahetū**”ti vuttam, so hi attanā sampayuttadhamme sahetuke katvā piṭṭhivaṭṭako jāto. Vicikicchāsahagato viya aññassa sampayuttahetuno abhāvā pahātabbahetukapadam na bhajati. Tatiyapade **avasesā akusalāti** puna akusalaggahaṇam vicikicchuddhaccasahagatānam mohānam saṅgahattham katam. Te hi sampayuttahetuno abhāvā pahātabbahetukā nāma na honti.

1029. Parittārammaṇattike **ārabbhāti** ārammaṇam katvā. Sayañhi parittā vā hontu mahaggaṭā vā, parittadhamme ārammaṇam katvā uppannā **parittārammaṇā**. Mahaggate ārammaṇam katvā uppannā **mahaggaṭārammaṇā**. Appamāṇe ārammaṇam katvā uppannā **appamāṇārammaṇā**. Te pana parittāpi honti mahaggaṭāpi appamāṇāpi

1. Khu 8. 33 piṭṭhe.

1035. Micchattattike **ānantarikānī**ti anantarāyena phaladāyakāni, mātughātakakammādīnametaṃ adhivacanaṃ. Tesu hi ekasmimpi kamme kate taṃ paṭibāhitvā aññaṃ kammaṃ attano vipākassa okāsaṃ kātum na sakkoti. Sineruppamāṇepi hi suvaṇṇathūpe katvā, cakkavāḷamattaṃ vā ratanamayapākāraṃ vihāraṃ kāretvā taṃ pūretvā nisinnassa Buddhappamukhassa saṃghassa yāvajīvaṃ cattāro paccaye dadatopi taṃ kammaṃ etesaṃ kammānaṃ vipākam paṭibāhetum na sakkoti eva. **Yā ca micchādīṭṭhi niyatāti** ahetukavāda-akiriyavādanatthikavādesu aññatarā. Tañhi gahetvā ṭhitaṃ puggalaṃ Buddhasatampi Buddhasahassampi bodhetum na sakkoti.

1038. Maggārammaṇattike **ariyamaggaṃ ārabbhāti** lokuttaramaggaṃ ārammaṇaṃ katvā, te pana parittāpi honti mahaggaṭāpi.

1039. Maggahetukaniddese paṭhamanayena paccayaṭṭhena hetunā maggasampayuttānaṃ khandhānaṃ sahetukabhāvo dassito. Dutīyanayena maggabhūtena sammādiṭṭhisaiṅkhātena hetunā sesamaggaṅgānaṃ¹ sahetukabhāvo dassito. Tatiyanayena magge uppanahetūhi sammādiṭṭhiyā sahetukabhāvo dassitoti veditabbo.

1040. **Adhipatiṃ karitvāti** ārammaṇādhipatiṃ katvā. Te ca kho parittadhammāva honti. Ariyasāvakaṇāñhi attano maggaṃ garuṃ katvā paccavekkhaṇakāle ārammaṇādhipati labbhati. Cetopariyaññaṇena pana ariyasāvako parassa maggaṃ paccavekkhamāno garuṃ karontopi attanā² paṭividdhamaggaṃ³ viya garuṃ na karoti. Yamakapāṭihāriyaṃ karontaṃ Tathāgataṃ disvā tassa maggaṃ garuṃ karoti na karotīti? Karoti, na pana attano maggaṃ viya. Arahā na kiñci dhammaṃ garuṃ karoti ṭhapetvā maggaṃ phalaṃ nibbānanti etthāpi ayamevattho. **Vīmaṃsādhipateyyanti** idaṃ sahajātādhipatiṃ dassetum vuttaṃ. Chandañhi jeṭṭhakaṃ katvā maggaṃ bhāventassa chando adhipati nāma hoti, na maggo. Sesadhammāpi chandādhipatino nāma honti, na maggādhipatino. Cītepi eseva nayo. Vīmaṃsaṃ pana jeṭṭhakaṃ katvā maggaṃ bhāventassa vīmaṃsādhipati ceva hoti maggo cāti, sesadhammā maggādhipatino nāma honti. Vīriyepi eseva nayo.

1. Sesamaggaṅgānaṃ (Ka)

2. Attano (Ka)

3. Paṭiladdhamaggaṃ (Ka)

1041. Uppannattikaniddese **jātā**ti nibbattā, paṭiladdhattabhāvā. **Bhūtā**ti-
 ādīni tesāmyeva vevacanāni. Jātā eva hi bhāvappattiyā¹ bhūtā.
 Paccayasāmyoge jātattā **sañjātā**. Nibbattilakkhaṇappattattā **nibbattā**.
 Upasaggena pana padaṃ vaḍḍhetvā **abhinibbattā**ti vuttā. **Pakaṭṭbhūtā**ti
 pātubhūtā. Pubbantato uddhaṃ pannāti **uppannā**. Upasaggena padaṃ
 vaḍḍhetvā **samuppannā**ti vuttā. Nibbattaṭṭheneva uddhaṃ ʈhitāti **uṭṭhitā**.
 Paccayasāmyoge uṭṭhitāti **samuṭṭhitā**. Puna **uppannā**tivacane kāraṇaṃ heṭṭhā
 vuttanayeneva veditabbaṃ. **Uppannaṃsena saṅgahitā**ti uppannakoṭṭhāsena
 gaṇanaṃ gatā. **Rūpaṃ vedanā saññā saṅkhārā viññāṇanti** idaṃ tesāṃ
 sabhāvadassanaṃ. Dutiyapadaniddeso vuttapaṭisedhanayena veditabbo.
 Tatiyapadaniddeso uttānatthoyeva.

Ayaṃ pana tiko dvinnaṃ addhānaṃ vasena pūretvā dassito.
 Laddhokāsassa hi kammaṃ vipāko duvidho khaṇappatto ca appatto ca.
 Tattha khaṇappatto uppanno nāma, appatto cittaṇantare vā uppajjatu
 kappasatasahassātikame vā, dhuvapaccayaṭṭhena natthi nāma na hoti,
 uppādino dhammā nāma jāto². Yathā hi “tiṭṭhateva sāyaṃ Poṭṭhapāda arūpī
 attā saññāmayo, atha imassa purisassa aññā ca saññā uppajjanti, aññā ca
 saññā nirujjhanti”³ ettha āruppe kāmāvacarasaññāpavattikāle kiñcāpi
 mūlabhavaṅgasaññā niruddhā, kāmāvacarasaññāya pana niruddhakāle
 avassaṃ sā uppajjissatīti arūpasāṅkhāto attā natthīti saṅkhyāṃ agantvā
 tiṭṭhateva nāmāti jāto, evameva laddhokāsassa kammaṃ vipāko duvidho
 -pa- dhuvapaccayaṭṭhena natthi nāma na hoti, uppādino dhammā nāma jāto.

Yadi pana āyūhitaṃ kusalākusalakammaṃ sabbaṃ vipākaṃ dadeyya,
 aññassa okāso na bhaveyya. Taṃ pana duvidhaṃ hoti dhuvavipākaṃ,
 adhuvavipākaṅca. Tattha pañca ānantariyakammāni, aṭṭha samāpattiyo,
 cattāro ariyamaggāti etaṃ **dhuvavipākaṃ** nāma, taṃ pana khaṇappattampi
 atthi appattampi. Tattha khaṇappattaṃ uppannaṃ nāma, appattaṃ
 anuppannaṃ nāma, tassa vipāko cittaṇantare vā uppajjatu
 kappasahasassātikame vā, dhuvapaccayaṭṭhena anuppannaṃ nāma na hoti,
 uppādino dhammā nāma jātaṃ. Metteyyabodhisattassa maggo anuppanno
 nāma, phalaṃ uppādino dhammāyeva nāma jātaṃ.

1. Bhāvappattiyā (Sī, Syā)

2. Jātā (Ka)

3. Dī 1. 173 piṭṭhe.

1044. Atītattikaniddese **atītāti** khaṇattayaṃ atikkantā. **Niruddhāti** nirodhappattā. **Vigatāti** vibhavaṃ gatā, vigacchitā vā. **Vipariṇatāti** pakativijahanena vipariṇāmaṃ gatā. Nirodhasaṅkhātāṃ atthaṃ gatāti **atthaṅgatā**. **Abbatthaṅgatāti** upasaggena padaṃ vaḍḍhitāṃ. **Uppajjitvā** **vigatāti** nibbattitvā vigacchitā. Puna atītavacane kāraṇaṃ heṭṭhā vuttameva. Parato anāgatādīsupi eseva nayo. **Atītaṃsena saṅgahitāti** atītakoṭṭhāsena gaṇanaṃ gatā. Katame teti? Rūpaṃ vedanā saññā saṅkhārā viññāṇaṃ. Parato anāgatādīsupi eseva nayo.

1047. Atītārammaṇattikaniddese **atīte dhamme ārabbhāti**-ādīsū parittamahaggaṭāva dhammā veditabbā. Te hi atītādīni ārabbhā uppajjanti.

1050. Ajjhattattikaniddese **tesaṃ tesantipadadvayena** sabbasatte pariyaḍiyati. **Ajjhattaṃ paccattanti** ubhayaṃ niyakajjhattādhivacanaṃ. **Niyatāti**¹ attani² jātā. **Pāṭipuggalikāti** pāṭiyekassa pāṭiyekassa puggalassa santakā. **Upādinnāti** sarīraṭṭhakā. Te hi kammanibbattā vā hontu mā vā, ādinnagahitaparāmaṭṭhavasena pana idha “upādinnā”ti vuttā.

1051. **Parasattānanti** attānaṃ ṭhapetvā avasesasattānaṃ. **Parapuggalānanti** tasseva vevacanaṃ. Sesaṃ heṭṭhā vuttasadisameva. **Tadubhayanti** taṃ ubhayaṃ.

1053. Ajjhattārammaṇattikassa paṭhamapade parittamahaggaṭā dhammā veditabbā. Dutiye appamāṇāpi. Tatiye parittamahaggaṭāva. Appamāṇā pana kālena bahiddhā, kālena ajjhattaṃ ārammaṇaṃ na karonti. Sanidassanattikaniddeso uttānoyevāti.

Dukanikkhepakathā

1062. Dukesu adosaniddese mettāyanavanena **metti**. Mettākāro **mettāyanā**. Mettāya ayitassa mettāsamaṅgino cittaṃ

1. Niyakāti (Sī)

2. Attano (Syā, Ka)

bhāvo **mettāyitattam**. Anudayatīti **anuddā**, rakkhatīti attho. Anuddākāro **anuddāyanā**. Anuddāyitassa bhāvo **anuddāyitattam**. Hitassa esanavasena **hitesitā**. Anukampanavasena **anukampā**. Sabbehipi imehi padehi upacārappanāppattā mettāva vuttā. Sesapadehi lokiyalokuttaro adoso kathito.

1063. Amohaniddese **dukkhe ñāṇanti** dukkhasacce paññā.

Dukkhasamudayeti-ādīsupi eseva nayo. Ettha ca dukkhe ñāṇam savanasammasanapaṭivedhapaccavekkhaṇāsu vattati, tathā dukkhasamudaye. Nirodhe pana savanapaṭivedhapaccavekkhaṇāsu eva, tathā paṭipadāya. **Pubbanteti** atītakoṭṭhāse. **Aparanteti** anāgatakoṭṭhāse. **Pubbantāparanteti** tadubhaye. **Idappaccayatāpaṭiccasamuppannesu dhammesu ñāṇanti** ayam paccayo, idam paccayuppannam, imam paṭicca idam nibbattanti evam paccayesu ca paccayuppannadhammesu ca ñāṇam.

1065. Lobhaniddese pi heṭṭhā anāgatānam padānam ayamattho, rañjanavasena **rāgo**. Balavarañjanaṭṭhena **sārāgo**. Visayesu sattānam anunayanato¹ **anunayo**. Anurujjhatīti **anurodho**, kāmetīti attho. Yattha katthaci bhava sattā etāya nandanti, sayam vā nandatīti **nandī**. Nandī ca sā rañjanaṭṭhena rāgo cāti **nandīrāgo**². Tattha ekasmim ārammaṇe sakim uppannā taṅhā nandī, punappunam uppajjamānā nandīrāgoti vuccati. **Cittassa sārāgoti** yo heṭṭhā balavarañjanaṭṭhena “sārāgo”ti vutto, so na sattassa, cittasseva sārāgoti attho.

Icchanti etāya ārammaṇānīti **icchā**. Bahalakilesabhāvena mucchanti etāya pāṇinoti **mucchā**. Gilitvā pariniṭṭhapetvā gahaṇavasena **ajjhosānam**. Iminā sattā gijjhanti gedham āpajjantīti **gedho**. Bahalaṭṭhena vā gedho. “Gedham vā pavanasaṇḍan”ti³ hi bahalaṭṭheneva vuttam. Anantarapadam upasaggavasena vaḍḍhitam. Sabbatobhāgena vā gedhoti **paligedho**. Sañjanti etenāti **saṅgo**, lagganaṭṭhena vā saṅgo. Osīdanaṭṭhena **pañko**. Ākaḍḍhanavasena **ejā**, “ejā imam purisam parikaḍḍhati tassa tasseva bhavassa abhinibbattiyā”ti hi vuttam. Vañcanaṭṭhena **māyā**. Vattasmim sattānam

1. Anu anu nayanato (Ka) 2. Nandīrāgo (Sī) 3. Gedham vā pana vanasaṇḍam (Sī)

jananaṭṭhena **janikā**, “taṇhā janeti purisaṃ, cittamassa vidhāvati”¹ hi vuttaṃ. Vaṭṭasmim̄ satte dukkhena saṃyojayamānā janeti **sañjananī**. Ghaṭṭanaṭṭhena² **sibbinī**, ayañhi vaṭṭasmim̄ satte cutipaṭisandhivasena sibbati ghaṭṭeti³, tunnakāro viya pilotikāya pilotikaṃ, tasmā ghaṭṭanaṭṭhena “sibbinī”⁴ ti vuttā. Anekappakāraṃ visaya jālaṃ, taṇhāvippahanditanivesasaṅkhātaṃ vā jālamassā atthi **jālinī**.

Ākaḍḍhanaṭṭhena sīghasotā saritā viyāti **saritā**, allaṭṭhena vā **saritā**, vuttañhetam̄ “saritāni sinehitāni, ca, somanassāni bhavanti jantuno”⁴, allāni ceva siniddhāni cāti ayañhettha attho. Visatāti **visattikā**, visaṭāti visattikā, visālāti visattikā, visakkaṭi visattikā, visamvādikaṭi visattikā, visamharatīti visattikā, visamūlāti visattikā, visaphalāti visattikā, visaparibhogāti visattikā, visatā vā pana sā taṇhā rūpe sadde gandhe rase phoṭṭhabbe dhamme kule gaṇe vitthatāti⁵ visattikā⁵. Anayabyasanapāpanaṭṭhena kummānubandhasuttakaṃ⁷ viyāti **suttaṃ**. Vuttañhetam̄ “suttakanti kho bhikkhave nandirāgassetam̄ adhivacanan”⁸. Rūpādīsu vitthataṭṭhena **visaṭā**. Tassa tassa paṭilābhatthāya satte āyūhāpetīti **āyūhinī**. Ukkaṇṭhitum appadānato sahāyaṭṭhena **dutiya**. Ayañhi sattānaṃ vaṭṭasmim̄ ukkaṇṭhitum na deti, gatagataṭṭhāne piyasahāyo viya abhiraṃpeti. Tena vuttaṃ—

“Taṇhādutiyo puriso, dīghamaddhāna saṃsaram̄.

Itthabhāvaññathābhāvaṃ, saṃsāraṃ nātivattati”⁹.

Paṇidhānakavasena **paṇidhi**. **Bhavanettīti** bhavarajju, etāya hi sattā rajjuyā gīvāya baddhā goṇā viya icchiticchitaṭṭhānaṃ niyyanti. Tam̄ tam̄ ārammaṇaṃ vanati bhajati alliyatīti **vanarī**. Vanati yācatīti vā vanarī. **Vanathoti** byañjanena padaṃ vaḍḍhitam̄. Anattadukkhānaṃvā samuṭṭhāpanaṭṭhena gahanaṭṭhena ca

1. Saṃ 1. 34 piṭṭhe.

2. Ghaṭṭanaṭṭhena (Syā, Ka)

3. Ghaṭṭeti (Syā, Ka)

4. Khu 1. 62 piṭṭhe.

5. Visatā vitthatāti (Sī, Syā, Ka)

6. Khu 7. 7 piṭṭhe.

7. Kumbhānubandhasuttakaṃ (Sī), kummānubandham̄ suttakaṃ (Syā)

8. Saṃ 1. 425 piṭṭhe.

9. Aṃ 1. 316; Khu 1. 201; Khu 7. 362; Khu 8. 211 piṭṭhesu.

vanam viyāti **vanam**, balavataṇhāyetaṃ nāmaṃ. Gahanataraṭṭhena pana tato balavatarā **vanatho** nāma. Tena vuttam—

“Vanam chindatha mā rukkham, vanato jāyate bhayam.
Chetvā vanañca vanathañca, nibbanā hotha bhikkhavo”ti¹.

Santhavanavasena **santhavo**, saṃsaggoti attho. So duvidho taṇhāsanthavo, mittasanthavo ca. Tesu idha taṇhāsanthavo adhippeto. Sinehavasena **sineho**. Ālayakaraṇavasena apekkhatīti **apekkhā**. Vuttampi cetam “imāni te deva caturāsītinagarasahassāni kusāvātīrājadhānīpamukhāni, ettha deva chandam janehi, jīvite apekkham karohī”ti², ālayam karohīti ayañhettha attho. Pāṭiyekke pāṭiyekke ārammaṇe bandhatīti **paṭibandhu**, nātakaṭṭhena vā pāṭiyekko bandhūtipi **paṭibandhu**. Niccasannissitaṭṭhena hi sattānam taṇhāsamo bandhu nāma natthi.

Ārammaṇānam asanato **āsā**, ajjhottharaṇato ceva tittim anupagantvāva paribhuñjanato cāti attho. Āsīsanavasena **āsīsanā**³. Āsīsitassa bhāvo **āsīsitattam**. Idāni tassā pavattiṭṭhānam dassetuṃ “**rūpāsā**”ti-ādi vuttam. Tattha āsīsanavasena āsīti āsāya attham gahetvā rūpe āsā **rūpāsāti** evam navapi padāni vedītabbāni. Ettha ca purimāni pañca pañcakāmaguṇavasena vuttāni, parikkhāralobhavasena chaṭṭham, tam visesato pabbajitānam. Tato parāni tīni atittiyavattthivasena gahaṭṭhānam. Na hi tesam dhanaputtajīvitēhi aññam piyataram atthi. “Etam mayham, etam mayhan”ti⁴ vā “asukena me idam dinnam, idam dinnan”ti vā evam satte jappāpetīti **jappā**. Parato dve padāni upasaggena vaḍḍhitāni. Tato param aññenākārena vibhajitum āraddhattā puna “**jappā**”ti vuttam. Jappanākāro **jappanā**. Jappitassa bhāvo **jappitattam**. Punappunam visaye lumpati⁵ ākaḍḍhatīti lolupo. Lolupassa bhāvo **lolupam**. Loluppākāro **loluppāyanā**. Loluppasamaṅgino bhāvo **loluppāyitattam**.

1. Khu 1. 54 piṭṭhe.

2. Dī 2. 155 piṭṭhe.

3. Āsīsanā (Sī, Syā)

4. “Idam mayham, etam mayhan”ti (Sī)

5. Lupati (Syā), luppāti (Ka)

Pucchañjikatā¹ yāya taṇhāya lābhaṭṭhānesu puccham cālayamanā sunakhā viya kampamānā vicaranti, taṃ tassā kampanataṇhāya nāmaṃ. Sādhū² manāpamanāpe visaye kāmetīti **sādhukāmo**, tassa bhāvo **sādhukamyatā**. “Mātā mātucchā”ti-ādike ayuttaṭṭhāne rāgoti **adhammarāgo**. Yuttaṭṭhānēpi balavā hutvā uppannalobho **visamalobho**. “Rāgo visaman”ti-ādivacanato³ vā yuttaṭṭhāne vā ayuttaṭṭhāne vā uppanno chandarāgo adhammaṭṭhena **adhammarāgo**, visamaṭṭhena **visamalobhoti** veditabbo.

Ārammaṇānaṃ nikāmanavasena **nikanti**. Nikāmanākāro **nikāmanā**. Patthanāvasena **patthanā**. Pihāyanavasena **pihanā**. Suṭṭhu patthanā **sampatthanā**. Pañcasu kāmaguṇesu taṇhā **kāmataṇhā**. Rūpārūpabhāve taṇhā **bhavataṇhā**. Ucchedasaṅkhāte vibhāve taṇhā **vibhavataṇhā**. Suddhe rūpabhavasmimyeva taṇhā **rūpataṇhā**. Arūpabhāve taṇhā **arūpataṇhā**. Ucchedadiṭṭhisahagato rāgo diṭṭhirāgo, nirodhe taṇhā **nirodhataṇhā**. Rūpe taṇhā **rūpataṇhā**. Sadde taṇhā **saddataṇhā**. Gandhataṇhādīsupi eseva nayo. Oghādayo vuttatthāva.

Kusaladhamme āvaratīti **āvaranaṃ**. Chādanavasena **chādanaṃ**. Satte vaṭṭasmiṃ bandhatīti **bandhanaṃ**. Cittam upagantvā kilissati saṃkiliṭṭham⁴ karotīti **upakkilesa**. Thāmagataṭṭhena anusetīti⁵ **anusayo**. Uppajjamānā cittam pariyaṭṭhātīti **pariyaṭṭhānaṃ**, uppajjitum appadānena kusalacāram⁶ gaṇhātīti attho. “Corā magge pariyaṭṭhimsu”, “dhuttā magge pariyaṭṭhimsū”ti-ādīsū⁷ hi maggam gaṇhimsūti attho, evamidhāpi gahaṇaṭṭhena pariyaṭṭhānaṃ veditabbaṃ. Paliveṭṭhanaṭṭhena latā viyāti **latā**, “latā ubbhijja tiṭṭhati”ti⁸ āgataṭṭhānēpi ayam taṇhā “latā”ti vuttā. Vividhāni vatthūni icchatīti **veviccharaṃ**. Vaṭṭadukkhassa mūlanti **dukkhamūlaṃ**. Tasseva dukkhassa nidānanti **dukkhanidānaṃ**. Tam dukkham ito pabhavatīti **dukkhappabhavo**. Bandhanaṭṭhena pāso viyāti **pāso**, mārassa pāso **mārapāso**. Duruggilanaṭṭhena baḷisaṃ vāyāti **baḷisaṃ**. Mārassa

1. Pucchakatā (Sī), puñcikatā (Syā)

3. Abhi 2. 382 piṭṭhe.

5. Anu anu setīti (Ka)

7. Vi 4. 471 piṭṭhe.

2. Sādhū (?)

4. Kiliṭṭham (Sī)

6. Kusalaṅcāram (Sī, Syā)

8. Khu 1. 62 piṭṭhe.

baḷisaṃ **mārabāḷisaṃ**. Taṇhābhibhūtā mārassa visayaṃ nātikkamanti, tesam upari māro vasaṃ vattetīti iminā pariyāyena mārassa visayoti **māra-visayo**. Sandanaṭṭhena taṇhāva nadi **taṇhānadi**. Ajjhottharaṇaṭṭhena taṇhāva jālaṃ **taṇhājālaṃ**. Yathā sunakhā gaddulabaddhā yadicchakaṃ nīyanti, evaṃ taṇhābaddhā sattāpīti daḷhabandhanaṭṭhena gaddulaṃ viyāti gaddulaṃ, taṇhāva gaddulaṃ **taṇhāgaddulaṃ**. Duppūraṇaṭṭhena taṇhāva samuddo **taṇhāsamuddo**.

1066. Dosaniddese **anattamaṃ me acarīti** avuḍḍhiṃ me akāsi, iminā upāyena sabbapadesu attho veditaḅbo. **Aṭṭhāne vā pana āghātoti** akāraṇe kopo. Ekacco hi “devo ativassatī”ti kuppati, “na vassatī”ti kuppati, “sūriyo tappatī”ti kuppati, “na tappatī”ti kuppati, vāte vāyantepi kuppati, avāyantepi kuppati, sammajjitum asakkonto bodhipaṇṇānaṃ kuppati, cīvaraṃ pārupitum asakkonto vātassa kuppati, upakkhalitvā khāṇukassa kuppati. Idam sandhāya vuttam “aṭṭhāne vā pana āghāto jāyatī”ti. Tattha heṭṭhā navasu ṭhānesu satte ārabba uppannattā kamma-pathabhedo hoti. Aṭṭhānāghāto pana saṅkhāresu uppanno kamma-pathabhedaṃ na karoti. Cittam āghātento uppannoti **cittassa āghāto**. Tato balavataro **paṭighāto**. Paṭihaññanavasena **paṭighaṃ**. Paṭivirujjhatīti **paṭivirodho**. Kupanavasena **kopo**. **Pakopo sampakopoti** upasaggena padaṃ vaḍḍhitam. Dussanavasena **doso**. **Padoso sampadosoti** upasaggena padaṃ vaḍḍhitam. **Cittassa byāpattīti** cittassa vipannatā viparivattanākāro. Manam padūsayamāno uppajjatīti **manopadoso**. Kujjhanavasena **kodho**. Kujjhanākāro **kujjhanā**. Kujjhitassa bhāvo **kujjhitattam**.

Idāni akusalaniddese vuttanayam dassetum “**doso dussanā**”ti-ādi vuttam. Tasmā yo evarūpo “cittassa āghāto -pa- kujjhitattam”ti ca idha vutto, “doso dussanā”ti-ādinā nayena heṭṭhā vutto, ayam vuccati dosoti evamettha yojanā kātabbā. Evañhi sati punaruttidoso¹ paṭisedhito hoti. Mohaniddeso amohaniddese

1. Punaruttadoso (Sī)

vuttapaṭipakkhanayena veditabbo. Sabbākārena panesa

Vibhaṅgaṭṭhakathāyaṃ¹ āvi bhavissati.

1079. **Tehi dhammehi ye dhammā sahetukā**ti tehi hetudhammehi ye aññe hetudhammā vā nahetudhammā vā, te sahetukā. Ahetukapadepi eseva nayo. Ettha ca hetu hetuyeva ca hoti, tiṇṇaṃ vā dvinnaṃ vā ekato uppattiyaṃ sahetuko ca. Vicikicchuddhaccasahagato pana moho hetu ahetuko. Hetusampayuttadukaniddesepe eseva nayo.

1091. Saṅkhatadukaniddese purimaduke vuttaṃ asaṅkhatadhātuṃ sandhāya **“yo eva so dhammo”**ti ekavacananiddeso kato. Purimaduke pana bahuvacanasena pucchāya uddhaṭṭā **“ime dhammā appaccayā”**ti pucchānusandhinayena bahuvacanaṃ kataṃ. **Ime dhammā sanidassanā**ti-ādīsupi eseva nayo.

1101. Kenaciviññeyyadukaniddese **cakkhuviññeyyā**ti cakkhuviññāṇena vijānitabbā. Sesapadesupi eseva nayo. Ettha ca **kenaci viññeyyā**ti cakkhuviññāṇādīsū kenaci ekena cakkhuviññāṇena vā sotaviññāṇena vā vijānitabbā. **Kenaci na viññeyyā**ti teneva cakkhuviññāṇena vā sotaviññāṇena vā na vijānitabbā. Evaṃ sante dvinnampi padānaṃ atthanānattato duko hotīti heṭṭhā vuttattā ye te dhammā cakkhuviññeyyā, na te dhammā sotaviññeyyāti ayaṃ duko na hoti. Rūpaṃ pana cakkhuviññeyyaṃ, saddo na cakkhuviññeyyoti imamattaṃ gahetvā ye te dhammā cakkhuviññeyyā, na te dhammā sotaviññeyyā. Ye vā pana te dhammā sotaviññeyyā, na te dhammā cakkhuviññeyyāti ayameko dukoti veditabbo. Evaṃ ekeka-indriyamūlake cattāro cattāro katvā vīsati dukā vibhattāti veditabbā.

Kim pana manoviññāṇena kenaci viññeyyā kenaci na viññeyyā natthi, tenettha dukā na vuttāti? No natthi, vavattānābhāvato pana na vuttā. Na hi yathā cakkhuviññāṇena aviññeyyā evāti vavattānaṃ atthi, evaṃ manoviññāṇenāpīti vavattānābhāvato ettha dukā na vuttā.

1. Abhi-Ṭṭha 2. 78 piṭṭhādīsū.

manoviññāṇena pana kenaci viññeyyā ceva aviññeyyā cāti ayamatto atthi, tasmā so avuttopi yathālābhavasena veditabbā. Manoviññāṇanti hi saṅkyam gatehi kāmāvacaradhammehi kāmāvacaradhammā eva tāva kehici viññeyyā kehici aviññeyyā. Tehiyeva rūpāvacarādiddhammāpi kehici viññeyyā kehici aviññeyyā. Rūpāvacarehipi kāmāvacarā kehici viññeyyā kehici aviññeyyā. Teheva rūpāvacarādayopi kehici viññeyyā kehici aviññeyyā. Arūpāvacarehi pana kāmāvacarā, rūpāvacarā, apariyāpannā ca neva viññeyyā, arūpāvacarā pana kehici viññeyyā kehici aviññeyyā. Tepi ca kecideva viññeyyā keci aviññeyyā. Apariyāpannehi kāmāvacarādayo neva viññeyyā. Apariyāpannā pana nibbānena aviññeyyattā kehici viññeyyā kehici aviññeyyā. Tepi ca maggaphalānaṃ aviññeyyattā¹ kecideva viññeyyā keci aviññeyyāti.

1102. Āsavaniddese pañcakāmaguṇiko rāgā **kāmāsavo** nāma. Rūpārūpabhavesu chandarāgo jhānanikanti sassatadiṭṭhisahajāto rāgo bhavavasena patthanā **bhavāsavo** nāma. Dvāsaṭṭhi diṭṭhiyo **diṭṭhāsavo** nāma. Aṭṭhasu ṭhānesu aññāṇaṃ **avijjāsavo** nāma. Tattha tattha āgatesu pana āsavesu asammohatthaṃ ekavidhādibhedo veditabbo. Atthato hete cirapārivāsiyaṭṭhena āsavāti evaṃ ekavidhāva honti. Vinaye pana “diṭṭhadhammikānaṃ āsavānaṃ saṃvarāya samparāyikānaṃ āsavānaṃ paṭighātāyā”²ti² duvidhena āgatā. Suttante **salāyatane** tāva “tayome āvuso āsavā kāmāsavo bhavāsavo avijjāsavo”³ti³ tividhena āgatā, **nibbedhikapariyāye** “atthi bhikkhave āsavā nirayagamanīyā, atthi āsavā tiracchānayanigamanīyā, atthi āsavā pettivisayagamanīyā, atthi āsavā manussalokagamanīyā, atthi āsavā devalokagamanīyā”⁴ti⁴ pañcavidhena āgatā, Chakkanipāte **Āhuneyyasutte** “atthi āsavā saṃvarā pahātabbā, atthi āsavā paṭisevanā pahātabbā, atthi āsavā adhivāsanaṃ pahātabbā, atthi āsavā parivajjanaṃ pahātabbā, atthi

1. Viññeyyattā (Sī, Ka)

3. Saṃ 2. 450-1 piṭṭhesu.

2. Vi 1. 24 piṭṭhādīsu.

4. Am 2. 362 piṭṭhe.

āsavā vinodanā pahātabbā, atthi āsavā bhāvanā pahātabbā”¹ti chabbidhena āgatā, **sabbāsavapariyāye**² dassanapahātabbehi saddhim̐ sattavidhena āgatā. Idha panete kāmāsavādibhedato catubbidhena āgatā. Tatrāyaṃ vacanattho, pañcakāmaguṇasaṅkhāte kāme āsavo **kāmāsavo**. Rūpārūpasasaṅkhāte kammato ca upapattito ca duvidhepi bhava āsavo **bhavāsavo**. Diṭṭhi eva āsavo **diṭṭhāsavo**. Avijjāva āsavo **avijjāsavo**.

1103. **Kāmesūti** pañcasu kāmaguṇesu. **Kāmacchandoti** kāmasaṅkhāto chando, na kattukamyatāchando, na dhammacchando. Kāmanavasena, rajjanavasena ca kāmoyeva rāgo **kāmarāgo**. Kāmanavasena, nandanavasena ca kāmova nandīti **kāmanandī**. Evaṃ sabbattha kāmatthaṃ viditvā taṇhāyanaṭṭhena **kāmatanḥā**, sinehanaṭṭhena **kāmasineho**, pariḍayhanaṭṭhena **kāmaparilāho**, mucchanatṭhena **kāmamucchā**, gilitvā pariniṭṭhāpanatṭhena **kāmajjhosānanti** veditabbaṃ. **Ayaṃ vuccatīti** ayaṃ aṭṭhahi padehi vibhatto kāmāsavo nāma vuccati.

1104. **Bhavesu bhavachandoti** rūpārūpabhavesu bhavapatthanāvaseneva pavatto chando **bhavachando**. Sesapadānipi imināva nayena veditabbāni.

1105. **Sassato lokoti vāti** ādīhi dasahākārehi diṭṭhippabhedova vutto. Tattha **sassato lokoti** ettha khandhapañcakam̐ “loko”ti gahetvā “ayaṃ loko nicco dhuvo sabbakāliko”ti gaṇhantassa “sassatan”ti gahaṇākārappavattā diṭṭhi. **Asassatoti** tameva lokam̐ “ucchiḥḥati vinassatī”ti gaṇhantassa ucchedagahaṇākārappavattā diṭṭhi. **Antavāti** parittakasiṇalābhino supparamatte vā sarāvamatte vā kasiṇe samāpannassa antosamāpattiyam̐ pavattitarūpārūpadhamme “loko”ti ca kasiṇaparicchedantena ca “antavā”ti gaṇhantassa “**antavā loko**”ti gahaṇākārappavattā diṭṭhi, sā sassatadiṭṭhipi hoti ucchedadiṭṭhipi. Vipulakasiṇalābhino pana tasmim̐ kasiṇe samāpannassa antosamāpattiyam̐ pavattitarūpārūpadhamme “loko”ti ca

1. Am̐ 2. 340 piṭṭhe, Pāli pana visadisā.

2. Ma 1. 9 piṭṭhe.

kaṣiṇaparicchedantena ca “ananto”ti gaṇhantassa “**anantavā loko**”ti gahaṇākārappavattā diṭṭhi, sā sassatadiṭṭhipi hoti ucchedadiṭṭhipi.

Taṃ jīvaṃ taṃ sarīranti bhedanadhammassa sarīrasseva “jīvan”ti gahitattā sarīre ucchijjamāne “jīvampi ucchijjati”ti ucchedagahaṇākārappavattā diṭṭhi. Dutiyapade sarīrato aññassa jīvassa gahitattā sarīre ucchijjamānepi “jīvaṃ na ucchijjati”ti sassatagahaṇākārappavattā diṭṭhi. **Hoti Tathāgato param̐ maraṇāti**-ādīsu satto Tathāgato nāma, “so param̐ maraṇā hoti”ti gaṇhato paṭhamā sassatadiṭṭhi. “Na hoti”ti gaṇhato dutiyā ucchedadiṭṭhi. “Hoti ca na ca hoti”ti gaṇhato tatiyā ekaccasassatadiṭṭhi. “Neva hoti na nahoti”ti gaṇhato catutthā amarāvikkhepadiṭṭhi. **Ime dhammā āsavāti** ime kāmāsavaṇca bhavāsavaṇca rāgavasena ekato katvā saṅkhepato tayo, vitthārato cattāro dhammā āsavā nāma.

Yo pana brahmānaṃ vimānakapparukkha-ābharaṇesu chandarāgo uppajjati, so kāmāsavo hoti na hotīti? Na hoti. Kasmā? Pañcakāmaguṇikassa rāgassa idheva pahīnattā. Hetugocchakaṃ pana patvā lobho hetu nāma hoti, ganthagocchakaṃ patvā abhijjhākāyagantho nāma, kilesagocchakaṃ patvā lobho kilesa nāma hoti. Diṭṭhisahajāto pana rāgo kāmāsavo hoti na hotīti? Na hoti, diṭṭhirāgo nāma hoti. Vuttañhetam̐ “diṭṭhirāgaratte purisapuggale dinnadānaṃ na mahapphalaṃ hoti na mahānisaṃsan”ti¹.

Ime pana āsave kilesapaṭipāṭiyāpi āharitum̐ vaṭṭati maggapaṭipāṭiyāpi. Kilesapaṭipāṭiyā kāmāsavo anāgāmimaggena pahīyati, bhavāsavo arahattamaggena, diṭṭhāsavo sotāpattimaggena, avijjāsavo arahattamaggena. Maggapaṭipāṭiyā sotāpattimaggena diṭṭhāsavo pahīyati, anāgāmimaggena kāmāsavo, arahattamaggena bhavāsavo, avijjāsavo cāti.

1121. Saṃyojanesu mānaniddese “**seyyohamasmī**”ti mānoti uttamatṭhena “ahaṃ seyyo”ti evaṃ uppannamāno. “**Sadisohamasmī**”ti

1. Khu 9. 136 Paṭisambhidāyaṃ.

mānoti samasamaṭṭhena “ahaṃ sadiso”ti evaṃ uppannamāno.

“**Hīnohamasmī**”ti **mānoti** lāmakatṭhena “ahaṃ hīno”ti evaṃ uppannamāno. Evaṃ seyyamāno sadisamāno hīnamānoti ime tayo mānā tiṇṇaṃ janānaṃ uppajjanti. Seyyassāpi hi “ahaṃ seyyo, sadiso, hīno”ti tayo mānā uppajjanti sadisassāpi hīnassāpi. Tattha seyyassa seyyamānova yāthāvamāno, itare dve ayāthāvamānā. Sadisassa sadisamānova -pa-. Hīnassa hīnamānova yāthāvamāno, itare dve ayāthāvamānā. Iminā kiṃ kathitaṃ? Ekassa tayo mānā uppajjantīti kathitaṃ. **Khuddakavatthuke** pana paṭhamakamānabhājanīye eko māno tiṇṇaṃ janānaṃ uppajjatīti kathito.

Mānakaṇavasena **māno**. **Maññanā maññitattanti** ākārabhāvaniddesā. Ussitaṭṭhena **unnati**. Yassuppajjati, taṃ puggalaṃ unnāmeti ukkhipitvā ṭhapetīti **unnāmo**. Samussitaṭṭhena **dhajo**. Ukkhipanaṭṭhena cittaṃ sampaggaṇhātīti **sampaggāho**. Ketu vuccati bahūsu dhajesu accuggatadhajo, mānopi punappunaṃ uppajjamāno aparāpare upādāya accuggataṭṭhena ketu viyāti **ketu**, ketuṃ icchatīti **ketukamyāṃ**, tassa bhāvo **ketukamyatā**. Sā pana cittaṃ, na attano. Tena vuttaṃ “ketukamyatā cittaṃ”ti. Mānasampayuttañhi cittaṃ ketuṃ icchatī, tassa ca bhāvo ketukamyatā, ketusaṅkhāto mānoti.

1126. Issāniddeṣe **yā**

paralābhasakkāragarukāramānanavandanapūjanāsu issāti yā etesu paresaṃ lābhādīsu “kiṃ iminā imesaṃ”ti parasampattikhiyyanalakkhaṇā issā. Tattha **lābhoti** cīvarādīnaṃ catunnaṃ paccayānaṃ paṭilābho. Issukī hi puggalo parassa taṃ lābhaṃ khiyyati, “kiṃ imassa iminā”ti na icchatī. **Sakkāro**ti tesamīyeva paccayānaṃ sukatānaṃ sundarānaṃ paṭilābho. **Garukāro**ti garukiriyā bhāriyakaraṇaṃ. **Mānanti** manena piyakaraṇaṃ. **Vandananti** pañcapaṭiṭṭhitena vandaṇaṃ. **Pūjanāti** gandhamālādīhi pūjanaṃ. Issāyanavasena **issā**. Issākāro **issāyanā**. Issāyitabhāvo **issāyitattaṃ**. **Usūyādīni** issādivevacanāni².

1. Abhi 2. 366 piṭṭhe.

2. Issāvevacanāni (Ka)

Imissā pana issāya khiyyanalakkhaṇaṃ āgārikenāpi anāgārikenāpi dīpetabbaṃ. Āgāriko hi ekacco kasivaṇijjādīsu aññatarena ājīvena attano purisakāraṃ nissāya bhaddakaṃ yānaṃ vā vāhanaṃ vā ratanaṃ vā labhati. Aparo tassa alābhatthiko tena lābhena na tussati, “kadā nu kho esa imāya sampattiyā parihāyitvā kapaṇo hutvā carissatī”ti cintetvā ekena kāraṇena tasmim̐ tāya sampattiyā parihīne attamano hoti. Anāgārikopi eko issāmanako aññaṃ attano sutapariyatti-ādīni nissāya uppannaalābhādisampattim̐ disvā “kadā nu kho eso imehi lābhādīhi parihāyissatī”ti cintetvā yadā taṃ ekena kāraṇena parihīnaṃ passati, tadā attamano hoti. Evaṃ parasampattikhiyyanalakkhaṇā issatī veditabbā.

1127. Macchariyaniddese vatthuto macchariyadassanattamaṃ **pañca macchariyāni āvāsamacchariyanti**-ādi vuttaṃ. Tattha āvāse macchariyaṃ **āvāsamacchariyaṃ**. Sesapadesupi eseva nayo.

Āvāso nāma sakalārāmaṃ pariveṇampi ekovarakopi rattitṭhānadivāṭṭhānādīni. Tesu vasantā sukhaṃ vasanti, paccaye labhanti. Eko bhikkhu vattasampannasseva pesalassa bhikkhuno tattha āgamaṃ na icchati, “āgatopi khippaṃ gacchatū”ti cinteti, idaṃ **āvāsamacchariyaṃ** nāma. Bhaṇḍanakāraḍīnaṃ pana tattha vāsaṃ anicchato āvāsamacchariyaṃ nāma na hoti.

Kulanti upaṭṭhākakulampi ñātikulampi. Tattha aññaṃ upasaṅkamaṃ anicchato kulamacchariyaṃ hoti. Pāpapuggalassa pana upasaṅkamaṃ anicchantopi maccharī nāma¹ na hoti. So hi tesam̐ pasādabhedāya paṭipajjati. Pasādaṃ rakkhituṃ samatthasseva pana bhikkhuno tattha upasaṅkamaṃ anicchanto maccharī nāma hoti.

Lābhoti catupaccayalābhova. Taṃ aññaṃ sīlavanteyeva labhante “mā labhatū”ti cintentassa lābhamacchariyaṃ hoti. Yo pana saddhādeyyaṃ vinipāseti, aparibhogadupparibhogādivasena vināseti, pūtibhāvaṃ gacchantampi aññaṃ na deti, taṃ disvā “sace imaṃ esa na

1. Anicchatopi macchariyaṃ nāma (Sī, Ka)

labheyya, añño sīlavā labheyya, paribhogam gaccheyyā”ti cintentassa macchariyam nāma natthi.

Vaṇṇo nāma sarīravaṇṇopi guṇavaṇṇopi. Tattha sarīravaṇṇe maccharipuggalo “paro pāsādiko rūpavā”ti vutte tam na kathetukāmo hoti. Guṇavaṇṇamaccharī sīlena dhutaṅgena paṭipadāya ācārena vaṇṇam na kathetukāmo hoti.

Dhammoti pariyattidhammo ca paṭivedhadhammo ca. Tattha ariyasāvaka paṭivedhadhammam na maccharāyanti, attanā paṭividdhadhamme sadevakassa lokassa paṭivedham icchanti. “Tam pana paṭivedham pare jānantū”ti icchanti. Tanti dhammeyeva pana dhammacchariyam nāma hoti. Tena samannāgato puggalo yaṁ gūḷham gantham vā kathāmaggam vā jānāti, tam aññam na jānāpetukāmo hoti. Yo pana puggalam upaparikkhitvā dhammānuggahena, dhammam vā upaparikkhitvā puggalānuggahena na deti, yaṁ dhammaccharī nāma na hoti.

Tattha ekacco puggalo lolo hoti, kālena samaṇo hoti, kālena brāhmaṇo kālena Nigaṇṭho. Yo hi bhikkhu “yaṁ puggalo paveṇi-āgataṁ tantim saṇham sukhumam dhammantaram bhinditvā āluḷissatī”ti na deti, yaṁ **puggalam upaparikkhitvā dhammānuggahena na deti** nāma. Yo pana “yaṁ dhammo saṇho sukhumo, sacāyam puggalo gaṇhissati, aññam byākaritvā attānam āvikatvā nassissatī”ti na deti, yaṁ **dhammam upaparikkhitvā puggalānuggahena na deti** nāma. Yo pana “sacāyam imam dhammam gaṇhissati, amhākam samayaṁ bhinditum samattho bhavissatī”ti na deti, yaṁ dhammaccharī nāma hoti.

Imesu pañcasu macchariyesu āvāsamacchariyena tāva yakkho vā peto vā hutvā tasseva āvāsassa saṅkāram sīsenā ukkhipitvā vicarati. Kulamacchariyena tasmim kule aññesam dānamānanādīni karonte disvā “bhinnam vatidam kulam mamā”ti cintayato lohitaṁ mukhato uggacchati, kucchivirecanampi hoti, antānipi khaṇḍākhaṇḍāni hutvā nikkhamanti. Lābhamacchariyena saṅghassa vā gaṇassa vā santake lābhe maccharāyitvā puggalikaparibhogam viya paribhuñjitvā yakkho vā peto vā mahā-ajagaro vā hutvā nibbattati. Sarīravaṇṇaguṇavaṇṇamaccharena, pariyattidhammacchariyena ca

attanova vaṇṇaṃ vaṇṇeti, paresaṃ vaṇṇe “kiṃ vaṇṇo eso”ti taṃ taṃ dosaṃ vadanto pariyattidhammaṅca kassaci kiñci adento dubbaṇṇo ceva eḷamūgo ca hoti.

Apica āvāsamacchariyena lohagehe paccati, kulamacchariyena appalābho hoti, lābhamacchariyena gūthaniraye nibbattati, vaṇṇamacchariyena bhava bhava nibbattassa vaṇṇo nāma na hoti, dhammacchariyena kukkuḷaniraye nibbattatīti.

Maccharāyanavasena **maccheraṃ**. Maccharāyanākāro **maccharāyanā**. Maccharena ayitassa maccherasamaṅgino bhāvo **maccharāyitattaṃ**. Mayhameva hontu, mā aññassāti sabbāpi attano sampattiyo byāpetuṃ na icchatīti **viviccho**. Vivicchassa bhāvo **vevicchaṃ**, mudumacchariyassetam nāmaṃ. Kadariyo vuccati anādaro, tassa bhāvo **kadariyaṃ**, thaddhamacchariyassetam nāmaṃ. Tena hi samannāgato puggalo parampi paresaṃ dadamānaṃ nivāreti. Vuttampi cetam—

Kadariyo pāpasaṅkappo, micchādiṭṭhi anādaro.
Dadamānaṃ nivāreti, yācamānāna bhojananti¹.

Yācake disvā kaṭukabhāvena cittaṃ añcati saṅkocetīti **kaṭukañcuko**, tassa bhāvo **kaṭukañcukatā**. Aparo nayo, **kaṭukañcukatā** vuccati kaṭacchuggāho, samatittikapuṇṇāya hi ukkhaliyā bhattaṃ gaṇhanto sabbatobhāgena saṅkuṭitena² aggakaṭacchunā³ gaṇhāti pūretvā gahetuṃ na sakkoti, evaṃ maccharipuggalassa cittaṃ saṅkucati, tasmim saṅkucite kāyopi tatheva saṅkucati patikuṭati patinivattati na sampasāriyatīti maccheraṃ “kaṭukañcukatā”ti vuttaṃ.

Aggahitattaṃ cittassāti paresaṃ upakāra karaṇe dānādina ākārena yathā na sampasāriyati, evaṃ āvaritvā gahitabhāvo cittassa. Yasmā pana maccharipuggalo attano santakaṃ paresaṃ adātukāmo hoti, parasantakaṃ gaṇhitukāmo. Tasmā “idaṃ acchariyaṃ mayhameva hotu mā aññassā”ti pavattivasenassa attasampattinigūhanalakkhaṇatā,

1. Saṃ 1. 96 piṭṭhe.

2. Saṅkucitena (Sī)

3. Aggaggakaṭacchunā (Sī)

attasampattiggahaṇalakkhaṇatā vā veditabbā. Sesam imasmiṃ gocchake uttānatthameva.

Imāni pana saṃyojanāni kilesapaṭipāṭiyāpi āharitum vaṭṭati maggapaṭipāṭiyāpi. Kilesapaṭipāṭiyā kāmarāgapaṭighasaṃyojanāni anāgāmi maggena pahīyanti, mānasasāyojanam arahattamaggena, diṭṭhivicikicchāsīlabbataparāmāsā a-otāpattimaggena. Bhavarāgasāyojanam arahattamaggena. Issāmacchariyāni sotāpattimaggena, avijjā arahattamaggena. Maggapaṭipāṭiyā diṭṭhivicikicchāsīlabbataparāmāsā-issāmacchariyāni sotāpattimaggena pahīyanti, kāmarāgapaṭighā anāgāmi maggena, mānabhavarāga-avijjā arahattamaggenāti.

1140. Ganthagocchake nāmakāyaṃ gantheti cutipaṭisandhivasena vaṭṭasmiṃ ghaṭetīti **kāyagantho**. Sabbaññubhāsitampi paṭikkhipivā “sassato loko, idameva saccam, moghamaññan”ti iminā ākārena abhinivisatīti **idamsaccābhiniveso**. Yasmā pana abhijjhākāmarāgānam viseso atthi, tasmā abhijjhākāyaganthassa padabhājane “yo kāmesu kāmacchando kāmarāgo”ti avatvā “**yo rāgo sārāgo**”ti-ādi vuttam. Iminā yaṃ heṭṭhā vuttam “brahmānam vimānādīsu chandarāgo kāmasavo na hoti, ganthagocchakam patvā abhijjhākāyagantho hoti”ti¹, tam suvuttanti veditabban. Parato kilesagocchakepi eseva nayo. **Ṭhapetvā sīlabbataparāmāsanti** idam yasmā sīlabbataparāmāso “idameva saccan”ti-ādinā ākārena nābhinivisati, “sīlena suddhī”ti-ādinā eva pana abhinivisati, tasmā micchādiṭṭhibhūtampi tam paṭikkhipanto “ṭhapetvā”ti āha.

1162. Nīvaraṇagocchakassa thinamidghaniddese **cittassa akallatāti** cittassa gilānabhāvo. Gilāno hi akallakoti vuccati. Vinayepi vuttam “nāham bhante akallako”ti². **Akammaññatāti** cittagelaññasaṅkhātova akammaññatākāro. **Oliyanāti** oliyanākāro. Iriyāpathikacittaṅhi iriyāpatham sandhāretum asakkontam rukkhe vagguli viya, khīle laggitaphāṇitavārako viya ca oliyati, tassa tam

1. Heṭṭhā 403 piṭṭhe.

2. Vi 1. 78 piṭṭhe

ākāraṃ sandhāya “oliyanā”ti vuttaṃ. Dutiyapadaṃ upasaggavasena vadḍhitaṃ. **Līnanti** avipphārikatāya patikuṭitaṃ. Itare dve ākārabhāvaniddesā. **Thinanti** sappipiṇḍo viya avipphārikatāya ghanabhāvena ṭhitaṃ. **Thiyanāti** ākāraniddeso. Thiyaṭabhāvo **thiyitattaṃ**, avipphāravaseneva thaddhatāti attho.

1163. **Kāyassāti** khandhattayasaṅkhātassa nāmakāyassa. **Akallatā akammaññatāti** heṭṭhā vuttanayameva. Megho viya ākāsaṃ kāyaṃ onayhatīti **onāho**. Sabbatobhāgena onāho **pariyonāho**. Abbhantare samorundhatīti **antosamorodho**. Yathā hi nagare rundhitvā gahite manussā bahi nikkhamituṃ na labhanti, evampi middhena samoruddhā dhammā vipphāravasena nikkhamituṃ na labhanti. Tasmā “antosamorodho”ti vuttaṃ. Medhatīti **middhaṃ**. Akammaññabhāvena vihiṃsatīti attho. Supanti tenāti **sopparṃ**. Akkhidalādīnaṃ pacalabhāvaṃ karotīti **pacalāyikā**. **Supanā supitattanti** ākārabhāvaniddesā. Yaṃ pana tesāṃ purato soppapadaṃ, tassa punavacane kāraṇaṃ vuttameva. **Idaṃ vuccati thinamiddhanīvaraṇanti** idaṃ thinañca middhañca ekato katvā āvaraṇaṭṭhena thinamiddhanīvaraṇanti vuccati. Yaṃ yebhuyyena sekkhaputhujjanānaṃ niddāya pubbhāga-aparabhāgesu uppajjati, taṃ arahattamaggena samucchijjati. Khīṇāsavānaṃ pana karajakāyassa dubbalabhāvena bhavaṅgotaraṇaṃ hoti, tasmīṃ asammissa vattamāne te supanti. Sā nesāṃ niddā nāma hoti. Tenāha Bhagavā “abhiṇāmi kho panāhaṃ aggivessana gimhānaṃ pacchime māse catugguṇaṃ saṅghāṭiṃ pañṇapetvā dakkhiṇena passena sato sampajāno niddaṃ okkamitā”ti¹. Evarūpo panāyaṃ karajakāyassa dubbalabhāvo na maggavajjho, upādinnakepi anupādinnakepi labbhati. Upādinnake labbhamāno yadā khīṇāsavo dīghamaggaṃ gato hoti, aññataraṃ vā pana kammaṃ katvā kilanto, evarūpe kāle labbhati. Anupādinnake labbhamāno paṇṇapupphesu labbhati. Ekaccānañhi rukkhānaṃ paṇṇāni sūriyātapena pasāriyanti, rattim patikuṭanti. Padumapupphādīni sūriyātapena pupphanti, rattim puna patikuṭanti. Idaṃ pana middhaṃ akusalattā khīṇāsavānaṃ na hotīti.

1. Ma 1. 316 piṭṭhe

Tattha siyā—“na middham akusalam. Kasmā? Rūpattā. Rūpañhi abyākataṃ, Idañca rūpaṃ. Tenevettha ‘kāyassa akallatā akammaññātā’ ti kāyaggahaṇaṃ katan” ti. Yadi “kāyassā” ti vuttamattenevetam rūpaṃ, kāyapassaddhādayopi dhammā rūpameva bhavyeyyūṃ. “Sukhañca kāyena paṭisaṃvedeti¹. Kāyena ceva paramasaccam² sacchikarotī” ti³ sukhapāṭisaṃvedanaparamatthasaccasacchikāraṇānipi rūpakāyeneva siyūṃ. Tasmā na vattabbametam “rūpaṃ middhan” ti. Nāmakāyo hettha kāyo nāma. Yadi nāmakāyo, atha kasmā “soppam pacalāyikā” ti vuttam. Na hi nāmakāyo supati, na ca pacalāyatīti? Liṅgādīni viya indriyassa tassa phalattā. Yathā hi “itthiliṅgam itthinimittam itthikuttam itthākappo” ti imāni liṅgādīni itthindriyassa phalattā vuttāni, evam imassāpi nāmakāyagelaññasaṅkhātassa middhassa phalattā soppādīni vuttāni. Middhe hi sati tāni hotīti phalūpacārena middham arūpampi samānam “soppam pacalāyikā supanā supitattan” ti vuttam.

Akkhidālādīnam pacalabhāvaṃ karotīti **pacalāyikā**ti vacanatthenāpi cāyamatto sādhitoyevāti na rūpaṃ middham. Onāhādīhipi cassa arūpabhāvo dīpitoyeva. Na hi rūpaṃ nāmakāyassa onāho pariyaonāho antosamorodho hotīti. Nanu ca imināva kāraṇenetaṃ rūpaṃ. Na hi arūpaṃ kassaci onāho, na pariyaonāho, na antosamorodho hotīti? Yadi evam āvaraṇampi na bhavyeya. Tasmā yathā kamacchandādayo arūpadhammā āvaraṇatthena nīvaraṇā, evam imassāpi onāhanādi-atthena onāhādītā veditabbā. Apica “pañca nīvaraṇe pahāya cetaso upakkilese paññāya dubbalīkaraṇe” ti⁴ vacanatopetaṃ arūpaṃ. Na hi rūpaṃ cittupakkileso, na paññāya dubbalīkaraṇam hotīti.

Kasmā na hoti. Nanu vuttam—

“Santi bhikkhave eke samaṇabrāhmaṇā suram pivanti merayam. Surāmerayapānā appaṭiviratā. Ayam bhikkhave paṭhamo samaṇabrāhmaṇānam upakkileso” ti⁵.

1. Abhi 1. 45; Dī 1. 71 piṭṭhādīsu.

3. Ma 2. 145; Am 1. 430 piṭṭhesu.

5. Am 1. 363 piṭṭhe.

2. Paramatthasaccam (sabbattha)

4. Dī 2. 71; Sam 3. 95 piṭṭhādīsu.

Aparampi vuttam “cha khome gahapatiputta ādīnavā surāmerayamajjapamādaṭṭhānānuyoge sandiṭṭhikā dhanajāni, kalahappavaḍḍhanī, rogānaṃ āyatanāṃ, akittisañjananī, kopīnanidaṃsanī, paññāyadubbalīkaraṇīveva chaṭṭham padaṃ bhavati”¹. Paccakkhatopi cetam siddhameva, yathā majje udaragate cittam sikilissati, paññā dubbalā hoti. Tasmā majjam viya middhampi cettasaṃkilesa ceva paññāya dubbalīkaraṇaṇca siyāti? Na, paccayaniddesato. Yadi hi majjham saṃkilesa bhavēyya, “so ime pañca nīvaraṇe pahāya cetaso upakkilese”² vā, “evameva kho bhikkhave pañcime cittassa upakkilesā, yehi upakkilesehi upakkiliṭṭham cittam na ceva mudu hoti, na ca kammaniyam, na ca pabhassaram pabhaṅgu ca, na ca sammā samādhiyati āsavānaṃ khayāya. Katame pañca? Kāmacchando bhikkhave cittassa upakkilesa”³ vā, “katame ca bhikkhave cittassa upakkilesā? Abhiḥhā visamalobho cittassa upakkilesa”⁴ vā evamādisu upakkilesaniddesesu niddesaṃ āgacchēyya. Yasmā pana tasmim pīte upakkilesā uppajjanti, ye cettasaṃkilesā ceva paññāya ca dubbalīkaraṇā honti, tasmā taṃ tesam paccayattā paccayaniddesato evam vuttam. Middham pana sayameva cittassa saṃkilesa ceva paññāya dubbalīkaraṇaṇcāti arūpameva middham.

Kiñca bhiyyo—sampayogavacanato. “Thinamiddhanīvaraṇam avijjānīvaraṇena nīvaraṇaṇceva nīvaraṇasampayuttañcā”⁵ hi vuttam. Tasmā sampayogavacanato nayidaṃ rūpaṃ. Na hi rūpaṃ sampayuttasaṅkhyam labhatīti. Athāpi siyā “yathālābhavasenetam vuttam. Yathā hi ‘sippisambukampi sakkharakathalampi macchagumbampi carantampi tiṭṭhantampī”⁶ evam ekato katvā yathālābhavasena vuttam, sakkharakathalañhi tiṭṭhati yeva na carati, itaradvayam tiṭṭhatipi caratipi. Evamidhāpi middham nīvaraṇameva, na sampayuttam. Thinam nīvaraṇampi sampayuttampīti sabbam ekato katvā yathālābhavasena nīvaraṇaṇceva nīvaraṇasampayuttañcāti vuttam. Middham pana yathāsakkharakathalam tiṭṭhateva, na carati. Evam nīvaraṇameva, na sampayuttam. Tasmā rūpameva middham”^{ti}. Na, rūpabhāvāsiddhito. Sakkharakathalañhi na caratīti vināpi suttena siddham. Tasmā tattha yathālābhavasenaṭṭho

1. Dī 3. 148 piṭṭhe.

2. Ma 1. 234 piṭṭhādisu.

3. Saṃ 3. 82 piṭṭhe.

4. Ma 1. 43 piṭṭhe.

5. Abhi 1. 235 piṭṭhe.

6. Dī 1. 79; Ma 1. 347 piṭṭhādisu.

hotu, middham pana rūpanti asiddhametaṃ. Na sakkā tassa iminā suttena rūpabhāvo sādhetunti middhassa rūpabhāvāsiddhito na idaṃ yathālābhavesana vuttanti arūpameva middham.

Kiñca bhiyyo—“cattattā”ti-ādivacanato. Vibhaṅgasmiñhi “vigatathinamidhoti tassa thinamidhassa cattattā vantattā muttattā pahīnattā paṇinissaṭṭhattā. Tena vuccati vigatathinamidho”ti¹ca “idaṃ cittaṃ imamhā thinamidhā sodheti visodheti parisodheti moceti vimoceti parimoceti. Tena vuccati thinamidhā cittaṃ parisodheti cā”ti² evaṃ “cattattā”ti-ādi vuttaṃ, na ca rūpaṃ evaṃ vuccati. Tasmāpi arūpameva middhanti. Na, cittajassāsambhavavacanato. Tividhañhi middham cittajaṃ, utujaṃ, āhārajañca. Tasmā yaṃ tattha cittajaṃ, tassa Vibhaṅge jhānacittehi asambhavo vutto. Na arūpabhāvo sādhitoti rūpameva middhanti. Na, rūpabhāvāsiddhitova. Middhassa hi rūpabhāve siddhe sakkā etaṃ laddham. Tattha cittajassāsambho vutto, so eva ca na sījhatīti arūpameva middham.

Kiñca bhiyyo—pahānavacanato. Bhagavatā hi “cha bhikkhave dhamme pahāya bhabbo paṭhamajjhānaṃ upasampajja viharituṃ. Katame cha? Kāmacchandaṃ, byāpādaṃ, thinamidham, uddhaccaṃ, kukkuccaṃ, vicikicchaṃ. Kāmesu kho panassa ādīnavo sammapaññāya sudiṭṭho hoti”ti³ ca “ime pañca nīvaraṇe pahāya balavatiyā paññāya attatthaṃ vā paratthaṃ vā ñassatī”ti⁴ ca ādisu middhassāpi pahānaṃ vuttaṃ, na ca rūpaṃ pahātabbaṃ. Yathāha “rūpakkhandho abhiññeyyo pariññeyyo na pahātabbā na bhāvetabbo na sacchikātabbo”ti⁵. Imassāpi pahānavacanato arūpameva middhanti? Na rūpassāpi pahānavacanato. “Rūpaṃ bhikkhave na tumhākaṃ taṃ pajahathā”ti⁶ ettha hi rūpassāpi pahānaṃ vuttameva. Tasmā akāraṇametanti? Na, aññathā vuttattā. . Tasmīñhi sutte “yo bhikkhave rūppe chandarāgavinayo, taṃ tattha pahānaṃ”ti⁷ evaṃ chandarāgappahānavasena rūpassa pahānaṃ vuttaṃ, na yathā cha dhamme pahāya pañca nīvaraṇe pahāyāti, evaṃ pahātabbameva vuttanti aññathā vuttattā na rūpaṃ middham. Tasmā yānetāni “so ime pañca nīvaraṇe pahāya

1. Abhi 2. 263 piṭṭhe.

3. Am 2. 373 piṭṭhe.

5. Abhi 2. 441 piṭṭhe.

7. Sam 2. 23 piṭṭhe Chandarāgasuttapāli siyā.

2. Abhi 2. 264 piṭṭhe.

4. Am 2. 57 piṭṭhe.

6. Ma 1. 194; Sam 2. 28 piṭṭhesu.

cetaso upakkilese”ti-ādīni * suttāni vuttāni, etehi ceva aññehi ca suttehi arūpameva middhanti veditabbaṃ. Tathā hi—

“Pañcime bhikkhave āvaraṇā nīvaraṇā cetaso ajjhāruhā paññāya dubbalīkaraṇā. Katame pañca? Kāmacchando bhikkhave āvaraṇo nīvaraṇo -pa- thinamiddhaṃ bhikkhave āvaraṇaṃ nīvaraṇaṃ cetaso ajjhāruhaṃ paññāya dubbalīkaraṇaṃ”ti¹ ca, “thinamiddhanīvaraṇaṃ bhikkhave andhakaṇaṃ acakkhukaṇaṃ aññāṇakaṇaṃ paññānirodhikaṃ vighātapakkhikaṃ anibbānasaṃvattanikaṃ”ti² ca, “evameva kho brāhmaṇa yasmiṃ samaye thinamiddhapariyuṭṭhitena cetasā viharati thinamiddhaparetenā”ti³ ca, “ayoniso bhikkhave manasikaroto anuppanno ceva kāmacchando uppajjati -pa-. Anuppannañceva thinamiddhaṃ uppajjati”ti⁴ ca, “kevalohāyaṃ bhikkhave akusalarāsi yadidaṃ pañca nīvaraṇā”ti⁵ ca—

Evamādīni ca anekāni etassa arūpabhāvajotakāneva suttāni vuttāni. Yasmā cetam arūpaṃ, tasmā āruppepi uppajjati. Vuttañhetam Mahāpakaraṇe **Paṭṭhāne** “nīvaraṇaṃ dhammaṃ paṭicca nīvaraṇo dhammo uppajjati na purijātapaccayā”ti etassa Vibhaṅge “āruppe kāmacchandanīvaraṇaṃ paṭicca thinamiddhaṃ uddhaccaṃ avijjānīvaraṇaṃ”ti⁶ sabbaṃ vitthāretabbaṃ. Tasmā sannitṭhānamettha gantabbaṃ “arūpameva middhaṃ”ti.

1166. Kukkuccaniddese **akappiye kappiyasaññitā**ti-ādīni mūlato kukkuccadassanattaṃ vuttāni. Evaṃsaññitāya hi kate vītikkame niṭṭhite vatthujjhācāre puna sañjātasatinopi “duṭṭhu mayā katan”ti evaṃ anutappamānassa pacchānutāpavasenetam uppajjati. Tena tam mūlato dassetuṃ “akappiye kappiyasaññitā”ti-ādi vuttaṃ. Tattha akappiyabhojanaṃ kappiyasaññi hutvā paribhuñjati, akappiyamaṃsaṃ kappiyamaṃsasaññi hutvā acchamaṃsaṃ “sūkaramaṃsaṃ”ti, dīpimaṃsaṃ vā “migamaṃsaṃ”ti khādati. Kāle vītivatte kālasaññāya, pavāretvā appavāritasaññāya, pattasmiṃ raje patite paṭiggahitasaññāya bhuñjati. Evaṃ akappiye kappiyasaññāya

* Ma 1. 239 piṭṭhe.

1. Saṃ 3. 85piṭṭhe.

2. Saṃ 3. 86 piṭṭhe.

3. Saṃ 3. 107 piṭṭhe.

4. Saṃ 3. 83 piṭṭhe.

5. Saṃ 3. 127 piṭṭhe.

6. Abhi 10. 300 piṭṭhe.

vītikkamaṃ karoti nāma. Sūkaramaṃsaṃ pana acchamaṃsasaññāya khādamāno, kāle ca vikālasaññāya bhuñjamāno kappiye akappiyasaññitāya vītikkamaṃ karoti nāma. Anavajjaṃ pana kiñciveva vajjasaññitāya, vajjañca anavajjasaññitāya karonto anavajje vajjasaññāya, vajje ca anavajjasaññāya vītikkamaṃ karoti nāma. Yasmā panetaṃ “akataṃ vata me kalyānaṃ, akataṃ kusalaṃ, akataṃ bhīruttāṇaṃ, kataṃ pāpaṃ, kataṃ luddaṃ, kataṃ kibbisaṃ”ti evaṃ anavajje vajjasaññitāyapi kate vitikkame uppajjati. Tasmāssa aññaṃpi vatthum anujānanto “**yaṃ evarūpan**”ti-ādimāha.

Tattha kukkucapadaṃ vuttatthameva. Kukkuccāyanākāro **kukkuccāyanā**. Kukkuccena ayitassa bhāvo **kukkuccāyitattaṃ**. **Cetaso vippaṭisāro**ti ettha katākatassa sāvajjānavajjassa vā abhimukhagamaṇaṃ vippaṭisāro nāma. Yasmā pana so kataṃ vā pāpaṃ akataṃ na karoti, akataṃ vā kalyāṇaṃ kataṃ na karoti, tasmā virūpo, kucchito vā paṭisāroti **vippaṭisāro**. So pana cetaso, na sattassāti nāpanatthaṃ “cetaso vippaṭisāro”ti vuttaṃ. Ayamassa sabhāvaniddeso. Uppajjamānaṃ pana kukkuccaṃ āraggamiva kaṃsapattaṃ manaṃ vilikhamānameva uppajjati, tasmā “**manovilekko**”ti vuttaṃ. Ayamassa kiccaniddeso. Yaṃ pana vinaye “atha kho āyasmā Sāriputto Bhagavatā paṭikkhittaṃ anuvasitvā anuvasitvā āvasathapiṇḍaṃ paribhuñjitunti kukkuccāyanto na paṭiggaheṣī”ti¹ kukkuccaṃ āgataṃ, na taṃ nīvaraṇaṃ. Na hi arahato “duṭṭhu mayā idaṃ katan”ti evaṃ anutāpo atthi. Nīvaraṇapatirūpakam panetaṃ “kappati na kappati”ti vīmaṃsanasaṅkhātaṃ vinayakukkuccaṃ nāma.

1176. “**Katame dhammā nīvaraṇā ceva nīvaraṇasampayuttā cā**”ti padassa niddese yasmā thinamiddhaṃ aññaṃaññaṃ na vijahati, tasmā “**thinamiddhanīvaraṇaṃ avijjānīvaraṇena nīvaraṇaṇceva nīvaraṇasampayuttāñcā**”ti abhinditvā vuttaṃ. Yasmā pana uddhacce satipi kukkucassa abhāvā kukkuccena vināpi uddhaccaṃ uppajjati, tasmā taṃ bhinditvā vuttaṃ. Yañca yena sampayogaṃ na gacchati, taṃ na yojitanti veditabbaṃ.

1. Vi 2. 96 piṭṭhe.

Ime pana nīvaraṇe kilesapaṭipāṭiyāpi āharitum vaṭṭati maggapaṭipāṭiyāpi. Kilesapaṭipāṭiyā kāmaccchandabyāpādā anāgāmimaggena pahīyanti. Thinamiddhuddhaccāni arahattamaggena, kukkuccavicikicchā sotāpattimaggena, avijjā arahattamaggena. Maggapaṭipāṭiyā sotāpattimaggena kukkuccavicikicchā pahīyanti, anāgāmimaggena kāmaccchandabyāpādā, arahattamaggena thinamiddhuddhaccāvijjāti.

1182. Parāmāsagocchake **te dhamme ṭhapetvāti** pucchāsabhāgena bahuvacanam kataṃ.

1219. Upādānaniddese vatthusaṅkhātam kāmam upādiyatīti **kāmupādānam**, kāmo ca so upādānañcātipi **kāmupādānam**, **upādānanti** daḷhaggahaṇam, daḷhattho hi ettha upasaddo upāyāsa-upakaṭṭhādīsu viya. Tathā diṭṭhi ca sā upādānañcāti **duṭṭhupādānam**, diṭṭhim upādiyatīti vā **diṭṭhupādānam**. “Sassato attā ca loko cā”ti-ādīsu¹ hi purimadiṭṭhim uttaradiṭṭhi upādiyahi. Tathā sīlabbatam upādiyatīti **sīlabbatupādānam**. Sīlabbatañca tam upādānañcātipi **sīlabbatupādānam**, gosīlagovatādīni hi “evam suddhī”ti abhinivesato sayameva upādānāni. Tathā vadanti etenāti **vādo**, upādiyanti etenāti **upādānam**, kim vadanti, upādiyanti vā? Attānam. attano vādupādānam **attavādupādānam**, attavādamattameva vā attāti upādiyanti etenāti **attavādupādānam**.

1220. **Yo kāmesu kāmaccchandoti** etthāpi vatthukāmāva anavasesato kāmāti adhippetā. Tasmā vatthukāmesu kāmaccchando idha kāmupādānanti anāgāminopi tam siddham hoti. Pañcakāmaguṇavatthuko panassa kāmarāgo va natthīti.

1221. Diṭṭhupādānaniddese **natthi dinnanti** “dinnam nāma atthi, sakkā kassaci kiñci dātun”ti jānāti, dinnassa pana phalam vipāko natthīti gaṇhāti. **Natthi yiṭṭhanti** yiṭṭham vuccati mahāyāgo, “tam yajitum sakkā”ti jānāti, yiṭṭhassa pana phalam vipāko natthīti gaṇhāti. **Natthi hutanti** āhunapāhunamaṅgalakiriyā, “tam kātum sakkā”ti jānāti, tassa pana phalam vipāko

1. Dī 1. 12 piṭṭhādīsu.

natthīti gaṇhāti. **Natthi sukata dukkaṭānanti** ettha dasa kusalakammaphā sukatakammāni nāma, dasa akusalakammaphā dukkaṭakammāni nāma. Tesam atthibhāvaṃ jānāti, phalaṃ vipāko pana natthīti gaṇhāti. **Natthi ayaṃ lokoti** paraloke ṭhito imaṃ lokam “natthī”ti gaṇhāti. **Natthi paralokoti** idha loke ṭhito paralokam “natthī”ti gaṇhāti. **Natthi mātā natthi pitāti** mātāpitūnam atthibhāvaṃ jānāti, tesu katapaccayena koci phalaṃ vipāko natthīti gaṇhāti. **Natthi sattā opapātikāti** “cavanaka-upapajjanakā sattā natthī”ti gaṇhāti. **Sammagatā¹sammā paṭipannāti** “anulomapaṭipadam paṭipannā dhammikasamaṇabrāhmaṇā lokasmim natthī”ti gaṇhāti. **Ye imaṅca lokam, paraṅca lokam sayam abhiññā sacchikatvā pavedentīti** imaṅca lokam, paraṅca lokam attanāva abhivisiṭṭhena ñāṇena ñatvā pavedanasamattho sabbaññū Buddho nāma natthīti gaṇhāti.

Imāni pana upādānāni kilesapaṭipāṭiyāpi āharitum vaṭṭati maggapaṭipāṭiyāpi. Kilesapaṭipāṭiyā kāmupādānam catūhi maggehi pahiyati, sesāni tīni sotāpattimaggena. Maggapaṭipāṭiyā sotāpattimaggena diṭṭhupādānādīni pahiyanti, catūhi maggehi kāmupādānanti.

1235. Kilesagocchake kilesā eva **kilesavatthūni**. Vasanti vā ettha akhīṇāsavā sattā lobhādīsu patiṭṭhitattāti **vatthūni**. Kilesā ca te tappatiṭṭhānam sattānam vatthūni cāti **kilesavatthūni**. Yasmā cettha anantarapaccayādibhāvena uppajjamaṇā kilesāpi vasanti eva nāma, tasmā kilesānam vatthūnītipi **kilesavatthūni**.

1236. **Tattha katamo lobho, yo rāgo sārāgoti** ayaṃ pana lobho hetugocchake ganthagocchake imasmim kilesagocchaketi tīsu ṭhānesu atirekapadasatena niddiṭṭho, āsavasaṃyojana-oghayoganīvaraṇa-upādānagocchakesu aṭṭhahi aṭṭhahi padehi niddiṭṭho. Svāyaṃ atirekapadasatena niddiṭṭhaṭṭhānepi aṭṭhahi aṭṭhahi padehi niddiṭṭhaṭṭhānepi nippadesatova gahitoti veditabbo. Tesu hetuganthanīvaraṇa-upādānakilesagocchakesu catumaggavajjhā taṇhā

ekeneva koṭṭhāsena ṭhitā. Āsavaśaṃyojana-oghayogesu catummaggavajjhāpi dve koṭṭhāsā hutvā ṭhitā, katham? Āsavesu kāmāsavo bhavāsavoti, saṃyojanesu kāmarāgasamyojanaṃ bhavarāgasamyojananti, oghesu kāmogho bhavoghoti, yogesu kāmayogo bhavayogoti.

Imāni pana kilesavatthūni kilesapaṭipāṭiyāpi āharitum vaṭṭati maggapaṭipāṭiyāpi. Kilesapaṭipāṭiyā lobho catūhi maggehi pahīyati. Doso anāgāmmimaggena, mohamānā arahattamaggena, diṭṭhivicikicchā sotāpattimaggena, thinādīni arahattamaggena. Maggapaṭipāṭiyā sotāpattimaggena diṭṭhivicikicchā pahīyanti, anāgāmmimaggena doso, arahattamaggena sesā sattāti.

1287. Kāmāvacaraniddese **heṭṭhatoti** heṭṭhābhāgena. **Avīcinirayanti** aggijālānaṃ vā sattānaṃ vā dukkhavedanāya vā vīci antaraṃ chiddaṃ ettha natthīti **Avīci**, sukhasaṅkhāto ayo ettha natthīti **nirayo**, nirati-atthenapi nirassādatthenapi **nirayo**. **Pariyantaṃ karitvāti** taṃ Avīcisaṅkhātaṃ nirayaṃ antaṃ katvā. **Uparitoti** uparibhāgena. **Paranimmitavasavattideveti** paranimmitesu kāmesu vasaṃ vattanato evaṃladdhavohāre deve. **Anto karitvāti** anto pakkhipitvā. **Yaṃ etasmim antareti** ye etasmim okāse. **Etthāvacarāti** iminā yasmā etasmim antare aññepi caranti kadāci katthaci sambhavato, tasmā tesam asaṅgaṇhanattham “avacarā”ti vuttaṃ. Tena ye etasmim antare ogāḷhā hutvā caranti sabbattha, sadā ca sambhavato, adhobhāge caranti Avīcinirayassa heṭṭhā bhūtopādāyapavattibhāvena, tesam saṅgaho kato hoti. Te hi avagāḷhāva caranti adhobhāgeva carantīti **avacarā**. **Ettha pariyāpannāti** iminā pana yasmā ete etthāvacarā aññatthāpi avacaranti¹, na pana tattha pariyāpannā honti. Tasmā tesam aññatthāpi avacarantānaṃ² pariggaho kato hoti. Idāni te ettha pariyāpannadhamme rāsisuññatappaccayabhāvato ceva sabhāvato ca dassento “**khandhā**”ti-ādimāha.

1. Caranti (?)

2. Carantānaṃ (?)

1289. Rūpāvacaraniddese **brahmalokanti** paṭhamajjhānabhūmisaṅkhātāṃ brahmaṭṭhānaṃ. Sesamettha kāmāvacaraniddese vuttanayeneva veditabbaṃ. **Samāpannassa vāti-**ādīsu paṭhamapadena kusalajjhānaṃ vuttaṃ, dutiyena vipākajjhānaṃ vuttaṃ, tatiyena kiriyajjhānaṃ vuttanti veditabbaṃ.

1291. Arūpāvacaraniddese **ākāsānañcāyatanūpageti** ākāsānañcāyatanasaṅkhātāṃ bhavaṃ upagate. Dutiya-pade-pi ese-va nayo. Sesāṃ heṭṭhā vuttanayeneva veditabbaṃ.

1301. Saraṇadukaniddese yvāyaṃ tīsu akusalamūlesu moho, so lobhasampayutto ca¹ lobhena **saraṇo**, dosasampayutto ca dosena **saraṇo**. Vicikicchuddhaccasampayutto pana moho diṭṭhisampayuttena ceva rūparāga-arūparāgasāṅkhātēna ca rāgarāṇena pahānekaṭṭhabhāvato **saraṇo**, sarajoti veditabbo.

Suttantikadukanikkhepakathā

1303. Suttantikadukesu mātikākathāyaṃ atthato vivecitattā, yāni ca nesaṃ niddesapadāni, tesampi heṭṭhā vuttanayeneva suviññeyyattā yebhuyyena uttānatthāni eva. Idaṃ panettha visesamattaṃ—**Vijjūpamaduke** tāva cakkhumā kira puriso meghandhakāre rattiṃ maggaṃ paṭipajji, tassa andhakāratāya maggo na paññāyi, vijju niccharitvā andhakāraṃ viddhaṃsesi, athassa andhakāravigamā maggo pākaṭo ahoṣi. So dutiyampi gamanaṃ abhinīhari, dutiyampi andhakāro otthari, maggo na paññāyi, vijju niccharitvā taṃ viddhaṃsesi, vigate andhakāre maggo pākaṭo ahoṣi. Tatiyampi gamanaṃ abhinīhari, andakāro otthari, maggo na paññāyi, vijju niccharitvā taṃ viddhaṃsesi, vigate andhakāre maggo pākaṭo ahoṣi. Tatiyampi gamanaṃ abhinīhari, andhakāro otthari, maggo na paññāyi, vijju niccharitvā andhakāraṃ viddhaṃsesi.

Tattha cakkhumato purisassa andhakāre maggapaṭipajjanaṃ viya ariyasāvakaṃ sotāpattimaggaṭṭhāya vipassanārambho, andhakāre maggassa apaññāyanakālo viya saccachādakatamaṃ, vijjuyā niccharitvā andhakārassa viddhaṃsitakālo viya sotāpattimaggo bhāsenā uppajjitvā

1. Lobhasampayuttova (Sī)

saccacchādakatamassa vinoditakālo, vigate andhakāre maggassa pākaṭakālo viya sotāpattimaggassa catunnaṃ saccānaṃ pākaṭakālo, maggassa pākaṭaṃ pana maggasamaṅgipuggalassa pākaṭameva. Dutiyagamanābhinihāro viya sakadāgāmimaggatthāya vipassanārambho, andhakāre maggassa apaññāyanakālo viya saccacchādakatamaṃ, dutiyaṃ vijjuyā niccharitvā andhakārassa viddhamsitakālo viya sakadāgāmimagghāsena uppajjitvā saccacchādakatamassa vinoditakālo, vigate andhakāre maggassa pākaṭakālo viya sakadāgāmimaggassa catunnaṃ saccānaṃ pākaṭakālo, maggassa pākaṭaṃ pana maggasamaṅgipuggalassa pākaṭameva.

Tatiyagamanābhinihāro viya anāgāmimaggatthāya vipassanārambho, andhakāre maggassa apaññāyanakālo viya saccacchādakatamaṃ, tatiyaṃ vijjuyā niccharitvā andhakārassa viddhamsitakālo viya anāgāmimagghāsena uppajjitvā saccacchādakatamassa vinoditakālo, vigate andhakāre maggassa pākaṭakālo viya anāgāmimaggassa catunnaṃ saccānaṃ pākaṭakālo, maggassa pākaṭaṃ pana maggasamaṅgipuggalassa pākaṭameva.

Vajirassa pana pāsāṇo vā maṇi vā abhejjo nāma natthi. Yattha patati, taṃ vinividdhameva hoti. Vajiraṃ khepentaṃ asesetvā khepeti, vajirena gatamaggo nāma puna pākatiko na hoti. Evameva arahattamaggassa avajjhakilesa nāma natthi, sabbakilese vinivijjhati, vajiraṃ viya arahattamaggopi kilese khepento asesetvā khepeti. Vajirena gatamaggassa puna pākatikattābhāvo viya arahattamaggena pahīnakilesānaṃ puna paccudāvattanaṃ nāma natthīti.

1307. **Bāladukaniddese** bālesu ahirikānottappāni pākaṭāni, mūlāni ca sesānaṃ bāladhammānaṃ. Ahiriko, hi anottappī ca na kiñci akusalaṃ na karoti nāmāti etāni dve paṭhamānyeva visuṃ vuttāni. Sukkapakkhepi ayameva nayo, tathā kaṇhaduke.

1311. **Tapanīyadukaniddese** katattā ca akatattā ca tapanāṃ vedītabbānaṃ. kāyaduccarītādīni hi katattā tapanti, kāyasucarītādīni akatattā. Tathā hi puggalo “katamā me kāyaduccaritaṃ”ti tappati, “akatamā me kāyasucaritaṃ”ti tappati. “Katamā me vacīduccaritaṃ”ti tappati -pa- “akatamā

me manosucaritan”ti tappati¹. Atapanīyepi eseva nayo. Kalyāṇakārī hi puggalo “kataṃ me kāyasucaritan”ti na tappati, “akataṃ me kāyaduccaritan”ti na tappati -pa- “akataṃ me manoduccaritan”ti na tappatīti¹.

1313. **Adhivacanadukaniddese yā tesam tesam dhammānanti** sabbadhammaggaṇaṃ. Saṅkhāyatīti **saṅkhā**, saṅkathīyatīti attho. Kinti saṅkathīyati? “Ahan”ti “maman”ti “paro”ti “parassā”ti “satto”ti “bhāvo”ti “poso”ti “puggalo”ti “naro”ti “māṇavo”ti “tisso”ti “datto”ti “mañco piṭham bhisi bimbohanam vihāro pariveṇam dvāram vātapānan”ti, evam anekehi ākārehi saṅkathīyatīti **saṅkhā**. Samaññāyatīti **samaññā**. Kinti samaññāyati? “Ahan”ti -pa- “vātapānan”ti samaññāyatīti samaññā. Paññāpiyatīti **paññatti**. Vohariyatīti **vohāro**. Kinti vohariyati? “Ahan”ti -pa- “vātapānan”ti vohariyatīti vohāro.

Nāmanti catubbidham nāmaṃ sāmāññanāmaṃ guṇanāmaṃ kittimanāmaṃ opapātikanāmanti. Tattha paṭhamakappikesu mahājanena sammannitvā ṭhapitattā “mahāsammato”ti rañño nāmaṃ **sāmāññanāmaṃ** nāma. Yam sandhāya vuttam “mahājanasammato”ti kho Vāseṭṭha ‘mahāsammato’teva paṭhamam akkharam upanibbattan”ti² “dhammakathiko paṃsukūliko vinayadharo Tepiṭako saddho pasanno”ti evarūpaṃ guṇato āgatanāmaṃ **guṇanāmaṃ** nāma. “Bhagavā Araham Sammāsambuddho”ti-ādīnipi Tathāgatassa anekāni nāmasatāni guṇanāmāneva. Tena vuttam—

“Asaṅkhyeyāni nāmāni, saṅṅena Mahesino.

Guṇena nāmamuddheyyam, api nāmasahassato”ti.

Yam pana jātassa kumārakassa nāmaggaṇadivase dakkhiṇeyyānam sakkāram katvā samīpe ṭhitā nātakā kappetvā pakappetvā “ayam asukonāmā”ti nāmaṃ karonti, idam **kittimanāmaṃ** nāma. Yā pana purimapaññatti pacchimapaññattiyam patati, purimavohāro pacchimavohāre patati. Seyyathidam? Purimakappepi cando candoyeva nāma, etarahipi candova. Atīte sūriyo, samuddo, pathavī, pabbato pabbatoyeva nāma.

1. Am 1. 51 piṭṭhe tamnissayapāli.

2. Dī 3. 77 piṭṭhe.

etarahipi pabbatoyevāti. Idaṃ **opapāṭikanāmaṃ** nāma. Idaṃ catubbidhampi nāmaṃ ettha nāmameva¹ hoti.

Nāmakamanti nāmakaraṇaṃ. **Nāmadheyanti** nāmaṭṭhapanāṃ. **Niruttīti** nāmanirutti. **Byañjananti** nāmabyañjanaṃ. Yasmā panetaṃ atthaṃ byañjeti, tasmā evaṃ vuttaṃ. **Abhilāpoti** nāmābhiḷāpova. **Sabbeva dhammā adhivacanapathāti** adhivacanassa nopathadhammo nāma natthi. Ekadhammo sabbadhammesu nipatati, sabbadhammā ekadhammasmiṃ nipatanti. Kathaṃ? Ayañhi nāmapaññatti ekadhammo, so sabbesu catubhūmakadhammesu nipatati. Sattopi saṅkhāropi nāmato muttako nāma natthi.

Aṭavipabbatādīsu² rukkhopi jānapadānaṃ bhāro. Te hi “ayaṃ kiṃ rukkho nāmā”ti puṭṭhā “khadiro palāso”ti attanā jānanakanāmaṃ kathenti. Yassa nāmaṃ na jānanti, tampi “anāmako nāmā”ti vadanti, tampi tassa nāmadheyameva hutvā tiṭṭhati. Samudde macchekacchapādīsupi eseva nayo. Itare dve dukā iminā samānatthā eva.

1216. **Nāmarūpaduke** nāmakaraṇaṭṭhena ca nāmanaṭṭhena ca nāmanaṭṭhena ca **nāmaṃ**. Tattha cattāro khandhā tāva **nāmakaraṇaṭṭhena** nāmaṃ. Yathā hi mahājanasammatattā Mahāsammatassa “mahāsammato”ti nāmaṃ ahosi, yathā vā mātāpitaro “ayaṃ tisso nāma hotu, phusso nāma hotū”ti evaṃ puttassa kittimanāmaṃ karonti, yathā vā “dhammakathiko vinayadharo”ti guṇato nāmaṃ āgacchati, na evaṃ vedanādīnaṃ. Vedanādayo hi mahāpathavī-ādayo viya attano nāmaṃ karontāva uppajjanti, tesu uppannesu tesāṃ nāmaṃ uppannameva hoti. Na hi vedanaṃ uppannaṃ “tvaṃ vedanā nāma hohī”ti koci bhaṇati, na ca tassā nāmaggaṇakiccaṃ atthi. Yathā pathaviyā uppannāya “tvaṃ pathavī nāma hohī”ti nāmaggaṇakiccaṃ natthi. Cakkavāḷasinerucandimasūriyanakkhattesu uppannesu “tvaṃ cakkavāḷaṃ nāma hoti, tvaṃ nakkhattaṃ nāma hohī”ti nāmaggaṇakiccaṃ natthi, nāmaṃ uppannameva hoti, opapāṭikapaññattiyāṃ nipatati. Evaṃ vedanāya uppannāya “tvaṃ vedanā nāma hohī”ti nāmaggaṇakiccaṃ natthi,

1. Ekanāmameva (Ka)

2. Pathavīpabbatādīsū (Sī)

tāya uppannāya “vedanā”ti nāmaṃ uppannameva hoti, opapātikapaññattiyam nipatati. Saññādīsupi eseva nayo. Atītepi hi vedanā vedanāyeva. Saññā. Saṅkhārā. Viññāṇam viññāṇameva. Anāgatepi paccuppannepi. Nibbānam pana sadāpi nibbānamevāti nāmakaraṇaṭṭhena nāmaṃ.

Namanatṭhenāpi cettha cattāro khandhā nāmaṃ. Te hi ārammaṇābhimukhā namanti. **Nāmanatṭhena** sabbampi nāmaṃ, cattāro hi khandhā ārammaṇe aññamaññaṃ nāmenti, nibbānam ārammaṇādhipatipaccayatāya attani anavajjadhamme nāmeti.

1318. Avijjābhavataṇhā vaṭṭamūlasamudācārādassanattham gahitā.

1320. **Bhavissati attā ca loko cāti** khandhapañcakaṃ “attā ca loko cā”ti gahetvā “taṃ bhavissatī”ti gahaṇākārena nivīṭṭhā sassatadiṭṭhi. Dutiyā “**na bhavissatī**”ti ākārena nivīṭṭhā ucchedadiṭṭhi.

1326. **Pubbantam ārabbhāti** atītakotṭhāsam ārammaṇam karitvā, iminā Brahmajāle āgatā aṭṭhārasa pubbantānudiṭṭhiyo gahitā. **Aparantam ārabbhāti** anāgatakoṭṭhāsam ārammaṇam karitvā, iminā tattheva āgatā catucattālīsa aparantānudiṭṭhiyo gahitā.

1332. Dovacassatāniddese **sahadhammike vuccamāneti** sahadhammikaṃ nāma yaṃ Bhagavatā paññattaṃ sikkhāpadaṃ, tasmim vatthum dassetvā āpattim āropetvā “idaṃ nāma tvam āpattim āpanno, iṅha desehi vuṭṭhāhi paṭikarohī”ti vuccamāne. **Dovacassāyanti**-ādīsū evaṃ codiyamānassa paṭicodanāya vā appadakkhiṇagāhitāya vā dubbacassa kammaṃ dovacassāyaṃ. Tadeva “dovacassan”tipi vuccati. Tassa bhāvo **dovacassiyam**. Itaram tasseva vevacanaṃ. **Vippaṭikūlagāhitāti** vilomagāhitā. Vilomagahaṇasaṅkhātena vipaccanīkena sātāṃ assāti **vipaccanīkasāto**, paṭāṇīkagahaṇam gahetvā ekapadeneva taṃ nissaddamakāsinti sukham paṭilabhantassetam adhivacanaṃ, tassa bhāvo **vipaccanīkasātata**. Ovādam anādiyanavasena anādarassa bhāvo **anādariyam**. Itaram tasseva vevacanaṃ. Anādiyanākāro vā **anādaratā**. Garuvāsam avasanasena uppanno agāravabhāvo **agāravatā**. Sajeṭṭhakavāsam avasanasena uppanno appaṭissavabhāvo **appaṭissavatā**. **Ayam vuccatīti**

ayaṃ evarūpā dovacassatā nāma vuccati, atthato panesā tenākārena pavattā cattāro khandhā, saṅkhārakkhandhoyeva vāti. **Pāpamittatā**dīsupi eseva nayo. Dovacassatāpāpamittatādayo hi visuṃ cetasikadhammā nāma natthi.

1333. Natthi etesaṃ saddhāti **assaddhā**, Buddhādīni vatthūni na saddahantīti attho. **Dussīlāti** sīlassa dunnāmaṃ¹ natthi, nissīlāti attho. **Appassutāti** sutarahitā. Pañca macchariyāni etesaṃ atthīti **maccharino**. **Duppaññāti** nippaññā. Sevanakavasena **sevanā**. Balavasevanā **nisevanā**. Sabbatobhāgena sevanā **saṃsevanā**. Upasaggavasena vā padaṃ vaḍḍhitam, tīhipi sevanāva kathitā. **Bhajanāti** upasaṅkamanā. **Sambhajanāti** sabbatobhāgena bhajanā. Upasaggavasena vā padaṃ vaḍḍhitam. **Bhattīti** daḷhabhatti. **Sambhattīti** sabbatobhāgena bhatti. Upasaggavasena vā padaṃ vaḍḍhitam, dvīhipi daḷhabhatti eva kathitā. **Tāmsampavaṅkatāti** tesu puggalesu kāyena ceva cittaena ca sampavaṅkabhāvo, tanninnatā tapponatā tappabbhāratāti attho.

1334. Sovacassatādukaniddesopi vuttapaṭipakkhanayena veditabbo.

1336. **Pañcapi āpattikkhandhāti** mātīkāniddesena pārājikaṃ saṅghādisesaṃ pācittiyam pāṭidesanīyam dukkaṭanti imā pañca āpattiyo. **Sattapi āpattikkhandhāti** vinayaniddesena pārājikaṃ saṅghādisesaṃ thullaccayaṃ pācittiyam pāṭidesanīyam dukkaṭam dubbhāsitanti imā satta āpattiyo. Tattha saha vatthunā tāsam āpattīnam paricchedajānanakapaññā **āpattikusalatā** nāma. Saha kammavācāya āpattivuṭṭhānaparicchedajānanakapaññā pana **āpatti vuṭṭhānakusalatā** nāma.

1338. Samāpajjitabbato samāpatti, saha parikammaṇa appanāparicchedajānanakapaññā pana **samāpattikusalatā** nāma. Cande vā sūriye vā nakkhatte vā ettakaṃ ṭhānaṃ gate vuṭṭhahissāmīti avirajjhivā tasmīmyeva samaye vuṭṭhānakapaññāya atthitāya **samāpattivuṭṭhānakusalatā** nāma.

1. Duṭṭhu nāmaṃ (Syā)

1340. Aṭṭhārasannaṃ dhātūnaṃ uggahamanasikārasavana-dhāraṇaparichedajānanakapaññā **dhātukusalatā** nāma. Tāsaṃyeva uggahamanasikārajānanakapaññā **manasikārakusalatā** nāma.

1342. Dvādasannaṃ āyatanānaṃ uggahamanasikārasavana-dhāraṇaparichedajānanakapaññā **āyatanakusalatā** nāma. Tisupi vā etāsu kusalatāsu uggaho manasikāro savanaṃ sammasaṇaṃ paṭivedho paccavekkhaṇāti sabbaṃ vaṭṭati. Tattha savana-uggahapaccavekkhaṇā lokiyā, paṭivedho lokuttaro, sammasaṇamanasikārā lokiyalokuttaramissakā. “Avijjāpaccayā saṅkhārā”ti-ādīni¹ Paṭiccasamuppādavibhaṅge āvi bhavissanti. Iminā pana paccayena idaṃ hotīti jānanakapaññā **paṭiccasamuppādakusalatā** nāma.

1344. Thānāṭṭhānakusalatādukaniddese **hetū paccayāti** ubhayampetaṃ aññamaññavevacanaṃ. Cakkhupasādo hi rūpaṃ ārammaṇaṃ katvā uppajjanakassa cakkhuviññāṇassa hetu ceva paccayo ca. Tathā sotapasādādayo sotaviññāṇādīnaṃ, ambabījādīni ca ambaphalādīnaṃ. Dutīyanaye **ye ye dhammāti** visabhāgapaccayadhammānaṃ nidassanaṃ. **Yesam yesanti** visabhāgapaccayasamuppānadhhammanidassanaṃ. **Na hetū na paccayāti** cakkhupasādo saddaṃ ārammaṇaṃ katvā uppajjanakassa sotaviññāṇassa na hetu na paccayo. Tathā sotapasādādayo avasesaviññāṇādīnaṃ. Ambādayo ca tālādīnaṃ uppattiyāti evamattho vedītabbo.

1346. Ajjavamaddavaniddese **nīcacittatāti** padamattameva viseso. Tassattho mānābhāvena nīcaṃ cittaṃ assāti nīcacitto, nīcacittassa bhāvo nīcacittatā. Sesam cittujukatācittamudutānaṃ padabhājanīye āgatameva.

1348. Khantiniddese khamanakavasena **khanti**. Khamanākāro **khamanatā**. Adhivāsenti etāya, attano upari āropetvā vāsenti na paṭibāhanti na paccanīkatāya tiṭṭhantīti **adhivāsanatā**. Acaṇḍikassa bhāvo **acaṇḍikkam**. **Anasuropoti** asuropo vuccati na sammāropitattā duruttavacanaṃ, tappaṭipakkhato anasuropo, suruttavācāti attho. Evamettha

1. Abhi-Ṭṭha 2. 124 piṭṭhe.

phalūpacārena kāraṇaṃ niddiṭṭhaṃ. **Attamanatā cittassāti** somanassavasena cittassa sakamanatā, attano cittasabhāvoyeva, na byāpannacittatāti attho.

1349. Soraccaniddese **kāyiko avītikkamoti** tividhaṃ kāyasucaritaṃ. **Vācasiko avītikkamoti** catubbidhaṃ vacīsucaritaṃ. “Kāyikavācasiko”ti iminā kāyavacīdvārasamuṭṭhitaṃ ājīvaṭṭhamakasīlaṃ pariyā diyati. **Idaṃ vuccati soraccanti** idaṃ pāpato suṭṭhu orattā soraccaṃ nāma vuccati. **Sabbopi sīlasamvaroti** idaṃ yasmā na kevalaṃ kāyavācāheva anācāraṃ ācarati, manasāpi ācarati eva. Tasmā mānasikasīlaṃ pariyādāya dassetuṃ vuttaṃ.

1350. Sākhalyaniddese **aṇḍakāti** yathā sadosa rukkhe aṇḍakāni uṭṭhahanti, evaṃ sadosatāya khumsanavambhanadivacanehi aṇḍakā jātā. **Kakkasāti** pūtikā, sā¹ yathā nāma pūtirukkho kakkaso hoti paggharitacūṇṇo, evaṃ kakkasā hoti, sotaṃ ghaṃsayamānā viya pavisati. Tena vuttaṃ “kakkasā”ti. **Parakaṭukāti** paresaṃ kaṭukā amanāpā dosajanāni. **Parābhisajjanīti** kuṭilakaṇṭakasākhā viya cammesu vijjhivā paresaṃ abhisajjanī, gantukāmānampi gantuṃ adatvā lagganakārī. **Kodhasomantāti** kodhassa āsannā. **Asamādhisaṃvattanikāti** appanāsamādhissa vā upacārasamādhissa vā asaṃvattanikā. Iti sabbānevetāni sadosavācāya vevacanāni. **Tathārūpim vācam pahāyāti** idaṃ pharusavācam appajahitvā ṭhitassa antarantare pavattāpi saṇhavācā asaṇhavācā eva nāmāti dīpanattham vuttaṃ.

Nelāti elam vuccati doso, nāssā elanti nelā, niddosāti attho, “nelaṅgo setapacchādo”ti² ettha vuttanelaṃ viya. **Kaṇṇasukhāti** byañjanamadhuratāya kaṇṇānaṃ sukhā, sūcivijjhanam viya kaṇṇasūlaṃ na janeti. Atthamadhuratāya sarīre kopam ajanetvā pemaṃ janetīti **pemanīyā**. Hadayaṃ gacchati appaṭihaññamānā sukhena cittaṃ pavisatīti **hadayaṅgamā**. Guṇaparipuṇṇatāya pure bhavāti **porī**, pure saṃvaddhanārī viya sukumārātipi **porī**, purassa esātipi **porī**, nagaravāsīnaṃ kathāti attho. Nagaravāsīno

1. Pūtikakkasā (Syā, Ka)

2. Khu 1. 174; Sam 2. 482; Khu 10. 202 piṭṭhesu.

hi yuttakathā honti, pitimattham “pitā”ti bhātimattam “bhātā”ti vadanti, evarūpī kathā bahuno janassa kantā hotīti **buhujanakantā**. Kantabhāveneva bahuno janassa manāpā cittavuḍḍhikarāti **bahujanamanāpā**. **Yā tatthāti** yā tasmim puggale. **Sanhavācatāti** maṭṭhavācatā. **Sakhilavācatāti** muduvācatā. **Apharusavācatāti** akakkhaḷavācatā.

1351. Paṭisanthāraniddese¹ **āmisapaṭisanthāro**ti āmisa-alābhena attanā saha paresam chiddam yathā pihitam hoti paṭicchannam, evam āmisena paṭisantharaṇam. **Dhammapaṭisanthāro**ti dhammassa appaṭilābhena attanā saha paresam chiddam yathā pihitam hoti paṭicchannam, evam dhammena paṭisantharaṇam. **Paṭisanthārako hotīti** dveveva hi lokasannivāsassa chiddāni, tesam paṭisanthārako hoti. Āmisapaṭisanthārena vā dhammapaṭisanthārena vāti iminā duvidhena paṭisanthārena paṭisanthārako hoti, paṭisantharati nirantaram karoti.

Tatrāyam ādito paṭṭhāya kathā, paṭisanthārakena hi bhikkhunā āgantukam āgacchantam disvāva paccuggantvā pattacīvaram gahetabbam, āsanam dātabbam, tālavaṇṇena vijitabbam, pādā dhovivā makkhetabbā, sappiphāṇite sati bhesajjam dātabbam, pānīyena pucchitabbo, āvāso paṭijaggitabbo. Evam ekadesena āmisapaṭisanthāro kato nāma hoti.

Sāyam pana navakatarepi attano upaṭṭhānam anāgateyeveva tassa santikam gantvā nisīditvā avisaye apucchitvā tassa visaye paṅho pucchitabbo, “tumhe katarabhāṇakā”ti apucchitvā “tumhākam ācariyupajjhāyā kataram gantham vaḷañjenti”ti pucchitvā pahonakaṭṭhāne paṅho pucchitabbo. Sace kathetum sakkoti, iccetam kusalam. No ce sakkoti, sayam kathetvā dātabbam. Evam ekadesena dhammapaṭisanthāro kato nāma hoti.

Sace attano santike vasati, tam ādāya nibbaddham piṇḍāya caritabbam. Sace gantukāmo hoti, punadvase gamanasabhāgena tam ādāya ekasmim gāme piṇḍāya caritvā uyyojetabbo. Sace aññasim disābhāge bhikkhū nimantitā honti, tam bhikkhum icchamānam ādāya gantabbam,

“na mayhaṃ esā disā sabhāgā”ti gantuṃ anicchante sesabhikkhū pesetvā taṃ ādāya piṇḍāya caritabbaṃ, attanā laddhāmiṣaṃ tassa dātabbaṃ. Evaṃ āmisapaṭisaṅhāro kato nāma hoti.

Āmisapaṭisaṅhārakena pana attanā laddhaṃ kassa dātabbanti? Āgantukassa tāva dātabbaṃ. Sace gilāno vā avassiko vā atthi, tesampi dātabbaṃ, ācariyupajjhāyānam dātabbaṃ, bhaṇḍagāhakassa dātabbaṃ, sāraṇiyadhammapūrakena pana sattavārampi saḥassavārampi āgatāgatānam¹ therāsanato paṭṭhāya dātabbaṃ, paṭisaṅhārakena pana yena yena na laddhaṃ, tassa tassa dātabbaṃ. Bahigāmaṃ nikkhamitvā jiṇṇakaṃ² vā anāthaṃ bhikkhuṃ vā bhikkhuniṃ vā disvā tesampi dātabbaṃ.

Tatridaṃ vatthu—corehi kira guttasālagāme pahate taṅkhaṇaṅṅeva ekā nirodhato vuṭṭhitā khīṇāsavattherī daharabhikkhuniyā bhaṇḍakaṃ gāhāpetvā mahājanena saddhiṃ maggaṃ paṭipajjitvā ṭhitamajjhantike³ Nakulanagaragāmadvāraṃ patvā rukkhamaṇe nisīdi, tasmīṃ samaye Kālavallimaṇḍapavāsī Mahānāgatthero Nakulanagaragāme piṇḍāya caritvā nikkhanto therīṃ disvā bhattena āpucchi. Sā “patto me natthī”ti āha. Thero “imināva bhūṅjathā”ti saha pattena adāsi. Therī bhattakiccaṃ katvā pattaṃ dhovitvā therassa datvā āha “ajja tāva bhikkhācārena kilamissatha, ito paṭṭhāya pana vo bhikkhācāraparittāso nāma na bhavissati tātā”ti. Tato paṭṭhāya therassa ūnakahāpaṇagghanaḥko piṇḍapāto nāma na uppannapubbo. Ayaṃ āmisapaṭisaṅhāro nāma.

Imaṃ paṭisaṅhāraṃ katvā bhikkhunā saṅgahapakkhe ṭhatvā tassa bhikkhuno kammaṭṭhānaṃ kathetabbaṃ, dhammo vācetaḥko, kukkucchaṃ vinodetabbaṃ, uppannaṃ kiccaṃ karaṇīyaṃ kātābbaṃ, abbhānavuṭṭhānamānattaparivāsā dātabbā, pabbajjāraho pabbājetabbo, upasampadāraho upasampādetabbo. Bhikkhuniyāpi attano santike upasampadaṃ ākaṅkhamānāya kammavācāṃ kātuṃ vaṭṭati. Ayaṃ dhammapaṭisaṅhāro nāma.

1. Ābhatābhatāṃ (Ka), ābhatābhatena (Sī)

2. Jiṇṇaṃ (Ka)

3. Ṭhitamajjhantike (Sī, Syā)

Imehi dvīhi paṭisanthārehi paṭisanthārako bhikkhu anuppannam lābham uppadeti, uppannam thāvaram karoti, sabhayaṭṭhāne¹ attano jīvitam rakkhati, Coranāgarañño pattaḅgahaṇahatteneva aggam gahetvā patteneva bhattam ākiranto thero viya. Aladdhalābhuppādane pana ito palāyivā paratīram gatena Mahānāgaraññā ekassa therassa santike saṅgham labhitvā puna āgantvā rajje patiṭṭhitena setambaṅgaṇe² yāvajīvam pavattitam mahābhesajjādānavatthu kathetabbam. Uppannalābhathāvarakaraṇe Dīghabhāṇaka-abhayattherassa hatthato paṭisanthāram labhitvā Cetiypabbate corehi bhaṇḍakassa aviluttabhāve * vatthu kathetabbam.

1352. Indriyesu aguttadvāratāniddese **cakkhunā rūpaṃ disvāti** kāraṇavasena “cakkhū”ti laddhavohārena rūpadassanasamatthena cakkhuviññāṇena rūpaṃ disvā. Porāṇā panāhu “cakkhu rūpaṃ na passati, acittakattā. Cittam na passati, acakkhukattā. Dvārārammaṇasaṅghaṭṭanena pana pasādavatthukena cittena passati, idisī panesā ‘dhanunā vijjati’ti-ādīsu viya sasambhārakathā nāma hoti. Tasmā cakkhuviññāṇena rūpaṃ disvāti ayamevettha atho”ti. **Nimittaggāhī**ti itthipurisanimittam vā subhanimittādikam vā kilesavatthubhūtam nimittam chandarāgavasena gaṇhāti, diṭṭhamatteyeva na saṅṭhāti. **Anubyañjanaggāhī**ti kilesānam anubyañjanato pākaṭabhāva³karaṇato “anubyañjanam”ti laddhavohāram hatthapādasitahasitakathita-ālokitavilokitādibhedam ākāram gaṇhāti.

Yatvādhikaraṇamenanti-ādimhi yaṃkāraṇā yassa cakkhundriyāsaṃvarassa hetu etaṃ puggalam satikavāṭena cakkhundriyam **asaṃvutaṃ** apihitacakkhudvāram hutvā viharantaṃ ete abhiḅhādayo dhammā **anvāssaveyyum** anubandheyyum⁴ ajjhotthareyyum. **Tassa saṃvarāya na paṭipajjati**ti tassa cakkhundriyassa satikavāṭena pidahanatthāya na paṭipajjati, evambhūtoyeva ca “na rakkhati cakkhundriyam, na cakkhundriye saṃvaram āpajjati”ti vuccati.

Tattha kiñcāpi cakkhundriye saṃvaro vā asaṃvaro vā natthi, na hi cakkhupasādam nissāya sati vā muṭṭhassaccam vā uppajjati. Apica yadā

1. Sāsaṅkaṭṭhāne (Ka)

2. Senambaṅgaṇe (Sī)

* Vi-Ṭṭha 2. 68 piṭṭhe vitthāro.

3. Pākaṭībhāva (Ka)

4. Anuppabandheyyum (Sī)

rūpārammaṇaṃ cakkhussa āpāthamāgacchati, tadā bhavaṅge dvikkhattuṃ uppajjitvā niruddhe kiriyamanodhātu āvajjanakiccaṃ sādhayamānā uppajjitvā nirujjhati, tato cakkhuviññāṇaṃ dassanakiccaṃ, tato vipākamanodhātu sampatiçchanakiccaṃ, tato vipākāhetukamanoviññāṇadhātu santīraṇakiccaṃ, tato kiriyāhetukamanoviññāṇadhātu voṭṭhabbanakiccaṃ sādhayamānā uppajjitvā nirujjhati, tadanantaraṃ javanaṃ javati. Tatrāpi neva bhavaṅgasamaye, na āvajjanādīnaṃ aññatarasamaye saṃvaro vā asaṃvaro vā atthi, javanakkhaṇe pana dussīlyaṃ vā muṭṭhassaccaṃ vā aññāṇaṃ vā akkhanti vā kosajjaṃ vā uppajjati, asaṃvaro hoti.

Evam honto pana so cakkhundriye asaṃvaroti vuccati. Kasmā? Yasmā tasmim asaṃvare sati dvārampi aguttaṃ hoti bhavaṅgampi āvajjanādīnipi vīthiccittāni. Yathā kiṃ? Yathā nagare catūsu dvāresu asaṃvutesu kiñcāpi antogharadvārakoṭṭhakagabbhādayo susaṃvutā, tathāpi antonagare sabbaṃ bhaṇḍaṃ arakkhitaṃ agopītameva hoti. Nagaradvārena hi pavisitvā corā yadicchakaṃ kareyyuṃ, evameva javane dussīlyādīsu uppannesu tasmim asaṃvare sati dvārampi aguttaṃ hoti, bhavaṅgampi āvajjanādīnipi vīthiccittānīti.

Sotena saddaṃ sutvāti-ādīsipi eseva nayo. **Yā imesanti** evaṃ saṃvaraṃ anāpajjantassa imesaṃ channaṃ indriyānaṃ yā agutti yā agopanā yo anārakkho yo asaṃvaro, athakanaṃ apidahananti attho.

1353. Bhojane amattaññutāniddese **idhekaccoti** imasmim sattaloke ekacco. **Appaṭisaṅkhāti** paṭisaṅkhānapaññāya ajānitvā anupadhāretvā. **Ayonisoti** anupāyena. **Āhāranti** asitapītādi-ajjhoharaṇīyaṃ. **Āhāretīti** paribhuñjati ajjhoharati. **Davāyāti**-ādi anupāyadassanattamaṃ vuttaṃ. Anupāyena hi āhārento davatthāya, madatthāya, maṇḍanatthāya, vibhūsanatthāya vā āhāreti, no idamatthitaṃ paṭicca. **Yā tattha asantuṭṭhitāti** yā tasmim ayoniso āhāraparibhoge asantussanā asantuṭṭhibhāvo. **Amattaññutāti** amattaññubhāvo, pamāṇasaṅkhātāya mattāya ajānanaṃ. **Ayaṃ vuccatīti** ayaṃ apaccavekkhitaparibhogavasena pavattā bhojane amattaññutā nāma vuccati.

1354. Indriyesu guttadvāratāniddese **cakkhunāti**-ādi vuttanayeneva veditabbam. **Na nimittaggāhī hotīti** chandarāgavasena vuttappakāram nimittam na gaṇhāti. Evaṃ sesapadānipi vuttapaṭipakkhanayeneva veditabbāni. Yathā ca heṭṭhā “javane dussilyādīsu uppannesu tasmim asaṃvare sati dvārampi aguttam hoti, bhavaṅgampi āvajjanādīnipi vīthiccitānī”²ti vuttam, evamidha tasmim sīlādīsu uppannesu dvārampi guttam hoti, bhavaṅgampi āvajjanādīnipi vīthiccitāni. Yathā kim? Yathā nagaradvāresu susaṃvutesu kiñcāpi antogharādayo asaṃvutā honti, tathāpi antonagare sabbam bhaṇḍam surakkhitam sugopitameva hoti, nagaradvāresu pihitesu corānam paveso natthi, evameva javane sīlādīsu uppannesu dvārampi guttam hoti, bhavaṅgampi āvajjanādīnipi vīthiccitāni. Tasmā javanakkhaṇe uppajjamānopi cakkhundriye saṃvaroti vutto. **Sotena saddam sutvāti**-ādisupi eveda nayo.

1355. Bhojane mattaññutāniddese **paṭisaṅkhā yoniso āhāram āhāretīti** paṭisaṅkhānapanāññāye jānitvā upāyena āhāram paribhuñjati. Idāni tam upāyam dassetuṃ “**neva davāyā**”³ti-ādi vuttam.

Tattha * **neva davāyāti** davatthāya na āhāreti. Tatha naṭalaṅghakādayo davatthāya āhārenti nāma. Yañhi bhojanam bhuttassa naccagītakabya¹ silokasaṅkhāto davo atirekatarena paṭibhāti, tam bhojanam adhammena visamena pariyesitvā te āhārenti. Ayam pana bhikkhu evam na āhāreti.

Na madāyāti mānamadapurisamadānam vaḍḍhanatthāya na āhāreti. Tattha rājarājamahāmatā madatthāya āhārenti nāma. Te hi attano mānamadapurisamadānam vaḍḍhanatthāya piṇḍarasabhojanādīni paṇītabhojanāni bhuñjanti. Ayam pana bhikkhu evam na āhāreti.

Na maṇḍanāyāti sarīramaṇḍanatthāya na āhāreti. Tattha rūpūpajīviniyo mātuḡamā, antepurikādayo ca sappiphāṇitam nāma pivanti. Te hi siniddham mudum mandam bhojanam āhārenti “evam no aṅgalaṭṭhi³

* Visuddhi 1. 30 piṭṭhepi.

2. Maddham (Sī, Syā)

1. ...kabba (Sī), ...kābya (Syā)

3. Aṅgasandhi (Syā), aṅgalaṭṭhi (Sī, Ka)

susaṅṭhitā bhavissati, sarīre chavivaṇṇo pasanno bhavissatī”ti. Ayaṃ pana bhikkhu evaṃ na āhāreti.

Na vibhūsanāyāti sarīre maṃsavibhūsanatthāya na āhāreti. Tattha nibbuddhamallamuṭṭhikamallādayo¹ susiniddhehi macchamaṃsādīhi sarīramaṃsaṃ piṇenti “evaṃ no maṃsaṃ ussaḍaṃ bhavissati pahārasahanatthāyā”ti. Ayaṃ pana bhikkhu evaṃ sarīre maṃsavibhūsanatthāya na āhāreti.

Yāvadevāti āhārāharaṇe payojanassa paricchedanīyamadassanaṃ. **Imassa kāyassa ṭhitiyāti** imassa catumahābhūtikakarajakāyassa ṭhapanatthāya āhāreti, idamassa āhārāharaṇe payojananti attho. **Yāpanāyāti** jīvitindriyayāpanatthāya āhāreti. **Vihimsūparatīyāti** vihimśā nāma abhuttappaccayā uppajjanakā khudā² tassā uparatīyā vūpasamanatthāya āhāreti. **Brahmacariyānuggahāyāti** brahmacariyaṃ nāma tisso sikkhā sakalaṃ sāsanaṃ tassa anuggaṇhanatthāya āhāreti.

Itīti upāyanidassanaṃ, iminā upāyenāti attho. **Purāṇaṅca vedanaṃ paṭihanākhāmīti** purāṇavedanā nāma abhuttappaccayā uppajjanakavedanā, taṃ paṭihanissāmīti³ āhāreti. **Navaṅca vedanaṃ na uppādessāmīti** navavedanā nāma atibhuttappaccayena uppajjanakavedanā, taṃ na uppādessāmīti āhāreti. Atha vā navavedanā nāma bhuttappaccayā na-
uppajjanakavedanā⁴, tassā anuppannāya anuppajjanatthameva āhāreti. **Yātrā ca me bhavissatīti** yāpanā ca me bhavissati. **Anavajjātā cāti** ettha atthi sāvajjaṃ, atthi anavajjaṃ. Tattha adhammikapariyesanā adhammikapaṭiggahaṇaṃ adhammena paribhogoti idaṃ **sāvajjaṃ** nāma. Dhammena pariyesitvā dhammena paṭiggahetvā paccavekkhitvā paribhuñjanaṃ **anavajjaṃ** nāma. Ekacco anavajjeyeva⁵ sāvajjaṃ karoti, “laddhaṃ me”ti katvā pamāṇātikkantaṃ bhuñjati, taṃ jārāpetuṃ asakkonto uddhamvirecana-adhovirecanādīhi kilamati, sakalavīhāre bhikkhū tassa sarīrapaṭijaggaṇabhesajjapariyesanādīsu ussukkaṃ āpajjanti, “kim idan”ti vutte

1. Nibbuddhamallamuṭṭhikamallaceṭakādayo (Sī, Syā)

2. Khuddā (Syā, Ka)

3. Paṭivinodessāmīti (Ka)

4. Bhuttappaccayena uppajjanakavedanā (sabbattha), Ṭikā pana oloketabbā.

5. Anavajjaṃyeva (Sī, Ka)

“asukassa nāma udaraṃ uddhumātan”ti-ādīni vadanti, “esa niccakālampi evaṃpakatikoyeva, attano kucchipamaṇaṃ nāma na jānātī”ti nindanti garahanti. Ayaṃ anavajjeyeva sāvajjaṃ karoti nāma. Evaṃ akatvā “anavajjatā ca bhavissatī”ti āhāreti.

Phāsuvihāro cāti etthāpi atthi phāsuvihāro, atthi na phāsuvihāro. Tattha * āharahatthako alaṃsāṭako tatthavaṭṭako kākamāsako bhuttavamitakoti imesaṃ pañcannaṃ brāhmaṇānaṃ bhojanaṃ na phāsuvihāro nāma. Etesu hi **āharahatthako** nāma bahuṃ bhuñjitvā attano dhammatāya uṭṭhātuṃ asakkonto “āhara hatthan”ti vadati. **Alaṃsāṭako** nāma accuddhumātakucchitāya uṭṭhitopi sāṭakaṃ nivāsetuṃ na sakkoti. **Tatthavaṭṭako** nāma uṭṭhātuṃ asakkonto tattheva parivaṭṭati. **Kākamāsako** nāma yathā kākehi āmasituṃ sakkā hoti, evaṃ yāva mukhadvārā āhāreti. **Bhuttavamitako** nāma mukhena sandhāretuṃ asakkonto tattheva vamati. Evaṃ akatvā “phāsuvihāro ca me bhavissatī”ti āhāreti. **Phāsuvihāro** nāma catūhi pañcahi ālopehi ūnūdaratā. Ettakañhi bhuñjitvā pānīyaṃ pivato cattāro iriyāpathā sukhena pavattanti. Tasmā Dhammasenāpati evamāha—

“Cattāro pañca ālope, abhutvā udakaṃ pive.

Alaṃ phāsuvihārāya, pahitattassa bhikkhuno”ti¹.

Imasmim̐ pana ṭhāne aṅgāni samodhānetabbāni. “Neva davāyā”ti hi ekaṃ aṅgaṃ, “na madāyā”ti ekaṃ, “na maṇḍanāyā”ti ekaṃ, “na vibhūsanāyā”ti ekaṃ, “yāvadeva imassa kāyassa ṭhitiyā yāpanāyā”ti ekaṃ, “vihimsūparatiyā brahmacariyānuggahāyā”ti ekaṃ, “iti purāṇaṅca vedanaṃ paṭihaṅkhāmi, navaṅca vedanaṃ na uppādessāmī”ti ekaṃ, “yatrā ca me bhavissatī”ti ekaṃ aṅgaṃ, “anavajjatā ca phāsuvihāro cā”ti ayamettha bhojanānisam̐so. Mahāsīvatthero panāha “heṭṭhā cattāri aṅgāni paṭikkhepo nāma, upari pana aṭṭhaṅgāni samodhānetabbāni”ti. Tattha “yāvadeva imassa kāyassa ṭhitiyā”ti ekaṃ aṅgaṃ, “yāpanāyā”ti ekaṃ, “vihimsūparatiyā”ti ekaṃ, “brahmacariyānuggahāyā”ti ekaṃ, “iti purāṇaṅca vedanaṃ paṭihaṅkhāmi”ti ekaṃ,

* Visuddhi 1. 31 piṭṭhepi.

1. Khu 2. 343 Theragāthāyaṃ.

“navañca vedanaṃ na uppādessāmi”ti ekaṃ, “yātrā ca me bhavissati”ti ekaṃ, “anavajjatā cā”ti ekaṃ, phāsuvihāro pana bhojanānisamsoti. Evaṃ aṭṭhaṅgasamannāgataṃ āhāraṃ āhārento bhojane mattaññū nāma hoti. **Ayaṃ vuccatī**ti ayaṃ pariyesanapaṭiggahaṇaparibhogesu yuttappamāṇajānanavasena pavatto paccavekkhitaparibhogo bhojane mattaññutā nāma vuccati.

1356. Muṭṭhassaccaniddese **asatī**ti sativirahitā cattāro khandhā. **Ananussati appaṭissatī**ti upasaggavasena padaṃ vaḍḍhitaṃ. **Asaraṇatā**ti asaraṇākāro. **Adhāraṇatā**ti dhāretuṃ asamattatā. Tāya hi samannāgato puggalo ādhāraṇappatto¹ nidhānakkhamo na hoti. Udaḷe alābukaṭāhaṃ viya ārammaṇe pilavatīti **pilāpanatā**. **Sammusanatā**ti² naṭṭhamuṭṭhassatitā, tāya hi samannāgato puggalo nikkhittabhatto viya kāko, nikkhittamaṃso viya ca siṅgālo hoti.

1361. Bhāvanābalaniddese **kusalānaṃ dhammānanti** bodhipakkhiyadhammānaṃ **āsevanā**ti-ādisevanā. **Bhāvanā**ti vaḍḍhanā. **Bahulīkammanti** punappunaṃ karaṇaṃ.

1368. Sīlavipattiniddeso sīlasampadāniddesapaṭipakkhato veditabbo. Diṭṭhivipattiniddeso ca diṭṭhisampadāniddesapaṭipakkhato, diṭṭhisampadāniddeso ca diṭṭhupādānaniddesapaṭipakkhato. Sīlavisuddhiniddeso kiñcāpi sīlasampadāniddesena samāno, tattha pana visuddhisampāpakaṃ pātimokkhasaṃvarasīlaṃ kathitaṃ, idha visuddhipattaṃ sīlaṃ. Sati ca sampajaññaṃ, paṭisaṅkhānabalaṃ bhāvanābalaṃ, samatho ca vipassanā ca, samathanimittaṃ paggāhanimittaṃ, paggāho ca avikkhepo ca, sīlasampadā ca diṭṭhisampadā cāti imehi pana chahi dukehi catubhūmakāpi lokiyalokuttaradhammāva kathitā.

1373. Diṭṭhivusuddhiniddese **kammassakataññānanti** “idaṃ kammaṃ sakaṃ, idaṃ no sakaṃ”ti jānanapaññā. Tattha attanā vā kataṃ hotu parena vā, sabbampi akusalakammaṃ no sakaṃ. Kasmā? Atthabhañjanato, anatthajananato ca. Kusalakammaṃ pana anatthabhañjanato, atthajananato ca sakaṃ nāma. Tattha

1. Ādhāraṇappatto (Sī), ādhāraṇappatto (Syā)

2. Pamussanatāti (Syā, Ka)

yathā nāma sadhano sabhogo puriso addhānamaggaṃ paṭipajjitvā antarāmagge gāmanigamādīsu nakkhatte saṃghuṭṭhe “ahaṃ āgantuko, kaṃ nu kho nissāya nakkhattaṃ kīḷeyyaṃ”ti acintetvā yathā yathā icchati, tena tena nīhārena nakkhattaṃ kīḷanto sukkena kantāraṃ atikkamati. Evameva imasmim kammassakataññāṇe ṭhatvā ime sattā bahum vaṭṭagāmikammaṃ āyūhitvā sukkena sukhaṃ anubhavanta arahattaṃ pattā gaṇanapathaṃ vītivattā. **Saccānulomikaññāṇanti** catunnaṃ saccānaṃ anulomaṃ vipassanāññāṇaṃ. **Maggasamaṅgissa ñāṇaṃ phalasamaṅgissa ñāṇanti** maggaññāṇaphalaññāṇāniyeva.

1374. “**Diṭṭhivissuddhi kho panā**”tipadassa niddese “**yā paññā pajānanā**”ti-ādīhi padehi heṭṭhā vuttāni kammassakataññāṇādīneva cattāri ñāṇāni vibhattāni.

1375. “**Yathādiṭṭhissa ca padhānan**”tipadassa niddese “**yo cetasiko vīriyārambho**”ti-ādīhi padehi niddiṭṭhaṃ vīriyaṃ paññāgatikameva. Paññāya hi¹ lokiyaṭṭhāne lokiyaṃ, lokuttaraṭṭhāne lokuttaranti vedītabbaṃ.

1376. Saṃvegadukaniddese **jātibhayanti** jātiṃ bhayato disvā ṭhitaññāṇaṃ. Jarāmaṇabhayādīsupi eseva nayo.

1377. **Anuppannānaṃ pāpakānanti**-ādīhi jāti-ādīni bhayato disvā jātijarābyādhimaraṇehi muccitukāmassa upāyapadhānaṃ kathitaṃ. Padabhājanīyassa panattho **Vibhaṅgaṭṭhakathāyaṃ**² āvi bhavissati.

1378. **Asantuṭṭhitā ca kusalesu dhammesū**tipadaniddese **bhiyyokamyatā**ti visesakāmatā. Idhekacco hi āditova pakkhikabhattaṃ vā salākabhattaṃ vā uposathikaṃ vā paṭipadikaṃ vā deti, so tena asantuṭṭho hutvā puna dhurabhattaṃ saṃghabhattaṃ vassāvāsikaṃ deti, āvāsaṃ kāreti, cattāropi paccaye deti, tatrāpi asantuṭṭho hutvā saraṇāni gaṇhāti, pañca silāni samādiyati, tatrāpi asantuṭṭho hutvā pabbajati, pabbajitvā ekaṃ nikāyaṃ dve nikāyeyeti Tepiṭakaṃ Buddhavacanaṃ gaṇhāti, aṭṭha samāpattiyo bhāveti, vipassanaṃ vadḍhetvā arahattaṃ

1. Paññāya (Sī, Syā)

2. Abhi-Ṭṭha 2. 262 piṭṭhādīsu.

gaṇhāti, arahattappattito paṭṭhāya mahāsantuṭṭho nāma hoti. Evaṃ yāva arahattā visesakāmatā bhiyyokamyatā nāma.

1379. “**Appaṭivānitā ca padhānasmin**”tipadassa niddese yasmā pantasenāsanesu adhikusalānaṃ dhammānaṃ bhāvanāya ukkaṇṭhamāno padhānaṃ paṭivāseti nāma, anukkaṇṭhamāno no paṭivāseti nāma. Tasmā taṃ nayaṃ dassetuṃ “**yā kusalānaṃ dhammānaṃ**”ti-ādi vuttaṃ. Tattha **sakkaccakiriyatā**ti kusalānaṃ karane sakkaccakāritā. **Sātaccakiriyatā**ti satatameva karaṇaṃ. **Aṭṭhitakiriyatā**ti khaṇḍaṃ akatvā aṭṭhapetvā karaṇaṃ. **Anolīnavuttitā**ti alīnajīvitā¹, alīnapavuttitā vā. **Anikkhittachandatā**ti kusalacchandassa anikkhipanaṃ. **Anikkhittadhuratā**ti kusalakaraṇe vīriyadhurassa anikkhipanaṃ.

1380. **Pubbenivāsānussatiñāṇaṃ vijjāti** ettha **pubbenivāsoti** pubbe nivutthakkhandhā ca khandhapaṭibaddhaṃca. Pubbenivāsassa anussati pubbenivāsānussati, tāya sampayuttaṃ ñāṇaṃ **pubbenivāsānussatiñāṇaṃ**. Tayidaṃ pubbe nivutthakkhandhapaṭicchādakaṃ tamaṃ vijjhatīti **vijjā**. Taṃ tamaṃ vijjhitvā te khandhe vidite pākaṭe karotīti viditakaraṇaṭṭhenāpi **vijjā**.

Cutūpapāte ñāṇanti cutiyaṃca upapāte ca ñāṇaṃ. Idampi sattānaṃ cutipaṭisandhicchādakaṃ tamaṃ vijjhatīti **vijjā**, taṃ tamaṃ vijjhitvā sattānaṃ cutipaṭisandhiyo viditā pākaṭā karotīti viditakaraṇaṭṭhenāpi **vijjā**. **Āsavānaṃ khaye ñāṇanti** sabbakilesānaṃ khayasamaye ñāṇaṃ. Tayidaṃ catusaccacchādakatamaṃ vijjhatīti **vijjā**, taṃ tamaṃ vijjhitvā cattāri saccāni viditāni pākaṭāni karotīti viditakaraṇaṭṭhenāpi **vijjā**.

1381. **Cittassa ca adhimutti nibbānañcāti** ettha ārammaṇe adhimuccanaṭṭhena, paccaṇīkadhammehi ca suṭṭhu muttaṭṭhena aṭṭha samāpattiyo cittassa **adhimutti** nāma. Itaraṃ pana natthi ettha taṇhāsankhātānaṃ vānaṃ, niggataṃ vā tasmā vānāti **nibbānaṃ**. Tattha aṭṭha samāpattiyo sayānaṃ vikkhambhitakilesehi vimuttattā vimuttīti vuttā, nibbānaṃ pana sabbakilesehi accantaṃ vimuttattā vimuttīti.

1. Alīnajīvitā (S)

1382. **Maggasamaṅgissa ñāṇanti** cattāri maggañāṇāni. **Phalasamaṅgissa ñāṇanti** cattāri phalañāṇāni. Tattha paṭhamamaggañāṇam pañca kilese khepentam nirodhentam vūpasamentam paṭippassambentam uppajjatīti khaye ñāṇam nāma jātam. Dutiyamaggañāṇam cattāro kilese, tathā tatiyamaggañāṇam. Catutthamaggañāṇam pana aṭṭha kilese khepentam nirodhentam vūpasamentam paṭippassambentam uppajjatīti **khaye ñāṇam** nāma jātam. Tam tam maggaphalañāṇam pana tesam tesam kilesānam khīṇante niruddhante vūpasamante paṭippassambhante anuppādante appavattante uppannanti **anuppāde ñāṇam** nāma jātanti.

Aṭṭhasāliniyā Dhammasaṅgaha-aṭṭhakathāya

Nikkhepaṅḍavaṇṇanā niṭṭhitā.

4. Aṭṭhakathākaṇḍa

Tika-atthuddhāraṇṇanā

1384. Idāni Nikkhepaṇḍānantaraṃ ṭhapitassa Aṭṭhakathākaṇḍassa vaṇṇanākkamo anupatto. Kasmā panetaṃ Aṭṭhakathākaṇḍaṃ nāma jātanti? Tepiṭakassa Buddhavacanassa atthaṃ uddharitvā ṭhapitattā. Tisupi hi piṭakesu dhammantaraṃ āgataṃ Aṭṭhakathākaṇḍeneva paricchinditvā¹ vinicchitaṃ suvinicchitaṃ nāma hoti. Sakale Abhidhammapiṭake nayamaggaṃ Mahāpakaraṇe pañhuddhāraṃ gaṇanacāraṃ asallakkhentenāpi Aṭṭhakathākaṇḍatoyeva samānetuṃ vaṭṭati.

Kuto pabhavaṃ pana etanti? Sāriputtattherappabhavaṃ. Sāriputtatthero hi ekassa attano saddhivihārikassa Nikkhepaṇḍe atthuddhāraṃ sallakkhetuṃ assakkontassa Aṭṭhakathākaṇḍaṃ kathetvā adāsi, idaṃ pana Mahā-aṭṭhakathāyaṃ paṭikkhipitvā idaṃ vuttam— abhidhammo nāma na sāvakaṇḍo na sāvakaṇḍo, Buddhavisayo esa Buddhagocaro, Dhammasenāpati pana saddhivihārikena pucchito taṃ ādāya Satthu santikaṃ gantvā Sammāsambuddhassa kathesi. Sammāsambuddho tassa bhikkhuno Aṭṭhakathākaṇḍaṃ kathetvā adāsi. Kathaṃ? Bhagavā hi “katame dhammā kusalā”ti pucchi. “Kusalā dhammā nāma katame”ti sallakkhesīti attho, athassa tuṇhībhūtassa nanu yaṃ mayā “katame dhammā kusalā, yasmim samaye kāmāvacaraṃ kusalaṃ cittaṃ uppannaṃ hoti”ti-ādinā nayena bhūmibhedato kusalaṃ dassitaṃ, sabbampi taṃ “catūsu bhūmīsu kusalaṃ, ime dhammā kusalā”ti iminā nayena kaṇṇikaṃ kaṇṇikaṃ ghaṭaṃ ghaṭaṃ gocchakaṃ gocchakaṃ katvā atthuddhārasena kusalādidhamme dassento kathetvā adāsi.

Tattha **catūsūti** kāmāvacararūpāvacararūpāvacara-apariyāpannāsu. **Kusalanti** phassādibhedam kusalam. **Ime dhammā kusalā**ti ime sabbepi tāsu tāsu bhūmīsu vuttā phassādayo dhammā kusalā nāma.

1385. Akusalānaṃ pana bhūmivasena bhedābhāvato “**dvādasa akusalacittuppādā**”ti āha. Tattha uppajjatīti **uppādo**, cittameva

1. Paricchijja (Sī)

uppādo **cittuppādo**, desanāsīsameva cetam, yathā pana “rājā āgato”ti vutte amaccādīnampi āgamanam vuttameva hoti, evam “cittuppādā”ti vutte tehi sampayuttadhammāpi vuttāva hontīti sabbattha cittuppādaggahaṇena sasampayuttadhammam cittam gahitanti veditabbam. Ito param **“catūsu bhūmīsu vipāko”**ti-ādīnam sabbesampi tikadukabhājanīyapadānam attho vedanāttikādīsu ca sukhādīnam navattabbatā heṭṭhā vuttanayeneva Pāḷiyattham vīmaṁsitvā veditabbā, visesamattameva pana vakkhāma.

1420. Tattha parittārammaṇattike tāva **sabbo kāmāvacarassa vipākoti** ettha dvipaṅcaviññāṇāni cakkhupasādādayo nissāya niyameneva iṭṭhāniṭṭhādibhede rūpasaddagandharasaphoṭṭhabbadhamme ārabba pavattantīti parittārammaṇāni. Kusalākusalavipākā pana dve manodhātuyo hadayavatthum nissāya cakkhuvīññāṇādīnam anantarā niyamato rūpādīneva ārabba pavattantīti parittārammaṇā. Kusalavipākāhetukamanoviññāṇadhātu somanassasahagatā pañcadvāre santīraṇavasena, chasu dvāresu tadārammaṇavasenāti niyamato rūpādīni cha parittārammaṇāneva ārabba pavattatīti parittārammaṇā.

Kusalākusalavipākāhetukamanoviññāṇadhātudvayam pañcadvāre santīraṇavasena, chasu dvāresu tadārammaṇavasena niyamato rūpādīni cha parittārammaṇāneva ārabba pavattati. Paṭisandhivasena pavattamānampi parittam kammaṁ, kammanimittam, gatinimittam vā ārammaṇam karoti. Pavattiyam bhavaṅgavasena, pariyoṣāne cutivasena pavattamānampi tadeva ārammaṇam karotīti parittārammaṇam. Aṭṭha pana sahetukavipākacittuppādā ettha vuttanayeneva tadārammaṇavasena, paṭisandhibhavaṅgacutivasena ca parittadhammeyeva ārabba pavattanti. Kiriyamanodhātu pañcadvāre rūpādīni ārabba pavattati, somanassasahagatāhetukakiriyamanoviññāṇadhātu chasu dvāresu paccuppanne, manodvāre atītānāgatepi paritte rūpādīdhammeyeva ārabba khīṇāsavānam pahaṭṭhākāram kurumānā pavattatīti parittārammaṇā. Evamime pañcavīsati cittuppādā ekanteneva **parittārammaṇāti** veditabbā.

1421. Viññāṇaṅcāyatana nevasaññānāsaññāyatanadhammā attano attano heṭṭhimam samāpattim ārabba pavattanato **mahaggatārammaṇā** eva. Maggaphaladhammā nibbānārammaṇattā **appamāṇārammaṇā**.

Kusalato cattāro, kiriyato cattāroti aṭṭha nāṇavippayuttacittuppādā sekkhaputhujjanakhīṇāsavānaṃ asakkaccadānapaccavekkhaṇadhammasavanādīsu kāmāvacaradhamme ārabha pavattikāle parittārammaṇā, atipaguṇānaṃ paṭhamajjhānādīnaṃ paccavekkhaṇakāle mahaggaṭārammaṇā, kasiṇanimittādīpaññattipaccavekkhaṇakāle navattabbārammaṇā. Akusalato cattāro diṭṭhigatasampayuttacittuppādā pañcapaṇṇāsāya kāmāvacaradhammānaṃ “satto satto”ti parāmasana-assādanābhinandanakāle parittārammaṇā, tenevākārena sattavīsati mahaggaṭadhamme ārabha pavattikāle mahaggaṭārammaṇā, paññattidhamme ārabha pavattanakāle siyā navattabbārammaṇā. Diṭṭhivippayuttānaṃ teyeva dhamme ārabha kevalaṃ assādanābhinandanavasena pavattiyāṃ, paṭighasampayuttānaṃ domanassavasena, vicikicchāsampayuttacittuppādassa aniṭṭhaṅgatasena¹, uddhaccasahagatassa vikkhepavasena avūpasamavasena ca pavattiyāṃ parittamahaggaṭanavattabbārammaṇatā veditabbā. Etesu pana ekadhammopi appamaṇe ārabha pavattitum na sakkoti. Tasmā na appamaṇārammaṇā.

Kusalato cattāro, kiriyato cattāroti aṭṭha nāṇasampayuttacittuppādā sekkhaputhujjanakhīṇāsavānaṃ sakkaccadānapaccavekkhaṇadhammasavanādīsu yathāvuttappakāre dhamme ārabha pavattikāle parittamahaggaṭanavattabbārammaṇā honti, gotrabhukāle, lokuttaradhamme paccavekkhaṇakāle ca nesaṃ **appamaṇārammaṇatā** veditabbā.

Yaṃ panetaṃ rūpāvacaracattutthajjhānaṃ, taṃ sabbatthapādakacattutthaṃ ākāsakasiṇacattutthaṃ ālokakasiṇacattutthaṃ brāhmavihāracattutthaṃ ānāpānacattutthaṃ iddhividhacattutthaṃ dibbasotacattutthaṃ cetopariyaññacattutthaṃ yathākammupagaññacattutthaṃ dibbacakkhuññacattutthaṃ pubbenivāsaññacattutthaṃ anāgatamsaññacattutthanti kusalatopi kiriyatopi dvādasavidhaṃ hoti.

Tattha **sabbatthapādakacattutthaṃ** nāma aṭṭhasu kasiṇesu cattutthajjhānaṃ, tañhi vipassanāyapi pādakaṃ hoti, abhiññānampi nirodhassāpi vaṭṭassāpi pādakaṃ hotiyevāti sabbatthapādakanti vuttaṃ. **Ākāsakasiṇa-ālokakasiṇacattutthāni** pana vipassanāyapi abhiññānampi vaṭṭassāpi

1. Aniṭṭhagatasena (Syā, Ka)

pādakāni honti, nirodhapādakāneva na honti. **Brahmavihāra-ānāpānacatutthāni** vipassanāya ceva vaṭṭassa ca pādakāni honti, abhiññānam pana nirodhassa ca pādakāni na honti. Tattha dasavidhampi kasiṇajjhānam kasiṇapaṇṇattim ārabba pavattattā, brahmavihāracatuttham sattapaṇṇattim ārabba pavattattā, ānāpānacatuttham nimittam ārabba pavattattā parittādivasena navattabbadhammārammaṇato navattabbārammaṇam nāma hoti.

Iddhividhacatuttham parittamahaggaṭārammaṇam hoti, katham? Tañhi yadā kāyam cittasannissitam katvā adissamānena kāyena gantukāmo cittavasena kāyam pariṇāmeti, mahaggatacitte samodahati samoropeti, tadā upayogaladdham ārammaṇam hotīti katvā rūpakāyārammaṇato parittārammaṇam hoti. Yadā cittaṃ kāyasannissitam katvā dissamānena kāyana gantukāmo kāyavasena cittaṃ pariṇāmeti, pādakajjhānacittam rūpakāye samodahati samāropeti, tadā upayogaladdham ārammaṇam hotīti katvā mahaggatacittārammaṇato mahaggatārammaṇam hoti.

Dibbasotacatuttham saddam ārabba pavattattā ekantaparittārammaṇameva. **Cetopariyaññānacatuttham** parittamahaggata-appamāṇārammaṇam hoti. Katham? Tañhi paresam kāmāvacaracittajānanakāle parittārammaṇam hoti, rūpāvacarārūpāvacaracittajānanakāle mahaggatārammaṇam, maggaphalajānanakāle appamāṇārammaṇam hoti. Ettha ca puthujjano sotāpannassa cittaṃ na jānāti, sotāpanno vā sakadāgāmissāti evam yāva arahato netabbam, arahā pana sabbesam cittaṃ jānāti, aññopi ca uparimo heṭṭhimassāti ayaṃ viseso veditabbo. **Yathākammupagaññānacatuttham** kāmāvacarakammajānanakāle parittārammaṇam hoti, rūpāvacarārūpāvacarakammajānanakāle mahaggatārammaṇam.

Dibbacakkhuññānacatuttham rūpārammaṇattā ekantaparittārammaṇameva. **Pubbenivāsaññānacatuttham** parittamahaggata-appamāṇanavattabbārammaṇam hoti. Katham? Tañhi kāmāvacarakkhandhānussaraṇakāle parittārammaṇam hoti, rūpāvacarārūpāvacarakkhandhānussaraṇakāle mahaggatārammaṇam, atīte attanā vā parehi vā bhāvitamaggaṃ, sacchikataphalañca anussaraṇakāle appamāṇārammaṇam, “atīte Buddhā maggaṃ bhāvayimsu, phalaṃ sacchākaṃsu, nibbānadhātuyā

parinibbāyimsū”ti chinnavaṭumakānussaraṇavasena
maggaphalanibbānapaccavekkhaṇatopi appamāṇārammaṇaṃ, “atīte Vipassī
nāma Bhagavā ahosi, tassa Bandhumatī nāma nagaraṃ ahosi, Bandhumā
nāma rājā pitā, Bandhumatī nāma mātā”ti-ādinā nayena
nāmagottapathavīnimittādi-anussaraṇakāle navattabbārammaṇaṃ hoti.

Anāgataṃsaññācatutthepi eseva nayo. Tañhi “ayaṃ anāgate
kāmvāvacare nibbattissatī”ti jānanakāle parittārammaṇaṃ hoti. “Rūpāvācare
vā arūpāvācare vā nibbattissatī”ti jānanakāle mahaggaṭārammaṇaṃ.
“Maggāṃ bhāvessati, phalaṃ sacchikarissati, nibbānadhātuyā
parinibbāyissatī”ti jānanakāle appamāṇārammaṇaṃ. “Anāgate Metteyyo
nāma Bhagavā uppajjissati, Subrahmā nāmassa brāhmaṇo pitā bhavissati,
Brahmavatī nāma Brāhmaṇī mātā bhavissatī”ti-ādinā nayena
nāmagottajānanakāle navattabbārammaṇaṃ hoti.

Arūpāvācaracatutthaṃ pana āsavānaṃ khayacatutthaṃca Pāliyaṃ
āgataṭṭhāneyeva kathessāmi¹. Kiriyaḥetukamanoviññādhātu
upekkhāsahagatā sabbesampi etesaṃ kusalākusalakiriyaṇānaṃ purecārikā,
tassā tesu vuttanayeneva ārammaṇabhedo veditabbo. Pañcadvāre pana
voṭṭhabbanavasena pavattiyaṃ ekantaparittārammaṇāva hoti.
Rūpāvācaratikacatukkajjhānādīni parittādibhāvena navattabbadhammaṃ
ārabbha pavattito navattabbārammaṇāni. Ettha hi rūpāvācarāni
pathavīkasiṇādīsu pavattanti. Ākāsaṇācāyatanāni ugghāṭimākāse,
ākāsaṇācāyatanāni viññāṇāpagameti.

1429. Maggārammaṇattike ādimhi vuttā aṭṭha
ñāṇasampayuttacittuppādā sekkhāsekkhānaṃ attanā paṭividdhamaggānaṃ
paccavekkhaṇakāle maggārammaṇā, maggena pana asahajātattā na
maggahetukā, attanā paṭividdhamaggaṃ garuṃ katvā paccavekkhaṇakāle
ārammaṇādhipativasena maggādhipatino, aññadhammārammaṇakāle na
vattabbā “maggārammaṇā”tipi “maggādhipatino”tipi. Cattāro ariyamaggā
maggasaṅkhātassa, maggasampayuttassa vā hetuno atthitāya ekantato
maggahetukāva, vīriyaṃ pana vīmaṃsaṃ vā jeṭṭhakaṃ katvā

1. Kathīyati (Sī, Syā)

maggabhāvanākāle sahaḷātādhipatinā siyā maggādhipatino, chandacittānaṃ aññatarajettḥhakakāle siyā na vattabbā “maggādhipatino”ti.

Dvādasavidhe rūpāvacaracatutthajjhāne sabbatthapādakacatutthādīni nava jhānāni neva maggārammaṇāni, na maggahetukāni, na maggādhipatīni. Cetopariyañānapubbenivāsañāṇa-anāgataṃsañāṇacatutthāni pana ariyānaṃ maggahetukāni, maggaṃ garuṃ katvā appavattito na maggādhipatīni. Kasmā panetāni na maggaṃ garuṃ karontīti? Attano mahaggatatāya. Yathā hi rājānaṃ sabbo loko garuṃ karoti, mātāpitaro pana na karonti. Na hi te rājānaṃ disvā āsanā vuṭṭhahanti, na añjalikammādīni karonti, daharakāle voharitanayeneva voharanti. Evametānipi attano mahaggatatāya na maggaṃ garuṃ karonti.

Kiriyāhetukamanoviññādhātupi ariyānaṃ maggapaccavekkhaṇakāle paccavekkhaṇapurecārikattā maggārammaṇā hoti, maggena asahaḷātattā pana na maggahetukā, maggaṃ garuṃ katvā appavattito na maggādhipati. Kasmā garuṃ na karotīti? Attano ahetukatāya hīnatāya jaḷatāya. Yathā hi rājānaṃ sabbo loko garuṃ karoti, attano parijanā pana khujjavāmanakaceṭakādayo attano aññāṇatāya paṇḍitamanussā viya nāṭigaruṃ karonti, evameva idampi cittaṃ attano ahetukatāya hīnatāya jaḷatāya maggaṃ garuṃ na karoti.

Ñānavippayuttakusalādīni ñāṇābhāvena ceva lokiyadhammārammaṇatāya ca maggārammaṇādibhāvaṃ na labhanti, navattabbārammaṇāneva hontīti veditabbānīti.

1432. Atītārammaṇattike
viññāṇaṅcāyatananevasaññānāsaññāyatanadhammā heṭṭhā atītasamāpattim ārabha pavattito ekantena **atītārammaṇāva**.

1433. **Niyogā anāgatārammaṇā natthīti** niyamena pāṭiyekkaṃ cittaṃ anāgatārammaṇaṃ nāma natthi. Nanu ca anāgataṃsañāṇaṃ ekantena anāgatārammaṇaṃ, cetopariyañāṇampi anāgataṃ ārabha pavattatīti.

no na pavattati, pāṭiyekkaṃ pana etaṃ ekaṃ cittaṃ nāma natthi,
rūpāvacaracattutthajjhānena saṅgahitattā aññehi mahaggatacittēhi missakaṃ
hoti. Tena vuttaṃ “niyogā anāgatārammaṇā natthī”ti.

1434. Dvipañcaviññāṇāni, tisso manodhātuyo ca paccuppannesu
rūpādīsu pavattito **paccuppannārammaṇā** nāma. **Dasa cittuppādā**ti ettha
aṭṭha tāva sahetukā devamanussānaṃ paṭisandhiggahaṇakāle kammaṃ vā
kammanimittam vā ārabba pavattiyam atītārammaṇā, bhavaṅgacutikālesupi
eseva nayo. Gatinimittam pana ārabba paṭisandhiggahaṇakāle, tato paraṃ
bhavaṅgakāle ca paccuppannārammaṇā, tathā pañcadvāre
tadārammaṇavasena pavattiyam. Manodvāre pana
atītānāgatapaccuppannārammaṇānaṃ javanānaṃ ārammaṇam gahetvā
pavattito atītānāgatapaccuppannārammaṇā, kusalavipākāhetuka-
upekkhāsahagatamanoviññāṇadhātuyampi eseva nayo. Kevalañhi sā
manussesu jaccandhādīnaṃ paṭisandhi hoti, pañcadvāre ca santīraṇavasenāpi
paccuppannārammaṇā hotīti ayamettha viseso. Somanassasahagatā pana
pañcadvāre santīraṇavasena, tadārammaṇavasena ca paccuppannārammaṇā
hoti, manodvāre tadārammaṇavasena sahetukavipākā viya
atītānāgatapaccuppannārammaṇāti veditabbā.

Akusalavipākāhetukamanoviññāṇadhātu pana kusalavipākāya
upekkhāsahagatāhetukāya samānagatikā eva. Kevalañhi sā āpāyikānaṃ
paṭisandhibhavaṅgacutivasena pavattatīti ayamettha viseso.
Kiriyaṅhetukamanoviññāṇadhātu somanassasahagatā khīṇāsavānaṃ
pañcadvāre pahaṭṭhākāraṃ kurumānā paccuppannārammaṇā hoti,
manodvāre atītādibhede dhamme ārabba hasituppādavasena pavattiyam
atītānāgatapaccuppannārammaṇā hoti.

Kāmāvacarakusalanti-ādīsu kusalato tāva cattāro
ñāṇasampayuttacittuppādā sekkhaputhujjanānaṃ atītādibhedāni
khandhadhātu-āyatanāni sammasantānaṃ paccavekkhantānaṃ
atītānāgatapaccuppannārammaṇā honti, paṇṇattinibbānapaccavekkhaṇe
navattabbārammaṇā. Ñāṇavippayuttēsupi eseva

nayo. Kevalañhi tehi¹ maggaphalanibbānapaccavekkhaṇā natthi.
Ayamevettha viseso.

Akusalato cattāro diṭṭhisampayuttacittuppādā atītādibhedānam
khandhadhātu-āyatanānam assādanābhinandanaparāmāsakāle atītādi-
ārammaṇā honti, paṇṇattiṃ ārabha assādentassa abhinandantassa “satto
satto”ti parāmasitvā gaṇhantassa navattabbārammaṇā honti.
Diṭṭhivippayuttesupi eseva nayo. Kevalañhi tehi parāmāsaggahaṇam natthi.
Dve paṭighasampayuttacittuppādā atītādibhede dhamme ārabha
domanassitānam atītādi-ārammaṇā, paṇṇattiṃ ārabha domanassitānam
navattabbārammaṇā. Vicikicchuddhaccasampayuttā tesu eva dhammesu
aniṭṭhaṅgatabhāvena ceva uddhatabhāvena ca pavattiyam
atītānāgatapaccuppannavattabbārammaṇā. Kiriyaato aṭṭha
sahetukacittuppādā kusalacittuppādagatikā eva.
Kiriyaahetukamanoviññādhātu upekkhāsahagatā pañcadvāre
voṭṭhabbanavasena pavattiyam paccuppannārammaṇāva, manodvāre
atītānāgatapaccuppannārammaṇānañceva paṇṇattinibbānārammaṇānañca
javanānam purecārikakāle atītānāgatapaccuppannavattabbārammaṇā.

Yathāvuttappabhede rūpāvacarajjhāne sabbatthapādakacattuttham,
ākāsakaṣiṇacattuttham, ālokakaṣiṇacattuttham, brahmavihāraccattuttham,
ānāpānacattutthanti imāni pañca navattabbārammaṇāneva.
Iddhividhacattuttham kāyavasena cittaṃ pariṇāmentassa
atītāpādakajjhānacittaṃ ārabha pavattanato atītārammaṇam,
mahādātunidhāne Mahākassapatherādīnam viya anāgataṃ
adhiṭṭhahantānam anāgatārammaṇam hoti. * **Mahākassapathero** kira
mahādātunidhānam karonto “anāgate aṭṭhārasavassādhikāni dve vassasatāni
ime gandhā mā sussiṃsu, pupphāni mā milāyīṃsu, dīpā mā nibbāyīṃsū”ti
adhiṭṭhahi, sabbam tatheva ahosi. **Assaguttathero** vattaniyasenāsane
Bhikkhusamgham sukhabhattam bhujjānam disvā “udakasoṇḍi divase
divase purebhattam dadhiraṣā hotū”ti adhiṭṭhahi, purebhattam gahitam
dadhiraṣam hoti, pacchābhatte pākatikameva. Kāyam pana cittasannissitam
katvā adissamānena kāyena gamanakāle aññassa vā

1. Tesam (Sī, Ka)

* Visuddhi 2. 60 piṭṭhepi.

pāṭihāriyassa karaṇakāle kāyaṃ ārabba pavattattā paccuppannārammaṇaṃ hoti.

Dibbasotacatutthaṃ vijjamānasaddameva ārabba pavattito paccuppannārammaṇaṃ hoti. Cetopariyañāṇacatutthaṃ atīte sattadivasabbhantare anāgate sattadivasabbhantare paresaṃ cittaṃ jānantassa atītārammaṇaṃ anāgatārammaṇaṃca hoti, sattadivasātikkame pana taṃ jānituṃ na sakkoti. Atītānāgataṃsaññāṇānaṃhi esa visayo, na etassa. Paccuppannājanakāle pana paccuppannārammaṇaṃ hoti.

Paccuppannaṃca nāmetaṃ tividhaṃ khaṇapaccuppannaṃ, santati-paccuppannaṃ, addhāpaccuppannaṃca. Tattha uppādaṭṭhitibhaṅgappattaṃ **khaṇapaccuppannaṃ**. Ekadvisantativārapariyāpannaṃ **santatipaccuppannaṃ**. Tattha andhakāre nisīditvā ālokaṭṭhānaṃ gatassa na tāva ārammaṇaṃ pākaṭaṃ hoti, yāva pana taṃ pākaṭaṃ hoti, etthantare ekadvisantativārā veditabbā. Ālokaṭṭhāne vicarivā ovarakaṃ pavitṭhassāpi na tāva sahasā rūpaṃ pākaṭaṃ hoti, yāva taṃ pākaṭaṃ hoti, etthantare ekadvisantativārā veditabbā. Dūre ṭhatvā pana rajakānaṃ hatthavikāraṃ, ghaṇḍi¹ bherī-ādi-ākoṭanavikāraṃca disvāpi na tāva saddaṃ suṇāti, yāva pana taṃ suṇāti, etasmimpi antare ekadvisantativārā veditabbā. Evaṃ tāva **Majjhimbhāṇakā**. **Samyuttabhāṇakā** pana rūpasantati arūpasantatīti dve santatiyo vatvā “udakaṃ akkamitvā gatassa yāva tīre akkanta-udakalekhā na vipasīdati, addhānato āgatassa yāva kāye usumabhāvo na vūpasammati, ātapā āgantvā gabbhaṃ pavitṭhassa yāva andhakārabhāvo na vigacchati, antogabbhe kammaṭṭhānaṃ manasikarivā divā vātapānaṃ vivarivā olokentassa yāva akkhīnaṃ phandanabhāvo na vūpasammati. Ayaṃ rūpasantati nāma. Dve tayo javanavārā arūpasantati nāmā”ti vatvā “tadubhayampi santatipaccuppannaṃ nāmā”ti vadanti.

Ekabhavapariicchinnaṃ pana **addhāpaccuppannaṃ** nāma, yaṃ sandhāya **Bhaddekarattasutte** “yo cāvuso mano, ye ca dhammā, ubhayametaṃ paccuppannaṃ, tasmim̃ ce paccuppanne chandarāgapaṭibaddhaṃ hoti viññānaṃ, chandarāgapaṭibaddhattā viññānaṃsa tadabhinandati, tadabhinandanto paccuppannesu dhammesu saṃhīratī”ti² vuttaṃ. Santatipaccuppannañcetha Aṭṭhakathāsu āgataṃ, addhāpaccuppannaṃ sutte.

1. Gaṇḍi (Sī, Syā)

2. Ma 3. 237 piṭṭhe.

Tattha keci “khaṇapaccuppannaṃ cittaṃ cetopariyañāṇassa ārammaṇaṃ hoti”ti vadanti. Kim kāraṇā? Yasmā iddhimassa ca parassa ca ekakkhaṇe cittaṃ uppajjatīti. Idañca nesaṃ opammaṃ, yathā ākāse khitte pupphamuṭṭhimhi avassaṃ ekaṃ pupphaṃ ekassa vaṇṭaṃ paṭivijjhati, vaṇṭena vaṇṭaṃ paṭivijjhati, evaṃ “parassa cittaṃ jānissāmi”ti rāsivasena mahājanassa citte āvajjite avassaṃ ekassa cittaṃ ekena cittena uppādakkhaṇe vā ṭhitikkhaṇe vā bhaṅgakkhaṇe vā paṭivijjhatīti. Taṃ pana vassasatampi vassasahassampi āvajjanto yena cittena āvajjeti, yena ca jānāti, tesaṃ dvinnaṃ sahaṭṭhānābhāvato āvajjanajavanānañca anīṭṭhe ṭhāne nānārammaṇabhāvappattidosato ayuttanti Aṭṭhakathāsu paṭikkhittaṃ. Santatipaccuppannaṃ pana addhāpaccuppannañca ārammaṇaṃ hotīti veditabbaṃ.

Tattha yaṃ vattamānajavanavīthito atītānāgatavasena dvitijavanavīthiparimāṇakāle parassa cittaṃ, taṃ sabbampi santatipaccuppannaṃ nāma. Addhāpaccuppannaṃ pana javanavārena dīpetabbanti yaṃ Aṭṭhakathāyaṃ vuttaṃ, taṃ suvuttaṃ. Tatrāyaṃ dīpanā, iddhimā parassa cittaṃ jānitukāmo āvajjeti, āvajjanaṃ khaṇapaccuppannaṃ ārammaṇaṃ katvā teneva saha nirujjhati, tato cattāri pañca javanāni, yesaṃ pacchimaṃ iddhicittaṃ, sesāni kāmāvacarāni. Tesaṃ sabbesampi tadeva niruddhaṃ cittaṃ ārammaṇaṃ hoti, na ca tāni nānārammaṇāni honti, addhāpaccuppannavasena paccuppannārammaṇattā ekārammaṇāni, ekārammaṇattepi ca iddhicittameva parassa cittaṃ pajānāti, na itarāni. Yathā cakkhudvāre cakkhuviññāṇameva rūpaṃ passati, na itarānīti. Iti idaṃ santatipaccuppannassa ceva addhāpaccuppannassa ca vasena paccuppannārammaṇaṃ hoti. Yasmā vā santatipaccuppannampi addhāpaccuppanneyeva patati, tasmā addhāpaccuppannavasenetāṃ paccuppannārammaṇanti veditabbaṃ.

Pubbenivāsañāṇacattutthaṃ nāmagottānussaraṇe, nibbānanimittapaccavekkhaṇe ca navattabbārammaṇaṃ, sesakāle atītārammaṇameva. Yathākammupagañāṇacattutthampi atītārammaṇameva. Tattha kiñcāpi pubbenivāsacetopariyañāṇānīpi atītārammaṇāni honti, atha kho tesaṃ pubbenivāsañāṇassa atītakkhandhā khandhapaṭibaddhañca kiñci anārammaṇaṃ nāma natthi. Tañhi atītakkhandhakhandhapaṭibaddhesu dhammesu Sabbaññutaññāṇasamagatikaṃ hoti. Cetopariyañāṇassa ca sattadivasabbhantarātītaṃ cittaṃ eva ārammaṇaṃ. Tañhi

aññaṃ khandhaṃ vā khandhapaṭibaddhaṃ vā na jānāti,
 maggasampayuttacittārammaṇattā pana pariyāyato maggārammaṇanti
 vuttaṃ. Yathākammupagaññaṃ ca atīacetanārammaṇanti ayaṃ
 viseso veditabbo. Ayamettha Aṭṭhakathānayo. Yasmā pana “kusalā khandhā
 iddhividhaññaṃ cetopariyaññaṃ pubbenivāsānussatiññaṃ
 yathākammupagaññaṃ anāgataññaṃ ārammaṇapaccayena
 paccayo”ti¹ **Paṭṭhāne** vuttaṃ, tasmā cattāropi khandhā
 cetopariyaññayathākammupagaññaṃ ārammaṇaṃ honti. Tatrāpi
 yathākammupagaññaṃ kusalākusalā evāti.

Dibbacakkhuññaṇacattutthaṃ vijjamānavañṇārammaṇattā
 paccuppannārammaṇameva. Anāgataññaṇacattutthaṃ
 anāgatārammaṇameva. Tañhi anāgatakkhandhakhandhapaṭibaddhesu
 dhammesu pubbenivāsāññaṃ viya
 sabbaññutaññaṇasamatikāṃ hoti. Tattha kiñcāpi cetopariyaññaṃpi
 anāgatārammaṇaṃ hoti, taṃ pana sattadivasabbhantare
 uppajjanakacittameva ārammaṇaṃ karoti. Idaṃ anāgate kappasatasahassee
 uppajjanakacittampi khandhepi khandhapaṭibaddhampi.
 Rūpāvacaratikacattukkajjhānādīni atītānāgatapaccuppannesu ekadhammampi
 ārabha appavattito ekantanavattabbārammaṇānevāti veditabbāni.

1435. Ajjhattattike **anindriyabaddharūpañca nibbānañca bahiddhāti**
 idaṃ yathā indriyabaddhaṃ parapuggalasantāne bahiddhāti vuccamānampi
 tassa attano santānapariyāpannattā niyakajjhattaṃ hoti, evaṃ na kenaci²
 pariyāyena ajjhattaṃ hotīti niyakajjhattapariyāyassa abhāvena bahiddhāti
 vuttaṃ, na niyakajjhattamattassa asambhavato.

1436-7. Niyakajjhattamattassa pana asambhavamattaṃ sandhāya
 ajjhattārammaṇattike bahiddhārammaṇatā vuttā.
 Ajjhattadhammāpagamamattatova ākiñcaññāyatanārammaṇassa
 ajjhattabhāvampi bahiddhābhāvampi ajjhattabahiddhābhāvampi ananujānitvā
 “**ākiñcaññāyatanānaṃ na vattabbaṃ ajjhattārammaṇantipi**”ti-ādi vuttaṃ.

Tattha na kevalaṃ tadeva navattabbārammaṇaṃ, tassa pana
 āvajjanampi upacāraccittānīpi tassārammaṇassa paccavekkhaṇacittānīpi
 tasseva assādanādivasena pavattāni akusalacittānīpi
 navattabbārammaṇānevāti.

1. Abhi 8. 133piṭṭhe.

2. Yena kenaci (Ka)

tāni pana tasmim vutte vuttāneva hontīti visum na vuttāni. Katham vuttāneva hontīti. Etañhi ākiñcaññāyatanam yañca tassa purecārikam āvajjana-upacārādivasena pavattam tena saha ekārammaṇam bhaveyya, tam sabbam atītārammaṇattike “kāmāvacarakusalam akusalam kiriyato nava cittuppādā rūpāvacaram catuttham jhānam”ti evam vuttānam etesam cittuppādānam “siyā na vattabbā atītārammaṇātipī”ti-ādinā nayena navattabbārammaṇabhāvassa anuññātattā ākiñcaññāyatanassa ca “ākiñcaññāyatanam cattāro maggā apariyāpannā, cattāri ca sāmāññaphalāni, ime dhammā na vattabbā atītārammaṇātipī”ti evam ekantena navattabbārammaṇattavacanato navattabbārammaṇanti vuttam. Idāni tam ajjhattārammaṇattike ekampi vuccamānam yasmā heṭṭhā tena saha ekārammaṇabhāvampi sandhāya kāmāvacarakusalādīnam navattabbārammaṇatā vuttā, tasmā idhāpi tesam navattabbārammaṇabhāvam dīpeti. Ko hi tena saha ekārammaṇānam navattabbārammaṇabhāve antarāyoti evam tasmim vutte vuttāneva hontīti veditabbāni. Sesamettha ajjhattārammaṇattike Pālito uttānameva.

Ārammaṇavibhāge pana viññāṇaṅcāyatanam nevasaññānāsaññāyatananti imesam tāva kusalavipākakiriyavasena channam cittuppādānam attano santānasambandham heṭṭhimasamāpattim ārabha pavattito ajjhattārammaṇatā veditabbā. Ettha ca kiriyā-ākāsānaṅcāyatanam kiriyaviññāṇaṅcāyatanasseva ārammaṇam hoti, na itarassa. Kasmā? Ākāsānaṅcāyatanakiriyasamaṅgino kusalassa vā vipākassa vā viññāṇaṅcāyatanassa abhāvato. Kusalam pana kusalavipākakiriyānam tiṇṇampi ārammaṇam hoti. Kasmā? Ākāsānaṅcāyatanakusalam nibbattetvā ṭhitassa tato uddham tividhassapi viññāṇaṅcāyatanassa uppattisambhavato. Vipākam pana na kassaci ārammaṇam hoti. Kasmā? Vipākato vuṭṭahitvā cittassa abhinhārāsambhavato. Nevasaññānāsaññāyatanassa ārammaṇakaraṇepi eseva nayo. Rūpāvacarattikacatukkajjhānādīnam sabbesampi niyakajjhattato bahiddhābhāvena bahiddhābhūtāni pathavīkasiṇādīni ārabha pavattito bahiddhārammaṇatā veditabbā.

Sabbeva kāmāvacarā kusalākusalābyākatā dhammā rūpāvacaram catuttham jhānanti ettha kusalato tāva cattāro ñāṇasampayuttacittuppādā

attano khandhādīni paccavekkhantassa ajjhattārammaṇā, paresaṃ khandhādipaccavekkhaṇe paṇṇattinibbānapaccavekkhaṇe ca bahiddhārammaṇā, tadubhayavasena ajjhattabahiddhārammaṇā. Ñāṇavippayuttesupi eseva nayo. Kevalaṅhi tesam nibbānapaccavekkhaṇaṃ natthi. Akusalato cattāro diṭṭhisampayuttacittuppādā attano khandhādīnaṃ assādanābhinandanaparāmāsagahaṇakāle ajjhattārammaṇā, parassa khandhādīsu ceva anindriyabaddharūpakasiṇādīsu ca tatheva pavattikāle bahiddhārammaṇā, tadubhayavasena ajjhattabahiddhārammaṇā. Diṭṭhivippayuttesupi eseva nayo. Kevalaṅhi tesam parāmāsagahaṇaṃ natthi. Dvepi paṭiḡhasampayuttā attano khandhādīsu domanassitassa ajjhattārammaṇā, parassa khandhādīsu ceva anindriyabaddharūpapaṇṇattīsu ca bahiddhārammaṇā, tadubhayavasena ajjhattabahiddhārammaṇā. Vicikicchuddhaccasampayuttānampi vuttapakāresu dhammesu vicikicchanaḡhandanabhāvavasena¹ pavattiyam ajjhattādi-ārammaṇatā veditabbā.

Dvepañcaviññāṇāni, tisso ca manodhātuyoti ime terasa cittuppādā attano rūpādīni ārabba pavattiyam ajjhattārammaṇā, parassa rūpādīsu pavattā bahiddhārammaṇā, tadubhayavasena ajjhattabahiddhārammaṇā. Somanassasahagata-ahetukavipākamanoviññāḡadhātu pañcadvāre santīraṇatadārammaṇavasena attano pañca rūpādīdhamme, manodvāre tadārammaṇavaseneva aññepi ajjhattike kāmāvacaradhamme ārabba pavattiyam ajjhattārammaṇā, paresaṃ dhammesu pavattamānā bahiddhārammaṇā, ubhayavasena ajjhattabahiddhārammaṇā. Upekkhāsahagatavipākāhetukamanoviññāḡadhātudvayepi eseva nayo. Kevalam paṇetā sugatiyam, duggatiyaṅca paṭisandhibhavaṅgacutivasenāpi ajjhattādibhedesu kammādīsu pavattanti.

Aṭṭha mahāvīpākacittāni tāsamyeva dvinnam samānagatikāni. Kevalam paṇetāni santīraṇavasena na pavattanti. Paṭisandhibhavaṅgacutivaseneva etāni sugatiyamyeva pavattanti. Somanassasahagatāhetukakiriya pañcadvāre attano rūpādīni ārabba paḡaṭṭhākāraṇavasena pavattiyam ajjhattārammaṇā, parassa rūpādīsu pavattā bahiddhārammaṇā, manodvāre Tathāgatassa * Jotipālamāṇava Magghadevarāja kaṇhatāpasādīkālesu attanā katakiriyam paccavekkhantassa hasituppādavasena pavattā

1. Vicikicchanaḡhantabhāvavasena (Ka)

* Heṭṭhā 333 piṭṭhepi.

ajjhattārammaṇā, mallikāya deviyā santatimahāmattassa
 sumanamālākārassāti evamādīnaṃ kiriyākaraṇaṃ ārabha pavattikāle
 bahiddhārammaṇā, ubhayavasena ajjhattabahiddhārammaṇā.
 Upekkhāsahagatakiriyāhetukamanoviññāṇadhātu pañcadvāre
 voṭṭhabbanavasena, manodvāre ca āvajjanavasena pavattiyāṃ ajjhattādi-
 ārammaṇā. Aṭṭha mahākiriya kusalacittagatikā eva. Kevalañhi tā
 khīṇāsavānaṃ uppajjanti, kusalāni sekkhaputhujjanānanti ettakamevettha
 nānākaraṇaṃ.

Vuttappakāre rūpāvacaracatutthajjhāne sabbatthapādakacatutthādīni
 pañca jhānāni imasmim tike okāsaṃ labhanti. Etāni hi
 kasiṇapaṇṇattinimittārammaṇattā bahiddhārammaṇāni.

Iddhividhacatutthaṃ kāyavasena cittaṃ, cittavasena vā kāyaṃ
 pariṇāmanakāle attano, kumārakavaṇṇādinimmānakāle ca sakāyacittānaṃ
 ārammaṇakaraṇato ajjhattārammaṇaṃ, bahiddhā hatthi-assādidassanakāle
 bahiddhārammaṇaṃ, kālena ajjhattaṃ kālena bahiddhā pavattiyāṃ
 ajjhattabahiddhārammaṇaṃ.

Dibbasotacatutthaṃ attano kucchisaddasavanakāle ajjhattārammaṇaṃ,
 paresaṃ saddasavanakāle bahiddhārammaṇaṃ, ubhayavasena
 ajjhattabahiddhārammaṇaṃ. Cetopariyaññācatutthaṃ paresaṃ
 cittārammaṇato bahiddhārammaṇameva, attano cittaajānane pana tena
 payojanaṃ natthi. Pubbenivāsacatutthaṃ attano khandhānussaraṇakāle
 ajjhattārammaṇaṃ, parassa khandhe, anindriyabaddharūpaṃ, tisso ca
 paṇṇattiyo anussaraṇato bahiddhārammaṇaṃ, ubhayavasena
 ajjhattabahiddhārammaṇaṃ.

Dibbacakkhucacatutthaṃ attano kucchigatādirūpadassanakāle
 ajjhattārammaṇaṃ, avasesarūpadassanakāle bahiddhārammaṇaṃ,
 ubhayavasena ajjhattabahiddhārammaṇaṃ. Anāgataṃsaññācatutthaṃ attano
 anāgatakkhandhānussaraṇakāle ajjhattārammaṇaṃ, parassa
 anāgatakkhandhānaṃ vā anindriyabaddhassa vā rūpassa anussaraṇakāle
 bahiddhārammaṇaṃ, ubhayavasena ajjhattabahiddhārammaṇaṃ.
 Ākiñcaññāyatanassa navattabbārammaṇatāya kāraṇaṃ heṭṭhā vuttameva.

Duka-atthuddhāravaṇṇanā

1441. Hetugocchakaniddese “**tayo kusalahetū**”ti-ādinā nayena hetū dassetvā puna teyeva uppattiṭṭhānato dassetuṃ “**catūsu bhūmīsu kusalesu uppajjantī**”ti-ādi vuttaṃ. Iminā upāyena sesagocchakesupi desanānayo veditabbo.

1473. **Yattha dve tayo āsavā ekato uppajjantī**ti ettha tividhena āsavānaṃ ekato uppatti veditabbā, tattha catūsu diṭṭhivippayuttesu avijjāsavena, diṭṭhisampayuttesu diṭṭhāsava-avijjāsavehi saddhinti kāmāsavo duvidhena ekato uppajjati. Bhavāsavo catūsu diṭṭhivippayuttesu avijjāsavena saddhinti ekadhāva ekato uppajjati.

1485. Yathā cettha, evaṃ “yattha dve tīṇi saṃyojanāni ekato uppajjantī”ti etthāpi saṃyojanānaṃ uppatti ekato dasadhā bhava. Tattha kāmarāgo catudhā ekato uppajjati. Paṭigho tidhā, māno ekadhā, tathā vicikicchā ceva bhavarāgo ca. Kathaṃ? Kāmarāgo tāva mānasasāmyojana-avijjāsāmyojanehi ceva diṭṭhisāmyojana-avijjāsāmyojanehi ca sīlabbataparāmāsa-avijjāsāmyojanehi ca avijjāsāmyojanamatteneva ca saddhinti evaṃ catudhā ekato uppajjati. Paṭigho pana issāsāmyojana-avijjāsāmyojanehi ceva macchariyasāmyojana-avijjāsāmyojanehi ca avijjāsāmyojanamatteneva ca saddhinti evaṃ tidhā ekato uppajjati. Māno bhavarāgāvijjāsāmyojanehi saddhiṃ ekadhāva ekato uppajjati. Tathā vicikicchā. Sā hi avijjāsāmyojanena saddhiṃ ekadhā uppajjati. Bhavarāgepi eseva nayoti. Evamettha dve tīṇi saṃyojanāni ekato uppajjanti.

1511. Yaṃ panetaṃ nīvaraṇagocchake “yattha dve tīṇi nīvaraṇāni ekato uppajjantī”ti vuttaṃ, tatthāpi aṭṭhadhā nīvaraṇānaṃ ekato uppatti veditabbā. Etesu hi kāmacchando duvidhā ekato uppajjati, byāpādo catudhā, uddhaccaṃ ekadhā, tathā vicikicchā. Kathaṃ? Kāmacchando tāva asaṅkhārikacittesu uddhaccanīvaraṇa-avijjānīvaraṇehi, sasaṅkhārikesu thinamiddha-uddhacca-avijjānīvaraṇehi saddhiṃ duvidhā ekato uppajjati. Yaṃ panetaṃ “dve tīṇi”ti vuttaṃ, taṃ heṭṭhimaparicchedavasena vuttaṃ. Tasmā catunnampi ekato

uppajjati vacanaṃ yujjati eva. Byāpādo pana asaṅkhārikacitte uddhacca-avijjānīvaraṇehi, sasaṅkhārike thinamiddha-uddhacca-avijjānīvaraṇehi, asaṅkhārikeyeva uddhaccakukkucca-avijjānīvaraṇehi, sasaṅkhārikeyeva thinamiddha-uddhaccakukkucca-avijjānīvaraṇehi saddhinti catudhā ekato uppajjati. Uddhaccaṃ pana avijjānīvaraṇamattena saddhiṃ ekadhāva ekato uppajjati. Vicikicchā-uddhacca-avijjānīvaraṇehi saddhiṃ ekadhāva ekato uppajjati.

1577. Yampidaṃ kilesagocchake “yattha dve tayo kilesā ekato uppajjanti”ti vuttam, tattha dve kilesā aññehi, tayo vā kilesā aññehi kilesehi saddhiṃ uppajjanti evamattho veditabbo. Kasmā? Dvinnam tiṇṇaṃyeva vā ekato uppattiyā asambhavato.

Tattha dasadhā kilesānaṃ ekato uppatti hoti. Ettha hi lobho chadhā ekato uppajjati. Paṭigho dvidhā. Tathā mohoti veditabbo. Kathaṃ? Lobho tāva asaṅkhārike diṭṭhivippayutte moha-uddhacca-ahirikānottappehi, sasaṅkhārike mohathina-uddhacca-ahirikānottappehi, asaṅkhārikeyeva mohamānuddhaccāhirikānottappehi, sasaṅkhārikeyeva mohamānathina-uddhacca-ahirikānottappehi, diṭṭhisampayutte pana asaṅkhārike moha-uddhaccadiṭṭhi-ahirikānottappehi, sasaṅkhārike mohadiṭṭhithina-uddhacca-ahirikānottappehi saddhinti chadhā ekato uppajjati.

Paṭigho pana asaṅkhārike moha-uddhacca-ahirikānottappehi, sasaṅkhārike mohathina-uddhacca-ahirikānottappehi saddhinti evaṃ dvidhā ekato uppajjati. Moho pana vicikicchāsampayutte vicikicchuddhacca-ahirikānottappehi, uddhaccasampayutte uddhacca-ahirikānottappehi saddhinti evaṃ dvidhā ekato uppajjati. Sesam sabbattha uttānatthamevāti.

Aṭṭhasāliniyā Dhammasaṅgaha-aṭṭhakathāya

Aṭṭhakathākaṇḍavaṇṇanā niṭṭhitā

Nigamanakathā

Ettāvata ca—

Cittam rūpañca nikkhepaṃ, atthuddhāraṃ manoramaṃ.
 Yaṃ Lokanātho bhājento, desesi Dhammasaṅgaṇiṃ.
 Abhidhammassa saṅgayha, dhamme anavasesato.
 Ṭhitāya tassā āraddhā, yā mayā atthavaṇṇanā.
 Anākulānamatthānaṃ, sambhavā Aṭṭhasālinī.
 Iti nāmena sā esā, sanniṭṭhānamupāgatā.
 Ekūnacattālīsāya, Pāliya bhāṇavārato.
 Ciratṭhitatthaṃ dhammassa, niṭṭhāpentena taṃ mayā.
 Yaṃ pattam kusalam tassa, ānubhāvena paṇino.
 Sabbe saddhammarājassa¹, ñatvā dhammaṃ sukhāvaham.
 Pāpuṇantu visuddhāya, sukhāya paṭipattiyā.
 Asokamanupāyāsaṃ, nibbānasukhamuttamaṃ.
 Ciram tiṭṭhatu saddhammo, dhamme hontu sagāravā.
 Sabbepi sattā kālena, sammā devo pavassatu.
 Yathā rakkhimsu porāṇā, surājāno tathevimaṃ.
 Rājā rakkhatu dhammena, attanova pajam pajanti.

Paramavisuddhasaddhābuddhivīriyapaṭimaṇḍitena
 sīlācārajjavamaddavādiguṇasamudayasamuditena
 sakasamayasamayantaragahanajjhogāhaṇasamatthena
 paññāveyyattiyasamannāgatena tipīṭakapariyattippabhede sātṭhakathe
 Satthusāsane appaṭihatañāṇappabhāvena mahāveyyākaraṇena
 karaṇasampattijanitasukhaviniggitamadhurodāra² vacanalāvaṇṇayuttana
 yuttamuttavādinā vādīvarena mahākavinā pabhinnapaṭisambhidāparivāre³
 chaḷabhiññāḍippabhedaguṇapaṭimaṇḍite uttarimanussadhamme
 suppaṭiṭṭhitabuddhīnaṃ theravaṃsappadīpānaṃ therānaṃ
 Mahāvihāravāsīnaṃ vaṃsālāṅkārahūtena vipulavisuddhabuddhinā
 “**Buddhaghoso**”ti

1. Sabbepi Dhammarājassa (Syā, Ka) 2. ...madhuroḷāra (Syā) 3. ...parivāra (Sī)

garūhi gahitanāmadheyena therena katā ayaṃ Aṭṭhasālinī nāma
Dhammasaṅgahaṭṭhakathā—

Tāva tiṭṭhatu lokasmiṃ, lokanittaraṇesinaṃ.
Dassenti kulaputtānaṃ, nayaṃ paññāvisuddhiyā.
Yāva “Buddho”ti nāmampi, suddhacittassa tādino.
Lokamhi Lokajetṭhassa, pavattati Mahesinoti.

Aṭṭhasālinī nāma

Dhammasaṅgaha-aṭṭhakathā niṭṭhitā.

Aṭṭhasālinī-aṭṭhakathāya

Samvaṇṇitapadānaṃ anukkamaṇikā

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Akakkhaḷatā	194	Aññātāvindriyaṃ	330
Akathinatā	194	Aññātāvīnaṃ	330
Akammaññatā	408	Aññindriyaṃ	282
Akaraṇaṃ	263	Aṭṭhāne vā pana āghāto	399
Akallatā	408	Aṭṭhikaṃ	243
Akiriya	263-4	Aṭṭhitakiriyaṭā	435
Akuṭilatā	195	Aṇuṃ	354
Akusalamūlaṃ	296	Aṇḍakā	425
Akusalānaṃ	193	Atītaṃsena saṅgahitā	394
Akusalehi	209	Atītā	88, 394
Akovido	385	Atītārammaṇā	88
Agāravatā	422	Attani vā rūpaṃ	387
Aggahitattaṃ	407	Attabhāvapariyāpanno	346
Aghaṃ	362	Attamanatā	188, 425
Aghagataṃ	362	Attavādupādānaṃ	415
Acaṇḍikkam	424	Atthaṅgatā	394
Ajimhatā	195	Adandhanatā	194
Ajjavo	95	Adassāvī	385
Ajjhattaṃ	213, 374	Adiṭṭhānaṃ	263
Ajjhattaṃ arūpasaññī	233, 236	Adinnādānaṃ	140
Ajjhattaṃ paccattaṃ	394	Adukkhamasukhaṃ	222
Ajjhattā	88	Adukkhamasukhā	84
Ajjhattikā	92	Adussanā	194
Ajjhosānaṃ	395	Adussitattaṃ	194
Aññā	330	Adoso	194
Aññānaṃ adassanaṃ	296	Adhammarāgo	398

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Adhāraṇatā	433	Aniyatā	87
Adhikaraṇasamatho	189	Anukampā	395
Adhipatiṃ karitvā	392	Anuttarā	93
Adhimutti	435	Anuddā	395
Adhimokkho	177	Anuddāyanā	395
Adhivacanapathā	94	Anuddāyitattam	395
Adhivāsanatā	424	Anunayo	395
Anajjhāpatti	263	Anuppannā	88
Anaññātaññassāmītindriyaṃ	261	Anuppāde ñāṇaṃ	96
Anaññātānaṃ	262	Anubyañjanaggāhī	428
Anattamanatā	300	Anurodho	395
Anatthaṃ me acari	399	Anuvicāro	187
Ananubodho	296	Anusandhānatā	187
Ananussati appaṭissati	433	Anusayo	296, 398
Anantavādiṭṭhi	94	Anussati	191
Anabhijjhā	173, 194	Anekaṃsaggāho	301
Anabhisamayo	296	Anottappaṃ	94, 291
Anavasesappahānāya	282	Anottappabalaṃ	291
Anasuropo	424	Anolīnavuttitā	435
Anāgatā	88	Antaradhānaṃ	365
Anādaratā	422	Antare	417
Anādariyaṃ	422	Antavā	402
Anārammaṇā	92	Antavādiṭṭhi	94
Anikkhittachandatā	190, 435	Anto karitvā	417
Anikkhittadhuratā	190, 435	Antosamorodho	409
Aniccatā	365	Anvāssaveyyuṃ	428
Aniccameva	343	Apacayagāmino	86
Anidassanasappaṭighā	89	Apaccavekkhanā	296
Anidassano	346	Appattānaṃ	263
Anindriyabaddha-		Aparantaṃ ārabha	422
rūpaṅca -pa- bahiddhā	447		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Aparantānudiṭṭhi	94	Amattaññūtā	429
Aparante	389, 395	Amoho	193
Apariyogāhanā	296, 301	Ambaṅkuravaṇṇaṁ	354
Apilāpanatā	191	Ambilaṁ	357
Apekkhā	397	Ayaṁ loko	416
Appaccakkhakammaṁ	296	Ayoniso	429
Appaccayā	90	Araṇā	93
Appaṭivānitā	96	Ariyadhammassa	385
Appaṭivedho	296	Ariyamaggaṁ	392
Appaṭisaṅkhā	429	Ariyā	219, 384
Appaṭissavatā	422	Arūpatanḥā	398
Appaṇihitaṁ	266	Arūparāgo	282
Appanā	187	Arūpāvacarā	92
Appamāṇā	87	Arūpino	90
Appamāṇāni	233	Arūpūpapattiyā	245
Appamāṇārammaṇaṁ	229, 243	Alubbhanā	193
Appamāṇārammaṇā	391, 438	Alubbhitattaṁ	194
Appassutā	423	Alobho	170, 193
Apharusavācatā	426	Avāṅkatā	195
Abbhatthaṅgatā	394	Avacarā	417
Abbhā	354	Avatṭhiti	188
Abyākatā	81	Avikkhepo	95, 175, 188, 291, 294
Abyāpajjo	194	Avicāraṁ	214
Abyāpādo	173, 194	Avijjā	94, 296
Abhikkamantassa	360	Avijjābhāgino	93
Abhijjhā	143, 291, 296	Avijjāsavo	401-2
Abhinibbattā	393	Avitakkaṁ	214
Abhiniveso	295	Avitakka-avicārā	85
Abhippasādo	189	Avitakkavicāramattā	85
Abhilāpo	421		

Padānukkamo	Piṭṭhaṅko	Padānukkamo	Piṭṭhaṅko
[A]		[A]	
Avitthanatā	194	Ahirikabalaṃ	291
Aviditānaṃ	263	Ahetukā	89
Avisāhaṭamānasatā	188, 294	[Ā]	
Avisāhāro	188, 294	Ākappo	357
Avīci	417	Ākāsakaṣiṇaṃ	231
Avūpasamo	301	Ākāsagataṃ	362
Asaṃgāhanā	296	Ākāsadhātu	362
Asaṃyojanīyā	91	Ākāsānañcāyatanāṃ	250
Asaṅkhata	90	Ākāsānañcāyatana-	
Asacchikatānaṃ	263	saññāsahagataṃ	249
Asati	433	Ākāsānañcāyatanūpage	418
Asantuṭṭhitā	96, 429	Ākāso	362
Asamapekkhanā	296	Ākiñcaññāyatanāṃ	251
Asamādhisaṃvattanikā	425	Ākiñcaññāyatana-	
Asampajaññaṃ	95	saññāsahagataṃ	251
Asamphuṭṭham	362	Ācayagāmino	86
Asammussanatā	191	Ācayo	363
Asambodho	296	Ācikkhanti	219
Asaraṇatā	433	Ādāsamaṇḍalaṃ	355
Asassato	402	Ānantarikāni	392
Asātaṃ	299	Āpattikusalatā	95, 423
Asādu	357	Āpattivuṭṭhānakusalatā	95, 423
Asārajjanā	194	Āpo	370
Asārajjitattam	194	Āpogataṃ	370
Asārāgo	194	Āpodhātu	368
Asithilaparakkamatā	190	Āmakagandho	356
Asuropo	299	Āmodanā	187
Asekkhā	87	Āyatanakusalatā	95, 424
Assaddhā	423	Āyatanānaṃ	363
Ahirikāṃ	94, 291		

Padānukkamo	Piṭṭhaṅko	Padānukkamo	Piṭṭhaṅko
[Ā]		[I]	
Āyu	193	Indriyesu aguttadvāratā	95
Āyuno saṁhāni	364	Imassa kāyassa	431
Āyūhini	396	Imesaṁ	429
Ārati	263	Iriyanā	193
Ārabbha	347, 391	Issā	299, 404
Ārambho	189	Issāyanā	404
Ārammaṇato	144, 147	Issāyitattam	404
Ālokentassa	360	[U]	
Āvaraṇaṁ	398	Ucchedadiṭṭhi	94
Āsappanā	301	Ujukatā	195
Āsavā	90, 401	Uṭṭhitā	393
Āsavānaṁ khaye ñāṇaṁ	435	Udakasaddo	356
Āsā	397	Udīraṇaṁ	361
Āsisaṇā	397	Uddhaccaṁ	301
Āsisitattam	397	Uddhaccasampayuttam	301
Āsevanā	433	Uddhumātakaṁ	242
Āhāraṁ	429	Unnati	404
Āhāreti	429	Unnāmo	404
Āhāro	366	Upakkilesa	398
[I]		Upacayo	363
Icchā	395	Upacitattā	303
Iti	431	Upanissayamatthaso	321
Itthattam itthibhāvo	358	Upaparikkhā	191
Itthindriyaṁ	358	Uparito	417
Idappaccayatāpaṭicca- samuppannesu	389, 395	Upalakkhaṇā	191
Idha	383	Upavicāro	187
Indriyaṁ	192	Upasampajja	212
Indriyānaṁ paripāko	364	Upādā	92, 344
		Upādānā	92

Padānukkamo	Piṭṭhaṅko	Padānukkamo	Piṭṭhaṅko
[U]		[O]	
Upādāniyā	85	Okappanā	189
Upādāya	339	Oghaniyā	91
Upādinnam	374	Oghā	91
Upādinnā	84, 394	Ottappam	94, 168
Upādinupādāniyā	85	Ottappabalam	168
Upekkhako	216	Ottappitabbena	193
Upekkhā	85, 237	Odagyam	188
Upekkhāsatipārisuddhim	222	Odātam	354
Upekkhāsahagataṃ	201	Onāho	409
Uppajjitvā vigatā	394	Olīyanā	408
Uppannam	108-9, 343	Oḷārikaṃ	373
Uppannaṃsena saṅgahitā	393	[Ka]	
Uppannā	88, 393	Kakkasā	425
Uppādino	88	Kakkhaḷam	368, 374
Uyyāmo	190	Kaṅkhā	301
Usumam	374	Kaṅkhāyanā	301
Usamagataṃ	374	Kaṅkhāyitattam	301
Usūyā	404	Kaṭukam	357
Usmā	374	Kaṭukaṅcukatā	407
Usmāgataṃ	374	Kaṇṇasukhā	425
Ussāho	190	Kaṇhā	93
Ussolhī	190	Katattā	303
[E]		Kathamvidham	343
Ekaṭṭham	380	Kadariyam	407
Ekodi	213	Kabaḷikāro	366, 368
Ekodibhāvam	214	Kammam	361
Ejā	395	Kammaññatā	195
		Karuṇā	237
		Kalyāṇamittatā	94

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ka]	
Kasāvaṃ	357	Kilesavatthūni	416
Kāmacchando	402	Kukkuccaṃ	299
Kāmajjhosānaṃ	402	Kukkuccāyaṇā	414
Kāmataṇhā	398, 402	Kukkuccāyitattaṃ	414
Kāmanandī	402	Kucchivitthambhanaṃ	366
Kāmapariḷāho	402	Kujjhanā	399
Kāmamucchā	402	Kujjhitattaṃ	399
Kāmarāgo	402	Kuttaṃ	357
Kāmasineho	402	Kummaggo	295
Kāmāvacaraṃ	104	Kusalaṃ	105
Kāmāvacarā	92	Kusalamūlāni	380
Kāmāsavo	401-2	Kusalā	80-1
Kāmupādānaṃ	415	Kusalākusalānaṃ	335
Kāmesu	141, 402	Kusalānaṃ dhammānaṃ	433
Kāmesumicchācāro	141	Ketukamyatā	404
Kāmehi	209	Kenaci na viññeyyā	90
Kāyakammaññatā	174	Kenaci viññeyyā	90, 400
Kāyagantho	408	Koṭṭhāsato	144, 147
Kāyaduccaritavirati	177	Kodhasāmantā	425
Kāyaduccaritehi	264	Kodho	399
Kāyapassaddhi	174	Kopo	399
Kāyapāguññatā	175	Kosallaṃ	191
Kāyamudutā	174		
Kāyalahutā	174	[Kha]	
Kāyaviññatti	360	Khaṇḍiccaṃ	364
Kāyassa	360, 409	Khanti	95, 424
Kāyujukatā	175	Khandho	185
Kāyo	350	Khamanatā	424
Kāḷakaṃ	354	Khaye ñāṇaṃ	96
Kiriyā	331	Khayo	365

Padānukkamo	Piṭṭhaṅko	Padānukkamo	Piṭṭhaṅko
		[Kha]	
Kharagataṃ	374	Catunnaṃ mahābhūtānaṃ	345
Khārikaṃ	357	Catunnañca mahābhūtānaṃ	339
		[Ga]	
Ganthaniyā	91	Caturaṃsaṃ	354
Ganthā	91	Catūsu	437
Gandhārammaṇaṃ	113	Cattāro	336
Gandho	356	Cāro	187
Garukaṃ	368	Cittaṃ	106, 184
Garukāro	404	Cittakammaññatā	174
Galajjhoharaṇīyaṃ	366	Cittapassaddhi	174
Gāho	295	Cittapāguññatā	175
Girā	361	Cittamudutā	174
Gītasaddo	356	Cittalahutā	174
Gedho	395	Cittavisamsaṭṭhā	92
		Cittasamsaṭṭhasamuṭṭhānā	92
		Cittasamsaṭṭhā	92
		Cittasamatho	189
		Cittasamuṭṭhānā	92
		Cittasahabhuno	92
		Cittassa	300-1
		Cittassa āghāto	399
		Cittassa byāpatti	399
		Cittassa sārāgo	395
		Cittassekaggatā	161, 290
		Cittā	92
		Cittānuparivattino	92
		Cittujukatā	175
		Cittuppādo	438
		Cintā	191
		Cutūpapāte ñāṇaṃ	435
		[Ca]	
Ca	215, 336		
Cakkhu	349		
Cakkhunā rūpaṃ disvā	428		
Cakkhuviññāṇaṃ	303		
Cakkhuviññeyyaṃ	374		
Cakkhuviññeyyā	400		
Caṇḍikkam	299		
Catutthaṃ	223		

Padānukkamo	Piṭṭhaṅko	Padānukkamo	Piṭṭhaṅko
[Ca]		[Jha - Ña]	
Cetanā	154	Jhānaṃ	211, 259
Cetasikaṃ sukhaṃ	184	Ñāṇavippayuttaṃ	200
Cetasikā	92	Ñāṇasampayuttaṃ	112
Cetaso abhiniropanā	187	[Tha]	
Cetaso vikkhepo	302	Thānakusalatā	95
Cetosamphassaṃ	184	Thiti	188, 193
[Cha]		Thitiyā	431
Chandādhigateyyaṃ	257, 281	[Ta]	
Chando	176	Taṃ	219
Chādanaṃ	398	Taṃ jīvaṃ taṃ sarīraṃ	403
[Ja]		Taṃsamutṭhānaṃ	380, 390
Jaccandho piṭṭhasappī ca	320	Taṃsampayutto	380-1, 390
Janikā	396	Taṃsampavaṅkatā	423
Jappanā	397	Takko	187
Jappā	397	Tajjā	183
Jappitattaṃ	397	Tajjāmanoviññāṇadhātu	186
Jarā	364	Taṇhāgaddulaṃ	399
Jarābhibhūtaṃ	343	Taṇhājālaṃ	399
Jātarūpaṃ	355	Taṇhānadī	399
Jātā	393	Taṇhāsamuddo	399
Jātibhayaṃ	434	Tatiyaṃ	220
Jālinī	396	Tattha	426, 429
Jivhā	348-9	Tatramajjhataṭṭā	177
Jīraṇatā	364	Tathāgato	403
Jīvitaṃ	167, 193	Tadubhayaṃ	394
Jīvitindriyaṃ	167, 193, 359	Tadekaṭṭhaṃ	380
		Tadekaṭṭhā	389, 390
		Tanubhāvāya	281

Padānukkamo	Piṭṭhaṅko	Padānukkamo	Piṭṭhaṅko
[Ta]		[Da]	
Tapanīya	419	Diṭṭhigataṃ	294
Tapanīyā	94	Diṭṭhigatasampayuttam	289
Tasmiṃ samaye	213	Diṭṭhigatānaṃ	259
Tāni abhibhuyya	233	Diṭṭhigahanam	294
Tittakam	357	Diṭṭhivipatti	95
Titthāyatanam	295	Diṭṭhivipphanditam	295
Tīṇi	380	Diṭṭhivisuddhi	96
Tejogataṃ	374	Diṭṭhivisūkāyikam	295
Tejodhātu	368	Diṭṭhisamyojanam	295
[Tha]		Diṭṭhisampadā	96
Thambhanā	360	Diṭṭhupādānam	415
Thambhitattam	301, 374	Dīgham	354
Thalam	354	Dukkhanidānam	398
Thāmo	190	Dukkhaṭṭipadam	227
Thāvariyo	154	Dukkhaṭṭabhavo	398
Thinam	297, 409	Dukkhamūlam	398
Thinamiddham	297	Dukkhasamphassaṃ	368
Thiyanā	409	Dukkhasamphasso	374
Thiyitattam	409	Dukkhasa ca	220
Thūlam	354	Dukkha	84
[Da]		Dukkhe ñāṇam	395
Dantavikhādanam	366	Duggandho	356
Dandhābhiññam	227	Dutiyam	215
Davāya	429, 430	Dutiyā	396
Dassanam	85	Dutiyāya	282
Dassanena pahātabbahetukā	86	Duppaññā	423
Diṭṭhāsavo	401-2	Dummejjham	296
Diṭṭhikantāro	295	Dussanā	299
		Dussitattam	299
		Dussilā	423

Padānukkamo	Piṭṭhaṅko	Padānukkamo	Piṭṭhaṅko
[Da]		[Na]	
Dūre	373	Navañca vedanaṁ	431
Domanassasahagataṁ	298	Navattabbārammaṇaṁ	440
Dovacassatā	94	Na hetū	89
Dovacassāyaṁ	422	Nādhimuccati	388
Dovacassiyaṁ	422	Nānattasaññānaṁ	247
Doso	299, 399	Nāmaṁ	94, 420, 421
Dvedhāpatho	301	Nāmakammaṁ	421
Dveḷḷhakam	301	Nāmadheyyaṁ	421
[Dha]		Nikanti	398
Dhajo	404	Nikāmanā	398
Dhammato	144, 147	Nikkamo	190
Dhammavicayo	191	Ninnaṁ	354
Dhammā	81	Nibbattā	393
Dhammānaṁ	330	Nibbānaṁ	435
Dhammārammaṇaṁ	113	Nimittam	277, 357
Dhamme kaṅkhati	388	Nimittam paṭipadāpati	270
Dhammehi	400	Nimittaggāhī	428
Dhātukusalatā	95, 424	Niyatā	93, 394
Dhāraṇatā	191	Niyogā	442
Dhiti	190	Niyyānikaṁ	259
Dhurasampaggāho	191	Niyyānikā	92
[Na]		Nirayaṁ	417
Na ca kammavipākā	332	Nirutti	421
Natthi dinnam	415	Niruttipathā	94
Natthi mātā natthi pitā	416	Niruddhā	394
Natthi sukata dukkaṭānaṁ	416	Nirodhataṇhā	398
Nandī	395	Nisevanā	423
Nandīrāgo	395	Nissāya	347
		Nīcacittatā	424

Padānukkamo	Piṭṭhaṅko	Padānukkamo	Piṭṭhaṅko
[Na]		[Pa]	
Nīlaṃ	354	Paññatti	420
Nīlanidassanāni	234	Paññattipathā	94
Nīlanibhāsāni	234	Paññā	165, 191
Nīlavaṇṇāni	234	Paññā-āloko	192
Nīlāni	234	Paññā-obhāso	192
Nīvaraṇā	91	Paññāpajjoto	192
Nīvaraṇiyā	91	Paññāpāsādo	192
Nepuññaṃ	191	Paññābalaṃ	167, 192
Neva kusalā nākusalā	331	Paññāratanaṃ	192
Nevadassanena nabhāvanāya		Paññāsattaṃ	192
pahātabbahetukā	86	Paññāindriyaṃ	165, 192
Nevasaññānāsaññāyatanaṃ	252	Paṭikkamantassa	360
Nevasaññānāsaññāyatana-		Paṭighaṃ	399
saññāsahagataṃ	254	Paṭighasaññānaṃ	246
Nelā	425	Paṭighasampayuttaṃ	298
No-upādā	368	Paṭighāto	399
No ganthā	91	Paṭiccasamuppādakusalatā	95, 424
No saṃyojanā	91	Paṭipadāpati	270, 279
[Pa]		Paṭippassambhitattaṃ	194
Pakopo sampakopo	399	Paṭibandhu	397
Paguṇatā	195	Paṭivirati	263
Paggāho	95, 175, 291	Paṭivirodho	299, 399
Paṅko	395	Paṭisaṅkhā	430
Pacalāyikā	409	Paṭisaṅkhānabalaṃ	95
Paccupalakkhaṇā	191	Paṭisanthāro	95
Paccuppannā	88	Paṭissati	191
Paccuppannārammaṇā	443	Paṭihaṅkhāmi	431
Pajānanā	191	Paṭihaññati vā	347
Pañcapi āpattikkhandhā	423	Paṭihaññi vā	347
		Paṭihaññissati vā	347

Padānukkamo	Piṭṭhaṅko	Padānukkamo	Piṭṭhaṅko
[Pa]		[Pa]	
Paṭihaññe vā	347	Parittārammaṇaṃ	229, 243
Paṭhamam	211	Parittārammaṇā	87, 391, 438
Paṭhamāya	259	Parinipphannaṃ	378
Paṇidhi	396	Paribhedo	365
Paṇītaṃ	230, 257	Parimaṇḍalaṃ	354
Paṇītā	87	Pariyantaṃ karitvā	417
Paṇḍaram	185	Pariyāpannā	92
Paṇḍiccaṃ	191	Pariyuṭṭhānaṃ	296, 398
Paṇḍitā	93	Pariyonāho	409
Paṭiṭṭhāho	295	Parisappanā	301
Patodo	192	Paraloko	416
Pattiyā	259	Paligedho	395
Patthanā	398	Pavicayo	191
Pathavikasiṇaṃ	212	Pasārentassa	360
Pathavīdhātu	368	Passaddhi	194
Padoso sampadoso	399	Passambhanā	194
Pamodanā	187	Pahānāya	259
Pamoho	296	Pahāso	187
Parakaṭukā	425	Pākaṭībhūtā	393
Parakkamo	190	Pāṭipuggalikā	394
Paranimmitavasavattideve	417	Pāṇātipāto	140
Parasattānaṃ	394	Pāṇisaddo	356
Parābhisaṅgaṇī	425	Pāpakānaṃ	193
Parāmaṭṭhā	92	Pāpamittatā	94
Parāmāsā	92	Pāmojjaṃ	187
Parāmāso	295	Pālanā	193
Pariṇāyikā	192	Pāliccaṃ	364
Parittaṃ	229	Pilāpanatā	433
Parittā	87	Pisuṇavācā	142
Parittāni	233	Pihanā	398

Padānukkamo	Piṭṭhaṅko	Padānukkamo	Piṭṭhaṅko
[Pa]		[Ba]	
Pītakaṃ	354	Bandhanaṃ	398
Pīti	158, 187	Bandhanattaṃ rūpassa	371
Pītisambojjhaṅgo	262	Bahiddhā	88, 374
Pītisahagatā	85	Bahiddhā rūpāni passati	233
Pītisukhaṃ	211	Bahujanakantā	426
Pucchañjikatā	398	Bahujanamanāpā	426
Puthujjano	383	Bahulīkammaṃ	433
Pubbantaṃ ārabba	422	Bālā	93
Pubbantānudiṭṭhi	94	Bālyaṃ	296
Pubbante	389, 395	Bāhirā	92
Pubbenivāsānussatiññāṇaṃ	435	Bojjhaṅgo	262
Pubbenivāso	435	Byañjanaṃ	421
Purāṇaṅca vedanaṃ	431	Byappatho	361
Purisindriyaṃ	358	Byappanā	187
Puḷavakaṃ	243	Byāpajjanā	299
Pūjanā	404	Byāpatti	299
Pemaṇiyā	425	Byāpādo	144, 299
Porī	425	Brahmacariyānuggahāya	431
[Pha]		Brahmalokaṃ	418
Pharusam	368	[Bha]	
Phurusavācā	142	Bhajanā	423
Phalasamaṅgissa ñāṇaṃ	436	Bhatti	423
Phasso	151, 181, 290	Bhantattaṃ	302
Phāsuvihāro ca	432	Bhayaṃ	170
Phusanā	181	Bhavachando	402
Phoṭṭhabbāyatanam	368	Bhavataṇhā	94, 398
Phoṭṭhabbārammaṇam	113	Bhavadiṭṭhi	94
		Bhavanetti	396
		Bhavāsavo	401-2

Padānukkamo	Piṭṭhaṅko	Padānukkamo	Piṭṭhaṅko
[Bha]		[Ma]	
Bhavesu	402	Mañjiṭṭhakaṁ	354
Bhāvanā	433	Maññanā maññitattā	404
Bhāvanābalaṁ	95	Maṇi	355
Bhāvanāya	86	Maṇḍanāya	430
Bhāveti	207, 245	Maddavatā	194
Bhiyyokamyatā	434	Maddavo	95
Bhūmiyā	259	Madāya	430
Bhūmiyā pattiyā	282	Madhuraṁ	357
Bhūrī	191	Manasā viññātaṁ	373
Bhedo	365	Manasikāraḥsalatā	95, 424
Bherisaddo	355	Manasikāro	177
Bhojane amattaññutā	95	Manindriyaṁ	166
[Ma]		Manussasaddo	356
Maggaṁ	245	Mano	166, 184
Maggaṅgaṁ	262	Manodhātu	304
Maggaṅgaṁ maggapariyā-		Manodhātuviññeyyaṁ	374
pannaṁ	330	Manopadoso	399
Maggapariyāpannaṁ	262	Mano manāyatanā	185
Maggasamaṅgissa -pa- ṇāṇaṁ	434, 436	Manovilekho	301, 414
Maggahetukā	87	Mahaggatā	87
Maggādhipatino	88	Mahaggatārammaṇā	391, 438
Maggārammaṇā	87	Mahantabhūtattā ca	339
Maggo	87, 207	Mahāparihārato	338
Maccharāyanā	407	Mahābhūtā	336, 338
Maccharāyittattā	407	Mahikā	354
Maccharino	423	Mānanaṁ	404
Macchariyaṁ	299	Mānasaṁ	184
Maccheraṁ	407	Māno	282, 297, 404
Majjhimaṁ	257	Māyā	395
Majjhimā	87		

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ya]	
Mārapāso	398	Yam	193, 219, 357
Mārabalīsaṃ	399	Yam antare	417
Māraṅgisaṃ	399	Yam yaṃ vā panārabba	149
Micchattāṃ	295	Yatvādhikaraṇameṇaṃ	428
Micchattaniyatā	87	Yapanā	193
Micchācāro	141	Yamhi	347
Micchādīṭṭhi	144, 290, 294	Yasmim	99
Micchāpatho	295	Yasmim samaye	104
Micchāsamādhī	294	Yā	429
Middhaṃ	297, 409	Yātrā ca	431
Mukhāsīyaṃ	366	Yāpanā	193
Mucchā	395	Yāpanāya	431
Muṭṭhassaccaṃ	95	Yāvadeva	431
Muttā	355	Yiṭṭhaṃ	415
Muditā	237	Ye ye dhammā	424
Mudukaṃ	368	Yesaṃ yesaṃ	424
Mudutā	194	Yoganiyā	91
Musā	141	Yogā	91
Musāvādo	141	Yoniso	430
Mūlagandho	356	[Ra]	
Mūlato	147	Rajataṃ	355
Mūlaraso	357	Rasārammaṇaṃ	113
Mettāyitattaṃ	395	Rassaṃ	354
Mettā	237	Rāgo	395
Mettāyanā	394	Rūpaṃ	94, 207, 339, 342, 347, 355
Mettāsahagataṃ	237	Rūpaṃ attato samanupassati	387
Metti	394	Rūpataṇhā	398
Medhā	192	Rūpameva	343
Moho	291, 296	Rūparāgo	282

Padānukkamo	Piṭṭhaṅko	Padānukkamo	Piṭṭhaṅko
[Ra]		[La]	
Rūpavantaṃ vā attānaṃ	387	Lokuttaraṃ	258
Rūpasmiṃ vā attānaṃ	388	Lokuttarā	90
Rūpassa upacayo	363	Loko	346, 402
Rūpassa kammaññatā	362-3	Loṇikaṃ	357
Rūpassa jaratā	365	Lobho	291, 295
Rūpassa mudutā	362	Loluppaṃ	397
Rūpassa lahutā	362	Loluppāyanā	397
Rūpassa santati	363-4	Loluppāyitattaṃ	397
Rūpāni	235	Lohitakaṃ	243, 354
Rūpāyatanāṃ	373	[Va]	
Rūpārammaṇaṃ	113	Vacīduccaritehi	263
Rūpāvacaṛā	92	Vacībhedo	361
Rūpāsā	397	Vacīviññatti	361
Rūpino	90	Vajirūpamā	93
Rūpī	235	Vaṇṇanibhā	354
Rūpūpapattiyā	207	Vatena	389
[La]		Vattanā	193
Laṅgī	296	Vatthūni	416
Lajjā	170	Vanaṃ	396
Latā	398	Vanatho	396
Lambilaṃ	357	Vandanaṃ	404
Lahukaṃ	368	Vayo	365
Lahutā	194	Valittacatā	364
Lahupariṇāmatā	194	Vācā	361
Liṅgaṃ	357	Vātasaddo	356
Līnaṃ	409	Vāditasaddo	356
Lubbhanā	295	Vādo	141
Lubbhitattaṃ	295	Vāyāmo	190
Lokiyā	90	Vāyo	374

Padānukkamo	Piṭṭhaṅko	Padānukkamo	Piṭṭhaṅko
[Va]		[Va]	
Vāyogatam	374	Vipariṇatā	394
Vāyodhātu	368	Vipariyesaggāho	295
Vikkhāyitakam	242	Vipassanā	95, 175, 192
Vikkhittakam	242	Vipākadhammadhammā	84
Vigatā	394	Vipākā	84
Vicayo	191	Vipubbakam	242
Vicāro	158, 187	Vipparīkūlagāhitā	422
Vicikicchati	388	Vipparīsāro	414
Vicikicchā	300	Vibhavataṇhā	398
Vicikicchāsampayuttam	300	Vibhavadiṭṭhi	94
Vicchiddakam	242	Vibhūsanāya	431
Vijjā	96, 435	Vimati	301
Vijjābhāgino	93	Vimutti	96
Vijjūpamā	93	Vimokkho	235
Viññatti	360-1	Virati	146, 263
Viññāṇam	185	Virāgā	215
Viññāṇakkhandho	185	Virodho	299
Viññāṇañcāyatanam	250	Vilokentassa	360
Viññāṇañcāyatanasaññā-		Vivaragatam	362
sahagatam	250	Vivaro	362
Viññāṇehi	343	Vivicca	209, 260
Viññāpanā	360	Vivicceva	208
Viññāpitattam	360	Viviccho	407
Vitakkavicārānam	213	Vivekajam	211
Vitakkavipphārasaddam	128	Visaṭā	396
Vitakko	157, 187	Visattikā	396
Vitti	187	Visamalobho	398
Vidhā	343	Visayaggāho ca	321
Vinīlakam	242	Vissagandho	356
Vipaccanīkasātata	422	Viharati	212

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vihimsūparatiyā	431	Sakkaccakiriyatā	435
Vīriyaṃ	163	Sakkāyadiṭṭhi	383
Vīriyabalaṃ	167, 191	Sakkāro	404
Vīriyārambho	189	Sakhilavācatā	426
Vīriyindriyaṃ	163, 191	Saṅkappo	187
Vūpasamā	213	Saṅkhatā	90
Vedanā	83-4, 152	Saṅkhā	420
Vedanāto	145, 147	Saṅkho	355
Vebhabyā	191	Saṅgahitā	393
Veramaṇī	263	Saṅgaho	343
Velā-anatikkamo	263	Saṅgo	395
Vevicchaṃ	398, 407	Saccānulomikañāṇaṃ	434
Veḷuriyo	355	Sacchikiriyāya	263
Vohāro	420	Sañjananī	396
[Sa]		Sañjātā	393
Saṃkiliṭṭhasaṃkilesikā	85	Sañjānanā	184
Saṃkiliṭṭhā	85	Sañjānitattam	184
Saṃkilesikā	85	Saññā	153, 184
Saṅghe kaṅkhati	389	Saññojanāni	383
Saṃmusanatā	433	Saṅṭhiti	188
Saṃyojanā	91	Saṅham	368
Saṃyojanīyā	91	Saṅhavācatā	426
Saṃvarāya	428	Sati	95, 164, 175, 191
Saṃviggassa ca		Satindriyaṃ	164, 191
yonisopadhānaṃ	96	Satibalaṃ	167, 191
Saṃvego	96	Sato	219
Saṃvejaniyaṭṭhānaṃ	96	Sattatṭhaṅgapariṇāmaṃ	270
Saṃsayo	301	Sattapi āpattikkhandhā	423
Saṃsevanā	423	Satthari kaṅkhati	388
Sa-uttarā	93	Sadisohamasmīti māno	403-4

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Saddataṇhā	398	Samādhindriyaṃ	189
Saddahanā	189	Samādhibalaṃ	167, 189, 294
Saddāyatanam	373	Samāpattikusalatā	95, 423
Saddārammaṇam	113	Samāpattiyā	193
Saddo	356	Samāpattivuṭṭhāna-	
Saddhā	162, 189	kusalatā	95, 423
Saddhābalaṃ	167	Samiñjentaṣṣa	360
Saddhindriyaṃ	162, 189	Samuṭṭhitā	393
Sanidassanam	354	Samuppannā	393
Sanidassanasappaṭighā	89	Samodhānam	375
Santato manasi karoti	251	Sampaggāho	404
Santike	373	Sampajaññaṃ	95, 175, 192
Santhambhanā	360	Sampajāno	219
Santhambhitattam	360	Sampatthanā	398
Santhavo	397	Sampasādanam	213
Sappaccayā	90	Samphappalāpo	142
Sappaṭigham	354	Samphusanā	181
Sappaṭigho	346	Samphusitattam	181
Sappurisā	384	Sambhajanā	423
Sabbaṃ	342	Sambhatti	423
Sabbaṃ rūpaṃ	339	Sammaggatā	416
Sabbasaṅkhārasamatho	189	Sammattaniyatā	87
Sabbaso	245	Sammasaddo	356
Samaññā	420	Sammā-ājīvo	261
Samatikkamā	246	Sammākammetā	261
Samathanimittam	95	Sammādiṭṭhi	167, 173, 193
Samatho	95, 175, 188, 291	Sammāvācā	261
Samaye	99	Sammāvāyāmo	167, 191
Samādhi	165	Sammāsaṅkappo	167, 187
Samādhijaṃ	215		

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sammāsati	167, 191	Sineho	370, 397
Sammāsamaḍhi	167, 189	Sibbinī	396
Sammoho	296	Sīlabbataparāmāso	383
Sayaṃ abhiññā sacchikatvā	416	Sīlabbatupādānaṃ	415
Saraṇatā	191	Sīlabbatena	389
Saraṇā	93	Sīlavipatti	95
Saraṇo	418	Sīlavisuddhi	96
Saritā	396	Sīlasampadā	96
Sallakkhaṇā	191	Sīlena	389
Savicāraṃ	210	Sukatadukkaṭānaṃ	416
Savicārā	85	Sukkā	93
Savitakkaṃ	210	Sukhaṃ	160
Savitakkasavicārā	85	Sukhabhūmiyaṃ	381
Savitakkā	85	Sukhasamphassaṃ	368
Sasaṅkhāro	199	Sukhasamphasso	374
Sassatadiṭṭhi	94	Sukhassa ca	220
Sassato	402	Sukhā	83-4
Sahetukā	89	Sugandho	356
Sākhalyaṃ	95	Suññataṃ	266
Sātaṃ sukhaṃ vedayitaṃ	184	Sutaṃ	116, 373
Sātaccakiriyatā	435	Suttaṃ	318, 396
Sādu	357	Suddhi	389
Sādhukamyatā	398	Supanā supitattaṃ	409
Sārajjanā	295	Suvaṇṇadubbaṇṇāni	234
Sārajjitattaṃ	295	Sekkhā	86
Sārammaṇā	92	Setughāto	264
Sārāgo	295, 395	Seyyohamasmīti māno	403
Sāsavo	91	Sevanā	423
Sikkhāya kaṅkhati	389	Sotaṃ	348, 349
Sinehagataṃ	370	Soppaṃ	409

Padānukkamo	Piṭṭhaṅko	Padānukkamo	Piṭṭhaṅko
[Sa]		[A]	
Somanassam	166	Hitesitā	395
Somanassadomanassānam	220	Hiribalam	168
Somanassasahagatam	111	Hiriyitabbena	193
Somanassindriyam	166	Hirī	94, 168
Soraccam	95, 425	Hīnam	230, 257
Sovacassatā	94	Hīnā	87
[Ha]		Hinohamasmīti māno	404
Hatavikkhittakam	242	Hutam	415
Hadayam	184	Heṭṭhato	417
Hadayaṅgamā	425	Hetudhammā	89
Hari	354	Hetuvippayuttā	89
Harivaṇṇam	354	Hetusampayuttā	89
Hāso	187	Hetū paccayā	424

Aṭṭhasālinī-aṭṭhakathāya

Lakkhitabbapadānaṃ anukkamaṇikā

Padānukkamo	Piṭṭhaṅko		Padānukkamo	Piṭṭhaṅko
[A]			[A]	
Akusalakammapathā dasa	140		Adhimokkhassa lakkhaṇādi	177
Akusalasaddassa vacanattho	81		Anantāni cattāri	204
Agamanīyatṭhānaṃ	141		Anāgataṃsaceto-	
Angāni nava	27		pariyañāṇaṃ viseso	447
Aṭṭhakathākaṇḍam			Anāgānimaggena pahīnā cha	277
Sāriputtattherappabhavaṃ	437		Aniccatāya lakkhaṇādi	365
Aṭṭhakathāmuttako nayo	116		Aniyatayevāpanakā	
Aṭṭhatiṇamuṭṭhiṃ dinnam			tayo	299
Sottiyena	77		Anumodanadesanā	
Aṭṭhapaṇṇāsahatthubbedham			Dīghamajjhimaṇi-	
sarīraṃ	63-4, 69		kāyappamaṇā	16
Aṭṭhārasabrahmakotiyo	77		Anumodanadesanā Saṃyutta-	
Aṭṭhāsītihatthubbedham			aṅguttarikadvemaṇikā-	
sarīraṃ	57, 61-5		yappamaṇāva	16
Atimadhuraṃ sukhaṃ	219		Apaṇṇakaṅgāni cattāri	176
Atthato ekā	217		Aparinipphannaṃrūpāni dasa	378
Atthato bhinnāyeva	218		Appamaññā catassoṇa	241
Adassāvī duvidho	385		Abyākataṃ catubbidham	303
Adinnādānassa pañca			Abhāvā dve	247
sambhārā	141		Abhijjhā dvivedanā	145
Adukkhamasukhāya			Abhijjhāya dve sambhārā	144
lakkhaṇādi	222		Abhijjhāya lakkhaṇādi	291
Adosassa lakkhaṇādi	171		Abhidhammapariyāyo	119
Addhā imāya paṭipadāya			Abhidhammassanidāna-	
jarāmaraṇamhā			kiccaṃ nāma natthi	31
parimuccissāmi	244		Abhidhammo nāma na sāvaka-	
Addhāpaccuppannaṃ	445		visayo	437
Advejjhavacanaṃ Buddhā	48		Abhibhāyatanassa attho	236
Adhiṭṭhānapāramiṃ aṭṭhamam				
adakkhiṃ	51			
Adhipatayo dve	258			

Padānukkamo	Piṭṭhaṅko	Padānukkamo	Piṭṭhaṅko
[A]		[Ā]	
Amoghavacanā Jinā	48	Ākāsadhātuyā lakkhaṇādi	362
Ambopamaṃ nāma gahita	311	Ākāso ananto	204
Arahattamaggena		Āgamaṃ duvidhaṃ	266-7, 328
pahīnā pañca	277	Āṇādesanā	22
Ariyānaṃ adassanavatthu	385	Āṇattikaṃ	205
Alagaddūpamā	24	Āthabbañiddhi	134
Alobhassa lakkhaṇādi	170-1	Ānantarikassa upamā	392
Avahārā pañca	141	Āpattiyo pañca	423
Avibhattikā dhammā		Āpattiyo satta	423
aṭṭhārāsa	178	Āpodhātuyā lakkhaṇādi	368
Avibhattikā dhammā satta	293	Āmisapaṭisaṅghārake vatthu	427
Asaṃvaradvārāni aṭṭha	139	Ārambhasaddassa	
Asaṃvarā aṭṭha	138	atthuddhāro	189, 190
Asaṃvarā atthato pañca	138	Ārammaṇavaḍḍhana-	
Asaddhammā cattāro	182	kkamo	239-240
Asītivassasahassāni āyu	69	Ārammaṇātikkamā	
Asītihatthappamaṇāyeva		catasso	254
sarīrappabhā	57	Ālokā cattāro	192
Asītihatthamubbedho		Āvajjanena vinā	
Dīpaṅkaro	56	pavattacittāni	318
Asītihatthubbedhaṃ		Āhārapaccaya-utusamuṭṭhānaṃ	
sarīraṃ	66-7, 69	nāma	377
Asuddhāni kammadvārāni	195	Āhāramūlakassa dukkhassa	
Asubhabhedo dasadhā		anto natthi	41
vutto	244	Āhārassa aṅgāni aṭṭha	432-3
Assaguttattherassa		Āhārā tayo	197
adhiṭṭhānaṃ	444		
Ahetukapaṭisaṅghikathā	316	[I]	
		Itthiyo vīsati	141
[Ā]		Iddhi dasavidhā	133-4
Ākārā cuddasa	232	Issāya lakkhaṇādi	299
Ākārā pañca	144, 147		

Padānukkamo	Piṭṭhaṅko
[U - E]	
Ucchurase dvinnāṃ	
dhātūnaṃ viseso	371
Utupaccaya-utusamuṭṭhānaṃ	
nāma	377-8
Uttarasaddassa vacanatto	90, 93
Udakaṃ aṭṭhanahutādhiyacatu-	
yojana satasahassa-	
bahalaṃ	15
Uddesavāre visesatto	262
Uddhaccassa lakkhaṇādi	292
Upacayasantaṭṭhānaṃ	
lakkhaṇādi	363-4
Upacayasantaṭṭhānaṃ viseso	363
Uparimakāyo avisado	357
Uparimakāyo visado	358
Upekkhā dasavidhā	216
Upekkhāpāramiṃ dasamaṃ	
adakkhiṃ	53
Upekkhāya lakkhaṇādi	218, 238
Upekkhāya vipatti	238
Upekkhāya sampatti	238
Uppannā cattāro	108-9
Ubhatobyañjanakānaṃ	
viseso	359
Ussadakittanaṃ nāma	
gahitaṃ	308
Ekasamuṭṭhānāni dasa	376
Eko māno tiṇṇaṃ janānaṃ	404
[O]	
Ogāhanā dhammā cattāro	
kusalapakkhe	188

Padānukkamo	Piṭṭhaṅko
[O]	
Ogāhanā dhammā tayo	
akusalapakkhe	188
Ojā balavatī	367
Ojā mandā	367
Obhāsā cattāro	192
[Ka]	
Kathā tisso	22
Kappiyaparikkhārā	38
Kabaḷikārāhārassa	
lakkhaṇādi	368
Kammaṃ satte vibhajati	108
Kammacatukkena dīpitā	
pannarasa	131
Kammajatejo parissayo	
nāma	366
Kammadvārā nava	119
Kammadvārāni aṭṭhārassa	257
Kammadvārāni tiṇi	123
Kammaṃpaccaya-utu-	
samuṭṭhānaṃ nāma	377
Kammassakataññānaṃ	433
Kammāni cattāri	131
Kammāni tiṇi	130
Karuṇāya lakkhaṇādi	237
Karuṇāya vipatti	238
Karuṇāya sampatti	238
Kasiṇassa attho	236
Kasiṇānaṃ nissando	240
Kāmā dve	104

Padānukkamo	Piṭṭhaṅko
[Ka]	
Kāyakammaṃ manodvārepi	133, 137
Kāyakammaṃ vacīdvāre	133, 137
Kāyacittapassaddhīnaṃ lakkhaṇādi	174
Kāyacittalahutānaṃ lakkhaṇādi	174
Kāyaviññāṇapaccayā cattāro	322
Kāyasañcetanā tividhā	130
Kāyassa lakkhaṇādi	350
Kāyo catubbidho	124
Kāraṇā ekādasa	117
Kāraṇā cattāro	168
Kāraṇāni cattāri	181, 230
Kāraṇāni tīṇi	181, 328
Kālā tayo	202
Kiccavasena dvidhā bhinnā	218
Kilesapaṭipāṭiyā pahīnā	408, 415
Kukkuccassa lakkhaṇādi	299
Kukkuccāni dve	414
Kulaṃ duvidhaṃ	405
Kusalaṃ dullabhameva	102, 103
Kusalakammaphā dasa	145
Kusalavipākakiriyānaṃ ārammaṇabhedo	448
Kusalassa lakkhaṇādicatukkaṃ	105
Kusalā pañcapanṇāsa	155
Kuhanavattḥūni tīṇi	265
Koṭṭhāsā tayo	257, 353

Padānukkamo	Piṭṭhaṅko
[Kha]	
Khaṇapaccuppannaṃ	445
Khaṇikasamādhim paripūreti	160
Khantipāramim chaṭṭhamaṃ adakkhim	50
Khantisaṃvaro	386
Khandhavibhaṅgo tividho	8
Khandhā tayo	194
Khāropamaṃ nāma gahitaṃ	286
Khīṇāsavassa samāpatti	334
Khīṇāsavānaṃ niddā	409
[Ga - Gha]	
Gaṇanūpagacittāni pañca	323
Gandhassa lakkhaṇādi	356
Gambhīrabhāvo catubbidho	23
Garukaraṇe upamāyo	442
Gāmadārakūpamā	320
Gāmillo	320
Guṇāṭirekatā	206
Guṇā dasa	41
Gūthapiṇḍūpamā	271
Ghānaviññāṇapaccayā cattāro	322
Ghānassa lakkhaṇādi	349
[Ca]	
Cakkavāḷassa pamāṇaṃ	336
Cakkavāḷāni anantāni	204
Cakkāni cattāri	100
Cakkhu duvidhaṃ	344
Cakkhuviññāṇavīthi	429

Padānukkamo	Piṭṭhaṅko
[Ca]	
Cakkhuvīññāpaccayā	
cattāro	321
Cakkhuvīññāṇassa lakkhaṇādi	303
Cakkhussa lakkhaṇādi	349
Caṅkamadosā pañca	37
Caṅkamassa pamāṇaṃ	37
Catunnaṃ maggānaṃ	
upamā	418-9
Catubhūmikavedanā	153
Catuvīsatiyā Buddhānaṃ	71
Cattārova ekakkhaṇe	176
Cattālīsavassasahassāni	
āyu	70
Cattālīsahatthubbedhaṃ	
sarīraṃ	70
Candamaṇḍalassa pamāṇaṃ	354
Cittaṃ jeṭṭhakaṃ	110, 111
Cittapaccaya-utusamuṭṭhānaṃ	
nāma	378
Cittasaṅkamaṇā dve	370
Cittassa upakkilesā pañca	411
Cittassa lakkhaṇādicatukkaṃ	155
Cittāni chaṭṭimsa	229
Cittāni sattarasa	332
Cittuppādakaṇḍaṃ duvidhaṃ	79
Cittuppādā terasa	449
Cīvare cha ārammaṇāni	123
Cetanā tisso	203
Cetanāmahattaṃ	206
Cetanāya	
lakkhaṇādicatukkaṃ	154
Cetanāsampayuttakā	
ekavīsati	131

Padānukkamo	Piṭṭhaṅko
[Ca]	
Corajeṭṭhakā dvādasa	287
Corajeṭṭhakā pañca	288-9
[Cha]	
Chandassa lakkhaṇādi	176
Chabbassāni mahāpadhānaṃ	
padahitvā	77
Chiddāni dveyeva	426
[Ja]	
Janā cattāro	225
Jambuyā pamāṇaṃ	337
Jaratāya lakkhaṇādi	365
Jarā duvidhā	364
Javanaṃ tividhaṃ	116
Jivhāya lakkhaṇādi	349
Jivhāvīññāpaccayā cattāro	322
Jīvitindriyassa	
lakkhaṇādi	167, 359
[Jha]	
Jhānaṃ duvidhaṃ	211
Jhānaṃ vitakkapacchimakaṃ	304
Jhānassa nāmāni tīṇi	227
Jhānāni nava	442
[Ña]	
Ñāṇasaṃvaro	386
Ñāṇasampayuttacittuppādā	
aṭṭha	441

Padānukkamo	Piṭṭhaṅko	Padānukkamo	Piṭṭhaṅko
[Ña - Tha]		[Da]	
Ñānasampayuttacittuppādā		Dānamayaṃ tividhaṃ	119
cattāro	443	Dānādikaṃ tividhaṃ	116-7
Ñānasampayuttassa kāraṇā		Diṭṭhirāgo nāma	403
cattāro	117	Diṭṭhisampayuttacittuppādā	
Ṭhānāni cha	330	cattāro	444
[Ta - Tha]		Dukaparicchedā catuddasa	340
Tajjāsaddo anucchavikattho	183	Dukā cha	433
Taṇhāya peṭṭivisaṃ	172	Dutiyābhisamaye	
Tatīyābhisamaye navuti-		navutikoṭimabodhayi	55
koṭisahassānaṃ	55	Dubbacasaddassa vacanatto	94
Tatramajjhataṭṭhāya		Devaputtavimānāni	
lakkhaṇādi	177	tāraṅkarūpāni	355
Tadaṅgapahānaṃ nāma	386	Devā manusse passanti	43
Tanubhāvassa kāraṇāni		Desanā tisso	22
dve	281-2	Desanābhedo catubbidho	266
Tantiyo dve	12	Desanāvilāso	224
Tambakaṇhabhūmiyova	381	Domanassassa lakkhaṇādi	298
Tayo mānā tiṇṇaṃ janānaṃ	404	Dovāriko	319
Tiṃsavassasahassāni āyu	71	Dosassa lakkhaṇādi	299
Tiṃsahatthubbedhaṃ sarīraṃ	71	Dosena nirayaṃ	172
Tikadukaparicchedā		Dvādasaterasayojanappa-	
pañcadasa	79-80	māṇo	60
Tikaparicchedo eko	79	Dvinnāṃ vasena ārammaṇa-	
Tejodhātuyā		kāraṇaṃ	369
lakkhaṇādi	368	Dvīsu dvīsu dvāresu	
Thinassa lakkhaṇādi	297	āpāthamāgacchati	114
[Da]		Dve pucchā Bhagavato atthi	98
Dakkhiṇāvisuddhiyo		[Dha]	
catasso	206	Dhammapaṭisanthāro	426
Dānapāramiṃ paṭhamāṃ		Dhammapādāni chattiṃsa	292
adakkhiṃ	48		

Padānukkamo	Piṭṭhaṅko	Padānukkamo	Piṭṭhaṅko
[Dha]		[Na]	
Dhammapadāni pañcasaṭṭhi	177	Nāmassa kāraṇāni tīṇi	266
Dhammavavatthānavāro		Nāmāni tīṇi	329
aṭṭhaparicchedo	196	Nāmāni dvādasa	349
Dhammavavatthānavāro		Nāmāni dve	311
duvidho	97	Nikāyā pañca	25
Dhammavicayasambojjhaṅgassa		Nidānāni tīṇi	78
uppādā dhammā satta	118	Nidānāni dve	32
Dhammā cha	131	Niddesavārā terasa	348
Dhammārammaṇaṃ nāma	122	Nippadesatikā terasa	80
Dhammā soḷasa	293	Nippadesadukā ekasattati	80
Dhammikā paccayā	206	Nippahannarūpāni dasa	353
Dhammo duvidho	406	Nimittam duvidham	277
Dhātiyo catasso	345	Nimittāni cattāri	267
Dhātukathāpakaraṇaṃ		Niyamo tividho	118
cuddasavidham	8	Niyāmaṃ pañcavidham	312
Dhenupago vaccho	219	Nissaraṇatthā	24
[Na]		Nīlavattham viya	213
Nayā pañca	257	Nekkhammaṇāramiṃ tatiyaṃ	
Navakā cattāro	229	adakkhiṃ	49
Navakā pañcavīsati	230	[Pa]	
Navakā samasaṭṭhi	234	Pakaraṇapariccheda satta	4
Navatthabārammaṇāni pañca	444	Pakiṇṇakanayo vutto	318
Navutivassasahassāni		Paccayā cattāro	222
āyu	64-9	Paccavekkhaṇā cattāro	170
Navutivassasahassāni		Paccuppannaṃ tividham	445
āyuppanānaṃ	57, 61-3	Pañcakanayo	224
Navutihatthubbedham sarīraṃ	62	Pañca-ucchunāḷiyantopamaṃ	314
Nānattāni cattāri	182	Pañcapatiṭṭhitena vanditvā	114
Nāmaṃ catubbidham	420	Pañcavaṇṇakappāsūpamā	353
Nāmaggaṇaṅgiccarṃ natthi	421	Pañcavaṇṇadhajūpamā	353

Padānukkamo	Piṭṭhaṅko
[Pa]	
Paññācakkhu pañcavidham	344
Paññā jeṭṭhikā	110, 1
Paññāpāramim catuttham adakkhim	50
Paññāya lakkhaṇādi	166
Paññobhāsasamo	166
Paṭikkhepaṅgāni cattāri	432
Paṭicchannajarā	365
Paṭipadānavakā cattāro	230
Paṭisanthāro duvidho	426
Paṭihārā tayo	319
Paṭhamacittasamuṭṭhitā	124
Paṭhamabuddhavacanam	18
Paṭhamamaggassa nayasahassam	281
Paṭhamamaggena diṭṭhasaccāni cattāri	284
Paṭhamābhisamayē koṭi- satamabodhayi	55
Paṇṇasālaparibhogasmim ādīnavā aṭṭha	40
Paṇṇasālāya dosā aṭṭha	40
Paṇṇāsahatthubbedham sarīram	66
Pattamakhanatela-upamā	253
Pathaviḍhātuyā lakkhaṇādi	368
Padeso dasavidho	31
Pabbajjam arahati	225
Pabbajjā Buddhapacceka- buddhādīhi vaṇṇitā	40
Payogā cha	140
Paramatthadesanā	22

Padānukkamo	Piṭṭhaṅko
[Pa]	
Parikappavacanam	346
Paricchedā cattāro	97, 196
Parinipphanarūpāni pannarasa	378
Pariyattibhedo tividho	24
Parisā catasso	159
Pasādo nāma natthi	292
Pahānam pañcavidham	386-7
Pahānavinayo pañcavidho	385
Pahānāni tīṇi	22
Pahānekaṭṭham nāma	380
Pākaṭajarā	364
Pāṇātipātassa pañca sambhārā	140
Pāsādatalāni cattāri	255
Piṭakāni tīṇi	22
Pisuṇavācāya cattāro sambhārā	142
Pīti pañcavidhā	158
Pītiyā lakkhaṇādi	158
Pītisambojjhaṅga-uppādakā dhammā ekādasa	117
Pītisukhānam viseso	160
Puggalapaññatti chabbidhā	8
Puggalajjhāsayo	224
Pucchā pañcavidhā	97
Puññakiriyavattūni tīṇi	203
Puññakiriyavattūni dasa	201
Puññāyūhanam chabbidham	205
Puthujjanā duve	384

Padānukkamo	Piṭṭhaṅko	Padānukkamo	Piṭṭhaṅko
[Pa]		[Bha]	
Pubbanimittāni pañca	75	Bhummaniddeso	99
Peḷopamaṃ nāma gahitaṃ	284	Bhojanānisaṃso	432
[Pha]		[Ma]	
Phalūpacārena kāraṇaṃ		Mamsacakkhu duvidhaṃ	344
niddiṭṭhaṃ	425	Maggassa nāmāni tīṇi	267
Phalūpacārena vuttaṃ	410	Maggudakūpamā	253
Phalūpacārena vuttā	364	Maggo hetupacchimako	304
Phassassa		Macchariyassa lakkhaṇādi	299
lakkhaṇādicatukkaṃ	151	Majjhimbhāṇakānaṃ mati	445
[Ba]		Manasikārassa lakkhaṇādi	177
Balarūpaṃ gahitameva	375	Manasikāro tippakāro	177
Bījasarikkhakaṃ phalaṃ	382	Mano ekūnatimsavidho	130
Buddhañāṇaṃ anantaṃ	204	Manokammaṃ kāyadvāre	136
Buddhavisayo abhidhammo	437	Manokammaṃ vacīdvāre	136
Buddhādayo ariyā	219	Mano catubbidho	129
Buddhānaṃ tisso pucchā natthi	98	Manodvāre ājīvapūraṇaṃ	
Bodhisattassa dhammā aṭṭha	71	nāma natthi	265
Byāpādassa dve sambhārā	144	Manodvāre āpattipaññāpanaṃ	
Brahmavihārā cattāro	238	natthi	135
Brāhmaṇā pañca	432	Manodhātuyā lakkhaṇādi	304
[Bha]		Manodhātuyo dve	438
Bhaṇḍāgārikapariyatti	24	Manoviññāṇadhātuyā	
Bhayā cattāro	170	lakkhaṇādi	305
Bhavattayasampatti-		Manoviññāṇapaccayā	
nibbattaṃ	258	cattāro	322
Bhāvanāmayam tividhaṃ	119, 123	Manosañcetanā tividhā	130-1
Bhāvanāsaddassa attho		Mahākassapassa adhiṭṭhānaṃ	444
tividho	207-8	Mahākusalakiriyaṇaṃ	
		nānākaraṇaṃ	450

Padānukkamo	Piṭṭhaṅko	Padānukkamo	Piṭṭhaṅko
[Ma]		[Ma]	
Mahāgajam nāmetam cittam	333	Muditāya sampatti	238
Mahānayā vīsati	257	Musāvādassa cattāro	
Mahāpakaraṇam (paṭṭhānam)		sambhārā	142
catuvīsatividham	9, 11	Mettāpāramim navamam	
Mahāpathavī catunahutādhika-		adakkhim	51
dviyojanasatasahassa-		Mettāya lakkhaṇādi	237
bahalā	15	Mettāya vipatti	237
Mahābrahmāno cattāro	205	Mettāya sampatti	237
Mahābhūtāni tīṇi	121	Metteyyabodhisattassa	
Mahāmoggallānattherassa		maggo	393
tayo maggā	279	Moghavāro eko	309
Mahāmoggallānassa		Moghavāro dutiyo	310
nirayagamanam	316	Moghavāro tatiyo	310
Mahārukkhā satta	337	Mohassa lakkhaṇādi	291
Mahāvārā tayo	97, 199	Mohena tiracchānayonim	172
Mahāvilocanāni pañca	76		
Mahāsappā cattāro	339	[Ya]	
Mahāsamuddo caturāsīti-		Yathālābhavasenetam vuttam	411
yojanasahassagambhīro	14	Yantavāhopamā	316
Mahāselā satta	337	Yamakam dasavidham	9
Mātikā duvidhā	79	Yevāpanakadhammā nava	176
Mātikāya pāḷivavatthānam	341	Yevāpanakā daseva	292
Mānassa lakkhaṇādi	297		
Micchācāro dvivedano	145	[Ra]	
Micchādiṭṭhiyā dve sambhārā	144	Ratanāni tīṇi	119
Micchādiṭṭhiyā lakkhaṇādi	290	Rasassa lakkhaṇādi	397
Middham arūpameva	413	Rāsayo nava	294
Middhassa lakkhaṇādi	297	Rāsayo sattarasa	180
Muditāya lakkhaṇādi	238	Rūpakalāpā aṭṭha	124
Muditāya vipatti	238	Rūpassa lakkhaṇādi	355

Padānukkamo	Piṭṭhaṅko	Padānukkamo	Piṭṭhaṅko
[Ra]		[Va]	
Rūpāni aṭṭha	129	Vāto chanavutādhikanava-	
Rūpāni caturāsīti	353	yojanasatasahassabahalo	15
Rūpāni samatimsati	375	Vāyodhātuyā lakkhaṇādi	368
Rūpāvacaracattutthajjhānaṃ		Vārā dasa	347
dvādasavidham	439	Vikārarūpānaṃ uppatti-	
Rogarūpaṃ gahitameva	375	viseso	363
[La]		Vikārarūpānaṃ lakkhaṇādi	362
Lakkhaṇato ekameva	244	Vikkhambhanapahānaṃ nāma	386
Lokadhammā aṭṭha	108	Vicārassa lakkhaṇādi	158
Lokapāladdhammā dve	173	Vicikicchāya lakkhaṇādi	300
Lokuttaramaggo pañcavidho	132	Vijjā aṭṭha	93
Lobhassa lakkhaṇādi	291	Viññattisamuṭṭhāpakacittāni	
[Va]		dvattiṃsa	361
Vaṅkā tayo	195	Vitakkassa	
Vacīkammaṃ manodvārepi	135	lakkhaṇādicatukkaṃ	157
Vacīkammampi kāyadvāre		Vitthāradesanā	379
samuṭṭhāti	135	Vinayapariyāyo	119
Vaṇṇo duvidho	406	Vinayassa mūlāni dve	135
Vatthunā dassitāni cattāri	354	Vinayo dasavidho	387
Vatthusampatti	206	Vinayo duvidho	385
Vatthūni tīni	313	Vipaccanaṭṭhānāni cattāri	307
Valāhakūpamā tayo	276	Vipaccanaṭṭhānāni pañca	306
Vavatthāpananayā cattāro	347	Vipassanānaṃ nissando	240
Vassasatasahassaṃ āyu	63-8	Vipassanāniyamassa tayo	
Vassasatasahassaṃ		vādā	272-4
āyuppanānaṃ	57	Vipassanāparivāso	260
Vākacīrasmiṃ ānisaṃsā		Vipākaṃ duvidham	393
dvādasa	39	Vipākacittāni cattāri	310
Vācā tividdhā	128	Vipākacittāni samasaṭṭhi	311

Padānukkamo	Piṭṭhaṅko	Padānukkamo	Piṭṭhaṅko
[Va]		[Sa]	
Vipākābyākatassa nayā tividhā	335	Saṁvarā atthato pañca	139
Vipāke adhipati natthi	330	Saṁvaro tividho	132
Vipāko duvidho	393	Sakadāgāmimaggena pahīnā cha	277
Vibhaṅgappakaraṇaṁ aṭṭhārasavidhaṁ	7	Saṅkhepadesanā	379
Vibhattiyo catasso	6	Saṅgahavāro tividho	196
Vimokkhassa attho	236	Saṅgahasaddo catubbidho	343
Vimokkhā tayo	267	Saccapāramaṁ sattamaṁ adakkhiṁ	51
Virati tividhā	146	Saññāya lakkhaṇādicatukkaṁ	153
Viratīnaṁ lakkhaṇādi	177	Saññāyo tisso	172
Vivekā tayo	209	Saññā sattavīsati	248
Visakaṇṭakavāṇijo viya	248	Saṭṭhivassasahassāni āyu	62, 70
Vīriyapāramaṁ pañcamaṁ adakkhiṁ	50	Saṭṭhihatthubbedhaṁ sarīraṁ	68, 70
Vīriyassa lakkhaṇādi	164	Satasahassavassāni āyu Dīpaṅkarassa	56
Vīsativassasahassāni āyu	71	Satiyā lakkhaṇādi	165, 219
Vīsatihatthubbedhaṁ sarīraṁ	71	Satisaṁvaro	386
Vuṭṭhānagāminīvipassanā	269	Sattativassasahassāni āyu	69
Vedanāya lakkhaṇādicatukkaṁ	152	Sattatihathubbedhaṁ sarīraṁ	69
Vedanāsaddo vedayitasmimyeva vattati	83	Sattanikāyo ananto	204
Vohāradesanā	22	Sattamacittena samuṭṭhitā	124
[Sa]		Saddassa lakkhaṇādi	356
Samghassa adatvā paribhuñjanaṁ nāma	121	Saddā dasa	34
Samyuttabhāṇakānaṁ mati	445	Saddādīnaṁ lakkhaṇādīni	303
Samvaradvārāni aṭṭha	139	Saddo kaṇṭako	247
Samvaravinayo pañcavidho	385	Saddhāya lakkhaṇādi	163
Samvarā aṭṭha	139	Santatipaccuppannaṁ	445
		Santhavo duvidho	397
		Sappadesatikā nava	80

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sappadesadukā ekasattati	80	Sammāsambuddena hi	
Sabbasādhāraṇo vibhatti-		abhidhammaṃ patvā nayaṃ	
vinicchayo	181	kātuṃ yuttaṭṭhāne nayo	
Samaṇasukhāni aṭṭha	37	akato nāma natthi	374
Samathavipassanānaṃ		Sayaṃkāraṃ	205
nissando	240	Sarīrappabhā dvādasa	
Samatho tividho	188	yojanāni	65
Samayā pañca	100	Sarīrappabhā yojanattayaṃ	69
Samādānavirati	146	Sarīrappabhā yojanamattaṃ	67
Samādhi tividho	160	Sarīrappabhā sattayojanāni	
Samādhissa lakkhaṇādi	161-2	aṭṭhāsi	69
Samādhī tayo	224	Savibhattikā dhammā dvādasa	178
Samādhīnaṃ nissando	240	Savibhattikā nava	293
Samānagatikāni cittāni	449	Sahajekaṭṭhaṃ nāma	380
Samucchedavirati	147	Sahadhammikaṃ nāma	422
Samucchedappahānaṃ	387	Sāketapañhaṃ nāma gahitaṃ	308
Samuṭṭhānāni	375	Sāgarā cattāro	11
Sampajaññaṃ lakkhaṇādi	219	Sātakasmiṃ dosā nava	39
Sampajaññāni cattāri	175	Sāṭikā catasso	255
Sampattavirati	146	Sāriputtattherassa cattāro	
Sampattāsampattānaṃ viseso	351	maggā	279
Samphassadvārāni cha	138	Sāsanāni tīṇi	22
Samphassā cha	138	Sāhatthikaṃ	205
Sasambhāracakkhu nāma	345	Sinerussa pamāṇaṃ	336
Sambhārā catucattālīsaṃ	345	Sīlapāramiṃ dutiyaṃ	
Sambhārā cuddasa	345	adakkhiṃ	49
Sammā-ājīvassa lakkhaṇādi	261	Sīlamayaṃ tividhaṃ	119
Sammākammantassa		Sīlāni cattāri	212
lakkhaṇādi	261	Sīlasaṃvaro	386
Sammāvācāya lakkhaṇādi	261	Sukkā dhammā dve	173

Padānukkamo	Piṭṭhaṅko	Padānukkamo	Piṭṭhaṅko
[Sa]		[Sa]	
Sukhaṃ duvidhaṃ	160	Sotāpattimaggena	
Sukhassa lakkhaṇādi	160	pahīnā pañca	277
Suññatavāro duvidho	199	Soḷasakkhattukanayo	230
Suddhikanavako nāma	227	[Ha]	
Surāpivane ādīnavā cha	411	Hasanakacittāni terasa	334
Sūriyamaṇḍalassa pamāṇaṃ	355	Hiri-ottappānaṃ viseso	168
Sotaviññāṇapaccayā		Heṭṭhimakāyo avisado	358
cattāro	322	Heṭṭhimakāyo visado	357
Sotassa lakkhaṇādi	349	Hetukittanaṃ nāma gahitaṃ	309
		Hetu catubbidho	342

Aṭṭhasālinī-aṭṭhakathāya

Nāmānaṃ anukkamaṇikā

Padānukkamo	Piṭṭhaṅko		Padānukkamo	Piṭṭhaṅko
[A]			[A]	
Akittibrāhmaṇa	72		Abhibhū (aggasāvaka)	Si, 69
Aggidattabrāhmaṇa			Amaravatī (nagara)	33, 34
(Buddhapitā)	Ka, 70		Amitā (aggasāvikā)	Pa, 65
Aggivessana	409		Ambariya (vihāra)	146
Aciravatī (nadī)	186		Ayogharapaṇḍita	73
Ajitabrāhmaṇa (bodhisatta)			Arindama (bodhisatta)	Si, 69
	So, 63		Aruṇavatī (vijātanagara)	Si, 69
Ajjuna (Bodhirukkha)	A, 63		Aruṇavārājā (Buddhapitā)	Si, 69
Aññāsikoṇḍaññatthera	77		Alaṃsāṭaka (brāhmaṇa)	432
Aṭṭhakathā	142, 156, 158, 165, 166, 233, 445		Alīnasattukumāra	73
Atidevabrāhmaṇa			Asana (Bodhirukkha)	Ti, 68
(bodhisatta)	Re, 62		Asama (aggasāvaka)	So, 63
Atula (nāgarājā)	Su, 62		Asama rājā (Buddhapitā)	Pa, 64
Atula (bodhisatta)	Vi, 69		Asamā (aggasāvikā)	Pa, 65
Atthadassī (Buddha)	66		Asamādevī (Buddhamātā)	Pa, 64
Anuruddha (upaṭṭhāka)	Ko, 57		Asoka (upaṭṭhāka)	Vi, 69
Anuḷā (aggasāvikā)	Ka, 71		Asokā (aggasāvikā)	Maṃ, 61
Anoma (aggasāvaka)	A, 63		Assakaṇṇa (pabbata)	337
Anoma (upaṭṭhāka)	So, 63		Assaguttatthera	444
Anomadassī (Buddha)	63			
Anoma (vijātanagara)	Pi, 66		[Ā]	
Anoma (vijātanagara)	Ve, 70		Āgamaṭṭhakathā	233-4
Anomā (nadī)	76		Ānandakumāra	57
Aparagoyāna	337		Ānandatthera	6, 16, 76, 88, 109, 130, 372
Abhaya (upaṭṭhāka)	A, 67			
Abhaya (rājā)	121			

Padānukkamo	Piṭṭhaṅko
[Ā]	
Ānandarājā (Buddhapitā)	Pa , 65
Āmalaka (Bodhirukkha)	Phu , 69
Ālāra (tāpasa)	77, 247
Āharahatthaka (brāhmaṇa)	433
[I - Ī]	
Īṭṭiya (bhikkhu)	33
Īsadhara	337
[U]	
Uggatarājā (Buddhapitā)	Su , 66
Uttara (aggasāvaka)	Ve , 70
Uttara (aggasāvaka)	Ko , 71
Uttarakuru	337
Uttara (Buddhapitā)	Maṁ , 61
Uttara (māṇava)	65
Uttaravaḍḍhamānapabbata	146
Uttara (vijātanagara)	Maṁ , 61
Uttarā (aggasāvikā)	Ko , 71
Uttarā (aggupaṭṭhākupāsikā)	Go , 45
Uttarā (Buddhamātā)	Maṁ , 61
Uttarā brāhmaṇī (Buddhamātā)	Ko , 70
Uṭṭiya (bhikkhu)	33
Udaka (tāpasa)	77
Udaya (aggasāvaka)	Ti , 68
Udumbara (Bodhirukkha)	Ko , 71
Upacālā (aggasāvikā)	Phu , 68
Upatissa (aggasāvaka)	Go , 44

Padānukkamo	Piṭṭhaṅko
[U]	
Upatissā (aggasāvikā)	Ko , 57
Upasanta (aggasāvaka)	A , 67
Upasanta (upaṭṭhāka)	Ve , 70
Upasāla (aggasāvaka)	Pa , 64
Uppalavaṇṇā (aggasāvikā)	Go , 44
Uruveḷā (aggasāvikā)	Ka , 71
[E]	
Ekarāja (Jātaka)	74
[Ka]	
Kakudha (Bodhirukkha)	Dha , 67
Kakusandha (Buddha)	70, 109
Kaṇikāra (Bodhirukkha)	Si , 68
Kaṇḍaka-assa (abhinikkhamanayāna)	Go , 76
Kaṇha (tāpasa)	333, 449
Kapila (nagara)	44
Karavīka (pabbata)	337
Kassapa (Buddha)	17, 70, 71
Kassapa (bodhisatta)	Pi , 66
Kākamāsaka (brāhmaṇa)	432
Kāsi (pura)	77
Kāsi (vijātanagara)	Phu , 68
Kāḷa (nāgarājā)	77
Kāḷavallimaṇḍapa	427
Kāḷāma (tāpasa)	247
Kisāgotamī (khattiyakaññā)	76

Padānukkamo	Piṭṭhaṅko	Padānukkamo	Piṭṭhaṅko
[Ka]		[Ca]	
Kudālapaṇḍita	73	Candavatī (vijātanagara)	A, 63
Kelāsa (pabbata)	370	Candā (aggasāvika)	Vi, 69
Koṇāgamana (Buddha)	70	Candādevī (Buddhamātā)	Pi, 66
Koṇḍañña (Buddha)	56-7	Campaka (nagara)	Pa, 64
Kolita (aggasāvaka)	Go, 44	Campaka (Bodhirukkha)	A, 67
[Kha]		Campeyya (nāgarājā)	73
Khaṇḍa (aggasāvaka)	Vi, 69	Cariyāpiṭaka	75
Khantivādī (Jātaka)	74	Cālā (aggasāvika)	Phu, 68
Khanda (deva)	136	Citta (aggupaṭṭhākupāsaka)	Go, 45
Kharadāṭhika (yakkha)	58	Cittalapabbata	385
Khemaṅkara (upaṭṭhāka)	Si, 69	Cūlasutasoma (Jātaka)	73
Khema (bodhisatta)	Ka, 70	Cūlābhayatthera	274
Khema (vijātanagara)	Ti, 68	Cetiyaḡiri	37
Khema (vijātanagara)	Ka, 70	Cetiyaḡapabbata	245, 428
Khemā (aggasāvika)	Go, 44	Coranāga (Rājā)	428
Khemā (aggasāvika)	Dha, 67	[Cha - Ja]	
[Ga - Gha]		Chaddanta (nāgarājā)	73
Gaṅgā (nadī)	186	Channa (assagopaka)	Go, 76
Girikaṇḍaka (vihāra)	159	Jaṭila (isi)	55
Guttasāla (gāma)	427	Jaṭila (mahāraṭṭhika)	64
Gotama (Buddha)	44	Janasandharājā (Buddhapitā)	Ti, 68
Ghaṭikāra (kumbhakāra)	71	Jambudīpa	32, 33, 337
[Ca]		Jayaddisarājaputta	73
Cakkana (upāsaka)	146	Jayasenaṛājā (Buddhapitā)	Phu, 68
Cakkavattirājā (bodhisatta)	Su, 66	Jayasenaṛājā (Buddhapitā)	Si, 68
Candakumāra	72	Jetavana (vihāra)	313
Candamittā (aggasāvika)	Vi, 69	Jotipāla (bodhisatta)	Ka, 71
		Jotipāla (maṇava)	333, 449

Padānukkamo	Piṭṭhaṅko
[Ta - Tha]	
Tatthavaṭṭaka (brāhmaṇa)	432
Tambapaṇṇi (dīpa)	2
Tipiṭakacūlanāgattthera	273, 307, 323
Tipiṭakacūlabhayatthera	274
Tipiṭakamahādhamma- rakkhitatthera	307
Tissa (aggasāvaka)	Dī , 56
Tissa (aggasāvaka)	Vi , 69
Tissa (aggasāvaka)	Ka , 71
Tissa (Buddha)	68
Tissabhūtittthera	31
Tissā (aggasāvikā)	Ko , 57
Therambatthala	232
[Da]	
Dāmā (aggasāvikā)	Ve , 70
Dāsaka (bhikkhu)	32
Dīghabhāṇaka-abhayatthera	428
Dīpaṅkara (Buddha)	33, 42, 45, 53-6
Duṭṭhagāmaṇi (rājā)	121
Devala (aggasāvaka)	Pa , 65
[Dha]	
Dhanañcayarāja	72
Dhanavatībrāhmaṇī (Buddhamātā)	Ka , 71
Dhammadassī (Buddha)	66, 67
Dhammadinnā (aggasāvikā)	Pi , 66
Dhammasena (aggasāvaka)	Mañ , 61
Dhammasena (aggasāvaka)	Phu , 68

Padānukkamo	Piṭṭhaṅko
[Dha]	
Dhammā (aggasāvikā)	A , 67
Dhammika (pabbata)	36
Dhammiya (bhikkhu)	32
[Na]	
Nakula (nagara)	427
Nakulā (aggasāvikā)	So , 63
Nandaka (bhikkhu)	273
Nandamātā (aggupaṭṭhā- kupāsikā)	Go , 45
Nandā (aggasāvikā)	Dī , 56
Nāga (Bodhirukkha)	Mañ , 61
Nāga (Bodhirukkha)	Su , 62
Nāga (Bodhirukkha)	Re , 62
Nāga (Bodhirukkha)	So , 63
Nāgasamālā (aggasāvikā)	Su , 66
Nāgasenatthera	162-3, 186
Nāgā (aggasāvikā)	Su , 66
Nārada (upaṭṭhāka)	Su , 66
Nārada (kūṭa)	55
Nārada (Buddha)	63-4
Nīgrodha (Bodhirukkha)	Ka , 71
Nimimahārāja	72
Nisabha (aggasāvaka)	A , 63
Nemindhara (pabbata)	337
Nerañjarā (nadī)	77
[Pa]	
Pañcavaggī (bhikkhū)	77
Paṭisambhidā	202

Padānukkamo Piṭṭhaṅko

[Pa]

Paṭisambhidāmagga	236
Paṇḍava (pabbata)	76
Paduma (aggasāvaka)	Dham , 67
Paduma (Buddha)	63
Padumā (aggasāvika)	Si , 69
Padumādevī (Buddhamātā)	Ti , 68
Padumuttara (Buddha)	64
Pabbata (bodhisatta)	Ko , 70
Pabhāvatīdevī (Buddhamātā)	Su , 66
Pabhāvatīdevī (Buddhamātā)	Si , 69
Pāṭaliputta (paribbājaka)	131
Pāṭalī (Bodhirukkha)	Vi , 69
Pālita (aggasāvaka)	Pi , 66
Pālita (upaṭṭhāka)	Mam , 61
Piṅgala Buddharakkhitatthera	146
Piyajāli (bhikkhu)	32
Piyadassī (Buddha)	66
Piyadassī (bhikkhu)	32
Piyapāla (bhikkhu)	32
Puṇḍarīka (bodhi)	Si , 69
Puṇṇavālika	159
Pubbavideha	337

[Pha - Ba]

Phussadeva (aggasāvaka)	Dham , 67
Phussa (Buddha)	68
Phussā (aggasāvika)	Ti , 68
Bandhumatīdevī (Buddhamātā)	Vi , 69
Bandhumatī (vijātanagara)	Vi , 69
Bandhumārājā (Buddhapitā)	Vi , 69

Padānukkamo Piṭṭhaṅko

[Ba]

Bārāṇasī (vijātanagara)	Ka , 71
Bimbijāla (Bodhirukkha)	Dha , 67
Buddhaghosa	1, 453
Buddhija (upaṭṭhāka)	Ka , 70
Bodhiparibbājaka	73
Brahmadattabrāhmaṇa (Buddhapitā)	Ka , 71
Brahmadeva (aggasāvaka)	Re , Ti , 62, 68
Brahmavatībrāhmaṇī (Buddhamātā)	Me , 441

[Bha]

Bhadda (aggasāvaka)	Ko , 57
Bhaddaji (bhikkhu)	32
Bhaddanāma (bhikkhu)	33
Bhaddā (aggasāvika)	62
Bhaddāli (bhikkhu)	99
Bhāradvāja (aggasāvaka)	Ka , 71
Bhāvitatta (aggasāvaka)	Su , 62
Bhiyyasa (aggasāvaka)	Ko , 70
Bhuttavamitaka (brāhmaṇa)	432
Bhūridatta (nāgarāja)	73

[Ma]

Magadha (rājā)	76
Maghadeva (rājā)	333, 449
Maṅgala (pokkharāṇī)	76
Maṅgala (Buddha)	57, 58, 61
Maṅgala (bodhisatta)	Si , 67
Mallikā	100, 450
Mahā-aṭṭhakathā	121-3, 128, 201

Padānukkamo	Piṭṭhaṅko
[Ma]	
Mahākaccānatthera	5, 6
Mahākassapatthera	2, 28, 444
Mahāgatigamiyatissa- dattatthera	12
Mahānāgatthera	427
Mahāgovinda	72
Mahāgovindapaṇḍita	73
Mahācetī	118, 159, 370
Mahājanaka (Jātaka)	73
Mahātissatthera	159, 245
Mahādhamma- rakkhitatthera	317, 325
Mahānīpa (Bodhirukkha)	Su , 65
Mahāmoggallānatthera	29, 30, 316
Mahārohanaguttatthera	232
Mahāli	83
Mahāvihāra	2, 453
Mahāveḷu (Bodhirukkha)	Su , 66
Mahāsammata	420
Mahāsirīsa (Bodhirukkha)	Ka , 70
Mahāsivatthera	265, 307, 432
Mahāsutasoma (Jātaka)	74
Mahāsudassanarāja	72
Mahāsoṇa (Bodhirukkha)	Pa, Nā , 64
Mahindatthera	2, 33, 37
Mahī (nadī)	186
Mahosadhapaṇḍita	73
Māyādevī (Buddhamātā)	Go , 44
Mūgapakkha (Jātaka)	74
Mekhala (vijātanagara)	Su , 62

Padānukkamo	Piṭṭhaṅko
[Ma]	
Metteyya (Buddha)	441
Metteyya (bodhisatta)	393
Moggaliputtatissatthera	4-6, 32
Moravāpivāsimahā- dattatthera	274, 307, 323-5
[Ya]	
Yakkhasenāpati (bodhisatta)	A , 63
Yaññadattabrāhmaṇa (Buddhapitā)	Ko , 70
Yamunā (nadī)	186
Yasavatīdevī (Buddhamātā)	Ve , 70
Yasavārājā (Buddhapitā)	A , 63
Yasodharādevī (Buddhamātā)	A , 63
Yugandhara (sela)	337
[Ra]	
Rakkhitatthera	232
Rattaṅkura (Bodhirukkha)	Dha , 67
Rambhā (aggasāvikā)	Ka , 70
Rammavatī (vijātanagara)	Dī , 56
Rammavatī (vijātanagara)	Ko , 57
Rājagaha (nagara)	30
Rāmā (aggasāvikā)	Pa , 64
Rāmā (aggasāvikā)	Su , 65
Rāhulabhadda (Buddhaputta)	Go , 76
Revata (bhikkhu)	32
Revata (upaṭṭhāka)	Si , 68
Revata (Buddha)	57, 62

Padānukkamo	Piṭṭhaṅko	Padānukkamo	Piṭṭhaṅko
[La - Va]		[Sa]	
Lomahaṃsa (Jātaka)	75	Sakkadevarājā (bodhisatta)	67
Vakkali	385	Sakhilā (aggasāvika)	Si , 69
Vaṅka (pabbata)	58	Saṅkhapāla (Jātaka)	73
Vattakālaka (gāma)	159	Saṅkhabrāhmaṇa	72
Varuṇa (aggasāvaka)	Re , 62	Sañjīva (aggasāvaka)	Ka , 70
Varuṇa (upaṭṭhāka)	A , 63	Sattubhastā (Jātaka)	73
Varuṇa (upaṭṭhāka)	Pa , 63-4	Santa (aggasāvaka)	A , 67
Vāseṭṭha	420	Santati (mahāmatta)	450
Vijitāvī (bodhisatta)	Ko , 56	Santusita (devaputta)	75
Vijitāvī (bodhisatta)	Phu , 68	Sandeha (bhikkhu)	32
Vidhura (aggasāvaka)	Ka , 70	Sabbakāma (aggasāvaka)	Su , 65
Vidhurapaṇḍita	73	Sabbanāmā (aggasāvika)	Dha , 67
Vinataka (pabbata)	337	Sabbamitta (upaṭṭhāka)	Ka , 71
Vinayaṭṭhakathā	140	Sabhiya (upaṭṭhāka)	Phu , 68
Vipassī (Buddha)	69, 441	Samaṅga (upaṭṭhāka)	Ti , 68
Vipularājā (Buddhapitā)	Re , 62	Samālā (aggasāvika)	Ve , 70
Vipulādevī (Buddhamātā)	Re , 62	Samuddā (aggasāvika)	Ko , 71
Visayhaseṭṭhi	72	Sambala	33
Visākhābrāhmaṇī		Sambala (aggasāvaka)	Si , 68
(Buddhamātā)	Ka , 70	Sambhava (aggasāvaka)	Si , 69
Visuddhimagga	212, 228, 234, 237, 243	Sambhava (upaṭṭhāka)	Re , 62
Vebhāra (pabbata)	Pa , 64	Saraṇa (aggasāvaka)	Su , 62, 65
Vebhāra (vijātanagara)	Si , 68	Saraṇarājā (Buddhapitā)	Dha , 67
Vessantara (rājā)	58, 72, 75	Saraṇa (vijātanagara)	Dha , 67
Vessabhū (Buddha)	69	Sarabhū (nadī)	186
[Sa]		Salala (Bodhirukkha)	Pa , 65
Samghamitta (bhaṇḍāgārika)	118	Salala (Bodhirukkha)	Ve , 70
Samgharakkhitatthe-		Sasapaṇḍita	72
rupaṭṭhākasāmaṇera	245	Sāketa	308
		Sāgara (upaṭṭhāka)	Su , 65

Padānukkamo	Piṭṭhaṅko
[Sa]	
Sāgararājā (Buddhapitā)	A , 67
Sāmā (aggasāvikā)	Ka , 70
Sāriputtatthera	2, 17, 18, 29, 30, 32, 36, 39, 253
Sāla (aggasāvaka)	Pa , 64
Sālakalyāṇī (Bodhirukkha)	Ko , 57
Sāvatti	312
Sikhī (Buddha)	69
Siggava	32
Siddhattha (Buddha)	67
Sirimādevī (Buddhamātā)	Phu , 68
Sirimādevī (Buddhamātā)	Su , 62
Siva (deva)	136
Sivi (Jātaka)	60
Sivirāja	72
Silavanāgarāja	73
Sīvalā (aggasāvikā)	Si , 68
Sīvalī (aggasāvikā)	Maṁ , 61
Sīha (bodhisatta)	Pa , 63
Sīhaḷa (dīpa)	146
Sukkhita (aggasāvaka)	Phu , 68
Sujāta (aggasāvaka)	Pa , 65
Sujāta (Buddha)	65
Sujāta (bodhisatta)	Ti , 68
Sujātā (aggasāvikā)	Pi , 66
Sujātā (aggasāvikā)	So , 63
Sujātādevī (Buddhamātā)	Ko , 57

Padānukkamo	Piṭṭhaṅko
[Sa]	
Sujātādevī (Buddhamātā)	Pa , 65
Sujātā (seṭṭhidhītā)	77
Sudatta (bhikkhu)	32
Sudattarājā (Buddhapitā)	Su , 62, 65
Sudattā (aggasāvikā)	Ti , 68
Sudattādevī (Buddhamātā)	Su , 65
Sudassana (aggasāvaka)	Su , 66
Sudassana (pabbata)	337
Sudassana (bodhisatta)	Ve , 70
Sudassana (vijātanagara)	Su , 65
Sudassana (siluccaya)	55
Sudassanādevī (Buddhamātā)	A , 67
Sudinnarājā (Buddhapitā)	Pi , 66
Sudeva (aggasāvaka)	Maṁ , 61
Sudeva (aggasāvaka)	Su , 66
Sudevarājā (Buddhapitā)	Dī , 56
Sudhaññaṇṇavātī (vijātanagara)	Re , 62
Suddhodanarājā (Buddhapitā)	Go , 44
Sudhammarājā (Buddhapitā)	So , 63
Sudhamma (vijātanagara)	So , 63
Sudhammā (aggasāvikā)	A , 67
Sudhammādevī (Buddhamātā)	So , 63
Sunandarājā (Buddhapitā)	Ko , 57
Sunandā (aggasāvikā)	Dī , 56
Sunandādevī (Buddhamātā)	Dha , 67
Sunetta (aggasāvaka)	So , 63
Sunetta (upaṭṭhāka)	Dha , 67

Padānukkamo	Piṭṭhaṅko
[Sa]	
Sundarī (aggasāvikā)	A, 63
Suppatītarājā (Buddhapitā)	Ve, 70
Suphassādevī (Buddhamātā)	Si, 68
Subrahmābrāhmaṇa (Buddhapitā)	Me, 441
Subhadda (aggasāvaka)	Ko, 57
Subhaddā (aggasāvikā)	Re, 62
Sumaṅgala (aggasāvaka)	Dī, 56
Sumaṅgala (vijātanagara)	Su, 66
Sumana (upaṭṭhāka)	Pa, 65
Sumanadevatthera	31
Sumana (Buddha)	57, 62
Sumanā (aggasāvikā)	A, 63
Sumitta (aggasāvaka)	Si, 68
Sumedha (paṇḍita)	36, 38
Sumedha (Buddha)	65
Sumedha (brāhmaṇa)	33
Sumedhādevī (Buddhamātā)	Dī, 56
Surāmā (aggasāvikā)	Pa, 64
Surāmā (aggasāvikā)	Si, 68
Surāmā (aggasāvikā)	Pa, Su, Si, 64, 65, 68

Padānukkamo	Piṭṭhaṅko
[Sa]	
Surucibrāhmaṇa (bodhisatta)	59
Susīmatāpasa (bodhisatta)	67
Setambaṅgaṇa	428
Senakapaṇḍita	73
Senā (nigama)	77
Soṇa (aggasāvaka)	Ve, 70
Soṇaka (bhikkhu)	32
Sotthija (upaṭṭhāka)	Ko, 71
Sottiya (tiṇahāraka)	77
Sobhana (vijātanagara)	A, 67
Sobhavatī (vijātanagara)	Ko, 70
Sobhita (upaṭṭhāka)	Pi, 66
Sobhita (Buddha)	57, 63
Sobhita (bhikkhu)	32
Somanassakumāra	73
[Ha]	
Haṃsavatī (vijātanagara)	Pa, 65
Hatthāḷavaka (aggupaṭṭhākupāsaka)	Go, 45
Hatthipālakumāra	73

Aṭṭhasālinī-aṭṭhakathāya

Nānāpāṭhā

Paṭṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ, Kam = Kambojapotthakaṃ, I = Iṅgalisapotthakaṃ, Ka = kesuci Marammapotthakesu dissamānapāṭho, Ka-Sī = kesuci Sīhaḷapotthakesu dissamānapāṭho, Ṭṭha = Aṭṭhakathā.

Aṭṭhasālinī-aṭṭhakathāya

Nānāpāṭhā

Piṭṭhankā

[A]

Akālusiya = Akālussiya (Syā, Ka)	163
Akitti = Akatti (Ka)	72
Akkamittha = Akkamittho (Sī)	43
Aṅkusaka = Aṅkusa (Sī)	40
Agamissa = Āgamissati (Ka)	174
Aggakaṭacchunā = Aggaggakaṭacchunā (Sī)	407
Aṅgalaṭṭhi = Aṅgasandhi (Syā), Aṅgulaṭṭhi (Sī, Ka)	430
Aṅgulivedhakasaṅṭhāne = Aṅguliveṭhakasaṅṭhāne (Sī)	348
Aṅgotipi = Aṅgoti (Syā)	262
Ajānitabbassa = Avijānitabbassa (Sī)	374
Ajeḷakā kukkuṭasūkarā soṇasiṅgālā = Ajeḷaka kukkuṭasūkarasoṇa-siṅgālā (Ka)	174
Ajjhayanakamme = Ajjhenakamme (Ka)	155
Ajjhosannā = Ajjhoppannā (Sī), Ajjhāpannā (Syā)	384
Aññamaññaṃ paghaṭṭitā = Aññamaññūpaghaṭṭitā (Sī)	53
Aññamaññaṃ vā = Aññamaññaṃ vā (Sī)	197
Aññāsikoṇḍañña... = Aññākoṇḍañña... (Sī) Aññātaḷaṅḍañña... (Ka)	77
Aṭṭhamukhā vādayutti = Aṭṭhamukhavādayutti (Syā, Ka)	4
Aṭṭhāvīpabbatādīsu = Pathāvīpabbatādīsu (Sī)	421

Nānāpāṭhā

Piṭṭhaṅkā

[A]

Aṭṭhānametaṃ = Aṭṭhānameva	317
Aḍḍaṃ = Aṭṭaṃ (Sī)	31
Aticittameva = Adhicittameva (Ka)	106
Atipāto = Atīvapāto (Ka)	140
Attanā = Attano (Ka)	392
Attani = Attano (Syā, Ka)	394
Attano attano = Attano (Sī, Syā, Ka)	387
Attano vipākaṭṭhāne = Attano vipākadāne (Sī) Attano attano vipākadāne (Ma-Ṭṭha 3 Mahāpuṇṇamasuttavaṇṇanāyaṃ)	342
Attharaṇapāvuraṇaṃ = Attharaṇapāpuraṇaṃ (Sī, Syā)	115
Atthādīhi = Atthādīni (Sī, Syā, Ka)	379
Adhīyamāno = Adhiyamāno (Syā)	155
Antarantare = Antantena (Ka) Antantare (Syā, Ka)	60
Anatthaṅgamiteyeva = Anattamiteyeva (Sī)	77
Ananukūlakara = Ananukūlabhāvakara (Sī)	363
Anavajjapiṇḍa = Anavajjapiṇḍapāta (Sī)	37
Anavajjeyeva = Anavajjamyeva (Sī, Ka)	431
Anāvīkaronto = Anāvīkaronto (Sī)	135
Anicchantopi maccharī nāma = Anicchatopi macchariyaṃ nāma (Sī, Ka)	405
Aniṭṭhaṅgatavasena = Aniṭṭhāgatavasena (Syā, Ka)	439
Anipphajjanato = Abhinipphajjanato (Sī, Syā)	106
Anuggayhabhāvatoti = Anugayhabhāvato (Syā, Ka)	350
Anuttaro = Anuttaraṃ (Syā, Ka)	44
Anunayanato = Anu anu nayanato (Ka)	395
Anupekkhako = Anupekkhitā (Vi-Ṭṭha 2. 40 piṭṭhe)	133
Anubandhamāno = Anuppabandhamāno (Sī, Syā)	276
Anubandheyyuṃ = Anuppabandheyyuṃ (Sī)	428
Anumajjamāno = Anumajjano (Sī) Anumajjanto (Syā)	158
Anusandhānatā = Anusandhanatā (Syā, Ka)	187
Anussaraṇakāle = Anussaraṇe (Syā, Ka)	202

Nānāpāṭhā

Piṭṭhāṅkā

[A]

Anussāhasaṁhananā = Anussāhanatā (Sī, Syā)	297
Anusetīti = Anu anu setīti (Ka)	398
Anuḷā = Aruṇā (Syā)	71
Anovatṭhena = Anovuṭṭhena (Syā, Ka)	47
Apakkamitvā = Apasakketvā (Vi-Ṭṭha 1. 112 piṭṭhe)	208
Apadhāritam = Apavāritam (Sī) Avadhāritam (Syā)	242
Apanītampi = Apanītam tam (sabbattha)	219
Apanudeti = Apanudati (Ka)	165
Aparihānato = Aparihānito (Sī)	172
Aparihāpentā = Aparihāpetvā (Sī) Aparihāpento (Syā, Ka)	213
Appasamārambhātā = Appasambhāratā (Ka)	41
Apphoṭenti = Apphoṭhenti (Sī)	45
Apica = Api (?)	253
Apiḷandhapubbam = Apiladdhapubbam (Sī)	263
Abyāpajje = Abyāpajjhe (Sī)	118
Abyāpajjo = Abyāpajjho (Sī, Syā)	194
Abyābajjhā = Abyāpajjā (Sī)	137
Abhiññābalapāpuṇinti = Abhiññābalamapāpuṇinti (Sī)	36
Abhivandisuṁ = Abhivādayuṁ (Sī)	53
Abhisamayā, asaṅkhiyā = Abhisamayo, asaṅkhiyo (Sī, Syā)	55
Amatappakāsano = Amatappakāsako (Sī)	19
Ambariya = Ambatissa (Ka)	146
Amoho lakkhaṇādīhi = Amohalakkhaṇādīhi (Sī)	171
Ayameva = Ayameva kira (Sī)	30
Ayyakapayyakānam = Ayyakapeyyakānam (Sī)	
Ayyaka-ayyikānam (Syā)	33
Aratitandivijambhikādīsu = Aratitandīvijambhitādīsu (Ka)	297
Arūpībhāvaṁ = Arūpabhāvaṁ (Sī)	343
Alīnajīvitā = Alīnajīvitā (Sī)	435

Nānāpāṭhā

Piṭṭhankā

[A]

Avacarantānaṃ = Carantānaṃ (?)	417
Avacaranti = Caranti (?)	417
Aviññeyyattā = Viññeyyattā (Sī, Ka)	401
Avinibhuttānaṃ = Avinābhūtānaṃ (Syā)	167
Aviraddhaṃ = Aviruddhaṃ (Sī, Syā)	329
Asaṅkhyeyyāni = Asaṅkheyāni (Sī)	13
Asaññaṃ = Asaññiṃ (Syā)	72
Asattivighāto = Sattivighāto (Sī)	297
Asamānaṃ = Asamānatāya (Sī) Asamānattā (Syā)	232
Asīghappavatti = Asīghappavattinī (Sī)	227
Asuko nāma = Asukaṃ nāma (Sī)	352
Ahiraṅkaṃ anottappaṃ = Ahiraṅkabalāṃ anottappabalaṃ (Sī)	293
Aho vatāyaṃ = Aho vatassāyaṃ (Ka)	133

[Ā]

Ākāsaṅkhaṅgā marū = Ākāsaṅgaṅgā marū (Syā, Ka)	43
Āgacchantaṃ = Agacchantaṃ (Syā, Ka)	134
Āgatāgatānaṃ = Ābhatābhatānaṃ (Ka) Ābhatābhatena (Sī)	427
Āthabbaṅgiddhi = Athabbaṅgiddhi (Sī) Āthabbaniddhi (Syā, Ka)	134
Ādinnāya = Dinnāya (Sī, Syā)	314
Ādhānappatto = Ādhāraṅgappatto (Sī) Ādhārapatto (Syā)	433
Ānāpānājjhānaṃ hi = Ānāpānājjhānaṅga (Syā, Ka)	245
Āneti nāma = Āyati nāma (Ka)	301
Āpāthamāgate = Āpāthagate (Sī)	315
Āyuppaṃāṅgānti = Āyupparimāṅgānti (Sī)	76
Āyupariyosāne = Āyūhāpariyosāne (Syā, Ka)	61-75
Ārocento = Ārocente (Ka)	29
Āvajjantassa = Āvajjantassa (Ka)	202
Āvañchitvā = Āvijjhītivā (Sī, Syā)	277
Āvaṭṭite = Āvajjite (Sī)	317
Āsisanā = Āsimāsanā (Sī, Syā)	397

Nānāpāṭhā

Piṭṭhaṅkā

[I]

Itthilingādīni pana -pa- samuṭṭhitāni = Itthilingādi pana na itthindriyaṃ, itthindriyaṃ paṭicca pavatte samuṭṭhitaṃ (Sī)	358
Iddhimantiniyo = Iddhimantiyo (Ka)	169
Idha na kathitā = Kasmā idha na kathitāti (Ka)	245
Idha bhikkhave = Idha khīṇāsavo (Syā, Ka)	216
Indaṭṭhaṃ = Indattaṃ (?)	162
Indattakaraṇavasena = Indaṭṭhakāraṇavasena (Sī)	201
Imassa ca = Imassa (?)	183
Imassa me = Iminā (Sī, Ka)	58
Issādivēvacanāni = Issāvevacanāni (Ka)	404

[U]

Ukkhepanīyakammatajjanīyakammāraho = Ukkhepaniyakammaniyasa- kammatajjanīyakammā- raho (Sī, Syā)	30
Uggañchi = Uggacchi (Sī)	285
Uṭṭhāpetīti = Uṭṭhāpetīti (Sī, Syā)	214
Uttarakurumhi = Uttarakurūsu (Sī, Syā, Ka)	337
Udakañca = Uddakañca (Sī, Syā)	77
Uddhaccavicikicchāvaseneva = Uddhaccavicikicchāvasena (Sī)	188
Uddhumātakapaṭikūlaṃ vinīlakapaṭikūlanti = Uddhumātakam paṭikūlaṃ vinīlakam paṭikūlanti (Syā)	244
Upagacchuṃ = Upagañchuṃ (Sī, Syā)	54
Upakkhalati = Pakkhalati (Sī)	370
Upaṭṭhāti = Upaṭṭhahati (Ka)	155
Upaparikkhaṇavasena = Upaparikkhanavasena (Syā, Ka)	340
Uparijhānaṅga = Uparijhānaṅgānaṃ (Vi-Ṭṭha 1. 114 piṭṭhe)	210
Uppannadhammānaṃ = Uppannadhammā (Sī)	151
Uppannatatiyajjhānassapesā = Uppannatatiyajjhānaṃ nissāyapesā (Ka)	240

Nānāpāṭhā

Piṭṭhaṅkā

[U]

Uppilāvino = Ubbillāvino (Sī) Ubbilāvino (Syā)	307
Upādinnā = Upādiṇṇā (Sī)	84
Ubbegāya pītiyā = Ubbegāpītiyā (Ka)	159
Ubbegaṃ pītiṃ = Ubbegāpītiṃ (Syā, Ka)	159
Ummīletvā = Ummilitvā (Ka)	311
Uruveḷā = Uruvelā (Syā)	71
Ussannabyādhidukkhassa = Upasantabyādhidukkhassa (Sī, Ka)	244

[Ū]

Ūkāmaṅgula = Ūkāmaṅkuṇa (Sī)	41
------------------------------	----

[E]

Ekameva = Ettakameva (Ka)	303
Ekā vijjā vijjā = Ekā vijjā (Ka)	93
Ekissā = Ekissāya (Ka)	40
Ekamsena = Ekantena (Syā, Ka)	326
Etadānuttariyaṃ = Etadanuttariyaṃ (Sī)	81
Ettakā = Ettikā (Sī)	133
Etassa = Ekassa (Sī)	149
Ettha nāmameva = Ekanāmameva (Ka)	421
Ettha siyā = Tattha siyā (Syā, Ka)	240
Etāni vā = Tāni vā pana (Sī) Tāni vā (Syā) Tāni (?)	101
Etaṃ mayhaṃ etaṃ mayhanti = Idaṃ mayhaṃ etaṃ mayhanti (Sī)	397
Evampettha = Evamettha (Syā, Ka)	106
Evameva = Evamevaṃ (Sī)	183
Evameva Bhagavā = Evametassā (Ka)	222
Evam na kenaci = Yena kenaci (Ka)	447

[O]

Oghataraṇādīni = Oghataraṇasuttādīni (Sī)	26
Ottapatīti = Ottapatīti (Sī)	168

Nānāpāṭhā

Piṭṭhānkā

[O]

Ottappanā = Ottapanā (Sī)	94
Otāraṃ = Okāsaṃ (Ka)	365
Ovutā = Ophutā (Syā)	384

[Ka]

Kaṇḍambarukkhamūle = Gaṇḍambarukkhamūle (Sī, Syā)	13
Kaṇṇakagandha = Kaṇṇikagandha (Syā, Ka)	356
Katamakkhandhagaṇanaṃ = Katamaṃ khandhagaṇanaṃ (sabbattha)	344
Kathetabbaṃ = Gahetabbaṃ (Ka)	326
Kathessāmi = Kathīyati (Sī, Syā)	441
Kabaḷikāro = Kabalimkāro (Syā)	366
Kamaladale = Kamalatale (Ka)	170
Kammakkhayāya = Kammaṃ kammakkhayāya (sabbattha)	131
Kammāni = Kammāni yāni (sabbattha)	131
Kammunā = Kammanā (Sī)	108
Kamena = Kamma (Syā, Ka)	106
Karitvā = Khipitvā (Syā, Ka)	161
Karoti = Katheti (Ka)	120
Karonte = Karonto viya hoti. (Ka) Karonte viya (Syā)	370
Karosīti = Karontīti (Sī)	4
Kasituṃ = Kassituṃ (Sī)	362
Kākavaliya = Kālavaliya (Syā) Kālavalliya (Ka)	206
Kāyakammaṃ = Vacīkammaṃ (Sī, Syā)	132
Kāraṇassa = Kāraṇasseva (Sī)	152
Kālakaṇḍikā = Kālakaṇḍakā (Sī) Kālakaṇḍikā (Ka)	72
Kālātikkame = Kālātikkamena (Syā, Ka)	364
Kālo deva = Kāloyaṃ te (Sī)	75
Kāḷagacchakādīgandho = Kāḷagacchakādīgandho (Ka)	123
Kiñca bhiyyo = Kiñci bhiyyo (Syā)	215

Nānāpāṭhā

Piṭṭhaṅkā

[Ka]

Kimassā āvajjananti = Kimassā āvajjananti. Bhavaṅgāvajjananti. (Sī)	318
Kiliṭṭho hi = Kiliṭṭhe ca (Sī) Kiliṭṭho ca (Ka)	39
Kilesakālusiyassa = Kilesakālussiyassa (Syā, Ka)	215
Kuṭṭā = Kuḍḍā (Sī)	48
Kummānubandhasuttakaṃ = Kumbhānubandhasuttakaṃ (Sī)	
Kammānubandhaṃ suttakaṃ (Syā)	396
Kumārayuvathera = Kumārayuvavuḍḍha (Ka)	218
Kumīnaṃ = Kumināṃ (Sī, Syā)	122
Kumbhīlānañhi = Kumbhīlānañhi (Syā, Ka)	367
Kulumbassa = Kulumpassa (Ka)	133
Kulumbasuttaṃ nāma = Kulumpasuttaṃ nāma (Ka)	133
Kusalacāraṃ = Kusalācāraṃ (Sī, Syā)	398
Kuhinti = Kahanti (Sī)	265
Koṭṭisatabhikkhū = Koṭṭisatasahassabhikkhū (Buddhavaṃse)	67
Koṇe koṇe = Koṇesu koṇesu (Ka)	60
Kolambe = Koḷumbe (Syā, Ka)	61
Koliyakena ca = Goḷiyakena ca (Ka)	318
Kaṇḍakaṃ = Kanthakaṃ (Sī) Kaṇṭhikaṃ (Syā)	76

[Kha]

Khārikājaṃ = Khāribhāraṃ (Sī)	40
Khīyamāno = Khiyamāno (Ka)	167
Khudā = Khuddā (Syā, Ka)	431
Khuddikāpīti = Khuddakāpīti (Syā, Ka)	158

[Ga]

Gacchantassa = Vasantassa (Ka)	377
Gaṇanacāropi = Gaṇanavāropi (Sī, Syā)	18
Gaṇanacāraṃ = Gaṇanavāraṃ (Sī) Gaṇanaṃ (Syā)	7, 18

Nānāpāṭhā

Piṭṭhaṅkā

[Ga]

Gaṇanānupubbatā = Gaṇanānupubbatāya (Sī, Syā)	211
Gandhānubaddhacetaso = Gandhānubandhacetaso (Syā, Ka)	158
Gaṇanapatho = Gaṇanā nāma (Ka)	310
Gambhīraññāṇehi = Gambhīraññāṇena (Sī)	2
Gavapānaṃ nāma = Gavapānaṃ nāma dānaṃ (Sī)	61
Gahakāraṃ = Gahakāraṃ (Sī)	18
Gahetabbanimitta = Gahetabbanimitta (Sī)	231
Gāmaṇḍalā = Gomaṇḍalā (Sī) Gāmamaṇḍalā (Syā)	75
Gāmillo = Gāmilako (Syā) Gāmilo (Ka)	318
Guṇe = Guṇehi (Sī, Syā)	36
Gūthamakkhanajigucchāya = Gūthamakkhitassa jigucchāya (Syā)	170
Gedhaṃ vā pavanasaṇḍanti = Gedhaṃ vā pana vanasaṇḍaṃ (Sī)	395

[Gha]

Ghaṭanaṭṭhena = Ghaṭṭanaṭṭhena (Syā, Ka)	396
Ghaṭeti = Ghaṭṭeti (Syā, Ka)	396
Ghaṇṭābhigghāto = Ghaṇḍābhigghāto (Syā, Ka)	158
Ghaṇḍi = Gaṇḍi (Sī, Syā)	445
Gharāvāsāṃ palibodhato disvā = Gharāvāsapalibodhato ādinavaṃ disvā (Ka)	
Gharāvāsapalibodhaṃ disvā (Syā)	40
Ghātiyāmahaṃ = Ghātissāmahaṃ (Sī, Syā) Jhāpaye mama (Jātaka-Ṭṭha 1. 17 piṭṭhe) Jhāpiyāmahaṃ (Maṇḍīpa)	43
Ghānabilaṃ = Ghānabile (Syā, Ka)	322

[Ca]

Cakkana-upāsakassa = Jaggana-upāsakassa (Ka)	146
Cakkavattī = Cakkavatti (Syā, Ka)	56
Cattāro cattāro = Cattāri cattāri (bahūsu)	180
Cattāri satāni = Catuttimsasatāni (Sī, Syā)	336
Caturamsāṃ = Caturassāṃ (Sī, Ka)	354

Nānāpāṭhā

Piṭṭhānkā

[Ca]

Camaravālāti = Cāmarivālāti (Ka)	377
Caritvā = Paccaritvā (Ka)	134
Calatā ravati = Calatī ravatī (Sī, Syā, Buddhavaṃse ca)	52
Calayati = Velāyati (Ka)	264
Cātumahārājikānaṃ = Cātummahārājikānaṃ (Sī, Syā)	367
Cittacittaṅgavasena = Cittaṅgavasena (Ka)	180
Cittappavatti = Cittuppatti (Sī, Syā)	325
Cittavicittaṭṭhena = Cittaṭṭhena (Ka)	206
Cūlakattā “Cūḷantaradukā”ti = Cullakattā “Cullantaradukā”ti (Sī)	79
Cetanāniddesepī = ...niddesopī (Syā)	184
Cetayanaṭṭhena = Sañcetanaṭṭhena (Sī, Syā)	198
Celukkhepādīni khipantesu = Celādīni ukkhipantesu (Syā)	145

[Cha]

Chettuṃ = Chetuṃ (Syā, Ka)	275
----------------------------	-----

[Ja]

Jāto = Jātā (Ka)	393
Jigucchitā = Kucchitā (Sī, Syā)	290
Jiṇṇakaṃ = Jiṇṇaṃ (Ka)	427
Jeṭṭhikā = Jeṭṭhakā (Syā, Ka)	110

[Tha]

Ṭhapitānampi = Ṭhitānampi (Sī, Syā)	352
Ṭhāne = Ṭhāne pana (Sī, Ka)	179
Ṭhitamajjhānhike = Ṭhitamajjhantike (Sī, Syā)	427

Nānāpāṭhā

Piṭṭhāṅkā

[Ta]

Tajjāmanoviññāṇadhātusamphassajāti = ...samphassajā (Sī, Syā)	186
Taṇhādīṭṭhīhi = Taṇhādīhi (Sī, Syā)	84
Tatuddhaṃ = Taduddhaṃ (Sī)	52
Tattha = Tattha abhidhammoti (Sī, Syā)	3
Tatthassa = Tattha (?)	221
Tadārammaṇā = Tadārammaṇaṃ (Sī)	305
Tantiyā tanti-atthassa = Pāḷiyā pāli-atthassa (Ka)	23
Tantiyā = Pāḷiyā (Ka)	23
Tapati = Tappati (Sī, Syā)	371
Tapamānā = Tappamānā (Sī, Syā)	371
Tapentīti = Tapantīti (Syā)	94
Tapeyya = Tappeyya (Sī, Syā, Ka)	371
Tamantarahitaṃ = Samantarahitaṃ (Sī, Syā)	56
Tayome bhikkhave samādhī = Tayo samādhī (Dī 3. 184)	224
Tasmiṃ = Sahasā (sabbattha)	162
Tasmiṃyevārammaṇe = Tadārammaṇe (Ka)	305
Tāpasapabbajjaṃ pabbajitānaṃ hi = Tāpasapabbajitānaṃ hi (Ka)	39
Tikasannipātasāṅkhātassa = Tiṇṇaṃ sannipātasāṅkhātassa (Ka)	152
Tiṇapaṇṇakasaṭaṃ = Tiṇapaṇṇasaṭaṃ (Sī)	125
Tiṇhena = Tikkhena (Ka)	74
Tivikkamo = Tidivakkamo (Syā) Divikkamo (Ka)	30
Tidhāpi vaṭṭati = Tividhopi vaṭṭati (Sī) Tividhāpi vaṭṭanti (Ka)	185
Tumhādise hi = Tumhādisehi (Ka) Tumhādiso hi (?)	29
Taṃgocarattā = Taggocarattā (Ka)	351

[Tha]

‘Than’ti = ‘Ṭhan’ti (Sī) ‘Dhan’ti (Ka)	311
Thambhābaddhā = Thambhe-baddhā (Sī) Thambhabaddhā (Ka)	151
Thambhitattaṃ = Chambhitattaṃ (Ka)	301

Nānāpāṭhā

Piṭṭhānkā

[Tha]

Thinaṃ = Thīnaṃ (Sī, Syā)	292
Thutappasattho = Thutippasattho (Sī, Syā)	54
Thusakoṭṭhake = Thusakoṭṭhāse (Ka)	218

[Da]

Dakajā = Jalajā (Sī, Syā)	46
Dasasahassādhivāsino = Dasasahassivāsino (Syā, Ka)	46
Dasasahassimahābrahmaparivārena = Dasasahassa- mahābrahmaparivārena (Syā)	77
Dasasahassilokamhi = Sāhassikamhi lokamhi (Sī, Syā) Sāhassiyamhi lokamhi (Buddhavaṃse)	46
Daḷhadhammadhanuggahassa = Daḷhathāmadhanuggahassa (Syā, Ka)	205
Dvāsīti = Dvāsītiṃ (Sī)	27
Diṭṭhijukammaṃ = Diṭṭhujukammaṃ (Syā) Diṭṭhijukatam (Ka)	203
Divasaṃ santatto = Divasasantatto (Sī)	382
Dvinavutikappamatthake = Dvinavutikappe (Sī)	68
Dukkhapaṭipadadandhābhiñño = Dukkāpaṭipadā dandhābhiñño (Sī) Dukkāpaṭipado dandhābhiñnoti (Syā) Dukkāpaṭipadā dandhābhiññā (Ka)	260
Dukkhogāhā = Dukkhogāḷhā (Syā, Ka)	23
Dunnāmaṃ = Duṭṭhu nāmaṃ (Syā)	423
Dummejjhaṃ = Dummijjhaṃ (Saddanīti) Dummajjaṃ (?)	296
Devatuyyāna = Devuyyāna (Ka)	15
Devalo = Devilo (Ka) 345 piṭṭhe Buddhavaṃse passitabbaṃ.	65
Desanāvīlāsappatto = Desanā vilāsappattā (Syā, Ka)	224

[Dha]

Dhanavatī = Candavatī (Sī)	71
Dhammasenāpati Sāriputtatthero = Dhammasenāpatimhi Sāriputtatthere (Ka)	29

Nānāpāṭhā

Piṭṭhaṅkā

[Dha]

Dhammasaṅgaṇīpi = Dhammasaṅgaṇiyāpi (Syā)	79
Dhamitvā = Pharitvā (Syā, Ka)	160
Dhammiko = Dhammako (Sī)	36
Dhammena = Dhamme (Sī, Ka)	296
Dhāriyanti = Dhariyanti (Syā)	81
Dhutaṅgadhārassa = Dhutavādassa (Syā) Dhutaṅgadhārissa (Ka)	169

[Na]

Naccagītakabya = Naccagītakabba (Sī) Niccagītakābya (Syā)	430
Naccantā = Naccantā (Syā, Ka)	288
Na tathā = Tathā (Sī)	156
Na tāneva, kāyavacīviññattiyopi = Yāni pana kāyaviññattim samuṭṭhāpentī, tāneva vacīviññattimpīti (Sī, Syā, Ka) Na tāni rūpameva, kāyavacīviññattiyopīti (?)	362
Na taṃ mamassāti = Taṃ mamassāti (Sī, Ka)	137
Nandīrāgo = Nandīrāgo (Sī)	395
Navutikoṭīyo = Sattatikoṭīyo (Sī, Syā)	67
Navutikoṭimabodhayi = Satasahassaṃ abodhayi (Ka)	55
Na vokkamati = Na okkamati (Sī)	51
Nālapattādīni = Nāḷipattādīni (Ka)	160
Niccasammūḷhaṃ = Niccasammūḷhā (Syā) Niccaṃ sammūḷhaṃ (Ka)	172
Nijjaṭākāsaṃva = Nijjaṭākāsaṃ (Sī)	362
Nipajjanaṃ viya = Nipajjanakālo viya (Sī)	319
Nippadesatova = Nippadesato (Sī, Syā)	3
Nibbaṭṭita-ojameva = Nibbattita-ojameva (sabbattha)	366
Nibaddhāneva = Nibandhāneva (Ka)	304
Nibuddhamallamuṭṭhikamallādayo = Nibuddhamallamuṭṭhika- mallaceṭakādayo (Sī, Syā)	431
Niyatāti = Niyakāti (Sī)	394
Niyameti = Niyāmeti (Sī)	272

Nānāpāṭhā

Piṭṭhaṅkā

[Na]

Nirayaggiṃ = Nerayaggiṃ (Syā, Ka)	316
Nirupabhogabhāvo = Nipparibhogabhāvo (Syā)	39
Nivāsathānaṭṭhena = Nivāsanaṭṭhena (Ka)	185
Nissajjantopi = Nissajantopi (Sī)	142
Nīlādīni suvaṇṇāni, aparisuddhāni ca dubbaṇṇānīti = Nīlādīni aparisuddhāni ca suvaṇṇadubbaṇṇānīti (Ka)	234
Nūna = Nanu (Ka)	216
Nūnimassa = Nanvimassa (Ka)	208
Nekkhamagavesako = Nekkhammaṃ gavesanto (Sī)	40
Nekkhammapāramitaṃ = Nekkhammapārimim (Sī)	49
No patiṭṭhaṃ = No patiṭṭhitaṃ (Ka)	205
Nhatvā ca pivitvā ca = Nahātvā ca pītvā ca (Sī)	161
Nhānakālo = Nahānakālo (Sī, Syā)	101
Nhārusuttakena matthaluṅge ābaddho = Nhārusuttakena bandho, matthaluṅgena ābandho (Ka)	345

[Pa]

Pakkhandi = Pakkhantā (Syā) Nikkhantā (Sī)	313
Paṅkasevālapaṇakaṃ vigaccheyya, kaddamo ca = Paṅkasevālapaṇaka- kaddamo ca (sabbattha)	162
Paccantavāsīnaṃ = Paccantagāmaṃ vāsīnaṃ (Ka)	367
Pañca-ucchunāḷiyantopamaṃ = Pañcanāḷiyantopamaṃ (Sī)	314
Paññavāti = Paññāti (sabbattha)	166
Paññāya hi = Paññāya (Sī, Syā)	434
Pañhakammaṃ = Pañhākammaṃ (Ka)	32
Paṭighaṃ tayā = Paṭighaṃ dayāṃ (Sī)	50
Paṭicchāpetvā = Paṭicchādetvā (Ka)	315
Paṭiparivattitvā = Parivattitvā (Ka)	24
Paṭipāṭiyā = Padapaṭipāṭiyā (Ka)	339
Paṭipādetvā = Paṭicchādetvā (Syā, Ka)	225

Nānāpāṭhā

Piṭṭhānkā

[Pa]

Paṭividdhamaggaṃ = Paṭiladdhamaggaṃ (Ka)	392
Paṭivīsaṃ = Paṭivimsaṃ (Sī)	180
Paṭisantharaṇaṃ paṭisanthāro = Paṭisandharaṇaṃ paṭisandhāro (Ka)	95
Paṭisanthāraniddese = Paṭisandhāraniddese (Ka)	426
Paṭisiddhato = Paṭisaddhito (Syā)	302
Paṭihanissāmīti = Paṭivinodessāmīti (Ka)	431
Paṭuppannaṃ = Paccuppannaṃ (Syā) Panuppannaṃ (Sī)	103
Paṇṇacchadanā = Paṇṇacchannā (Ka)	37
Paṇītatamā = Paṇītatarā (Syā, Ka)	255
Patitṭhahanato patitṭhāho = Patiggahaṇato patiggāho (?)	295
Patitattā = Patitvā (Syā, Ka)	343
Pattiyāyatīti = Patiyāyatīti (Syā)	189
Pathavigatakālato = Pathavīpatitakālato (Ka)	365
Padānaṃ = Nayānaṃ (Sī, Syā)	280
Padīpobhāso = Padīpo (Vi-Ṭṭha 1. 112 piṭṭhe)	208
Padīpaṃ = Telappadīpaṃ (sabbattha)	166
Panthamakkaṭako = Nipannamakkaṭako (Ka)	318
Panathassa vibhāvanatthaṃ = Panatthassāvibhāvanatthaṃ (Syā)	279
Panassa paravisaṃvādaka = Parassa paraṃ visaṃvādakā (Sī) Parassa paravisaṃvādaka (Syā)	141
Pabhedato = Pabhedam (Ka)	344
Pabbajitvā = Pasīditvā pabbajitvā (Sī)	71
Paramasaccaṃ = Paramatthasaccaṃ (sabbattha)	410
Paramasukhumaṃ appanāppattaṃ = Paramasukhumappattaṃ (?)	252
Paramatthapāramī nāma = Paramatthapāramitā nāma (Sī, Syā)	72
Parassaharaṇaṃ = Parasamharaṇaṃ (Dī-Ṭṭha 1. 70 piṭṭhe)	140
Parikappo = Vikappanattho (Syā)	347
Paricchinditvā = Paricchijja (Sī)	437
Parinetīti = Pariṇāmetīti (Ka)	192
Pariyattibbhājanatthato = Pariyattibhājanatthato (Sī, Syā)	21

Nānāpāṭhā

Piṭṭhankā

[Pa]

Pariyuṭṭhānappattim = Pariyuṭṭhānuppattim (Syā, Ka)	277
Parivāre = Parivāra (Sī)	453
Parihariyamāno = Paridhāriyamāno (Syā)	76
Pavattaya = Pavattasu (Ka)	54
Pavattassa = Pavattitassa (Ka)	188
Pasaṃsāhetubhūte = Pasaṃsārahahetubhūte (Syā)	220
Pahaṭacitrageṇḍuko = Pahaṭacitrabheṇḍuko (Sī)	159
Paharantassa = Paharantaṃ (Syā) Paharante (Ka)	304
Pahānāni = Pahāṇāni (Sī)	22
Pahiṇi = Pesesi (Ka)	288
Pākaṭabhāva = Pākaṭibhāva (Ka)	428
Pākāraḷḷādi-antarikassa = Pākāraḷḷādi-antaritassa (Sī)	126
Pākaṭibhūtā = Pākaṭabhūtā (Sī)	364
Pāḷaliputtassa = Poḷaliputtassa (Ka)	131
Pāḷalirukkho = Pāḷalirukkho (Sī)	69
Pāṭhikaputtasamāgame = Pāṭhikaputta... (Sī) Pāṭhiyaputta... (Syā)	13
Pādapiṭṭhikāsu = Pādapiṭṭhikāsu (Sī)	114
Pāṇiyaghaṭa = Pāṇiyakūṭa (Sī)	38
Pāyāsāṃ paggayha = Pāyāsamaggayha (Sī)	44
Pāsādārohanāṃ = Pāsādāropanāṃ (Syā, Ka)	226
Pāḷiyāṃ = Pāḷim (Sī, Syā)	176
Pāḷiyāṃ āruḷhe = Pāḷi-āruḷhe (Sī)	176
Piṭṭhidukaṃ = Upakāradukaṃ (Ka)	179
Piyabhāvaṃ parassa ca suññabhāvaṃ = Piyasuññabhāvaṃ (Sī)	142
Pisuṇāvācā pharusāvācā = Pisuṇā vācā pharusā vācā (Sī, Syā)	140
Puggalavāre = Puggalavāde (Sī, Syā)	4
Pucchañjikatāti = Pucchakatā (Sī) Puñcikatā (Syā)	398
Puñchamānaṃ = Puñjamānaṃ (Ka)	311
Puññāṭisayanibbattaṃ = Puññāṭisayaphalanibbattaṃ (Sī, Ka)	116
Puñṇamāye = Puñṇamāyaṃ (Syā)	54

Nānāpāṭhā

Piṭṭhānkā

[Pa]

Puthu = Puthū (Syā)	383
Punaruttidoso = Punaruttadoso (Sī)	399
Pupphibhānaṃ kusumānaṃ = Pupphanakusumānaṃ (Sī)	57
Pupphito = Phullito (Buddhavaṃse)	56
Purimā bhikkhave -pa- anamataggova = Tasmā purimā bhikkhave -pa- anamataggova (?)	11
Puḷavā = Puḷuvā (Ka)	243
Puḷave = Puḷavehi (Syā) Puḷuvehi (Ka)	243
Pūtikā, sā = Pūtikakkasā (Syā, Ka)	425
Pūrenti = Pūrentā (Ka)	72
Pūrehi = Pūraya (Buddhavaṃse)	54
Plavamānaṃ = Uppilavamānaṃ (Sī)	313

[Pha - Ba]

Phaladānenāti = Phaladānaniyamenāti (Ka)	87
Phāṇitapācakena = Phāṇitapākeneva (Ka)	315
Bajjhantu vā = Vajjhantu vā (Sī, Syā)	136
Badarāmalakakapiṭṭhasālavādi = Badarasālavakapiṭṭhasālavādi (Ka)	357
Baddhāni = Thaddhāni (Sī)	371
Baddhaṃ = Bandhaṃ (Syā)	35
Balavavāte = Balavavāto (Ka)	370
Bahiddhā ca = Bahiddhā ceva (Sī)	271
Bāhirabhūtā = Bahibhūtā (Sī, Syā)	88
Bidalamañcakapasse = Biralamañcakapasse (Ka)	40
Bimbijālotipi = Bimbajālotipi (Ka)	67
Buddhakarā dhammā = Buddhakāradhammā (Sī, Syā)	71
Buddhabījaṃ kira = Buddhabījaṅkuro (Sī, Syā)	45
Buddhasubodhatāya = Buddhasubodhitāya (Sī, Syā)	281
Buddhotivacanaṃ = Buddhoti nāmaṃ (Ka)	42
Byāthitamānasā = Byaṭṭhitamānasā (Syā) Byadhitamānasā (Ka)	53
Byāpārappahānena = Byāpādappahānena (Sī)	237

Nānāpāṭhā

Piṭṭhaṅkā

[Bha]

Bhasmā viya = Bhasmaṃ viya (Sī, Ka)	292
Bhassetheva = Bhasseteva (Ka)	205
Bhāvappattiyā = Bhāvuppattiyā (Sī, Syā)	393
Bhātha = Bhetha (Buddhavaṃse) Bhāyatha (Syā)	53
Bhuttappaccayā na-uppajjanakavedanā = Bhuttappaccayena uppajjanakavedanā (sabbattha)	431
Bhūtapīṭhakaparibhaṇḍādīni = Bhūtapīṇḍikaparibhaṇḍādīni (Sī)	136
Bhūmaṭṭhā = Bhummaṭṭhā (Sī, Syā)	46
Bhūmantaraparicchedo = Bhummantaraparicchedo (Sī, Syā)	4
Bhedo vā bhijjatīti = Bhedopi na ca bhijjatīti (Ka)	376
Bherī = Bheri (Sī)	157
Bhojano = Bhojī (Sī)	41

[Ma]

Makulaṃ = Makuṭa (Syā)	58
Maggaṅgavibhaṅge = Maggavibhaṅge (Sī, Syā)	283
Maggaṅgavibhaṅgo = Maggavibhaṅgo (Sī, Syā)	7
Majjhe = Bhattamajjhe (Ka)	271
Mañjiṭṭha = Mañjeṭṭha (Sī)	14
Mattikavākena = Mattikavākkena (Ka)	357
Madhurodāra = Madhuroḷāra (Syā)	453
Mandathāmagatameva = Mandataragatameva (Sī)	322
Mandaṃ = Maddhaṃ (Sī, Syā)	430
Manasmim̐ = Manasi (Ka)	177
Manasā = Parassa (Sī)	133
Manussattabuddhuppāda- saddhammaṭṭhiti-ādikaṃ = Manussattabuddhuppādasammādiṭṭhi-ādikaṃ (Sī) Manussattabuddhuppādasaddhamma- savanasammādiṭṭhi-ādikaṃ (Syā)	102
Mahāgatigamiya = Mahāgatimbaya (Sī)	12
Mahānīparukkho = Mahānimbarukkho (Syā, Ka)	65

Nānāpāṭhā

Piṭṭhānkā

[Ma]

Mahāpathavīkampanāni = Mahāpathavīkampanādikāraṇāni (Ka)	75
Mahāmuni = Tadā Muni (Sī, Syā)	55
Mahāveḷurukkho = Mahāveṇurukkho (Sī)	66
Mahāsamārambhena = Mahāsambhārena (Ka)	40
Mā te bhavantvantarāyā = Mā te bhavatvantarāyo (Sī, Syā)	53
Mānusehi ca = Mānussakehi ca (Syā, Ka)	43
Mānussakā = Mānusakā (Sī)	46
Mā vokkamasi = Mā okkami hi (Sī) Mā vokkama hi (Buddhavaṃse)	51
Māluvalatāya = Māluvālatāya (Sī)	312
Migavaṃ vā = Migavadhaṃ vā (Syā, Ka)	265
Mukhullokikāti = Mukhamullokikāti (Ka)	383
Muñcanacetanaṃ = Muñcacetanaṃ (Ka)	203
Muḷālakalāpaṃ = Mūlakalāpaṃ (Syā, Ka)	58
Mūlādīhi = Mūlādīni (Sī, Ka)	7
Medinī = Medanī (Ka)	52

[Ya]

Yattha yatthāpi = Yattha yattha hi (Ka)	370
Yathā = Seyyathāpi (sabbattha)	161
Yantopamāpi = Hatthayantopamāpi (Sī)	324
Yamhi kāle = Yadā vasi (Sī, Syā)	55
Yassa = Kāyassa (sabbattha)	219
Yāthāvasabhāvaṃ = Yathāsabhāvaṃ (Sī)	171
Yvāhaṃ = Yamahaṃ (Sī)	146
Yuganaddhavasena = Yuganandhavasena (Sī, Ka)	175
Yevāpanake = Yam yam vā pana, taṃ (Sī) Yamvāpanake (Ka-Sī)	150
Yobbanassa = Yobbaññassa (Sī)	172

[Ra]

Rajatāyatananti = Ratanāyatananti (Sī, Syā)	185
Rajanīyaṃ = Rajjanīyaṃ (Ka)	117

Nānāpāṭhā

Piṭṭhānkā

[Ra]

Rattaṅkurarukkho = Rattakuravakarukkho (Sī)	
Rattaṅkuravakarukkho (Syā)	67
Ratikaraṇaṭṭhena = Ratikāraṇaṭṭhena (Syā)	192
Ravanakasakuṇānañca = Ravanasakuṇādīnañca (Sī)	57
Ruhirena = Rudhirena (Sī, Syā)	321
Rūpāvacarādivipākaṃ = Rūpāvacarārūpāvacaravipākaṃ (Ka)	327
Rūpārammaṇesupi ca = Rūpārammaṇepi ca (Sī)	149
Rūpesu = Bhūtesu (Sī, Syā)	350

[La]

Lakkhaṇa = Salakkhaṇa (Sī)	20
Laggitā = Lagitā (Sī)	384
Lambilanti = Lapilakanti (Sī)	357
Lahuṃ = Lahukaṃ (Ka)	39
Lumpati = Lupati (Syā) Luppāti (Ka)	397
Lokatthacariyāyo = Lokatthacariyāya (Sī)	72
Lokadhātuyā = Lokadhātuyo (Syā, Ka)	15
Lokuttaramaggo = Lokuttaramagge (Sī, Syā)	270
Lobhasampayutto ca = Lobhasampayuttova (Sī)	418

[Va]

Vattakālakagāme = Vattagālakagāme (Ka)	159
Vattati = Vattanti (sabbattha)	32
Vattate = Vattati (Ka)	108
Vattappaṭipatti = Vattapaṭivatta (Sī, Syā)	202
Vattapaṭipattiṃ = Vattapaṭivattaṃ (Sī, Syā)	385
Vattāvattasampattiyā = Vattasampattiyā (Sī, Syā)	71
Vatthārammaṇasaṅkhātā = Vatthārammaṇasaṅkhātō (Sī, Syā)	152
Vanakukkuṭamorādīnaṃ = Vanamorādīnaṃ (Sī)	160
Vaḷaṅjanakappavattikāle = Vaḷaṅcanappavattikāle (Sī, Ka)	332
Vātavuṭṭhiṃ viya = Vātavuṭṭhi viya (bahūsu)	225
Vādena = Vārena (Ka)	130

Nānāpāṭhā

Piṭṭhāṅkā

[Va]

Vikhāditabbanti = Vikhāyitabbanti (Ka)	366
Vicāresum = Vāresum (Sī)	313
Vicikicchānaphandanabhāvavasena = Vicikicchānabhanta- bhāvavasena (Ka)	449
Vijjulatobhāsenā = Vijjutobhāsenā (Sī, Syā)	103
Vitthātāti = Visatā vitthātāti (Sī, Syā, Ka)	396
Vitthārikam = Vitthāritam (Sī, Syā, Ka)	55
Vipallattha = Vipallatta (Ka)	295
Vippalapantānam = Vilapantānam (Ka)	128
Vimuccanaṭṭho = Adhimuccanaṭṭho (Sī)	235
Virahato = Virahito (Sī, Syā)	214
Virāgahetu ceva nirodhahetu ca = Virāgahetum ceva nirodhahetum ca (Sī)	246
Vivaṭamatte = Mukhe vivaṭamatte (Syā, Ka)	58
Visaṅkhataṃ = Visaṅkhitaṃ (Sī)	18
Visāharatīti = Visaṃharatīti (Sī)	294
Vissakammadevaputtaṃ = Visukammadevaputtaṃ (Ka)	36
Vissavitāya = Visavitāya (Sī, Syā)	153
Vīriyavinodanarasaṃ = Vīriyapanodanarasaṃ (Ka)	297
Vīriyasatīnam cattāri cattāri kiccānīti = Vīriyam sati catukiccāti (Sī)	179
Vīsabhāṇāvārasataṃ = Vīsam bhāṇāvārasataṃ (Sī)	9
Vuṭṭhānam = Uṭṭhānam (Ka)	270
Vuddhigavesana = Vaḍḍhigavesana (Sī)	274
Vuttarūpāvacarajjhānassetam = Rūpāvacarajjhānassetam (Sī)	246
Vedanāpañcaka = Vedanāpañcake (Sī, Syā)	31
Vedayati = Vedyati (Sī, Syā)	150
Vedayanti = Vedyanti (Sī)	84
Veditabbāni = Veditabbo (Sī)	101
Veramaṇī nāma = Virati veramaṇī nāma (Syā)	147
Velāyatīti = Velayatīti (Syā)	264

Nānāpāṭhā

Piṭṭhaṅkā

[Va]

Votṭhabbanavasena = Votthapane (Sī)	310
Votṭhabbanapariyosānānaṃ = Votthapanapariyosānānaṃ (Sī)	114
Vomissakatā = Gomissatā (Syā, Ka)	228

[Sa]

Saṅkuṭitena = Saṅkucitena (Sī)	407
Saṅkhārakkhandhagaṇanaṃyeva = Saṅkhārakkhandha- gahaṇaṃyeva (Sī, Syā)	380
Saṅkhārakkhandhe = Saṅkhārakkhandho (Syā, Ka)	390
Saṅkhittavitthārādhātukaṃ = Nāṭisaṅkhittavitthārādhātukaṃ (Syā, Ka)	379
Saṅkhubhitāṃ = Saṅkhubbhitāṃ (Ka)	162
Saṅkhyāṃ = Saṅkhamāṃ (Sī)	12
Sagāthāvaggo = Sagāthakavaggo (Sī, Syā)	27
Saccapaṭicchādakatamaṃ = Saccacchādakatamaṃ (Ka)	275
Sajjetvā = Yojetvā (Sī)	314
Sañjātiṭṭhānena = Sañjātaṭṭhānena (Sī)	343
Saṭṭhipi asītipi = Saṭṭhimpī asītipi (Sī)	307
Saṭṭhivassikattherā = Saṭṭhivassatherā (Sī)	57
Sadevake = Sabbadā (Buddhavaṃse)	56
Sabbe saddhammarājassa = Sabbepi dhammarājassa (Syā, Ka)	453
Santi bhikkhave mahāsamudde = Vasanti mahāsamudde (Aṃ 3. 45 piṭṭhe) Santi mahāsamudde (Vi 4. 423 piṭṭhe)	337
Santusito = Santussito (Ka)	75
Sandhaya = Sandhiyo (Syā)	360
Sannisinna = Sannipatita (Ka)	223
Sannirumbhitvā = Sanniruḷhitvā (Syā) Sannirujjhitvā (Ka)	158
Sabbadisampatimā = Sabbadīpatimā (Sī, Syā)	256
Sabbanāmā = Saccanāmā (Sī, Syā)	67
Sabhayaṭṭhāne = Sāsaṅkaṭṭhāne (Ka)	428
Sabhāvaniddesā = Bhāvaniddesā (Sī, Ka)	374
Sabhāvarasalakkhaṇe = Sabhāvarasasalakkhaṇe (Sī, Buddhavaṃse ca)	52

Nānāpāṭhā

Piṭṭhānkā

[Sa]

Sabhāvavisabhāgatāya = Sabhāgavisabhāgatāya (Sī)	238
Samaṇamuṇḍikāputto = Samaṇamuṇḍikāputto (Sī)	100
Samaṇo = Paṭhamo samaṇo (Syā, Ka)	209
Samathavasena = Samādhivasena (sabbattha)	217
Samanvesitvā = Samannesitvā (Sī, Ka)	165
Sampakkhandanalakkhaṇā ca = Pakkhandanalakkhaṇā ca (Ka)	162
Sampaṭicchitakālo = Sampaṭicchanakālo (Syā, Ka)	312
Sammaggatā = Samaggatā (Ka)	416
Samādahitvā = Samādiyitvā (Ka)	290
Sammānāvamānakkhamo = Sammānavimānakkhamo (Ka)	51
Samiñjāpetum = Sammiñjāpetum (Sī) Samañchāpetum (Ka)	124
Samiñjentassa = Sammiñjentassa (Sī) Samañchantassa (Ka)	124
Samudācārattā = Samudācarattā (Sī, Ka)	318
Saraṇakavasena = Saraṇavasena (Syā)	191
Sarīraṭṭhakassetam = Sarīraṭṭhakasseva (Syā, Ka)	374
Sarīranipphattiyā = Sarīranibbattiyā (Ka)	388
Sarena = Asanena (Sī)	205
Samosaraṇaṭṭhānaṭṭhena = Samosaraṇaṭṭhena (Ka)	185
Salākabhattasaṃghabhattādīni = Salākabhattapakkiyabhatta- saṃghabhattādīni (Sī, Syā)	122
Saham = Caham (Sī, Syā)	34
Sāgato = Sobhito (Ka)	56
Sādhāraṇaphalanipphādakattena = Sādhāraṇaphalanipphāda- kaṭṭhena (Ka)	102
Sādhu = Sādhū (?)	398
Sāraṇalakkhaṇo = Sārammaṇalakkhaṇo (Sī, Syā)	177
Sārāgapaṭipakkhato = Sārāgapaṭikkhepato (Sī, Ka)	194
Sārathi = Sārathī (Ka)	125
Sinduvāraṇavīra = Sinduvāraṇavīra (Sī)	354
Sippike = Sippake (Syā, Ka)	180
Siyā Ānanda = Siyā kho panānanda (sabbattha)	372

Nānāpāṭhā

Piṭṭhānkā

[Sa]

Sīghappavatti = Sīghappavattinī (Sī)	227
Suṭṭhitoti = Suṭṭhitanti (Sī, Syā)	256
Suttanti = Suttaṃ suttanti (Sī, Syā)	20
Sutvā = Sutvāva (Sī)	160
Suddhika-appaṇihitāya = Suddhika-appaṇihite (Sī, Ka)	269
Suyyeyya = Sūyeyya (Sī)	351
Suvaṇṇapaṭa = Suvaṇṇapaṭṭa (Ka)	57
Suvaṇṇapādukaṇca = Suvaṇṇapaṭṭakaṇca (Sī)	
Suvaṇṇapaṭṭakaṇca (Syā, Ka)	70
Suvaṇṇarasadhārābhisīcamānā = Suvaṇṇadhāranisiṅcamānā (Ka)	
Suvaṇṇarasadhārāhi siṅcamānā (Sī)	14
Susanthatassapi = Su-atthatassāpi (Sī) Susaṇṭhitassapi (Syā)	352
Susumārādayo = Sumsumārādayo (Sī, Syā)	295
Sūriyuggamaṇaṃ = Sūriyassuggamaṇaṃ (Sī)	48
Sūriye = Suriye (Sī, Syā)	15
Sūlehipi vijjhiyanto koṭṭiyantopi sattihi = Sūlehi vijjhiyantepi, koṭṭiyantepi sattihi (Sī)	73
Setambaṅgaṇe = Senambaṅgaṇe (Sī)	428
Senānigame = Senānīnigame (Sī)	77
Sesamaggaṅgānaṃ = Sesamaggānaṃ (Ka)	392
Sottiyena = Sotthiyena (sabbattha)	77
Samkiliṭṭhaṃ = Kiliṭṭhaṃ (Sī)	398
Samghaṭṭanavasena = Pasādaghāṭṭanavasena (Sī)	373
Sammusanatāti = Pamussanatāti (Syā, Ka)	433
Samyojanasambandhanena = Samyojanasamvaḍḍhanena (Sī)	91
Samvijjanaṃ = Samvejanaṃ (Syā, Ka)	96
Samśayapakkhando = Samśayapakkhanto (Sī, Syā)	98
Samśādenti = Samśārenti (Ka)	29

Nānāpāṭhā

Piṭṭhaṅkā

[Ha]

Hanati = Hanti (Ka)	126
Harīyati = Pasāriyati (Ka)	188
Hasādhippāyena = Hassādhippāyena (Sī, Syā)	142
Hetu na hetūtipi sahekukamahetukantipi = Nahetupi sahetupīti (Sī, Syā)	342
Hetū na hetūti-ādīnaṃ = Hetu nahetu-ādīnaṃ (Sī)	89

Aṭṭhasālinī-aṭṭhakathāya

Gāthāsūci

Paṭhamapādā	Piṭṭhaṅkā		Paṭhamapādā	Piṭṭhaṅkā
[A]			[A]	
Akkamitvāna maṃ Buddho	43		Avīcimhi nu-uppajjanti	72
Acetanaṃva koṭṭente	74		Asaṅkhyeyyāni nāmāni	420
Acetanāyaṃ pathavī	75		Asadisarūpo Nātho	254
Ajapālarukkhamūle	44		Asītihatthamubbedho	56
Ajjhattaṅca bahiddhā ca	270		Asucimhi maṇḍape laggo	255
Ajjhāyako mantadharo	34		Assamo sukato mayham	37
Aṭṭhadosasamākiṇṇaṃ	36		Ahaṃ tena samayena	44, 55
Atīradassī jalamajjhe	73		Ahu Kapilavhayā rammā	44
Atthaṃ pakāsayissāmi	2		[Ā]	
Atthānaṃ sūcanato	20		Ākāsaṭṭhā ca bhūmaṭṭhā	46
Atthi hehiti so maggo	34		Ābhatā pana therena	2
Attheva gambhīragataṃ			Ārammaṇaṃ karoteva	256
sudubbudhaṃ	13		Ārammaṇātikkamato	254
Adaṃsu te mamokāsaṃ	43		Āruḷho dīghanisseṇiṃ	256
Advejjhavacanā Buddhā	48		[I]	
Anākulānamatthānaṃ	453		Iti asubhāni subhaguṇo	243
Anālapanto manujena			Iti me bhāsamānassa	2, 79
kenaci	136		Ito paṭṭhāya gambhīraṃ	79
Anāsavā vitarāgā	44		Idaṃ sutvāna vacanaṃ	45
Aniṭṭhagandho pakkamati	47		Idheva tiṭṭhamānassa	383
Aniṭṭhite mamokāse	43		Imaṃ tvaṃ paṭhamaṃ tāva	48
Animittaṅca bhāvehi	267		Imaṃ tvaṃ dutiyaṃ tāva	49
Anekajātisaṃsāraṃ	18		Imaṃ tvaṃ tatiyaṃ tāva	49
Anotattadahe katvā	2		Imaṃ tvaṃ catutthaṃ tāva	50
Anovaṭṭhena udakaṃ	47		Imaṃ tvaṃ pañcamaṃ tāva	50
Apanetvā tato bhāsaṃ	2		Imaṃ tvaṃ chaṭṭhamaṃ tāva	50
Abhidhammassa saṅgayha	453			

Paṭhamapādā	Piṭṭhaṅkā	Paṭhamapādā	Piṭṭhaṅkā
[I]		[Ka]	
Imaṃ tvaṃ sattamaṃ tāva	51	Kappe ca satahasse	33
Imaṃ tvaṃ aṭṭhamaṃ tāva	51	Kammaṭṭhānāni sabbāni	2
Imaṃ tvaṃ navamaṃ tāva	52	Kammato liṅgato ceva	108
Imaṃ tvaṃ dasamaṃ tāva	52	Kammunā vattate loko	108
Imassa janikā mātā	44	Kammena kittiṃ labhate	
Iminā me adhikārena	44	pasamsaṃ	108
Ime dhamme sammasato	52	Karuṇā viya sattesu	1
[U]		Kassaci deti sāmaññaṃ	54
Ukkuṭṭhisaddā vattanti	45	Kassaci varasamāpattiyo	54
Uppajjante ca jāyante	42	Kāyena ce kataṃ kammaṃ	127
Ubbiggā tasitā bhītā	53	Kālo kho te mahāvīra	75
[E]		Kim bhavissati lokassa	53
Ekūnacattālīsāya	453	Kim me aññātaveseṇa	43
Ete satta mahāselā	337	Kim me ekena tiṇṇena	44
Ettakāyeva te loke	52	Kuṭṭā kavāṭā selā ca	48
Evaṃ kilesapariruddho	35	Kese muñcitvāhaṃ tattha	43
Evaṃ kilesabyādhihi	35	Koṭisatasahassekam	338, 9
Evaṃ kilesamaladhove	35	[Kha - Ga - Gha]	
Evaṃ pālinayeneva	243	Khandhānaṅca paṭipāṭi	11
Evaṃ me siddhipattassa	42	Khemā Uppalavaṇṇā ca	44
Evaṃ sabbaṅgasampannā	72	Garahissanti taṃ viññū	169
Evameva ayaṃ kāyo	36	Gahakāraka diṭṭhosi	18
Evameva mayaṃ sabbe	45	Ghaṭānekasahassāni	53
Evamevāhaṃ imaṃ kāyaṃ	35	[Ca]	
Evāhaṃ cintayitvāna	36	Cakkavāḷasahassemi	1
[Ka]		Caṅkamaṃ tattha māpesiṃ	36
Kathaṃ hi Bhagavā tuyhaṃ	184	Catuttimseva suttantā	25
Kadariyo pāpasaṅkappo	407	Caturāsītisahasassāni	336

Paṭhamapādā Piṭṭhaṅkā

[Ca - Ja]

Cattāri satasahassāni	55, 336
Cattāro pañca ālope	432
Campakam saralam nīpam	43
Calatā ravati pathavī	52
Cittam rūpañca nikkhepam	453
Cittavibhattirūpañca	7
Cittena nīyati loko	110
Citto ca Hatthālavako	45
Ciram tiṭṭhatu saddhammo	453
Cutī ca upapatti ca	48
Jātidhammo jarādhammo	34
Jotayitvāna saddhammam	56

[Tha - Ta]

Ṭhapetvā caturopete	26
Ṭhito catūhi etehi	255
Tam tam upādāya paññatto	101
Taṇhādutiyo puriso	396
Tato upaḍḍhupaḍḍhena	337
Tato padakkhiṇam katvā	44
Tato Mahindo iṭṭiyo	33
Tattha ṭhatvā vicintesiṃ	42
Tattha padhānam padahiṃ	36-42
Tattheva catūsu bhūmīsu	49
Tattheva tvam sabbakālam	50
Tattheva tvam sabbabhava	49, 50
Tattheva tvampi adhiṭṭhāne	51
Tattheva tvampi saccesu	51
Tattheva tvampi sabbesam	51
Tattheva tvampi sukhadukkhe	52

Paṭhamapādā Piṭṭhaṅkā

[Ta - Tha]

Tattheva tvampi hitāhite	52
Tattheva yācake disvā	49
Tathevimaṃ pūtikāyam	35
Tadā te bhojayitvāna	54
Tasmā tam aggahetvāna	2
Tassa gambhīrañāṇehi	2
Tassa pāde namassitvā	1
Tassa sammasato dhammam	53
Tārāgaṇā virocanti	47
Tāva tiṭṭhatu lokasmiṃ	454
Tikañca paṭṭhānavaram	
dukuttamam	10, 11
Tipaṇcayo janakkhandha	337
Tuṭṭhahaṭṭho pamudito	42
Tena yogena janakāyam	55
Te me puṭṭhā viyākāmsu	42
Tesam tadā saññāpesi	53
Tesu paccayasāmaggī	100
Tehi thutappasattho so	54
Thalajadakajā pupphā	46

[Da]

Dayāya tāya sattesu	1
Dasavīsasahassānam	55
Dasahi saddehi avivittam	34
Dassanam me atikkante	45
Dasasahasilokamhi	46
Dasasahassī lokadhātū	46
Daḷham paggaṇha vīriyam	48
Diṭṭhe dhamme ca yo attho	100
Dibbam candanacuṇṇaṇca	43

Paṭhamapādā	Piṭṭhāṅkā	Paṭhamapādā	Piṭṭhāṅkā
[Da - Dha]		[Na]	
Dibbaṃ mandāraṃ pupphaṃ	43	Nikāyantaraladdhīhi	2
Dibbaṃ mānusaṃ pupphaṃ	53	Nipaccakārassetassa	1
Diyaḍḍhasatasuttantā	26	Nibbutā nūna sā mātā	76
Dīpaṅkaro Lokavidū	44, 45	Nirayepi dasasahassee	47
Duvidho vinayo nāma	385	Nerañjarāya tīramhi	44
Duve puthujjanā vuttā	384		
Duve satasahasāni	336	[Pa]	
Devā dibbehi turīyehi	43	Paccantadesavisaye	42
Devā manusse passanti	43	Paccuggamanā vattanti	43
Desanāsāsanaṅkathā	21, 23	Paññāya vicinantaṃ	73
Dvāre caranti kammāni	126	Paṭhamābhisamaye Buddhō	55
Dvāsīti Buddhato gaṇhiṃ	27	Paṭṭhaddho bhavati kāyo	339
Dve-asītisahasāni	337	Pathaviyaṃ nipannassa	43
Dhammo have rakkhati		Pariyattibhedam	
dhammacāriṃ	59	sampattiṃ	21, 24, 25
		Pallaṅkā'bhujane mayham	46
[Na]		Pallaṅkena nisīditvā	45
Na antalikkhe na		Passatha imaṃ tāpasam	44
samuddamajjhe	313	Pāṭalī Simbalī jambū	337
Nagaraṃ Rammavati nāma	56	Pāpuṇantu visuddhāya	453
Nagaraṃ sabbaṅgasampannam	34	Pāricchattakamūlamhi	1
Nagare Amaravatiyā	34	Piṭakam piṭakatthavidū	21
Nandā ceva Sunandā ca	56	Puṇṇamāye yathā cando	54
Na bhavanti pariyāpannā	72	Puthūnam janānādīhi	383
Na maṃ koci uttasati	74	Puna nāradakūṭamhi	55
Navasatasahasāni	336	Purisenā ce katam kammaṃ	127
Nava suttasahasāni	26	Pūtiyo bhavati kāyo	339
Na hi dhammo adhammo ca	81		
Na hete ettakāyeva	49, 50, 52	[Ba]	
Na hoti arati sattānam	47	Bilāsaya darīsaya	47
Na honti khuddakā paṇā	72	Buddhassa vacanam sutvā	48, 53

Paṭhamapādā	Piṭṭhaṅkā	Paṭhamapādā	Piṭṭhaṅkā
[Ba]		[Ya]	
Buddhotivacanaṃ sutvāna	42	Yaṃ pattaṃ kusalaṃ tassa	453
Bodhaneyyaṃ janaṃ disvā	55	Yathā andughare puriso	49
Bodhi tassa Bhagavato	45	Yathā arīhi pariruddho	35
Brahmuttamena kathite	237	Yathā āpannasattānaṃ	48
[Bha]		Yathā uccāraṭṭhānamhi	35
Bhayaṃ tadā na bhavati	47	Yathā khittaṃ nabhe leḍḍu	48
Bhikkhāya upagataṃ disvā	72	Yathā gūthagato puriso	35
Bhikkhūnaṃ payirudāhāsi	2	Yathā nikkhantasayanassa	48
Bhūmito vuṭṭhitā yāva	338	Yathāpi uṇhe vijjante	34
[Ma]		Yathāpi udakaṃ nāma	52
Manasā ce pasannena	110	Yathāpi osadhī nāma	51
Manussattaṃ līngasampatti	71	Yathāpi kuṇapaṃ puriso	35
Manopubbaṅgamā dhammā	110	Yathāpi kumbho sampuṇṇo	49
Mahārajjāṃ hatthagataṃ	73	Yathāpi camarī vālaṃ	49
Mahāvātā na vāyanti	46	Yathāpi jajjaraṃ nāvaṃ	35
Mahāsamuddo ābhujati	46	Yathāpi dukkhe vijjante	34
Mahāhanusabhakkhandho	55	Yathāpi pathavī nāma	50, 52
Mātaraṃ pamukhaṃ katvā	1	Yathāpi pabbato selo	51
Mātā pitā na me dessā	74	Yathāpi pāpe vijjante	34
Mānussakā ca dibbā ca	46	Yathāpi puriso corehi	35
Micchādiṭṭhiṃ na sevanti	72	Yathāpi byādhitō puriso	35
Mūlato khandhato cāpi	7, 379	Yathāpi bhikkhu bhikkhanto	50
[Ya]		Yathāpi sabbasattānaṃ	48
Yaṃ ettha vuḍḍhimanto	20, 21	Yathāpi samaye patte	53
Yaṃkiñci dukkhaṃ sambhoti	190	Yathāpi siho migarājā	50
Yaṃ devadevo devānaṃ	2	Yathā manussā nadiṃ tarantā	45
Yaṃnūnimaṃ pūtikāyaṃ	34	Yathā yākāci nadiyo	54
		Yathā yekeci Sambuddhā	54
		Yathā rakkhimsu porāṇā	453
		Yathā rattikkhaye patte	48

Paṭhamapādā	Piṭṭhaṅkā	Paṭhamapādā	Piṭṭhaṅkā
[Ya]		[Va]	
Yathā vā girimāruḷho	256	Vanam chindatha mā rukkham	397
Yadā ca devabhavanamhi	55	Vāpitaṃ ropitaṃ dhaññaṃ	36, 42
Yadā have pātubhavanti dhammā	18	Vāsiyā ce kataṃ kammaṃ	127
Yadāhaṃ Tusite kāye	75	Vicittapupphā gaganā	46
Yadi Buddhassa sodhetha	42	Vicinanto tadā dakkhiṃ	48, 49, 50, 51, 52
Yadimassa Lokanāthassa	45	Vitthārikam bāhujaññaṃ	55
Yamahaṃ ajja byākāsim	53	Vimalo hoti sūriyo	47
Yamhi kāle mahāvīro	55	Vividhavisesanayattā	19, 20
Yāni sotāni lokasmiṃ	386	Visuddhācārasīlena	1
Yā pubbe bodhisattānaṃ	46	Visuddhimaggādivasā catasso	240-1
Yā Mahākassapādīhi	2	Vedajātaṃ janaṃ disvā	42
Yāvatā nirayā nāma	47	Vedayanti ca te sotthiṃ	53
Yāvatā parisā āsi	52	[Sa]	
Yāva Buddhoti nāmampi	454	Saṃsārasotaṃ chinditvā	44
Yugandharo Īsadharo	337	Saccavācaṃ anurakkhanto	74
Ye keci tena samayena	56	Sañchinno bhavati kāyo	339
Ye tatthāsuṃ Jinaputtā	45	Satayojanavitthiṇṇā	337
Yena cakkhuppasādena	345	Satasahassavassāni	56
Yogā ve jāyati bhūri	118	Satta suttasahassāni	26
Yojanānaṃ satānucco	337	Santatto bhavati kāyo	339
Yo ve kataññū katavedī dhīro	384	Saddhā hiriyaṃ kusalañca dānaṃ	207
[Ra - La]		Sannipātā tayo āsuṃ	55
Rajo nuddhamṣati uddham	47	Sabbaṃ satasahassāni	336
Rahogato nisīditvā	34	Sabbītiyo vivajjantu	53
Rāgo tadā tanu hoti	47	Sabbe devā padissanti	47
Rāhumutto yathā sūriyo	54	Samaye niddisi cittaṃ	99
Rogā tadupasammanti	47	Samavāye khaṇe kāle	99
Latā vā yadi vā rukkhā	46		

Paṭhamapādā	Piṭṭhaṅkā	Paṭhamapādā	Piṭṭhaṅkā
[Sa]		[Sa]	
Samavāyo khaṇo kālo	100	Supupphitaṃ pāvacaṇaṃ	56
Samādayitvā Buddhaguṇaṃ	53	Sumaṅgalo ca Tisso ca	56
Saraṇāgamane kañci	54	Susāne seyyaṃ kappemi	75
Sā ca iddhi so ca yaso	56	Sūciyā ce kataṃ kammaṃ	127
Sāṭakaṃ pajahiṃ tattha	36	Sūlehipi vijjhiyanto	73
Sītaṃ byapagataṃ hoti	46	Sotavekallatā natthi	72
Sukhena sukhito homi	45	[Ha]	
Suttaṃ dovāriko ca	318	Handa Buddhakare dhamme	48
Suddhāvāsesu devesu	72	Himavantassāvidūre	36
Suppaṇītatarā honti	254	Hetūti paccayo vettha	101